



BS 1990
1873





- 80 ⁷¹ / 20.

NOVUM TESTAMENTUM.

Bible. N.T. Latin. Beze. 1873

JESU CHRISTI

DOMINI NOSTRI

NOVUM TESTAMENTUM.

EX INTERPRETATIONE

THEODORI BEZÆ

IMPRESSA CANTABRIGIÆ A. D. 1642

IN OFFICINA ROGERI DANIELIS.

BEROLINI:

SUMPTIBUS SOCIETATIS BIBLIOPHILORUM
BRITANNICÆ ET EXTERNÆ.

MDCCCLXXIII.

BS1990
1873

SYLLABUS

EORUM QUÆ IN HOC VOLUMINE HABENTUR.

Evangelium secundum Matthæum	Capp. 28
Evangelium secundum Marcum	- 16
Evangelium secundum Lucam	24
Evangelium secundum Joannem	- 21
Acta Sanctorum Apostolorum	- 28
Pauli Epistola ad Romanos	- 16
Pauli Epistola ad Corinthios I.	- 16
Pauli Epistola ad Corinthios II.	- 13
Pauli Epistola ad Galatas	- 6
Pauli Epistola ad Ephesios	- 6
Pauli Epistola ad Philippenses	- 4
Pauli Epistola ad Colossenses	- 4
Pauli Epistola ad Thessalonicenses I.	- 5
Pauli Epistola ad Thessalonicenses II.	- 3
Pauli Epistola ad Timotheum I.	6
Pauli Epistola ad Timotheum II.	- 4
Pauli Epistola ad Titum	- 3
Pauli Epistola ad Philemonem	- 1
Pauli Epistola ad Hebræos	- 13
Jacobi Epistola Catholica	- 5
Petri Epistola Catholica I.	- 5
Petri Epistola Catholica II.	- 3
Joannis Epistola Catholica I.	- 5
Joannis Epistola Catholica II.	- 1
Joannis Epistola Catholica III.	- 1
Judæ Epistola Catholica	- 1
Joannis Theologi Apocalypsis	- 22

104837

'07.

97-209031

EVANGELIUM

SECUNDUM

MATTHÆUM.

- 1 LIBER generationis Jesu Christi, filii Davidis,
filii Abrahami.
- 2 Abrahamus genuit Isaacum. Isaacus autem genuit
Jacobum. Jacobus autem genuit Judam et fratres
- 3 ejus. Judas autem genuit Pharesum et Zaram
e Thamar. Pharesus autem genuit Esromum.
- 4 Esromus autem genuit Aramum. Aramus autem
genuit Aminadabum. Aminadabus autem genuit
Naassonem. Naasson autem genuit Salmonem.
- 5 Salmo vero genuit Boozum e Rachaba. Boozus autem
genuit Obedum ex Rutha. Obedus autem genuit
- 6 Jessen. Jesse vero genuit Davidem regem illum.
David autem rex ille genuit Solomonem ex
- 7 ea quæ fuerat uxor Uriæ. Solomon vero ge-
nuit Roboamum. Roboamus autem genuit Abiam.
- 8 Abias autem genuit Asam. Asas autem genuit
Josaphatum. Josaphatus autem genuit Joramum.
- 9 Joramus autem genuit Hoziam. Hozias autem
genuit Joathamum. Joathamus autem genuit
Achazum. Achazus autem genuit Ezechiam.
- 10 Ezechias autem genuit Manassen. Manasses
autem genuit Amonem. Amon autem genuit
- 11 Josiam. Josias autem genuit Jechoniam et
fratres ejus, in transportatione illa Babylonica.
- 12 Post transportationem autem illam Babylo-
nicam, Jechonias genuit Salathielem. Salathiel
- 13 autem genuit Zorobabelem. Zorobabel autem

- genuit Abiudem. Abiudes autem genuit Eliacim.
14 mum. Eliacimus autem genuit Azorem. Azor autem genuit Sadocum. Sadocus autem genuit Achimum. Achimus autem genuit Eliudem.
15 Eliudes autem genuit Eleazarum. Eleazarus autem genuit Matthanem. Matthanes autem genuit
16 Jacobum. Jacobus autem genuit Josephum, virum Mariæ, ex qua genitus est Jesus ille qui dicitur Christus.
- 17 Universæ igitur progenies ab Abrahamo usque ad Davidem, progenies quatuordecim: et a Davide usque ad transportationem Babylonicam, progenies quatuordecim: et a transportatione Babylonica usque ad Christum, progenies quatuordecim.
- 18 JESU vero Christi nativitas ita fuit: Quum enim mater ejus Maria desponsa esset Josepho, priusquam ipsi convenissent, inventa est gravida
19 esse e Spiritu Sancto. Porro Josephus vir ejus, quum esset justus, et nollet eam ignominiae exponere, voluit clam eam dimittere. Hæc autem
20 quum in animum induxisset, ecce, angelus Domini in somnio apparuit ei, dicens, Josephe, fili Davidis, ne metue accipere Mariam uxorem tuam: nam quod in ea genitum est, ex Spiritu Sancto
21 est. Pariet autem filium, et vocabis nomen ejus JESUM: ipse enim liberabit populum suum ex peccatis ipsius.
- 22 (Totum hoc autem factum est, ut impleretur
23 quod ait Dominus per prophetam, dicentem, Ecce, virgo illa erit gravida, et pariet filium, et vocabis nomen ejus Emmanuel; quod est, si interpreteris, Nobiscum Deus.)
- 24 Experrectus autem Josephus ex somno, fecit ut ei imperarat angelus Domini, et accepit uxorem suam. Sed non cognovit eam quousque
25

peperisset filium illum suum primogenitum: vocavitque nomen ejus Jesum.

2 NATO autem Jesu Bethleemæ *quæ est* Judææ, temporibus Herodis regis, ecce, magi ab oriente
2 advenerunt Hierosolymam, dicentes, Ubi est ille rex Judæorum qui natus est? vidimus enim ejus stellam in oriente, et venimus ut adoremus eum.

3 His autem auditis, Herodes rex turbatus est,
4 et tota Hierosolyma cum eo. Et congregatis omnibus primariis sacerdotibus, et scribis populi, percontatus est ab eis ubi Christus ille nasciturus
5 esset. At illi dixerunt ei, Bethleemæ *quæ est* Judææ: sic enim scriptum est per prophetam,
6 Et tu Bethleema terra Juda, nequaquam minima es inter duces Judæ: ex te enim exhibit dux qui pascet populum illum meum Israel.

7 Tum Herodes, clam vocatis magis, exquisivit
8 ab eis, quo tempore stella apparuisset. Et, eis Bethleemam dimissis, dixit, Profecti, penitus exquirite de puerulo illo: postquam autem *illum* inveneritis, denunciate mihi, ut et ego veniam et adorem eum.

9 Ipsi vero, audito rege, profecti sunt: et ecce, stella, quam viderant in oriente, præibat eis, donec venit stetitque supra *locum in* quo erat
10 puerulus ille. Visa autem stella, gavisí sunt
11 gaudio magno valde: et ingressi domum, invenerunt puerulum cum Maria matre ipsius; et prostrati adoraverunt eum: apertisque thesauris suis, obtulerunt ei munera, aurum, et thus, et
12 myrrham. Et divinitus admoniti in somnio ne reverterentur ad Herodem, per aliam viam regressi sunt in regionem suam.

13 Ipsí autem regressis, ecce, angelus Domini

- apparet in somnio Josepho, dicens, Experrectus accipe puerulum et matrem ejus, et fuge in Ægyptum; et esto illic usquedum dixero tibi: futurum est enim, ut Herodes quærat puerulum, ad eum perdendum. Ille vero experrectus accepit puerulum et matrem ejus nocte, et secessit in Ægyptum. Et fuit illic usque ad obitum Herodis; ut impleretur quod ait Dominus per prophetam, dicentem, Ex Ægypto vocavi filium meum.
- 14 Tum Herodes, quum vidisset *se* delusum fuisse a magis, excanduit valde; et missis *carnificibus* interemit omnes pueros qui erant in Bethleem, et in omni confinio ejus, a bimulis et infra, secundum tempus quod exquisierat ex magis. Tunc impletum fuit quod ait Dominus per Hieremiam prophetam, dicentem, Vox in Rhama audita est, lamentatio, et fletus, et ejulatus multus: Rachel plorans filios suos, et noluit consolationem admittere, *de eo* quod non sint.
- 17 Quum autem obiisset Herodes, ecce, angelus Domini in somnio apparet Josepho in Ægypto, dicens, Experrectus accipe puerulum et matrem ejus, et proficiscere in regionem Israelis: mortui sunt enim qui petebant animam pueruli. Ille vero experrectus accepit puerulum et matrem ipsius, et venit in regionem Israelis. Quum autem audisset Archelaum regnare in Judæa pro Herode patre eius, metuit illuc abire: verum divinitus admonitus in somnio, secessit in partes Galilææ. Et quum eo venisset, habitavit in urbe quæ dicitur Nazareth: ut impleretur quod dictum est per prophetas, Fore ut Nazaraeus vocaretur.
- 3 TEMPORIBUS autem illis adfuit Joannes Baptista, prædicans in deserto Judææ, dicensque,
- 2

Resipiscite; appropinquavit enim regnum cœlorum.

3 Nam hic est ille de quo dictum est per Esaiam prophetam, dicentem, Vox vociferantis in deserto, Parate viam Domini, complanate calles ejus.

4 Ipse vero Joannes habebat indumentum suum e pilis camelinis, et zonam coriaceam circum lumbos suos: alimentum autem ejus erat locustæ et mel agreste.

5 Tunc exivit ad eum Hierosolyma, et tota Judæa, totaque regio circumjacens Jordani, et baptizabantur ab eo in Jordane, confitentes peccata sua.

7 Quum vidisset autem multos ex Pharisæis et Sadducæis venientes ad baptismum suum, dixit eis: Progenies viperarum, quis vobis præmonstravit ut fugeritis a futura ira? Ferte igitur fructus convenientes resipiscentiæ: et ne putate vobis dicendum apud vos ipsos, Patrem habemus Abrahamum: dico enim vobis, Deum posse etiam ex lapidibus istis excitare liberos Abrahamo. Jam vero etiam securis ad radicem arborum posita est. Omnis igitur arbor non ferens fructum bonum, exciditur, et in ignem abjicitur. Ego quidem baptizo vos aqua ad resipiscentiam; is vero qui pone me venit, validior me est, cujus non sum dignus qui soleas portem; ipse vos baptizabit Spiritu Sancto et igne. Cujus ventilabrum est in manu sua, et qui perpurgabit aream suam: et congregabit triticum suum in horreum, paleam autem exuret igni inextincto.

13 TUNC advenit Jesus a Galilæa ad Jordanem, ad Joannem, ut baptizaretur ab eo. At Joannes obnixè prohibebat eum, dicens, Necesse habeo ut a te baptizer, et tu venis ad me? Respondens autem Jesus dixit ad eum, Omitte *me* nunc:

ita enim decet nos implere omnem justitiam.
Tunc omittit eum.

16 Et baptizatus Jesus ascendit statim ex aqua;
et ecce, aperti sunt ei cœli, et vidit Spiritum
Dei descendentem quasi columbam, et venientem
17 super ipsum. Et ecce, vox *adfuit* e cœlis,
dicens, Hic est Filius ille meus, dilectus ille, in
quo acquiesco.

4 TUNC Jesus subductus fuit in desertum a
Spiritu, ut tentaretur a diabolo.

2 Et quum jejunasset dies quadraginta et noctes
3 quadraginta, postea esuriit. Et quum venisset
ad eum tentator, dixit, Si Filius es Dei, dic ut
4 isti lapides panes fiant. At ille respondens,
dixit, Scriptum est, Non solo pane vivet homo,
sed ex quovis verbo prodeunte per os Dei.

5 Tunc assumit eum diabolus in sanctam urbem,
6 et statuit eum super pinnas templi: dicitque ei,
Si Filius es Dei, deice te ipsum deorsum; nam
scriptum est, Angelis suis praecepit de te, et
ipsi attollent te in manus, nequando offendas
7 ad lapidem pedem tuum. Dixit ei Jesus, Vicis-
sim scriptum est, Non tentabis Dominum Deum
tuum.

8 Rursum assumit eum diabolus in montem
sublimem valde, et ostendit ei omnia regna
9 mundi, et gloriam eorum: dicitque ei, Hæc
omnia tibi dabo, si prostratus adoraveris me.
10 Tunc dicit ei Jesus, Abi, Satana; scriptum est
enim, Dominum Deum tuum adorabis, et illum
solum coles.

11 Tunc missum fecit eum diabolus; et ecce, angeli
accesserunt, et ministrabant ei.

12 QUUM audisset autem Jesus Joannem traditum
13 esse *in custodiam*, regressus est in Galilæam: et de-
relicta Nazareth, venit et habitavit in Capernaum

14 *urbe* maritima, in finibus Zabulon et Nephthalim:
ut impleretur quod dictum est per Esaiam prophe-
15 tam, dicentem, Terra Zabulon, et terra
Nephthalim, *ad* viam maris secus Jor-
16 danem, Galilæa gentium: populus posi-
tus in tenebris vidit lucem magnam: et
positis in regione et umbra mortis lux
exorta est.

17 EX eo tempore cœpit Jesus prædicare, et
dicere, Resipiscite; appropinquavit enim regnum
cœlorum.

18 Ambulans autem Jesus ad mare Galilææ, vidit
duos fratres, Simonem, qui dictus est Petrus, et
Andream fratrem ejus, jacentes rete in mare:
19 (erant enim piscatores:) et dicit eis, Sequimini
20 me, et faciam vos piscatores hominum. Illi vero
statim, omissis retibus, secuti sunt eum.

21 Tunc progressus illinc, vidit alios duos fra-
tres, Jacobum filium Zebedæi, et Joannem fra-
trem ejus, in navigio cum Zebedæo patre suo,
22 sarcientes retia sua; et vocavit eos. Illi autem
statim omisso navigio et patre suo secuti sunt
eum.

23 OBIVIT autem totam Galilæam Jesus, docens in
synagogis ipsorum, et prædicans evangelium
regni, et sanans quemvis morbum et quemvis
24 languorem in populo. Et emanavit fama
ipsius in totam Syriam; et obtulerunt ei omnes
male affectos, variis morbis et cruciatibus de-
tentos, et dæmoniacos, et lunaticos, et paraly-
25 ticos; sanavitque eos. Et secuta est eum turba
multa a Galilæa, ac Decapoli, et Hieròsolymis,
et Judæa, et *regionibus* trans Jordanem *sitis*.

5 QUUM vidisset autem turbam, ascendit in mon-
tem; et quum consedisset, adierunt eum discipuli
2 ejus. Tunc aperto ore suo docebat eos, dicens,

- 3 Beati pauperes spiritu: quoniam ipsorum est regnum cœlorum.
- 4 Beati qui lugent: quoniam ipsi solamen recipient.
- 5 Beati qui sunt mites: quoniam ipsi terram hæreditario jure obtinebunt.
- 6 Beati qui esuriunt et sitiunt justitiam: quoniam ipsi saturabuntur.
- 7 Beati qui sunt misericordes: quoniam ipsis misericordia tribuetur.
- 8 Beati qui sunt mundi corde: quoniam ipsi Deum videbunt.
- 9 Beati qui sunt pacifici: quoniam ipsi filii Dei vocabuntur.
- 10 Beati quos persequuntur *homines* justitiæ causa: quoniam ipsorum est regnum cœlorum.
- 11 Beati eritis quum vos convitiis affecerint, et persecuti fuerint, et mentientes dixerint quidvis
- 12 mali adversus vos, propter me. Gaudete et exultate; quoniam merces vestra multa est in cœlis: ita enim persecuti sunt prophetas qui *fuerunt* ante vos.
- 13 Vos estis sal terræ. Quod si sal infatuatus fuerit, quo salietur? ad nihil valet amplius, nisi ut abjiciatur foras, et conculcetur a quibusvis.
- 14 Vos estis lux mundi. Non potest urbs occultari supra montem posita. Neque accendunt lucernam, et ponunt eam subter modium, sed in candelabrum; et splendet omnibus qui sunt in
- 16 domo. Ita splendeat lux vestra coram hominibus, ut videant vestra bona opera, glorificentque Patrem illum vestrum qui *est* in cœlis.
- 17 Ne existimate me venisse ut dissolvam legem, aut prophetas: non veni ut *eam* dissolvam, sed
- 18 ut *eam* impleam. Amen quippe dico vobis, Usquedum præterierit cœlum et terra, iota unum

aut unus apex nequaquam præterierit ex lege,
19 usquedum omnia facta fuerint. Quisquis igitur
solverit unum ex præceptis hisce minimis, et ita
docuerit homines, minimus vocabitur in regno
cœlorum: quisquis autem fecerit et docuerit, iste
20 magnus vocabitur in regno cœlorum. Dico enim
vobis, Nisi abundaverit vestra justitia amplius quam
illa scribarum et Pharisæorum, vos nequaquam
ingressuros in regnum cœlorum.

21 Audistis dictum fuisse a veteribus, Non oc-
cides: quisquis autem occiderit, damnas erit ju-
22 dicii. Ego vero dico vobis, Quicumque irascitur fra-
tri suo temere, damnas erit judicii: quicumque
vero dixerit fratri suo, *Rāca*, damnas erit con-
sensus: quisquis autem dixerit, *Fatue*, damnas
23 erit gehennæ ignis. Igitur, si munus tuum obtuleris
ad altare, et illic memineris fratrem tuum habere
24 aliquid contra te; relinque illic munus tuum ante
altare, et abi; primum reconciliator fratri tuo, et
25 tunc veni et offer munus tuum. Compone cum
adversario tuo cito, dum es in via cum eo: ne-
quando te tradat adversarius judici, et judex
te tradat ministro, et in custodia conjiciaris.
26 Amen dico tibi, Nequaquam exhibis illinc, us-
quedum reddideris ultimum quadrantem.

27 Audistis dictum fuisse a veteribus, Non mœcha-
28 beris. Ego vero dico vobis, Quicumque aspicit
mulierem, ut eam concupiscat, jam adulteravit
29 eam in corde suo. Quod si oculus tuus dexter
facit ut tu offendas, erue eum, et abjice abs te:
expedit enim tibi ut pereat unum ex membris
tuis, ac non totum corpus tuum conjiciatur in
30 gehennam. Et, si dextera tua manus facit ut
tu offendas, excinde eam, et abjice abs te:
expedit enim tibi ut pereat unum ex membris tuis,
ac non totum corpus tuum conjiciatur in gehennam.

31 Dictum est autem, Quisquis dimiserit uxorem
32 suam, det ei libellum abscessionis. Ego vero
dico vobis, Quisquis dimiserit uxorem suam, extra
rationem scortationis, facit ut ea mœchetur: et
quisquis dimissam duxerit, mœchatur.

33 Rursum audistis dictum fuisse a veteribus, Non
pejerabis, sed reddes Domino quæ tu juraveris.

34 Ego vero dico vobis, Ne jurate omnino: neque
35 per cœlum, quia thronus Dei est: neque per
terram, quia scabellum est pedum ejus; neque
per Hierosolyma, quia urbs est magni regis.

36 Neque per caput tuum jureſ, quia non potes
37 unum capillum album aut nigrum facere. Esto
autem sermo vester, Etiam, etiam, Non, non: quod
autem supra hæc redundat, ab illo improbo emanat.

38 Audistis dictum fuisse, Oculum pro oculo, et
39 dentem pro dente. Ego vero dico vobis, Ne
obsistite improbo; sed qui te cædet in dexteram
40 tuam maxillam, obverte ei et alteram: et ei qui
velit tecum contendere, ac tunicam tuam capere,
41 dimitte illi etiam pallium: et quisquis te anga-
42 riabit *ad* milliare unum, abi cum eo duo. Pe-
tenti abs te dato: et volentem mutuari abs te,
ne aversator.

43 Audistis dictum fuisse, Diliges proximum tuum,
44 et odio habebis inimicum tuum. Ego vero dico
vobis, Diligite inimicos vestros, benedicite iis
qui exsecrantur vos, benefacite iis qui oderunt
vos, et orate pro iis qui vobis sunt infensi,
45 et persequuntur vos: ut sitis filii Patris illius
vestri qui est in cœlis: facit enim ut sol suos
exoriat super improbos ac bonos, et pluit super
46 justos et injustos. Nam si dilexeritis eos qui
diligunt vos, quam mercedem habebitis? nonne
47 et publicani idem faciunt? Et si complexi fueritis
fratres vestros solum, quid amplius facitis? nonne

48 et publicani ita faciunt? Estote igitur vos perfecti, ut Pater vester ille, qui est in cœlis, perfectus est.

6 Attendite ne justitiam vestram exerceatis coram hominibus, ut spectemini ab eis: alioqui mercedem non habebitis apud Patrem vestrum qui *est* in
2 cœlis. Itaque quum præstabis eleemosynam, ne curato buccina cani coram te, sicut hypocritæ faciunt in synagogis et in plateis, ut gloriam consequantur ab hominibus: amen dico vobis,
3 Perceptam habent mercedem suam. Quum vero tu das eleemosynam, ne noverit sinistra tua
4 quid faciat dextera tua; ut sit tua eleemosyna in occulto: Pater autem tuus, qui *te* aspicit in occulto, reddet tibi in propatulo.

5 Et quum orabis, ne esto ut hypocritæ; amant enim in conventibus et in angulis platearum stantes orare, ut appareant hominibus: amen, dico vobis, Perceptam habent mercedem suam.

6 Tu vero quum orabis, introito in conclave tuum; et clauso ostio tuo, ora Patrem tuum in occulto; et Pater tuus, qui *te* aspicit in occulto, reddet tibi in propatulo.

7 Orantes autem ne eadem blaterate, ut Ethnici; putant enim fore ut sua illa loquacitate exaudiantur. Ne igitur ipsis assimilamini: novit enim
8 Pater ille vester quibus sit vobis opus, antequam vos petatis ab eo.

9 Vos igitur ita orate: PATER noster, qui *es*
10 in cœlis, sanctificetur nomen tuum. Adveniat regnum tuum; fiat voluntas tua, ut in cœlo,
11 *ita* etiam in terra. Panem nostrum quotidianum
12 da nobis hodie. Et remitte nobis debita nostra, sicut et nos remittimus debitoribus nostris. Et
13 ne nos inducas in tentationem, sed libera nos ab illo improbo. Quia tuum est regnum, et potentia, et gloria, in secula. Amen.

- 14 Nam si remiseritis hominibus ipsorum offensas,
15 remittet etiam vobis Pater ille vester cœlestis: sin
autem non remiseritis hominibus ipsorum offensas,
nec Pater vester remittet vobis offensas vestras.
- 16 Quum autem jejunatis, ne estote, ut hypocri-
tæ, tetrico vultu: deformant enim facies suas,
ut appareant hominibus jejunare: amen dico
17 vobis, Retulerunt mercedem suam. Tu vero,
quum jejunas, unge caput tuum, et faciem tuam
18 lava; ut ne appareas hominibus jejunare, sed
Patri tuo, qui *est* in occulto; et Pater tuus, qui
te aspicit in occulto, reddet tibi in propatulo.
- 19 Ne thesauros recondite in terra, ubi tinea et
erosio corrumpit, et ubi fures perfodiunt ac
20 furantur. Sed recondite vobis thesauros in cœlo,
ubi neque tinea neque erosio corrumpit, et ubi
21 fures non perfodiunt, neque furantur. Nam ubi
est thesaurus vester, illic erit etiam cor vestrum.
- 22 Lucerna corporis est oculus: itaque si oculus tuus
simplex fuerit, totum corpus tuum lucidum erit;
23 sin autem oculus tuus improbus fuerit, totum corpus
tuum tenebrosum erit. Ergo si lumen, quod est
24 in te, tenebræ sunt, ipsæ tenebræ quantæ? Nemo
potest duobus dominis servire; aut enim unum
habebit odio, et alterum diliget; aut uni ad-
hærebit, et alterum contemnet. Non potestis
Deo servire et mammonæ.
- 25 Propterea dico vobis, Ne estote solliciti de
anima vestra, quid esuri sitis, aut quid bibituri;
neque de corpore vestro, qua re sitis induendi.
Nonne anima plus est quam alimentum, et corpus
26 quam indumentum? Intuemini in volucres cœli;
non enim serunt, neque metunt, neque cogunt in
horrea; sed Pater ille vester cœlestis alit eas:
27 nonne vos multo præstatis eis? Quis autem ex
vobis solícite cogitando potest apponere ad

28 staturam suam cubitum unum? Ac de indumento
quid solliciti estis? discite quomodo lilia agrorum
29 augeantur: non fatigantur, neque nent. Sed dico
vobis, Ne Solomon quidem cum universa gloria
30 sua sic amictus fuit ut unum ex istis. Quod si
herbam agri, quæ hodie exstat, et cras in cli-
banum immittitur, Deus ita circumvestit; nonne
31 vos multo magis, o exigua fide præditi? Ne
igitur estote solliciti, dicentes, Quid edemus, aut
32 quid bibemus, aut quo amiciemur? (nam omnia
ista gentes requirunt:) novit enim Pater ille
33 vester cœlestis vos indigere his omnibus. Sed
quærite primo regnum Dei, et justitiam ejus; et
34 ista omnia adjicientur vobis. Ne igitur estote
solliciti de crastino: nam crastinus *dies* sollicitus
erit de *rebus* suis: sufficit diei suum malum.

7 Ne judicate, ut ne judicemini. ² Quo enim
judicio judicatis, *eo* judicabimini: et qua mensura
3 metimini, *eadem* contra metientur vobis. Quid
autem adspicis festucam quæ est in oculo fratris
tui; trabem vero quæ est in oculo tuo non ani-
4 madvertis? aut quomodo dices fratri tuo, Sine
ejiciam festucam ex oculo tuo; et ecce trabes
5 in oculo tuo? hypocrita, ejice primum trabem
illam ex oculo tuo, et tum dispicies ut ejicias
festucam ex oculo fratris tui.

6 Ne date *quod* sanctum *est* canibus, nec pro-
jicite margaritas vestras coram porcis; nequando
conculcent eas pedibus suis, et conversi lacerent
vos.

7 Petite, et dabitur vobis: quærite, et invenietis:
8 pulsate, et aperietur vobis. Quisquis enim petit,
accipit: et qui quærit, invenit: et ei qui pulsat,
9 aperietur. Nam quis est ex vobis homo, qui, si
filius ejus petierit ab eo panem, det ei lapidem?
10 et, si piscem petierit, num serpentem dabit ei?

- 11 Si vos igitur, qui improbi estis, nostis dona bona dare liberis vestris, quanto magis Pater ille vester, qui est in cœlis, dabit bona iis qui petierint ab ipso?
- 12 Quæcunque igitur volueritis ut faciant vobis homines, ita et vos facite eis: ista enim est lex et prophetæ.
- 13 Introite per angustam portam: quoniam lata *est* porta, et spatiosa via, quæ abducit in exitum, multique sunt qui introeunt per eam. Quia angusta *est* porta, et stricta via, quæ ducit ad vitam; et pauci sunt qui inveniant eam.
- 15 Cavete vero vobis a pseudoprophetis, qui veniunt ad vos cum indumentis ovium, sed intrinsecus sunt lupi rapaces. A fructibus eorum agnoscetis eos. Num colligunt ex spinis uvam, aut ex tribulis ficus? Ita omnis arbor bona fert fructus bonos; putris autem arbor fert fructus putres. Non potest arbor bona fructus malos edere, neque arbor mala fructus bonos edere.
- 19 Quæcunque arbor non fert fructum bonum, exciditur, et in ignem conjicitur. Nempe igitur ex fructibus ipsorum agnoscetis eos.
- 21 Non quisquis dicit mihi, Domine, Domine, introibit in regnum cœlorum; sed qui facit quod vult Pater meus, qui in cœlis est. Multi dicent mihi die illo, Domine, Domine, nonne *per* nomen tuum prophetavimus, et in nomine tuo dæmonia ejecimus, et *per* nomen tuum multas virtutes edidimus? Tunc autem profitebor eis, Certe nunquam novi vos; abscedite a me qui operam datis iniquitati.
- 24 Quisquis igitur audit ex me sermones istos, et eos præstat, assimilabo eum viro prudenti, qui ædificavit domum suam super petram: decidit autem nimbus, et venerunt flumina, et flaverunt
- 25

venti, et inciderunt domui illi: sed non cecidit,
26 fundata enim fuerat super petram. Et quisquis
audit ex me hos sermones, et eos non præstat,
assimilabitur viro fatuo, qui ædificavit domum
27 suam super arenam: descendit autem pluvia,
et venerunt flumina, et flaverunt venti, et im-
pegerunt in domum illam; et cecidit, et fuit ca-
sus ejus magnus.

28 FACTUM est autem, quum finisset Jesus ser-
mones istos, ut percelleretur turba super doc-
29 trina ipsius. Docebat enim eos ut habens auctori-
tatem, non autem ut scribæ.

8 DESCENDENTEM autem eum e monte, se-
cuta est turba multa.

2 Et ecce, leprosus venit et adoravit eum, di-
cens, Domine, si velis, potes me purificare.

3 Extensaque manu tetigit eum Jesus, dicens, Volo,
purificator. Statim igitur purificata fuit ejus

4 lepra. Tunc dicit ei Jesus, Vide *ut* nulli dicas:
sed abi, ostende te sacerdoti, et offer donum
illud quod imperavit Moses, *ut hoc sit* eis testi-
monio.

5 INGRESSUM autem Jesum Capernaumam

6 adiit centurio, precans eum, et dicens, Domine,
puer meus projectus est domi paralyticus, et

7 vehementer torquetur. Tunc dicit ei Jesus, Ego
veniam et sanabo eum.

8 Et respondens centurio dixit, Domine, non
sum dignus ut sub tectum meum ingrediaris;
sed solum loquere, et sanabitur puer meus:

9 etenim ego sum homo sub *alterius* auctoritate
constitutus, habens sub me milites: et dico huic,
Proficiscere, et proficiscitur; et alteri, Veni, et
venit; et servo meo, Fac hoc, et facit.

10 Hæc autem quum audisset Jesus, miratus est;
et dixit iis qui sequebantur, Amen dico vobis,

- 11 Ne in Israel quidem tantam fidem inveni. Dico autem vobis, Multos ab oriente et occidente venturos, et discubituros cum Abrahamo, et
12 Isaaco, et Jacobo, in regno cœlorum: filios vero regni ejectum iri in tenebras illas extimas:
13 illic erit fletus, et stridor dentium. Et dixit Jesus centurioni, Abi; et, ut credidisti, fiat tibi. Sanatusque est puer ejus eo ipso momento.
- 14 ET quum venisset Jesus domum Petri, vidit socrum ejus in lecto projectam, et febricitantem.
15 Tetigitque manum ejus, et dimisit eam febris: et surrexit, ac ministravit eis.
- 16 Quum autem serum *dici* esset, obtulerunt ei dæmoniacos multos: et eiecit spiritus verbo,
17 omnesque male affectos sanavit: ut impleretur quod dictum est per Esaiam prophetam, dicentem, Ipse infirmitates nostras accepit, ac morbos portavit.
- 18 QUUM vidisset autem Jesus turbam multam circum sese, jussit ut abiretur in ulteriorem *ripam*.
- 19 Et quum accessisset quidam scriba, dixit ei,
20 Magister, sequar te quocunque abieris. Tunc dicit ei Jesus, Vulpes habent lustra, et volucres cœli nidos; Filius autem hominis non habet ubi caput reclinet.
- 21 Alius autem ex discipulis dixit ei, Domine, permitte mihi primum abire, et sepelire patrem
22 meum. Jesus autem dixit ei, Sequere me, et sine ut mortui sepeliant mortuos suos.
- 23 Et quum ipse esset ingressus navigium, secuti
24 sunt eum discipuli ejus. Et ecce, succussio magna facta est in mari, adeo ut navis operi-
25 retur fluctibus; ipse vero dormiebat. Et accedentes discipuli excitaverunt eum, dicentes, Do-
26 mine, serva nos, perimus. *Ips*e vero dixit eis,

Quid formidolosi estis, exigua fide præditi? Tunc
experrectus objurgavit ventos et mare; et facta
27 est tranquillitas magna. Homines autem illi
mirati sunt, dicentes, Qualis est iste, quod venti
quoque et mare auscultant ei?

28 ET quum venisset ipse ad ulteriorem ripam,
in regionem Gergesenorum, occurrerunt ei duo
dæmoniacy, e monumentis prodeuntes, sævi valde,
adeo ut non valeret quisquam præterire per
29 viam illam. Et ecce, clamarunt, dicentes, Quid
nobis *rei est* tecum, Jesu, Fili Dei? venisti huc
ut torqueres nos ante constitutum tempus?

30 Erat autem longe ab eis grex porcorum mul-
31 torum pascens. Dæmones vero precabantur eum,
dicentes, Si ejicis nos, permitte nobis abire in
32 gregem porcorum illorum. Et ait eis, Abite.
Illi vero egressi abierunt in illum gregem por-
corum: et ecce, ruit totus ille grex porcorum e
præcipitio in mare, et mortui sunt in aquis.

33 Pastores autem fugerunt: et quum abiissent
in urbem, renunciarunt omnia, et quæ dæmonia-
34 cis facta fuerant. Et ecce, tota urbs illa exivit
in occursum Jesu; et quum vidissent eum, ro-
garunt ut digrederetur a finibus ipsorum.

9 INGRESSUS igitur navigium, trajecit, et ve-
nit in suam urbem.

2 Et ecce, obtulerunt ei paralyticum in lecto
projectum; quumque vidisset Jesus fidem eorum,
dixit paralytico, Confide, fili, remissa sunt tibi
peccata tua.

3 Et ecce, quidam e scribis dicebant apud se,
Iste blasphemat.

4 Et quum vidisset Jesus cogitationes eorum,
dixit, Quid cogitatis mala in cordibus vestris?

5 Utrum enim est facilius, dicere, Remissa sunt
6 tibi peccata, an dicere, Surge et ambula? Ut

autem sciatis auctoritatem habere Filium hominis in terra remittendi peccata, (tunc dicit paralytico,) Surge, attolle tuum lectum, et abi domum tuam.

7 Tunc *ille* surrexit, abiitque domum suam.

8 Turba vero quum *hoc* vidisset, mirata est, et glorificavit Deum, qui dedisset talem auctoritatem hominibus.

9 ET progrediens Jesus illinc, vidit quendam sedentem ad telonium, qui Matthæus dicebatur, et dixit ei, Sequere me. Et *is* surgens secutus est eum.

10 Et ecce, factum est, quum Jesus accumberet domi *illius*, ut multi publicani et peccatores, qui venerant, simul accumberent cum Jesu et discipulis ejus. Quum autem *id* vidissent Pharisei, dixerunt discipulis ejus, Quare cum publicanis et peccatoribus edit Magister ille vester?

12 Jesus autem quum *hoc* audisset, dixit eis, Iis qui valent non est opus medico, sed iis qui male *se* habent. Ite vero et discite quid sit, Miserationem volo, et non sacrificium: non enim veni vocatum justos, sed peccatores ad resipiscentiam.

14 TUNC adeunt eum discipuli Joannis, dicentes, Quare nos et Pharisei multum jejunamus, discipuli vero tui non jejunant?

15 Et dixit eis Jesus, Num possunt filii thalami lugere, quamdiu cum eis est sponsus? Aderunt autem dies, quum tolletur ab eis sponsus, et tunc jejunabunt. Nullus autem indit panniculum novum in vestimentum vetus; illud enim ipsius supplementum tollit *aliquid* ex illo vestimento, et fit pejor fissura. Neque injiciunt vinum novum in utres veteres: alioqui rumpuntur utres, et vinum effunditur, et utres pereunt: sed injiciunt vinum novum in utres recentes, et utraque conservantur.

- 18 HÆC eo loquente ipsis, ecce, quidam præfectus *synagogæ* venit, et adoravit eum, dicens, Filia mea modo obiit: sed veni, et impone manum
19 tuam super eam, et vivet. Tunc surgens Jesus secutus est eum, et discipuli ejus.
- 20 (Et ecce, mulier sanguinis profluvio laborans a duodecim annis, accedens a tergo, tetigit fibriam vestimenti illius. Dicebat enim apud se, Si solum tetigero vestimentum ejus, liberabor.
21 Jesus vero conversus, et intuitus eam, dixit, Confide, filia; fides tua te liberavit. Et liberata fuit mulier ab eo momento.)
- 22 Et quum venisset Jesus domum præfecti *synagogæ*, vidissetque tibicines et turbam tumultuantem, dicit eis, Secedite; non enim mortua est puella, sed dormit. Et deridebant eum.
23 Quum autem fuisset ejecta turba, ingressus apprehendit manum ejus; et surrexit adolescentula.
24 Et exiit hæc fama in totam illam regionem.
- 25 ET progressum illinc Jesum secuti sunt duo cæci, clamantes, et dicentes, Miserere nostri,
26 Fili David. Quum autem venisset domum, adierunt eum cæci illi, et dicit eis Jesus, Creditis me hoc posse facere? Dicunt ei, Etiam, Domine.
27 Tunc tetigit oculos eorum, dicens, Secundum fidem vestram fiat vobis. Et aperti sunt oculi eorum: et graviter interminatus est eis Jesus,
28 dicens, Videte nemo sciat. At illi egressi sparserunt ejus famam in tota illa regione.
- 29 Ipsis autem egredientibus, ecce, obtulerunt ei
30 hominem mutum, dæmoniacum. Et ejecto dæmonio, locutus est mutus: et mirata est turba, dicens, Nunquam apparuit tale quidpiam in Israel.
31 Pharisei vero dicebant, Per principem dæmoniorum ejicit dæmonia.
- 32 ET peragrabat Jesus urbes omnes ac vicos,

docens in synagogis eorum, et prædicans evangelium regni, et sanans quemvis morbum, et quemvis languorem in populo.

36 Quum vidisset autem turbam, commiseratione
intima commotus est super eis, quod essent dissipati et disjecti quasi oves non habentes pastorem.
37 Tunc dicit discipulis suis, Ipsa quidem
38 messis multa, operarii autem pauci. Deprecamini igitur Dominum messis, ut emittat operarios in messem suam.

10 TUNC advocatis duodecim discipulis suis, dedit eis auctoritatem adversus spiritus impuros, ut ejicerent eos, et sanarent quemvis morbum et quemvis languorem.

2 Porro duodecim apostolorum nomina sunt hæc: Primus, Simon qui dicitur Petrus, et Andreas frater ejus; Jacobus *filius* Zebedæi, et Joannes
3 frater ejus; Philippus, et Bartholomæus; Thomas, et Matthæus ille publicanus; Jacobus *filius* Alphæi, et Lebbæus cognominatus Thaddæus; Si-
4 mon Cananites, et Judas Iscariotes, qui etiam prodidit eum.

5 Hos duodecim misit Jesus, et addidit eis mandata, dicens, In viam gentium ne abieritis, et in
6 urbem Samaritanorum ne ingrediamini: sed proficiscimini potius ad oves perditas domus Is-
7 rael. Iter facientes vero proclamate, dicentes,
8 Appropinquavit regnum cœlorum. Infirmos cuate, leprosos purificate, mortuos suscite, dæ-
9 monia ejicite; dono accepistis, dono date. Ne comparate aurum, neque argentum, neque æs in
10 zonis vestris: neque peram ad iter, neque binas tunicas, neque soleas, neque baculum: nam dignus est operarius alimento suo.

11 In quamcunque vero urbem aut vicum introieritis, exquirite quis in ea sit dignus: et illic

- 12 manete usquedum exeatis. Introeuntes autem
13 domum, salutate eam. Et si quidem fuerit domus digna, venito pax vestra super eam: sin autem non fuerit digna, pax vestra ad vos re-
14 vertitor. Et quicumque non exceperit vos, neque audierit sermones vestros, exeuntes domo aut urbe illa, excutite pulverem pedum vestrorum.
15 Amen dico vobis, Tolerabilior erit conditio terræ Sodomorum et Gomorrhæorum in die iudicii, quam urbis illius.
- 16 Ecce, ego mitto vos ut oves in medium luporum: estote igitur prudentes ut serpentes, et
17 simplices ut columbæ. Cavete vero ab hominibus: tradent enim vos in consessus, et in conventibus suis flagellabunt vos. Sed et ad præ-
18 sides ac reges ducemini mea causa, *ut hoc sit* eis et gentibus testimonium.
- 19 Sed quum tradent vos, ne estote solliciti quomodo aut quid loquamini: dabitur enim vobis
20 illo momento quod loquamini. Non enim vos estis qui loquimini, sed Spiritus Patris vestri *is est* qui loquitur in vobis.
- 21 Tradet autem frater fratrem ad mortem, et pater filium: et insurgent liberi in parentes, et
22 morte mulctandos eos curabunt. Et eritis exosi omnibus propter nomen meum: verum qui sub-
stititerit ad finem usque, is servabitur.
- 23 Quum autem persequentur vos in ea urbe, fugite in aliam. Amen enim dico vobis, Nequaquam obieritis urbes Israelis, quin venerit Filius hominis.
- 24 Non est discipulus supra magistrum, neque
25 servus supra dominum suum. Sufficiat discipulo ut fiat sicut magister ipsius, et servo *ut sit* sicut dominus ipsius. Si ipsum patremfamilias Beelzebulem vocarunt, quanto magis domesticos ejus?

- 26 Itaque ne ipsos metuite: nihil enim est opertum,
quod non detegatur; et *nihil* occultum, quod
non innotescat.
- 27 Quod dico vobis in tenebris, dicite in luce:
et quod in aurem auditis, prædicate in solariis.
- 28 Et ne metuite *vobis* ab iis qui trucidant cor-
pus, animam autem non possunt trucidare: sed
metuite potius eum qui potest et animam et cor-
29 pus perdere in gehenna. Nonne duo passerculi
assario veneunt? et unus ex eis non cadet in
30 terram sine Patre vestro. Vestri vero etiam ca-
31 pilli capitis omnes numerati sunt. Ne igitur
metuite: multis passerculis præstatis vos.
- 32 Quisquis igitur agnoscet me coram hominibus,
agnoscam et ego eum coram Patre meo qui est
33 in cœlis: quisquis autem abnegaverit me coram
hominibus, abnegabo eum et ego coram Patre
meo qui est in cœlis.
- 34 Ne existimate me venisse immissurum pacem
in terram: non veni immissurus pacem, sed gla-
35 dium. Nam veni facturus ut dissideat filius a
patre suo, et filia a matre sua, et nurus a socru
36 sua. Et inimici hominis *erant qui sunt* dome-
37 stici sui. Qui amat patrem aut matrem supra
me, non est me dignus: et qui amat filium aut
38 filiam supra me, non est me dignus. Et qui
non accipit crucem suam, ac pone me sequitur,
39 non est me dignus. Qui invenerit animam suam,
perdet eam: et qui perdidit animam suam
mea causa, inveniet eam.
- 40 Qui recipit vos, me recipit; et qui me recipit,
41 recipit eum qui misit me. Qui recipit prophe-
tam nomine prophætæ, mercedem prophetæ acci-
piet: et qui recipit justum nomine justī, merce-
42 dem justī accipiet. Et quicumque potum dederit
uni ex his parvis poculum frigidæ solum, nomine

discipuli, amen dico vobis, non perdiderit mercedem suam.

11 ET factum est, quum finem fecisset Jesus præcipiendi duodecim discipulis suis, ut digressus illinc doceret, et prædicaret in urbibus eorum.

2 JOANNES autem, quum audisset in vinculis opera Christi, missis duobus ex discipulis suis,
3 dixit ei, Tunc is es qui venturus eras, an alium expectabimus?

4 Et respondens Jesus dixit eis, Ite et enunciate
5 Joanni quæ auditis et conspiciatis: cæci visum recipiunt, et claudi ambulant, leprosi purificantur, et surdi audiunt, mortui suscitantur, et pauperibus evangelizatur: et beatus est qui non fuerit
6 offensus in me.

7 Illis autem abeuntibus, cœpit Jesus dicere turbæ de Joanne, Quid existiis in desertum
8 spectaturi? arundinem a vento agitatam? Sed quid existiis visuri? hominem mollibus vestibus amictum? ecce, qui gerunt molles vestes, in domibus regum sunt. Sed quid existiis visuri? prophetam? certe dico vobis, etiam amplius quam
9 prophetam. Iste enim est de quo scriptum est, Ecce, ego mitto nuncium meum ante faciem tuam, qui apparabit viam tuam coram te. Amen dico vobis, Non est suscitatus
10 inter genitos e mulieribus quisquam major Joanne Baptista: sed qui est minimus in regno cœlorum,
11 major eo est. Porro a diebus Joannis Baptistæ usque nunc, regno cœlorum vis affertur, et violenti rapiunt illud. Nam omnes prophetæ et ipsa
12 lex usque ad Joannem prophetarunt. Et, si vultis hoc recipere, ipse est Elias ille, qui venturus
13 erat. Qui habet aures ad audiendum, audiat.
14 Sed cui assimilabo gentem istam? Similis est

puerulis qui sedent in foris, et acclamant sodalibus suis, ac dicunt, Tibiis cecinimus vobis, et non saltastis: lamentati sumus vobis, et non planxistis. Venit enim Joannes nec edens nec bibens, et aiunt, Dæmonium habet. Venit Filius hominis edens ac bibens, et dicunt, Ecce homo edax et vini potor, publicanorum amicus et peccatorum. Sed justificata est sapientia a filiis suis.

20 Tunc cœpit cum exprobratione arguere civitates in quibus editæ fuerant plurimæ virtutes ipsius, 21 quod non resipuissent, *dicens*, Væ tibi, Chorazin; væ tibi, Bethsaidan: nam si Tyri et Sidoni editæ fuissent virtutes quæ editæ sunt apud vos, olim cum sacco et cinere *sedentes* resipuissent. 22 Quinetiam dico vobis, Tyro et Sidoni tolerabilior erit conditio in die judicii quam vestra. 23 Et tu, Capernaum, quæ es usque ad cælum sublata, usque ad inferos deprimeris: nam si Sodomis editæ fuissent virtutes quæ editæ sunt apud 24 te, mansissent usque ad hodiernum diem. Quinetiam dico vobis, Terræ Sodomorum tolerabilior erit conditio in die judicii quam tua.

25 Illo autem ipso temporis momento respondens Jesus dixit, Gloriam tibi tribuo, Pater, Domine cœli et terræ, quod hæc occultaveris a sapientibus et intelligentibus, et ea detexeris infantibus. 26 Etiam, Pater, quia ita libuit apud te. 27 Omnia mihi tradita sunt a Patre meo: et nemo novit Filium nisi Pater; neque Patrem quisquam novit nisi Filius, et cuicunque voluerit Filius *eum* retegere.

28 Venite ad me omnes qui fatigati estis et onerati, et ego faciam ut requiescatis. Attollite jugum meum in vos, et discite a me, quod lenis sim et summissus corde: et invenietis requiem

30 animabus vestris. Jugum enim meum facile est, et onus meum leve est.

12 EO *vero* tempore ibat Jesus sabbato per sata: discipuli vero ipsius esuriebant, cœperuntque
2 vellere spicas et edere. Pharisei vero, quum *hoc* vidissent, dixerunt ei, Ecce, discipuli tui faciunt quod non licet facere sabbato.

3 Ipse autem dixit eis, Non legistis quid fecerit David, quum esuriret ipse, et qui erant cum eo?
4 quomodo introierit domum Dei, et panes proposititios ederet, quibus vesci non erat ipsi licitum, neque iis qui cum eo erant, sed sacerdotibus solis? Aut non legistis in lege, sabbatis sacerdotes in templo sabbatum profanare, et in
5 culpabiles esse? Dico autem vobis, *Quendam*
6 templo majorem hic esse. Quod si nossetis quid sit, Misericordiam volo, et non sacrificium, non
7 condemnassetis inculpabiles. Nam Dominus est etiam sabbati Filius hominis.

9 ET digressus illinc, venit in synagogam eorum.
10 Et ecce, quidam *illic* erat manum habens aridam: et interrogarunt eum dicentes, Licetne sabbatis *quempiam* sanare? ut accusarent eum.

11 Ipse vero dixit eis, Quis erit ex vobis qui habeat ovem unam, et, si ea inciderit sabbato in
12 foveam, non apprehendat eam et erigat? Quantum autem homo præstat ovi? Itaque licet sabbatis benefacere.

13 Tunc dicit homini illi, Protende manum tuam. Et *is* extendit; estque restituta sana ut altera.

14 Pharisei vero egressi ceperunt consilium ad-
15 versus eum; ut eum perderent. Jesus autem quum *hoc* nosset, secessit illinc, secutaque est
16 eum turba multa, sanavitque eos omnes. Et interminatus est eis ne se manifestum facerent.
17 Ut impleretur quod dictum erat per Esaiam

18 prophetam, dicentem, Ecce servus ille meus,
quem elegi; dilectus ille meus, in quo
acquiescit anima mea: ponam Spiritum
meum super eum, et iudicium gentibus
19 annuntiabit. Non litigabit, neque cla-
mitabit, neque audiet quisquam in pla-
20 teis vocem ejus. Arundinem quassatam
non confringet, et linum fumigans non
extinguet, usquedum protulerit ad victo-
21 riam iudicium. Et in ejus nomine gentes
sperabunt.

22 TUNC oblatus est ei dæmoniacus cæcus et mutus:
et sanavit eum, adeo ut qui cæcus ac mutus *fuerat*,
23 et loqueretur et videret. Et obstupuit tota turba,
dicebatque, Nonne iste est filius ille Davidis?

24 Pharisei vero, quum *hæc* audissent, dicebant,
Iste non ejicit dæmonia nisi per Beelzebulem
principem dæmoniorum.

25 Jesus autem, quum sciret cogitationes eorum,
dixit eis, Omne regnum dissidens adversus sese
vastatur: et omnis urbs aut domus dissidens
26 adversus seipsam, non stabit. Sed si Satanas
Satanam ejicit, adversus seipsum dissidet: quo-
27 modo ergo stabit regnum ejus? et, si ego per
Beelzebulem ejicio dæmonia, filii vestri per quem
28 ejiciunt? propterea ipsi erunt vestri iudices. Sin
autem per Spiritum Dei ego ejicio dæmonia,
nempe antevergens venit ad vos regnum Dei.
29 Nam quomodo potest aliquis ingredi domum
validi *alicujus*, et vasa ejus diripere, nisi primo
vinxerit validum illum; et tunc domum illius
30 diripiet. Qui non est mecum, adversum me est:
31 et qui non congregat mecum, spargit. Propterea
dico vobis, Quodvis peccatum et blasphemia
remittetur hominibus: blasphemia vero in Spiri-
32 tum non remittetur hominibus. Et quisquis lo-

cutus fuerit adversus Filium hominis, remittetur ei; quisquis autem fuerit locutus adversus Spiritum Sanctum, non remittetur ei neque in hoc
33 seculo, neque in futuro. Aut facite arborem bonam, et fructum ejus bonum; aut facite arborem putrem, et fructum ejus putrem: nam e
34 fructu arbor cognoscitur. Progenies viperarum, quomodo possitis bona loqui, quum sitis improbi?
35 nam ex exundantia cordis os loquitur. Bonus homo e bono thesauro cordis profert bona: et malus homo ex malo thesauro profert mala.
36 Sed dico vobis, Quodcunque verbum otiosum locuti fuerint homines, de eo reddituros rationem
37 in die judicii. Ex sermonibus enim tuis justificaberis, et ex sermonibus tuis condemnaberis.
38 TUNC responderunt quidam e Scribis ac Pharisæis, dicentes, Magister, velimus ex te signum videre.
39 Ipse vero respondens dixit eis, Gens improba et adulterina signum requirit, sed signum non da-
40 bitur ei, nisi signum illud Jonæ prophetæ. Sicut enim fuit Jonas in ventre ceti tres dies et tres
41 tres dies et tres noctes. Ninevitæ resurgent in judicio cum gente ista, et condemnabunt eam: quod ipsi resipuerint ad præconium Jonæ; et
42 ecce, plus quam Jonas *est* in hoc loco. Regina Austri surget in judicio cum gente ista, et condemnabit eam: quod venerit ab ultimis terris, ut audiret sapientiam Solomonis; et ecce, plus quam
43 Solomon *est* in hoc loco. Cæterum quum impurus spiritus exierit a quopiam, transit per arida
44 loca, quærens requiem, et non invenit. Tunc dicit, Revertar domum meam, unde exivi. Et quum venit, invenit *eam* vacantem, versam, et
45 ornatam. Tunc abit et accipit secum septem alios spiritus improbiores quam ipse *sit*, et ingressi

habitant illic; fitque ultima conditio hominis illius deterior priore. Ita etiam erit genti isti improbæ.

46 QUUM autem adhuc loqueretur turbæ, ecce, mater et fratres ejus adstiterunt foris, quærentes
47 ejus colloquium. Dixit autem ei quidam, Ecce, mater tua et fratres tui foris adstant, quærentes tuum colloquium:

48 Ipse vero respondens dixit illi qui *hoc* ei dixerat, Quæ est mater mea, et qui sunt fratres
49 mei? Et protensa manu sua in discipulos suos, 50 dixit, Ecce mater mea, et fratres mei: quisquis enim fecerit quod vult Pater ille meus qui est in cœlis, is est meus frater, et soror, et mater.

13 ILLO vero die egressus Jesus domo, sedit apud
2 mare. Et congregata est ad eum turba multa, adeo ut navigium ingressus sederet: tota autem turba in littore adstabat.

3 Et locutus est eis multa per parabolas, dicens,
4 Ecce, *quidam* sator exiit ad serendum. Et quum is seminaret, alia quidem ceciderunt secundum
5 viam; et venerunt volucres, et excederunt ea.
6 Alia vero ceciderunt in petrosa, ubi non habebant terram multam; et statim exorta sunt, propterea quod non habebant profundam terram:
7 sole autem exorto, ardore tacta sunt, et propterea quod non habebant radicem, exaruerunt.
8 Alia vero ceciderunt in spinas; et ascenderunt spinæ, et suffocarunt ea. Alia vero ceciderunt in terram bonam; et ediderunt fructum, aliud quidem centena, aliud vero sexagena, aliud vero
9 tricena. Qui habet aures ad audiendum, audiat.
10 TUNC accedentes discipuli dixerunt ei, Quare per parabolas loqueris eis?

11 Ipse vero respondens dixit eis, Quia vobis datum est nosse mysteria regni cœlorum, illis
12 autem non est datum. Quisquis enim habet dabi-

tur ei, et amplius habebit; quisquis autem non
13 habet, etiam quod habet tolletur ab eo. Pro-
pterea per parabolas loquor eis; quia conspicientes
non vident, et audientes non audiunt, nec intelli-
14 gunt. Itaque completur in ipsis prophetia Esaïæ,
quæ dicit, Auditum audietis, et non intel-
ligetis; et conspicientes conspicietis, et
15 non videbitis. Crassum factum est enim
cor populi hujus, et auribus graviter au-
dierunt, et oculis suis cōnniverunt: ne
quando cernant oculis, et auribus audi-
ant, et corde intelligant, et se conver-
16 tant, et sanem eos. Vestri vero beati sunt
oculi, quod videant; et aures vestræ, quod au-
17 diant. Amen enim dico vobis, Multi prophetæ
et justi desiderarunt conspicerere quæ conspici-
tis, et non conspexerunt; et audire quæ auditis, et
non audierunt.

18 Vos igitur audite parabolam ejus qui seminat.
19 Quoties quispiam audit sermonem de regno illo,
et non attendit, venit ille Improbus, et rapit
quod satum est in corde ipsius; is est qui se-
20 cundum viam semen excepit. Qui vero in pe-
trosa semen excepit, is est qui sermonem audit,
21 et eum statim cum gaudio excipit: non habet
autem radicem in sese, sed temporarius est;
ortaque afflictione vel persecutione propter ser-
22 monem, statim offenditur. Qui vero in spinas
semen excepit, is est qui sermonem audit: sed
solicitude seculi hujus, et seductio divitiarum
23 suffocat sermonem, qui sit fructus expers. Qui
vero in terram bonam excepit semen, is est qui
sermonem audit, et intelligentiam intendit: qui
videlicet fructum fert, editque, alius quidem cen-
tena, alius sexagena, alius vero tricena.

24 ALIAM parabolam proposuit eis, dicens, Simile

est regnum cœlorum homini serenti bonum semen
25 in agro suo. Quum autem dormirent homines,
venit ejus inimicus, et sevit zizania inter tri-
26 ticum, et abiit. Quum vero germinasset herba,
et fructum edidisset, tunc apparuerunt etiam zi-
27 zania. Accedentes autem servi patrisfamilias,
dixerunt ei, Domine, nonne bonum semen sevisti
28 in tuo agro? unde ergo habet zizania? Ille vero
dixit eis, Inimicus quispiam hoc fecit. Servi
autem dixerunt ei, Vis igitur abeamus et colli-
29 gamus ea? At ille dixit, Non: ne colligendo
30 zizania, eradicetis simul cum eis triticum. Sinite
utraque simul crescere usque ad messem: et
præstituto tempore messis dicam messoribus,
Colligite primum zizania, et ligate ea in fasci-
culos, ad exurendum ea; triticum vero congre-
gate in horreum meum.

31 Aliam parabolam proposuit eis, dicens, Simile
est regnum cœlorum grano sinapis, quod acce-
32 ptum quispiam sevit in agro suo: quod minimum
quidem est omnium seminum: quum autem ex-
creverit, maximum est olerum, et arborescit;
adeo ut veniant volucres cœli et nidulentur in
ramis ipsius.

33 Aliam parabolam locutus est eis, *dicens*, Si-
mile est regnum cœlorum fermento, quod acce-
ptum mulier condidit in farinæ sata tria, usquequo
fermentaretur tota.

34 Hæc omnia locutus est Jesus per parabolas
ad turbam; et absque parabola nihil locutus est
35 eis: ut compleretur quod dictum fuit per pro-
phetam, dicentem, Aperiam per parabolas
os meum: eructabo occultata a jacto fun-
damento mundi.

36 TUNC dimissa turba venit domum Jesus, et

adierunt eum discipuli ejus, dicentes, Edissere nobis parabolam zizaniorum agri illius.

37 Ipse vero respondens dixit eis, Qui seminat
38 bonum semen est Filius hominis: ager autem
est mundus: bonum vero semen sunt filii regni:
39 zizania vero sunt filii illius Improbi: inimicus
autem, qui seminavit ea, est diabolus: messis
vero consummatio seculi est: messorum autem
40 angeli sunt. Sicut ergo colliguntur zizania, et
igni exuruntur: ita erit in consummatione seculi
41 hujus. Mittet Filius hominis angelos suos, qui
colligent ex ipsius regno omnia offendicula, et
42 eos qui dant operam iniquitati; projicientque eos
in fornacem ignis; illic erit fletus stridorque
43 dentium. Tunc justi fulgebunt ut sol in regno
Patris sui. Qui habet aures ad audiendum,
audiat.

44 Rursus, simile est regnum cœlorum thesauro
occultato in agro: quem inventum quispiam oc-
culuit, et præ gaudio quod accipit ex eo, sub-
ducit sese, et omnia quæ habet vendit, emitque
agrum illum.

45 Rursus, simile est regnum cœlorum cuiquam
46 negotiatori, quærenti pulchras margaritas: qui
inventa quadam magni pretii margarita, abiit, et
venundedit omnia quæ habebat, et emit eam.

47 Rursum, simile est regnum cœlorum sagenæ
jactæ in mare, et quæ res cujusvis generis con-
48 gregavit. Quam impletam *piscatores* subduxerunt
in littus: et sedentes collegerunt quæ bona erant
49 in vasa; quæ vero putria, extra abjecerunt. Ita
erit in consummatione seculi: prodibunt angeli,
50 et separabunt improbos e medio justorum; pro-
jicientque eos in caminum ignis: illic erit fletus
et stridor dentium.

51 Dicit eis Jesus, Intellexistis hæc omnia? Di-

52 cunt ei, Etiam, Domine. Ipse vero dixit eis, Propterea omnis scribe edoctus in regno cœlorum, similis est cuipiam patrifamilias, qui profert e thesauro suo nova et vetera.

53 Et factum est, quum finivisset Jesus parabolas istas, ut solveret illinc.

54 ET quum venisset in patriam suam, docuit eos in synagoga eorum; *adeo* ut percellerentur, ac dicerent, Unde huic sapientia ista et virtutes?

55 nonne iste est ille fabri filius? nonne mater ejus dicitur Maria, et fratres ejus Jacobus, et

56 Joses, et Simon, et Judas? et sorores ejus nonne omnes apud nos sunt? unde igitur isti

57 hæc omnia? Et offendebantur in eo.

Jesus autem dixit eis, Non est propheta in-
58 honoratus nisi in patria sua et domo sua. Neque edidit illic virtutes multas, propter incredulitatem eorum.

14 ILLO tempore audivit Herodes tetrarcha fa-
2 mam *de* Jesu: et dixit pueris suis, Iste est Joannes ille Baptista; ipse suscitatus est a mortuis, et propterea virtutes agunt in eo.

3 Nam Herodes prehensum Joannem vinxerat, et posuerat in carcerem, propter Herodiadem

4 uxorem Philippi fratris sui. Dicebat enim ei

5 Joannes, Non licet tibi eam habere. Et quum cuperet eum interimere, metuebat turbam, quod

6 eum haberent ut prophetam. Quum autem agerentur natalitia Herodis, saltaverat filia Hero-

7 diadis in medio; et placuerat Herodi. Unde cum jurejurando spononderat *se* daturum ei

8 quicquid petiisset. Illa vero producta a matre sua, Da mihi, inquit, hic in patina caput Jo-

9 annis Baptistæ. Et tristitia affectus fuerat rex: sed propter jusjurandum, et eos qui simul accum-

10 bebant, jusserat dari. Et misso *carnifice* de-

11 collaverat Joannem in carcere. Et allatum fuerat caput ejus in patina, datumque puellæ; et
12 *ipsa* obtulerat *illud* matri suæ. Et accedentes discipuli ejus sustulerant corpus, et sepelierant illud; et venientes renunciaverant Jesu.

13 *HÆC* igitur quum audisset Jesus, secessit illinc navigio in desertum locum privatim; et quum *hoc* audisset turba, pedibus secuta est eum ab
14 urbibus. Et egressus Jesus vidit multam turbam; et intima commiseratione commotus est erga eos, sanavitque male valentes eorum.

15 QUUM autem serum diei esset, adierunt eum discipuli ejus, dicentes, Desertus est locus, et tempus jam præteriit; dimitte turbam, ut abeant in vicos et emant sibi escas.

16 Jesus autem dixit eis, Non est illis necesse abire; date eis vos quod edant.

17 Ipsi vero dicunt ei, Non habemus hic nisi quinque panes et duos pisces.

18 Ipse autem dixit, Adferte mihi eos huc.

19 Et jussa turba per herbas discumbere, acceptis quinque illis panibus ac duobus piscibus, suspiciens in cœlum benedixit: et quum fregisset,
20 dedit discipulis panes, discipuli vero turbæ. Et comederunt omnes, et saturati sunt: sustuleruntque quod superfuerat fragmentorum, duodecim
21 cophinos plenos. Qui autem ederant fuere viri quasi quinquies mille, absque mulieribus ac puerulis.

22 ET statim adegit Jesus discipulos suos inscendere in navigium, et præire sibi in ripam alteram,
23 dum dimitteret turbam. Dimissa igitur turba, ascendit in montem privatim, ad orandum: quum autem serum diei esset, solus erat illic.

24 Navigium vero jam erat in medio mari, vexatum a fluctibus: nam ventus erat contrarius.

25 Quarta autem noctis vigilia abiit ad eos Jesus,
26 ambulans super mare. Et eo viso super mare
ambulante, discipuli turbati sunt, dicentes, Spec-
27 trum est: et præ metu clamarunt. Sed statim
locutus est eis Jesus, dicens, Considite: ego sum;
ne metuite.

28 Respondens autem ei Petrus dixit, Domine,
si tu es, jube me ad te venire super aquas.
29 Ipse vero dixit, Veni. Et quum descendisset e
navigio Petrus, ambulavit super aquas, ut veniret
30 ad Jesum. Conspiciens autem ventum validum,
metuit: et quum cœpisset demergi, clamavit,
31 dicens, Domine, salva me. Statim vero Jesus,
extenta manu, apprehendit eum, dicitque ei,
Exigua fide prædite, quid dubitasti?

32 Et quum ipsi essent ingressi navigium, pacatus
33 fuit ventus. Qui autem erant in navigio, veni-
entes adoraverunt eum, dicentes, Vere Dei Fi-
lius es.

34 ET quum trajecissent, venerunt in terram Gen-
35 nesaret. Et quum agnovissent eum viri loci
illius, miserunt in totam circumjacentem illam
regionem; et obtulerunt ei omnes male affectos:
36 et precabantur eum, ut solum tangerent fimbriam
pallii ipsius: et quotquot tetigerunt, liberati sunt.

15 TUNC quidam *qui Hierosolymis advenerant*
scribæ et Pharisei, adierunt Jesum, dicentes,
2 Quare discipuli tui transgrediuntur traditionem
seniorum? non enim lavant manus suas, quum
edunt panem.

3 At ille respondens dixit eis, Quare et vos
transgredimini præceptum Dei per traditionem
4 vestram? Nam Deus præcepit, dicens, Honora
patrem tuum et matrem; et, Qui maledixerit
5 patri aut matri, morte moriatur. Vos autem
dicitis, Quicumque dixerit patri aut matri, Donum

- est* quocunque a me juvari posses, *insons erit*;
6 et nequaquam honoraverit patrem suum aut ma-
7 trem suam. Et irritum fecistis præceptum Dei
8 per traditionem vestram. Hypocritæ, bene de
vobis prophetavit Esaias, dicens, Appropinquat
mihi populus hic ore suo, et labiis me
9 honorat: cor autem eorum procul distat
a me. Sed frustra me colunt, docentes
doctrinas *quæ sunt* præcepta hominum.
10 Et advocata turba dixit eis, Audite, et intel-
11 ligite. Non quod ingreditur in os, polluit ho-
minem: sed quod egreditur ex ore, hoc polluit
hominem.
12 Tunc accedentes discipuli ejus dixerunt ei,
Nosti Pharisæos audito isto sermone offensos
fuisse?
13 Ipse vero respondens dixit, Omnis planta,
quam non plantavit Pater ille meus cœlestis,
14 eradicabitur. Omittite illos; sunt viæ duces cæci
cæcorum: quod si cæcus cæcum per viam duxerit,
ambo in foveam cadent.
15 **RESPONDENS** autem Petrus dixit ei, Edissere
nobis parabolam istam.
16 Jesus autem dixit, Adhuc et vos intelligentia
17 caretis? nondum perpenditis, quicquid ingreditur
in os, in ventrem cedere, et in latrinam ejici?
18 quæ autem proficiscuntur ex ore, ex ipso corde
19 egrediuntur, et illa polluant hominem. Nam ex
corde egrediuntur cogitationes improbæ, cædes,
adulteria; scortationes, furta, falsa testimonia,
20 maledicta. Hæc sunt quæ polluant hominem:
illotis autem manibus edere, non polluit hominem.
21 **ET** egressus illinc Jesus secessit in partes
Tyri et Sidonis.
22 Et ecce, mulier Chananæa a finibus illis egressa,
clamitavit, dicens ei, Miserere mei, Domine, Fili

- 23 Davidis! filia mea male a dæmonio vexatur. Ille vero non respondit ei quicquam. Tunc accedentes discipuli ejus rogarunt eum, dicentes, Dimitte eam; nam clamat post nos.
- 24 Ipse vero respondens dixit, Non sum missus nisi ad oves perditas domus Israel.
- 25 Illa autem venit et adoravit eum, dicens, Domine, succurre mihi!
- 26 Ipse vero respondens dixit, Non est bonum accipere panem liberorum, et objicere catellis.
- 27 Ipsa autem dixit, Etiam, Domine: etenim catelli edunt ex micis, quæ cadunt e mensa dominorum suorum.
- 28 Tunc respondens Jesus dixit ei, O mulier, magna *est* fides tua: fiat tibi ut vis. Et sanata fuit filia ejus ab eo momento.
- 29 ET digressus illinc Jesus venit ad mare Galilææ: et quum ascendisset in montem, sedit illic.
- 30 Tunc venit ad eum turba multa, habens secum claudos, cæcos, mutos, mancos, et alios multos, et abjecerunt eos ad pedes Jesu: et sanavit eos:
- 31 *adeo* ut turba mirata sit, conspicientes mutos loquentes, mancos sanos, claudos ambulantes, cæcos videntes; et glorificarunt Deum Israelis.
- 32 JESUS autem advocatis discipulis suis dixit, Commoveor misericordia erga turbam; quia jam triduum permanent apud me, et non habent quod edant: et dimittere eos jejunos nolo, ne viribus deficiant in via.
- 33 Tunc dicunt ei discipuli ejus, Unde nobis in deserto tot panes ut saturemus turbam tantam?
- 34 Dicit igitur eis Jesus, Quot panes habetis? Illi autem dixerunt, Septem, et paucos pisciculos.
- 35 Tunc jussit turbam discumbere humi. ³⁶ Et acceptos septem illos panes ac pisces, quum gratias egisset, fregit, deditque discipulis suis; di-

37 scipuli vero turbæ. Comederuntque omnes, et saturati sunt: et sustulerunt quod superfuerat
38 fragmentorum septem sportas plenas. Erant autem qui comederant quater mille viri, absque mulieribus et puerulis.

39 TUNC dimissa turba inscendit in navigium, venitque in fines Magdala.

16 Et quum accessissent Pharisæi et Sadducæi, tentantes, rogarunt eum ut signum e cœlo ipsis ostenderet.

2 Ipse vero respondens dixit eis, Quando serum est diei, dicitis, *Serenitas erit*; rubet enim cœ-
3 lum. Et mane, *Hodie erit* tempestas; rubet enim cœlum triste. Hypocritæ, faciem quidem cœli nostis discernere, signa vero temporum
4 illorum non potestis? Gens improba et adulterina signum requirit: sed signum non dabitur ei, nisi signum illud Jonæ prophetæ. Et derelictis ipsis abiit.

5 ET quum venissent discipuli ejus in ulteriorem ripam, obliti fuerant sumere panes.

6 Jesus autem dixit eis, Videte et cavete a fermento Pharisæorum et Sadducæorum.

7 Ipsi vero disceptabant inter se, dicentes, Panes non sumpsimus.

8 *Id* autem quum nosset Jesus, dixit eis, Quid disceptatis inter vos, exigua fide præditi, quod
9 panes non sumpsistis? nondum perpenditis, neque memoria repetitis quinque illos panes *illorum* quinquies millium, et quot cophinos acceperitis?

10 neque septem illos panes quater mille *hominum*, et quot sportas acceperitis? quomodo non animadvertitis me non dixisse vobis de pane, ut caveretis a fermento Pharisæorum et Sadducæorum?

12 Tunc intellexerunt eum non dixisse, ut cave-

rent a fermento panis, sed a *fermento* doctrinæ Pharisæorum et Sadducæorum.

13 QUUM venisset autem Jesus in partes Cæsareæ *quæ dicitur* Philippi, interrogavit discipulos suos, dicens, Quemnam esse me dicunt homines Filium hominis?

14 Illi vero dixerunt, Alii quidem, Joannem Baptistam; alii vero, Eliam; alii vero, Jeremiam, aut unum ex prophetis.

15 Dicit eis, Vos autem quem me dicitis esse?

16 Respondens vero Simon Petrus dixit, Tu es Christus, ille Filius Dei viventis.

17 Tunc respondens Jesus dixit ei, Beatus es, Simon Bar-Jona: quia caro et sanguis *hoc* non detexit tibi, sed Pater meus qui est in cœlis.

18 Sed et ego tibi dico, Tu es Petrus, et super hanc petram ædificabo meam ecclesiam: et portæ inferorum non superabunt eam. Et tibi dabo claves regni cœlorum: et quicquid ligaveris in terra, erit ligatum in cœlis; et quicquid solveris in terra, erit solutum in cœlis.

20 Tunc interdixit discipulis suis, ut nemini dicerent se esse Jesum illum Christum.

21 Ex eo tempore cœpit Jesus indicare discipulis suis, oportere se abire Hierosolymam, et multa pati a senioribus et primariis sacerdotibus, et scribis, et interimi, et tertio die suscitari.

22 Et prehensum eum Petrus cœpit objurgare, dicens, Propitius tibi esto, Domine; nequaquam erit tibi istud.

23 At ille sese convertens dixit Petro, Abscede a me, Satana; offendiculo es mihi: nam non sapis quæ *sunt* Dei, sed quæ *sunt* hominum.

24 Tunc Jesus dixit discipulis suis, Si quis vult pone me venire, abdicet semetipsum, et attolat crucem suam, ac sequatur me. Quisquis enim

voluerit animam suam servare, perdet eam: quis-
quis autem perdiderit animam suam mea causa,
26 inveniet eam. Quid enim prodest cuipiam si
totum mundum lucratus fuerit, anima vero sua
mulctetur? aut quam dabit quispiam compen-
27 sationem animæ suæ? Futurum est enim, ut Fi-
lius hominis veniat cum gloria Patris sui, cum
angelis suis: et tunc reddet unicuique secundum
28 facta ipsius. Amen dico vobis, Sunt quidam ex
his qui hic adstant, qui nequaquam gustabunt
mortem, usquedum viderint Filium hominis ve-
nientem in regnum suum.

17 SEXTO vero post die assumit Jesus Petrum,
ac Jacobum, et Joannem fratrem ejus, et sub-
2 ducit eos privatim in montem sublimem. Trans-
formatusque est coram eis: et fulsit facies ejus
ut sol: vestimenta autem ejus facta sunt alba ut
3 lux. Et, ecce, conspecti sunt eis Moses et
4 Elias, cum eo colloquentes. Respondens autem
Petrus dixit Jesu, Domine, bonum est nos hic
esse: si vis, faciamus hic tria tabernacula, tibi
unum, et Mosi unum, et Eliæ unum.

5 Adhuc eo loquente, ecce, nubes lucida inum-
bravit eos: et, ecce, vox e nube, dicens, Hic
est Filius ille meus dilectus, ille in quo acqui-
esco: ipsum audite.

6 Et quum hæc audissent discipuli, ceciderunt in
7 faciem suam, et metuerunt vehementer. Tunc
accedens Jesus tetigit eos, dixitque, Surgite, et
8 ne metuite. Sublatis autem oculis suis neminem
viderunt, nisi Jesum solum.

9 Et quum descenderent de monte, præcepit eis
Jesus, dicens, Nemini dixeritis quod vidistis,
usquequo Filius hominis a mortuis resurgat.

10 TUNC interrogaverunt eum discipuli sui, dicen-

tes, Quid igitur scribæ dicunt, oportere ut Elias primum veniat?

11 Jesus autem respondens dixit eis, Elias quidem
12 veniet primum, et restituet omnia: sed dico vobis, Eliam jam venisse, quem non agnoverunt, sed fecerunt ei quæcunque voluerunt; ita futurum est, ut et Filius hominis patiatur ab eis.

13 Tunc intellexerunt discipuli *eum* de Joanne Baptista *hæc* ipsis dixisse.

14 ET quum venissent ad turbam, adiit eum quidam,
15 procidens ei ad genua, et dicens, Domine, miserere filii mei, quoniam lunaticus est, et male afficitur: nam sæpe cadit in ignem, et
16 sæpe in aquam. Et obtuli eum discipulis tuis, nec potuerunt eum sanare.

17 Respondens autem Jesus dixit, Gens incredula et perversa, quousque tandem ero vobiscum? quousque tandem sufferam vos? adducite mihi
18 eum huc. Et increpavit dæmonium Jesus; exiitque illud ab eo; et sanatus est puer ab illo momento.

19 TUNC adeuntes discipuli Jesum privatim, dixerunt, Quare nos non potuimus illud ejicere?

20 Jesus autem dixit eis, Propter incredulitatem vestram: amen quippe dico vobis, Si habeatis fidem quantum *est* granum sinapi, dicetis huic monti, Transgreditor hinc illuc; et transgredietur:
21 et nihil impossibile vobis erit. Hoc vero genus *dæmoniorum* non egreditur nisi oratione et jejunio.

22 VERSANTIBUS autem ipsis in Galilæa, dixit eis Jesus, Futurum est ut Filius hominis tradatur in
23 manus hominum; et interimant eum, sed tertio die suscitabitur. Et *discipuli* affecti fuerunt tristitia vehementer.

24 QUUM autem venissent Capernaum, venerunt

ad Petrum qui didrachma accipiunt, dixeruntque,
 25 Magister vester non solvit didrachma? Dicit, Etiam.

Et quum ingressus fuisset domum, prævenit
 eum Jesus, dicens, Quid tibi videtur, Simon?
 Reges terræ a quibus accipiunt tributa sive
 26 census? a filiis suis, an ab alienis? Dicit ei
 Petrus, Ab alienis. Ait ei Jesus, Nempe
 27 igitur liberi sunt filii. Sed ne offendiculo simus
 eis, profectus ad mare, mitte hamum; et eum
 piscem, qui ascenderit primus, attolle; et aperto
 ejus ore invenies staterem: acceptum illum da
 eis pro me et *pro* te.

18 EO ipso tempore adierunt Jesum discipuli,
 dicentes, Quisnam maximus est in regno cœlorum?

2 Et quum advocasset puerulum Jesus, statuit
 3 eum in medio eorum, et dixit, Amen dico vo-
 bis, Nisi vos converteritis, et fiatis ut pueruli,
 nequaquam ingrediemini in regnum cœlorum.

4 Quisquis igitur summiserit sese *ut sit* sicut *est*
 puerulus iste, is est maximus ille in regno cœ-
 5 lorum. Et quisquis exceperit aliquem puerulum
 6 talem nomine meo, me excipit. Quisquis autem
 offendiculo fuerit uni ex parvis istis qui in me
 credunt, præstiterit ei ut suspendatur mola asinaria
 in collo ejus, ac demergatur in profundo maris.

7 Væ mundo ab offendiculis: necesse est enim
 ut eveniant offendicula: veruntamen væ homini
 8 illi per quem offendiculum evenit. Si vero ma-
 nus tua, vel pes tuus, facit ut tu offendas, ex-
 scinde ea, et abjice abs te: bonum est tibi in
 vitam ingredi claudum aut mancum, *potius* quam
 duas manus, vel duos pedes habentem, conjici
 9 in ignem illum æternum. Et si oculus tuus facit
 ut tu offendas, erue eum, et abjice abs te: bonum
 est tibi luscum ingredi in vitam, *potius* quam
 duos oculos habentem, conjici in gehennam ignis.

10 Videte ne contemnatis aliquem ex parvis istis:
dico enim vobis, Angelos eorum in cœlis per
omne *tempus* cernere faciem Patris mei qui in
11 cœlis est. Venit enim Filius hominis ut servet
12 quod perierat. Quid vobis videtur? si fuerint
alicui homini centum oves, et erraverit una ex
iis, nonne relictis ipsis nonaginta novem, pro-
fectus in montes, quærit eam quæ aberraverat?
13 quod si acciderit ut inveniatur eam, amen dico
vobis, gaudet super ea magis quam super illis
14 nonaginta novem quæ non aberrarant. Ita non
vult Pater vester qui in cœlis est, ut pereat
ullus ex parvis istis.

15 Si vero peccaverit in te frater tuus, ito, et
argue eum inter te et ipsum solum: si te audi-
16 erit, lucratus es fratrem tuum. Sin vero te non
audierit, assume tecum adhuc unum aut duos;
ut ex ore duorum aut trium testium confirmetur
17 res tota. Quod si neglexerit eos audire, dic
ecclesiæ: quod si ecclesiam audire neglexerit,
sit tibi velut qui *est* ethnicus et publicanus.
18 Amen dico vobis, Quæcunque ligaveritis in terra,
erunt ligata in cœlo; et quæcunque solveritis in
19 terra, erunt soluta in cœlo. Rursum dico vobis,
Si duo ex vobis consenserint in terra, de omni
re quam petierint, fiet eis a Patre meo qui in
20 cœlis est. Ubi enim sunt duo vel tres congre-
gati in nomine meo, illic sum in medio eorum.

21 TUNC adiens eum Petrus dixit, Domine, quo-
ties peccabit in me frater meus, et remittam ei?
an usque septies?

22 Dicit ei Jesus, Non dico tibi, Usque septies,
sed usque septuagies septies.

23 Propterea simile est regnum cœlorum regi,
24 qui voluit conferre rationem cum servis suis. Et
quum cœpisset conferre, oblatus est ei quidam

- 25 debitor decies mille talentorum. Quum autem
is non posset *hæc* reddere, jussit eum dominus
ejus venundari, et uxorem ejus, et liberos, et
26 omnia quæ habebat, et reddi *debitum*. Proci-
dens ergo servus ille adorabat eum, dicens, Do-
mine, patiente animo esto adversum me, et omnia
27 tibi reddam. Commotus autem intima commi-
seratione dominus servi illius, dimisit eum, et
28 mutuum remisit ei. Egressus vero servus ille in-
venit unum ex conservis suis, qui debebat ei
centum denarios; et prehensum eum suffocabat,
29 dicens, Redde quod debes. Procidens ergo
conservus ejus ad ejus pedes, precabatur eum,
dicens, Patiente animo esto adversum me, et
30 omnia reddam tibi. Ille vero noluit; sed abiens
conjecit eum in carcerem, quousque redderet
31 debitum. Quum autem vidissent conservi ejus
quæ facta fuerant, tristitia affecti fuerunt vehe-
menter; et quum venissent, declararunt domino
32 suo omnia quæ facta fuerant. Tunc eo advocato,
dominus ipsius dixit ei, Serve improbe, totum
debitum illud remisi tibi, quoniam precatus es
33 me: nonne oportuit et te misereri conservi tui,
34 ut et ego tui misertus sum? Et iratus dominus
ejus tradidit eum tortoribus, usquequo redderet
id omne quod sibi debebatur.
- 35 Ita et Pater ille meus cœlestis faciet vobis,
nisi remiseritis suo quisque fratri ex cordibus
vestris offensas eorum.
- 19 ET factum est, quum finiisset Jesus sermones
istos, ut solveret ex Galilæa, et veniret in fines
2 Judææ, secus Jordanem. Et secuta est eum
turba multa, sanavitque eos illic.
- 3 Tunc adierunt eum Pharisei, tentantes eum,
et dicentes ei, Licetne homini dimittere uxorem
suam quavis ex causa?

- 4 Ille vero respondens dixit eis, Non legistis
Opificem ab initio fecisse masculum et feminam?
5 et dixisse, Propterea derelinquet homo patrem
et matrem, et agglutinabitur uxori suæ; et qui
6 duo *fueraut*, erunt una caro? Itaque non ampli-
us sunt duo, sed una caro: quod ergo Deus
conjunxit, homo ne sejungito.
- 7 Dicunt ei, Cur ergo Moses præcepit dare li-
bellum discessionis, et eam dimittere?
- 8 Dicit eis, Moses pro duritia cordis vestri per-
misit vobis dimittere uxores vestras: ceterum a
9 principio non fuit ita. Dico autem vobis, Qui-
cunque dimiserit uxorem suam, nisi ob scortatio-
nem, et aliam duxerit, mœchatur; et qui dimis-
sam duxerit, mœchatur.
- 10 Dicunt ei discipuli ejus, Si tale est negotium
hominis cum uxore, non expedit uxorem ducere.
- 11 Ipse vero dixit eis, Non omnes sunt capaces
12 hujus sermonis, sed *ii* quibus datum est. Sunt
enim eunuchi, qui ex matris utero nati sunt ita:
et sunt eunuchi, qui castrati sunt ab hominibus:
et sunt eunuchi qui seipsos castrarunt propter
regnum cœlorum. Qui potest capax esse *hujus*
rei, capiat.
- 13 TUNC oblatis ei pueruli, ut manus eis
imponeret, et oraret: discipuli autem objurgarunt
eos.
- 14 Jesus autem ait, Omittite istos puerulos, et
ne prohibete eos ad me venire: talium est enim
15 regnum cœlorum. Et quum imposuisset eis ma-
nus, profectus est illinc.
- 16 ET ecce, quidam accedens dixit ei, Magister
bone, quid boni faciam, ut habeam vitam æternam?
- 17 Ipse vero dixit ei, Cur me dicis bonum? nullus
est bonus, nisi unus, *nempe* Deus. Si vis autem
ad vitam ingredi, observa præcepta.

18 Dicit ei, Quæ?

Jesus autem dixit, Non occides, Non mœcha-
beris, Non furaberis, Non dices falsum testimo-
19 nium, Honora patrem tuum et matrem, et, Diliges
proximum tuum ut teipsum.

20 Dicit ei adolescens ille, Omnia hæc observavi
a juventute mea: quo adhuc deficior?

21 Ait ei Jesus, Si vis perfectus esse, abi, vende
quæ habes, et da pauperibus; et habebis the-
saurum in cœlo: et ades dum, sequere me.

22 Quum audisset autem adolescens ille hunc
sermonem, abiit tristitia affectus: habebat enim
bona multa.

23 Jesus autem dixit discipulis suis, Amen dico
vobis, Dives difficulter introibit in regnum cœ-
24 lorum. Rursum vero dico vobis, Facilius est
camelum per foramen acus transire, quam divi-
tem in regnum Dei introire.

25 *His* autem auditis, discipuli ejus perculsi sunt
valde, dicentes, Quis ergo potest servari?

26 Intuitus autem *eos* Jesus dixit eis, Apud ho-
mines hoc impossibile est; apud Deum autem
omnia possible sunt.

27 Tunc respondens Petrus dixit ei, Ecce, nos
reliquimus omnia, et secuti sumus te: quid ergo
erit nobis?

28 Jesus autem dixit eis, Amen dico vobis, Vos
qui secuti estis me, in regeneratione, quum se-
derit Filius hominis in throno gloriæ suæ, sede-
bitis vos etiam, *inquam*, in thronis duodecim,
judicium ferentes de duodecim tribubus Israelis.

29 Et quisquis reliquerit domos, aut fratres, aut so-
rores, aut patrem, aut matrem, aut uxorem, aut
liberos, aut agros, causa nominis mei, centuplicia
accipiet, et vitam æternam hæreditatis jure posside-
30 bit. Multi autem primi, erunt ultimi; et ultimi, primi.

- 20 Simile enim est regnum cœlorum patrifamilias,
qui exiit cum prima luce ad conducendos ope-
2 rarios, *quos mitteret* in vineam suam. Pactus
autem cum operariis denario in diem, misit eos
3 in vineam suam. Et egressus circa horam ter-
4 tiam, vidit alios stantes in foro otiosos: et illis
dixit, Abite et vos in vineam, et quodcunque
5 justum fuerit dabo vobis. Illi autem abierunt.
Rursum egressus circa sextam et nonam horam,
6 fecit itidem. Circa horam autem undecimam
egressus, invenit alios stantes otiosos, ac dicit
7 eis, Cur hic statis totum diem otiosi? Dicunt ei,
Quia nemo nos conduxit. Dicit eis, Abite et
vos in vineam, et quicquid fuerit justum acci-
8 pietis. Quum autem serum diei esset, dicit do-
minus vineæ procuratori suo, Voca operarios, et
redde eis mercedem, incipiens ab ultimis, usque
9 ad primos. Et quum venissent qui circa undeci-
10 mam horam *conducti fuerant*, acceperunt sin-
guli denarium. Quum venissent autem primi,
existimarunt se plus esse accepturos: sed acce-
11 perunt ipsi quoque singuli denarium. Sed quum
acceperant, murmurabant adversus patremfamilias,
12 dicentes, Isti ultimi unam horam *opus* fecerunt,
et eos pares nobis fecisti, qui portavimus onus
13 diei, et æstum. Ipse vero respondens dixit uni
eorum, Amice, non facio tibi injuriam; nonne
14 denario pactus es mecum? tolle quod tuum est,
et abi. Volo autem huic ultimo dare ut et tibi.
15 Annon licet mihi quod volo facere in meis *rebus*?
an oculus tuus malus est, quia ego bonus sum?
16 Sic ultimi, erunt primi; et primi, ultimi: multi
enim sunt vocati, pauci vero electi.
17 ET ascendens Jesus Hierosolymam, assumpsit
duodecim discipulos suos privatim in via, et
18 dixit eis, Ecce, ascendimus Hierosolymam, et

Filius hominis tradetur primariis sacerdotibus ac
19 scribis, et condemnabunt eum morte; tradentque
eum gentibus, ut illudant, et flagellent, et cruci-
figant: sed tertia die resurget.

20 TUNC venit ad eum mater filiorum Zebedæi
cum filiis suis, adorans, et petens aliquid ab eo.

21 Ipse vero dixit ei, Quid vis?

Ait ei, Dic ut sedeant isti duo filii mei, unus ad
dextram tuam, et alter ad sinistram, in regno tuo.

22 Respondens autem Jesus dixit, Nescitis quid pe-
tatis: potestis bibere poculum quod ego bibiturus
sum, et baptistmate, quo ego baptizor, baptizari?

Dicunt ei, Possumus.

23 Tunc dicit eis, Poculum quidem meum bibetis,
et baptistmate quo ego baptizor baptizabimini:
sedere autem ad dextram meam et sinistram
meam, non est meum dare, sed *dabitur* quibus
paratum est a Patre meo.

24 Et quum *hæc* audissent *alii* decem, indignati
sunt de duobus fratribus.

25 Jesus autem, quum eos advocasset, ait, Scitis
principes gentium in eas dominari, et magnates
26 auctoritate uti in eas. Verum non ita erit inter
vos: sed quicumque voluerit inter vos magnus
27 fieri, esto vester minister: et quicumque voluerit
28 inter vos primus esse, esto vester servus. Sicut
Filius hominis non venit ut sibi ministretur, sed
ut ministret, detque animam suam *in* redem-
ptionis pretium pro multis.

29 EGREDIENTIBUS autem ipsis *urbe* Jericho,
30 secuta est eum turba multa. Et ecce, duo
cæci sedentes apud viam, quum audissent Jesum
præterire, clamarunt, dicentes, Miserere nostri,
31 Domine, Fili Davidis. Turba autem objurgabat
eos, ut silerent; illi vero magis clamabant, di-
centes, Miserere nostri, Domine, Fili Davidis.

32 Et quum substitisset Jesus, vocavit eos, et ait,
Quid vultis faciam vobis?

33 Dicunt ei, Domine, ut aperiantur oculi nostri.

34 Commiseratione autem intima commotus Jesus
tetigit^r oculos eorum: et statim visum receperunt
oculi eorum; et *ipsi* secuti sunt eum.

21 ET quum appropinquassent Hierosolymis, et
venissent ad Bethphage ad montem Olearum, tunc

2 Jesus misit duos discipulos, dicens eis, Ite in
vicum qui vobis est ex adverso, et statim inve-
nietis asinam ligatam, et pullum cum ea: solvite

3 *eos*, et adducite mihi. Et si quis vobis aliquid
dixerit, dicite, Domino his opus est: statim au-
tem remittet eos.

4 Hoc autem totum factum est, ut impleretur
5 quod dictum est per prophetam, dicentem, Di-
cite filiæ Sion, Ecce, rex tuus venit tibi
lenis, et insidens asinæ, ac pullo fœtui
subjugis *asinæ*.

6 Profecti autem sunt discipuli, feceruntque sicut
7 imperarat eis Jesus: et adduxerunt asinam et
pullum, et eis imposuerunt vestimenta sua, et
8 collocarunt *ipsum* super ea. Plurima autem
turba straverunt vestimenta sua in via: alii vero
cædebant ramos ex arboribus, et sternebant in
9 via. Porro turba, quæ præibat, et quæ seque-
batur, clamabat, dicens, Hosanna Filio Davidis:
benedictus qui venit in nomine Domini: hosanna
o qui es in cælis altissimis.

10 Et quum introisset Hierosolymam, commota
11 est tota urbs, dicens, Quis est iste? Turba vero
dicebat, Hic est Jesus ille propheta ortus Naza-
retha *urbe* Galilææ.

12 ET introivit Jesus in templum Dei, et ejecit
omnes qui vendebant et qui emebant in templo;
mensasque numulariorum, et cathedras vendentium

13 columbas subvertit. Et dixit eis, Scriptum est, Domus mea domus orationis vocabitur; at vos fecistis eam speluncam latronum.

14 Tunc venerunt ad eum cæci et claudi in templo: et sanavit eos.

15 Quum vidissent autem primarii sacerdotes et scribæ miranda illa quæ fecerat, et pueros clamantes in templo, et dicentes, Hosanna Filio Davidis, indignati sunt. Et dixerunt ei, Audis quid isti dicant?

Jesus autem dixit eis, Etiam: nunquam legis, Ex ore infantium et lactentium perfecisti laudem?

17 Et eis derelictis, abiit Bethaniam extra urbem, et diversatus est illic.

18 Mane autem rediens in urbem, esuriit. 19 Et quum vidisset ficum quandam apud viam, venit ad eam, et nihil invenit in ea nisi folia solum: tunc dicit ei, Ne amplius ex te fructus nascitor in æternum. Et exaruit illico ficus.

20 Quum igitur hoc vidissent discipuli, mirati sunt, dicentes, Quomodo illico exaruit ficus?

21 Respondens autem Jesus ait eis, Amen dico vobis, Si habueritis fidem, neque hæsitaveritis, non solum hoc *quod factum est* ficui facietis, verum etiam si monti illi dixeritis, Tollitor, et
22 projicitor in mare, fiet. Et quæcunque orando petieritis, si credideritis, accipietis.

23 QUUM autem venissent in templum, primarii sacerdotes et seniores populi eum docentem adierunt, dicentes, Quali auctoritate facis ista? et quis tibi dedit istam auctoritatem?

24 Respondens vero Jesus dixit eis, Interrogabo vos et ego quiddam: quod si dixeritis mihi, dicam
25 et ego vobis qua auctoritate ista faciam: Baptisma Joannis unde erat? e cœlo, an ex hominibus?

At illi ratiocinabantur apud se, dicentes, Si dixerimus, E cœlo; dicet nobis, Quare ergo non
26 credidistis ei? Sin autem dixerimus, Ex hominibus; metuimus turbam: omnes enim habent Jo-
27 annem ut prophetam. Et respondentes Jesu dixerunt, Nescimus.

Ait eis et ipse, Nec ego vobis dicam qua
28 auctoritate ista faciam. Quid autem vobis videtur? Quidam habebat duos filios: et accedens ad priorem, dixit, Fili abi, hodie operare in
29 vinea mea. Ille vero respondens ait, Nolo: sed
30 postea quum resipuisset abiit. Et accedens ille ad secundum, dixit itidem. Is vero respondens
31 ait, Ego *abeo*, domine: sed non abiit. Uter e duobus fecit quod voluit *ejus* pater?

Dicunt ei, Prior.

Dicit eis Jesus, Amen dico vobis, Publicani et meretrices antecedunt vos in regnum Dei.
32 Venit enim ad vos Joannes via justitiæ, et non credidistis ei; publicani vero et meretrices crediderunt ei: vos autem qui *hoc* vidistis, non resipuistis postea, ut ei crederetis.

33 Aliam parabolam audite: Fuit quidam paterfamilias, qui plantavit vineam, et sepem circumposuit ei, foditque in ea torcular, et ædificavit turrim, et elocavit eam agricolis: ac peregre
34 profectus est. Quum autem tempus fructuum appropinquasset, misit servos suos ad agricolas, ut ejus fructus perciperent. Agricolæ vero, captis
35 ejus servis, alium quidem ceciderunt, alium vero interemerunt, alium autem lapidarunt. Rursum
36 misit alios servos plures prioribus; et fecerunt eis itidem. Postremo autem misit ad eos filium
37 suum, dicens, Revereantur filium meum. Agricolæ vero viso filio dixerunt inter se, Iste est hæres, venite, interimamus eum, et obtineamus
38

39 hæreditatem ejus. Et captum eum ejecerunt
40 extra vineam, et interemerunt. Quum igitur venerit dominus vineæ, quid faciet agricolis illis?

41 Dicunt ei, Malos ipsos male perdet; et vineam suam elocabit aliis agricolis, qui reddent ei fructum temporibus suis.

42 Dicit eis Jesus, Nunquam legistis in scripturis, Quem lapidem reprobarunt ædificantes, is factus est caput anguli: a Domino factum est illud, et est mirabile in oculis
43 nostris? Propterea dico vobis, Tolletur a vobis regnum Dei, et dabitur genti quæ edat ejus fructus.

44 Porro qui ceciderit ad lapidem istum, confringetur: super quem vero ceciderit, comminuet eum.

45 Et quum audissent primarii sacerdotes ac Pharisæi parabolas ejus, cognoverunt hæc de se dici.

46 Et quum studerent eumprehendere, metuerunt turbam, quoniam ut prophetam eum habebat.

22 TUNC respondens Jesus, rursum locutus est
2 eis per parabolas, dicens, Simile est regnum cœlorum cuidam regi, qui fecit nuptias filio suo:
3 et misit servos suos, qui vocarent vocatos ad
4 nuptias: sed noluerunt venire. Rursus misit alios servos, dicens, Dicite vocatis, Ecce, prandium meum paravi, tauri mei, et altilia mactata
5 sunt, et omnia parata; adeste ad nuptias. Illi vero quum hoc neglexissent, abierunt, alius quidem in agrum suum, alius vero ad mercaturam
6 suam: reliqui vero prehensos servos ejus contumeliis affecerunt, et interemerunt. Rex autem, quum hoc audisset, iratus est; et, missis copiis suis, perdidit homicidas illos, et urbem eorum
7 incendit. Tunc dicit servis suis, Nuptiæ quidem paratæ sunt; sed qui vocati fuerant non erant
8 digni. Ite ergo ad compita viarum, et quot-
9 cunque inveneritis, vocate ad nuptias. Et egressi

servi illi in vias, congregarunt omnes quos invenerunt, malos pariter ac bonos: et impletæ sunt nuptiæ convivis.

11 Ingressus autem rex ut spectaret convivas, vidit illic quendam non indutum indumento nuptiali. Tunc dicit ei, Amice, quomodo huc introisti non habens indumentum nuptiale? At illi
12 os occlusum est. Tunc dicit rex ministris, Ligatis pedibus et manibus ejus, tollite eum, et ejicite in tenebras extimas: illic erit fletus et stridor dentium.

14 Multi enim sunt vocati, pauci vero electi.

15 TUNC profecti Pharisei consilium ceperunt ut
16 illaquearent eum in sermone. Itaque mittunt ad eum discipulos suos cum Herodianis, dicentes, Magister, scimus te veracem esse, et viam Dei in veritate docere, nec quenquam curare; non
17 enim respicis ad personam hominum: dic ergo nobis, Quid tibi videtur? licet census dare Cæsari, an non?

18 Cognita autem Jesus improbitate ipsorum, ait,
19 Quid me tentatis, hypocritæ? Ostendite mihi numisma census. Ipsi vero obtulerunt ei denarium. Tunc dicit eis, Cujus est imago ista et
20 inscriptio? Dicunt ei, Cæsaris.

Tunc dicit eis, Reddite ergo quæ sunt Cæsaris, Cæsari; et quæ sunt Dei, Deo.

22 Quum igitur *hoc* audissent, mirati sunt: et omisso eo abierunt.

23 IN illo die adierunt eum Sadducæi, qui dicunt non esse resurrectionem; et interrogarunt eum,
24 dicentes, Magister, Moses dixit, Si quis mortuus fuerit non habens filios, frater ejus ducet affinitatis jure uxorem ejus, et suscitabit sobolem
25 fratri suo. Fuerunt autem apud nos septem fratres: et primus uxore ducta obiit; et quum

non haberet semen, reliquit uxorem suam fratri
26 suo. Similiter etiam secundus, et tertius, usque
27 ad illos septem. Post omnes autem mortua est
28 et mulier. In resurrectione ergo cujus ex illis
septem erit uxor? omnes enim habuerunt eam.

29 Respondens autem Jesus dixit eis, Erratis, neque
30 scripturas scientes, neque potentiam Dei. Nam
in resurrectione neque uxores ducunt, neque
nuptum dantur; sed sunt ut angeli Dei in cœlo.
31 De resurrectione vero mortuorum non legistis
32 quod vobis dictum est a Deo, dicente, Ego
sum Deus Abrahami, et Deus Isaaci, et Deus
Jacobi? Deus non est Deus mortuorum, sed
viventium.

33 Et quum *hoc* audisset turba, perculsa est super
doctrina ipsius.

34 PHARISÆI vero, quum *eum* audissent occlu-
35 sisse os Sadducæis, aggregati sunt apud eum. Et
interrogavit *eum* quidam ex ipsis legis interpres,
36 tentans eum, et dicens, Magister, quod est præ-
ceptum magnum in lege?

37 Jesus autem dixit ei, Diliges Dominum Deum
tuum ex toto corde tuo, et ex tota anima tua,
38 et ex tota cogitatione tua. Istud est primum et
39 magnum præceptum. Secundum autem simile
est huic, Diliges proximum tuum ut teipsum.
40 Ab istis duobus præceptis tota lex et prophetæ
pendent.

41 CONGREGATIS autem Pharisæis, interrogavit
42 eos Jesus, dicens, Quid vobis videtur de Christo
illo? cujus filius est?

Dicunt ei, Davidis.

43 Dicit eis, Quomodo ergo David per Spiritum
44 vocat eum Dominum, dicens, Dixit Dominus
Domino meo, Sede ad dextram meam,
usquedum statuero inimicos tuos scabél-

45 lum pedum tuorum? Si ergo David vocat eum Dominum, quomodo filius ejus est?

46 Et nemo poterat ei respondere quicquam: neque ausus fuit quisquam ab illo die amplius eum interrogare.

23 TUNC Jesus locutus est turbæ et discipulis
2 suis, dicens, In cathedra Moſis ſedent ſcribæ
3 et Phariſæi. Omnia ergo quæ dixerint vobis
ut obſervetis, obſervate et facite: ſed ſecundum
opera eorum ne facite: dicunt enim, et non faciunt.
4 Ligant enim onera gravia difficiliſſimæque
portatu, et imponunt in humeros hominum: digito
5 autem ſuo nolunt ea movere. Omnia vero opera ſua
faciunt, ut ſpectentur ab hominibus: dilatant enim
phylacteria ſua, et producunt ſimbrias palliorum ſuorum;
6 amantque primos acubitus in cœnis, et primos conſeſſus in
7 conventibus, et in foris ſalutationes, et vocari ab hominibus, Rabbi, Rabbi.

8 Vos autem ne vocamini Rabbi: unus eſt enim doctor vester, *nempe* Chriſtus; omnes autem vos
9 fratres eſtis. Et patrem veſtrum ne *quenquam* vocate in terra: unus eſt enim Pater vester qui
10 in cœlis eſt. Nec vocamini doctores: unus enim vester eſt doctor, *nempe* Chriſtus. Sed qui
11 maximus eſt veſtrum, ſit miniſter vester. Porro qui ſeſe extollet, deprimetur: et qui ſeſe ſubmittet, extolletur.

13 Sed vae vobis, ſcribæ et Phariſæi, hypocritæ! quoniam præcluditis regnum cœlorum hominibus: vos enim non introitis, nec introeuntes ſinitis introire.
14 Vae vobis, ſcribæ et Phariſæi, hypocritæ! quoniam exeditis domos viduarum, idque in ſpeciem utentes longis orationibus: propterea
15 auferetis graviorem condemnationem. Vae vobis, ſcribæ et Phariſæi, hypocritæ! quoniam circum-

itis mare et aridam, ut faciatis unum proselytum: et quum fuerit factus, facitis eum filium gehennæ duplo magis quam vos *sitis*.

- 16 Væ vobis, duces cæci! qui dicitis, Quisquis juraverit per templum, nihil est: quicumque autem juraverit per aurum templi, reus est. Stulti et cæci! utrum enim majus est, aurum, an templum quod sanctificat aurum? Et, quisquis juraverit per altare, nihil est: quicumque autem juraverit per donum quod est super ipsum, reus est.
- 17 Fatui ac cæci! utrum enim majus est, donum an altare quod sanctificat donum? Qui ergo juraverit per altare, jurat per ipsum, et per omnia quæ super illud sunt: et qui juraverit per templum, jurat per ipsum, et per eum qui habitat in eo: et qui juraverit per cælum, jurat per thronum Dei, et per eum qui sedet super ipsum.
- 21 Væ vobis, scribæ et Pharisei, hypocritæ! qui decimatis mentham, et anethum, et cuminum, et omittitis quæ graviora sunt legis, judicium, et misericordiam, ac fidem: hæc oportuit facere, et illa non omittere. Viæ duces cæci! qui percolatis culicem, camelum autem absorbetis. Væ vobis, scribæ et Pharisei, hypocritæ! qui purificatis exteriorem poculi patinæque partem, intus autem *illa* plena sunt rapina et intemperantia.
- 26 Phariseæ cæce! purifica primum quod est intra poculum et patinam, ut id quoque quod extra est purum fiat. Væ vobis, scribæ et Pharisei, hypocritæ! qui assimiles estis sepulcris dealbatis, quæ extra quidem apparent speciosa, intus vero plena sunt ossibus mortuorum omnique immunditia. Ita et vos extra quidem apparetis hominibus justi, intus autem pleni estis hypocrisi et legis transgressione.
- 29 Væ vobis, scribæ et Pharisei, hypocritæ! qui

ædificatis sepulcra prophetarum, et ornatis monumenta justorum; et dicitis, Si fuissemus temporibus patrum nostrorum, non fuissemus eorum socii in cæde prophetarum. Itaque testamini adversus vosmetipsos, vos esse filios eorum qui prophetas occiderunt. Vos quoque complete mensuram patrum vestrorum. Serpentes, progenies viperarum! quomodo effugere possitis condemnationem Gehennæ?

Propterea, ecce, ego mitto ad vos prophetas, et sapientes, et scribas; et ex ipsis *nonnullos* interimetis et crucifigetis; et ex ipsis *nonnullos* flagellabitis in conventibus vestris, et persequimini oppidatim: ut veniat super vos omnis sanguis justus, effusus super terram a sanguine Abel justi usque ad sanguinem Zachariæ filii Barachizæ, quem occidistis inter templum et altare. Amen dico vobis, Venient hæc omnia super ætatem istam.

Jerusalem, Jerusalem, interemtrix prophetarum, et lapidatrix eorum qui ad te missi sunt, quoties volui aggregare liberos tuos, quemadmodum gallina aggregat pullos suos sub alas, et noluistis!

Ecce, relinquitur vobis domus vestra deserta.

Dico enim vobis, Nequaquam me videbitis ab hoc tempore, usquedum dicatis, Benedictus qui venit in nomine Domini.

ET egressus Jesus e templo, abibat: et accesserunt discipuli ejus, ut ostenderent ei ædificia templi.

Jesus autem dixit eis, Nonne conspicitis hæc omnia? Amen dico vobis, Hic non relinquetur lapis super lapidem qui non dissolvatur.

SEDENTE autem eo in monte Olearum, adierunt eum discipuli privatim, dicentes, Dic nobis, quando hæc erunt? et quod *erit* signum adventus tui, et consummationis seculi?

4 Et respondens Jesus dixit eis, Videte ne quis
5 vos seducat. Multi enim venient sub nomine
meo, dicentes, Ego sum Christus; multosque se-
6 ducent. Futurum est autem ut audiatis bella,
et rumores bellorum: videte, ne turbamini:
oportet enim omnia *hæc* fieri, sed nondum erit
7 finis. Insurget enim gens in gentem, et regnum
in regnum: et erunt fames, et pestilentiæ, et
8 terræmotus singulis locis. Hæc autem omnia
principium *erunt* dolorum *partus*.

9 Tunc tradent vos afflictioni, et interiment vos;
et eritis exosi omnibus gentibus propter nomen
10 meum. Et tunc offendentur multi; et alius alium
11 prodet, et odio habebit alius alium. Et multi
pseudoprophetæ exorientur, ac seducent multos.
12 Et quoniam multiplicata erit legis transgressio,
13 refrigescet charitas multorum. Sed qui substi-
terit ad finem usque, is servabitur.

14 Et prædicabitur istud evangelium regni in
toto terrarum orbe, ut sit testimonio omnibus
gentibus: et tunc veniet finis.

15 Quum ergo videritis abominationem illam va-
statricem, quæ dicta est per Daniele prophetam,
positam in loco sancto; (qui hæc legit, animum
16 advertat;) tunc qui in Judæa *fuierint*, fugiant
17 in montes: qui in solario, non descendat ut tol-
18 lat quicquam e domo sua: et qui in agro, non
19 revertatur retro ut tollat vestimenta sua. Væ
autem gravidis et lactantibus per illos dies.
20 Orate vero ne fiat fuga vestra hieme, neque
21 sabbato: erit enim tunc afflictio magna, qualis
non fuit a principio mundi ad hoc usque tempus,
22 neque unquam fiet. Et nisi decurtati fuissent
dies illi, non conservaretur ulla caro: sed propter
electos decurtabuntur dies illi.

23 Tunc si quis vobis dixerit, Ecce, hic Christus,

- 24 aut hic, ne credite. Excitabuntur enim pseudo-
christi et pseudoprophetae, et edent signa magna
et prodigia; ita ut seducant (si fieri possit) etiam
25 electos. Ecce, prædixi vobis. ²⁶ Itaque si dixerint vobis, Ecce, in deserto est; ne egredimini:
27 ecce, in conclavibus; ne credite. Sicut enim fulgur exit ab oriente, et apparet usque ad occidentem, ita etiam erit adventus Filii hominis.
28 Ubicunque enim fuerit cadaver, illuc congregabuntur aquilæ.
- 29 Statim autem post afflictionem dierum illorum, sol obscurabitur, nec edet luna splendorem suum, et stellæ cadent e cœlo, et potestates cœlorum
30 concutientur. Tunc apparebit signum Filii hominis in cœlo; et tunc omnes tribus terræ plangent, et videbunt Filium hominis venientem in
31 nubibus cœli cum potentia et gloria multa. *Is* vero mittet angelos suos cum tubæ voce magna; et aggregabunt electos ejus a quatuor ventis, a cœlorum extremo ad eorum extremum.
- 32 A ficu autem discite parabolam: Quum jam ramus ejus tenerescit, et folia germinant, nostis
33 prope esse æstatem: ita et vos, quum videritis hæc omnia, scitote *illum* prope esse, *et* ad fores.
- 34 Amen dico vobis, Nequaquam præterierit ætas
35 hæc usquedum omnia ista facta sint. Cœlum et terra præteribunt; sermones autem mei nequaquam præteribunt.
- 36 De die autem illo et hora nemo scit, ne angeli quidem cœlorum; sed Pater meus solus.
- 37 Sicut autem *erant* dies Noe, ita erit et adventus
38 Filii hominis. Sicut enim diebus qui præcesserunt diluvium, edebant et bibebant, uxores ducebant et nuptum dabant, ad eum usque diem
39 quo ingressus est Noe in arcam; nec agnoverunt diluvium, usquedum venisset, et sustulisset omnes:

40 ita erit et adventus Filii hominis. Tunc duo
erunt in agro; unus accipietur, et alter relin-
41 quetur. Duæ *erunt* molentes in pistrino; una
accipietur, et altera relinquetur.

42 Vigilate ergo, nescitis enim qua hora Dominus
43 vester venturus sit. Illud autem scitote; si sciret
paterfamilias qua vigilia fur venturus sit, vigi-
44 laret, nec sineret perfodi domum suam. Pro-
pterea et vos estote parati: qui qua hora non
putatis, Filius hominis venturus est.

45 Quis igitur est fidelis servus et prudens, quem
constituit dominus supra famulitium suum, ut det
46 illis alimentum in tempore præstituto? beatus
servus ille, quem, quum venerit dominus ejus,
47 invenerit ita facientem. Amen dico vobis, Super
48 omnia, quæ ipsi suppetunt, constituet eum. Quod
si dixerit servus ille malus in corde suo, Differt
49 dominus meus adventum; cœperitque cedere
conservos, quinetiam edere et bibere cum ebriis;
50 veniet dominus servi illius die quo non expectat,
51 et qua hora non novit, et separabit eum, ac
partem ei statuet cum hypocritis: illic erit fletus
et stridor dentium.

25 Tunc erit simile regnum cœlorum decem vir-
ginibus, quæ sumptis lampadibus suis exierunt
2 in occursum sponsi. Quinque autem ex eis erant
3 prudentes, et quinque fatuæ. Quæ erant fatuæ,
sumptis lampadibus suis, non ceperant oleum
4 secum: prudentes vero ceperant oleum in vasis
5 suis una cum suis lampadibus. Morante autem
6 sponso, nictarunt omnes, ac dormierunt. Media
vero nocte clamor ortus est *dicentium*, Ecce,
7 sponsus venit; exite in occursum ejus. Tunc
surrexerunt omnes illæ virgines, et adornarunt
8 lampades suas. Fatuæ vero prudentibus dixe-
runt, Date nobis ex oleo vestro; quia lampades

- 9 nostræ extinguntur. Responderunt autem prudentes illæ, dicentes, *Nequaquam*, ne non sufficiat nobis et vobis: ite vero potius ad eos qui
10 vendunt, et ipsæ vobis emite. Quum autem abirent emptum, venit sponsus; et quæ paratæ erant, introierunt cum eo ad nuptias: et clausum
11 est ostium. Postea vero veniunt et reliquæ virgines, dicentes, Domine, domine, aperi nobis.
12 Ipse vero respondens ait, Amen dico vobis, Non novi vos.
- 13 Vigilate itaque, quia neque illum diem neque illam horam scitis, qua Filius hominis veniet.
- 14 *Ita enim est* ut quum quispiam peregre proficiscens vocavit servos suos, et tradidit eis quæ
15 sibi suppetebant: et huic quidem dedit quinque talenta, alii autem duo, alii vero unum; unicuique secundum ipsius facultatem: et peregre
16 profectus est statim. Profectus autem qui quinque talenta acceperat, negotiatus est ex iis, et
17 fecit altera quinque talenta. Itidem et qui duo
18 acceperat, lucratus est et ipse altera duo. Qui autem unum acceperat, abiit et defodit *illud* in terram, et occultavit pecuniam domini sui.
19 Post multum vero tempus venit dominus servorum illorum, et confert rationem cum eis.
20 Tunc accedens is qui quinque talenta acceperat, attulit altera quinque talenta, dicens, Domine, quinque talenta tradidisti mihi, ecce, altera
21 quinque talenta lucratus sum ex iis. Dixit autem ei dominus ejus, Bene *est*, serve bone et fidelis; in exiguo fuisti fidelis, super multa te constituam; ingredi in gaudium domini tui.
- 22 Accedens autem et qui duo talenta acceperat, ait, Domine, duo talenta tradidisti mihi, ecce,
23 alia duo lucratus sum ex iis. Ait ei dominus ejus, Bene *est*, serve bone et fidelis; in exiguo

fuisti fidelis, super multa te constituam; ingre-
24 dere in gaudium domini tui. Accedens autem
et qui unum talentum acceperat, ait, Domine,
noveram te hominem durum esse, qui metas
ubi non sevisti, et inde congreges ubi non
25 dispersisti; itaque metuens, abii et ocului ta-
lentum tuum in terra; ecce, habes quod tuum
26 est. Respondens autem dominus ejus dixit ei,
Serve male et ignave, sciebas me metere ubi
non sevi, et inde congregare ubi non dispersi:
27 oportuit ergo te committere pecuniam meam
mensariis: et ego quum venissem, recepissem
28 meum cum fœnore. Tollite ergo ab eo talen-
29 tum, et date ei qui habet decem talenta: (omni
enim qui habet dabitur, et *is* amplius habebit: ab
30 eo vero qui non habet, etiam quod habet tolle-
tur:) et inutilem servum ejicite in tenebras illas
extimas: illic erit fletus et stridor dentium.

31 QUUM autem venerit Filius hominis cum glo-
ria sua, et omnes sancti angeli cum eo, tunc
32 sedebit in throno gloriæ suæ; et congregabun-
tur coram eo omnes gentes, et separabit eos,
alios ab aliis, ut pastor separat oves ab hœdis:
33 et statuet, oves quidem ad dextram suam, hœ-
dos autem ad sinistram.

34 Tunc dicet Rex iis qui ad dextram ipsius *erunt*,
Adeste, benedicti Patris mei; possidete regnum
35 paratum vobis a jacto mundi fundamento: esurivi
enim, et dedistis mihi *quod* ederem; sitiivi, et
dedistis mihi potum; peregrinus eram, et colle-
36 gistis me; nudus, et amicivistis me; ægrotus, et
invisistis me; in carcere eram, et venistis ad me.

37 Tunc respondebunt ei justi, dicentes, Domine,
quando te vidimus esurientem, et aluimus? aut
38 sitientem, et dedimus tibi potum? quando autem
te vidimus peregrinum, et collegimus te? aut

39 nudum, et amicitivimus? aut quando te vidimus ægrotum, aut in carcere, et venimus ad te?

40 Et respondens Rex dicet eis, Amen dico vobis, Quatenus id fecistis uni ex istis fratribus meis minimis, mihi fecistis.

41 Tunc dicet etiam iis qui ad sinistram *erunt*, Exsecrandi, abite a me in ignem illum æternum, 42 illum paratum diabolo et angelis ejus: esurivi enim, et non dedistis mihi *quod* ederem; sitiivi, 43 et non dedistis mihi potum; peregrinus eram, et non collegistis me; nudus, et non amicitivistis me; ægrotus, et in carcere *eram*, et non invisistis me.

44 Tunc ipsi quoque respondebunt ei, dicentes, Domine, quando te vidimus esurientem, aut siti-entem, aut peregrinum, aut nudum, aut ægrotum, aut in carcere, et non ministravimus tibi?

45 Tunc respondebit eis, dicens, Amen dico vobis, Quatenus *id* non fecistis uni ex istis minimis, nec mihi fecistis.

46 Et abibunt isti ad supplicium æternum; justi vero ad vitam æternam.

26 ET factum est, ut quum finisset Jesus omnes 2 istos sermones, diceret discipulis suis, Scitis post biduum pascha fore, et Filium hominis prodendum ut crucifigatur.

3 TUNC congregati sunt primarii sacerdotes, et scribæ, et seniores populi, in aulam pontificis 4 maximi, qui dicebatur Caiapha; et simul consularunt ut Jesum dolo prehenderent, et inter- 5 imerent. Dicebant autem, Non in festo, ne 6 tumultus fiat in populo.

7 QUUM autem Jesus esset Bethaniæ in domo Simonis leprosi, venerat ad eum mulier, habens alabastrum unguenti gravis pretii, et effuderat in caput ipsius accumbentis.

- 8 *Hoc* autem conspicati discipuli ejus indignati
9 sunt, dicentes, Quorsum perditio hæc? Potuit
enim istud unguentum venire magno, et dari
pauperibus.
- 10 Quum autem *hoc* cognovisset Jesus, ait eis,
Quid molestias exhibetis isti mulieri? opus enim
11 bonum operata est erga me. Semper enim pau-
peres habebitis vobiscum; me vero non semper
12 habebitis. Quod enim hæc unguentum hoc in-
jecit corpori meo, ad funerandum me fecit.
13 Amen dico vobis, Ubicunque prædicatum fuerit
hoc evangelium in toto mundo, etiam quod hæc
fecit dicetur ad memoriam ipsius.
- 14 TUNC profectus unus ex illis duodecim, qui
dicebatur Judas Iscariotes, ad primarios sacer-
15 dotes, dixit eis, Quid vultis mihi dare, et ego
vobis eum tradam? Ipsi vero appenderunt ei
16 triginta argenteos *nummos*. Et ex eo tempore
quærebat *ille* opportunitatem ad eum prodendum.
- 17 PRIMO autem *die* azymorum accesserunt di-
scipuli ad Jesum, dicentes ei, Ubi vis paremus
tibi ad edendum pascha?
- 18 Ipse vero dixit, Abite in urbem ad quendam,
et dicite ei, Magister dicit, Præstitutum illud
tempus meum prope est; apud te faciam pascha
cum discipulis meis.
- 19 Et fecerunt discipuli sicut præceperat eis Jesus;
et paraverunt pascha.
- 20 QUUM autem serum diei advenisset, accubuit
21 cum illis duodecim. Et edentibus ipsis, dixit,
Amen dico vobis, Unus vestrum me prodet.
- 22 Tunc affecti tristitia vehementer, cœperunt
singuli eorum ei dicere, Num ego *is* sum,
Domine?
- 23 Ipse vero respondens ait, Qui intingit mecum
24 manum in catino, iste me proditurus est. Filius

quidem hominis abit, sicut scriptum est de eo: vae autem homini illi per quem Filius hominis proditur! bonum fuisset homini illi si natus non fuisset.

25 Respondens autem Judas, qui prodebat eum, dixit, Num *is* ego sum, Rabbi?

Dicit ei, Tu dixisti.

26 EDENTIBUS autem eis, Jesus, quum accepisset panem, et benedixisset, fregit *eum*, deditque discipulis, et ait, Accipite, comedite: hoc est
27 corpus meum. Et accepto poculo, ac gratiis actis, dedit eis dicens, Bibite ex eo omnes:
28 hoc est enim sanguis meus novi pacti, qui pro multis effunditur in remissionem peccatorum.
29 Dico autem vobis, Non bibam ab hoc tempore ex hoc fructu vitis, usque ad diem illum quum ipsum bibam vobiscum novum in regno Patris mei.

30 Et quum hymnum cecinissent, exierunt in montem Olearum.

31 Tunc dicit eis Jesus, Omnes vos ista nocte offendemini in me; scriptum est, enim, Percutiam pastorem, et dispergentur oves
32 gregis. Postquam autem suscitatus fuero, præibo vobis in Galilæam.

33 Respondens vero Petrus dixit ei, Etiamsi omnes offendantur in te, ego nunquam offendar.

34 Dixit ei Jesus, Amen dico tibi, Ista nocte, antequam gallus vocem emittat, ter me abnegabis.

35 Dicit ei Petrus, Etiamsi oportuerit me tecum mori, non te abnegabo. Similiter et omnes discipuli dixerunt.

36 TUNC venit Jesus cum eis in locum qui dicitur Gethsemane; et dicit discipulis, Sedete hic, usquequo digressus oravero illic.

37 Et assumpto Petro et duobus filiis Zebedæi,

- 38 coepit affici tristitia, et gravissime angi. Tunc dicit eis, Undiquaque tristis est anima mea usque ad mortem: manete hic, et vigilate mecum.
- 39 Et progressus paululum, procidit in faciem suam, orans, et dicens, Pater mi, si possibile est, abeat a me poculum istud: veruntamen non ut ego volo, sed ut tu.
- 40 Tunc venit ad discipulos, et reperit eos dormientes; et dicit Petro, Itane nequivistis unam
- 41 horam vigilare mecum? Vigilare et orate, ne introeatis in tentationem: spiritus quidem *est* promptus, sed caro infirma.
- 42 Rursum secundo abiit, et oravit, dicens, Pater mi, si non potest hoc poculum abire a me quin bibam ipsum, fiat voluntas tua.
- 43 Et quum venisset, reperit eos rursum dormientes; erant enim oculi eorum gravati. Et relictis eis, rursum abiit, et oravit tertio, eundem sermonem locutus.
- 45 Tunc venit ad discipulos suos, et dicit eis, Dormite quod reliquum est, et requiescite: ecce, appropinquavit hora illa; et Filius hominis proditur in manus peccatorum. Surgite, eamus: ecce, appropinquavit qui me prodit.
- 47 Et adhuc eo loquente, ecce, Judas, unus ex illis duodecim, venit, et cum eo turba multa cum gladiis et fustibus, a primariis sacerdotibus et senioribus populi.
- 48 Is vero qui prodebat eum, dederat eis signum, dicens, Quem osculatus fuero, is est; prendite
- 49 eum. Itaque statim, quum venisset ad Jesum, dixit, Ave, Rabbi: et deosculatus est eum.
- 50 At Jesus dixit ei, Amice, quorsum ades?
- Tunc accesserunt, et manus injecerunt in Jesum, et prehenderunt eum.
- 51 Et, ecce, unus ex iis qui *erant* cum Jesu, ex-

tensa manu, distrinxit gladium suum; et percusso servo pontificis maximi, abstulit auriculam ejus.

52 Tunc ait ei Jesus, Refer gladium tuum in locum suum: quicumque enim acceperint gladium,
53 gladio peribunt. An putas me non posse nunc precari Patrem meum, qui huc sistat mihi plures
54 quam duodecim legiones angelorum? Quomodo ergo implerentur scripturæ, *quæ dicunt* sic oportere fieri?

55 Eo ipso momento dixit Jesus turbæ, *Siccine* ut adversus latronem exivistis cum gladiis et fustibus, ut me prehenderetis? quotidie apud vos sedebam docens in templo, nec prehendistis
56 me. Hoc autem totum factum est, ut implerentur scripturæ prophetarum.

Tunc discipuli omnes, relicto eo, fugerunt.

57 ILLI vero prehensum Jesum abduxerunt ad Caiapham pontificem maximum, ubi scribæ et seniores congregati erant.

58 Petrus autem sequebatur eum e longinquo usque in aulam pontificis maximi, et ingressus intro, sedebat cum ministris, ut videret finem.

59 Primarii vero sacerdotes et seniores, et totus consessus, quærèbant falsum testimonium contra
60 Jesum, ut eum morte afficerent; et non invenerunt: etiam quum multi falsi testes accessissent, non invenerunt. Postremo vero advenientes duo
61 falsi testes, dixerunt, Iste dixit, Possum destruere templum Dei, et triduo ipsum ædificare.

62 Et assurgens pontifex maximus, dixit ei, Nihil respondes? quid *illud est quod* isti adversum
63 te testificantur? Jesus autem silebat. Et respondens pontifex maximus dixit ei, Adjuro te per Deum viventem, ut dicas nobis, an tu sis Christus ille Filius ille Dei.

64 Dicit ei Jesus, Tu dixisti: quinetiam dico vo-

bis, Ab hoc tempore videbitis Filium hominis sedentem ad dextram potentiae *Dei*, et venientem in nubibus cœli.

65 Tunc pontifex maximus dirupit vestimenta sua, dicens, Blasphemavit: quid nobis opus est amplius testibus? ecce, nunc audistis blasphemiam
66 ejus. Quid vobis videtur?

Ipsi vero respondentes dixerunt, Damnas est mortis.

67 Tunc inspuerunt in faciem ejus, et colaphos ei inflixerunt: alii vero bacillis eum ceciderunt,
68 dicentes, Vaticinare nobis, Christe, quis sit qui te percussit.

69 PETRUS autem sedebat extra in aula: et accessit ad eum quædam ancillula, dicens, Et tu
70 cum Jesu Galilæo eras. Ipse vero negavit coram omnibus, dicens, Nescio quid dicas. Eum
71 autem egredientem in vestibulum, vidit alia ancilla; et dixit iis qui erant illic, Et iste erat
72 cum Jesu Nazaræo. Tunc rursus negavit cum jurejurando, dicens, Non novi hominem. Paulo
73 post autem accesserunt qui adstabant, et dixerunt Petro, Vere et tu ex ipsis es; nam et locutio tua te manifestum facit. Tunc cœpit seipsum devovere, et jurare, dicens, Non novi
74 hominem. Et statim gallus emisit vocem. Et recordatus est Petrus verborum Jesu, qui dixerat ei, Priusquam gallus vocem emittat, ter me abnegabis. Et egressus extra, flevit amare.

27 MANE autem quum esset, consilium ceperunt omnes primarii sacerdotes et seniores populi
2 adversus Jesum, ut eum morte afficerent. Et vinctum eum abduxerunt, ac tradiderunt Pontio Pilato præsidi.

3 TUNC Judas, qui eum prodiderat, quum vidisset eum damnatum esse, pœnitens, retulit tri-

- ginta argenteos *nummos* ad primarios sacerdotes
4 et seniores, dicens, Peccavi, prodito sanguine
insonte. At illi dixerunt, Quid ad nos? tu vi-
5 deris. Ipse vero projectis *illis nummis* argenteis
in templum, secessit; et profectus strangulavit
sese.
- 6 Primarii autem sacerdotes, acceptis *nummis*
illis argenteis, dixerunt, Non licet eos immittere
in corbanam, quoniam pretium sanguinis est.
7 Consilio autem capto, emerunt ex eis agrum il-
8 lum figuli, ad sepulturam peregrinorum: qua-
propter vocatus est ager ille, Ager sanguinis,
9 usque in hodiernum diem. (Tunc impletum est
quod dictum est per Jeremiam prophetam, di-
centem, Et acceperunt triginta *nummos*
argenteos, pretium æstimati, qui æsti-
10 matus fuit a filiis Israel; et dederunt
eos ad *emendum* illum agrum figuli, si-
cut injunxit mihi Dominus.)
- 11 JESUS autem stetit coram præside: et inter-
rogavit eum præses, dicens, Tunc es rex ille
Judæorum? Dixit autem ei Jesus, Tu dicis.
- 12 Et quum ipse accusaretur a primariis sacer-
13 dotibus et senioribus, nihil respondit. Tunc
dicit ei Pilatus, Non audis quam multa adversum
14 te testificentur? Et non respondit ei ad ullum
verbum; ita ut miraretur præses valde.
- 15 Præses autem singulis festis consueverat turbæ
16 dimittere unum vinctum, quem voluissent. Habe-
bant vero tunc vinctum insignem, qui dicebatur
17 Barabbas. Ipsis igitur congregatis, dixit eis
Pilatus, Utrum vultis dimittam vobis? Barabban,
18 an Jesum qui dicitur Christus? Sciebat enim
quod per invidiam tradidissent eum.
- 19 Sedente autem eo in tribunali, misit ad eum
uxor. ejus, dicens, Nihil tibi *rei sit* cum justo

illo: multa enim passa sum hodie in somnio propter eum.

20 Primarii vero sacerdotes et seniores persuaserunt turbæ ut peteret Barabban, Jesum vero
21 perderet. Respondens autem præses dixit eis, Utrum e duobus illis vultis ut vobis dimittam? Ipsi vero dixerunt, Barabban.

22 Dixit eis Pilatus, Quid igitur faciam Jesu, qui dicitur Christus? Dicunt ei omnes, Crucifigatur!

23 Præses autem ait, At enim quid mali fecit? At illi eo amplius clamabant, dicentes, Crucifigatur!

24 Videns autem Pilatus se nihil proficere, sed majorem tumultum fieri, accepta aqua, abluit manus coram turba, dicens, Innoxius ego sum a sanguine hujus justi: vos videritis.

25 Et respondens universus populus dixit, Sanguis ejus super nos, et super filios nostros.

26 Tunc dimisit eis Barabban: Jesum autem flagellatum tradidit ut crucifigeretur.

27 TUNC milites præsidis, quum abduxissent Jesum in prætorium, congregarunt ad eum universam cohortem. Et quum exuissent eum, circumposuerunt ei chlamydem coccineam: et coronam e spinis contextam imposuerunt ejus capiti, et arundinem in dextram ejus: et genu ante eum summisso, illudebant ei, dicentes, Ave, rex
30 Judæorum. Et quum inspuiissent in eum, ceperunt
31 arundinem illam, et cædebant caput ejus. Et postquam illusissent ei, exuerunt eum chlamyde, indueruntque eum vestimentis suis: et abduxerunt eum ut crucifigerent.

32 Exeuntes autem invenerunt quendam Cyrenæum, nomine Simonem: hunc angariaverunt ut attolleret crucem ejus.

33 Et quum venissent in locum qui dicitur Gol-

- 34 gotha, qui dicitur Calvariæ locus, dederunt ei acetum bibendum cum felle mistum: et quum gustasset, noluit bibere.
- 35 Postquam autem crucifixerunt eum, partiti sunt ejus vestimenta, sortem jacentes; ut imple-retur quod dictum est a propheta, Partiti sunt sibi vestimenta mea, et super vestem meam jecerunt sortem.
- 36 Et sedentes, asservabant eum illic. ³⁷ Et imposuerunt super caput ejus criminationem ipsius scriptam, HIC EST IESUS REX ILLE IUDÆORUM.
- 38 Tunc crucifiguntur cum eo duo latrones; unus ad dextram, et alter ad sinistram.
- 39 Qui vero præteribant blasphemabant eum, mo-
40 ventes capita sua, et dicentes, Tu qui destruis templum, et triduo ædificas, conserva teipsum:
41 si Filius Dei es, descendito e cruce. Similiter autem etiam primarii sacerdotes illudentes cum
42 scribis et senioribus, dicebant, Alios servavit, seipsum non potest servare: si rex Israel est,
43 descendat nunc e cruce, et credemus ei. Con-
fidit in Deo; eruat ipsum nunc, si placet ei: dixit enim, Filius Dei sum.
- 44 Id ipsum vero etiam latrones, qui crucifixi erant cum eo, exprobrabant ei.
- 45 A sexta autem hora tenebræ factæ sunt super universam regionem, usque ad horam nonam.
- 46 Circiter vero horam nonam exclamavit Jesus voce magna, dicens, Eli, Eli, lama sabach-thani? hoc est, Deus mi, Deus mi, cur deseru-isti me?
- 47 Quidam autem adstantium illic, quum *hoc*
48 audissent, dicebant, Eliam vocat iste. Et statim currens quidam ex eis, quum acceptam spongiam implevisset aceto, et circumposuisset calamo,

49 dedit ei ut biberet. Reliqui vero dicebant, Sine, videamus an venturus sit Elias servaturus eum.

50 Jesus autem quum rursum clamasset voce magna, emisit spiritum.

51 Et, ecce, velum templi fissum est in duas partes, a summo usque ad imum; et terra mota

52 est, et petræ fissæ sunt: et monumenta aperta sunt; et multa corpora sanctorum, qui dormi-

53 erant, surrexerunt; qui egressi e monumentis post resurrectionem ejus, introierunt in sanctam urbem et apparuerunt multis.

54 Centurio vero, et qui cum eo asservabant Jesum, viso terræmotu, et iis quæ facta fuerant, metuerunt vehementer, dicentes, Vere Filius Dei erat iste.

55 Erant autem illic mulierēs multæ e longinquo spectantes, quæ secutæ fuerant Jesum a Galilæa,

56 ministrantes ei; inter quas erat Maria Magdalene, et Maria mater Jacobi et Jose, et mater filiorum Zebedæi.

57 QUUM autem serum diei advenisset, venit homo dives Arimathæensis, nomine Joseph, qui

58 et ipse discipulus fuerat Jesu: is adiit Pilatum, et petiit corpus Jesu. Tunc Pilatus jussit reddi corpus.

59 Et Joseph, quum accepisset corpus, involvit

60 illud sindone pura: posuitque in monumento suo novo quod exciderat in petra; et advoluto saxo magno ad ostium monumenti, abiit.

61 Erat autem illic Maria Magdalene, et altera illa Maria, sedentes ex adverso sepulcri.

62 POSTERO autem die, quæ est post Parasceven, coacti sunt primarii sacerdotes et Phari-

63 sæi ad Pilatum, dicentes, Domine, meminimus planum illum dixisse, quum adhuc viveret, Ter-

64 tio post die suscitabor. Jube ergo muniri se-

pulcrum usque in diem tertium; nequando veniant discipuli ejus nocte, et furentur eum; dicantque populo, Suscitatus est ex mortuis: et erit ultimus error pejor priore.

65 Dixit eis Pilatus, Habetis custodiam: abite,
66 munite sicut scitis. Ipsi autem profecti munierunt sepulcrum, obsignato lapide, cum custodia.

28 EXTREMO autem sabbato, quum lucesceret in primum *diem* hebdomadis, venit Maria Magdalene, et altera illa Maria, ut spectarent sepulcrum.

2 ET, ecce, terræmotus factus est magnus: angelus enim Domini, quum descendisset e cœlo, accessit, *et* evolvit saxum ab ostio, sedebatque
3 super illud. Erat autem visus ejus ut fulgur,
4 et indumentum ejus album sicut nix. Custodes vero perculsi sunt præ ipsius metu, et facti sunt sicut mortui.

5 RESPONDENS autem angelus dixit mulieribus, Vos *vero* ne metuite; scio enim vos Jesum crucifixum quærere. Non est hic: resurrexit enim, prout dixit. Adeste, videte locum ubi jacebat
7 Dominus. Et cito profectæ dicite discipulis ejus eum suscitatum fuisse ex mortuis: et, ecce, præit vobis in Galilæam; illic eum videbitis: ecce, dixi vobis.

8 Tunc *hæc* egressæ cito a monumento cum metu et gaudio magno, currebant, ut hæc renunciarent discipulis ejus.

9 UT autem ibant ad *hoc* renunciandum discipulis ejus, ecce, Jesus occurrit eis, dicens, Avete. Illæ vero accesserunt, et amplexæ sunt pedes ejus, et adoraverunt eum.

10 Tunc ait eis Jesus, Ne metuite: abite, renunciate fratribus meis, ut abeant in Galilæam: illic me videbunt.

11 EUNTIBUS autem ipsis, ecce, quidam ex custodia venerant in urbem, et nunciaverant primariis sacerdotibus omnia quæ facta fuerant.
12 Ipsi vero congregati cum senioribus, consilioque capto, nummos non paucos dederunt militibus
13 *illis*, Dicite, inquires, Discipuli ejus nocte venerunt, et eum furati sunt, nobis dormientibus.
14 Quod si hoc auditum fuerit apud præsidem, nos *istud* persuadebimus ei, et securos vos præstabis.
15 Ipsi vero, accepta pecunia, fecerunt sicut erant edocti: et divulgatum fuit istud apud Judæos usque ad hodiernum diem.

16 UNDECIM autem illi discipuli profecti sunt in Galilæam, in montem ubi constituerat eis
17 Jesus *ut adessent*. Et eo conspecto, adoraverunt eum: quidam tamen dubitaverunt.

18 Accedens autem *ad eos* Jesus locutus est eis, dicens, Data est mihi omnis auctoritas in cœlo
19 et in terra: profecti ergo discipulas facite omnes gentes, baptizantes eos in nomen Patris, et Filii, et
20 Spiritus Sancti; docentes eos observare omnia quæ præcepi vobis: et, ecce, ego vobiscum sum omnibus diebus, usque ad consummationem seculi.
Amen.

EVANGELIUM

SECUNDUM

MARCUM.

1 PRINCIPIUM evangelii Jesus Christi, Filii
2 Dei; ut scriptum est in prophetis, Ecce, ego mitto nuncium illum meum ante faciem tuam, qui apparabit viam tuam coram te.
3 Vox vociferantis in deserto, Parate viam Domini, complanate semitas ejus.

- 4 Baptizabat Joannes in deserto et prædicabat
baptismum resipiscentiæ ad remissionem pecca-
5 torum. Et exhibat ad eum omnis Judaica regio
ac Hierosolymitæ; et baptizabantur omnes ab
eo in Jordane flumine, confitentes peccata sua.
- 6 Indutus autem erat Joannes pilis camelorum,
et zona coriacea circa lumbos suos; et edebat
7 locustas et mel silvestre. Et prædicabat, dicens,
Venit pone me qui validior me est, cujus non
sum dignus qui incurvatus solvam corrigiam sole-
8 arum. Ego quidem baptizavi vos aqua: ipse
vero baptizabit vos Spiritu Sancto.
- 9 ET factum est diebus illis, ut Jesus advenerit
a Nazareth *urbe* Galilææ, et baptizatus sit in
10 Jordane a Joanne. Et *is* statim ascendens ex
aqua vidit findi cœlos, et Spiritum quasi colum-
11 bam descendere super eum: et vox exstitit e
cœlis, Tu es Filius ille meus dilectus, in quo
acquiesco.
- 12 STATIMQUE Spiritus eum expulit in desertum.
13 Et fuit illic in deserto dies quadraginta, tentante
eum Satana: eratque cum feris: et angeli mini-
strabant ei.
- 14 POSTQUAM autem traditus fuit Joannes *in*
custodiam, venit Jesus in Galilæam, prædicans
15 evangelium regni Dei; et dicens, Expletum est
tempus, et appropinquavit regnum Dei; resipi-
scite, et credite evangelio.
- 16 Ambulans autem apud mare Galilææ, vidit
Simonem, et Andream fratrem ejus, jacentes
17 rete in mare; (erant enim piscatores:) et dixit
eis Jesus, Sequimini me, et faciam ut sitis pesca-
18 tores hominum. Et *ipsi* statim, omissis retibus
suis, secuti sunt eum.
- 19 Tunc progressus illinc paululum, vidit Jacobum
filium Zebedæi, et Joannem fratrem ejus, qui

20 et ipsi in navigio sarciebant retia: statimque vocavit eos: et *ipsi*, omisso patre suo Zebedæo in navigio cum mercenariis, secuti sunt eum.

21 ET ingrediuntur Capernaum: statimque sabbato ingressus *Jesus* in synagogam, docebat. Et percellebantur super doctrina ejus: docebat enim eos ut auctoritatem habens, et non ut scribæ.

23 Fuit autem in synagoga eorum quidam, in quo erat spiritus impurus, qui exclamavit, dicens, Ah, quid nobis tecum, Jesu Nazarene? venisti ut perderes nos? novi te quis sis, *nimirum* Sanctus ille Dei. Et objurgavit eum *Jesus*, dicens, Obmutesce, et exi ex eo. Tunc, quum discerpisset eum spiritus impurus, et clamasset voce magna, exiit ex eo.

27 Et expaverunt omnes, ita ut mutuo quærerent inter se, dicentes, Quid est hoc? quæ doctrina nova hæc, quod cum auctoritate imperat etiam spiritibus impuris, et auscultant ei? Emanavit autem fama ipsius statim in totam regionem circumjacentem Galilææ.

29 ET statim e synagoga egressi, venerunt domum Simonis et Andreæ cum Jacobo et Joanne. Socrus autem Simonis decumbebat febricitans: 31 et statim dicunt ei de illa. Tunc accedens erexit eam, prehensa ejus manu: et dimisit eam febris statim, et ministravit eis.

32 Quum autem serum *diei* esset, occidente sole, adducebant ad eum omnes male affectos et dæmoniacos. Et civitas tota aggregata erat ad ostium. Et sanavit multos male affectos variis morbis; et dæmonia multa ejecit, et non sinebat dicere dæmonia quod ipsum nossent.

35 ET mane, valde multa nocte quum surrexisset, exiit, et abiit in desertum locum, et illic oravit. 36 Et persecuti sunt eum Simon et qui cum ipso

37 erant. Et quum invenissent eum, dicunt ei,
38 Omnes te quærunt. Tunc dicit eis, Eamus in
côntigua oppidula, ut et illic prædicem; ad hoc
39 enim sum egressus. Prædicabat igitur in syna-
gogis eorum in tota Galilæa; et dæmonia eji-
ciebat.

40 VENITQUE ad eum leprosus, precans eum,
eique ad genua procidens, ac dicens ei, Si velis,
41 potes me purificare. Jesus autem commiseratione
intima commotus, extensa manu, tetigit eum, et
42 dixit ei, Volo; purificator. Et quum *hæc* di-
xisset, statim abiit ab eo lepra, et purificatus
fuit.

43 Et graviter interminatus ei *Jesus*, statim ab-
44 legavit eum, dixitque ei, Vide *ut* nemini quic-
quam dicas: sed abi, ostende teipsum sacerdoti,
et offer pro purificatione tui quæ imperavit Mo-
45 ses, *ut hoc sit* eis testimonio. Ille vero egressus
cœpit prædicare multa, et rem divulgare, ita
ut jam non posset Jesus manifeste introire in
civitatem: sed foris in desertis locis erat: et
veniebant ad eum undique.

2 SED rursus intravit Capernaum interjectis *ali-*
quot diebus; et auditum est eum domi esse.

2 Statimque congregati sunt multi, *adeo* ut jam
non caperent *eos*, ne ea quidem *loca* quæ *erant*
ad ostium: et loquebatur eis sermonem *evan-*
gelii.

3 Tunc venerunt ad eum ferentes paralyticum,
4 qui a quatuor portabatur. Et quum non possent
ei appropinquare propter turbam, detexerunt ta-
bulatum *loci* in quo erat; eoque perfosso, *funi-*
bus demiserunt grabbatum, in quo paralyticus
jacebat.

5 Quum autem vidisset Jesus fidem eorum, dixit
paralytico, Fili, remissa sunt tibi peccata tua.

- 6 Erant autem illic quidam ex scribis sedentes,
7 et ratiocinantes in cordibus suis, Quid iste ita loquitur blasphemias? Quis potest remittere peccata, nisi unus ille Deus?
- 8 Et quum statim agnovisset Jesus spiritu suo, eos ita ratiocinari apud se, dixit eis, Quid ista
9 ratiocinamini in cordibus vestris? Utrum est facilius, dicere paralytico, Remissa sunt tibi peccata? an dicere, Surge, et attolle grabatum
10 tuum, et ambula? Ut autem sciatis Filium hominis habere auctoritatem remittendi peccata in
11 terra, (ait paralytico,) tibi dico, Surge, et attolle grabatum tuum, et abi domum tuam.
- 12 Tunc *ille* statim surrexit, sublatoque grabato, egressus est coram omnibus; adeo ut obstupescerent omnes, et glorificarent Deum, dicentes, Nunquam tale quicquam vidimus.
- 13 ET egressus est rursus ad mare: totaque turba veniebat ad eum, ac docebat eos.
- 14 Et quum prætergrederetur, vidit Levin Alphæi *filium* sedentem ad telonium, dixitque ei, Sequere me. Et *is* surgens secutus est eum.
- 15 Et factum est, ut quum Jesus accumberet in domo illius, multi etiam publicani et peccatores simul discubuerint cum Jesu et discipulis ejus:
16 erant enim multi, et secuti fuerant eum. Quumque scribæ ac Pharisæi vidissent eum edentem cum publicanis et peccatoribus, dixerunt discipulis ejus, Quid *est* quod cum publicanis et peccatoribus edit ac bibit?
- 17 Et quum *hoc* audisset Jesus, dicit eis, Iis qui valent non opus est medico, sed iis qui male *se* habent: non veni vocatum justos, sed peccatores ad resipiscentiam.
- 18 DISCIPULI vero Joannis ac Pharisæorum jejunabant: veniunt igitur et dicunt ei, Quare

discipuli Joannis et Pharisæorum jejunant, tui autem discipuli non jejunant?

- 19 Tunc ait eis Jesus, Num possunt filii thalami, quo *tempore* cum ipsis est sponsus, jejunare? quamdiu habent secum sponsum, non possunt
20 *isti* jejunare. Venient autem dies, quum sublatus erit ab eis sponsus, et tunc jejunabunt
21 illis diebus. Nemo vero panniculum impexum insuit vestimento veteri: alioquin illud ipsius supplementum novum tollit *aliquid* ex vetere
22 *vestimento*, et fit pejor fissura. Et nemo injicit vinum novum in utres veteres; sin minus vinum novum disrumpit utres et vinum effunditur, et utres pereunt: sed vinum novum in utres recentes injiciendum est.

- 23 FACTUM est autem ut ipse præteriret sabbato per sata; et cœperunt discipuli ejus iter
24 faciendo vellere spicas. Tunc Pharisæi dixerunt ei, Ecce, cur *isti* faciunt sabbato quod non licet?

- 25 Et ipse dixit eis, Nunquam legistis quid fecerit David, quum *hoc* ipsi esset opus, et
26 esuriret ipse, et qui cum eo *erant*? Quomodo sit ingressus domum Dei sub Abiatharo pontifice maximo, et panes proposititios edeerit, quos non licet edere nisi sacerdotibus, et dederit
27 etiam iis qui secum erant? Dixit etiam eis, Sabbatum propter hominem factum est, non
28 homo propter sabbatum. Itaque Filius hominis est etiam sabbati dominus.

- 3 ET introivit rursus in synagogam: eratque
2 illic quidam arefactam manum habens. Et observabant an sabbato sanaturus esset eum; ut ipsum accusarent.

- 3 Tunc ait homini habenti manum arefactam,
4 Prodi in medium. Eis autem dixit, Licet sab-

bato benefacere, an malefacere *cuiuspiam*? hominem servare, an interimere? Ipsi vero silebant.

5 Et quum circumspexisset eos cum ira, simul dolens quod occalluisset cor eorum, dicit homini, Extende manum tuam. Et *is* extendit: restitutaque est manus ejus sana ut altera.

6 Tunc egressi Pharisei statim cum Herodianis consilium inierunt adversus eum, ut eum perderent. Sed Jesus cum discipulis suis secessit ad mare; et magna multitudo secuta est eum a
7 Galilæa, et a Judæa, et Hierosolymis, et ab Idumæa, et *regione quæ est trans Jordanem*; et qui circa Tyrum ac Sidonem *habitant*, magna
8 multitudine, quum audissent quanta faceret, venerunt ad eum. Ipse autem dixit discipulis
9 suis, ut navigiolum sibi perstaret propter turbam, ne ipsum opprimerent. Multos enim
10 sanaverat, adeo ut inciderent in eum, ut ipsum tangerent, quotquot tenebantur flagellis. Et
11 spiritus impuri, quum eum conspexerant, accidebant ei *ad pedes*, et clamabant, dicentes, Tu es Filius ille Dei. Ipse vero multum interminabatur eis, ne ipsum palam facerent.

13 TUNC ascendit in montem, et advocavit ad se quos ipse voluit: et venerunt ad eum. Et constituit duodecim, ut secum essent, et ut
14 mitteret eos ad prædicandum *evangelium*; et ut jus haberent sanandi morbos, et ejiciendi
15 dæmonia: primum, Simonem; (cui imposuit nomen Petrum;) et Jacobum *filium* Zebedæi, et
16 Joannem fratrem Jacobi; (et imposuit eis nomina Boanerges, quod est, filii tonitru;) et
17 Andream, et Philippum, et Bartholomæum, et Matthæum, et Thomam, et Jacobum Alphæi
18 *filium*, et Thaddæum, et Simonem Cananiten, et Judam Iscarioten, qui et prodidit eum.

20 VENERUNTQUE domum. Convenit autem
rursum turba; adeo ut ipsi ne panem quidem
edere possent.

21 Et quum *hæc* audissent ipsius propinqui,
venerunt ut prehenderent eum: dicebant enim
eum apud se non esse.

22 SCRIBÆ vero qui Hierosolymis descenderant,
dicebant, Certe habet Beelzebulem, et certe per
principem dæmoniorum ejicit dæmonia.

23 Quum autem eos advocasset, dixit eis per
parabolas, Quomodo potest Satanas Satanam
24 ejicere? Neque si regnum adversus sese dis-
25 sideat, potest stare regnum illud. Neque si
domus contra semetipsam dissideat, potest stare
26 domus illa. *Sic* quoque si Satanas insurgat et
dissideat adversus semetipsum, stare non potest,
27 sed finem habet. Non potest quisquam viribus
præditi *alicujus* vasa, ingressus domum ejus,
diripere, nisi primo viribus præditum illum
28 vinxerit: et tunc domum ejus diripiet. Amen
dico vobis, Quævis peccata remittentur filiis
hominum, et blasphemix quibuscunque blasphe-
29 marint: sed quicumque blasphemarit in Spiritum
Sanctum, non habet remissionem in æternum,
sed damnas est æterni judicii.

30 Dicebant enim, Spiritum impurum habet.

31 VENIUNT igitur fratres et mater ejus; et foris
stantes, miserunt ad eum, et eum vocarunt.
32 Sedebat autem circa eum turba: *illi* vero di-
xerunt ei, Ecce, mater tua et fratres tui foris
quærunt te.

33 Tunc respondit eis, dicens, Quæ est mater
34 mea, aut fratres mei? Et quum circumspexisset
in circuitu eos qui circum ipsum sedebant, ait,
35 Ecce mater mea, et fratres mei! Quicumque

enim fecerit quod Deus vult, is est frater meus, et soror mea, et mater.

4 ET rursus cœpit docere apud mare: et congregata est ad eum turba multa, adeo ut ipse navigium ingressus sederet in mari: tota autem turba apud mare in terra erat.

2 Et docebat eos per parabolas multa, dicebat-
3 que eis in doctrina sua: Audite, Ecce, *quidam*
4 sator exiit satum. Et factum est inter seren-
dum, aliud quidem cecidit secundum viam;
veneruntque volucres cœli, et devoraverunt
5 illud. Aliud vero cecidit in petrosa, ubi non
habebat terram multam; et statim exortum est,
propterea quod non habebat profundam terram:
6 sole autem exorto, ardore tactum est; et pro-
7 pterea quod non habebat radicem, exaruit. Et
aliud cecidit in spinas; et ascenderunt spinæ,
8 ac suffocarunt illud, et fructum non edidit. Et
aliud cecidit in terram bonam, ediditque fructum
assurgentem, ac crescentem; et tulit aliud tri-
9 cena, et aliud sexagena, et aliud centena. Tunc
dixit eis, Qui habet aures ad audiendum, audiat.

10 QUUM autem esset solus, interrogarunt eum
qui circum ipsum erant cum illis duodecim de
parabola.

11 Et dixit eis, Vobis datum est nosse myste-
rium regni Dei: iis autem qui foris sunt, per
12 parabolas omnia *ista* fiunt: ut conspicientes
conspiciant, et non videant; et audientes audi-
ant, et non intelligant: nequando *se* convertant,
et remittantur eis peccata.

13 Præterea dixit eis, Nescitis parabolam istam?
14 et quomodo omnes parabolas cognoscetis? Sator
15 ille sermonem serit. Isti autem sunt qui juxta
viam *semen excipiunt*, in quibus *videlicet*
seritur sermo: sed postquam audierunt, statim

venit Satanas, et tollit sermonem qui satus fu-
16 erat in cordibus eorum. Et isti sunt similiter
qui in petrosa semen excipiunt; qui *videlicet*,
quum audierint sermonem, statim cum gaudio
17 excipiunt eum; et non habent radicem in sese,
sed temporarii sunt: deinde, orta afflictione aut
persecutione propter sermonem, statim offen-
18 duntur. Hi sunt autem qui inter spinas sunt
sati; hi sunt, *inquam*, qui sermonem audiunt:
19 sed sollicitudines seculi hujus, et seductio divi-
tiarum, et cupiditates quæ in reliquis rebus
versantur, introeuntes, suffocant sermonem, is-
20 que redditur infructuosus. Hi sunt vero qui in
terram bonam semen exceperunt, qui *videlicet*
audiunt sermonem, et excipiunt; et fructum
ferunt, aliud tricena, aliud sexagena, aliud cen-
tena *grana*.

21 Dixit etiam eis, Num lucerna venit ut subter
modium ponatur, aut subter lectum? nonne ut
22 candelabro imponatur? Non est enim quicquam
absconditum, quod non sit manifestum futurum;
neque *quod* occultetur, sed *oportet* ut in
23 apertum veniat. Si quis habet aures ad audi-
24 endum, audiat. Præterea dixit eis, Videte quid
audiatis: qua mensura metimini, vobis metietur;
25 et adjicietur vobis qui auditis. Qui enim habet,
dabitur ei: et qui non habet, etiam quod habet
tolletur ab eo.

26 Item dicebat, Ita est regnum Dei, ut si quis-
27 piam jaciat semen in terram, et dormiat, et
exsurgat nocte ac die; et semen germinet et
28 assurgat quomodo ipse nescit. Sua enim sponte
terra fructum fert; primum herbam, deinde
spicam, deinde plenum frumentum in spica.
29 Quum autem prodiderit *sese* fructus, statim
mittit messorum, quoniam adest messis.

- 30 Dicebat etiam, Cui *rei* assimilaverimus regnum Dei? aut qua collatione contulerimus illud?
- 31 Velut grano sinapi; quod quum seritur in terra, minimum est omnium seminum quæ in
- 32 terra sunt: sed quum satum fuerit, assurgit, et fit maximum omnium olerum; editque ramos magnos, ita ut possint sub ejus umbra volucres cœli nidulari.
- 33 Et talibus multis parabolis loquebatur eis sermonem *evangelii*, prout poterant audire.
- 34 Absque parabola vero non loquebatur eis; privatim autem discipulis suis explicabat omnia.
- 35 DIXIT autem eis die illo, quum serum *diei* esset, Transeamus in ulteriorem *ripam*. Dimissa igitur turba, accipiunt eum ut erat in navigio; sed et alia navigiola erant cum eo.
- 37 Tunc oritur turbo venti magnus; et fluctus irruiebant in navigium, ita ut jam impleretur.
- 38 Erat autem ipse in puppi, cervicali indormiens. Tunc expergefaciunt eum, dicuntque ei, Magister, non est tibi curæ quod perimus?
- 39 Experrectus igitur, objurgavit ventum, dixitque mari, Sile, obmutesce. Tum quievit ventus, 40 factaque est tranquillitas magna. Dixit autem eis, Quid ita formidolosi estis? quomodo fidem non habetis?
- 41 Et metuerunt metu magno, dicebantque alius ad alium, Quisnam iste est, quod etiam ventus et mare auscultent ei?
- 5 ET venerunt in ulteriorem *ripam* maris, in 2 regionem Gadarenorum. Egresso autem ipsi e navigio, statim occurrit e monumentis quidam, 3 in quo erat spiritus impurus; qui commorabatur in monumentis; et ne catenis quidem quisquam 4 poterat eum vincire: propterea quod sæpe pedicis et catenis vinctus fuerat, sed discerptæ

- fuerant ab eo catenæ, et pedicæ contritæ; et
5 nequiverat ullus eum domare. Et per omne
tempus erat die ac nocte in montibus, et in
monumentis, clamans, et concidens seipsum la-
6 pidibus. Quum vidisset autem Jesum e longin-
7 quo, cucurrit et adoravit eum; et clamans voce
magna dixit, Quid mihi tecum, Jesu Fili Dei
illius altissimi? Adjuro te *per* Deum ne me
8 torqueas. (Dicebat enim ei *Jesus*, Exi, spiritus
impure, ex isto homine.)
9 Tunc interrogavit eum, Quod tibi nomen *est*?
Et respondit, dicens, Legio mihi nomen *est*;
10 quia multi sumus. Et multum precabatur eum,
ne ipsos mitteret extra illam regionem.
11 Erat autem illic apud montes grex porcorum
12 magnus pascens. Et precati sunt eum omnes
illi dæmones, dicentes, Mitte nos in porcos, ut
13 in eos introeamus. Et *hoc* permisit eis statim
Jesus. Egressi vero spiritus illi impuri introi-
erunt in porcos: et ruit ille grex e præcipitio
in mare, (erant autem quasi bis mille,) et suffo-
cati sunt in mari.
14 Qui vero pascebant porcos, fugerunt, et *ista*
renunciarunt in urbem et in agros. Et *illi*
egressi sunt, ut viderent quid illud esset quod
15 factum fuerat. Veniunt igitur ad Jesum, et
conspiciunt eum qui fuerat dæmoniacus, seden-
tem, ac vestitum, et sanæ mentis, eum *inquam*,
16 qui habuerat legionem: et metuerunt. Et qui
ista viderant, narraverunt eis quomodo actum
17 esset cum dæmoniaco, et de porcis. Tunc *illi*
cœperunt eum rogare ut abiret ex finibus
ipsorum.
18 Ipso vero ingresso in navigium, rogabat eum
ille qui fuerat dæmoniacus ut esset cum ipso.
19 Jesus autem non permisit ei, sed ei dixit, Abi

domum tuam ad tuos, et eis renuncia quanta tibi Dominus præstiterit; et quod misertus sit
20 tui. Abiit igitur *ille*, et cœpit prædicare in Decapoli quanta ipsi fecisset Jesus: et omnes mirabantur.

21 ET quum Jesus rursum trajecisset navigio in ulteriorem *ripam*, congregata est turba multa ad eum: eratque apud mare.

22 ET, ecce, venit unus ex præfectis synagogæ, nomine Jairus: et quum vidisset eum, accidit
23 ad pedes ejus; et multum precabatur eum, dicens, Filiola mea in extremum adducta est: *rogo* ut venias, et imponas ei manus, ut ser-
24 vetur; et vivet. Abiit igitur *Jesus* cum eo: et sequebatur eum turba multa, et comprimebat eum.

25 (Tunc mulier quædam, quæ erat in fluxione
26 sanguinis *ab* annis duodecim, fueratque multa perpressa a multis medicis, et impenderat omnia sua, et nihil adjuta fuerat, sed potius in deterius venerat; quum audisset de Jesu, venit in
27 turba a tergo, et tetigit vestimentum ejus. Dicebat enim, Si vel vestimenta ipsius tetigero,
28 servabor. Et statim exaruit fons sanguinis ipsius; et sensit corpore se sanata esse ex eo flagello.

30 Statim autem Jesus, quum apud se cognovisset vim quæ ex ipso prodierat, conversus ad
31 turbam, dixit, Quis tetigit vestimenta mea? Et dixerunt ei discipuli ipsius, Conspicis turbam te
32 complimentem, et dicis, Quis me tetigit? *Ips*e vero circumspiciebat, ut videret eam quæ hoc fecerat.

33 Mulier autem metuens et tremens, quum sciret quod in se factum fuerat, venit et accidit
34 ei *ad pedes*, dixitque ei omnem veritatem. Ille

autem dixit ei, Filia, fides tua te servavit; abi cum pace, et esto sana ex flagello tuo.)

35 Adhuc eo loquente, veniunt *quidam* a præfecto synagogæ, dicentes, Filia tua mortua est: quid amplius vexas magistrum?

36 Jesus autem, statim ut audiit hunc sermonem qui dicebatur, dicit præfecto synagogæ, Ne metue, solummodo crede.

37 Neque permisit ut se quisquam una sequeretur, nisi Petrus, et Jacobus, et Joannes frater

38 Jacobi. Venit igitur domum præfecti synagogæ, et tumultum conspicit, flentes et ejulantes mul-

39 tum. Et ingressus dicit eis, Quid tumultuamini et fletis? puella non est mortua, sed dormit.

40 Et deridebant eum. Ipse vero, ejectis omnibus, assumit patrem et matrem puellæ, et eos qui secum erant, et ingreditur *eo* ubi erat puella

41 jacens. Prehensaque manu puellæ, dicit ei, Talitha cumi; quod est, si interpreteris, Puella,

42 (tibi dico,) surge. Et statim surrexit puella, et ambulabat; erat enim annorum duodecim.

43 Et obstupuerunt stupore magno. *Ips*e vero multum interdixit eis, ne quis id resciret; dixitque ut daretur puellæ quod ederet.

6 ET egressus est illinc, venitque in patriam suam: et secuti sunt eum ipsius discipuli.

2 Quumque advenisset sabbatum, cœpit in synagoga docere: multique audientes percellebantur, dicentes, Unde huic ista? et quæ est hæc sapientia quæ data est ei, quod etiam virtutes tales

3 per manus ejus edantur? Nonne iste est faber ille, filius Mariæ, frater Jacobi, et Jose, et Judæ, et Simonis? nonne et sorores ejus hic sunt apud nos? Et offendebantur in ipso.

4 Dicebat autem eis Jesus, Non est propheta inhonoratus, nisi in patria sua, et inter co-

- 5 gnatos, et domi suæ. Neque potuit illic virtutem
ullam edere, nisi *quod* quum paucis male valen-
6 tibus imposuisset manus, sanavit *eos*. Mirabatur-
que propter incredulitatem eorum: et circuibat
vicos in orbem, docens.
- 7 TUNC advocavit duodecim illos, cœpitque
eos mittere binos; deditque eis jus *in* spiritus
8 impuros. Et mandavit eis, ut nihil attollerent
ad iter, nisi virgam tantum; non peram, non
9 panem, non æs in zona: sed *ut* calcearentur
sandaliis; et ne induerentur binis tunicis.
- 10 Et dicebat eis, Ubicumque introieritis domum,
11 illic manete, usquedum exeatis illinc. Et qui-
cunque non exceperint vos, neque audierint vos,
egressi illinc, excutite pulverem qui suberit
pedibus vestris, ut hoc sit testimonium adversus
eos. Amen dico vobis, Tolerabilior erit Sodo-
morum *conditio* aut Gomorrhorum in die iudicii,
quam urbis illius.
- 12 Egressi igitur *illi* proclamabant ut resipi-
13 scerent *homines*. Et dæmonia multa ejiciebant,
ungebantque oleo multos male valentes, et
sanabant *eos*.
- 14 AUDIVIT autem *ista* rex Herodes; (erat
enim clarum factum nomen ejus;) dixitque, Jo-
annes, ille qui baptizabat, suscitatus est ex
mortuis, et propterea virtutes agunt in eo.
- 15 Alii dicebant, Elias est. Alii vero dicebant,
16 Propheta est, vel unus ex prophetis illis. Quum
igitur *hæc* audisset Herodes, ait, Iste est Jo-
annes quem ego decollavi: ipse suscitatus est
ex mortuis.
- 17 Ipse enim Herodes, missis *satellitibus*, pre-
henderat Joannem, et vinxerat eum in carcere,
propter Herodiadem uxorem Philippi fratris sui;
18 quia duxerat eam uxorem. Dicebat enim Jo-

annes Herodi, Non licet tibi habere uxorem
19 fratris tui. Herodias autem imminebat ei, et
20 cupiebat eum interimere; nec poterat: Herodes
enim metuebat Joannem, sciens eum *esse* virum
justum ac sanctum, et observabat eum; audito-
que eo, multa faciebat, et libenter eum audi-
21 ebat. Quum igitur dies opportunus adesset,
quo tempore Herodes in natalitiis suis cœnam
faciebat, optimatibus suis, ac chiliarchis, et pri-
22 mariis Galilææ: et introisset filia ipsius Hero-
diadis, ac saltasset, placuissetque Herodi, et
simul accumbentibus, rex ait puellæ, Pete a me
23 quodcunque volueris, et dabo tibi. Juravitque
ei, Quodcunque a me petieris dabo tibi, usque
24 ad dimidium regni mei. At illa egressa dixit
matri suæ, Quid petam? Illa vero dixit, Caput
25 Joannis Baptistæ. *Puella* igitur cum festina-
tione statim ad regem ingressa, *id* petiit, dicens,
Velim ut jam nunc des mihi in patina caput
26 Joannis Baptistæ. Rex autem valde tristis
factus; noluit *tamen*, propter jusjurandum et
27 eos qui simul accumbebant, eam aspernari. Et
statim rex, misso spiculatore, imperavit ut affer-
28 retur caput ejus. Ille vero abiit, ac decollavit
eum in carcere; attulitque caput ejus in patina,
et dedit illud puellæ, et puella dedit illud
29 matri suæ. Quumque *hoc* audissent discipuli
ejus, venerunt, et sustulerunt cadaver ejus, et
posuerunt in monumento.
30 CONGREGATI sunt autem apostoli ad
Jesum, et annuntiaverunt ei omnia, et quæ
31 egerant, et quæ docuerant. Et dixit eis, Ad-
este vos privatim in desertum locum, et requie-
scite paululum: erant enim multi venientes et ab-
32 euntes; et ne edere quidem ipsis vacabat. Abi-
erunt igitur in desertum locum navigio seorsim.

- 33 Vidit autem eos abeuntes turba, et agnoverunt eum multi; et pedibus ex omnibus civitatibus concurrerunt illuc, præveneruntque eos,
34 et una venerunt ad eum. Tunc egressus vidit turbam multam Jesus, et commiseratione intima commotus est super eis, quoniam erant ut oves non habentes pastorem: cœpitque eos docere multa.
35 Quum autem jam multus dies esset, adierunt eum discipuli ejus, dicentes, Desertus est locus
36 iste, et jam multus dies est; dimitte eos, ut abeant in circumjacentes agros ac vicos, et emant sibi panes: nam quod edant non habent.
37 At ille respondens dixit eis, Date vos ipsi quod edant.

Tunc dicunt ei, *Num* profecti emerimus ducentis denariis panes, et dederimus eis edendos?

- 38 Ipse vero dixit eis, Quot panes habetis? abite et videte. Et *illi*, re cognita, dixerunt, Quinque, et duos pisces.
39 Tunc imperavit iis ut accumbere curarent
40 omnes per convivia super viridi gramine. Recubuerunt igitur sigillatim per areolas, *partim*
41 centeni, et *partim* quinquageni. Et acceptis quinque illis panibus, ac duobus illis piscibus, suspiciens in cœlum, benedixit, ac fregit panes;
deditque discipulis suis, ut illis apponerent: et
42 duos pisces partitus est omnibus. Ederuntque
43 omnes, et saturati sunt. Et sustulerunt fragmentorum duodecim cophinos plenos, et ex
44 piscibus. Erant autem qui panes illos ederant quasi quinquies mille viri.
45 Et statim coegit discipulos suos inscendere navigium, et præire in ulteriorem *ripam* Bethsaidæ oppositam, dum ipse dimitteret turbam.
46 Et quum amandasset eos, abiit in montem ad precandum.

47 Quum autem serum *diei* adesset, erat navigium in medio mari, et ipse solus in terra.
48 Viditque eos vexatos in *navigio* provehendo; (erat enim ventus eis contrarius;) et circa quartam vigiliam noctis venit ad eos, ambulans
49 super mare: volebatque eos præterire. Illi vero, viso eo ambulante super mare, putarunt spectrum esse; et exclamaverunt: (omnes enim videbant eum, et turbati sunt.) Sed statim locutus est cum eis, et dixit, Confidite; ego sum; ne metuite.

51 Tunc ascendit ad eos in navigium; quievitque ventus: et *ipsi* multo magis apud sese obstupescebant, et mirabantur. Non enim attenderant *quod factum fuerat* illis panibus; quoniam cor eorum occalluerat.

53 ET quum trajecissent, venerunt in terram
54 Genesaret; et appulerunt. Tunc ipsis egressis e navigio, statim *homines loci illius*, agnito eo,
55 discursantes per totam circumjacentem regionem cœperunt in grabatis male affectos *eo* circumferre, ubi audiebant eum esse. Et quocumque introisset in vicos, aut urbes, aut agros, in foris ponebant infirmos; et precabantur eum ut vel fimbriam pallii ipsius tangerent: et quotquot tangebant eum, servabantur.

7 TUNC congregati sunt ad eum Pharisei, et quidam ex scribis, qui venerant Hierosolymis.
2 Et quum vidissent quosdam ex discipulis ejus pollutis manibus (id est, illotis) edere panem,
3 conquesti sunt. Nam Pharisei et omnes Judæi, nisi pugno laverint manus, non edunt; retinentes
4 traditionem seniorum: et a foro *venientes*, nisi loti fuerint, non edunt: et alia multa sunt quæ acceperunt retinenda, *nempe* lotiones poculorum, et sextariorum, et æramentorum, et lectorum.

- 5 Deinde interrogarunt eum Pharisei et scribæ,
Quare discipuli tui non ambulant secundum tradi-
tionem seniorum, sed illotis manibus edunt panem?
- 6 Ille vero respondens dixit eis, Bene certe
prophetavit Esaias de vobis hypocritis; ut
scriptum est, Populus iste labiis me hono-
rat, cor autem eorum procul distat a me.
- 7 Frustra vero me colunt, docentes doctri-
8 nas, *quæ sunt* præcepta hominum. Nam
omisso præcepto Dei, tenetis traditionem hominum,
lotiones sextariorum et poculorum: aliaque similia
9 huiusmodi multa facitis. Præterea dixit eis, *Sane*
belle irritum facitis mandatum Dei, ut tradi-
10 tionem vestram observetis. Moses enim dixit,
Honora patrem tuum et matrem tuam; et, Qui
maledixerit patri vel matri, morte moriatur.
- 11 Vos autem dicitis, Si dixerit quispiam patri vel
matri, Corban (id est, donum) *est* quocunque a
12 me juvari posses, *insons erit*. Nec permittitis
amplius eum quicquam præstare patri suo aut
13 matri suæ: irritum facientes sermonem Dei tra-
ditione vestra quam tradidistis: et similia hujus-
modi multa facitis.
- 14 Advocata etiam tota turba, dixit eis, Audite
15 me omnes, et attendite. Nihil est extra homi-
nem, quod ingrediens in eum, possit eum pol-
luere: sed quæ egrediuntur ex eo, illa sunt quæ
16 polluant hominem. Siquis habet aures ad
audiendum, audiat.
- 17 Et quum introisset domum, *digressus* a turba,
interrogarunt eum discipuli ejus de parabola.
- 18 Tunc dicit eis, Itane et vos intelligentia ca-
retis? Non perpenditis quicquid extrinsecus
ingreditur in hominem, non posse eum pol-
19 luere? non enim ingreditur in cor ejus, sed in
ventrem; et in latrinam abit, purificans omnes

20 *escas.* Dicebat autem, Quod ex homine egre-
21 ditur, illud polluere hominem. Intus enim, ex
corde hominum, malæ cogitationes egrediuntur,
22 adulteria, scortationes, cædes, furta, augendæ
rei artes, improbitates, dolus, lascivia, oculus
23 malus, obtrectatio, superbia, amentia: omnia
hæc mala intus exeunt, et polluunt hominem.

24 ET illinc surgens abiit in confinia Tyri ac
Sidonis; et ingressus domum, neminem volebat
25 *hoc* scire: sed non potuit latere. Quum enim de
eo audisset mulier, cujus filiola habebat spiritum
26 impurum, venit, et accidit ad pedes ejus; (erat
autem mulier Græca, Syrophœnissa gente;) et
rogavit eum ut dæmonium ejiceret ex filia sua.
27 Jesus autem dixit ei, Sine prius saturari li-
beros: non est enim bonum accipere panem
liberorum, et objicere catellis.

28 Ipsa vero respondit, et dixit ei, Etiam, Do-
mine: sed enim catelli edunt sub mensa ex
micis puerorum.

29 Tunc dixit ei, Propter istum sermonem abi:
30 exiit dæmonium ex filia tua. Quum autem *illa*
abiisset domum suam, invenit dæmonium exivisse,
et filiam projectam super lectum.

31 TUNC regressus e finibus Tyri ac Sidonis,
venit ad mare Galilææ, per medios fines Deca-
polis.

32 Tunc offerunt ei surdum difficulter loquentem;
et precantur eum, ut imponeret ei manum.

33 *Ips*e vero, quum abduxisset eum e turba priva-
tim, misit digitos suos in auriculas ejus; et

34 quum spuisset, tetigit linguam ejus. Et quum
suspexisset in cœlum, suspiravit, et dixit ei,

35 Ephphatha, quod est, Adapteritor. Et statim
adapertæ sunt ejus aures: et solutum est vin-
culum linguæ ipsius, et loquebatur recte.

36 Et interdixit eis ne cui *istud* dicerent: sed quantumcunque ipse eis interdixisset, multo
37 magis *hoc* prædicabant. Et supra modum percellebantur, dicentes, Bene omnia fecit: facit ut et surdi audiant, et muti loquantur.

8 DIEBUS illis, quum multa omnino turba esset, nec haberent quod ederent, advocatis
2 Jesus discipulis suis, dixit eis, Intima misericordia commoveor erga turbam; quia jam tri-duum manent apud me, nec habent quod edant.
3 Quod si dimisero eos jejunos domum suam, deficient in via: quidam enim ex eis e longinquo venerunt.

4 Responderunt autem ei discipuli ejus, Unde istos quispiam possit hic satiare panibus in deserto?

5 Interrogavit igitur eos, Quot panes habetis? Ipsi vero dixerunt, Septem.

6 Tunc mandavit turbæ ut recumberet humi: et acceptis septem illis panibus, quum gratias egisset, fregit, deditque discipulis suis, ut *eos*
7 apponerent: et apposuerunt turbæ. Habebant autem pisciculos paucos: et quum benedixisset,
8 dixit ut hos etiam apponerent. Ederunt autem, et saturati sunt: et sustulerunt fragmentorum
9 quæ superfuerant, septem sportas. Erant vero qui ederant quasi quater mille: dimisitque eos.
10 ET statim ingressus in navigium cum discipulis suis, venit in partes Dalmanutha.

11 Prodierunt vero Pharisei, cœperuntque altercari cum eo, quærentes ab eo signum e cœlo,
12 ipsum tentando. Ipse vero quum alte ingemisset spiritu suo, dixit, Cur gens ista signum requirit? Amen dico vobis, Si dabitur isti genti
13 signum. Et eis relictis, ingressus rursus navigium, abiit in ulteriorem *ripam*.

14 FUERANT autem obliti discipuli sumere panes,

et panem non nisi unum habebant secum in
15 navigio. Tunc edixit eis, dicens, Videte, cavete
a fermento Pharisæorum, et fermento Herodis.
16 Disceptabant igitur alii adversus alios, di-
centes, Panes non habemus.

17 *Id* autem quum nosset Jesus, dixit eis, Quid
disceptatis quod panes non habetis? nondum
ista perpenditis, nec intelligitis? adhuc metu
18 obductum habetis cor vestrum? quum oculos
habeatis, non videtis? et quum aures habeatis,
19 non auditis? neque memores estis? Quum quin-
que illos panes fregi illis quinquies mille, quot
cophinos fragmentis plenos sustulistis? Dicunt
20 ei, Duodecim. Quum autem septem illos *panes*
illis quater mille, quot sportas fragmentis plenas
21 sustulistis? Illi vero dixerunt, Septem. Tunc
dixit eis, Quomodo *hæc* non intelligitis?

22 VENIT autem Bethsaidan: et obtulerunt ei
cæcum, et precati sunt eum ut ipsum tangeret.
23 Tunc prehensa manu cæci, eduxit eum extra
vicum: et quum inspuisset in oculos ejus, im-
posuissetque ei manus, interrogavit eum ecquid
24 videret. Qui quum sursum oculos intendisset,
dixit, Cerno homines instar arborum ambulantes.
25 Deinde rursum imposuit manus oculis ejus,
fecitque ut *denuo* oculos intenderet; et resti-
tutus fuit, viditque procul et dilucide omnes.

26 Tunc *Jesus* remisit eum domum suam, dicens,
Neque in vicum illum ingreditor, neque *hæc*
dicito cuiquam in vico.

27 EGRESSUS est autem Jesus ac discipuli ejus
in vicos Cæsareæ, *quæ cognominatur* Philippi:
et in via interrogavit discipulos suos, dicens eis,
Quemnam esse me dicunt homines?

28 Illi vero responderunt, Joannem Baptistam;
et alii, Eliam; alii vero, unum ex prophetis.

29 Tunc ipse dixit eis, Vos autem, quem me dicitis esse?

Respondens vero Petrus dicit ei, Tu es ille Christus.

30 Tunc interminatus est, ut nulli *id* dicerent de se.

31 ET cœpit eos docere quod oporteret Filium hominis multa pati, et reprobari a senioribus, et primariis sacerdotibus, ac scribis, et interim; 32 et tribus post diebus resurgere. Et libere eum sermonem loquebatur.

Prehensum autem eum Petrus cœpit objurgare.

33 Ipse vero conversus, et intuitus discipulos suos, objurgavit Petrum, dicens, Abscede a me, Satana; nam non sapis quæ Dei *sunt*, sed quæ *sunt* hominum.

34 Et quum advocasset turbam cum discipulis suis, dixit eis, Quicumque vult pone me venire, abneget semetipsum, et attollat crucem suam, 35 ac sequatur me. Quisquis enim voluerit animam suam servare, perdet eam: quisquis autem perdidit animam suam causa mea et evangelii, is 36 servabit eam. Quid enim profuerit cuipiam, si lucratus fuerit mundum totum, et anima sua 37 mulctetur? Aut quam dabit quispiam commutationem animæ suæ? Nam quemcunque 38 puduerit mei ac meorum sermonum inter gentem istam adulteram et peccatricem, Filium etiam hominis pudebit ejus, quando venerit in gloria Patris sui cum angelis illis sanctis.

9 Præterea dixit eis, Amen dico vobis, Sunt quidam ex iis qui hic adstant, qui nequaquam gustabunt mortem, usquedum viderint regnum Dei venisse cum potentia.

2 SEXTO vero post die assumit Jesus Petrum, et Jacobum, et Joannem, et subducit eos in

montem sublimem seorsim solos: et transfor-
3 matus fuit coram eis. Et vestimenta ejus facta
sunt coruscantia, candida valde ut nix, qualia
4 non potest fullo in terra dealbare. Et visus
est eis Elias cum Mose, qui colloquebantur
cum Jesu.

5 Tunc respondens Petrus dicit Jesu, Rabbi,
bonum est nos hic esse: faciamus igitur taber-
nacula tria; tibi unum, et Mose unum, et Eliæ
6 unum. Nec enim sciebat quid loqueretur; erant
enim exterriti.

7 Et exstitit nubes quæ inumbravit eos: venit-
que vox e nube, dicens, Hic est Filius ille
meus, dilectus ille, ipsum audite.

8 Et repente, quum circumspexissent, non am-
plius viderunt quenquam, nisi solum Jesum
secum.

9 Quum vero descenderent e monte, edixit eis
ut nemini narrarent quæ viderant, nisi postquam
10 Filius hominis ex mortuis resurrexisset. *Ipsi*
igitur hanc rem continuerunt apud se, mutuo
quærentes, quid illud esset, ex mortuis resurgere.

11 ET interrogarunt eum, dicentes, Cur scribæ
dicunt oportere ut Elias prius veniat?

12 Ipse vero respondens dixit eis, Elias quidem,
postquam prius venerit, restituet omnia: sed ut
scriptum est de Filio hominis, *oportet* ut multa
13 patiatur, et pro nihilo habeatur. Sed dico
vobis, Et Eliam venisse, et *istos* ei fecisse quæ-
cunque voluerunt, sicut scriptum est de eo.

14 ET quum venisset ad discipulos *suos*, vidit
turbam multam circa eos, et scribas cum eis
15 altercantes. Et statim tota turba viso eo ex-
pavit; et accurrentes salutaverunt eum.

16 Tunc interrogavit scribas, Quid altercamini
17 inter vos? Et respondens quidam e turba, dixit,

- Magister, adduxi filium meum ad te, habentem
18 spiritum mutum; qui ubicunque eum deprehenderit, lacerat eum; *ipse* vero spumat, et stridet dentibus suis, et exaescit. Et dixi discipulis tuis, ut eum ejicerent; sed nequiverunt.
- 19 Ipse vero respondens ei dixit, O gens incredula, quousque apud vos ero? quousque tandem sufferam vos? adducite eum ad me.
- 20 Illum igitur adduxerunt ad eum. Et eo conspecto, statim spiritus discerpserit eum: et *ille*, quum cecidisset in terram, volutabat sese spumans.
- 21 Tunc interrogavit *Jesus* patrem ejus, Quantum temporis est quod hoc accidit ei?
- 22 Ipse vero ait, Ab infante: et eum sæpe tum in ignem abjecit, tum in aquas, ut perderet eum. Sed si quid potes, succurre nobis, intima misericordia commotus erga nos.
- 23 *Jesus* autem dixit ei, Si potes hoc credere, omnia fieri possunt credenti.
- 24 Pater vero pueri statim clamans, cum lacrymis dixit, Credo, Domine: succurre incredulitati meæ.
- 25 Quum vidisset autem *Jesus* turbam simul accurrere, objurgavit spiritum illum impurum, dicens ei, *Tu* spiritus mute et surde, ego tibi impero, exi ab eo, et ne amplius ingreditor in
- 26 eum. Et quum clamasset *spiritus*, multumque discerpserit eum, exivit: et *ille* factus est quasi mortuus; adeo ut multi dicerent, Certe mortuus
- 27 est. *Jesus* vero prehensa manu ejus, erexit eum; et *ille* surrexit.
- 28 QUUM autem esset ingressus domum, discipuli ejus interrogarunt eum privatim, Cur nos non potuimus *spiritum* illum ejicere?
- 29 *Ipse* vero dixit eis, Hoc genus *dæmoniorum*

nullo modo potest exire nisi orando et jejunando.

30 ET illinc egressi, una iter faciebant per Galilæam: nec volebat ut quisquam *id* sciret.

31 Docebat enim discipulos suos, et dicebat eis, Filius hominis tradetur in manus hominum, qui interiment eum: sed interemtus, tertio die resurget. Ipsi vero ignorabant hoc dictum, et metuebant eum interrogare.

33 VENIT igitur Capernaum: et quum venisset domum, interrogavit eos, Quid in via inter vos
34 disceptabatis? Ipsi vero siluerunt: nam alii adversus alios disceptarant in via, quis *esset* *futurus ipsorum* maximus.

35 Et quum consedisset, vocavit duodecim illos, et dixit eis, Si quis vult primus esse, erit omnium ultimus, et omnium minister. Et acceptum puerulum statuit in medio eorum: eoque in
36 ulnas recepto, dixit eis, Quisquis unum ex talibus puerulis exceperit meo nomine, me excipit; et quicumque me exceperit, non me excipit, sed eum qui misit me.

38 Respondit autem ei Joannes, dicens, Magister, vidimus quendam per nomen tuum ejicientem dæmonia, qui non sequitur nos: et prohibuimus eum, quia non sequitur nos.

39 Jesus autem ait, Ne illum prohibete: nullus enim est qui edat virtutem per nomen meum,
40 et possit cito male loqui de me. Nam qui non
41 est contra nos, pro nobis est. Quisquis enim potum dederit vobis poculum aquæ in nomine meo, *id est*, quod sitis Christi, amen dico vobis,
• 42 nequaquam perdiderit mercedem suam. Et quisquis offenculo fuerit uni ex parvis istis qui credunt in me, bonum esset ei potius si circumponeretur saxum molare circa collum ejus,

43 et projiceretur in mare. Quod si manus tua
facit ut tu offendas, abscinde eam: bonum est
tibi ad vitam ingredi mancum, *potius* quam
duas manus habentem abire in Gehennam, *id*
44 *est*, in ignem illum inextinctum: ubi vermis
eorum non interit, et ignis non exstinguitur.
45 Et si pes tuus facit ut tu offendas, abscinde
eum: bonum est tibi ingredi in vitam claudum,
potius quam duos pedes habentem projici in
Gehennam, *id est*, in ignem illum inextinctum:
46 ubi vermis eorum non interit, et ignis non
47 exstinguitur. Et si oculus tuus facit ut tu
offendas, erue eum: bonum est tibi introire in
regnum Dei luscum, *potius* quam duos oculos
48 habentem projici in Gehennam ignis: ubi vermis
eorum non interit, et ignis non exstinguitur.
49 Nam omnis *homo* igne salietur: et omnis ob-
50 latio sale salietur. Bonus est sal: si vero sal
insulsus factus fuerit, quonam ipsum condietis?
Habete in vobis ipsis salem, et pacem habete
alii cum aliis.

10 ET illinc surgens, venit in fines Judææ per
oram Jordanis: et convenit rursum turba ad
eum: et, ut consueverat, rursum docebat eos.

2 Tunc accedentes Pharisæi interrogarunt eum,
an liceret viro uxorem dimittere, tentantes eum.

3 Ipse vero, respondens dixit eis, Quid vobis
præcepit Moses?

4 Ipsi autem dixerunt, Moses permisit libellum
abscessionis scribere, et dimittere *uxorem*.

5 Tunc respondens Jesus dixit eis, Pro duritia
6 cordis vestri scripsit vobis præceptum istud: a
principio vero creationis, masculum et feminam
7 fecit Deus. Propterea derelinquet homo patrem
suum et matrem, et agglutinabitur uxori suæ;
8 et qui duo *fuerant*, erunt caro una. Itaque

- 9 non sunt amplius duo, sed una caro. Quod ergo Deus conjunxit, homo ne separato.
- 10 ET domi rursum discipuli ejus eadem de re
11 interrogaverunt eum. *Ipse* vero dixit eis, Quicunque dimiserit uxorem suam, et duxerit aliam,
12 mœchatur adversus eam. Et, si mulier dimiserit virum suum, et nupserit alteri, mœchatur.
- 13 TUNC obtulerunt ei puerulos, ut tangeret eos: discipuli vero objurgabant eos qui offerebant.
- 14 Quod quum vidisset Jesus, indignatus est, et dixit eis, Sinite puerulos venire ad me, et ne prohibite eos; talium enim est regnum Dei.
- 15 Amen dico vobis, Quicunque non exceperit regnum Dei ut puerulus, nequaquam in id ingredietur. Et quum accepisset eos in ulnas, impositis super eos manibus, benedixit eis.
- 17 EGREDIENTE autem ipso *ut se daret* in viam, quidam, quum accurrisset, et accidisset ei ad genua, interrogavit eum, Magister bone, quid faciam ut vitam æternam possideam?
- 18 Jesus autem dixit ei, Cur me dicis bonum? nullus est bonus, nisi unus, *nempe* Deus.
- 19 Præcepta nosti, Ne mœchator, Ne occidito, Ne furator, Ne falsum testimonium dicito, Ne damno *quenquam* afficito, Honora patrem tuum et matrem.
- 20 Ille vero respondens dixit ei, Magister, hæc omnia observavi a juventute mea.
- 21 Jesus autem eum intuitus, dilexit eum, et dixit ei, Unum tibi deest: abi, quæcunque habes vende, et da pauperibus; et habebis thesaurum in cœlo: et veni, sequere me, sublata *in humeros* cruce.
- 22 Ille vero mœstus ad hunc sermonem, abiit tristis: habebat enim possessiones multas.

- 23 Et quum circumspexisset Jesus, dicit discipulis suis, Quam difficulter qui opes habent, in regnum Dei introibunt!
- 24 Discipuli vero expaverunt ad hos sermones ipsius. Jesus autem rursum respondens dixit eis, Filii, quam difficile est eos qui confidunt opibus, in regnum Dei introire! Facilius est camelum per foramen acus transire, quam divitem in regnum Dei introire.
- 26 Illi vero eo amplius percellebantur, dicentes inter se, Et quis potest servari?
- 27 Intuitus autem eos Jesus dicit, Apud homines *hoc* fieri non potest, sed non apud Deum: nam omniaabilia sunt apud Deum.
- 28 Tunc Petrus cœpit dicere, Ecce, nos reliquimus omnia, et secuti sumus te.
- 29 Respondens autem Jesus ait, Amen dico vobis, Nullus est qui reliquerit domum, aut fratres, aut sorores, aut patrem, aut matrem, aut uxorem, aut liberos, aut agros, mea causa et
- 30 evangelii, quin accipiat centuplicia nunc hoc ipso tempore, domos, et fratres, et sorores, et matres, et liberos, et agros, *et* cum persecutionibus; ac in seculo venturo vitam æternam.
- 31 Multi autem primi, erunt ultimi; et ultimi, primi.
- 32 ERANT autem in via ascendentes Hierosolyma; et præibat eis Jesus: et expavescebant, et *eum* sequendo metuebant. Ipse vero, assumptis rursum duodecim, illis cœpit dicere quæ
- 33 sibi erant eventura, *dicens*, Ecce, ascendimus Hierosolyma; et Filius hominis tradetur principibus sacerdotum et scribis; et condemnabunt
- 34 eum morte, tradentque eum gentibus: et *ipsæ* illudent ei, et flagellabunt eum, et inspuent in eum, et interiment eum: sed tertia die resurget.

35 TUNC accedunt ad eum Jacobus et Joannes, filii Zebedæi, dicentes, Magister, velimus ut quicquid petierimus præstes nobis.

36 Ipse vero dixit eis, Quid me vultis vobis præstare?

37 Illi autem dixerunt ei, Da nobis ut unus ad dextram tuam et alter ad sinistram tuam sedeamus in gloria tua.

38 Jesus autem dixit eis, Nescitis quid petatis. Potestis bibere poculum quod ego bibo; et baptismo quo ego baptizor, baptizari?

39 Ipsi vero dixerunt ei, Possumus.

Jesus autem dixit eis, Poculum quidem quod ego bibo, bibetis; et baptismate quo ego baptizor, baptizabimini: sed sedere ad dextram meam et ad sinistram meam, non est meum dare; sed *dabitur* quibus paratum est.

41 Et quum *hæc* audissent *alii* decem, cœperunt indignari de Jacobo et Joanne.

42 Jesus autem quum eos advocasset, dixit eis, Scitis eos qui censentur imperare gentibus dominari in eas; et earum magnates auctoritate uti in eas. Verum non ita erit inter vos: sed quicumque voluerit fieri magnus inter vos, sit minister vester: et quicumque voluerit ex vobis fieri primus, sit omnium servus. Nam et Filius hominis non venit ut sibi ministraretur, sed ut ministraret, et daret animam suam redemptionis pretium pro multis.

46 TUNC veniunt Hiericho: eoque egrediente ab Hiericho, ac discipulis ejus, et turba satis multa, filius Timæi, Bartimæus cæcus, sedebat apud viam mendicans. Et quum audisset ipsum esse Jesum illum Nazarenum, cœpit clamare et dicere, Fili Davidis Jesu, miserere mei! Oburgabant autem eum multi ut sileret: ille vero

multo magis clamabat, Filii Davidis, miserere mei!

49 Tunc Jesus, quum substitisset, jussit eum vocari. Vocant igitur cæcum, dicentes ei, Confide, surge; vocat te. Ipse vero, abjecto pallio suo, quum surrexisset, venit ad Jesum.

51 Et respondens dixit ei Jesus, Quid vis tibi faciam?

Cæcus autem ait ei, Rabboni, ut visum recipiam.

52 Jesus autem dixit ei, Abi; fides tua te servavit. Statim igitur recepit visum, et sequebatur Jesum in illo itinere.

11 QUUM autem appropinquarent Hierosolymis ad Bethphage et Bethaniam, apud montem Olearum, misit duos e discipulis suis, et dicit eis, Abite in vicum qui vobis est ex adverso: et statim ut ingrediemini in eum, invenietis pullum ligatum, in quo nullus hominum sedit: solvite eum *et* adducite. Quod si quis vobis dixerit, Cur hoc facitis? dicite, Quoniam eo opus est Domino: et eum statim huc mittet.

4 Abierunt igitur, et invenerunt pullum ligatum ad ostium foris in bivio; et solverunt eum.

5 Tunc quidam eorum qui illic adstabant, dixerunt eis, Quid facitis qui solvitis pullum? Ipsi vero dixerunt eis prout præceperat Jesus: et *illi* dimiserunt eos.

7 Adduxerunt igitur pullum ad Jesum, et injecerunt ei pallia sua: et insedit ei. Multi vero pallia sua straverunt per viam: alii autem frondes cædebant ex arboribus, et sternebant in viam. Et qui præibant, quique sequebantur, clamabant, dicentes, Hosanna, benedictus qui venit in nomine Domini! Benedictum regnum patris nostri Davidis, quod venit in nomine Domini: Hosanna, *o qui es in cælis* altissimis!

- 11 ET ingressus est Hierosolymam Dominus, et in templum: quumque circumspexisset omnia, et vespera jam hora esset, exiit ad Bethaniam cum illis duodecim.
- 12 ET postero die, quum exissent Bethania,
13 esuriit. Quumque e longinquo vidisset ficum habentem folia, venit *visurus* num inveniret aliquid in ea: et quum venisset ad eam, nihil invenit nisi folia: non enim erat tempus ficum.
- 14 Tunc respondens Jesus dixit ficui, Ne amplius ex te in seculum quisquam fructum edat. Et *hoc* audierunt discipuli ejus.
- 15 Veniunt igitur Hierosolymam. Et ingressus Jesus in templum, cœpit ejicere eos qui vendebant et emebant in templo; et mensas numulariorum, et cathedras vendentium columbas
16 subvertit: nec sinebat ut quisquam deportaret
17 vas per templum. Et docebat, dicens eis, Nonne scriptum est, Domum meam domum orationis vocatum iri ab omnibus gentibus? vos autem eam fecistis speluncam latronum.
- 18 Et *hoc* audierunt scribæ et primarii sacerdotes, et quærebant quomodo eum perderent: metuebant enim eum, quia tota turba percellabatur super doctrina ipsius.
- 19 Quum vero vespera advenisset, egressus est Jesus extra urbem.
- 20 ET mane iter facientes prope ficum, viderunt
21 eam exaruisse radicitus. Tunc recordatus Petrus dixit ei, Rabbi, ecce, ficus illa quam exsecratus es exaruit.
- 22 Et respondens Jesus dixit eis, Habete fidem
23 Dei. Amen enim dico vobis, Quicumque dixerit monti huic, Tollitor et projicitor in mare; nec addubitaverit in corde suo, sed crediderit futura

24 quæ dicit, fiet ei quicquid dixerit. Propterea
dico vobis, Quæcunque orantes petitis, credite
25 vos accepturos; et erunt vobis. Et quum ad-
stiteritis orantes, remittite, si quid habetis ad-
versus aliquem: ut et Pater ille vester qui in
26 cœlis *est* remittat vobis offensas vestras. Nam
si vos non remiseritis, nec Pater ille vester qui
in cœlis *est* remittet offensas vestras.

27 TUNC veniunt rursus Hierosolyma: et quum
ipse ambularet in templo, veniunt ad eum pri-
28 marii sacerdotes, et scribæ, et seniores, et
dicunt ei, Qua auctoritate ista facis? et quis
tibi dedit auctoritatem istam, ut hæc facias?

29 Jesus autem respondens dixit eis, Interrogabo
vos et ego quiddam: respondete igitur mihi, et
30 dicam vobis qua auctoritate hæc faciam: Ba-
ptisma Joannis, e cœlo erat, an ex hominibus?
respondete mihi.

31 Ratiocinabantur autem apud se, dicentes, Si
dixerimus, E cœlo; dicet, Quare ergo non cre-
32 didistis ei? Sed si dicamus, Ex hominibus;
timemus populum: omnes enim sentiebant de
33 Joanne quod vere propheta fuisset. Tunc re-
spondentes dicunt Jesu, Nescimus.

Et Jesus respondens dicit eis, Nec ego dicam
vobis qua auctoritate hæc faciam.

12 ET cœpit eis per parabolas dicere, Vineam
plantavit quidam, et circumposuit sepem, et
fodit lacum, et ædificavit turrim, et elocavit eam
2 agricolis; ac peregre profectus est. Misitque
servum ad agricolas *suo* tempore, ut ab agri-
3 colis acciperet ex fructu vineæ. Illi vero
captum eum ceciderunt, ac remiserunt inanem.
4 Et rursum misit ad eos alium servum; et *illi*
huic quoque lapidato, caput comminuerunt, et
5 remiserunt contumelia affectum. Et rursum

- aliū misit; et illum interemerunt multosque
alios; hos quidem cædentes, illos vero interi-
6 mentes. Quū ergo unum adhuc haberet filium
suum dilectum, misit etiam illum ultimum ad
7 eos, dicens, Reverebuntur filium meum. Illi
vero agricolæ dixerunt inter se, Iste est hæres;
venite, interimamus eum, et nostra erit hære-
8 ditas. Et captum eum interemerunt, et ejecerunt
9 extra vineam. Quid ergo faciet dominus vineæ?
Veniet, et perdet agricolas, et dabit vineam
10 aliis. Ne hanc quidem scripturam legistis,
Quem lapidem reprobaverunt ædifi-
11 cantes, is factus est caput anguli: a
Domino factum est istud, et est mira-
bile in oculis nostris?
- 12 Studebant igitur eumprehendere: sed metu-
erunt turbam; norant enim eum adversus ipsos
illam parabolam dixisse: itaque omisso eo abierunt.
- 13 ET miserunt ad eum quosdam e Pharisæis et
Herodianis; ut eum irretirent captum sermone.
- 14 Illi vero, quū venissent, dicunt ei, Magister,
scimus te veracem esse, neque curare quenquam;
non enim respicis ad personam hominum, sed
in veritate viam Dei doces: Licet census
Cæsari dare, an non? demus, an non demus?
- 15 Ipse vero, quū sciret eorum hypocrisin,
dixit eis, Quid me tentatis? proferte mihi dena-
16 rium, ut videam. Illi vero protulerunt. Tunc
dicit eis, Cujus est imago ista et inscriptio?
Illi vero dixerunt ei, Cæsaris.
- 17 Et respondens Jesus dixit eis, Reddite quæ
sunt Cæsaris, Cæsari; et quæ Dei *sunt*, Deo.
Et admirati sunt super ipso.
- 18 TUNC veniunt ad eum Sadducæi, qui dicunt
non esse resurrectionem; et interrogarunt eum,
19 dicentes, Præceptor, Moses scripsit nobis, ut si

- cujus frater mortuus sit, ac reliquerit uxorem, et filios non reliquerit, accipiat ipsius frater uxorem ejus, et excitet semen fratri suo.
- 20 Septem ergo fratres fuerunt: ac primus accepit
- 21 uxorem, et moriens non reliquit semen. Et secundus accepit eam, et mortuus est, et ne ipse quidem reliquit semen: et tertius itidem.
- 22 Et acceperunt eam septem illi, neque reliquerunt semen: ultima omnium mortua est et
- 23 mulier. In resurrectione ergo, postquam resurrexerint, cujus eorum erit uxor? nam septem habuerunt eam uxorem.
- 24 Tunc respondens Jesus dixit eis, Nonne propterea erratis, quod non sciatis scripturas, neque
- 25 potentiam Dei? Postquam enim ex mortuis resurrexerint *homines*, neque uxores ducunt, neque nuptum dantur; sed sunt ut angeli qui in cœlis
- 26 *sunt*. De mortuis vero, quod suscitandi sint, non legistis in libro Mosis, quomodo in rubo locutus sit ei Deus, dicens, Ego *sum* Deus Abrahami, et Deus Isaaci, et Deus Jacobi?
- 27 Non est Deus *Deus* mortuorum, sed Deus viventium: vos ergo multum erratis.
- 28 Et quum accessisset quidam e scribis, qui audierat eos altercantes, et sciebat eum bene illis respondisse, interrogavit eum, *dicens*, Quod est primum omnium præceptum?
- 29 Jesus autem respondet ei, Primum omnium præceptorum *est*, Audi, Israel, Dominus Deus
- 30 noster Dominus unus est. Diliges igitur Dominum Deum tuum ex toto corde tuo, et ex tota anima tua, et ex tota cogitatione tua, et ex totis viribus tuis: hoc est primum præceptum.
- 31 Et secundum *illi* simile, hoc *est*, Diliges proximum tuum ut teipsum. Majus istis aliud præceptum non est.

- 32 Tunc dixit ei scriba ille, Bene, Magister, in
veritate dixisti: nam unus est Deus, nec alius
33 est præter eum: et diligere eum ex toto corde,
et ex tota intelligentia, et ex tota anima, et ex
totis viribus; ac diligere proximum ut seipsum,
plus est quam omnia holocausta et sacrificia.
34 Tum Jesus, quum vidisset eum cordate re-
spondisse, dixit ei, Non longe es a regno Dei.

Et nemo amplius audebat eum interrogare.

- 35 ET respondens Jesus dicebat, docens in
templo, Quomodo dicunt scribæ Christum esse
36 filium Davidis? Nam ipse David dixit per
Spiritus Sanctum, Dixit DOMINUS Domino
meo, Sede ad dextram meam, usquedum
37 statuero inimicos tuos scabellum pedum
tuorum. Ipse ergo David dicit eum Dominum:
unde igitur filius ejus est?

ET multa illa turba audiebat eum libenter.

- 38 *Ipse* autem dicebat eis in doctrina sua,
Cavete a scribis, qui amant stolati ambulare,
39 et salutationes in foris, primosque consessus in
40 conventibus, et primos accubitus in cœnis: qui
devorant domos viduarum, et in speciem utuntur
longis precibus: isti auferent gravius judicium.
41 ET quum sedisset Jesus ex adverso gazo-
phylacii, spectabat quomodo turba immitteret
æra in gazophylacium: multi igitur divites im-
42 mittebant multa. Et quum venisset quædam
vidua pauper, immisit minuta *æreola* duo, quod
43 est quadrans. Tunc *ille*, quum advocasset disci-
pulos suos, dixit eis, Amen dico vobis, Vidua
hæc pauper plus immisit quam omnes *alii* qui
44 miserunt *pecuniam* in gazophylacium: nam
omnes ex eo quod ipsis redundat immiserunt;
hæc vero e penuria sua immisit omnia quæ
habebat, totum *nempe* victum suum.

13 QUUM autem egrederetur e templo, dixit ei quidam e discipulis ejus, Magister, vide quales lapides, et qualia *ista sint* ædificia!

2 Tunc Jesus respondens dixit ei, Vides ista magna ædificia? non relinquetur lapis super lapidem, qui non dissolvatur.

3 ET quum sederet in monte Olearum ex adverso templi, interrogarunt eum privatim Petrus, 4 et Jacobus, et Joannes, et Andreas, Dic nobis, quando hæc erunt, et quod signum *erit* quando futurum est ut hæc omnia consummentur.

5 Jesus autem eis respondens cœpit dicere, 6 Videte ne quis vos seducat: multi enim venient sub nomine meo, dicentes, Ego sum *Christus*; 7 multosque seducent. Quum autem audieritis bella et rumores bellorum, ne turbamini; oportet 8 enim *ista* fieri: at nondum *erit* finis. Surget enim gens in gentem, et regnum in regnum; eruntque terræmotus singulis locis, et erunt fames ac turbæ: principia dolorum hæc *erunt*.

9 Sed cavete vos vobisipsis; tradent enim vos in consessus et conventus; cædemini; et coram præsidibus ac regibus sistemini propter me, *ut* 10 *hoc sit* testimonio adversus eos. Et apud omnes gentes oportet primum prædicari Evangelium. 11 Quum autem vos tradendo duxerint, ne ante solliciti estote quid dicturi sitis, neque meditamini: sed quicquid datum fuerit vobis illo momento, id loquimini: non enim estis vos 12 qui loquimini, sed Spiritus Sanctus. Tradet autem frater fratrem ad mortem, et pater filium: et insurgent liberi adversus parentes, et eos 13 curabunt morte mulctandos. Et eritis odio omnibus propter nomen meum: sed qui sub- 14 stiterit ad finem usque, is servabitur.

14 Quum autem videritis abominationem illam

- vastatricem, quæ dicta est a Daniele propheta, positam ubi non oportet, (qui *hæc* legit animum advertat,) tunc qui *fuerint* in Judæa, fugiant in
15 montes: qui vero *fuerit* in solario, ne descendat domum, nec ingrediatur ut quicquam tollat e
16 domo sua: et qui fuerit in agro, ne revertatur retro, ut tollat pallium suum. Væ autem gra-
17 vidis et lactantibus per illos dies! Orate vero
18 ne fiat fuga vestra hieme. Erunt enim dies illi talis afflictio, qualis facta non fuit a principio rerum conditarum, quas condidit Deus, usque
20 ad hoc tempus, neque fiet. Et nisi Dominus decurtasset dies illos, omnis caro periret: sed propter electos, quos elegit, decurtavit dies illos.
- 21 Tunc autem si quis dixerit, Ecce, hic Christus;
22 vel, ecce illic; ne credite: surgent enim pseudo-christi et pseudoprophetæ; et edent signa ac prodigia, ad seducendum, si fieri possit, etiam
23 electos. Vos autem cavete: ecce, prædixi vobis omnia.
- 24 Ceterum per illos dies, post afflictionem illam, sol obscurabitur, nec edet luna splendorem suum. Et stellæ cœli excident, et po-
25 testates quæ in cœlis *sunt* concutientur. Et tunc videbunt Filium hominis venientem in
26 nubibus cum potentia multa et gloria. *Ipse* vero tunc mittet angelos suos, et suos electos aggregabit a quatuor ventis, ab extremo terræ usque ad extremum cœli.
- 28 A ficu vero discite parabolam: Quum ramus ejus jam tenerescit, et germinat folia, nostis
29 prope esse æstatem: ita et vos quum hæc videritis fieri, scitote *illum* prope esse, *et* ad fores.
30 Amen dico vobis, nequaquam præterierit hæc
31 ætas, usquedum facta sint hæc omnia. Cœlum

et terra præteribunt; sermones autem mei nequaquam præteribunt.

32 Sed de die illo ac hora nemo scit, ne angeli quidem qui in cœlo sunt, nec ipse Filius, sed Pater.

33 Cavete, excubate, et orate; nescitis enim quando præstitutum illud tempus sit futurum.

34 *Nam Filius hominis ita est* ut quispiam qui peregre abiens, relicta domo sua, dataque servis suis potestate, ac suo cuique opere, janitori
35 præcepit ut vigilet. Vigilate igitur: (nescitis enim quando dominus domus veniet, vespere, an
36 media nocte, an in gallicinio, an mane:) ne quum
37 repente venerit, inveniat vos dormientes. Quæ autem dico vobis, omnibus dico, Vigilate.

14 ERAT autem pascha, et azyma duobus post diebus; et quærebant primarii sacerdotes et scribæ quomodo eum dolo prehensum interimerent. Dicebant autem, Non in festo, ne tumultus sit populi.

3 QUUM autem *Jesus* esset in Bethania in domo Simonis leprosi, accumbente eo, venerat mulier habens alabastrum unguenti nardi liquidæ multi pretii; et contrito alabastro, effuderat ei in caput.

4 Quidam autem indignabantur apud sese, et dicebant, Quorsum perditio ista unguenti facta
5 est? nam poterat hoc venire amplius quam trecentis denariis, et dari pauperibus. Et fremebant in eam.

6 *Jesus* autem ait, Omittite eam: quid ei molestias præbetis? bonum opus operata est erga
7 me. Semper enim pauperes habetis vobiscum; et quandocunque volueritis, potestis eis bene-
8 facere; me vero non semper habebitis. Hæc quod potuit fecit: occupavit enim ungere meum

- 9 corpus ad funerationem. Amen dico vobis, Ubicunque prædicatum fuerit evangelium hoc in toto mundo, etiam id quod ista fecit dicetur in memoriam ipsius.
- 10 TUNC Judas Iscariotes, unus ex illis duodecim, abiit ad primarios sacerdotes, ut eum
- 11 ipsis proderet. Illi vero, *eo* audito gavisii sunt; et polliciti sunt se pecuniam ei daturus. Quærebat igitur quomodo opportune eum proderet.
- 12 PRIMO autem die azymorum, quando pascha mactabatur, dicunt ei discipuli ipsius, Ubi vis ut profecti paremus ut edas pascha?
- 13 Tunc mittit duos e discipulis suis, et dicit eis, Abite in urbem, et occurret vobis quidam portans amphoram aquæ; sequimini eum: et quocunque introierit, dicite patrifamilias, Magister dicit, Ubi est diversorium, ubi pascha cum
- 15 discipulis meis edam? Tunc ipse vobis ostendet cœnaculum magnum stratum, paratum: illic parate nobis *pascha*.
- 16 Abierunt igitur discipuli ejus, veneruntque in urbem, et invenerunt *omnia* prout dixerat eis: et paraverunt pascha.
- 17 Et quum serum *diei* advenisset, venit cum
- 18 duodecim illis. Quumque accubuissent, et ederent, ait Jesus, Amen dico vobis, Unus ex vobis prodet me, qui edit mecum.
- 19 Ipsi vero cœperunt affici tristitia, et ei dicere sigillatim, Num ego? et alius, Num ego?
- 20 Ipse autem respondens dixit eis, Unus ex duodecim qui *manum* intingit mecum in catinum
- 21 *me prodet*. Filius quidem hominis abit, prout scriptum est de eo: sed vœ homini illi per quem Filius hominis proditur! bonum erat homini illi si natus non fuisset.
- 22 Et edentibus ipsis, quum accepisset Jesus

panem, *et* benedixisset, fregit, deditque eis; et
23 ait, Accipite, edite: hoc est corpus meum. Et
accepto poculo, quum gratias egisset, dedit eis;
24 et biberunt ex eo omnes. Et dixit eis, Hoc est
sanguis meus novi illius pacti qui pro multis
25 effunditur. Amen dico vobis, Non bibam amplius
ex fructu vitis, usque ad diem illum quum
ipsum bibam novum in regno Dei.

26 Et quum hymnum cecinissent, exierunt in
montem Olearum

27 Tunc dicit eis Jesus, Omnes offendemini in
me nocte ista: nam scriptum est, Percutiam
28 pastorem, et dispergentur oves. Sed postquam
suscitatus fuero, præibo vobis in Galilæam.

29 Petrus autem dixit ei, Etiamsi omnes offendantur,
at non ego.

30 Tunc dicit ei Jesus, Amen dico tibi, Hodie
nocte ista, priusquam bis gallus vocem miserit,
ter abnegabis me.

31 At ille multo magis dicebat, Si me oportuerit
commori tibi, haudquaquam te abnegabo. Itidem
autem etiam omnes dicebant.

32 VENIUNT igitur in locum cujus nomen *est*
Gethsemane. Tunc dicit discipulis suis, Sedete
hic, usquedum oravero.

33 Et assumit Petrum et Jacobum et Joannem
secum; cœpitque expavescere, et gravissime
34 angi. Et dixit eis, Undiquaque tristis est
anima mea usque ad mortem: manete hic, et
vigilate.

35 Progressusque paululum, procidit in terram;
et oravit ut, si fieri posset, abiret ab ipso hora
36 illa. Dixitque, Abba, Pater, omnia fieri abs te
possunt; transfer a me istud poculum: verum
non quid ego velim, sed quid tu.

37 Tunc venit, et invenit eos dormientes; dicit-

que Petro, Simon, dormis? nequivisti unam
38 horam vigilare? Vigilate et orate, ne introeatis
in tentationem: spiritus quidem promptus est,
sed caro infirma.

39 Et quum rursum abiisset, oravit, eundem
40 sermonem locutus. Reversus autem invenit
eos rursum dormientes; (erant enim oculi
eorum gravati;) neque sciebant quid ei re-
sponderent.

41 Et venit tertio, dicitque eis, Dormite quod
reliquum est, et requiescite: sufficit, venit hora
illa: ecce, traditur Filius hominis in manus
42 peccatorum. Surgite, eamus: ecce, qui prodit
me appropinquavit.

43 Et statim, adhuc eo loquente, adest Judas,
qui erat unus ex duodecim illis, et cum eo
turba multa cum gladiis et fustibus, a primariis
sacerdotibus, et scribis, et senioribus.

44 Dederat autem eis iste, qui eum tradebat,
commune inter ipsos signum, dicens, Quemcun-
que osculatus fuero, is est; prehendite eum, et
45 abducite tuto. Quum igitur venisset, statim ac-
cedens ad eum, dicit ei, Rabbi, Rabbi; ac
46 deosculatus est eum. Illi vero injectis in eum
manibus prehenderunt eum.

47 Quidam autem ex iis qui adstabant stricto
gladio feriit servum pontificis maximi, et ab-
stulit ejus auriculam.

48 Respondens autem Jesus dixit eis, *Siccine* ut
adversus latronem existis cum gladiis et fustibus
49 ad me una prehendum? quotidie eram apud
vos in templo docens, nec prehendistis me: sed
oportet ut impleantur scripturæ.

50 Tunc relicto eo, omnes fugerunt.

51 Quidam autem juvenis sequebatur eum, ami-
ctus sindone super nudum corpus: et prehen-

52 derunt eum juvenes. Ipse vero, derelicta sindone, nudus effugit ab illis.

53 TUNC abduxerunt Jesum ad pontificem maximum; cum quo convenerunt omnes primarii sacerdotes, et seniores, et scribæ.

54 Petrus autem e longinquo secutus est eum, intro usque in aulam pontificis maximi: et considerabat cum ministris, et calefaciebat *sese* ad ignem.

55 Primarii vero sacerdotes, et totus consessus quærebant testimonium adversus Jesum, ut eum
56 morte mularent; nec inveniebant. Nam multi falsum testimonium dicebant adversus eum; sed
57 non erant paria ipsorum testimonia. Tunc quidam surrexerunt, et falsa testati sunt ad-
58 versus eum, dicentes, Nos audivimus eum dicentem, Ego destruam templum hoc quod est manibus factum, et intra triduum absque mani-
59 bus factum aliud ædificabo. Sed ne sic quidem par erat testimonium eorum.

60 Tunc pontifex maximus, progressus in medium, interrogavit Jesum, dicens, Non respondes quicquam? quid *illud est quod* isti adversum te
61 testificantur? Ipse vero silebat, et nihil respondit. Rursum pontifex maximus eum interrogavit, et dixit ei, *Tunc* es ille Christus, Filius ille illius Benedicti?

62 Jesus autem dixit, Ego sum: et videbitis Filium hominis sedentem ad dextram potentiae *Dei*, et venientem cum nubibus cœli.

63 Pontifex maximus vero diruptis vestibis suis
64 dixit, Quid adhuc nobis opus est testibus? Audistis blasphemiam: quid vobis videtur?

Illi vero omnes contra eum judicarunt, ipsum teneri reum mortis.

65 Et cœperunt quidam inspuere in eum, et ob-

tegere faciem ejus, et colaphos ei infligere, et dicere ei, Vaticinare; ministri vero bacillorum ictibus eum cædebant.

66 QUUM vero Petrus esset in aula inferius,
67 venit quædam ex ancillis pontificis maximi: et quum vidisset Petrum se calefacientem, intuita in eum, dixit, Et tu cum Nazareno Jesu eras.
68 Ipse vero negavit, dicens, Non novi *illum*, neque scio quid tu dicas. Et exivit extra in
69 vestibulum: et gallus vocem emisit. Tunc ancilla, quum rursus vidisset eum, cœpit dicere iis
70 qui adstabant, Hic est *unus* ex ipsis. Ipse vero rursus negavit. Et rursus paulo post qui adstabant dixerunt Petro, Vere ex ipsis es: etenim Galilæus es, et locutio tua similis est.
71 Ipse autem cœpit exsecrari et jurare, *dicens*,
72 Non novi hominem istum quem dicitis. Tunc secundo gallus vocem emisit. Et recordatus est Petrus verborum quæ dixerat ei Jesus, Priusquam gallus vocem bis miserit, ter me abnegabis. Et quum erupisset, flevit.

15 STATIM autem, mane consilio inito, summi sacerdotes cum senioribus et scribis, totusque consessus, vinctum Jesum abduxerunt, tradideruntque Pilato.

2 Et interrogavit eum Pilatus, *Tunc* es ille rex Judæorum? Ipse vero respondens dixit ei, Tu
3 dicis. Et accusabant eum primarii sacerdotes
4 de multis. Pilatus autem rursus interrogavit eum, dicens, Non respondes quicquam? ecce,
5 quam multa adversus te testificantur. Jesus autem nihil amplius respondit, adeo ut miraretur Pilatus.

6 Ceterum singulis festis dimittebat eis unum
7 ex vinctis, quemcunque postulassent. Erat vero quidam, qui dicebatur Barabbas, vinctus cum

seditionis sociis, qui cædem per seditionem
8 fecerant. Et vociferans turba cœpit petere *ut*
9 *faceret* prout semper ipsis fecerat. Pilatus
autem respondit eis, dicens, Vultis dimittam
10 vobis regem illum Judæorum? (noverat enim
eum per invidiam traditum fuisse a primariis
11 sacerdotibus.) Primarii vero sacerdotes concitarunt turbam, ut potius Barabbam ipsis dimitteret.

12 Tunc Pilatus respondens, rursum dixit eis,
Quid ergo vultis faciam isto quem dicitis regem
13 Judæorum? Ipsi vero rursum clamaverunt,
Crucifige eum.

14 Pilatus autem dicebat eis, Enimvero quid
mali fecit? Illi autem eo amplius clamaverunt,
Crucifige eum.

15 Pilatus igitur volens turbæ satisfacere, dimisit
eis Barabbam, et Jesum flagellatum tradidit ut
crucifigeretur.

16 MILITES vero abduxerunt eum intra aulam,
id est, prætorium; et convocaverunt totam co-
17 hortem: et induerunt eum purpura, et circum-
18 posuerunt ei plexam coronam spineam: et
cœperunt eum salutare, *dicentes*, Ave, rex
19 Judæorum. Et cædebant ejus caput calamo, et
inspuebant in eum, ac positis genibus adorabant
20 eum. Quum autem illusissent ei, exuerunt eum
purpura, et induerunt eum suis ipsius vesti-
mentis; eduxeruntque ut crucifigerent eum.

21 Præterea angariarunt prætereuntem quendam
Simonem Cyrenæum, (venientem rure, patrem
Alexandri et Rufi,) ut attolleret crucem ejus.

22 Duxeruntque eum in locum Golgotha; quod
23 est, si interpreteris, Calvariæ locus. Et dede-
runt ei bibendum myrrhatum vinum: ipse vero
non sumpsit.

24 Quumque crucifixissent eum, partiti sunt vestimenta ejus, jacta sorte super ea, quis quid tolleret.

25 Erat autem hora tertia quando crucifixerunt
26 eum. Eratque inscriptio criminationis ipsius inscripta *his verbis*, REX ILLE JUDÆORUM.

27 Crucifixerunt etiam cum eo duos latrones; unum ad dextram, et alterum ad sinistram ejus.
28 Et impleta est scriptura quæ dicit, Et cum sceleratis numeratus est.

29 Qui vero præteribant blasphemabant eum, moventes capita sua, et dicentes, Vah, *tu* qui
30 destruis templum, et triduo ædificas, serva te-
31 ipsum, et descende e cruce. Similiter autem et primarii sacerdotes illudentes, dicebant alii ad alios cum scribis, Alios servavit; seipsum servare non potest. Christus ille rex Israel descendat nunc e cruce, ut videamus et credamus.

Et qui crucifixi erant cum eo convitiis afficiebant eum.

33 QUUM vero advenisset hora sexta, tenebræ factæ sunt super totam regionem usque ad horam nonam.

34 Et hora nona vociferatus est Jesus voce magna, dicens, ELOI, ELOI, LAMMA SABACHTHANI? quod est, si quis interpretetur, Deus mi, Deus mi, cur me deseruisti?

35 Et quidam adstantium, quum audissent, dice-
36 bant, Ecce, Eliam vocat. Cucurrit autem quidam, et impleta sponsia aceto, et arundini circumposita, dedit ei potum, dicens, Sinite; videamus an veniat Elias ad eum detrahendum.

37 Jesus vero, emissa voce magna, expiravit.

38 Et aulæum templi fissum est in duas partes, a summo usque ad imum.

39 Quum vidisset autem centurio, qui adstabat ipsi ex adverso, eum ita emisso clamore expirasse, dixit, Vere homo iste Filius erat Dei.

40 Erant autem etiam et mulieres e longinquo spectantes, inter quas erat Maria Magdalene, et Maria Jacobi parvi, et Jose mater, et Salome: 41 quæ etiam, quum esset in Galilæa, secutæ fuerant eum, et ministraverant ei: aliæque multæ quæ simul cum eo ascenderant Hierosolyma.

42 QUUM autem serum *diei* jam esset, (quoniam 43 erat parasceue, hoc est, antesabbatum,) veniens Josephus Arimathæensis, honoratus senator, qui et ipse expectabat regnum Dei, fidenti animo introiit ad Pilatum, et petiit corpus Jesu. 44 Pilatus autem miratus est, si jam mortuus esset; et advocato centurione, interrogavit eum, an 45 jamdudum mortuus fuisset. Et *re* cognita ex centurione, donavit corpus Josepho.

46 Is autem emit sindonem, et detractum eum involvit sindone; deposuitque in monumento quod erat excisum e petra; et advolvitur lapidem ad ostium monumenti.

47 Maria Magdalene vero et Maria *mater* Jose spectabant ubi poneretur.

16 ET exacto intercedente sabbato, Maria Magdalene, et Maria Jacobi *mater*, et Salome, emerant aromata, ut venientes ungerent eum. Et valde mane, primo die hebdomadis, *profectæ* veniunt ad monumentum, exorto sole.

3 Dicebantque inter sese, Quis devolvit nobis 4 saxum ab ostio monumenti? Intuitæ vero conspiciunt saxum esse devolutum: nam erat magnum valde.

5 Et ingressæ in monumentum, viderunt juvenem sedentem ad dextram, amictum stola candida: 6 et expaverunt. Ipse vero dixit eis, Ne expavescite: Jesum quæritis illum Nazarenum qui fuit crucifixus; suscitatus est, non est hic: ecce 7 locus ubi posuerant eum. Sed abite, dicite

discipulis ejus et Petro, *ipsum* præire vobis in Galilæam: illic eum videbitis, prout dixit vobis.

8 Tunc digressæ cito, fugerunt a monumento: tenebat enim eas tremor et stupor: neque cuiquam quicquam dicebant; metuebant enim.

9 QUUM autem resurrexisset *Jesus* mane, primo die hebdomadis, apparuit primum Mariæ Magdalænæ, ex qua ejecerat septem dæmonia.

10 Illa profecta renunciavit *hoc* iis qui cum ipso
11 fuerant, lugentibus, ac flentibus. Illi vero quum audissent eum vivere, et conspectum fuisse ab ea, non crediderunt.

12 POSTEA autem duobus ex ipsis ambulantis, conspicuum se præbuit alia forma, quum
13 proficiscerentur. Et illi abierunt, et renunciarunt reliquis; *qui* ne illis quidem crediderunt.

14 POSTREMO vero una sedentibus ipsis undecim conspicuum sese præbuit, et exprobravit incredulitatem eorum, et cordis duritiem; eo quod iis qui ipsum conspexerant suscitatum non credidissent.

15 Et dixit eis, Profecti in mundum universum,
16 prædicate evangelium omni orbi condito. Qui crediderit, et baptizatus fuerit, servabitur; qui

17 vero non crediderit, condemnabitur. Signa autem eos qui crediderint, hæc consequentur: Per nomen meum dæmonia ejicient; linguis
18 loquentur novis; serpentes tollent; et si quid lethale biberint, nequaquam nocebit eis; male valentibus manum imponent, et bene habebunt.

19 Dominus igitur, postquam locutus fuisset eis, sursum receptus est in cælum, et sedit ad
20 dextram Dei. Illi vero profecti prædicarunt ubique, Domino cooperante, et sermonem *eorum* confirmante, per signa subsequencia.

EVANGELIUM

SECUNDUM

LUCAM.

- 1 QUONIAM multi aggressi sunt componere
narrationem rerum, quarum plena fides nobis
2 facta est, prout tradiderunt nobis, qui a princi-
pio spectatores ipsimet et administri fuerunt
3 ipsius rei: visum est etiam mihi, omnia alte *re-*
petita penitus assecuto, ordine *illa* ad te scri-
4 bere, præstantissime Theophile: ut agnoscas
earum rerum veritatem, quas auditione accepisti.
- 5 FUIT diebus Herodis illius regis Judææ sa-
cerdos quidam nomine Zacharias, ex classe
6 Abiæ; uxor vero ipsius *erat* ex filiabus Aaron,
et nomen ejus Elisabeta. Erant autem justi
ambo in conspectu Dei, incedentes in omnibus
7 præceptis et ritibus Domini inculcate. Nec erat
eis proles, eo quod esset Elisabeta sterilis, et
ambo provecti jam essent ætate.
- 8 Factum est autem, ut quum is sacerdotio
9 fungeretur in ordine suæ classis ante Deum, se-
cundum ritum functionis sacerdotalis, sortitus
sit *munus* suffitus faciendi, ingrediendo in tem-
10 plum Domini. Tota vero multitudo populi foris
erat orans tempore suffitus.
- 11 Visus autem est ei angelus Domini, stans ad
12 dextram altaris suffitus. Et Zacharias *eo* viso
13 turbatus est, et metus incidit in eum. Dixit
autem ei angelus, Ne metue, Zacharia: nam ex-
audita est deprecatio tua; uxorque tua Elisabeta
gignet tibi filium, et vocabis nomen ejus Joan-
14 nem. Et *is* erit tibi gaudio et exultationi;

- 15 multique super ejus nativitate gaudebunt. Erit enim magnus in conspectu Domini, et vinum siceramque non bibet; et Spiritu Sancto implebitur, etiam a ventre matris suæ: multosque filiorum Israel convertet ad Dominum Deum ipsorum. Nam ipse præcedet in conspectu ejus, cum spiritu et virtute Eliæ, ut convertat corda patrum in filios, et rebelles ad prudentiam justorum; ut paret Domino populum apparatus.
- 18 Tunc dixit Zacharias angelo, Unde istud noscam? ego enim sum senex, et uxor mea provecta est ætate.
- 19 Et respondens angelus dixit ei, Ego sum Gabriel, qui adsto in conspectu Dei; missusque sum ut te alloquar, et hæc tibi læta nunciem.
- 20 Et ecce, silebis, nec loqui poteris, *ad eum* usque diem quo hæc fiant: eo quod non credidisti sermonibus meis, qui implebuntur præstituto tempore.
- 21 Erat autem populus exspectans Zachariam; et mirabantur quod is tardaret in templo. *Ille* vero egressus non poterat eis loqui: et agnoverunt eum visionem vidisse in templo: nam
- 23 ipse innuebat eis, permansitque mutus. Et factum est, ut impleti sunt dies sacræ functionis ipsius, abiit domum suam.
- 24 Post illos autem dies concepit Elisabeta uxor ejus; et occultavit se menses quinque, dicens,
- 25 Nempe ita mihi fecit Dominus diebus quibus *me* intuitus est, *ut* auferret probrium illud meum inter homines.
- 26 MENSE autem sexto missus est angelus Gabriel a Deo in urbem Galilææ, cui nomen
- 27 Nazaret, ad virginem desponsam virò cui nomen erat Joseph, ex domo David: nomen autem vir-

- 28 ginis *erat* Maria. Ingressus igitur angelus ad eam, dixit, Ave, gratis dilecta: Dominus tecum *est*: benedicta tu inter mulieres.
- 29 Illa vero quum *eum* vidisset, perturbata est super ejus sermone; et ratiocinabatur *apud se*
- 30 qualis esset salutatio ista. Tunc dixit ei angelus, Ne metue, Maria; invenisti enim gratiam
- 31 apud Deum. Et ecce, concipies in utero, et paries filium; et vocabis nomen ejus JESUM.
- 32 Hic erit magnus, et Filius Altissimi vocabitur; dabitque ei Dominus Deus sedem Davidis patris
- 33 ipsius: regnabitque in domo Jacobi in æternum; et regni ejus non erit finis.
- 34 Dixit autem Maria ad angelum, Quomodo erit istud, quandoquidem virum non novi?
- 35 Et respondens angelus dixit ei, Spiritus Sanctus superveniet in te, et virtus Altissimi inunbrabit te: propterea id etiam quod gignetur ex
- 36 te sanctum, vocabitur Filius Dei. Et ecce, Elisabeta cognata tua concepit et ipsa filium in senectute sua; et hic mensis est sextus ipsi,
- 37 quæ vocabatur sterilis: quia apud Deum non erit ullum verbum quod fieri non possit.
- 38 Dixit autem Maria, Ecce ancilla Domini; fiat mihi secundum verbum tuum. Et abiit ab ea angelus.
- 39 SURGENS vero Maria per eos dies, profecta est in montanam *regionem* cum festinatione, in
- 40 urbem Juda; et ingressa est domum Zachariæ, et salutavit Elisabetam.
- 41 Et factum est, ut audivit Elisabeta salutationem Mariæ, subsiliit foetus in utero ejus; et
- 42 repleta est Spiritu Sancto Elisabeta, exclamavitque voce magna, et dixit, Benedicta tu inter
- 43 mulieres, quia benedictus fructus uteri tui. Et unde hoc mihi, ut veniat mater Domini mei ad

44 me? ecce enim, ut exstitit vox salutationis tuæ
in auribus meis, subsiliit fœtus exsultans in
45 utero meo. Et beata *est* quæ credidit: nam
consummabuntur ea quæ dicta sunt ei a Do-
mino.

46 Tunc ait Maria,
Magnificat anima mea Dominum,
47 Et exsultat spiritus meus super Deo servatore
meo:
48 Quia respexit humilem ancillam suam: ecce,
enim, ex hoc *tempore* beatam me prædicabunt
omnes ætates:

49 Quia magnifice mecum egit potens ille, cujus
sanctum *est* nomen;

50 Et cujus misericordia in omnes ætates *parata*
est timentibus ipsum.

51 Forte facinus fecit brachio suo: dissipavit
superbos cogitatione cordis ipsorum:

52 Detraxit potentes e thronis, et extulit hu-
miles:

53 Famelicos implevit bonis, et divites ablegavit
inanes.

54 Suscepit Israelem puerum suum, ut memor
esset misericordiæ,

55 (Prout locutus est patribus nostris, *nimirum*
Abrahamo, et semini ejus,) in æternum.

56 Mansit autem Maria cum illa quasi menses
tres; et *postea* revertit domum suam.

57 ELISABETÆ vero completum est tempus ad
58 pariendum; et peperit filium. Et audierunt ac-
colæ et cognati ejus, Dominum magnifica miseri-
cordia sua usum esse in eam: et ei gratula-
bantur.

59 Et factum est, ut die octavo venerint ad
circumcidendum puerulum: vocabant autem eum
60 ex nomine patris ipsius, Zachariam. Sed re-

- spondens mater ejus ait, Nequaquam: sed voca-
61 bitur Joannes. Et dixerunt ad eam, Nemo est
in cognatione tua qui vocetur isto nomine.
62 Innuebant autem patri ejus quid vellet eum
63 vocari: isque postulata tabella scripsit, dicens,
Joannes est nomen ejus. Et mirati sunt omnes.
64 Apertum est autem os ejus illico, et lingua ejus;
et loquebatur benedicens Deo.
- 65 Ortus est igitur metus omnibus accolis eorum:
et in tota montana regione Judææ divulgata
66 sunt omnia verba ista. Et omnes qui audierunt
reposuerunt *ea* in corde suo, dicentes, Quisnam
puerulus hic erit? Manus autem Domini erat
cum eo.
- 67 Et Zacharias pater ejus repletus est Spiritu
Sancto, prophetavitque, dicens,
68 Benedictus *esto* Dominus Deus Israelis, quod
inviserit et redemerit populum suum.
- 69 Et erexerit cornu salutis nobis in domo Da-
vidis pueri sui:
- 70 Prout locutus est per os sanctorum, qui a
seculo fuerunt, prophetarum suorum:
- 71 *Fore ut nos* servaret ex inimicis nostris, et
e manu omnium qui oderunt nos;
- 72 Ut uteretur misericordia erga patres nostros,
ac memor esset pacti sui sancti;
- 73 Et jurisjurandi quod juravit Abrahamo patri
nostro, *nimirum se* daturum nobis,
- 74 Ut sine metu, e manu inimicorum nostrorum
liberati, ipsum colamus,
- 75 Cum sanctitate et justitia, in ipsius conspectu,
cunctis vitæ nostræ diebus.
- 76 Tu vero, puerule, Propheta Altissimi voca-
beris: præibis enim ante faciem Domini, ut
pares vias ejus;

- 77 *Et* des cognitionem salutis populo ejus, per
remissionem peccatorum ipsorum,
78 Ex intima misericordia Dei nostri; qua in-
visit nos is qui prodit ex alto;
79 Ut appareat iis qui in tenebris et umbra
mortis positi sunt, ad dirigendos pedes
nostros in viam pacis.
- 80 Ipse autem puerulus crescebat, et corroboratur Spiritu; fuitque in desertis illis locis ad eum usque diem quo se ostenderet Israeli.
- 2 FACTUM est autem diebus illis, ut prodierit edictum a Cæsare Augusto, ut describeretur
2 totus terrarum orbis. (Hæc descriptio prima
3 facta est præsidente Syriæ Cyrenio.) Ibant igitur omnes ut describerentur, in suam quisque urbem.
- 4 Ascendit autem etiam Josephus a Galilæa, ex urbe Nazareta, in Judæam, in urbem Davidis, quæ vocatur Bethlehem; propterea quod erat
5 ex domo et familia Davidis: ut describeretur cum Maria desponsa sibi uxore, quæ erat prægnans.
- 6 Factum est autem quum essent illic, ut ex-
7 plerentur dies ipsius ad pariendum. Peperit igitur filium suum primogenitum, et fasciis eum involvit, reclinavitque eum in præsepi; eo quod non erat eis locus in diversorio.
- 8 ERANT autem pastores in hac eadem regione excubantes, et observantes vigilias noctis super
9 gregem suum. Et ecce, angelus Domini supervenit ipsis, et gloria Domini circumfulsit eos;
10 et metuerunt metu magno. Tunc dixit eis angelus, Ne metuite; ecce enim evangelizo vobis
11 gaudium magnum, quod erit toti populo: *nempe*,
natum esse vobis hodie Servatorem, qui est
12 Christus Dominus, in urbe Davidis. Hoc autem

vobis signum *erit*: Invenietis infantem fasciis involutum, jacentem in præsepi.

13 Et repente adfuit cum angelo multitudo exercituum cœlestium, laudantium Deum, et dicentium,

14 Gloria in *cœlis* altissimis Deo, et in terra pax, hominibus benevolentia.

15 Et factum est, ut quum discessissent ab eis angeli in cœlum, tunc pastores illi dicerent alii ad alios, Transeamus sane Bethlehেমam usque et videamus factum istud quod Dominus notum

16 fecit nobis. Venerunt igitur festinantes, et invenerunt Mariam, et Josephum, et infantem

17 jacentem in præsepi. *Eo* autem viso, divulgaverunt *id* quod dictum fuerat ipsis de puerulo

18 illo. Et omnes qui *hæc* audierunt mirati sunt super iis, quæ locuti fuerunt ipsis pastores illi.

19 Maria vero ista omnia verba conservabat, conferens *ea* in corde suo. Reversi sunt autem

20 pastores, glorificantes et laudantes Deum super omnibus, quæ audierant et viderant, prout ipsis dictum fuerat.

21 Et quum advenisset dies octavus ad circumcidendum puerulum, vocatum est nomen ejus JESUS, quod vocatum fuerat ab angelo priusquam ipse in utero conciperetur.

22 Et quum impleti fuissent dies purificationis Mariæ, secundum legem Mosis, adduxerunt eum

23 Hierosolymam, ut sisterent eum Domino; (prout scriptum est in lege Domini, Omnis masculus

24 primogenitus sanctus Domino erit;) et ut darent oblationem, secundum *id* quod dictum est in lege Domini, Par turturum, aut duos pullos columbarum.

25 Et ecce, quidam erat Hierosolymis, cui nomen Simeon: *eratque* homo iste justus ac religiosus, exspectans consolationem Israel; et Spiritus

- 26 Sanctus erat super eum. Fueratque ipsi divinitus nunciatum a Spiritu Sancto, *ipsum* non visurum mortem, priusquam vidisset Christum
27 illum Domini. Is igitur venit impulsore Spiritu in templum. Et quum introducerent puerulum Jesum parentes, ut ejus causa facerent quod ex
28 lege consuetum erat; tunc ipse recepit eum in ulnas suas, et benedixit Deo, et dixit,
29 Nunc dimittis servum tuum, Domine, secundum verbum tuum, cum pace;
30 Quia viderunt oculi mei salutem tuam,
31 Quam parasti in oculis omnium populorum;
32 Lumen revelandum gentibus, et gloriam populi tui Israelis.
- 33 Josephus autem et mater ejus mirabantur
34 super iis quæ dicebantur de eo. Et benedixit eis Simeon, dixitque Mariæ matri ejus, Ecce, positus est iste casui et resurrectioni multorum in Israele et ut sit signum cui contradicatur:
35 (quin et tuam ipsius animam trajiciet gladius) ut revelentur ex multis cordibus cogitationes.
- 36 Erat etiam *quædam* Anna prophetissa, filia Phanuelis, ex tribu Aseris, provecta in multam ætatem, postquam vixisset cum viro annos septem a virginitate sua: et *quum* esset vidua quasi annorum octoginta quatuor, non abscedebat a templo, jejuniis ac deprecationibus colens
37 *Deum* noctem ac diem. Hæc igitur eo ipso momento quum supervenisset, vicissim palam agnoscebat Dominum, et loquebatur de eo omnibus qui redemptionem exspectabant Hierosolymis.
- 39 At *illi* ut perfecerunt omnia secundum legem Domini, reversi sunt in Galilæam, in urbem
40 suam Nazaretam. Puerulus autem crescebat, et corroborabatur Spiritu, implebaturque sapientia; et Dei gratia erat super eum.

41 IBANT vero parentes ejus quotannis Hiero-
42 solymam in festo paschæ. Quum igitur factus
esset annorum duodecim, ipsique ascendissent
43 Hierosolymam secundum morem illius festi, et
peregissent *illius* dies, revertentibus ipsis, re-
mansit puer Jesus Hierosolymis; et *hoc* nescivit
44 Joseph, nec mater ejus. Existimantes autem
eum esse in comitatu, ierunt viam *unius* diei;
et requirebant eum inter cognatos et inter notos.
45 Et quum eum non invenissent, reversi sunt
46 Hierosolymam, quærentes eum. Et factum est,
triduo post, ut invenerint eum in templo, se-
dentem in medio magistrorum, et audientem
47 eos, et eos interrogantem. Percellebantur autem
omnes qui eum audiebant, super intelligentia et
responsis ejus.

48 Et eo viso facti fuerunt *parentes ejus* attoniti: et dixit ad eum mater ipsius, Fili, cur ita fecisti nobis? ecce, pater tuus et ego anxii quærebamus te.

49 Tunc dixit ad eos, Quid est quod quærebatis me? *an* nesciebatis oportere me in iis esse quæ Patris mei sunt?

50 Sed ipsi non intellexerunt verba, quæ ipsis
51 fuerat locutus. Descendit autem cum eis, venitque Nazaretam; et erat eis subjectus. Et mater ejus conservabat verba hæc omnia in corde suo.

52 Jesus vero proficiebat sapientia et statura, ac gratia apud Deum et homines.

3 ANNO autem decimoquinto imperii Tiberii Cæsaris, Pontio Pilato procurante Judæam, tetrarcha Galilææ Herode, Philippo autem ipsius fratre tetrarcha Iturææ et Trachonitidis regionis,
2 et Lysania Abilenes tetrarcha, sub pontificibus maximis Anna et Caiapha, factum est verbum Domini ad Joannem Zachariæ filium in deserto.

- 3 Venit igitur in omnem regionem circumjacentem
Jordani, prædicans baptismum resipiscentiæ ad
4 remissionem peccatorum: ut scriptum est in li-
bro sermonum Esaiæ prophetæ, dicentis, Vox
vociferantis in deserto, Parate viam Do-
5 mini, complanate semitas ejus. Omnis
vallis implebitur, et omnis mons et collis
deprimetur: et quae curva sunt fient *via*
6 recta, et asperae viae *fient* planae. Vi-
debitque omnis caro salutem Dei.
- 7 Dicebat igitur turbæ venienti ut baptizaretur
ab ipso, Progenies viperarum, quis præmonstravit
8 vobis ut fugeretis a futura ira? Ferte igitur
fructus convenientes resipiscentiæ: et ne cœpe-
ritis dicere apud vos ipsos, Patrem habemus
Abrahamum: dico enim vobis, Posse Deum
etiam ex lapidibus istis excitare liberos Abra-
9 hamo. Jam vero etiam securis ad radicem ar-
borum posita est: omnis ergo arbor non ferens
fructum bonum exciditur, et in ignem abjicitur.
- 10 Et interrogavit eum turba, dicens, Quid igitur
11 faciemus? Respondens autem dixit eis, Qui
habet duas tunicas, impertiat non habenti; et
qui habet escas, similiter faciat.
- 12 Venerunt autem et publicani ut baptizarentur;
13 et dixerunt ei, Magister, quid faciemus? Ipse
vero dixit eis, Nihil amplius quam quod consti-
tutum est vobis exigit.
- 14 Interrogaverunt autem eum etiam milites, di-
centes, Et nos quid faciemus? Et ait eis, Ne-
minem concutite, neque dolo opprimite; et con-
tenti estote stipendiis vestris.
- 15 Exspectante autem populo, et cogitantibus
omnibus in cordibus suis de Joanne, numnam
16 ipse esset Christus ille, respondit Joannes, dicens
omnibus, Ego quidem baptizo vos aqua: sed

venit qui validior me est, cujus non sum dignus
qui solvam corrigiam solearum: ipse vos bapti-
17 zabit Spiritu Sancto et igni. Cujus ventilabrum
est in manu ipsius; et qui perpurgabit aream
suam; et congregabit triticum in horreum suum,
paleam autem exuret igni inexstinguibili.

18 Multa igitur etiam alia exhortans evangelizabat
populo.

19 Herodes autem tetrarcha, quum argueretur ab
eo de Herodiade uxore Philippi fratris ejus,
20 deque omnibus sceleribus quæ ipse patrarat, ad-
jecit et hoc supra omnia, quod inclusit Joannem
in carcere.

21 FACTUM est autem quum baptizaretur totus
populus, et Jesus baptizatus esset, et oraret, ut
22 aperiretur cœlum; ac descenderet Spiritus San-
ctus corporea specie, tanquam columba, supra
eum; et vox de cœlo existeret, dicens, Tu es
Filius ille meus, dilectus ille; in te acquiesco.

23 IPSE autem Jesus incipiebat esse fere annorum
triginta, filius (ut existimabatur) Josephi, *filii*
24 Heli, *filii* Matthati, *filii* Levi, *filii* Melchi, *filii*
25 Jannæ, *filii* Josephi, *filii* Mattathiæ, *filii* Amosi,
26 *filii* Naumi, *filii* Esli, *filii* Naggæ, *filii* Maathi,
filii Mattathiæ, *filii* Semei, *filii* Josephi, *filii*
27 Judæ, *filii* Joannæ, *filii* Rhesæ, *filii* Zoroba-
28 belis, *filii* Salathielis, *filii* Neri, *filii* Melchi,
filii Addi, *filii* Cosami, *filii* Elmodami, *filii*
29 Eris, *filii* Jose, *filii* Eliezeris, *filii* Jorimi, *filii*
30 Matthati, *filii* Levi, *filii* Simeonis, *filii* Judæ,
31 *filii* Josephi, *filii* Jonani, *filii* Eliacimi, *filii*
Meleæ, *filii* Mainani, *filii* Mattathæ, *filii* Na-
32 thanis, *filii* Davidis, *filii* Jessæ, *filii* Obedis,
33 *filii* Boosi, *filii* Salmonis, *filii* Naassonis, *filii*
Aminadabi, *filii* Arami, *filii* Esromi, *filii* Pha-
34 resi, *filii* Judæ, *filii* Jacobi, *filii* Isaaci, *filii*

35 Abrahami, *fili*i Tharæ, *fili*i Nachoris, *fili*i Saruchi, *fili*i Ragavi, *fili*i Phaleci, *fili*i Heberis,
36 *fili*i Salæ, *fili*i Arphaxadi, *fili*i Semi, *fili*i Noæ,
37 *fili*i Lamechi, *fili*i Mathusalæ, *fili*i Henochi,
38 *fili*i Jaredis, *fili*i Mahalaleelis, *fili*i Cainani, *fili*i Henosi, *fili*i Sethi, *fili*i Adami, qui fuit Dei.

4 JESUS autem plenus Spiritu Sancto reversus est a Jordane, et actus est ab *eodem* Spiritu in
2 desertum, dies quadraginta tentante *eum* diabolo.

Nec edit quicquam per illos dies; sed iis finitis postea esuriit. Tunc dixit ei diabolus, Si
3 Filius es Dei, dic isti lapidi ut fiat panis. Et
4 respondit ei Jesus, dicens, Scriptum est, Non pane solo victurum hominem, sed quovis verbo Dei.

5 Tunc quum subduxisset eum diabolus in montem sublimem, ostendit ei omnia regna terræ
6 puncto temporis. Et ait ei diabolus, Tibi dabo auctoritatem hanc universam, et gloriam illorum
regnorum: nam mihi tradita est; et cuicunque
7 voluero do illam. Itaque si tu adoraveris me,
8 erunt tua omnia. Respondens autem Jesus dixit ei, Abscede a me, Satana; scriptum est enim, Adorabis Dominum Deum tuum, et eum solum coles.

9 Tum duxit eum Hierosolymam, et eum statuit supra pinnas templi: et dixit ei, Si Filius Dei
10 es, deice teipsum hinc deorsum; scriptum est enim, Angelis suis praecipiet de te, ut custodiant te; et in manus attollent te, nequando
11 impingas ad lapidem pedem tuum. Respondens autem Jesus dixit ei, Dictum est, Non tentabis Dominum Deum tuum.

13 Et finita omni tentatione, diabolus abscessit ab eo ad tempus.

14 REVERSUS est autem Jesus cum virtute

Spiritus in Galilæam: et fama de eo exiit in
15 totam circumjacentem regionem. Et ipse docebat
in synagogis eorum, omnibus ipsum glorifican-
tibus.

16 VENIT igitur Nazaretam, ubi fuerat nutritus:
et intravit, ut consueverat, die sabbati, in syna-
17 gogam; et surrexit ut legeret. Tunc datus est
ei liber Esaïæ prophetæ: quumque explicuisset
librum, invenit locum *in* quo scriptum erat,
18 Spiritus Domini super me, cujus rei
causa unxit me; ut evangelizem paupe-
ribus misit me, ut medear contritis
19 corde, ut prædicem captivis dimissio-
nem, et caecis visus recuperationem; ut
confractos emittam in libertatem; ut
20 prædicem annum Domini acceptum. Et
complicatum librum quum reddidisset ministro,
sedit: et omnium in synagoga oculi erant intenti
21 in eum. Cœpit autem eis dicere, Certe hodie
impleta est hæc scriptura audientibus vobis.

22 Et omnes testimonium ei dabant, ac miraban-
tur super sermonibus *plenis* gratia, procedentibus
ex ore ipsius, dicebantque, Nonne iste est filius
ille Josephi?

23 Et dixit ad eos, Omnino dicetis mihi hoc
proverbium, Medice, cura teipsum: quæcunque
audivimus facta fuisse in *urbe* Capernaum, fac
24 etiam hic in patria tua. Dixit autem, Amen
dico vobis, Nemo propheta acceptus est in pa-
25 tria sua. Sed in veritate dico vobis, multæ viduæ
erant diebus Eliæ in Israel, quando clausum fuit
cælum ad tres annos et sex menses, *adeo* ut
26 fuerit fames magna per totam regionem; et ad
nullam illarum missus est Elias, sed Sareptam
27 *urbem* Sidoniæ, ad mulierem viduam. Et multi
leprosi erant in Israel sub Elisæo propheta: et

nullus eorum purificatus est, sed Naamanus Syrus.

28 Tunc repleti sunt omnes excandescencia in
29 synagoga, hæc audientes. Et quum surrexissent,
ejecerunt eum extra urbem; et duxerunt eum
usque ad supercilium montis, super quem urbs
ipsorum erat ædificata, ut præcipitarent eum.

30 Ipse vero digressus per medios ipsos, ibat.
31 Et descendit Capernaum, urbem Galilææ, ibique
32 docebat eos sabbatis. Et percellebantur super
doctrina ejus: erat enim sermo ipsius cum
auctoritate.

33 ERAT autem in synagoga quidam habens
spiritum dæmoniacum impurum, qui exclamavit
34 voce magna, dicens, Ah, quid nobis tecum, Jesu
Nazarene? venisti ut perderes nos? novi te quis
35 sis; *nimirum* Sanctus ille Dei. Et objurgavit
eum Jesus, dicens, Obmutesce, et exi ex eo.
Tunc dæmonium, projecto illo in medium, exiit
ex eo, nihilque ei nocuit.

36 Et obortus est pavor in omnibus; et colloque-
bantur alii cum aliis, dicentes, Quid hoc rei est,
quod cum auctoritate ac potentia imperat im-
37 puris spiritibus, et exeunt? Et dimanavit rumor
de eo in omnem locum circumjacentis regionis.

38 Egressus autem Jesus e synagoga, introivit
domum Simonis. Socrus vero Simonis detine-
batur feбри magna: et rogaverunt eum pro illa.
39 Tunc *ipse* adstans supra eam, objurgavit febrim;
et *febris* eam dimisit: *illa* vero, quum illico
surrexisset, ministravit eis.

40 Occidente autem sole, omnes qui habebant
ægrotantes morbis variis, ducebant ipsos ad
eum: ille vero unicuique ipsorum impositis ma-
41 nibus, sanavit eos. Exhibant autem etiam dæmo-
nia ex multis, clamantia ac dicentia, Certe tu es

Christus ille, Filius ille Dei. Sed *ipse* objur-
gans non sinebat ea loqui, quod scirent ipsum
esse Christum illum.

42 ORTO autem die egressus profectus est in
desertum locum; et turba quærebat eum, vene-
runtque usque ad ipsum, et retinebant eum ne
43 ab ipsis discederet. Ille vero dixit eis, Certe
etiam aliis urbibus oportet me evangelizare re-
44 gnum Dei: nam ad hoc missus sum. Et prædi-
cabat in synagogis Galilææ.

5 FACTUM est autem, quum turba incumberet
ei, audiendi verbi Dei causa, ipse stabat apud
2 lacum Genezaret; viditque duo navigia quæ ad
lacum erant: piscatores vero quum ex iis descen-
3 dissent, abluebant retia. Ingressus autem in
unum istorum navigiorum, quod erat Simonis,
rogavit eum ut a terra proveheret paululum:
quumque consedisset, docebat turbam ex navigio.
4 Ut cessavit autem loqui, dixit ad Simonem,
Provehito in altum, et dimittite retia vestra ad
5 capturam. Tum respondens Simon ait ei, Ma-
gister, quum per totam noctem nos fatigave-
rimus, nihil cepimus; tamen ex tuo jusso dimit-
6 tam rete. Et quum hoc fecissent, concluserunt
piscium multitudinem magnam: dirumpebatur
7 autem rete eorum. Et innuerunt consortibus qui
erant in altero navigio, ut venirent, et ipsis
opitularentur. Venerunt igitur, et impleverunt
ambas naves; ita ut pene mergerentur.

8 Quum autem *hæc* vidisset Simon Petrus, ac-
cidit ad genua Jesu, dicens, Discede a me: nam
9 homo peccator sum, Domine. Pavor enim occu-
parat eum, et omnes qui cum eo *erant*, super
10 captura piscium, quam comprehenderant: similiter
autem et Jacobum et Joannem filios Zebedæi,
qui erant socii Simoni. Tunc ait ad Simonem

- Jesus, Ne metue: ab hoc *tempore* vivos capies
11 homines. *Illi* autem quum subduxissent in
terram navigia, relictis omnibus, secuti sunt
eum.
- 12 ET ecce factum est, ut quum esset in quadam
urbe, tum *adveniret* quidam plenus lepra; ac
viso Jesu, procidens in faciem, deprecaretur
eum, dicens, Domine, si velis, potes me purifi-
13 care. *Jesus* autem, extensa manu, tetigit eum,
dicens, Volo: purificator. Et statim lepra abiit
ab eo.
- 14 Ipse vero mandavit ei, ut nulli *hoc* diceret:
sed profectus, *inquit*, ostende teipsum sacerdoti,
et offer pro purificatione tui, prout imperavit
15 Moses, *ut hoc sit* eis testimonio. Dimanabant
autem eo magis sermones de eo: et conveniebat
turba multa ut audirent, et per eum sanarentur
ab infirmitatibus suis.
- 16 Ipse autem secedens, erat in desertis, et orabat.
- 17 ET factum est quodam die, quum ipse doce-
ret, sederentque Pharisei ac legis doctores, qui
venerant ex omnibus vicis Galilææ, et Judææ,
et Hierosolymis; et virtus Domini adesset ad
18 sanandum illos: tunc, ecce, *advenerunt* quidam
ferentes in lecto hominem qui erat paralyticus;
et studebant eum inferre, et ponere in ipsius
19 conspectu. Et quum non invenissent qua ipsum
inferrent propter turbam, ascenderunt in sola-
rium, et perfosso testaceo pavimento, demise-
runt eum cum lectulo in medium, ante Jesum:
20 qui, fide eorum visa, dixit, Heus tu, remissa
sunt tibi peccata tua.
- 21 Tunc cœperunt ratiocinari scribæ et Pharisei,
dicentes, Quis est iste qui loquitur blasphemias?
quis potest remittere peccata, nisi solus Deus?
- 22 Jesus autem cognitis eorum ratiocinationibus,

respondens dixit eis, Quid ratiocinamini in cor-
23 dibus vestris? utrum est facilius? dicere, Remissa
sunt tibi peccata? aut dicere, Surge et ambula?
24 Ut autem sciatis Filium hominis habere auctori-
tatem in terra remittendi peccata, (ait paralytico
illi,) Tibi dico, Surge, et sublato *in humeros*
25 lectulo tuo, abi domum tuam. *Is* autem illico
surgens in eorum conspectu, sublato *in humeros*
eo in quo jacuerat, abiit domum suam, glorificans
Deum.

26 Et stupor cepit omnes, et glorificabant Deum:
et repleti sunt metu, dicentes, Certe vidimus
inopinata hodie.

27 POSTHÆC vero exiit, et conspexit publica-
num nomine Levi, sedentem ad telonium, et
28 dixit ei, Sequere me. Et *ille*, derelictis omnibus,
surrexit, et secutus est eum.

29 Et fecit ei Levi epulum magnum domi suæ:
eratque turba multa publicanorum, et aliorum
30 qui cum ipsis accumbebant. Obmurmurabant
autem eis scribæ ac Pharisei, dicentes ad disci-
pulos ejus, Quare cum publicanis et peccatoribus
editis et bibitis?

31 Et respondens Jesus dixit eis, Non opus est
iis, qui sani sunt, medico, sed iis qui male *se*
32 habent. Non veni vocatum justos, sed pecca-
tores ad resipiscentiam.

33 IPSI vero dixerunt ei, Quare discipuli Joannis
jejunant crebro, et deprecationes faciunt, simili-
ter et *discipuli* Phariseorum; tui vero edunt et
bibunt?

34 Ipse autem dixit eis, Num potestis facere ut
filii thalami, quo *tempore* cum ipsis est sponsus,
35 jejunent? Venient autem dies, quum tolletur ab
eis sponsus, tunc jejunabunt illis diebus.

36 Dicebat autem eis etiam parabolam, Nemo

panniculum novi vestimenti indit in vestimentum
vetus: alioqui et illud novum findit *vetus*, et
veteri non convenit panniculus *sumptus* ex novo.

37 Et nemo injicit vinum novum in utres veteres:
alioqui disrumpet vinum novum utres, et ipsum
38 effundetur, et utres peribunt. Sed vinum novum
in utres recentes injiciendum est; et utraque
39 conservantur. Et nemo qui biberit vetus, statim
vult novum; dicit enim, Vetus utilius est.

6 FACTUM est vero ut sabbato altero primo
pertransiret per sata: vellebant autem discipuli
2 spicas, edebantque, confricantes manibus. Qui-
dam autem Pharisæorum dixerunt eis, Cur facitis
quod non licet facere sabbatis?

3 Tunc respondens Jesus dixit eis, Ne hoc qui-
dem legistis quod fecit David, quum esuriret
4 ipse et qui cum eo erant? quomodo introierit
domum Dei, et panes præposititios sumpserit,
ederitque, ac dederit etiam iis qui secum *erant*;
quibus *panibus* non licet vesci nisi soliis sacer-
5 dotibus? Et dicebat eis, Filius hominis dominus
est etiam sabbati.

6 FACTUM est vero etiam alio sabbato, ut
ipse ingrederetur in synagogam, ac doceret.
Erat autem ibi quidam, cujus manus dextera
7 erat arida. Observabant autem eum scribæ, ac
Pharisæi, an sabbato sanaturus esset *illum*, ut
invenirent accusationem *adversus* eum.

8 At ipse norat cogitationes eorum; et dixit
homini illi qui habebat manum aridam, Surge,
et adsta in medio. Ille vero surgens adstitit.
9 Dixit igitur eis Jesus, Interrogabo vos quiddam,
Licet sabbatis benefacere, an malefacere *cui-
piam*? hominem servare, an perdere?

10 Et quum eos omnes circumspexisset, ait ho-
mini, Extende manum tuam. Ille autem ita

fecit: et restituta est manus ejus sana sicut altera.

11 Ipsi autem repleti sunt amentia; et colloquebantur alii cum aliis, quidnam facerent Jesu.

12 FACTUM est autem illis diebus, ut abiret in montem ad orandum, et pernoctaret *illic* orans

13 Deum. Quum autem dies ortus esset, vocavit discipulos suos: et quum ex ipsis elegisset

14 duodecim, quos et apostolos nominavit: (*nempe* Simonem, quem etiam nominavit Petrum, et

15 Andream fratrem ejus, Jacobum et Joannem,

16 Philippum et Bartholomæum, Matthæum et Thomam, Jacobum Alphæi *filium* et Simonem

17 Judam Iscariotem; qui etiam fuit proditor:) et descendisset cum eis, substitit in loco campestri,

turbaque discipulorum ejus, et multitudo magna plebis ex tota Judæa, et Hierosolymis, et a

maritima *regione* Tyri et Sidonis, qui venerant ut audirent eum, et sanarentur ex morbis suis:

18 et qui vexabantur a spiritibus impuris: et sanabantur. Et tota turba studebat eum tangere:

19 quia vis ab eo prodibat, et sanabat omnes.

20 Ipse vero sublati oculis suis in discipulos suos, dicebat, Beati *estis*, pauperes; quia vestrum est regnum Dei.

21 Beati, qui nunc esuritis; quia saturabimini.

Beati, qui nunc fletis; quia ridebitis.

22 Beati eritis, quum vos oderint homines, et separaverint vos, et conviciis affecerint *vos*, et nomen vestrum ut malum abjecerint, propter

23 Filium hominis. Gaudete illo die, et subsilite: ecce enim merces vestra multa *est* in cœlis;

nam itidem faciebant prophetis patres eorum.

24 Sed *væ* vobis, divitibus! nam recepistis solatium vestrum.

- 25 Væ vobis, qui impleti estis! nam esurietis.
Væ vobis, qui ridetis nunc! nam lugebitis et flebitis.
- 26 Væ vobis, quum bene vobis dixerint omnes homines! nam itidem faciebant pseudoprophetis patres eorum.
- 27 Sed vobis dico qui auditis, Diligite inimicos
28 vestros; benefacite iis qui vos oderunt; benedicite iis qui exsecrantur vos; et orate pro infestantibus vos. Ei qui tibi ceciderit maxillam, præbe et alteram; et ab eo qui tollit tibi pal-
30 lium, etiam tunicam ne prohibeto. Cuius autem petenti abs te dato; et ab eo qui tollit *res* tuas
31 ne repetito. Et prout vultis ut faciant vobis
32 homines, vos etiam facite eis similiter. Quod si diligitis eos qui vos diligunt, quæ vobis erit gratia? nam et peccatores diligunt eos a quibus
33 diliguntur. Et si benefeceritis iis qui vobis benefaciunt, quæ vobis erit gratia? nam et pecca-
34 tores idem faciunt. Et si mutuum dederitis iis a quibus speratis vos recepturos, quæ gratia erit vobis? nam et peccatores peccatoribus dant mu-
35 tuum, ut recipiant paria. Imo diligite inimicos vestros, et *iis* benefacite, et mutuum date, nihil inde sperantes; et erit merces vestra multa, ac filii eritis illius Altissimi: nam ipse benignus
36 est erga ingratos et malos. Estote ergo misericordes, prout et Pater vester misericors est.
- 37 Ne iudicate, et non iudicabimini: ne condemnate, et non condemnabimini: absolvite, et
38 absolvemini: date, et dabitur vobis: mensuram, *inquam*, bonam, pressam, agitatam, et superfluentem dabunt in sinum vestrum. Eadem enim mensura, qua metimini, contra metietur vobis.
- 39 Dicebat autem eis parabolam, Num potest cæcus cæco viæ dux esse? nonne ambo in

40 foveam cadent? Non est discipulus supra
magistrum suum: sed quisquis *erit* perfectus
41 *discipulus*, erit ut magister. Quid autem aspicias
festucam quæ est in oculo fratris tui, trabem
42 autem quæ est in oculo tuo non consideras? aut
quomodo potes dicere fratri tuo, Frater, sine
ejiciam festucam quæ in oculo tuo est; quum
ipse trabem quæ est in oculo tuo non respicias?
Hypocrita, ejice primum trabem illam ex oculo
tuo; et tunc dispicies ut ejicias festucam quæ
est in oculo fratris tui.

43 Non est arbor bona quæ ferat fructum putrem,
neque arbor putris quæ ferat fructum bonum.
44 Unaquæque enim arbor ex fructu suo cognosci-
tur. Neque enim e spinis colligunt ficus; neque
45 e rubo vindemiant uvam. Bonus homo ex bono
thesauro cordis sui profert bonum; et malus
homo ex malo thesauro cordis sui profert
malum: ex abundantia enim cordis loquitur os
ejus.

46 Quid autem vocatis me, Domine, Domine; et
47 non facitis quæ dico? Quisquis venit ad me, et
audit sermones meos, et eos præstat, præmon-
48 strabo vobis cui similis sit: similis est cuipiam
ædificanti domum, qui fodit, et excavavit, sta-
tuitque fundamentum super petram: ubi autem
venit inundatio, illisum est flumen domui illi,
sed nequivit eam quatere; fundata enim erat
49 super petram. Qui autem *meos sermones* audi-
vit, nec præstitit, similis est cuipiam qui ædifi-
cavit domum suam super solum absque funda-
mento: cui illisum est flumen; itaque statim
cecidit; fuitque ruina domus illius magna.

7 QUUM autem finivisset omnia verba sua,
audiente populo, ingressus est Capernaumum.

2 Centurionis vero cujusdam servus male affectus

3 moribundus erat, qui erat ipsi pretiosus. *Is*
vero, quum audisset de Jesu, misit ad eum
seniores Judæorum, rogans eum ut veniret, et
4 servaret servum suum. Isti autem quum venis-
sent ad Jesum, precati sunt eum studiose, di-
5 centes, Certe dignus est cui hoc præbeas: diligit
enim gentem nostram, et synagogam ædificavit
6 nobis. Jesus ergo ibat cum eis.

Et quum jam non longe abesset ab illa domo,
misit ad eum centurio ille amicos, dicens ei,
Domine, ne vexator; nec enim sum dignus ut
7 tectum meum subeas: ideo ne meipsum quidem
sum dignum arbitratus qui venirem ad te: sed
8 dic verbo, et sanabitur puer meus. Etenim ego
homo sum sub *alterius* auctoritate constitutus,
habens sub me milites; et dico huic, Vade, et
vadit: et alteri, Veni, ac venit: et servo meo,
Fac hoc, ac facit.

9 Auditis autem his, Jesus admiratus est eum:
et conversus dixit turbæ quæ ipsum sequebatur,
Dico vobis, ne in Israele quidem tantam fidem
inveni.

10 Et domum reversi qui missi fuerant, sanum
invenerunt servum qui ægrotaverat.

11 ET factum est *die* sequenti, ut iret in civita-
tem quæ vocatur Nain; ibant autem cum eo
discipuli ejus non pauci, turbaque multa.

12 Ut autem appropinquavit portæ civitatis, tum,
ecce, defunctus efferebatur, *qui* unigenitus *fuerat*
matri suæ, et ipsi *quidem* viduæ: turbaque civi-
tatis non parva erat cum ea.

13 Dominus vero ipsam intuitus, intima miseri-
cordia commotus est super ea, et dixit, Ne flecto.

14 Quumque accessisset, tetigit loculum: (qui vero
portabant, substiterunt:) et dixit, Adolescens,
15 tibi dico, Surge. Tunc resedit qui fuerat mor-

tuus, et cœpit loqui: et *ille* dedit eum matri suæ.

16 Cœpit autem omnes timor; et glorificabant Deum, dicentes, Certe propheta magnus suscitatus est inter nos, et, Certe Deus respexit populum suum. Pervenitque iste de eo sermo in totam Judæam, et in totam regionem circumjacentem.

18 ET renunciarunt Joanni discipuli ipsius de his omnibus: qui, advocatos duos quosdam e discipulis suis, misit ad Jesum, dicens, *Tune* is es qui venturus erat, an alium expectabimus?

20 Quum igitur venissent ad eum viri illi, dixerunt, Joannes Baptista misit nos ad te, dicens, *Tune* is es qui venturus eras, an alium expectabimus?

21 Eadem autem hora multos sanavit a morbis, et flagellis, et spiritibus malis; et cæcis multis visum gratificatus est. Et respondens Jesus dixit eis, Profecti renunciate Joanni quæ vidistis et audistis; cæcos visum recipere, claudos ambulare, leprosos purificari, surdos audire, mortuos suscitari, pauperibus evangelizari. Beatus est autem quicumque non fuerit offensus in me.

24 Et quum abiissent nuncii Joannis, cœpit de Joanne dicere ad turbam, Quid existis in desertum spectaturi? arundinem a vento agitatam? 25 Sed quid existis visuri? hominem mollibus vestibus amictum? ecce, qui vestitu magnifico utuntur, et in luxu versantur, sunt in palatiis regiis. 26 Sed quid existis visuri? prophetam? certe dico vobis, etiam amplius quam prophetam. Hic est de quo scriptum est, Ecce, mitto nuncium meum ante faciem tuam, qui apparabit 28 viam tuam coram te. Nam dico vobis, Inter genitos ex mulieribus, nullus est major propheta

Joanne Baptista: sed qui minimus est in regno Dei, major est eo.

29 Et eo audito, totus populus et publicani justificarunt Deum, baptizati baptismo Joannis.
30 Pharisæi vero et legis interpretes consilium Dei abrogarunt adversus semetipsos, non baptizati ab eo.

31 Dixit præterea Dominus, Cui ergo assimilabo homines gentis istius? et cui rei similes sunt?

32 Similes sunt puerulis sedentibus in foro; et qui acclamant alii aliis, et dicunt, Cecinimus vobis tibiis, et non saltastis; lamentati sumus vobis,

33 et non flevistis. Venit enim Joannes Baptista, neque edens panem, neque bibens vinum; et

34 dicitis, Dæmonium habet. Venit Filius hominis edens ac bibens; et dicitis, Ecce homo edax et vini potor, amicus publicanorum ac peccatorum!

35 Sed justificata est sapientia a filiis suis omnibus.

36 ROGAVIT autem eum quidam ex Pharisæis ut secum ederet: itaque ingressus domum Pharisæi, accubuit.

37 Et ecce, mulier, quæ fuerat in urbe peccatrix, quum cognovisset eum accumbere in domo Pharisæi, allato alabastro unguenti, et stans apud pedes

38 ejus retro, flens cœpit lacrymis rigare pedes ejus, et capillis capitis sui extergebat, et deosculabatur pedes ejus, et illo unguento ungebat.

39 Hoc autem viso, Pharisæus qui vocaverat eum, dixit apud se, Iste, si esset propheta, nosset utique quænam et qualis sit ea mulier quæ tangit ipsum; quod *videlicet* sit peccatrix.

40 Tunc respondens Jesus dixit ei, Simon, habeo quiddam quod tibi dicam. At ille ait, Magister,

41 dic. Duo debitores, *inquit* Jesus, erant cuidam creditori: unus debebat denarios quingentos, al-

42 ter vero quinquaginta. Quum autem illi non

essent solvendo, gratificatus est *debitum* utrisque.
Horum igitur, dic, uter eum plus diliget?

43 Respondens vero Simon dixit, *Is*, præsumo,
cui plus gratificatus est.

44 At ille dixit ei, Recte judicasti. Et conversus
ad mulierem dixit Simoni, Vides hanc mulierem?
ingressus sum domum tuam, aquam pedibus meis
non dedisti; hæc autem lacrymis rigavit pedes
45 meos, et capillis capitis sui extersit. Osculum
mihi non dedisti: hæc autem, ex quo ingressa
46 est, non intermisit deosculari pedes meos. Oleo
caput meum non unxisti: hæc autem unguento
47 unxit pedes meos. Cujus rei gratia, dico tibi,
remissa esse multa illa peccata ipsius; nam di-
lexit multum: cui autem paululum remittitur,
48 paululum diligit. Dixit autem ei, Remissa sunt
tibi peccata.

49 Et cœperunt qui simul accumbebant dicere
inter se, Quis est iste qui etiam peccata remittit?

50 Dixit autem ad mulierem illam, Fides tuâ te
servavit: vade cum pace.

8 ET factum est deinceps, ut ipse iter faceret
oppidatim et vicatim, prædicans et evangelizans
2 regnum Dei, et duodecim illi *erant* cum eo: et
quædam mulieres quas sanaverat a spiritibus
malis et morbis; *nempe*, Maria, quæ vocabatur
Magdalene, ex qua septem dæmonia exierant,
3 et Joanna uxor Chuzæ procuratoris Herodis, et
Susanna, et aliæ multæ quæ subministrabant ei
ex iis quæ ipsis suppetebant.

4 QUUM autem multa turba conveniret, et civi-
tatum incolæ adventarent ad eum, dixit per
5 parabolam: Quidam sator exiit ad serendum
semen suum: et inter serendum aliud cecidit se-
cundum viam; et conculcatum est, et volucres
6 cœli exederunt illud: et aliud cecidit in petram;

- et enatum exaruit, quia non habebat humorem:
7 et aliud cecidit inter spinas; et simul enatæ
8 spinæ suffocarunt illud: et aliud cecidit in terram
bonam; et quum enatum esset, edidit fructum
centuplum. Hæc dicens, clamabat, Qui habet
aures ad audiendum, audiat.
- 9 Interrogabant autem eum discipuli ejus, di-
centes, Quæ esset ista parabola?
- 10 Ipse vero dixit *eis*, Vobis datum est nosse
mysteria regni Dei: reliquis autem per parabolas
loquor, ut conspicientes non videant, et audien-
tes non intelligant.
- 11 Est autem hæc parabola: Semen illud est
12 sermo Dei; qui autem secundum viam *semen*
excipiunt, ii sunt qui audiunt; deinde venit dia-
bolus, et tollit sermonem ex corde ipsorum, ne
13 credendo serventur. Qui vero in petram, *ii sunt*
qui, postquam audierunt, cum gaudio excipiunt
sermonem; sed isti radicem non habent, qui ad
tempus credunt, et tempore tentationis abscedunt.
- 14 Quod autem in spinas cecidit, ii sunt qui audi-
erunt; sed abeuntes a solitudinibus et divitiis
ac voluptatibus vitæ suffocantur, nec fructum per-
15 ferunt. Quod autem in bonam terram *cecidit*, ii
sunt qui in corde honesto ac bono auditum ser-
monem retinent, et fructum adferunt cum pati-
entia.
- 16 Nemo porro, qui lucernam accenderit, operit
eam vase, aut subter lectum ponit; sed cande-
labro imponit, ut qui ingrediuntur videant lumen.
- 17 Non est enim *quicquam* occultum quod non sit
futurum conspicuum; nec absconditum quod non
sit futurum ut innotescat, et veniat in apertum.
- 18 Videte ergo quomodo audiatis: quisquis enim
habet, dabitur ei; et quicumque non habet, etiam
quod videtur habere, tolletur ab eo.

19 VENERUNT autem ad eum mater et fratres
ejus, et non poterant eum convenire propter
20 turbam. Et *hoc* renunciatum est ei, dicentibus
nonnullis, Mater tua et fratres tui adstant foris,
cupientes te videre.

21 Ipse vero respondens dixit eis, Mater mea, et
fratres mei, ii sunt qui sermonem Dei audiunt,
et eum præstant.

22 FACTUM est autem quodam die, ut ipse in-
grederetur in navigium, ac discipuli ejus: et
diceret eis, Transeamus in ulteriorem ripam
23 lacus. Provecti sunt igitur. Navigantibus autem
eis sopitus est: et descendit turbo venti in
24 lacum: et complebantur, ac periclitabantur. Ac-
cedentes autem expergefecerunt eum, dicentes,
Præceptor, præceptor, perimus.

Ipse vero experrectus objurgavit ventum ac
fluctuationem aquæ: et cessaverunt, factaque est
25 tranquillitas. Dixit autem eis, Ubi est fides vestra?

Metuentes autem mirati sunt, dicentes alii ad
alios, Quisnam iste est, ut ventis quoque et
aquæ imperet, et auscultent ei?

26 ET navigarunt in regionem Gadarenorum,
27 quæ est in opposita ripa Galilææ. Ipsi autem
egresso in terram, occurrit ex urbe vir quidam
qui habebat dæmonia a temporibus non paucis,
et vestimento non induebatur, neque in *ulla*
28 domo manebat, sed in monumentis. *Is* ergo,
quum vidisset Jesum, et exclamasset, accidit ei
ad pedes, et voce magna dixit, Quid mihi te-
cum, Jesu, Fili Dei altissimi? deprecor te ne
29 me torqueas. Mandabat enim illi spiritui impuro,
ut exiret ab eo homine; nam a multo tempore
corripuerat eum: itaque vinctus *ille* catenis et
pedicis custodiebatur; sed diruptis vinculis agita-
batur a dæmone in deserta.

30 Interrogavit autem eum Jesus, dicens, Quod tibi nomen est?

Ipse vero dixit, Legio: nam dæmonia multa
31 ingressa fuerant in eum. Et rogabant eum ne imperaret ipsis ut abirent in abyssum.

32 Erat autem ibi grex porcorum non paucorum pascentium in monte: et rogabant eum *dæmonia*, ut sibi permetteret in illos ingredi. Et permisit
33 eis. Egressa vero dæmonia ex eo homine, ingressa sunt in porcos: et grex ille ruit e præcipitio in lacum, et suffocatus est.

34 Quum autem pastores vidissent quod acciderat, fugerunt; et profecti renunciarunt *ista* in urbem
35 et per agros. Exierunt igitur, ut viderent quod factum erat: veneruntque ad Jesum, et invenerunt hominem illum, a quo dæmonia exierant, vestitum, ac sanæ mentis, ad pedes Jesu: et
36 metuerunt. Renunciaverunt autem ipsis etiam ii qui viderant, quomodo liberatus fuisset qui fuerat dæmoniacus. Et rogavit eum tota multitudo
37 circumjacentis regionis Gadarenorum, ut discederet ab ipsis, quia magno metu tenebantur: ipse vero ingressus navigium reversus est.

38 Deprecatus est autem eum vir ille a quo dæmonia exierant, ut esset cum eo: sed dimisit eum
39 Jesus, dicens, Revertere domum tuam, et narra quanta tibi præstiterit Deus. Abiit igitur, prædicans per totam urbem quanta ipsi præstitisset Jesus.

40 FACTUM est autem, ut quum revertisset Jesus, exceperit eum turba; nam omnes expectabant eum.

41 Et ecce, venit quidam cui nomen Jairus, qui erat præfectus synagogæ; et accidens ad pedes Jesu, rogabat eum ut ingrederetur domum suam:
42 quoniam erat ei unigenita filia quasi annorum duodecim, eaque moriebatur.

- (Inter eundum vero turba coarctabat eum.
- 43 Mulier autem quæ erat in fluxione sanguinis ab annis duodecim, et in medicos impenderat totum
- 44 victum, nec ab ullo potuerat curari, quum accessisset a tergo, tetigit fimbriam pallii ipsius: et illico substitit fluxio sanguinis ejus.
- 45 Tunc ait Jesus, Quis *est* qui me tetigit? Negantibus autem omnibus, dixit Petrus, et qui cum eo erant, Magister, turba te constringit et
- 46 elidit, et dicis, Quis *est* qui me tetigit? Jesus autem ait, Tetigit me quispiam; nam ego cognovi virtutem a me prodiisse.
- 47 Videns autem mulier illa se non latuisse, tremens venit, et accidens ei *ad pedes*, declaravit ei in conspectu totius populi quam ob causam tetigisset eum, et quomodo sanata fuerat illico.
- 48 Ipse vero dixit ei, Confide, filia; fides tua te servavit: abi cum pace.)
- 49 Adhuc eo loquente, venit quidam a præfecto synagogæ, dicens ei, Mortua est filia tua; ne vexa magistrum.
- 50 Jesus autem *hoc* audito, respondit ei, Ne metue; crede solummodo, et servabitur.
- 51 Ingressus vero domum, non permisit ingredi quemquam, nisi Petrum, et Jacobum, et Joannem, et patrem ac matrem puellæ. Flebant autem omnes, et plangebant eam. Ipse vero dixit, Ne flete: non est mortua, sed dormit.
- 53 Et deridebant eum, quod scirent esse mortuam. Ipse vero ejectis foras omnibus, et prehensa manu ejus, clamavit, dicens, Puella, surge.
- 55 Et reversus est spiritus ejus, ac surrexit illico: et *ipse* imperavit ut ei daretur quod ederet.
- 56 Et perculsi fuerunt parentes ejus; ipse vero mandavit eis, ut nulli dicerent quod factum fuerat.

- 9 CONVOCATIS autem *Jesus* duodecim discipulis suis, dedit eis potestatem et jus in omnia
2 dæmonia, et morbos sanandi. Misitque eos ut prædicarent regnum Dei, et sanarent ægrotos.
3 Et dixit eis, Nihil attollite ad iter; neque virgas, neque peram, neque panem, neque pecuniam; neque binas tunicas habete. Et in quamcunque domum intraveritis, illic manete, et illinc
5 exite. Et quicumque non receperint vos, exeuntes ex urbe illa, etiam pulverem a pedibus vestris excutite, *ut hoc sit* testimonium adversus eos.
6 Exeuntes igitur obibant singulos vicos, evangelizantes, et sanantes *morbos* ubique.
7 AUDIVIT autem Herodes tetrarcha omnia quæ fiebant ab eo: et hæsitabat, propterea quod dicebatur a quibusdam Joannem suscitatum esse
8 ex mortuis; a quibusdam vero, Eliam apparuisse; ab aliis autem, Prophetam quempiam ex antiquis resurrexisse. Tunc ait Herodes, Joannem ego decollavi: quis est autem iste, de quo ego talia audio? Et studebat eum videre.
10 REVERSI autem apostoli narraverunt ei quæcunque fecerant: et *ipse*, assumptis illis, secessit privatim in locum desertum urbis quæ vocatur
11 Bethsaida. Quod quum cognovisset turba, secuta est eum: *ipse* autem excepit eos, et loquebatur eis de regno Dei; et eos quibus sanatione opus erat, sanabat.
12 DIES autem cœperat inclinare: et accedentes duodecim illi dixerunt ei, Dimitte turbam, ut abeuntes in circumjacentes vicos et agros, *illuc* divertant et inveniant cibaria; nam hic in loco deserto sumus.
13 *Ipsa* vero dixit eis, Date ipsis vos quod edant. Ipsi vero dixerunt, Non sunt nobis plus quam quinque panes et duo pisces: nisi nos profecti

14 emamus toti huic populo escas. Aderant enim quasi viri quinquies mille.

Ait autem discipulis suis, Facite ut discumbant per singulos quosque discubitus quinquageni.

15 *Ipsi* igitur ita fecerunt; et discubuerunt *illi*

16 omnes. *Ips*e vero acceptis quinque illis panibus et duobus piscibus, suspiciens in cœlum, benedixit eis; et fregit, deditque discipulis ut appo-

17 nerent turbæ. Ederunt igitur omnes illi, et saturati sunt: et sublatum est quod superfuit ipsis fragmentorum, cophini duodecim.

18 ET factum est, ut quum ipse seorsim oraret, adfuerint ei discipuli; quos interrogavit, dicens, Quemnam esse me dicit turba?

19 *Ipsi* autem respondentes dixerunt, Joannem Baptistam: alii autem, Eliam: alii vero, prophetam quempiam ex antiquis resurrexisse.

20 Dixit autem eis, Vos vero quem me esse dicitis? Respondens autem Petrus dixit, Christum illum Dei.

21 Ipse vero interminatus eis, mandavit ut nulli hoc dicerent: dicens, Oportet Filium hominis multa pati, et reprobari a senioribus et principibus sacerdotum et scribis, et interimi, et tertia die suscitari.

23 Dicebat autem omnibus, Si quis vult me sequi, abdicet seipsum, et attollat crucem suam quoti-

24 die, et sequatur me. Quisquis enim voluerit animam suam servare, perdet eam: quisquis vero perdiderit animam suam mea causa, is

25 servabit eam. Quid enim prodest cuiquam, si lucretur universum mundum, seipsum autem per-

26 dat, sive sui ipsius exitio mulctetur? Quem enim puduerit mei ac meorum sermonum, ejus pudebit Filium hominis, quando venerit cum gloria sua et Patris, sanctorumque angelorum.

27 Dico autem vobis vere, sunt quidam ex iis qui hic adstant, qui nequaquam gustabunt mortem, usquedum viderint regnum Dei.

28 FACTUM est autem, quum post hæc verba, quasi dies octo *intercessissent*, ut assumptis Petro, et Joanne, et Jacobo, ascenderet in montem ad orandum. Facta est autem inter orandum species faciei ipsius alia, et vestitus ejus
29 albus ac refulgens. Et ecce, duo viri colloque-
30 bantur cum eo, qui erant Moses et Elias: qui visi cum gloria, dicebant ipsius exitum, quo futurum erat ut defungeretur Hierosolymis.

32 Petrus vero, et qui cum ipso erant, gravati erant somno: quum autem evigilassent, viderunt gloriam ejus, et duos illos viros stantes cum eo.
33 Et factum est, quum illi discederent ab eo, ut diceret Petrus ad Jesum, Magister, bonum est nos hic esse: atque *adeo* faciamus tria tabernacula, unum tibi, et unum Mosi, et unum Eliæ: nesciens quid diceret.

34 Hæc autem ipso dicente, exstitit nubes quæ inumbravit illos: metuerunt vero dum illi ingrederentur in nubem. Et vox exstitit e nube,
35 dicens, Hic est Filius ille meus, dilectus ille: ipsum audite.

36 Et quum vox illa exstitisset, inventus est Jesus solus. Ipsi autem siluerunt, et nulli renunciarunt per id tempus quicquam eorum quæ viderant.

37 FACTUM est autem sequente die, ut quum ipsi descendissent e monte, occurreret ei turba multa. Et ecce, quidam e turba vociferatus est, dicens, Magister, deprecor te, respice ad filium
38 meum; nam unigenitus est mihi: et ecce, spiritus apprehendit eum; et *ipse* repente clamat, et *spiritus* discerpit eum spumantem, et vix ab-

40 scedit ab eo, conterens eum. Et deprecatus sum discipulos tuos ut ipsum ejicerent; sed non potuerunt.

41 Respondens autem Jesus ait, O gens incredula et perversa, quousque tandem ero apud vos, et sufferam vos? Adduc filium tuum huc.

42 Quum autem adhuc accederet, allisit eum dæmonium, et discerpsit: objurgavit autem Jesus spiritum impurum, et sanavit puerum; et reddidit eum patri suo.

43 Percellebantur igitur omnes super magnifica Dei virtute. Omnibus vero mirantibus super
44 omnibus quæ faciebat, dixit discipulis suis, Reponite vos in aures vestras sermones istos: futurum est enim, ut Filius hominis tradatur in
45 manus hominum. Ipsi vero ignorabant dictum istud, eratque ipsis occultum, adeo ut illud non perciperent: et metuebant eum interrogare de hoc dicto.

46 INCIDIT autem disceptatio inter eos, quis esset eorum maximus.

47 Jesus vero visa disceptatione cordis ipsorum,
48 acceptum puerulum statuit apud se; et dixit eis, Quicumque exceperit puerulum hunc nomine meo, me excipit; et quicumque me exceperit, excipit eum qui me misit: nam qui minimus est inter vos omnes, is erit magnus.

49 Respondens autem Joannes ait, Magister, vidimus quendam sub nomine tuo ejicientem dæmonia, et prohibuimus eum, quia *te* non sequitur
50 nobiscum. Et dixit ei Jesus, Ne prohibete *illum*: qui enim non est adversum nos, pro nobis est.

51 FACTUM est autem, interim dum expleretur tempus quo sursum reciperetur, tum ipse faciem
52 suam direxit ad eundum Hierosolymam: misitque

nuncios ante faciem suam: qui profecti, ingressi sunt in vicum Samaritanorum, ut pararent ei
53 *hospitium*. Sed *illi* non receperunt eum, quod facies ejus esset proficiscentis Hierosolymam.

54 Quum autem hoc vidissent ejus discipuli Jacobus et Joannes, dixerunt, Domine, vis dicamus ut ignis descendat e cœlo, et consumat eos, ut etiam Elias fecit?

55 Sed conversus Jesus objurgavit eos, dicens,
56 Nescitis qualis spiritus vos sitis. Filius enim hominis non venit ut perderet animas hominum, sed ut servaret. Abierunt igitur in alium vicum.

57 FACTUM est autem euntibus ipsis, ut quidam in via dixerit ei, Sequar te quocunque ieris,
58 Domine. Dixit autem ei Jesus, Vulpes habent lustra, et volucres cœli nidos: Filius autem hominis non habet ubi caput reclinet.

59 Dixit vero ad alium *quendam*, Sequere me. Ille vero dixit, Domine, permitte mihi ut prius
60 abeam, ac sepeliam patrem meum. Dixit autem ei Jesus, Sine ut mortui sepeliant mortuos suos: tu vero profectus annuncia regnum Dei.

61 Dixit autem etiam alius, Sequar te, Domine; sed permitte mihi prius, ut valedicam iis qui
62 sunt domi meæ. Ait autem ei Jesus, Nemo qui manu sua admota aratro, respexerit ad ea quæ retro *sunt*, appositus est ad regnum Dei.

10 POST hæc autem designavit Dominus etiam alios *discipulos* septuaginta, misitque eos binos ante faciem suam in omnem urbem et locum,
2 quo futurum erat ut ipse veniret. Dicebat igitur eis, Messis quidem multa, sed operarii pauci: deprecamini ergo dominum messis, ut emittat operarios in messem suam.

3 Abite; ecce, ego mitto vos ut agnos in me-
4 dium luporum. Ne portate crumenam, neque

- peram, neque soleas: et neminem in via salutaveritis. In quamcunque domum ingrediemini, primum dicite, Pax *esto* huic domui. Quod si fuerit illic quispiam filius pacis, requiescet super eum pax vestra: sin minus, ad vos revertetur.
- Manete autem in ea ipsa domo, edentes ac bibentes quæ ab ipsis *apposita fuerint*: dignus enim est operarius mercede sua. Ne digredimini e domo in domum.
- Sed et in quamcunque urbem ingressi fueritis, et exceperint vos, edite quæ apponuntur vobis: et sanate ægrotos qui in ea fuerint, et eis dicite, Appropinquavit ad vos regnum Dei: in quamcunque autem urbem ingressi fueritis, et non exceperint vos, egressi in plateas ejus, dicite, Etiam pulverem, qui adhæsit nobis ex urbe vestra, vobis abstergeamus: tamen hoc scitote, appropinquasse ad vos regnum Dei. Dico autem vobis, Sodomorum conditionem die illo tolerabiliorem fore quam urbis illius.
- Væ tibi, Chorazin! væ tibi, Bethsaida! nam si intra Tyrum et Sidonem editæ fuissent virtutes quæ editæ sunt inter vos, olim cum sacco et cinere sedentes resipuissent. Ideo Tyri et Sidonis tolerabilior erit conditio in judicio, quam vestra. Et tu, Capernaum, quæ usque ad cælum elata es, usque ad inferos deprimeris.
- Qui vos audit, me audit; et qui vos dedignatur, me dedignatur: qui vero me dedignatur, dedignatur eum qui misit me.
- REVERSI sunt autem septuaginta illi cum gaudio, dicentes, Domine, etiam dæmonia subjiuntur nobis per nomen tuum.
- Ips*e autem dixit eis, Spectabam Satanam, ut fulgur, e cælo cadentem. Ecce, do vobis potestatem calcandi serpentes et scorpiones, et

supra omnem vim hostis: et nihil vos lædet.

20 Sed de eo ne gaudete, quod spiritus vobis sub-
jiciantur: gaudete vero potius quod nomina
vestra scripta sunt in cœlis.

21 Eo ipso momento exsultavit Jesus spiritu, et
dixit, Gloriam tibi tribuo, Pater, Domine cœli
et terræ, quod hæc occultaveris sapientibus et
intelligentibus, sed *ea* revelaris infantibus: etiam,

22 Pater, quia ita libuit apud te. Omnia mihi tra-
dita sunt a Patre meo: et nemo novit quis sit
Filius, nisi Pater; et quis sit Pater, nisi Filius,
et cuicumque voluerit Filius *eum* revelare.

23 Et conversus ad discipulos, privatim dixit *eis*,

24 Beati oculi qui vident quæ vos videtis. Dico
enim vobis, multos prophetas et reges cupivisse
videre quæ vos videtis, nec vidisse; et audire
quæ auditis, nec audivisse.

25 TUM, ecce, quidam legis interpretes surrexit,
tentans eum, et dicens, Magister, quid faciendo
vitam æternam possidebo?

26 At ille dixit ei, In lege quid scriptum est?
quomodo legis?

27 Ille vero respondens dixit, Diliges Dominum
Deum tuum ex toto corde tuo, et ex tota anima
tua, et ex totis viribus tuis, et ex tota cogita-
tione tua; et proximum tuum ut teipsum.

28 Tum *ipse* dixit ei, Recte respondisti: hoc fac,
et vives.

29 Ille autem volens justificare seipsum, dixit
Jesu, Et quis est meus proximus?

30 Excipiens autem *ejus sermonem*, Jesus dixit,
Quidam descendebat ab Hierosolymis Jerichun-
tem, et incidit in latrones, qui exspoliato eo et
plagis *ipsi* impositis abierunt, *eo* seminece relicto.

31 Casu autem sacerdos quidam descendit per ean-
dem viam; qui, viso eo, ex adverso præteriiit.

32 Similiter et Levita, quum venisset ad eum locum
33 et illum vidisset, præteriit ex adverso. Samari-
tanus autem quidam iter faciens, venit eo, et,
ipso conspecto, misericordia intima commotus
34 est: et accedens obligavit ejus vulnera, infundens
oleum ac vinum: et ipsum impositum suo ju-
mento, duxit in diversorium, et ejus curam egit.
35 Postero autem die abiens, prolatos duos dena-
rios dedit hospiti, et dixit ei, Curam ipsius age:
et quodcunque præterea insumpseris, ego, quum
36 redibo, reddam tibi. Quis igitur horum trium
tibi videtur proximus fuisse illi qui incidit in
latrones?

37 Ille autem dixit, Is qui usus est misericordia
erga eum.

Ait igitur ei Jesus, Abi, et tu fac similiter.

38 FACTUM est vero inter eundum, ut ipse in-
grederetur in quendam vicum: mulier autem
quædam Martha nomine excepit eum domum
39 suam. Et huic erat soror quæ vocabatur Maria,
quæ etiam assidens ad pedes Jesu, audiebat
40 ipsius sermonem. Martha vero distrahebatur
circa frequens ministerium: et superveniens dixit
ei, Domine, non est tibi curæ quod soror mea
reliquit me solam ad ministrandum? dic ergo ei
ut me vicissim adjuvet.

41 Respondens autem dixit ei Jesus, Martha,
42 Martha, sollicita es, et satagis de multis: atqui
uno opus est: Maria vero bonam partem elegit,
quæ non auferetur ab ea.

11 ET factum est ut quum ipse oraret quodam
in loco, postquam cessasset, diceret ei quidam
ex ejus discipulis, Domine, doce nos orare, prout
et Joannes docuit discipulos suos.

2 Dixit autem eis, Quum oratis, dicite, PATER
noster, qui es in coelis, sanctificetur nomen

tuum: veniat regnum tuum: fiat voluntas tua,
3 sicut in cœlo, *ita* etiam in terra. Panem nostrum
4 quotidianum da nobis in diem. Et remitte nobis
peccata nostra: nam et ipsi remittimus cuivis
nobis debenti. Et ne nos inducas in tentatio-
nem, sed libera nos ab illo maligno.

5 Dixit etiam eis, Quis vestrum habebit amicum
qui proficiscetur ad eum media nocte, et dicat ei,
6 Amice, da mihi mutuo tres panes; quoniam
amicus meus venit de via ad me, et non habeo
7 quod apponam ei? et ille intus respondens dicat,
Ne mihi molestias præbe: jam ostium clausum
est, et pueruli mei mecum sunt in cubili: non
8 possum surgere, et dare tibi. Dico vobis, Etiam-
si non dederit ei experrectus, eo quod amicus
ejus sit: at certe propter importunitatem ejus
9 experrectus dabit ei quotquot sunt ei opus. Et
ego dico vobis, Petite, et dabitur vobis: quærite,
10 et invenietis: pulsate, et aperietur vobis. Quis-
quis enim petit, accipit: et qui quærit, invenit:
11 et pulsanti aperietur. Ecquis autem ex vobis
pater, *si* filius *ab eo* petierit panem, lapidem ei
dabit? aut si piscem, num pro pisce dabit ei
12 serpentem? aut si petierit vel ovum, num dabit
13 ei scorpium? Si vos igitur, qui mali estis, nostis
bona dona dare liberis vestris, quanto magis
Pater ille cœlestis dabit Spiritum Sanctum pe-
tentibus ab ipso?

14 EJECIT etiam dæmonium quod erat mutum:
factum est autem, ut egresso dæmonio, loqueretur
ille mutus, et mirata est turba.

15 Quidam vero ex eis dixerunt, Per Beelzebul
16 principem dæmoniorum ejicit dæmonia. Et alii
eum tentantes, signum e cœlo petebant ab eo.

17 Ipse vero quum nosset cogitationes eorum,
dixit eis, Omne regnum dissidens adversus sese,

vastatur: et domus adversus sese *dissidens* ca-
18 dit. Quod si etiam Satanas adversus seipsum
dissidet, quomodo stabit regnum ejus? nam di-
19 citis, per Beelzebul ejicere me dæmonia. Quod
si ego per Beelzebul ejicio dæmonia, filii vestri
per quem ejiciunt? propterea ipsi erunt vestri
20 judices. Sin autem digito Dei ejicio dæmonia,
nempe antevergens pervenit ad vos regnum Dei.
21 Quum potens quispiam armatus custodit aulam
22 suam, in pace sunt quæ ipsi suppetunt. Postquam
vero quispiam eo potentior superveniens vicerit
eum, totam armaturam ejus tollit qua confidebat,
23 et spolia ejus distribuit. Qui non est mecum, ad-
versum me est: et qui non congregat mecum,
24 spargit. Quum impurus spiritus exierit a quo-
piam, transit per arida loca, quærens requiem:
et non inveniens, dicit, Revertar domum meam,
25 unde exivi. Veniens igitur invenit eam versam
26 et ornatam. Tunc proficiscitur, et assumit septem
alios spiritus pejores quam sit ipse, et ingressi
habitant illic: fitque ultima conditio hominis il-
lius deterior priore.

27 Factum est vero, quum hæc diceret, ut attol-
lens vocem quædam mulier e turba, diceret ei,
Beatus venter qui te portavit, et ubera quæ suxisti!
28 Ipse autem dixit, Imo vero beati, qui audiunt
sermonem Dei, et eum observant.

29 Quum vero turba aggregaretur apud eum,
cœpit dicere, Gens ista maligna est; signum re-
quirit; sed signum non dabitur ei, nisi signum
30 illud Jonæ prophetæ. Nam prout fuit Jonas
signum Ninevitis, ita etiam erit Filius hominis
31 isti genti. Regina Austri surget in judicio cum
viris gentis hujus, et condemnabit eos; quod
venerit ab ultimis terris ut audiret sapientiam
Solomonis; et ecce, plus quam Solomon *est* hoc

- 32 in loco. Viri Ninevitæ exsurgent in iudicio cum gente ista, et condemnabunt eam; quod ad præconium Jonæ resipuerint; et ecce, plus quam
- 33 Jonas *est* hoc in loco. Nullus vero, si lucernam accenderit, in occulto *loco* ponit *eam*, neque subter modium; sed in candelabrum, ut qui in-
- 34 grediuntur, splendorem videant. Lucerna corporis est oculus: quum igitur oculus tuus fuerit simplex, totum quoque corpus tuum lucidum erit: quum vero malus fuerit, etiam corpus tuum
- 35 tenebrosum *erit*. Considera ergo, num lumen
- 36 quod in te est, tenebræ sint. Itaque, si corpus tuum totum lucidum *fuerit*, non habens aliquam partem tenebrosam, erit lucidum totum, ut quum lucerna fulgore te illustrat.
- 37 QUUM autem *hæc* locutus esset, rogavit eum quidam Pharisæus ut pranderet apud se. In-
- 38 gressus igitur discubuit. Pharisæus vero, quum *hoc* vidisset, admiratus est eum non prius ablutum fuisse ante prandium.
- 39 Dixit autem ei Dominus, Vos quidem Pharisæi exteriorem poculi patinæque partem purificatis; sed quod intra vos est, plenum est rapina
- 40 et malitia. Amentes, nonne qui fecit quod foris
- 41 est, etiam id quod intus est fecit? Imo, ea quæ penes vos sunt date *in* eleemosynam: et ecce, omnia erunt vobis pura.
- 42 Sed vae vobis Pharisæis! qui decimatis mentham, et rutam, et quodvis olus, sed præteritis iudicium et charitatem Dei. Hæc autem oportuit facere, et illa non omittere. Vae vobis
- 43 Pharisæis! qui diligitis primum consessum in
- 44 conventibus, et salutationes in foris. Vae vobis, scribæ et Pharisæi, hypocritæ! qui estis ut monumenta quæ non apparent, et *quæ* nesciunt ii qui super *ea* ambulant.

45 Respondens autem quidam ex legis interpretibus ait illi, Magister, quum hæc dicis, etiam nos afficis injuria.

46 Ipse autem dixit, Væ vobis quoque legis interpretibus! quoniam oneratis homines oneribus difficilibus portatu, sed ipsi uno ex digitis vestris

47 non attingitis onera. Væ vobis! quoniam ædificatis monumenta prophetarum, patres autem

48 vestri interemerunt eos. Nempe testimonio vestro ultro consentitis factis patrum vestrorum: quoniam illi quidem eos interemerunt, vos autem

49 ædificatis eorum monumenta. Propterea etiam Sapientia Dei dixit, Mittam ad eos prophetas et apostolos, et ex ipsis *aliquos* interimant et *ali-*

50 *quos* expellent. Ut a gente ista requiratur sanguis omnium prophetarum effusus a jacto

51 mundi fundamento, a sanguine Abelis usque ad sanguinem Zachariæ, qui periit inter altare et ædem: profecto, dico vobis, *Hic sanguis* re-

52 quiretur ab hac gente. Væ vobis legis interpretibus! quoniam sustulistis clavem cognitionis: ipsi non introistis, et eos qui introibant prohibuistis.

53 Quum autem hæc eis diceret, cœperunt scribæ et Pharisei vehementer *ipsi* imminere, et eum

54 allicere ad loquendum de multis; insidiantes ei, et cupide venantes aliquid ex ipsius ore, ut eum accusarent.

12 Interea, quum aggregata esset permulta turba, adeo ut alii alios conculcarent, cœpit dicere discipulis suis, Imprimis cavete vobis a fermento Phariseorum, quod est hypocrisis. Nihil

2 enim opertum est quod non reveletur; et *nihil*

3 occultum, quod non innotescat. Propterea quæ in tenebris dixistis, in luce audientur; et quod in aurem locuti estis in conclavibus, prædicabitur in solariis.

- 4 Dico autem vobis amicis meis, Ne metuite
vobis ab iis qui interimunt corpus, et postea non
5 habent quod amplius faciant. Præmonstrabo
autem vobis quem metuatis: metuite eum qui,
postquam interemit, habet auctoritatem conjici-
endi in Gehennam: etiam, dico vobis, hunc me-
6 tuite. Nonne quinque passeruli vaneunt assariis
duobus? et *tamen* unus ex iis non est in obli-
7 vione in conspectu Dei: quinetiam capilli capitis
vestri omnes numerati sunt. Ne igitur metuite:
multis passerculis præstatis.
- 8 Dico autem vobis, Quisquis me agnoverit co-
ram hominibus, Filius quoque hominis agnoscet
9 eum coram angelis Dei. Qui vero me abnega-
verit in conspectu hominum, abnegabitur in con-
10 spectu angelorum Dei. Et quisquis locutus fu-
erit adversus Filium hominis, ei remittetur: ei
vero qui adversus Spiritum Sanctum blasphema-
verit, non remittetur.
- 11 Quum autem adduxerint vos ad synagogas, et
ad magistratus ac potestates, ne solliciti estote
quomodo aut quid pro defensione allaturi, aut
12 quid dicturi sitis. Spiritus enim Sanctus docebit
vos eo ipso momento, quæ oporteat dicere.
- 13 DIXIT autem ei quidam e turba, Magister, dic
fratri meo, ut partiatur mecum hæreditatem.
- 14 Ipse vero dixit ei, Heus tu, quis me vobis
15 iudicem aut partitorem præfecit? Dixit igitur
eis, Videte, et cavete ab avaritia: nec enim
cujusquam vita ex iis quæ ipsi suppetunt, in eo
sita est ut redundet.
- 16 Dixit autem eis parabolam in hæc verba:
17 Hominis cujusdam divitis exuberarat regio: ita-
que ratiocinabatur apud se, dicens, Quid faciam?
nec enim habeo ubi congregem fructus meos.
- 18 Et dixit, Hoc faciam: destruam horrea mea, et

- 19 *maiora* ædificabo; et illic congregabo omnes
proventus meos, et bona mea: et dicam animæ
meæ, Anima, habes multa bona reposita in
annos multos: requiesce, ede, bibe, oblectare.
- 20 Dixit autem ei Deus, Amens, hac nocte anima
tua repetitur abs te: quæ vero parasti cujus
21 erunt? Ita *est* qui thesaurum recondit sibi, nec
est in Deo dives.
- 22 Dixit autem discipulis suis, Propterea dico
vobis, Ne solliciti estote de anima vestra, quid
esuri sitis; neque de corpore, quo sitis induendi.
- 23 Anima plus est quam alimentum, et corpus quam
24 indumentum. Considerate corvos neque serere,
neque metere; quibus non est cella neque hor-
reum; et *tamen* Deus alit eos: quanto vos præ-
25 statis volucris? Quis autem ex vobis solcite
cogitando potest apponere ad staturam suam
26 cubitum unum? Itaque, si ne rem quidem mi-
nimam *præstare* potestis, quid de reliquis illis
27 estis solliciti? Considerate lilia, quomodo cre-
scant; non fatigantur, neque nent: dico autem
vobis, ne Solomonem quidem in omni gloria
28 sua amictum fuisse ut unum illorum. Quod si
herbam, quæ hodie est in agro, et cras in cli-
banum immittitur, Deus ita circumvestit, quanto
29 magis vos, exigua fide præditi! Vos igitur ne
quærite quid esuri sitis, aut quid bibituri; et ne
30 suspensio animo estote. Hæc enim omnia gentes
mundi requirunt: Pater autem vester novit vos
31 istis indigere. Quin potius quærite regnum Dei,
32 et hæc omnia adjicientur vobis. Ne metue,
parve grex iste: nam libuit Patri vestro dare
33 vobis regnum illud. Vendite quæ habetis, et
date eleemosynam: parate vobis crumenas quæ
non veterascant, thesaurum in cœlis qui nun-
quam deficiat, quo fur non appropinquat, et *ubi*

34 tinea non corrumpit. Ubi enim thesaurus vester est, illic et cor vestrum erit.

35 Sint lumbi vestri succincti, et *vestræ* lucernæ
36 ardentes; et similes *estote* vos iis qui exspectant quando dominus suus regressurus sit a nuptiis, ut quum venerit, ac pulsaverit, statim aperiant
37 ei. Beati servi illi quos, quum venerit dominus, invenerit vigilantes: amen dico vobis, præcinget se, et faciet ut discumbant, et accedens ministrabit eis. Et si venerit in secunda vigilia, et si in tertia vigilia venerit, atque ita invenerit,
39 beati sunt servi illi. Hoc autem scitote, si sciret paterfamilias qua hora fur venturus sit, vigilaret,
40 nec sineret perfodi domum suam. Et vos igitur estote parati; quia qua hora non putatis, Filius hominis veniet.

41 Dixit autem ei Petrus, Domine, nobis dicis istam parabolam, an etiam omnibus?

42 Dixit autem Dominus, Quisnam est fidus dispensator ac prudens, quem dominus constituet supra famulitium suum, ut tempore præstituto
43 det demensum? Beatus servus ille quem, quum venerit dominus, invenerit ita facientem. Vere dico vobis, supra omnia quæ sibi suppetunt præficiet eum. Quod si dixerit servus ille in corde suo, Tardat dominus meus adventum; cœperitque
46 cædere servos et ancillas, et edere, et bibere, et inebriari; veniet dominus servi illius eo die quo
ipsum non exspectat, et ea hora quam non novit; et separabit eum, partemque cum incredulis ei statuet. Ille autem servus qui novit
47 voluntatem domini sui, et neque *se* comparavit, neque se gessit ex ejus voluntate, cædetur multis
48 *plagis*: qui vero non novit, et fecit digna plagis, cædetur *plagis* paucis. Porro; cuicumque multum datum fuerit, multum repetetur ab eo;

et apud quem depositum fuerit multum, amplius repositur ab eo.

49 Ignem veni missurus in terram: et quid volo,
50 si jam accensus est? Sed baptismo oportet me
baptizari: et quomodo constringor quousque *hoc*
51 perficiatur! Putatis me advenisse pacem daturum
52 in terra? non, dico vobis, imo dissidium. Erunt
enim ex hoc *tempore* quinque in una domo dis-
sidentes, tres adversus duos, et duo adversus
53 tres. Dissidebit pater adversus filium, et filius
adversus patrem; mater adversus filiam, et filia
adversus matrem; socrus adversus nurum suam,
et nurus adversus socrum suam.

54 Dicebat autem etiam turbæ, Quum videritis
nubem exorientem ab occasu, statim dicitis,
55 Imber venit; et ita fit. Et quum austrum flan-
56 tem, dicitis, *Æstus* erit: et fit *æstus*. Hypocritæ,
faciem terræ et cœli nostis explorare: hoc autem
præstitutum tempus qui fit ut non exploretis?
57 Cur autem et per vos ipsos non discernitis quod
justum est?

58 Enimvero dum abis cum adversario tuo ad
magistratum, da operam in via ut libereris ab
eo; ne pertrahat te ad iudicem, et iudex tradat
te exactori, et exactor conjiciat te in carcerem.
59 Dico tibi, non exhibis illinc, usquequo ultimum
etiam minutum reddideris.

13 ADFUERUNT autem eo ipso tempore qui-
dam renunciantes ei de Galilæis, quorum san-
guinem Pilatus miscuerat cum ipsorum sacrificiis.

2 Et respondens Jesus dixit eis, Putatis hos
Galilæos præ omnibus Galilæis peccatores fuisse,
3 quod talia passi sint? Nequaquam, dico vobis:
imo, nisi resipiscatis, omnes itidem peribitis.
4 Aut illos decem et octo, supra quos cecidit
turris in Siloam, et quos interemit, putatis debi-

- tores fuisse præ omnibus hominibus qui habi-
5 tant Hierosolymis? Nequaquam, dico vobis:
imo, nisi resipiscatis, omnes similiter peribitis.
- 6 Dixit autem hanc parabolam: Ficum habebat
quidam plantatam in vinea sua; et venit quærens
7 fructum in ea, neque invenit. Dixit autem vini-
tori, Ecce, anni tres sunt *ex quo* venio quærens
fructum in ficu ista, et non invenio: excinde
eam: quorsum etiam terram inutilem reddit?
8 Ille vero respondens dixit ei, Domine, sine eam
etiam hoc anno, usquequo fodero circum eam,
9 et misero stercus: et si quidem tulerit fructum,
sines: sin minus, postea excindes eam.
- 10 DOCEBAT autem in quadam synagoga sab-
11 bato: et ecce, mulier adfuit, habens spiritum
infirmittatis *ab* annis decem et octo: eratque in-
12 curva, nec prorsus *sese* poterat surrigere. Ipsam
autem Jesus visam advocavit, et dixit ei, Mulier,
13 soluta es ab infirmitate tua. Et imposuit ei
manus: et illico surrecta est, et glorificabat Deum.
- 14 Respondens autem præfectus synagogæ, in-
dignans quod sabbato sanasset Jesus, dixit turbæ,
Sex dies sunt quibus oportet operari: his ergo
diebus venite et curamini, et non die sabbati.
- 15 Respondit ergo ei Dominus, et dixit, Hypo-
crita, unusquisque vestrum sabbato nonne solvit
bovem suum aut asinum a præsepi, et abducit
16 aquatum? Hanc autem filiam Abrahami, quam
vinxerat Satan, ecce, decem et octo annos,
non oportuit a vinculo isto solvi die sabbati?
- 17 Et quum hæc diceret, pudefiebant omnes qui
se opponebant ei: tota vero turba gaudebat
super omnibus gloriæ plenis rebus, quæ fiebant
ab eo.
- 18 DIXIT autem *Jesus*, Cui rei simile est regnum
19 Dei, et cui illud assimilabo? Simile est grano

sinapis, quod acceptum quispiam misit in hortum suum; et crevit, et evasit in arborem magnam, et volucres cœli nidulatæ sunt in ejus ramis.

20 Et rursum dixit, Cui *rei* assimilabo regnum
21 Dei? Simile est fermento, quod acceptum mulier indidit in farinæ sata tria, usquequo fermentaretur tota.

22 PERAGRABAT igitur singulas urbes et vi-
cos, docens, et iter faciens Hierosolymam.

23 Dixit autem ei quidam, Domine, num pauci
sunt qui servantur?

24 Ipse vero dixit eis, Contendite intrare per
angustam portam: quia multi, dico vobis, stu-
25 debunt intrare, et non poterunt. Ex quo
videlicet surrexerit paterfamilias, et occluserit
ostium, et cœperitis foris stare, et pulsare
ostium dicentes, Domine, Domine, aperi nobis:
at ipse respondens dicet vobis, Nescio vos
26 unde sitis. Tunc incipietis dicere, Edimus in
tui conspectu et bibimus, et in plateis nostris
27 docuisti. Et dicet, Dico vobis, nescio vos unde
sitis: abscedite a me omnes qui datis operam
28 injustitiæ. Illic erit fletus, et stridor dentium,
quum videritis Abrahamum, et Isaacum, et Ja-
cobum, et omnes prophetas in regno Dei, vos
29 autem ejici foras. Tunc venient *homines* ab
Oriente, et Occidente, et Borea, et Austro, et
30 discumbent in regno Dei. Et ecce, sunt ultimi
qui erunt primi, et sunt primi qui erunt ultimi.

31 Eo ipso die accesserunt quidam Pharisæi, di-
centes, Exi, et abi hinc; nam Herodes vult te
interimere.

32 Tunc dixit eis, Profecti dicite vulpi isti, Ecce,
ejiciam dæmonia, et sanationes peragam hodie
33 et cras: tertia autem die consummabor. Verun-
tamen oportet me hodie, et cras, et perendie,

iter facere: quia non contingit ut propheta pereat extra Hierosolymam.

34 Hierusalem, Hierusalem, quæ interimis prophetas, et lapidas eos qui ad te missi sunt, quoties volui aggregare liberos, quemadmodum gallina pullitiam suam sub alas, et noluistis?

35 Ecce, relinquitur vobis domus vestra deserta. Amen autem dico vobis, Non videbitis me usquedum venerit *tempus* quum dicatis, Benedictus qui venit in nomine Domini.

14 ET factum est, ut quum venisset domum cujusdam ex primoribus Pharisæis sabbato ad edendum panem, ipsi observarent eum.

2 Et ecce, quidam hydropicus aderat coram eo.

3 Tum respondens Jesus dixit legis interpretibus et Pharisæis in hæc verba, Licetne curare sab-

4 bato? Ipsi vero tacuerunt. Tum ipse prehensum

5 eum sanavit, et dimisit. Et respondens eis, dixit,

6 Quis vestrum, *si ipsius* asinus aut bos in puteum incidat, non statim retrahet eum die sabbati? Et non poterant ei ex adverso ad ista respondere.

7 Dixit autem parabolam iis qui vocati fuerant, attendens quomodo primos accubitus eligerent,

8 dicens eis: quum vocatus fueris ab aliquo ad nuptias, ne discumbito primo loco, ne forte

9 honoratior te sit vocatus ab eo: et is qui te et illum vocavit veniens dicat tibi, Da huic locum;

et tunc incipias cum ignominia ultimum locum

10 tenere. Sed quum vocatus fueris, vade recubitum in ultimum locum; ut quum venerit qui te vocavit dicat tibi, Amice, ascende altius: tunc

11 erit tibi gloria in conspectu eorum qui tecum discumbunt. Nam quisquis se extollit deprime-

tur; et qui se depresserit extolletur.

12 Dicebat autem etiam ei a quo fuerat ipse vocatus, Quum feceris prandium aut cœnam, ne

vocato amicos tuos, neque fratres tuos, neque cognatos tuos, neque vicinos divites; nequando et ipsi te vicissim vocent, ac fiat tibi retributio.

13 Sed quum facis epulum, voca mendicos, mancos,
14 claudos, cæcos: et beatus eris, quia non possunt
gratiam retribuere tibi; retribuetur enim tibi in resurrectione justorum.

15 Hæc autem quum audisset quidam ex iis qui simul discumbebant, dixit ei, Beatus qui edit panem in regno Dei.

16 Ipse autem dixit ei, Homo quidam fecit cœ-

17 nam magnam, et vocavit multos: misitque servum suum hora cœnæ, ut diceret vocatis, Venite, quia

18 jam parata sunt omnia. Et omnes cœperunt uno
consensu se excusare. Primus dixit ei, Agrum emi, et necesse habeo exire, et eum inspicere;

19 rogo te, habe me excusatum. Et alter dixit, Juga boum emi quinque, et proficiscor ad pro-

20 bandum ea; rogo te, habe me excusatum. Et alius dixit, Uxorem duxi, et propterea non pos-

21 sum venire. Quum igitur servus ille advenisset, renunciavit ista domino suo. Tunc iratus paterfamilias dixit servo suo, Exi cito in plateas, et vicos urbis; et mendicos, ac mancos, claudosque,

22 et cæcos huc introducito. Et ait servus, Domine, factum est ut imperasti, et adhuc locus

23 est. Tunc ait dominus servo, Abi ad vias et sepes, et coge ingredi, ut impleatur domus mea.

24 Dico enim vobis, Nemo virorum illorum, qui vocati fuerant, gustabit cœnam meam.

25 IBAT autem turba multa cum eo: et conversus dixit eis, Siquis venit ad me, et non odit

26 patrem suum, et matrem, et uxorem, et liberos, et fratres, et sorores, atque adeo suam ipsius

27 animam, non potest meus esse discipulus. Et quisquis non bajulat crucem suam, et sequitur

28 me, non potest meus esse discipulus. Quis enim
ex vobis, si velit turrim ædificare, non prius
considerans computat sumptum, an habeat quæ ad
29 *ejus* consummationem *requiruntur*? Ut ne po-
sito fundamento, et *ipso eam* nequeunte perficere,
30 omnes *istud* spectantes incipiant ei illudere; di-
centes, Homo iste cœpit ædificare, et nequivit
31 *ædificium* perficere. Aut quis rex proficiscens
ad committendum prælium adversus alium re-
gem, non prius consultat considerans, an possit
cum decem millibus occurrere illi qui cum vi-
32 ginti millibus venit adversus ipsum? Alioquin,
quum adhuc ille procul est, legatis missis
33 rogat ea quæ ad pacem *spectant*. Sic ergo,
quisquis vestrum non valedicit omnibus bonis
34 suis, non potest meus esse discipulus. Bonus est
sal: si vero sal infatuatus fuerit, quo condietur?
35 Neque ad terram, neque ad sterquilinum appo-
situs est: foras eum abjiciunt. Qui habet aures
ad audiendum, audiat.

15 ACCEDEBANT autem ad eum omnes publi-
2 cani et peccatores, ut eum audirent. Et mur-
murabant Pharisei et scribæ, dicentes, Iste
peccatores recipit, et edit cum eis.

3 Ipse vero locutus est ad eos hanc parabolam,
4 dicens, Quis ex vobis, si habeat centum oves:
et perdiderit unam ex illis, non derelinquit illas
nonaginta novem in deserto, et abit ad eam
5 quæ periit, usquedum eam invenerit. Et *eam*
6 nactus imponit in humeros suos gaudens: veniens-
que domum convocat amicos et vicinos, dicens
eis, Gratulamini mihi; nam inveni ovem meam
7 quæ perierat. Dico vobis, ita fore gaudium in
cœlo super uno peccatore resipiscente, *magis*
quam super nonaginta novem justis, quibus non
opus est resipiscentia.

- 8 Aut quæ mulier, si habeat drachmas decem,
et perdiderit drachmam unam, non accendit lu-
cernam, et verrit domum, quæritque accurate,
9 usquequo *eam* invenerit? Et *eam* nacta, convo-
cat amicas ac vicinas, dicens, Gratulamini mihi;
10 nam inveni drachmam quam perdideram. Ita
dico vobis, gaudium est apud angelos Dei super
uno peccatore resipiscente.
- 11 Dixit autem, Quidam habebat duos filios: ¹² quo-
rum junior dixit patri, Pater, da mihi partem
substantiæ *ad me* attinentem. *Ille* igitur divisit
13 eis facultates. Post dies autem non multos,
congregatis omnibus, junior ille filius peregre
profectus est in regionem longinquam: et illic
dissipavit substantiam suam, profuse vivendo.
- 14 Quum autem omnia ipse consumpsisset, orta est
fames valida in regione illa; et ipse cœpit *victu*
15 defici. Abiit igitur et adhæsit uni ex civibus
regionis illius; qui misit eum in agros suos, ut
16 pasceret porcos. Et desiderabat implere ventrem
suum siliquis, quas edebant porci: et nemo ei
dabat.
- 17 Quum autem ad se rediisset, dixit, Quot mer-
cenarii patris mei redundant panibus, ego vero
18 fame pereo! Surgens proficiscar ad patrem
meum, et dicam ei, Pater, peccavi in cœlum et
19 in tuo conspectu; neque amplius sum dignus
vocari filius tuus: fac me ut unum ex mercena-
riis tuis.
- 20 Surgens igitur contendit ad patrem suum.
Quum autem adhuc longe abesset, vidit eum
pater ipsius, et intima misericordia motus est;
et accurrens incidit in collum ejus, et deoscu-
21 latus est eum. Dixit autem ei filius, Pater,
peccavi in cœlum et in tuo conspectu, neque
22 dignus sum amplius vocari filius tuus. Dixit

vero pater ad servos suos, Proferte stolam illam præcipuam, et induite eum, et indite annulum
23 in manum ejus, et soleas in pedes: et adductum
vitulum illum saginatum mactate, et edentes
24 oblectemur: quia filius iste meus mortuus erat,
et revixit; perieratque, et inventus est. Cœpe-
runt igitur sese oblectare.

25 Erat autem filius ille ipsius senior ruri: qui
ut veniens appropinquavit domui, audivit con-
26 centum et choros. Et vocatum unum ex pueris,
27 percontatus est quid istud esset. Is vero dixit
ei, Frater tuus venit: et mactavit pater tuus
vitulum illum saginatum, quod valentem illum
28 receperit. Indignatus est autem *ille*, nec voluit
introire. Pater ergo ipsius egressus, advocabat
29 eum. Ipse vero respondens dixit patri, Ecce,
tot annos servio tibi, nec unquam præceptum
tuum sum transgressus; nec unquam dedisti mihi
30 hædum, ut cum amicis meis oblectarer: sed
quum filius iste tuus, qui abligurivit victum tuum
cum meretricibus, venit, mactasti ei vitulum
31 illum saginatum. Ipse vero dixit ei, Fili, tu
32 semper mecum es, et omnia mea tua sunt. Ex-
hilarari vero et gaudere oportebat, quod frater
tuus hic mortuus erat, et revixit; perieratque, et
inventus est.

16 DIXIT autem etiam discipulis suis, Fuit homo
quidam dives, qui habebat dispensatorem: et is
delatus est apud eum, ut qui dissiparet quæ ipsi
2 suppetebant. Vocavit eum igitur, et dixit ei,
Qui istud audio de te? redde rationem dispen-
sationis tuæ; non enim poteris amplius esse
3 dispensator. Dixit autem apud se dispensator,
Quid faciam, quum dominus meus auferat a me
dispensationem? fodere nequeo; mendicare pudet.
4 Novi quid sim factururus, ut quum amotus fuero

- a dispensatione, recipiant me *aliqui* domum
5 suam. Convocatis itaque singulis debitoribus
domini sui, dixit primo, Quantum debes domino
6 meo? Is autem ait, Centum batos olei. Tum
ille dixit ei, Accipe tabulas tuas, et sede cito,
7 et scribe quinquaginta. Deinde alii dixit, Tu
vero quantum debes? Is autem ait, Centum
coros tritici. Tum ipse dixit ei, Accipe tabulas
8 tuas, et scribe octoginta. Et laudavit dominus
ille dispensatorem injustum, quod prudenter fe-
cisset. Certe filii hujus seculi prudentiores sunt
filiis lucis in suo genere.
- 9 *Sic* etiam ego vobis dico, Facite vobis amicos
ex mamona injusto; ut quum defeceritis, recipiant
10 vos in æterna illa tabernacula. Qui fidelis est
in minimo, etiam in multo fidelis est: et qui in
pauco injustus est, etiam in multo injustus est.
- 11 Itaque, si in fallaci mamona fideles non fuistis,
12 veram *mamonam* quis credet vobis? Et si in
alieno fideles non fuistis, quod vestrum est quis
13 dabit vobis? Nullus servus potest duobus do-
minis servire: aut enim unum odio habebit, et
alterum diliget; aut uni adhærebit, et alterum
contemnet. Non potestis Deo servire et ma-
monæ.
- 14 Audiebant autem hæc omnia etiam Pharisæi,
qui erant avari; et sannis eum excipiebant.
- 15 Tunc dixit eis, Vos ii estis qui justificatis
vosipsos in hominum conspectu: Deus autem
novit corda vestra; quia quod apud homines su-
blime est, abominationi est in conspectu Dei.
- 16 Lex et prophetæ usque ad Joannem: ab eo
tempore regnum Dei evangelizatur, et quivis in
17 illud vi perrumpit. Facilius est autem cælum et
terram præterire, quam legis unum apicem ex-
18 cidere. Quisquis dimittit uxorem suam, et alte-

ram ducit, mœchatur: et quisquis a viro dimissam ducit, mœchatur.

- 19 Ceterum quidam erat dives, qui induebatur
purpura et bysso, et sese oblectabat quotidie
20 splendide. Erat vero quidam mendicus nomine
Lazarus, qui projectus erat ad vestibulum ejus,
21 ulcerosus; et desiderans saturari micis quæ ca-
debant e mensa divitis: sed et canes veniebant
22 ac lingeabant ejus ulcera. Factum est autem ut
moreretur mendicus, et asportaretur ab angelis
in sinum Abrahami: mortuus est vero etiam
23 dives, ac sepultus est; et apud inferos sublatis
oculis suis, quum esset in tormentis, vidit Abra-
hamum e longinquo, et Lazarum in sinu ejus.
24 Tum ipse clamans dixit, Pater Abrahame, mise-
rere mei, et mitte Lazarum, ut intingat extremum
digitum suum in aquam, et refrigeret linguam
meam; quoniam gravissime crucior in ista flamma.
25 Dixit autem Abrahamus, Fili, memento te bona
tua recepisse in vita tua, et Lazarum similiter
mala: nunc autem hic solamen recipit, tu vero
26 cruciaris. Et ad hæc omnia, inter nos et vos
hiatus ingens constitutus est, ut ii qui volunt
hinc transire ad vos, non possint, neque istinc
27 huc transire. Dixit autem *ille*, Rogo te igitur,
28 pater, ut eum mittas domum patris mei: habeo
enim quinque fratres, ut *hæc* obtestetur eos, ne
29 et ipsi veniant in hunc locum tormenti. Dicit
ei Abrahamus, Habent Mosen et prophetas:
30 audiant eos. Ille vero dixit, Non, pater Abra-
hame; sed siquis e mortuis abierit ad eos, re-
31 sipiscent. Abrahamus autem dixit ei, Si Mosen
et prophetas non audiunt, ne siquidem quispiam
ex mortuis resurgat, persuadebuntur.
- 17 AIT autem discipulis, Contingere non potest,
ut non eveniant offendicula: sed vae illi per

2 quem eveniunt! Expedit ei si mola asinaria circumponatur collo ejus, et abjectus fuerit in mare, *potius* quam ut sit offendiculo uni ex parvis istis.

3 Cavete vobis: Si peccaverit in te frater tuus,
4 objurga eum; et si resipuerit, remitte ei. Et si septies in die peccaverit in te, et septies *in* die revertatur ad te, dicens, Resipui; remittes ei.

5 Tunc dixerunt apostoli Domino, Adde nobis fidem.

6 Dixit autem Dominus, Si haberetis fidem, quantum *est* granum sinapis, diceretis huic sycamino, Eradicator, et plantator in mari; et
7 obediret vobis. Quis autem vestrum habet servum arantem, aut pascentem, qui regresso ab
8 agro, dicat statim, Accede, et accumbe? Imo nonne dicit ei, Para quod coenam, et præcinctus ministra mihi, usquedum edero ac bibero; et
9 postea edito tu et bibito? Num gratiam habet servo illi, quod fecerit quæ ipsi edicta fuerant?
10 non puto. Ita et vos, quum feceritis omnia quæ edicta sunt vobis, dicite, Servi inutiles sumus: nam quod debuimus facere, fecimus.

11 ET factum est, inter eundum Hierosolymam, ut ipse transiret per mediam Samariam et Galilæam.

12 Quum autem ingrederetur in quendam vicum, occurrerunt ei decem viri leprosi, qui steterunt
13 procul: et sustulerunt vocem, dicentes, Jesu magister, miserere nostri. Qui quum *eos* vidisset, dixit eis, Profecti ostendite vos sacerdotibus. Et factum est ut inter eundum purificati sint.

15 Unus autem ex ipsis, ut vidit se sanatum esse,
16 revertit, glorificans Deum voce magna; et procidit in faciem ad pedes ejus, gratias ei agens; eratque iste Samaritanus.

- 17 Respondens autem Jesus dixit, Nonne decem
illi purificati sunt? novem autem illi ubi *sunt*?
18 Non sunt reperti qui redierint, ut tribuerent
19 gloriam Deo, nisi alienigena iste. Et dixit ei,
Surge, *et* abi; fides tua te servavit.
- 20 INTERROGATUS autem a Pharisæis, quando
venturum esset regnum Dei, respondit eis, et
dixit, Non veniet regnum Dei ita ut observari
21 possit: neque dicent, Ecce hic, aut ecce illic:
ecce enim, regnum Dei intus habetis.
- 22 Dixit autem discipulis, Veniet tempus quum
desiderabitis videre unum ex diebus Filii homi-
23 nis; nec videbitis. Et dicent vobis, Ecce hic,
aut ecce illic: *sed* ne abite, neque prosequimini.
- 24 Nam sicut fulgur coruscans ex *una regione* quæ
sub cœlo est, in *alteram*, quæ sub cœlo est,
splendet; ita erit et Filius hominis die suo.
- 25 Sed prius oportet eum multa pati, et reprobari
a gente ista.
- 26 Et prout factum est in diebus Noe, ita erit
27 etiam diebus Filii hominis. Edebant, bibebant,
uxores ducebant, et dabantur nuptum, ad eum
usque diem quo introiit Noe in arcam; venitque
28 diluvium, et perdidit omnes. Similiter etiam ut
accidit in diebus Lot; edebant, bibebant, eme-
29 bant, vendebant, plantabant, ædificabant: quo
autem die Lot exiit Sodomis, pluit ignis et sul-
30 phur e cœlo, et omnes perdidit. Secundum hæc
31 erit dies quo Filius hominis revelabitur. In illo
die qui fuerit in solario, et vasa ejus in ipsa
domo, ne descendat ad ea tollenda; et qui in
32 agro, similiter non revertatur retrorsum. Memi-
33 neritis uxoris Lot. Quicumque studuerit animam
suam servare, perdet eam: et quicumque eam
34 perdiderit, vivificabit eam. Dico vobis, illa
nocte erunt duo in lecto uno: unus accipietur,

35 et alter relinquetur. Duo erunt molentes simul:
36 una accipietur, et altera relinquetur. Duo erunt
in agro: unus accipietur, et alter relinquetur.

37 Tunc respondentes dicunt ei, Ubi, Domine?

Ipse vero dixit eis, Ubi corpus, illuc congregabuntur aquilæ.

18 Dixit autem eis etiam parabolam *huc spectan-*
tem, quod oporteret semper orare, neque segnes
2 esse; dicens, Judex quidam erat in quadam urbe,
qui Deum non timebat, nec quenquam revereba-
3 tur. Erat autem in illa urbe quædam vidua,
quæ venit ad eum, dicens, Vindica me ab ad-
4 versario meo. Ille autem noluit per *multum*
tempus: postea vero dixit apud se, Etsi Deum
5 non timeo, nec quenquam vereor: tamen quia
molestiam mihi præbet vidua ista, vindicabo
eam, ne tandem veniens obtundat me.

6 Ait autem Dominus, Audite quid judex ille
7 injustus dicat: Deus autem non vindicabit electos
suos, vociferantes ad ipsum die ac nocte, etiamsi
8 patiente sit animo super ipsis? Dico vobis,
vindicabit eos cito. Veruntamen Filius hominis
quum venerit, num reperturus est fidem in terra?

9 DIXIT autem etiam quibusdam, qui sibi per-
suaserant se justos esse, et pro nihilo habebant
10 reliquos, parabolam istam: Homines duo ascen-
derunt in templum ut precarentur; unus Phari-
11 sæus, et alter publicanus. Pharissæus consistens
seorsim hæc oravit: Deus, gratias ago tibi, quod
non sim ut reliqui homines, rapaces, injusti,
12 mœchi; vel etiam ut iste publicanus: jejuno bis
13 hebdomade: decimo quæcunque possideo. Publi-
canus autem procul stans, nolebat vel oculos in
cælum attollere; sed cædebat pectus suum, di-
14 cens, Deus, placator mihi peccatori. Dico vobis,
Descendit iste justificatus domum suam *potius*

quam ille: quia quicumque se extollit deprimetur, et qui sese deprimat extolletur.

15 ADFEREBANT autem ad eum etiam infantes, ut eos tangeret: quum autem hoc vidissent discipuli, objurgarunt eos.

16 Jesus vero quum eos advocasset, dixit, Sinite puerulos venire ad me, et eos non prohibete:

17 talium est enim regnum Dei. Amen dico vobis, Quicumque non exceperit regnum Dei tanquam puerulus, nequaquam introibit in illud.

18 TUNC interrogavit eum quidam ex primoribus, dicens, Magister bone, quid faciendo vitam æternam possidebo?

19 Dixit autem ei Jesus, Cur me dicis bonum?

20 nemo bonus nisi unus, *nempe* Deus. Præcepta nosti: Ne mœchare, Ne occidito, Ne furare, Ne falsum testimonium dicito, Honora patrem tuum, et matrem tuam.

21 Ille autem dixit, Hæc omnia observavi a juventute mea.

22 Jesus vero, his auditis, dixit ei, Adhuc unum tibi deest: omnia quæ habes vende, et distribue pauperibus, et habebis thesaurum in cœlo; et ades dum sequere me.

23 At ille, his auditis, valde tristis factus est;

24 nam dives erat valde. Quum autem vidisset Jesus eum valde tristem factum, dixit, Quam difficile qui pecunias habent introibunt in regnum Dei!

25 Facilius est enim camelum per foramen acus intrare, quam divitem in regnum Dei intrare.

26 Qui vero *istud* audierant, dixerunt, Et quis potest servari?

27 Ipse autem dixit, Quæ fieri non possunt apud homines, fieri possunt apud Deum.

28 Dixit autem Petrus, Ecce, nos reliquimus omnia, et secuti sumus te.

29 Ipse vero dixit eis, Amen dico vobis, Nemo est qui reliquerit domum, aut parentes, aut fratres, aut uxorem, aut liberos, regni Dei causa, qui non recepturus sit multiplicia hoc ipso tempore, et in seculo venturo vitam æternam.

31 ET quum assumpsisset illos duodecim, dixit eis, Ecce, ascendimus Hierosolymam, et perficientur omnia quæ scripta sunt per prophetas de Filio hominis. Tradetur enim gentibus, et illudetur, et contumeliis afficietur, et conspuetur: et eum flagellatum interiment: sed die tertia resurget.

34 Ipsi vero nihil horum intellexerunt: erantque ista verba ipsis occulta, neque cognoverunt quæ dicebantur.

35 FACTUM est autem ut dum ipse appropinquaret Jericho, cæcus quidam sederet apud viam mendicans. Quum igitur *is* audisset turbam prætereuntem, percontabatur quid hoc esset. Renunciaverunt autem ei Jesum Nazaræum transire. Tunc vociferatus est, dicens, Jesu, fili David, miserere mei. Et qui præibant, objurgabant eum ut sileret: ipse vero multo magis clamabat, Fili David, miserere mei.

40 Jesus autem quum substitisset, jussit eum adduci ad se: et quum is appropinquasset, interrogavit eum, dicens, Quid tibi vis faciam?

Ille vero dixit, Domine, ut visum recipiam.

42 Et Jesus dixit ei, Recipito visum: fides tua te servavit. Illico igitur visum recepit, ac sequebatur eum, glorificans Deum: et totus populus, quum *hoc* vidisset, tribuit laudem Deo.

19 JESUS autem ingressus Jericho, transibat.

2 Et ecce, quidam nomine vocatus Zacchæus, et qui magister erat publicanorum, et dives erat: studebatque videre quis esset Jesus: nec poterat

- 4 præ turba, quod statura parvus esset: præcurrens
igitur ascendit in sycomorum, ut eum videret:
5 quoniam futurum erat ut illac transiret. Ut
autem venit ad eum locum, suspiciens Jesus vi-
dit eum, et dixit ei, Zacchæe, festinans descende:
6 hodie enim domi tuæ oportet me manere. Tum
is festinans descendit, et excepit eum gaudens.
7 Et omnes, quum hoc vidissent, murmurabant,
dicentes eum ingressum esse ad hominem pecca-
torem, ut *ibi* diversaretur.
8 Adestans autem Zacchæus dixit Domino, Ecce,
dimidium bonorum meorum, Domine, do paupe-
ribus, et si quid cuipiam per calumniam eripui,
reddo quadruplum.
9 Dixit autem ei Jesus, Hodie salus huic domui
contigit, eo quod ipse quoque est filius Abra-
10 hami. Venit enim Filius hominis, ut quærat et
servet quod perierat.
11 HÆC autem ipsis audientibus, pergens, dixit
parabolam, eo quod esset prope Hierosolymam,
et quod putarent fore ut illico regnum Dei ap-
12 pareret. Dixit ergo, Homo quidam nobilis pro-
fectus est in regionem longinquam, ut acciperet
13 sibi regnum, ac reverteretur. Vocatis autem
decem servis suis, dedit eis decem minas, et
14 dixit eis, Negotiamini donec veniam. Cives
autem ejus oderant eum, miseruntque legationem
post eum, dicentes, Nolumus hunc regnare super
15 nos. Et factum est quum is redisset, accepto
regno, tum jussit vocari servos illos ad se, qui-
bus dederat pecuniam; ut cognosceret quis quid
16 negotiando confecisset. Aduit autem primus,
dicens, Domine, mina tua decem minas lucrifici-
17 Ille autem ait ei, Bene est, serve bone; quia in
minimo fuisti fidelis, habeto jus in decem urbes.
18 Et alter venit, dicens, Domine, mina tua con-

19 fecit quinque minas. *Ille* vero et isti dixit, Tu
20 quoque præsto quinque urbibus. Et alius venit,
dicens, Domine, ecce mina tua quam habui se-
21 positam in sudario. Metui enim te, quod homo
sis austerus: tollis quod non deposuisti, et metis
22 quod non seminasti. Tum *ille* dixit ei, Ex ore
tuo te judicabo, serve male: sciebas me homi-
nem austum esse, qui tollam quod non depo-
23 sui, et metam quod non seminavi: quare igitur
non dedisti pecuniam meam ad mensam, et ego,
24 veniens, cum fœnore ipsam exegissem? Et ad-
stantibus dixit, Tollite ab eo minam, et date illi
25 qui decem minas habet. *Illi* vero dixerunt ei,
26 Domine, habet decem minas. *At ille*, Nam, *in-*
quit, dico vobis, Omni habenti dabitur: ei vero
qui non habet, etiam quod habet auferetur ab
27 eo. Quinetiam meos illos inimicos, qui noluerunt
me regnare supra se, adducite huc, et jugulate
coram me.

28 ET his dictis, antegrediebatur ascendens Hiero-
solymam.

29 Et factum est, quum appropinquasset Beth-
phagæ et Bethaniæ, ad montem qui vocatur
30 Olearum, misit duos ex discipulis suis, dicens,
Abite in vicum qui est ex adverso; in quo intro-
euntes invenietis pullum alligatum, cui nullus
unquam hominum insedit: solutum eum adducite.
31 Et si quis vos interrogaverit, Quare solvitis? sic
dicetis ei, Quoniam eo opus est Domino.

32 Profecti autem qui missi erant, invenerunt
33 prout eis dixerat. Solventibus autem ipsis pul-
lum, dixerunt eis domini ejus, Quare solvitis
34 pullum? Ipsi vero dixerunt, Quoniam eo opus
35 est Domino. Duxerunt igitur eum ad Jesum:
et palliis suis pullo injectis, imposuerunt Jesum.
36 Eunte autem ipso, substernebant pallia sua in via.

37 Et quum jam appropinquaret ad descensum
montis Olearum, cœpit omnis multitudo discipu-
38 lorum gaudentium laudare Deum voce magna de
omnibus quas viderant virtutibus; dicentes, Bene-
dictus Rex ille qui venit in nomine Domini:
pax in cœlo, et gloria in *locis* altissimis.

39 Et aliqui Pharisæorum e turba dixerunt ei,
Magister, objurga discipulos tuos.

40 Ipse vero respondens dixit eis, Dico vobis, si
siluerint isti, mox lapides clamituros.

41 Et ut appropinquavit, visa urbe, flevit super
42 ea, dicens, Si vel tu nosses hoc saltem tuo die,
quæ ad pacem tuam *faciunt*: sed *ea* nunc oc-
43 culta sunt oculis tuis. Nam veniet tempus ad-
versum te, quo circumjicient tibi inimici tui
vallum, et circumcingent te, et constringent
44 undique: teque solo æquabunt, et filios tuos in-
tus, neque relinquent in te lapidem super lapi-
dem; eo quod non agnoveris præstitutum hoc
tempus visitationis tuæ.

45 ET ingressus in templum, cœpit ejicere eos
46 qui vendebant in eo, et emebant; dicens eis,
Scriptum est, Domus mea, domus precatio-
nis est: vos autem fecistis eam spelun-
cam latronum.

47 ET docebat quotidie in templo. Primarii vero
sacerdotes, et scribæ, et primores plebis stude-
48 bant eum perdere: nec inveniebant quid facerent:
totus enim populus pendebat ab eo, ipsum au-
diens.

20 ET factum est quodam dierum illorum, ut
quum ipse doceret populum in templo, et evan-
gelizaret, supervenerint primarii sacerdotes et
scribæ cum senioribus; et allocuti sunt eum, di-
centes, Dic nobis qua auctoritate ista facias, aut
quis ille sit qui dedit tibi istam auctoritatem.

3 Respondens autem dixit eis, Interrogabo vos
4 et ego quiddam: dicite igitur mihi, Baptismus
Joannis e cœlo erat, an ex hominibus?

5 At illi ratiocinati sunt apud se, dicentes, Si
dixerimus, E cœlo; dicet, Quare ergo non cre-
6 didistis ei? Sin autem dixerimus, Ex hominibus;
tota plebs lapidabit nos: persuasa enim est, Jo-
7 annem prophetam fuisse. Responderunt igitur
se nescire unde *esset*.

8 Tunc Jesus dixit eis, Nec ego dicam vobis
qua auctoritate hæc faciam.

9 Cœpit autem dicere ad plebem parabolam
hanc: Quidam plantavit vineam, et elocavit eam
agricolis: et peregre abfuit non multum tempo-
10 ris. Sed præstituto tempore misit servum ad
agricolas illos, ut sibi darent ex fructu vineæ:
agricolæ autem illi cæsum illum ablegarunt
11 inanem. *Ille* vero perrexit, et alterum servum
misit: at ipsi hunc quoque cæsum et contumeliis
12 affectum ablegarunt inanem. Et perrexit mittere
tertium: at illi et istum vulneratum ejecerunt.
13 Dixit igitur Dominus vineæ, Quid faciam? mittam
filium illum meum dilectum: utique hunc visum
14 reverebuntur. Viso autem eo agricolæ colloque-
bantur inter se, dicentes, Iste est hæres: adeste,
15 interimamus eum, ut nostra fiat hæreditas. Et
ejectum eum extra vineam, interemerunt. Quid
16 ergo faciet eis Dominus vineæ? Veniet et per-
det agricolas istos, et dabit vineam aliis.

Hoc autem quum audissent, dixerunt, Absit.

17 Ille vero intuitus ipsos ait, Quid illud est ergo
quod scriptum est, Quem lapidem reproba-
verunt aedificantes, is factus est caput
18 anguli? Quisquis ceciderit super illum lapidem
confringetur; super quem autem ceciderit, com-
minuet eum.

19 Et studuerunt primarii sacerdotes et scribæ injicere in eum manus eo ipso momento; sed metuerunt plebem: cognoverant enim *eum* adversus ipsos dixisse similitudinem istam.

20 ITAQUE observantes *eum*, miserunt insidiatores, qui se justos esse simularent; ut carperent ejus sermonem, tradituri eum imperio et potestati
21 præsidis: qui interrogaverunt eum, dicentes, Præceptor, scimus te recte dicere et docere, nec accipere personam, sed viam Dei in veritate
22 docere: Licet nobis tributum dare Cæsari, an non?

23 Animadversa autem eorum calliditate, dixit
24 eis, Quid me tentatis? Ostendite mihi denarium; cujus habet imaginem et inscriptionem? Respondentes autem dixerunt, Cæsaris.

25 Tunc dixit eis, Reddite igitur quæ *sunt* Cæsaris, Cæsari; et quæ *sunt* Dei, Deo.

26 Itaque nequiverunt ejus verba carpere coram plebe: et mirati super ejus responso, siluerunt.

27 ACCEDENTES autem quidam Sadducæorum (qui contendunt non esse resurrectionem) interroga-
28 runt eum, dicentes, Magister, Moses scripsit nobis, Si cujus frater mortuus fuerit habens uxorem, et sine liberis mortuus fuerit, ut frater accipiat ejus uxorem, et excitet semen fratri suo.

29 Septem ergo fratres fuerunt; quorum primus,
30 accepta uxore, mortuus est sine liberis. Accepit igitur eam secundus, *qui* et ipse mortuus est
31 sine liberis. Deinde tertius accepit eam: itidem autem et illi septem: nec reliquerunt liberos, et
32 mortui sunt. Post omnes autem mortua est et
33 mulier. In resurrectione ergo, cujus eorum erit uxor? nam illi septem habuerunt eam uxorem.

34 Tum respondens dixit eis Jesus, Filii hujus
35 ævi ducunt uxores, et nuptum dantur; qui vero digni habiti fuerint qui ævum illud consequantur,

et resurrectionem ex mortuis, neque ducunt uxores, neque nuptum dantur: nec enim mori possunt amplius: pares enim angelis sunt: et filii sunt Dei, quum sint filii resurrectionis. Mortuos autem suscitatum iri, etiam Moses indicavit in rubo, quum dicit Dominum Deum Abrahami, et Deum Isaaci, et Deum Jacobi. Deus autem non est mortuorum, sed vivorum *Deus*; omnes enim vivunt ei.

Respondentes autem ei quidam ex scribis dixerunt, Magister, bene dixisti. Nec amplius audebant eum quicquam interrogare.

DIXIT autem eis, Quomodo dicunt Christum filium esse Davidis? Nam ipse David dicit in libro Psalmorum, Dixit Dominus Domino meo, Sede ad dextram meam, usquedum statuero inimicos tuos scabellum pedum tuorum. David ergo Dominum eum vocat, et quomodo filius ejus est?

Audiente vero toto populo dixit discipulis suis, Cavete a scribis, qui volunt ambulare stolati, et amant salutationes in foris, ac primos consessus in conventibus, et primos accubitus in cœnis; qui exedunt domos viduarum, et in speciem longis orationibus utuntur: isti recipient gravius judicium.

RESPICIENS vero vidit divites immitentes dona sua in gazophylacium. Vidit autem etiam quandam viduam pauperculam immitentem illuc minuta *æreola* duo: et dixit, Vere dico vobis, vidua hæc pauper immisit amplius quam omnes. Nam omnes hi ex eo quod sibi redundat, immiserunt quæ donarent Deo: hæc autem immisit ex pênuria sua totum victum quem habebat.

ET quibusdam dicentibus de templo, quod pulchris lapidibus ac donariis ornatum esset,

- 6 dixit, Hæccine spectatis? venient dies quibus non relinquetur lapis super lapidem qui non destruatur.
- 7 Interrogaverunt autem eum, dicentes, Magister, quando hæc erunt? et quod *erit* signum quando futura sint ista?
- 8 Ipse vero dixit, Videte ne seducamini; multi enim venient sub nomine meo, dicentes, Ego sum *Christus*: et tempus illud præstitutum appropinquat: ne igitur sequimini eos. Quum vero audieritis bella et exagitationes, ne consternamini: oportet enim ista primum fieri, sed non statim *erit* finis. Tunc dixit eis, Insurget gens in gentem, et regnum in regnum: et magni terræmotus erunt singulis locis, et fames, ac pestilentiæ, et terriculamenta, et signa e cælo magna erunt.
- 12 Sed ante hæc omnia injicient vobis manus, et vos persequentur, tradentes in conventus et carceres, adductos ad reges ac præsides, propter nomen meum. Hæc autem cedent vobis testimonio. Habete igitur hoc fixum in cordibus vestris, non præmeditari defensionem. Ego enim dabo vobis os, et sapientiam, cui non poterunt contradicere, neque obsistere, omnes qui se vobis opponent. Prodemini autem etiam a parentibus, et fratribus, et cognatis, et amicis: et morte mulctandos curabunt aliquos ex vobis: et eritis exosi omnibus propter nomen meum. Sed pilus capitis vestri non peribit. Per tolerantiam vestram possidete animas vestras.
- 20 Quum autem videritis Hierosolymam cingi ab exercitibus, tunc agnoscite appropinquare vastationem ejus. Tunc qui in Judæa sunt, fugiant in montes; et qui intra eam, excedant; et qui in agris, non ingrediantur in eam. Nam hi sunt

dies ultionis, ut impleantur omnia quæ scripta
23 sunt. Væ autem gravidis et lactantibus in illis
diebus! erit enim necessitas magna in hac regi-
24 one, et ira in populo isto. Et cadent acie gla-
dii, et captivi ducentur in omnes gentes: et
Hierosolyma calcabitur a gentibus, usquequo
impleantur præstituta illa tempora gentium.

25 Tunc erunt signa in sole, et luna, et stellis;
et in terra anxietas gentium in consilii inopia,
26 resonante mari et salo; exanimatis hominibus
præ metu et expectatione *malorum* superveni-
entium orbi terrarum; nam potestates cœlorum
27 concutientur. Et tunc videbunt Filium hominis
venientem in nube cum potentia et gloria multa.
28 Quum autem hæc fieri incipient, sursum respicite,
et attollite capita vestra, quoniam appropinquat
redemptio vestri.

29 Dixit etiam eis parabolam, *inquiens*, Videte
30 ficum et omnes arbores: quum jam emiserint
folia, *vos eas* adspicientes per vos ipsos agno-
31 scitis jam prope esse æstatem: ita et vos, quum
videritis hæc fieri, agnoscite prope esse regnum
32 Dei. Amen dico vobis, Nequaquam præterierit
hæc ætas quousque *hæc* omnia facta fuerint.
33 Cœlum et terra præteribunt, verba autem mea
nequaquam præteribunt.

34 Cavete autem vobis, nequando graventur corda
vestra crapula et ebrietate, et solitudinibus
hujus vitæ; et repente vobis superveniat dies
35 ille. Nam ut laqueus invadet in omnes qui ha-
bitant in superficie totius terræ. Excubate igi-
36 tur, omni tempore deprecantes ut digni habeami-
ni qui effugiatis ista omnia quæ futura sunt,
et consistatis ante Filium hominis.

37 DOCEBAT autem interdiu in templo: noctu
vero exiens, pernoctabat in monte qui vocatur

38 Olearum. Et totus populus diluculo veniebat ad eum in templo ad eum audiendum.

22 APPROPINQUABAT autem festum azymorum, quod dicitur Pascha. Et quærebant primarii sacerdotes et scribæ quomodo eum interimerent: metuebant enim plebem.

3 Introiit autem Satanas in Judam cognominatum Iscarioten, qui erat e numero *illorum* 4 duodecim. Abiens igitur collocutus est cum primariis sacerdotibus ac præfectis *templo*, quomodo 5 ipsis eum proderet. Qui gavisii sunt; et 6 pacti sunt *se* daturos ei pecuniam. *Ips*e vero spopondit; quærebatque opportunitatem eum ipsis prodendi absque turba.

7 VENIT autem dies azymorum, quo oportebat 8 mactari pascha. Misit igitur Petrum et Joannem, dicens, Profecti parate nobis pascha, ut edamus.

9 Ipsi vero dixerunt ei, Ubi vis paremus *illud*?

10 At ille dixit eis, Ecce, postquam introieritis in urbem, occurret vobis quidam aquæ amphoram portans; sequimini eum domum illam in 11 quam ingreditur. Et dicite patrifamilias illius domus, Dicit tibi Magister, Ubi est diversorium 12 ubi pascha cum discipulis meis edam? Tunc ipse ostendet vobis cœnaculum magnum stratum: illic parate *pascha*.

13 Profecti igitur invenerunt omnia prout dixerat eis; et paraverunt pascha.

14 QUUM autem adesset *constitutum* illud tempus, 15 accubuit, et duodecim apostoli cum eo. Et dixit eis, Desiderio desideravi hoc pascha edere 16 vobiscum, antequam ego patiar. Dico enim vobis me non amplius esurum esse ex eo, usquequo 17 completum fuerit in regno Dei. Et accepto poculo, quum gratias egisset, dixit, Accipite hoc,

18 et partimini vobis ipsis. Dico enim vobis me non bibiturum ex fructu vitis, usquequo regnum Dei venerit.

19 Et acceptum panem, quum gratias egisset, fregit; et dedit eis, dicens, Hoc est corpus meum quod pro vobis datur: hoc facite ad mei
20 commemorationem. Itidem etiam *dedit eis* poculum, postquam cœnasset, dicens, Hoc poculum *est* novum illud pactum per sanguinem meum, qui pro vobis effunditur.

21 Ceterum ecce, manus ejus qui me prodit, me-
22 cum *est* in mensa. Et Filius quidem hominis, prout definitum est, abit: veruntamen vœ homini
23 illi per quem proditur! Tunc ipsi cœperunt mutuo quærere inter se *de hac re*, ecquis nempe ex ipsis esset hoc factururus.

24 Orta est autem etiam de hoc contentio inter eos, quis eorum videretur esse maximus.

25 Ipse vero dixit eis, Reges gentium dominantur eis, et qui jus habent in eas, benefici vocantur. Vos autem non ita *estote*: sed qui
26 maximus est inter vos, esto sicut qui minimus est; et qui præit sicut qui ministrat. Nam uter
27 major est, qui accumbit, an qui ministrat? nonne qui accumbit? At ego sum inter vos ut qui
28 ministrat. Vos autem ii estis qui permansistis
29 mecum in tentationibus meis. Ego vero paciscor vobis, prout pactus est mihi Pater meus, regnum,
30 ut edatis et bibatis in mensa mea in regno meo, et sedeatis super thronos, judicium ferentes de duodecim tribubus Israelis.

31 Dixit etiam Dominus, Simon, Simon, ecce, Satan as appetiit vos, quos ventilaret sicut triticum:
32 sed ego deprecatus sum pro te, ne deficiat fides tua: tu igitur aliquando, quum te converteris, stabili fratres tuos.

- 33 Ipse vero dixit ei, Domine, tecum paratus sum et in carcerem et ad mortem proficisci.
- 34 At ille dixit ei, Dico tibi, Petre, nequaquam emittet vocem hodie gallus, priusquam ter neges quod tu me noveris.
- 35 Dixit etiam eis, Quando misi vos absque crumena et pera et soleis, num quid defuit vobis?
- 36 Ipsi vero dixerunt, Nihil. Dixit ergo eis, At nunc, qui crumenam habet, tollat *eam*, similiter et peram: et qui non habet, vendat pallium suum, et emat gladium. Dico enim vobis, adhuc oportere scriptum illud in me perfici; istud, *inquam*, Et cum sceleratis numeratus est: nam ea quæ *scripta sunt* de me, finem habent.
- 38 At illi dixerunt, Domine, ecce duo gladii hic. Ipse vero dixit eis, Satis est.
- 39 Et egressus, profectus est ex more in montem Olearum: secuti sunt autem eum etiam discipuli
- 40 ejus. Quum vero pervenisset ad eum locum, dixit eis, Orate ne introeatis in tentationem.
- 41 Tum ipse abscessit ab eis quasi ad jactum
- 42 lapidis, positisque genibus oravit, dicens, Pater, si velles transferre poculum hoc a me: veruntamen non mea voluntas, sed tua fiat. Conspectus est autem ei angelus e cœlo corroborans
- 44 eum. Et *ipse* constitutus in angore, intentius orabat. Erat autem sudor ejus quasi grumi sanguinis descendentes in terram. Et quum surrexisset ab oratione, venissetque ad discipulos
- 46 suos, invenit eos dormientes præ tristitia; et dixit eis, Quid dormitis? surgite, et orate, ne introeatis in tentationem.
- 47 ADHUC autem eo loquente, ecce turba, et is qui dicebatur Judas, unus ex illis duodecim, præibat eis, et appropinquavit Jesu ut oscularetur eum.

48 Jesus autem dixit ei, Juda, osculo Filium illum hominis prodis?

49 Videntes autem ii qui circa ipsum *erant* quod futurum erat, dixerunt ei, Domine, percutiemusne
50 gladio? Et quidam ex ipsis percussit servum pontificis maximi, et abstulit aurem ejus dextram.
51 Respondens autem Jesus dixit, Sinite huc usque. Et tacta illius auricula, sanavit eum.

52 Dixit autem Jesus iis qui adversus ipsum venerant, *nempe* primariis sacerdotibus, et præfectis templo, et senioribus, *Siccine* ut adversus
53 latronem existiis cum gladiis ac fustibus? Quum quotidie vobiscum essem in templo, non extendistis manus in me: sed hoc est tempus illud vestrum et licentia tenebrarum.

54 Prehensum autem eum abduxerunt, et introduxerunt domum pontificis maximi.

55 Petrus vero sequebatur e longinquo. Quumque accendissent ignem in medio aulæ, atque una
56 consedissent, sedit et Petrus inter eos. Quum autem eum vidisset ancilla quædam sedentem ad ignem, intentis in eum oculis, dixit, Et iste cum
57 eo erat. Ipse vero abnegavit eum, dicens, Mulier, non novi eum. Et paulo post alius videns
58 eum, dixit, Et tu ex ipsis es. Petrus vero ait, Heus tu, non sum. Et interposita quasi hora
59 una, alius quidam *id* asseverabat, dicens, Vere et iste cum illo erat: etenim Galilæus est. Ait
60 autem Petrus, Heus tu, nescio quid dicas. Et illico, adhuc ipso loquente, vocem emisit gallus.
61 Tum conversus Dominus intuitus est Petrum: et recordatus est Petrus sermonis Domini, quomodo
nimirum dixerat ipsi, Priusquam gallus vocem
62 emisit, ter me abnegabis. Et egressus foras Petrus flevit amare.

63 II vero qui una tenebant Jesum, illudebant ei,

64 cædentes *eum*: et eo obvelato, cædebant faciem
ejus, et interrogabant eum, dicentes, Vaticinare
65 quis sit qui te percussit. Et alia multa convi-
ciantes dicebant in eum.

66 ET ut ortus est dies, congregatum fuit presby-
terium populi, et primarii sacerdotes, et scribæ,
67 et adduxerunt eum in suum consessum, dicentes,
Num tu es ille Christus? dic nobis.

Dixit autem eis, Si vobis dixerò, nequaquam
68 credetis: quod si vos etiam interrogavero, ne-
quaquam respondebitis mihi, neque *me* absolve-
69 tis. Ab hoc tempore erit Filius hominis sedens
ad dextram potentiæ Dei.

70 Dixerunt autem omnes, Tu ergo es Filius ille
Dei?

Ipse vero dixit eis, Vos dicitis: nam *is* ego
sum.

71 At illi dixerunt, Quid amplius egemus testi-
monio? Ipsi enim audivimus ex ore ipsius.

23 TUM surgens universa multitudo eorum, duxit
2 eum ad Pilatum. Cœperunt autem eum accusare,
dicentes, Comperimus istum pervertere gentem,
et vetare tributa dare Cæsari, dicendo se Chri-
3 stum, *id est*, regem, esse. Pilatus autem inter-
rogavit eum, dicens, Tunc es rex ille Judæ-
orum? Ipse vero respondens ei dixit, Tu dicis.
4 Ait vero Pilatus ad primarios sacerdotes et
turbam, Nullam invenio noxam in hoc homine.
5 At illi invalescebant, dicentes, Concitat populum,
docens per universam Judæam, exorsus a Gali-
læa huc usque.

6 Pilatus vero, audita Galilæa, interrogavit num
7 homo iste Galilæus esset. Et quum cognovisset
eum ad Herodis potestatem pertinere, remisit
eum ad Herodem, qui et ipse Hierosolymis erat
8 per eos dies. Herodes autem viso Jesu, gavisus

est valde: nam a non parvo *tempore* cupiebat eum videre, eo quod audivisset multa de eo; et speraret se signum aliquod visurum ab eo fieri.

9 Interrogavit autem eum non paucis verbis; sed
10 ipse nihil ei respondit. Adstabant autem primarii sacerdotes et scribæ, magna contentione eum
11 accusantes. Herodes autem, cum militibus suis, quum eum pro nihilo habuisset, et illuisset *ei*,
12 amictum veste splendida remisit ad Pilatum. Et facti sunt amici inter sese Pilatus et Herodes eo ipso die: nam antea inimici erant inter sese.

13 Pilatus vero, convocatis primariis sacerdotibus,
14 et primoribus, ac populo, dixit eis, Obtulistis mihi hunc hominem, tanquam avertentem populum: et ecce, ego in vestri conspectu quæstione habita, nullam noxam inveni in homine isto, ex
15 iis de quibus accusatis eum. Sed ne Herodes quidem; nam remisi vos ad illum; et ecce, nihil
16 dignum morte factum est ab eo. Castigatum
17 ergo eum dimittam. Necesse vero habebat eis
18 dimittere singulis festis unum *quempiam*. Exclamavit autem simul universa turba, dicens,
19 Tolle istum, dimitte vero nobis Barabbam: qui erat propter seditionem quandam, et cædem factam in urbe, coniectus in carcerem.

20 Rursus ergo Pilatus allocutus est *eos*, volens
21 dimittere Jesum. Ipsi vero reclamabant, dicentes, Crucifige, crucifige eum.

22 Ille autem tertio dixit eis, Quid enim iste mali fecit? nullam noxam capitalem inveni in
23 eo: castigatum ergo eum dimittam. At illi instabant vocibus magnis, petentes ut is crucifigeretur.

Et invalescebant voces eorum ac primariorum
24 sacerdotum. Tum Pilatus secundum eos judica-

25 vit, ut fieret quod ipsi petebant. Dimisit autem eis illum qui propter seditionem et cædem conjectus fuerat in carcerem, quem petierant: Jesum vero tradidit illi eorum libidini.

26 Quum igitur abducerent eum, prehenso Simone quodam Cyrenæo, qui veniebat rure, imposuerunt ei crucem ferendam pone Jesum.

27 Sequebatur autem eum magna multitudo populi, et mulierum, quæ et plangebant et lamentabantur eum.

28 Conversus autem ad eas Jesus, dixit, Filiæ Hierosolymæ, ne flete de me; verum

29 de vobisipsis flete, et de liberis vestris: nam ecce, venient dies quibus dicent, Beatæ steriles,

et uteri qui non genuerunt, et ubera quæ non

30 lactaverunt. Tum incipient dicere montibus, Cadite in nos; et collibus, Operite nos. Nam si

31 in virente ligno ista faciunt, in arido quid fiet? Ducebantur autem etiam alii duo, *ique* facinorosi, cum eo, interimendi.

33 Quum igitur venissent in locum qui vocatur Calvaria, illic crucifixerunt eum, et illos maleficos; unum ad dextram, alterum ad sinistram.

34 Jesus autem dicebat, Pater, remitte *hoc* ipsis; nesciunt enim quid faciunt.

Partientes vero vestimenta ejus, jecerunt sortem. Et stabat populus spectans: sannis autem

excipiebant eum etiam primores cum eis, dicentes, Alios servavit; servet seipsum, si hic est

36 ille Christus electus *ille* Dei. Illudebant autem etiam ei milites, accedentes, et acetum ei offerentes, dicentesque, Si tu es rex ille Judæorum,

37 conserva temetipsum.

38 Erat autem etiam inscriptio scripta supra eum literis Græcis, et Romanis, et Hebraicis, HIC EST REX ILLE JUDÆORUM.

39 UNUS autem ex illis suspensis maleficis con-

viciabatur ei, dicens, Si tu es Christus ille, serva teipsum et nos.

40 Respondens autem alter objurgavit eum, dicens, Ne Deum quidem tu times, quum in eadem sis damnatione? Et nos quidem juste: (nam digna factis recipimus:) iste vero nihil indecens
41 fecit. Dixitque Jesu, Domine, memento mei, quum veneris in regnum tuum.

42 Tum dixit ei Jesus, Amen, dico tibi, Hodie mecum eris in paradiso.

43 ERAT autem quasi hora sexta, et tenebræ factæ sunt in tota regione usque ad horam nonam.
44 Et obtenebratus est sol, et aulæum templi fissum
45 est medium. Quumque clamasset voce magna Jesus, ait, Pater, in manus tuas depono spiritum meum. Et quum hæc dixisset, exspiravit.

46 Quum vidisset autem centurio quod factum fuerat, glorificavit Deum, dicens, Vere hic homo justus erat.

47 Et omnis turba quæ simul ad hoc spectaculum accesserat, spectans quæ facta fuerant, cædens
48 pectora sua revertebatur. Stabant autem omnes noti ejus procul, et mulieres quæ erant eum una secutæ a Galilæa, videntes ista.

49 TUM ecce, quidam nomine Josephus, senator, vir bonus ac justus, qui non assensus fuerat consilio ac facto eorum, ortus Arimathæa, civitate Judæorum; qui et ipse exspectabat regnum Dei:
50 hic, *inquam*, adiens Pilatum, petiit corpus Jesu.

51 Et detractum illud involvit sindone, posuitque illud in monumento quod erat in saxo incisum, in quo nondum quisquam positus fuerat.

52 Porro dies erat parasceves, et sabbatum succedebat. Subsecutæ etiam mulieres quæ cum eo venerant ex Galilæa, spectarunt monumentum,
53 et quomodo positum esset corpus ejus. Reversæ

vero paraverunt aromata et unguenta; ac sabbato quidem quieverunt, secundum præceptum.

- 24 PRIMO autem *die* hebdomadis, profundo diluculo iverunt ad monumentum, ferentes quæ
2 paraverant aromata, et nonnullæ cum ipsis. Inven-
3 erunt autem saxum avolutum a monumento:
4 et ingressæ, non invenerunt corpus Domini Jesu.
5 Et factum est, ut dum in ea re hæsitarent, tum ecce, duo viri supervenerint eis, induti ve-
6 stibus fulgorantibus: quum autem expavefactæ inclinarent faciem in terram, dixerunt eis, Quid
7 inter mortuos quæritis eum qui vivit? Non est hic, sed suscitatus est: mementote ut locutus sit
8 vobis, quum adhuc in Galilæa esset, dicens, Oportet Filium hominis tradi in manus hominum
9 peccatorum, et crucifigi: et die tertio resurgere.
10 Recordatæ sunt igitur verborum illius. ⁹ Et reversæ a monumento renunciaverunt hæc omnia
11 illis undecim, et reliquis omnibus. Erant autem Maria Magdalene, et Joanna, et Maria Jacobi
12 *mater*, et reliquæ cum ipsis, quæ hæc dicebant apostolis. Sed visa sunt apud eos quasi deliramentum verba ipsarum; neque crediderunt eis.
13 Petrus autem surgens cucurrit ad monumentum: et quum se inclinasset vidit lintea sola
14 *illic* jacentia; abiitque, apud semetipsum mirans factum.
15 ET ecce, duo ex iis ibant eo ipso die in vicum distantem stadiis sexaginta Hierosolymis,
16 cui *vico* nomen est Emmaus. Et colloquebantur inter se de istis omnibus quæ evenerant.
17 Et factum est, ut dum colloquerentur, et se mutuo rogarent, ipse Jesus accederet, et una iter faceret cum ipsis. Oculi autem eorum retinebantur, ne ipsum agnoscerent. Dixit autem

eis, Qui sunt hi sermones quos confertis inter vos ambulantes? et *quid* estis tetrico vultu?

18 Respondens autem alter, cui nomen Cleopas, dixit ei, Tu solus commoraris Hierosolymis, et
19 non nosti quæ in ea facta sunt his diebus? Ipse vero dixit eis, Quænam? At illi dixerunt ei, Quæ *facta sunt* Jesu Nazaræo, qui fuit propheta, potens reipsa et verbis, coram Deo et
20 toto populo: quomodo eum tradiderunt principes sacerdotum et primores nostri, ut morte damnetur, et crucifixerunt eum. Nos autem sperabamus illum esse qui redempturus esset Israel: atqui præter hæc omnia, tertium hunc diem agit
22 hodie ex quo hæc facta sunt. Sed et mulieres quædam ex nobis perculerunt nos, quæ diluculo
23 venerunt ad monumentum: et non invento ejus corpore venerunt, dicentes se etiam apparitionem
24 angelorum vidisse, qui dicunt eum vivere. Et abierunt quidam eorum qui erant nobiscum ad monumentum, et ita invenerunt prout mulieres dixerant; ipsum vero non viderunt.

25 Tum ipse dixit eis, O amentes et tardi corde ad credendum omnibus quæ locuti sunt prophetæ!
26 Nonne hæc oportuit pati Christum, et introire in gloriam suam? Et exorsus a Mose et omnibus prophetis, interpretabatur illis in omnibus scripturis quæ de se *scripta erant*.

28 Appropinquarent igitur vico, in quem proficiscebantur; et ipse simulabat se longius ire. Sed *ipsi* adegerunt eum, dicentes, Mane nobiscum, quoniam advesperascit, et inclinavit dies. Ingressus est igitur, ut maneret cum eis.

30 Et factum est ut quum discubisset cum eis, sumpto pane, benediceret, et fractum daret eis.
31 Adaperti sunt autem oculi eorum, et agnoverunt eum; sed ipse ablatus est ex eorum conspectu.

32 Tum alter ad alterum dixerunt, Nonne cor
nostrum ardebat in nobis, dum loqueretur nobis
33 in via, et dum adaperiret nobis scripturas? Et
surgentes eo ipso momento, reversi sunt Hiero-
solymam, et invenerunt congregatos illos unde-
34 cim, et eos qui cum ipsis erant: *et* qui dicebant,
Suscitatus est Dominus vere, et conspectus Si-
35 moni. Tum ipsi exposuerunt *eis* quæ *gesta*
erant in via, et ut fuerat agnitus ab ipsis in
fractione panis.

36 Hæc autem ipsis loquentibus, stetit ipse Jesus
37 in medio eorum, et dixit eis, Pax vobis. Con-
sternati vero et expavefacti putabant se spiritum
38 conspiciere. Tum dixit eis, Quid turbati estis, et
39 quare disceptationes subeunt corda vestra? Vi-
dete manus meas et pedes meos; nam ego ipse
sum: contrectate me, et videte: nam spiritus
carnem et ossa non habet, sicut me conspicitis
40 habere. Et quum hoc dixisset, ostendit eis ma-
nus ac pedes.

41 Adhuc autem ipsis non credentibus præ gau-
dio, et mirantibus, dixit eis, Habetis hic escu-
42 lentum aliquid? Tum ipsi dederunt ei partem
43 piscis assi, et aliquid ex favo apiario: quæ *ille*
accepit, et edit in eorum conspectu.

44 Dixitque eis, Hi sunt sermones quos locutus
sum vobis, quum adhuc essem vobiscum, opor-
tere impleri omnia quæ scripta sunt in lege
Mosis, et prophetis, et psalmis, de me.

45 Tunc aperuit eorum mentem, ut intelligerent
46 scripturas: et dixit eis, Ita scriptum est, et ita
oportuit Christum pati, et resurgere ex mortuis
47 tertio die: et prædicari ejus nomine resipiscen-
tiam ac remissionem peccatorum apud omnes
48 gentes, incipiendo ab Hierosolymis. Vos autem
49 estis horum testes. Et ecce, ego mittam pro-

missum Patris mei in vos: vos autem residete Hierosolymis usquequo induamini virtute ex alto.

50 EDUXIT autem eos foras ad Bethaniam usque:
51 et, sublatis manibus suis, benedixit eis. Et factum est, ut dum ipse benediceret eis, disjunctus ab eis sursum ferretur in cœlum.

52 Ipsi autem adorato eo reversi sunt Hierosoly-
53 mam cum gaudio magno. Erantque omni *tempore* in templo, laudantes et benedicentes Deo. Amen.

EVANGELIUM

SECUNDUM

JOANNEM.

1 IN principio erat Sermo ille, et Sermo ille
2 erat apud Deum, eratque ille Sermo Deus. Hic
3 *Sermo* erat in principio apud Deum. Omnia
per hunc *Sermonem* facta sunt, et absque eo
4 factum est nihil quod factum sit. In ipso vita
5 erat, et vita erat Lux illa hominum. Et Lux
ista in tenebris lucet, sed tenebræ eam non
comprehenderunt.

6 Exstitit homo missus a Deo, cui nomen Jo-
7 annes. Is venit ad testimonium, *id est*, ut
testaretur de illa Luce, ut omnes per eum cre-
8 derent. Non erat ille Lux illa, sed *missus fuit*
ut testaretur de illa Luce.

9 *Hic* erat Lux illa vera quæ illuminat omnem
10 hominem venientem in mundum. In mundo erat,
et mundus per eum factus est; sed mundus eum
11 non agnovit. Ad sua venit, et sui eum non ex-
12 ceperunt. Quotquot autem eum exceperunt, dedit
eis *hoc* jus, ut filii Dei sint facti, *nempe* iis qui

- 13 credunt in nomen ejus: qui non ex sanguine, neque ex libidine carnis, neque ex libidine viri, sed ex Deo geniti sunt.
- 14 Et Sermo ille factus est caro, et commoratus est inter nos, (et spectavimus gloriam ejus, gloriam, *inquam*, ut unigeniti, *egressi* a Patre,) plenus gratiæ ac veritatis.
- 15 Joannes testatus est de eo, et clamavit, dicens, Hic est de quo dicebam, *Is* qui pone me venit antepositus est mihi; quia prior me erat.
- 16 Et ex plenitudine ipsius omnes accepimus, et
- 17 gratiam pro gratia. Nam lex illa per Mosen data est; gratia et veritas per Jesum Christum
- 18 præstita est. Deum nemo vidit unquam: unigenitus ille Filius qui est in sinu Patris, ille *inquam* nobis exposuit.
- 19 HOC etiam est testimonium Joannis, quando miserunt Judæi Hierosolymis sacerdotes et levitas, ut interrogarent eum, Quisnam ipse esset.
- 20 Et professus est, neque negavit: professus est,
- 21 *inquam*, se non esse Christum illum. Tunc interrogaverunt eum, Quid ergo *es*? Tunc *es* Elias? *Ipse vero* dixit, Non sum. *Et illi*, Es tu propheta ille? Qui respondit, Non. Dixerunt ergo ei, Quis *es*? ut responsum demus iis qui miserunt nos: quid dicis de teipso?
- 23 Inquit, Ego *sum* vox vociferantis in deserto, Complanate viam Domini, prout dixit Esaias propheta.
- 24 Qui vero missi fuerant erant ex Pharisæis.
- 25 Et interrogaverunt eum, ac dixerunt ei, Cur ergo baptizas, si tu non es Christus ille, neque Elias, neque propheta ille?
- 26 Respondit ei Joannes, dicens, Ego baptizo aqua; sed in medio vestrum stat quem vos non
- 27 nostis; hic ille est qui pone me venit, qui mihi

antepositus est: cujus solearum ego non sum dignus qui solvam corrigiam.

28 Hæc Bethabaræ facta sunt secus Jordanem, ubi Joannes baptizabat.

29 POSTERO die videt Joannes Jesum venientem ad se, et ait, Ecce Agnus ille Dei qui tollit peccatum mundi. Hic est de quo dicebam, Pone me venit vir qui antepositus est mihi, quia
30 prior me erat. At ego non noveram eum: sed ut manifestus fiat Israeli, propterea veni ego baptizans aqua.
31

32 Tum, *inquam*, testatus est Joannes, dicens, Conspexi Spiritum descendantem quasi columbam
33 e coelo, *qui* etiam mansit super eum. Et ego non noveram eum; sed qui misit me ut baptizarem aqua, ille mihi dixerat, Super quem videris Spiritum descendantem, ac manentem super
34 eum, hic est qui baptizat Spiritu Sancto. Ego igitur vidi, et testor hunc esse Filium illum Dei.

35 POSTERO die iterum stabat Joannes, et ex
36 discipulis ejus duo: et intuitus Jesum ambulantem, dixit, Ecce Agnus ille Dei.

37 Audierunt autem eum duo illi discipuli loquentem, et secuti sunt Jesum. Conversus vero
38 Jesus, et conspicatus eos sequentes *se*, dicit eis, Quid quæritis? Illi vero dixerunt ei, Rabbi (quod dicitur, si interpreteris, Magister,) ubi
39 habitas? Dicit eis, Venite et videte. Venerunt videruntque ubi habitabat: et apud eum manserunt diem illum: hora enim erat quasi decima.
40

41 Erat Andreas, frater Simonis Petri, unus ex duobus qui audierant *illa* ex Joanne, et secuti
42 fuerant eum. Invenit hic prior fratrem suum Simonem, et dixit ei, Invenimus Messiam, quod
43 est, si interpreteris, Christus. Et adduxit eum ad Jesum.

Intuitus autem eum Jesus dixit, Tu es Simon filius Jona: tu vocaberis Cephas, quod est, si interpreteris, Petra.

44 POSTERO die voluit Jesus abire in Galilæam: invenit autem Philippum, et dixit ei, Sequere me.

45 Erat vero Philippus ex Bethsaida, urbe Andreæ et Petri. Invenit Philippus Nathanaelem, et dicit ei, Invenimus *illum* de quo scripsit Moses in lege, et prophetæ, *nempe* Jesum filium illum Josephi, illum ex Nazareth.

47 Tum dixit ei Nathanael, Ex Nazareth potest aliquid boni esse? Dicit ei Philippus, Veni et vide.

48 Vidit Jesus Nathanaelem venientem ad se, et dixit de eo, Ecce vere Israelita in quo dolus non est.

49 Dicit ei Nathanael, Unde me nosti?

Respondit Jesus, et dixit ei, Priusquam te Philippus vocaret, quum esses subter ficum, videbam te.

50 Respondit Nathanael, et dixit ei, Rabbi, tu es ille Filius Dei, tu es ille Rex Israelis.

51 Respondit Jesus, et dixit ei, Quia dixi tibi, Vidi te sub ficu, credis? majora istis videbis.

52 Præterea dixit ei, Amen, amen, dico vobis, Ab hoc tempore videbitis cælum apertum, et angelos Dei ascendentes ac descendentes super Filium hominis.

2 DIE autem tertio nuptiæ factæ sunt in Cana oppido Galilææ: eratque mater Jesu illic. Vocatus est autem etiam Jesus et discipuli ejus ad nuptias illas.

3 Et quum defecisset vinum, mater Jesu dixit ei, Vinum non habent.

4 Dicit ei Jesus, Quid mihi tecum *rei est*, mulier? nondum venit hora illa mea.

5 Dicit ejus mater ministris, Quodcunque dixerit vobis facite.

6 Erant autem ibi lapideæ hydriæ sex positæ secundum purificationem Judæorum, capientes
7 singulæ amphoras binas aut ternas. Dicit eis Jesus, Implete has hydrias aqua. Impleverunt
8 eas igitur usque ad summum. Tunc dicit eis, Haurite nunc, et offerte architriclino. Obtulerunt igitur.

9 Ut vero gustavit architriclinus aquam illam quæ facta fuerat vinum, (nesciebat autem unde esset; sed ministri sciebant qui hauserant aquam,)
10 vocat sponsum architriclinus, et dicit ei, Omnes primo loco bonum vinum apponunt; et postquam *convivæ* affatim biberunt, tunc id quod minus bonum est: tu *vero* servasti bonum vinum huc usque.

11 Hoc initium signorum fecit Jesus Canæ, *oppido* Galilææ, et manifestam fecit gloriam suam: et crediderunt in eum discipuli ejus.

12 POSTEA descendit Capernaum ipse, et mater, et fratres, et discipuli ejus: manseruntque illic non multos dies.

13 NAM prope erat Pascha Judæorum: ascendit igitur Jesus Hierosolymam. Et invenit in templo venditores boum, et ovium, et columbarum, et
15 numularios sedentes. Factoque flagello e funiculis, omnes ejecit e templo, et oves et boves; et argentariorum numulos effudit, mensasque
16 subvertit: et columbarum venditoribus dixit, Tollite hinc ista: ne facite domum Patris mei domum mercatus.

17 Recordati sunt autem discipuli ejus scriptum esse, Zelus domus tuæ devoravit me.

18 Responderunt ergo Judæi, et dixerunt ei, Quod signum ostendis nobis quod ista facias?

19 Respondit Jesus, et dixit eis, Destruite templum hoc, et intra triduum erigam illud.

20 Dixerunt ergo Judæi, Quadraginta et sex annis ædificatum est templum istud, et tu intra triduum illud eriges?

21 At ille loquebatur de templo corporis sui.

22 Postquam ergo suscitatus fuit ex mortuis, recordati sunt ejus discipuli quod hoc sibi dixisset, et crediderunt scripturæ, et sermoni quem Jesus dixerat.

23 QUUM autem esset Hierosolymis in Pascha, in festo, multi crediderunt in nomen ejus, spectan-

24 tes signa quæ edebat. Ipse autem Jesus non credebat eis semetipsum, eo quod nosset omnes:

25 nec opus esset ut quisquam ei testaretur de homine: ipse enim sciebat quid esset in homine.

3 ERAT autem quidam ex Pharisæis, cui nomen
2 erat Nicodemo, ex primoribus Judæorum. Hic venit ad Jesum nocte, et dixit ei, Rabbi, scimus te a Deo venisse magistrum: nemo enim potest hæc signa edere quæ tu edis, nisi Deus sit cum eo.

3 Respondit Jesus, et dixit ei, Amen, amen, dico tibi, Nisi quis genitus sit iterum, non potest videre regnum Dei.

4 Dicit ei Nicodemus, Quomodo potest quispiam nasci qui sit senex? num potest in uterum matris suæ secundo introire, et nasci?

5 Respondit Jesus, Amen, amen, dico tibi, Nisi quis fuerit genitus ex aqua et Spiritu, non potest

6 introire in regnum Dei. Quod genitum est ex carne, caro est: et quod genitum est ex Spiritu,

7 spiritus est. Ne mireris me dixisse tibi, Oportet

8 vos iterum gigni. Ventus quo vult spirat, et sonum ejus audis, sed nescis unde veniat, et quo vadat; ita est quisquis genitus est e Spiritu.

9 Respondit Nicodemus, et dixit ei, Quomodo possunt hæc fieri?

10 Respondit Jesus, et dixit ei, Tu es magister
11 ille Israelis, et hæc non nosti? Amen, amen, dico tibi, Quod scimus loquimur, et quod viderimus testamur: sed testimonium nostrum non recipitis. Si terrena dixi vobis, et non creditis; quomodo, si dixero vobis cœlestia, credetis?

13 Nullus enim ascendit in cœlum, nisi qui descendit e cœlo, *nempe* Filius hominis qui est in
14 cœlo. Prout autem Moses extulit serpentem in
15 deserto, ita extolli oportet Filium hominis: ut quisquis credit in eum, non pereat, sed habeat
16 vitam æternam. Ita enim Deus dilexit mundum, ut Filium suum unigenitum illum dederit, ut quisquis credit in eum, non pereat, sed habeat
17 vitam æternam. Non enim misit Deus Filium suum in mundum ut damnet mundum, sed ut
18 servetur mundus per eum. Qui credit in eum non condemnatur: qui vero non credit, jam condemnatus est; quia non credidit in nomen unigeniti Filii Dei. Hæc est autem condemnatio, quod Lux venit in mundum, sed dilexerunt homines potius tenebras quam lucem; quia sunt
19 eorum mala opera. Quisquis enim quæ mala sunt agit, odit lucem, nec venit ad lucem, ne
20 arguantur opera ipsius: qui vero dat operam veritati, venit ad lucem: ut manifesta fiant opera ipsius, quod secundum Deum facta fuerint.

22 POSTEA venit Jesus et discipuli ejus in Judææ territorium: et illic commorabatur cum eis, et baptizabat.

23 Baptizabat autem etiam Joannes in Ænon prope Salim, quoniam aquæ multæ erant illic,
24 et veniebant ac baptizabantur. Nondum enim conjectus fuerat Joannes in carcerem.

25 Orta est igitur quæstio *quibusdam* ex disci-
26 pulis Joannis cum Judæis de purificatione. Veneruntque ad Joannem, et dixerunt ei, Rabbi, is qui tecum erat apud trajectum Jordanis, cui tu testimonium dedisti, ecce baptizat, et omnes veniunt ad eum.

27 Respondit Joannes, et dixit, Homo non potest recipere quicquam, nisi fuerit ei datum e cœlo.
28 Vos ipsi mihi testes estis me dixisse, non sum ego Christus, sed missus sum *qui apparerem*
29 coram eo. Qui habet sponsam sponsus est: amicus autem sponsi, qui stat et audit eum, gaudio gaudet propter vocem sponsi: hoc ergo
30 gaudium meum impletum est. Illum oportet
31 crescere, me vero minui. Qui superne venit, supra omnes est: qui e terra est, terrenus est, et terrena loquitur; qui e cœlo venit, supra
32 omnes est. Et quod vidit et audivit, hoc testatur: sed testimonium ejus nemo recipit. Qui recipit ejus testimonium, is obsignavit Deum
33 veracem esse. Nam *is demum*, quem misit Deus, verba Dei loquitur: non enim *huic* ad-
35 metitur Deus Spiritum. Pater diligit Filium, et omnia dedit ei in manum. Qui credit in
36 Filium, habet vitam æternam; qui vero non obedit Filio, non videbit vitam, sed ira Dei manet super eum.

4 UT ergo cognovit Dominus Pharisæos audivisse ipsum plures discipulos facere et baptizare quam
2 Joannem, (quanquam Jesus ipse non baptizabat,
3 sed discipuli ejus,) reliquit Judæam, et abiit rursum in Galilæam.

4 Oportebat autem eum transire per Samariam.
5 Venit ergo in urbem Samariæ quæ dicitur Sichar, juxta prædium quod dedit Jacobus Josepho filio
6 suo. Erat autem ibi fons Jacobi. Jesus ergo

fatigatus ex itinere, ita sedit ad fontem; hora enim erat quasi sexta.

7 Venit mulier Samaritana ut hauriret aquam:
8 dicit ei Jesus, Da mihi potum. Nam discipuli ejus abierant in urbem, ut cibos emerent.

9 Dicit igitur ei mulier illa Samaritana, Quomodo tu, Judæus quum sis, potum a me poscis quæ sum mulier Samaritana? (non enim utuntur Judæi Samaritanis.)

10 Respondit Jesus et dixit ei, Si nosses donum illud Dei, et quis sit ille qui dicit tibi, Da mihi potum, tu petiisses ab eo, et dedisset tibi aquam vivam.

11 Dicit ei mulier, Domine, neque quo haurias habes, et puteus profundus est; unde ergo habes
12 aquam illam vivam? Num tu major es patre nostro Jacobo, qui dedit nobis hunc puteum, ex quo ipse bibit, et filii ejus, et ejus pecora?

13 Respondit Jesus, et dixit ei, Quisquis bibit
14 ex aqua ista, sitiet rursus; quisquis autem biberit ex aqua illa quam ego ei dabo, nequaquam unquam sitiet; sed aqua illa quam ego ipsi dabo, fiet in eo fons aquæ salientis in vitam æternam.

15 Dicit ei mulier, Domine, da mihi aquam istam, ut non sitiam, neque veniam huc ad hauriendum.

16 Dicit ei Jesus, Vade, voca virum tuum, et veni huc.

17 Respondit mulier, et dixit ei, Non habeo virum.

Dicit ei Jesus, Bene dixisti, Non habeo virum:
18 quinque enim viros habuisti; et nunc quem habes, non est tuus vir; hoc vere dixisti.

19 Dicit ei mulier, Domine, conspicio te prophetam esse. Patres nostri in hoc monte adoraverunt: et vos dicitis, Hierosolymis esse locum illum ubi oporteat adorare.

21 Dicit ei Jesus, Mulier, crede mihi, venit tem-

pus, quando neque in monte hoc, neque Hiero-
22 solymis adorabitis Patrem. Vos adoratis quod
nescitis: nos adoramus quod scimus: quia salus
23 ex Judæis est. Sed venit tempus et nunc est,
quum veri adoratores adorabunt Patrem spiritu
ac veritate: etenim Pater tales quærit qui ipsum
24 adorent. Deus est Spiritus: et qui adorant eum,
oportet ut spiritu ac veritate adorent.

25 Dicit ei mulier, Scio Messiam venturum (qui
dicitur Christus); quum venerit ille, nobis an-
nunciabit omnia.

26 Dicit ei Jesus, Ego *is* sum, qui loquor tibi.

27 Interea vero venerunt ejus discipuli, et mirati
sunt quod cum muliere loqueretur: nemo tamen
dixit, Quid quæris? aut, Quid loqueris cum ea?

28 Reliquit ergo hydriam suam mulier, et abiit
29 in urbem, dixitque ejus loci hominibus, Adeste,
videte hominem qui dixit mihi quæcunque feci:
30 num iste est Christus ille? Exierunt ergo ex
urbe, et venerunt ad eum.

31 INTERIM autem rogabant eum discipuli, dicen-
32 tes, Rabbi, ede. Ille autem dixit eis, Ego cibum
habeo edendum, quem vos non nostis.

33 Dicebant ergo discipuli alii ad alios, Num
quis attulit ei quod ederet?

34 Dicit eis Jesus, Esca mea est exsequi volun-
tatem ejus qui misit me, et consummare ipsius
35 opus. Nonne vos dicitis, Adhuc quadrimestre
spatium superest, et messis erit? Ecce, dico
vobis, Attollite oculos vestros, et spectate regi-
36 ones, nam albæ jam sunt ad messem. Ceterum
qui metit, mercedem accipit, et congregat fru-
ctum in vitam æternam: ut et qui seminat, simul
37 gaudeat, et qui metit. Nam in hoc dictum illud
verum est, Alius est qui seminat, et alius qui
38 metit. Ego misi vos ad *id* metendum in quo

vos non laborastis: alii laboraverunt, et vos in labores eorum introistis.

39 Ex urbe autem illa multi Samaritanorum crediderunt in eum propter sermonem mulieris illius, testantis *ac dicentis*, Certe dixit mihi omnia quæ
40 feci. Quum ergo venissent ad eum Samaritani, rogarunt eum ut apud ipsos maneret; et mansit
41 ibi duos dies. Ac multo plures crediderunt
42 propter sermonem ipsius. Et illi mulieri dicebant, Non amplius propter tuos sermones credimus: ipsi enim audivimus, et scimus hunc esse vere Servatorem illum mundi, Christum.

43 DUOBUS autem post diebus exiit inde, et
44 abiit in Galilæam. Ipse enim Jesus testatus fuerat, prophetam in sua patria honorem non
45 habere. Quum ergo venisset in Galilæam, exceperunt eum Galilæi, quum omnia vidissent quæ fecerat Hierosolymis in festo: nam et ipsi venerant ad festum.

46 Venit igitur Jesus rursum Canam, *oppidum* Galilææ, ubi fecerat ex aqua vinum. Erat autem in *urbe* Capernaum regius quidam, cujus filius
47 ægrotabat. Is quum audisset Jesum venisse ex Judæa in Galilæam, abiit ad eum, et eum rogavit ut descenderet ac sanaret suum filium: erat enim moribundus.

48 Dixit ergo Jesus ei, Nisi signa et prodigia videritis, non credetis.

49 Dicit ei regius ille, Domine, descende priusquam moriatur puerulus meus.

50 Dicit ei Jesus, Vade, filius tuus vivit.

Credidit homo sermoni quem dixerat ei Jesus;
51 et profectus est. Jam autem eo descendente, servi occurrerunt ei, et renunciaverunt, dicentes, Filius
52 tuus vivit. Percontatus est ergo ab eis horam qua melius habuerat: et dixerunt ei, Heri *circi-*

53 *ter* horam septimam dimisit eum febris. Agnovit ergo pater *id factum esse* illa ipsa hora, qua dixerat ei Jesus, Filius tuus vivit: et credidit ipse, ac domus ejus tota.

54 Hoc rursus, *id est*, secundum signum edidit Jesus, quum venisset ex Judæa in Galilæam.

5 POST hæc erat festum Judæorum, et ascendit Jesus Hierosolymam.

2 Est autem Hierosolymis ad *portam* pecuariam piscina, quæ nominatur Hebraice Bethesda, quinque porticus habens. In his autem jacebat multitudo magna ægrotantium, cæcorum, claudorum, aridorum, expectantium aquæ motum. Angelus enim descendebat præstituto tempore in piscinam, et turbabat aquam: itaque qui primus ingressus erat post aquæurbationem, sanus fiebat a quocunque detineretur morbo.

5 Erat autem quidam illic tricesimum octavum annum agens in morbo. Hunc quum vidisset Jesus jacentem, et cognovisset eum jam multum temporis egisse *in morbo*, dicit ei, Cupis sanus fieri?

7 Respondit ei ægrotus, Domine, non habeo qui, quum turbata fuerit aqua, immittat me in piscinam: sed interim dum ego venio, alius ante me descendit.

8 Dicit ei Jesus, Surge, attolle grabatum tuum, et ambula. Et statim sanus factus est homo ille: et sustulit grabatum suum, et ambulabat.

10 Erat autem sabbatum die illo. Judæi ergo dicebant ei qui curatus fuerat, Sabbatum est, non licet tibi attollere grabatum.

11 Respondit eis, Qui me sanum fecit, is mihi dixit, Attolle grabatum tuum, et ambula.

12 Interrogaverunt eum ergo, Quis ille est qui dixit tibi, Attolle grabatum tuum, et ambula?

- 13 Is autem qui sanatus fuerat nesciebat quis esset: Jesus enim emerserat e turba quæ erat in illo loco.
- 14 Postea invenit eum Jesus in templo, et dixit ei, Ecce, sanus factus es: ne pecca amplius, ut nequid deterius tibi fiat.
- 15 Abiit homo ille, et nunciavit Judæis Jesum esse a quo sanatus fuerat. Ac propterea persequiebantur Judæi Jesum, et studebant eum interimere, quod ista fecisset sabbato.
- 16 Propterea ergo magis studebant eum Judæi interimere, quod non solum solvisset sabbatum, sed et Deum dixisset patrem suum, parem se faciens Deo.
- 17 Respondit ergo Jesus, et dixit eis, Amen, amen, dico vobis, Non potest Filius a semetipso operari, *id est*, nisi viderit Patrem operantem: quæcunque enim ille facit, hæc etiam Filius pariter facit. Pater enim amat Filium, et omnia monstrat ei quæ ipse facit: et opera illis majora monstrabit ei, ut vos miremini. Sicut enim Pater suscitavit mortuos et vivificat, ita et Filius quos vult vivificat. Nec enim Pater judicat quenkum, sed omne judicium dedit Filio: ut omnes honorent Filium, prout honorant Patrem: qui non honorat Filium, non honorat Patrem, ut qui miserit eum. Amen, amen, dico vobis, Qui sermonem meum audit, et credit ei qui misit me, habet vitam æternam, et in condemnationem non veniet, sed transivit a morte in vitam. Amen, amen, dico vobis, Adventat tempus, et nunc est, quum mortui audient vocem Filii Dei; et qui audierint, vivent. Sicut enim Pater habet vitam in seipso, sic dedit et Filio

27 habere vitam in seipso. Et auctoritatem ei
dedit etiam judicium exercendi, quatenus Filius
28 hominis est. Ne hoc miramini; nam veniet hora,
qua omnes qui in monumentis sunt audient vo-
29 cem ejus; et prodibunt, qui bona fecerint in re-
surrectionem vitæ; qui vero mala egerint, in
30 resurrectionem condemnationis. Non possum ego
a meipso facere quicquam: prout audio, judico:
et judicium meum justum est; quia non quæro
voluntatem meam, sed voluntatem ejus qui misit
me, *id est*, Patris.

31 Si ego testor de meipso, testimonium meum
32 non est firmum. Alius est qui testatur de me,
et scio idoneum esse testimonium quod testatur
33 de me. Vos misistis ad Joannem, et *is* testi-
34 monium dedit veritati. Ego autem ab homine
testimonium non capto: sed hæc dico ut vos
35 servemini. Ille erat lucerna ardens et lucens:
vos autem voluistis ad momentum exsultare in
36 ejus luce. At ego testimonium habeo majus
testimonio Joannis: opera enim quæ dedit mihi
Pater ut ea consummem ipsa, *inquam*, opéra
quæ ego facio, testantur de me, quod Pater mi-
37 serit me. Et qui misit me Pater, ipse testatus
est de me: neque vocem ejus unquam audistis,
38 neque speciem ejus vidistis. Et sermonem ejus
non habetis in vobis manentem; quia quem misit
39 ille, huic vos non creditis. Scrutamini scripturas,
quia vos videmini vobis in ipsis vitam æternam
40 habere: et illæ sunt quæ testantur de me. Sed
non vultis venire ad me, ut vitam habeatis.

41 Gloriam ab hominibus non capto. ⁴² Sed vos
43 novi charitatem Dei non habere in vobis. Ego veni
nomine Patris mei, nec recipitis me: si venerit
44 alius nomine suo, illum recipietis. Quomodo vos
potestis credere, quum gloriam alii ab aliis ca-

ptetis, et gloriam illam, quæ a solo Deo profisciscitur, non quæritis?

45 Ne putate me accusaturum vos apud Patrem:
est qui accuset vos, Moses, in quo vos speratis.
46 Si enim crederetis Mosi, crederetis mihi: nam
47 ille de me scripsit. Quod si scriptis illius non
credit, quomodo verbis meis credetis?

6 POST hæc abiit Jesus trans mare Galilææ,
2 *quod est* Tiberiadis. Et sequebatur eum turba
multa, quia videbant ejus signa *id est* quæ ede-
3 bat in male valentibus. Subiit vero in montem
4 Jesus, et ibi sedit cum discipulis suis. Prope
autem erat Pascha, festum Judæorum.

5 Quum ergo sustulisset oculos Jesus, et con-
spexisset multam turbam ad se venire, dicit Phi-
6 lippo, Unde ememus panes ut edant isti? (Hoc
autem dicebat tentans eum: ipse enim sciebat
quid esset factur.)

7 Respondit ei Philippus, Ducentorum denario-
rum panes non suffecerint eis, ut singuli eorum
8 paululum quiddam accipiant. Dicit ei unus ex
discipulis ejus, *nempe* Andreas, frater Simonis
9 Petri, est hic puerulus quidam qui habet quinque
panes hordeaceos et duos pisciculos; sed hæc
quid sunt inter tam multos?

10 Dixit autem Jesus, Facite ut homines discum-
bant.

Erat autem gramen multum in eo loco. Dis-
cubuerunt ergo viri illi numero quasi quinquies
11 mille. Accepit autem panes illos Jesus, et actis
gratiis distribuit discipulis, discipuli vero accum-
bentibus: similiter etiam ex pisciculis illis quan-
tum volebant.

12 Ut autem expleti sunt, dixit *Jesus* discipulis
suis, Congregate quæ superfuerunt fragmenta, ne
13 quid pereat. Congregarunt ergo, et impleverunt

duodecim cophinos fragmentis ex quinque illis panibus hordeaceis, quæ superfuerant iis qui comederant.

14 Illi ergo, quum vidissent signum quod Jesus ediderat, dicebant, Hic est vere Propheta ille qui venturus erat in mundum.

15 Jesus ergo quum nosset venturos, et se abrepturos ut facerent se regem, secessit rursus in montem ipse solus.

16 Ut autem serum *diei* advenit, descenderunt
17 discipuli ejus ad mare. Et ingressi navigium ibant trans mare Capernaum versus; jam autem erant
18 tenebræ, nec venerat ad eos Jesus. Et mare,
19 vento magno flante, surgebat. Provecti vero quasi stadia vigintiquinque aut triginta, conspiciunt Jesum ambulantem super mare, et appropinquantem navi; et metuerunt.

20 Ille vero dixit eis, Ego sum, ne metuite.
21 Volente igitur animo receperunt eum in navigium; et statim navigium pervenit ad regionem in quam ibant.

22 POSTERO die, turba quæ substiterat cis mare, quum vidisset illic non fuisse aliud navigiolum nisi unum illud in quod ingressi fuerant discipuli ejus, et Jesum non introisse cum discipulis suis in navigium, sed solos ejus discipulos abiisse: (alia vero navigiola Tiberiade venerunt prope locum illum ubi ederant panem, postea-
23 quam gratias egisset Dominus:) quum igitur, *inquam*, vidisset turba Jesum illic non esse, neque discipulos ejus, ingressi sunt et ipsi in navigia,
24 et venerunt Capernaum, quærentes Jesum. Et eo invento trans mare, dixerunt ei, Rabbi, quando huc pervenisti?

26 Respondit eis Jesus, et dixit, Amen, amen, dico vobis, Quæritis me, non quia vidistis signa,

sed quia edistis panes illos, et saturati estis.

27 Operemini non cibo qui perit, sed cibo illi qui permanet in vitam æternam; quem Filius hominis dabit vobis: hunc enim Pater obsignavit, *id est* Deus.

28 Dixerunt ergo ad eum, Quid faciemus ut operemur opera Dei?

29 Respondit Jesus, et dixit eis, Hoc illud est opus Dei, ut credatis in *eum* quem ille misit.

30 Dixerunt ergo ei, Quod ergo tu signum edis, ut videamus et credamus tibi? quid operaris?

31 Patres nostri ederunt illud manna in deserto illo: sicut scriptum est, Panem cœlestem dedit eis edendum.

32 Dixit ergo eis Jesus, Amen, amen, dico vobis, Nequaquam Moses dedit vobis panem illum cœlestem; sed Pater meus dat vobis panem illum cœlestem verum. Panis enim ille Dei is est qui de cœlo descendit, et dat vitam mundo.

34 Dixerunt ergo ei, Domine, da nobis semper panem istum.

35 Dixit autem eis Jesus, Ego sum panis ille vitæ: qui venit ad me nequaquam esuriet; et qui
36 credit in me non sitiet unquam. Sed dixi vobis,
37 certe et vidistis me, et non creditis. Quicquid
38 dat mihi Pater, ad me veniet; et eum qui venit
39 ad me nequaquam ejecerim foras: quia descendi e cœlo, ut exsequar non voluntatem
39 meam, sed voluntatem ejus qui misit me. Hæc
est autem voluntas ejus qui misit me, *id est*,
Patris, ut ex eo omni quod mihi dederit, non
perdam *quidquam*, sed suscitem illud ultimo
40 illo die. Hæc est autem voluntas ejus, qui misit
me, ut quisquis conspicit Filium, et credit in
eum, habeat vitam æternam: et suscitem ipsum
ego ultimo illo die.

41 Murmurabant ergo Judæi de eo, quia dixerat,
42 Ego sum panis ille qui e cœlo descendit: et dicebant, Nonne iste est ille Jesus, filius ille Josephi, cujus nos novimus patrem et matrem? quomodo ergo dicit iste, E cœlo descendi?

43 Respondit ergo Jesus, et dixit eis, Ne mur-
44 murate inter vos. Nemo potest venire ad me, nisi Pater, qui misit me, traxerit eum: et ego
45 suscitabo ipsum ultimo illo die. Scriptum est in Prophetis, Et erunt omnes docti a Deo. Quisquis ergo audivit a Patre, et didicit, venit
46 ad me. Non quod Patrem viderit quisquam, nisi is qui est a Deo; hic vidit Patrem.

47 Amen, amen, dico vobis, Qui credit in me
- 48 habet vitam æternam. Ego sum panis ille vitæ.
49 Patres vestri ederunt manna in deserto, et mortui sunt. Hic est panis ille qui e cœlo descendit,
50 ut qui edit ex eo non moriatur. Ego sum panis ille vivus, ille qui e cœlo descendi. Siquis ed-
51 rit ex hoc pane, vivet in æternum: panis autem quem ego dabo, caro mea est, quam ego dabo pro mundi vita.

52 Pugnabant ergo Judæi alii adversus alios, dicentes, Quomodo potest hic nobis carnem *suam* dare edendam?

53 Dixit ergo eis Jesus, Amen, amen, dico vobis, Nisi ederitis carnem Filii hominis, et biberitis
54 ejus sanguinem, non habetis vitam in vobis. Qui edit carnem meam, et bibit meum sanguinem, habet vitam æternam; et ego suscitabo ipsum
55 ultimo illo die. Caro enim mea vere est cibus,
56 et sanguis meus vere est potus. Qui edit meam carnem, et bibit meum sanguinem, in me manet,
57 et ego in eo. Sicut misit me vivens ille Pater, et ego vivo per Patrem: *ita* etiam qui ederit
58 me, vivet ipse quoque per me. Hic est panis

ille qui de cœlo descendit: non prout ederunt patres vestri manna, et mortui sunt: qui ederit hunc panem, vivet in æternum.

59 Hæc dixit in synagoga, quum doceret in Capernaum.

60 Multi ergo ex discipulis ejus *his* auditis dixerunt, Durus est hic sermo: quis potest eum audire?

61 Sciens autem Jesus apud se discipulos suos de hoc murmurare, dixit eis, Hoccine vos offendit?

62 *Quid* si igitur spectaveritis Filium hominis ascendentem eo ubi erat prius? Spiritus est id quod vivificat; caro non prodest quicquam: verba quæ

63 ego loquor vobis, spiritus sunt et vita sunt. Sed sunt quidam ex vobis qui non credunt. Sciebat enim a principio Jesus quinam essent qui non

64 credebant, et quis eum proditurus esset. Et dicebat, Propterea dixi vobis neminem posse venire ad me, nisi fuerit ei datum a Patre meo.

65 Ex eo *tempore* multi discipulorum ejus pedem retulerunt, nec amplius cum eo versabantur.

66 Dixit ergo Jesus duodecim illis, Num et vos vultis abire?

67 Respondit ergo ei Simon Petrus, Domine, ad quem abibimus? verba vitæ æternæ habes: et nos credidimus, et novimus te esse Christum illum Filium Dei viventis.

68 Respondit eis Jesus, Nonne ego vos duodecim elegi, et *tamen* unus ex vobis est diabolus?

69 Loquebatur autem de Juda Simonis *filio* Iscariota; futurum enim erat ut hic proderet eum, quum esset unus ex illis duodecim.

70 VERSABATUR autem Jesus post hæc in Galilæa: nolebat enim in Judæa versari, quia studebant eum Judæi interimere.

2 PROPE autem erat festum Judæorum Sceno-
3 pegia. Dixerunt igitur ad eum fratres ejus, Di-
gredere hinc, et vade in Judæam, ut tui quoque
4 discipuli spectent opera tua quæ facis. Nemo
enim occulte facit aliquid, et quærit ipse cele-
bris esse: si hæc facis, facito teipsum manife-
5 stum mundo. Nam ne fratres quidam ejus cre-
debant in eum.

6 Dicit ergo eis Jesus, Præstitutum illud tempus
meum nondum adest: præstitutum autem tempus
7 illud vestrum semper est paratum. Non potest
mundus vos odisse: me autem odit, quoniam ego
8 testor de eo, opera ejus mala esse. Vos ascen-
dite ad hoc festum, ego nondum ascendo ad fe-
stum, quia præstitutum illud meum tempus non-
dum impletum est.

9 Hæc autem quum eis dixisset, mansit in Gali-
10 læa. Ut ascenderunt autem fratres ejus, tunc et
ipse ascendit ad festum, non manifeste, sed ve-
lut occulte.

11 Judæi ergo quærebant eum in festo, et dice-
12 bant, Ubi est ille? Et mussitatio multa erat in
turba de eo: alii quidem dicebant, Vir bonus
est; alii vero dicebant, Non, sed turbam seducit.
13 Nullus tamen palam loquebatur de eo, propter
metum Judæorum.

14 Festo autem illo jam medio, ascendit Jesus in
15 templum, ac docebat. Et mirabantur Judæi, di-
centes, Quomodo iste literas novit, quum *eas*
non didicerit?

16 Respondit eis Jesus, et dixit, Mea doctrina
17 non est mea, sed ejus qui misit me. Si quis
voluerit quod ille vult facere, cognoscet de doc-
trina, utrum ex Deo sit, an ego a meipso lo-
18 quar. Qui a semetipso loquitur, gloriam pro-
priam quærit: qui autem quærit gloriam ejus qui

misit ipsum, hic verax est, et injustitia in eo non
19 est. Nonne Moses dedit vobis legem, et *tamen*
nemo ex vobis præstat legem? quid me studetis
interimere?

20 Respondit turba et dixit, Dæmonium habes:
quis te studet interimere?

21 Respondit Jesus et dixit eis, Unum opus feci,
22 et omnes miramini. Attamen Moses dedit vobis
circumcisionem (non quod ex Mose sit, sed *quia*
ex patribus), et sabbato circumciditis hominem.

23 Si circumcisionem accipit homo sabbato, ut ne
solvatur lex Mosis, mihi indignamini quod totum
24 hominem sanum fecerim sabbato? Ne judicate
secundum vultum, sed justum illud iudicium ferte.

25 Dicebat ergo quidam ex Hierosolymitanis,
26 Nonne hic est quem student interimere? At
ecce, palam loquitur, et nihil ei dicunt: numnam
vere cognoverunt primores hunc vere esse Chri-
27 stum illum? Sed novimus unde hic sit: quum
autem venerit ille Christus, nemo cogniturus est
unde sit.

28 Clamabat ergo Jesus in templo, docens ac di-
cens, Et me nostis, et unde sim nostis: et a
meipso non veni, sed est verax qui misit me,
29 quem vos non nostis. Ego vero novi eum, quia
ab ipso sum, et ille me misit.

30 Studebant ergo eumprehendere: sed nemo
injecit in eum manum, quia nondum venerat
31 hora illa ipsius. Multi vero ex turba credide-
runt in eum, et dicebant, Christus, quum vene-
rit, num signa plura edet iis quæ iste edidit?
32 Audierunt Pharisei turbam ista mussitantem de
eo, et miserunt Pharisei ac primarii sacerdotes
ministros ut eum prehenderent.

33 Dixit ergo eis Jesus, Adhuc paulisper ero
vobiscum: deinde abibo ad eum qui me misit.

34 Quæretis me, nec invenietis: et ubi ego ero, eo vos non potestis venire.

35 Dixerunt ergo Judæi inter sese, Quonam est iste profecturus, ut nos non inveniamus eum? num ad eos qui dispersi sunt inter Græcos profecturus est, et Græcos docturus? Quis est hic sermo quem dixit, Quæretis me, et non invenietis: et ubi ego ero, vos non potestis venire?

37 Ultimo autem die illo magno festi stetit Jesus, et clamavit, dicens, Si quis sitit, veniat ad me, et bibat. Qui credit in me, sicut dixit scriptura, flumina aquæ vivæ ex ventre ipsius fluent. (Hoc autem dixit de Spiritu illo quem accepturi erant credentes in eum: nondum enim erat Spiritus Sanctus, quia Jesus nondum erat glorificatus.)

40 Multi ergo e turba, quum audissent hunc sermonem, dicebant, Vere hic est Propheta ille.
41 Alii dicebant, Hic est Christus ille. Quidam autem dicebant, Num enim e Galilæa veniet ille
42 Christus? Nonne scriptura dicit, Ex semine Davidis, et ex *vico* Bethlehema, ubi erat David, venturum illum Christum? Dissidium ergo ortum
43 est in turba propter eum. Quidam autem ex ipsis volebant eum prehendere: sed nemo injecit in eum manus.

45 VENERUNT ergo ministri ad primarios sacerdotes et Pharisæos, qui dixerunt eis, Quare non adduxistis eum?

46 Responderunt ministri, Nunquam ita locutus est homo ut homo iste.

47 Responderunt ergo eis Pharisæi, Num et vos seducti estis? num quis ex primoribus credidit in eum, aut ex Pharisæis? Sed turba hæc, quæ non novit legem, execrabilis est.

50 Dicit eis Nicodemus, is qui venerat ad eum
51 nocte, quum unus esset ex illis, num lex nostra

condemnat quempiam, nisi prius ex ipso audierit, et cognoverit quid faciat?

52 Responderunt et dixerunt ei, Num et tu Galilæus es? scrutare, et vide ex Galilæa prophetam non fuisse suscitatum.

53 Et profectus est unusquisque domum suam.

8 Jesus autem profectus est in montem Olearum.

2 ET diluculo rursus adfuit in templo; et totus populus venit ad eum, et sedens docebat eos.

3 Adducunt autem ad eum scribæ et Pharisei mulierem in adulterio deprehensam: et quum
4 statuissent eam in medio, dicunt ei, Magister, hæc mulier deprehensa est in ipso facinore, quum
5 mœcharetur. In lege vero Moses præcepit nobis
6 ut tales lapidentur: tu ergo quid dicis? Hoc autem dicebant tentantes eum, ut possent eum accusare.

Jesus autem incurvatus deorsum, digito scribebat in terra. Quum autem perseverarent eum interrogare, sese surrigens dixit ad eos, Qui vestrum immunis est a peccato, primus in eam
8 ciat lapidem. Et rursum incurvatus deorsum, scribebat in terra.

9 Ipsi vero quum hæc audivissent, et a conscientia redarguerentur, sigillatim alius post alium exierunt, initio facto a senioribus usque ad ultimos: et derelictus est solus Jesus, et mulier in medio stans.

10 Jesus autem sese surrigens, et nemine conspecto præter mulierem illam, dixit ei, Mulier, ubi sunt illi tui accusatores? nemo te condemnavit?

11 Ipsa vero dixit, Nemo, Domine.

Dixit autem ei Jesus, Nec ego te condemno: vade, et ne deinceps pecca.

- 12 RURSUM ergo Jesus eis locutus est, dicens, Ego sum lux illa mundi: qui sequitur me, non ambulabit in tenebris, sed habebit lumen vitæ.
- 13 Pharisei igitur dixerunt ei, Tu de teipso testaris: testimonium tuum non est firmum.
- 14 Respondit Jesus, et dixit eis, Etiamsi ego testor de meipso, firmum est testimonium meum; quia scio unde venerim, et quo vadam: vos autem nescitis unde venerim, et quo vadam. Vos secundum carnem judicatis: ego non judico quendam.
- 15 Quod si etiam judicarem ego, judicium meum firmum esset: quia solus non sum, sed ego et qui misit me Pater. Sed et in lege vestra scriptum est, duorum hominum testimonium firmum esse. Ego *is* sum qui testor de meipso, et testatur de me qui misit me Pater.
- 16 Dicebant ergo ei, Ubi est tuus ille Pater?
- Respondit Jesus, Neque me nostis, neque Patrem meum: si me nossetis, Patrem quoque meum nossetis.
- 20 Hæc verba locutus est Jesus in gazophylacio, docens in templo: et nemo prehendit eum, quia nondum venerat illa ipsius hora.
- 21 Dixit ergo iterum eis Jesus, Ego vado, et quæretis me, et in hoc peccato vestro moriemini: quo ego vado, vos non potestis venire.
- 22 Dicebant ergo Judæi, Num interimet seipsum, quia dicat, Quo ego vado, vos non potestis venire?
- 23 Tunc dixit eis, Vos inferne estis, ego sum superne: vos ex hoc mundo estis, ego non sum ex hoc mundo. Ideo vobis dixi, vos morituros in peccatis vestris: nam nisi credideritis me *eum* esse, moriemini in peccatis vestris.
- 24 Dixerunt ergo ei, Tu quis es?
- Tum dixit eis Jesus, *Id* quod a principio dico

26 vobis. Multa habeo quæ de vobis loquar ac judicem; sed qui me misit, verax est; et ego quæ audiavi ab eo, hæc loquor mundo.

27 Non cognoverunt quod de Patre hæc ipsis diceret.

28 Dixit ergo eis Jesus, Quum sustuleritis Filium hominis, tunc agnoscetis me eum esse, et a me ipso nihil facere; sed prout docuit me Pater, 29 hæc loqui. Nam qui me misit, mecum est: Pater me solum non relinquit, quia ego quæ placent ipsi facio semper.

30 Hæc illo loquente multi crediderunt in eum.

31 Dicebat ergo Jesus iis Judæis qui crediderant ipsi, Si vos manseritis in sermone meo, vere discipuli mei eritis. Et cognoscetis veritatem, et veritas vos in libertatem vindicabit.

33 Responderunt ei, Semen Abrahami sumus, neque cuiquam servivimus unquam: quomodo tu dicis, Vos in libertatem vindicabimini?

34 Respondit eis Jesus, Amen, amen, dico vobis, Quisquis operam dat peccato, servus est peccati.

35 Servus autem non manet in domo perpetuo:

36 Filius manet perpetuo. Itaque si vos Filius in

37 libertatem vindicarit, vere liberi eritis. Scio vos semen Abrahami esse, sed studetis me interimere, quia sermo ille meus non habet locum

38 apud vos. Ego loquor quod vidi apud Patrem meum; et vos facitis quod vidistis apud patrem vestrum.

39 Responderunt et dixerunt ei, Pater noster Abrahamus est.

Dicit eis Jesus, Si filii Abrahami essetis, opera 40 Abrahami faceretis. Nunc autem studetis me interimere, hominem qui veritatem vobis locutus sum, quam audiavi a Deo: hoc Abrahamus non 41 fecit. Vos facitis opera patris vestri.

Itaque dixerunt ei, Nos ex scortatione non sumus geniti: unum Patrem habemus, *nempe* Deum.

42 Dixit ergo eis Jesus, Si Deus Pater vester esset, diligeretis me; ego enim a Deo prodii et adsum: nec enim a meipso veni, sed ille me
43 misit. Quare loquelam istam meam non agnoscitis? *nempe* quoniam non potestis audire sermonem meum. Vos ex patre diabolo estis, et cupiditates patris vestri vultis exsequi. Ille fuit homicida a principio, et in veritate non perstitit; non est enim veritas in eo. Quotiescunque loquitur mendacium, de suo loquitur, quia mendax
45 est, et pater ille mendacii. Vos autem, quia
46 ego veritatem dico, non creditis mihi. Quis ex vobis arguit me de peccato? si veritatem dico,
47 quare vos non creditis mihi? Qui ex Deo est, verba Dei audit; propterea vos non auditis, quia ex Deo non estis.

48 Responderunt ergo Judæi et dixerunt ei, Nonne bene dicimus te Samaritanum esse, et dæmonium habere?

49 Respondit Jesus, Ego dæmonium non habeo; sed honoro Patrem meum, et vos contumelia
50 afficitis me. Ego vero non quæro gloriam meam:
51 est qui quærat et judicet. Amen, amen, dico vobis, Siquis sermonem meum observaverit, mortem non conspiciet in æternum.

52 Dixerunt ergo ei Judæi, Nunc agnovimus te dæmonium habere. Abrahamus mortuus est, et prophetæ: et tu dicis, Siquis sermonem meum servaverit, non gustabit mortem in æternum.
53 Num tu major es patre illo nostro Abrahamo, qui mortuus est? etiam prophetæ mortui sunt: quem tu teipsum facis?

54 Respondit Jesus, Si ego glorifico meipsum,

gloria mea nihil est: Pater ille meus is est qui glorificat me, quem vos dicitis Deum vestrum esse. Sed non nostis eum; ego vero ipsum novi: et si dixero quod ipsum non norim, ero similis vestri, *id est*, mendax: sed eum novi, et sermonem ejus observo. Abrahamus pater ille vester gestivit videre diem istum meum; et vidit, ac gavisus est.

Dixerunt igitur ei Judæi, Quinquaginta annos nondum habes, et Abrahamum vidisti?

Dixit eis Jesus, Amen, amen, dico vobis, Priusquam Abrahamus existeret, ego sum.

Sustulerunt ergo lapides ut jacerent in eum: Jesus autem occultavit se, et exivit e templo, quum transivisset per medios ipsos: et ita progressus est.

PROGRESSUS autem vidit quendam cæcum a nativitate.

Et interrogaverunt eum discipuli ejus, dicentes, Rabbi, quis peccavit, iste, an parentes ejus, ut cæcus nasceretur?

Respondit Jesus, Neque iste peccavit, neque parentes ejus, *ut cæcus nasceretur*; sed *cæcus natus est*, ut opera Dei manifesta fiant in eo.

Oportet me operam dare operibus ejus qui misit me, donec dies est: venit nox, quum nemo potest operari. Quamdiu fuero in mundo, lux sum mundi.

Hoc quum dixisset, spuit humi, et fecit lutum ex sputo, et illevit lutum oculis cæci illius; dixitque ei, Vade, ablue *oculos* in piscina Siloam, quod est, si interpreteris, Missus. Abiit ergo, et abluit *oculos*, rediitque videns.

Vicini ergo, et qui prius conspexerant eum cæcum esse, dicebant, Nonne hic est qui sedebat et mendicabat? Alii dicebant, Certe hic est:

alii vero, Certe similis est ei. Ille *vero* dicebat, Certe ego *is* sum.

10 Dixerunt ergo ei, Quomodo aperti sunt tibi
11 oculi? Respondit ille, et dixit, Quidam qui
dicitur Jesus lutum fecit, et inunxit oculos meos,
et dixit mihi, Vade ad piscinam Siloam, et
ablue *oculos*: ut autem abii et *oculos* ablui,
vidi.

12 Dixerunt ergo ei, Ubi est ille? Ait, Nescio.

13 Adducunt eum ad Pharisæos, eum, *inquam*,

14 qui olim cæcus fuerat. Erat autem sabbatum,
quum lutum faceret Jesus, et aperiret oculos ejus.

15 Rursus ergo interrogarunt eum etiam Phari-
sæi, quomodo videndi facultatem esset adeptus.
Ille vero dixit eis, Lutum imposuit oculis meis,
et ablui *oculos*, et video.

16 Dicebant ergo ex Pharisæis quidam, Homo
iste non est a Deo; nam sabbatum non observat.
Alii dicebant, Quomodo potest quispiam pecca-
tor talia signa edere? Et dissidium erat inter eos.

17 Rursus dicunt cæco, Tu quid dicis de ipso,
quod aperuit oculos tuos? Ille autem dixit,
Certe propheta est.

18 Non crediderunt ergo Judæi de eo quod cæ-
cus fuisset, et videndi facultatem esset adeptus,
usquequo vocarunt ejus parentes, ejus, *inquam*,

19 qui videndi facultatem fuerat adeptus. Et inter-
rogaverunt eos, dicentes, Hiccine est filius ille
vester, quem vos dicitis cæcum natum esse? quo-
modo ergo nunc videt?

20 Responderunt eis parentes ejus, et dixerunt,
Scimus hunc esse filium illum nostrum, et cæcum

21 natum esse: quomodo vero nunc videat, nesci-
mus; aut quis ejus aperuerit oculos, nos nesci-
mus: ipse ætatem habet, ipsum interrogate, ipse

22 de se loquetur. Hæc dixerunt parentes ejus,

quod metuerent Judæos: jam enim constituerant Judæi, ut siquis eum profiteretur esse Christum, 23 synagoga moveretur. Propterea parentes ejus dixerunt, *Ætatem* habet, ipsum interrogate.

24 Secundo ergo vocarunt hominem qui fuerat cæcus, et dixerunt ei, Tribue gloriam Deo: nos hunc hominem scimus peccatorem esse.

25 Respondit igitur ille, et dixit, An peccator sit, nescio: unum scio, me, quum cæcus fuero, nunc videre.

26 Dixerunt autem ei rursus, Quid fecit tibi? quomodo aperuit oculos tuos?

27 Respondit eis, Jam vobis dixi, et non audivistis: cur iterum vultis audire? num et vos fieri vultis ipsius discipuli?

28 Itaque conviciati sunt ei, et dixerunt, Tu discipulus illius es: nos autem Mosis discipuli sumus. Nos scimus Deum esse locutum Mosi: hic 29 autem unde sit nescimus.

30 Respondit eis ille, et dixit eis, At enim istud mirum est, quod vos nesciatis unde sit, et *tamen* 31 aperuit meos oculos. Scimus autem quod Deus peccatores non audiat: sed siquis Dei cultor est, 32 et facit quod ille vult, *ille* hunc audit. Ab seculo non est auditum aliquem aperuisse oculos 33 ejus qui cæcus natus fuerit. Nisi esset hic a Deo, non posset *tale* quicquam facere.

34 Responderunt et dixerunt ei, Tu in peccatis natus es totus, et tu doces nos? Et ejecerunt eum foras.

35 Audivit Jesus eum ejectum foras; et eum nactus, dixit ei, *Tune* credis in Filium Dei?

36 Respondit ille, et dixit, Quis est, Domine, ut credam in eum?

37 Dixit autem ei Jesus, Et vidisti eum, et is est qui loquitur tecum.

- 38 At ille ait, Credo, Domine. Et adoravit eum.
39 ET dixit Jesus, Ad *judicium exercendum* ego in hunc mundum veni: ut qui non vident, videant; et qui vident, cæci fiant.
40 Audierunt autem hæc quidam ex Pharisæis qui cum ipso erant, et dixerunt ei, Num et nos cæci sumus?
41 Dixit eis Jesus, Si cæci essetis, non haberetis peccatum: nunc vero dicitis, Videmus: itaque peccatum vestrum manet.
10 Amen, amen, dico vobis, Qui non ingreditur per ostium in caulam ovium, sed ascendit aliunde, ille fur est et latro. Qui vero ingreditur per ostium, pastor est ovium. Huic aperit janitor, et oves vocem ejus audiunt: et suas oves vocat nominatim, et educit eas. Quumque suas oves emiseric, antegreditur eas: et oves eum sequuntur, quia norunt vocem ejus. Alienum autem nequaquam sequuntur, sed fugient ab eo; quia non norunt vocem alienorum.
6 Hanc similitudinem dixit eis Jesus. Illi vero non cognoverunt quænam illa essent quæ loquebatur eis.
7 Jesus ergo rursum dixit eis, Amen, amen, dico
8 vobis, Ego sum ostium illud ovium. Quotquot ante me venerunt, fures sunt et latrones: sed
9 oves non auscultaunt eos. Ego sum illud ostium: per me si quis introierit, servabitur; et ingredietur et egredietur, et pascua inveniet. Fur non venit nisi ut furetur, et mactet ac perdat *oves*:
10 ego veni ut vitam habeant, et abundant. Ego sum pastor ille bonus: bonus pastor animam
12 suam deponit pro ovibus. Mercenarius autem, et qui non est pastor, cujus non sunt oves propriæ, conspicit lupum venientem, et relinquit oves, et fugit: lupus autem eas rapit, et disper-

13 git ovile: mercenarius autem fugit, quia merce-
14 narius est, et non est ipsi cura ovium. Ego sum
pastor ille bonus, et agnosco meas, et agnoscor
a meis. Prout novit me Pater, ita et ego novi
15 Patrem; et animam meam depono pro ovibus.
16 Alias etiam oves habeo, quæ non sunt ex hac
caula: illas quoque oportet me adducere; nam
vocem meam audient: fietque unus grex, *et* unus
17 pastor. Propterea Pater me diligit, quia ego
depono animam meam ut eam rursus assumam.
18 Nemo tollit eam a me, sed ego depono eam
per me ipsum: auctoritatem habeo deponendi
eam, et auctoritatem habeo rursus eam assumendi.
Hoc præceptum accepi a Patre meo.

19 Dissidium igitur rursum ortum est inter Ju-
20 dæos propter istos sermones. Dicebant autem
multi eorum, Dæmonium habet, et insanit: quid
21 eum auditis? Alii dicebant, Hæc verba non sunt
dæmoniacy: num dæmonium potest cæcorum o-
culos aperire?

22 FACTA sunt autem Encænia Hierosolymis, et
23 hiems erat. Et ambulabat Jesus in templo in
24 porticu Solomonis. Cinxerunt igitur eum Judæi,
et dixerunt ei, Quousque animam nostram suspen-
dis? si tu es Christus ille, dic nobis aperte.

25 Respondit eis Jesus, Dixi vobis, nec creditis:
opera quæ ego facio in nomine Patris mei, hæc
26 testantur de me. Sed vos non creditis: non
enim estis ex ovibus illis meis, sicut dixi vobis.
27 Oves illæ meæ vocem meam audiunt, et ego eas
28 agnosco, et sequuntur me. Et ego vitam æter-
nam do eis, nec peribunt in æternum, neque
29 rapiet eas quisquam e manu mea. Pater *ille*
meus, qui mihi dedit *eas*, major omnibus est:
neque quisquam potest eas rapere e manu Patris
30 mei. Ego et Pater unum sumus.

31 Sustulerunt ergo rursus lapides Judæi, ut eum
32 lapidarent. Respondit eis Jesus, Multa bona
opera ostendi vobis ex Patre meo: propter quod
illorum operum me lapidatis?

33 Responderunt ei Judæi, dicentes, Ob bonum
opus non lapidamus te, sed ob blasphemiam, id
est, quia tu, homo quum sis, facis teipsum Deum.

34 Respondit eis Jesus, Nonne scriptum est in
35 lege vestra, Ego dixi, Dii estis? Si illos dixit
deos, ad quos sermo Dei factus est, et non po-
36 test solvi scriptura; *mene*, quem Pater sanctifi-
cavit et misit in mundum, vos dicitis blasphe-
37 mare, quia dixi, Filius Dei sum? Si non facio
38 opera Patris mei, nolite credere mihi: sin vero
illa facio, etiamsi mihi non credatis, operibus
tamen credite; ut cognoscatis et credatis Patrem
in me esse, et me in eo.

39 Rursus ergo studebant eumprehendere: sed
40 exivit ex eorum manu. Abiitque rursus ad tra-
jectum Jordanis, in eum locum ubi primum fu-
erat Joannes, quum baptizaret, mansitque illic.
41 Multi autem veniebant ad eum, et dicebant, Jo-
annes quidem signum nullum edidit: quæcunque
42 autem de isto dixit, vera erant. Et multi credi-
derunt illic in eum.

11 ERAT autem ægrotus quidam *nomine* Lazarus
a Bethania, ex vico Mariæ et Marthæ sororis
2 ipsius. (Maria autem ea erat quæ unxit Domi-
num unguento, et extersit pedes ejus capillis
3 suis; cujus frater Lazarus ægrotabat.) Miserunt
ergo sorores ejus ad ipsum, dicentes, Domine,
ecce, *is* quem amas, ægrotat.

4 Jesus autem, *hoc* audito, dixit, Hic morbus
non est *immissus* ad mortem, sed pro Dei glo-
ria, ut per eum *morbum* glorificetur Filius Dei.

5 Diligebat autem Jesus Martham, et sororem

6 ejus, et Lazarum. Ut ergo audivit *illum* ægro-
tare, tum quidem mansit duos dies in eo loco
7 ubi erat. Deinde postea dixit discipulis, Eamus
in Judæam rursus.

8 Dicunt ei discipuli, Rabbi, modo studebant te
Judæi lapidare, et rursum illuc abis?

9 Respondit Jesus, Nonne duodecim sunt horæ
diei? Si quis ambulet interdiu, non offendit,
10 quia lucem hujus mundi videt: si quis autem
ambulet nocte, impingit, quia lux ei non adest.

11 Hæc ait; et postea dixit eis, Lazarus, amicus
ille noster, dormit: sed proficiscor ut a somno
excitem eum.

12 Dixerunt ergo discipuli ejus, Domine, si dor-
13 mit, servabitur. Hoc autem dixerat Jesus de
ipsius morte: at illi putarunt eum de dormitione
somni dicere.

14 Tunc ergo Jesus dixit eis aperte, Lazarus
15 mortuus est: et gaudeo propter vos, (ut credatis,)
quod illic non fuerim: sed eamus ad eum.

16 Dixit autem Thomas, qui dicitur Didymus,
condiscipulis, Eamus et nos, ut moriamur cum eo.

17 Venit ergo Jesus, et invenit eum quartum jam
18 diem in monumento agere. Erat autem Bethania
prope Hierosolymam fere stadiis quindecim:
19 multique ex Judæis venerant ad Martham et Ma-
20 riam, ut consolarentur eas de fratre suo. Martha
ergo, ut audivit Jesum venire, occurrit ei: Maria
vero domi sedebat.

21 Dixit autem Martha Jesu, Domine, si fuisses
22 hic, frater meus non fuisset mortuus: sed et
nunc scio, fore ut quæcunque petieris a Deo,
det tibi.

23 Dicit ei Jesus, Resurget frater tuus.

24 Dicit ei Martha, Scio resurrecturum in resur-
rectione ultimo illo die.

- 25 Dixit ei Jesus, Ego sum resurrectio et vita:
qui credit in me, etiamsi mortuus fuerit, vivet:
26 et quisquis vivit, et credit in me, non morietur
in æternum. Credis hoc?
- 27 Ait illi, Etiam, Domine, ego credo te esse
Christum *illum* Filium illum Dei, qui in mundum
venturus erat.
- 28 Et quum hæc dixisset, abiit, et clam vocavit
Mariam sororem suam, dicens, Magister adest,
29 et te vocat. Illa ut audivit, surgit cito, et venit
ad eum.
- 30 (Nondum autem venerat Jesus in vicum; sed
31 erat in eo loco ubi occurrerat ei Martha.) Ju-
dæi ergo, qui domi erant cum ea, et consola-
bantur eam, quum vidissent Mariam cito surre-
xisse, et exivisse, secuti sunt eam, dicentes, Certe
abit ad monumentum, ut illic fleat.
- 32 Maria vero quum venisset eo ubi erat Jesus,
viso eo, accidit ad ejus pedes, dicens ei, Domine,
si fuisses hic, non esset mortuus frater meus.
- 33 Jesus autem, ut vidit eam flentem, et Judæos
qui una venerant cum ea flentes, infremuit spi-
34 ritu, et turbavit seipsum; et dixit, Ubi posuistis
eum? Dicunt ei, Domine, veni et vide.
- 35 Lacrymatus est Jesus.
- 36 Dixerunt ergo Judæi, Ecce, quomodo amabat
37 eum! Quidam autem ex ipsis dixerunt, Non po-
terat hic, qui aperuit oculos cæci, facere ut et
iste non moreretur?
- 38 Jesus ergo rursum fremens apud semetipsum,
venit ad monumentum: erat autem spelunca, et la-
39 pis erat ei impositus. Ait Jesus, Tollite lapidem.
- Dicit ei Martha, soror ejus qui mortuus fuerat,
Domine, jam olet; quatuor enim dierum est.
- 40 Dicit ei Jesus, Nonne dixi tibi, fore, si credi-
deris, ut videas gloriam Dei?

41 Abstulerunt ergo lapidem *e loco* ubi mortuus
ille fuerat positus. Jesus autem sustulit sursum
oculos, et dixit, Pater, gratias ago tibi quod me
42 audieris. Ego vero sciebam me semper a te au-
diri: sed propter turbam circumstantem *hoc* dixi,
ut credant me a te missum esse.

43 Et quum hæc dixisset, clamavit voce magna,
44 Lazare, adesdum foras. Tum qui fuerat mortuus,
prodiit pedes et manus vinctus fasciis; vultus
autem ejus sudario erat obvinctus. Dicit eis
Jesus, Solvite eum, et sinite abire.

45 Multi ergo ex Judæis qui venerant ad Mariam,
et spectarant quæ fecerat Jesus, crediderunt in
46 eum. Quidam autem ex iis abierunt ad Phari-
sæos, et dixerunt eis quæ fecerat Jesus.

47 COEGERUNT ergo primarii sacerdotes et Phari-
sæi consilium, et dicebant, Quid agemus? nam
48 hic homo multa signa edit. Si omittamus eum
ita, omnes ei credent: venientque Romani, et
delebunt tum locum nostrum, tum gentem.

49 Unus autem ex ipsis, Caiaphas, pontifex maxi-
50 mus anni illius, dixit eis, Vos nihil scitis; nec
cogitatis conducere nobis, ut unus homo moria-
tur pro populo, et tota gens non pereat.

51 Hoc autem ex semetipso non dixit; sed quum
esset pontifex maximus anni illius, prophetavit
52 fore ut Jesus pro gente moreretur: nec tantum
pro ea gente, sed ut etiam filios Dei dispersos
congregaret in unum.

53 Ab illo ergo die consultabant una ut interi-
54 merent eum. Jesus ergo palam amplius non
versabatur inter Judæos: sed abiit illinc in re-
gionem quæ est prope desertum, in urbem quæ
dicitur Ephraim; et illic commorabatur cum di-
scipulis suis.

55 PROPE autem erat Pascha Judæorum: et

ascenderunt multi Hierosolymam ex illa regione
56 ante Pascha, ut purificarent se. Quærebant ergo
Jesum, et loquebantur alii cum aliis in templo
stantes, Quid videtur vobis? *an* venturus non
57 esse ad festum? Dederant autem primarii sacer-
dotes et Pharisæi præceptum, ut siquis nosset
ubi esset, indicaret, ut prehenderent eum.

12 JESUS ergo sex ante Pascha diebus venit ad
Bethaniam, ubi erat Lazarus ille qui fuerat mor-
2 tuus, quem suscitaverat ex mortuis. Fecerunt
igitur ei cœnam illic et Martha ministrabat: La-
zarus autem unus erat ex iis qui simul accum-
3 bebant cum eo. Maria vero, accepta libra un-
guenti nardi liquidæ multi pretii, unxit pedes
Jesu, et extersit pedes ejus capillis suis: domus
autem impleta est odore unguenti.

4 Dixit ergo quidam ex discipulis ejus, *nempe*,
Judas Simonis *filius*, Iscariotes, qui erat eum
5 proditurus, Quare hoc unguentum non veniit tre-
6 centis denariis, et datum est pauperibus? Dixit
autem hoc, non quod pauperum ipsi cura esset,
sed quia fur erat, et marsupium habebat, et ea
quæ immittebantur portabat.

7 Dixit ergo Jesus, Omitte eam, in diem fune-
8 rationis meæ asservavit istud. Pauperes enim
semper habebitis vobiscum, me vero non semper
habebitis.

9 Cognovit ergo turba multa ex Judæis eum
illic esse: et venerunt, non propter Jesum tan-
tum, sed etiam ut Lazarum viderent, quem ex-
10 citarat a mortuis. Consultarunt autem primarii
11 sacerdotes, ut Lazarum etiam interimerent: quia
multi ex Judæis propter eum abibant et crede-
bant in Jesum.

12 POSTERO die turba multa, quæ venerat ad
festum, quum audissent Jesum venire Hierosoly-

- 13 mam, acceperunt ramos palmarum, et prodierunt ei obviam, et clamabant, Hosanna! benedictus qui venit in nomine Domini, Rex ille Israelis!
- 14 Nactus autem Jesus asellum, insedit ei, sicut
- 15 scriptum est, Ne metue, filia Sionis: ecce, Rex ille tuus venit insidens pullo asinæ.
- 16 Hæc autem non cognoverunt discipuli ejus primo: sed quum glorificatus esset Jesus, tunc recordati sunt hæc esse scripta de eo, et sese hæc illi præstitisse.
- 17 Testabatur vero turba quæ erat cum eo, quod Lazarum vocasset e monumento, et suscitasset
- 18 eum ex mortuis. Propterea etiam occurrit ei turba, quia audierat eum edidisse hoc signum.
- 19 Pharisei ergo dixerunt inter se, Videtisne vos nihil proficere? ecce, mundus eum secutus est.
- 20 ERANT autem quidam Græci ex iis qui ascen-
- 21 dunt ut adorent in festo. Isti ergo venerunt ad Philippum, qui *erat ex urbe* Galilææ Bethsaida, et rogarunt eum, dicentes, Domine, velimus Jesum videre. Venit Philippus, et dicit Andreæ: Andreas rursum et Philippus dicunt Jesu.
- 23 Jesus autem respondit eis, dicens, Venit hora
- 24 illa glorificandi Filii hominis. Amen, amen, dico vobis, Nisi granum frumenti ceciderit in terram, et mortuum fuerit, ipsum manet solum: sin vero
- 25 mortuum fuerit, multum fructum adfert. Qui amat animam suam, perdet eam: et qui odit animam suam in hoc mundo, ad vitam æternam
- 26 custodiet eam. Si quis mihi ministrat, me sequatur; et ubi ego fuero, illic et minister meus erit: et si quis mihi ministraverit, honorabit eum Pater. Nunc anima mea turbata est; et quid dicam?
- 27 Pater, libera me ab hac hora; sed propterea
- 28 veni ad hanc horam. Pater, glorifica nomen tuum.

Venit ergo vox e cœlo, *dicens*, Et glorificavi, et rursus glorificabo.

29 Turba ergo quæ adstabat et audierat, dicebat tonitruum esse factum: alii dicebant, Angelus ei locutus est.

30 Respondit Jesus, et dixit, Non propter me
31 hæc vox exstitit, sed propter vos. Nunc iudicium adest mundi hujus; nunc princeps ille mundi
32 hujus ejicietur foras. Et ego, si sublatus fuero
33 e terra, omnes traham ad meipsum. (Hoc autem dicebat, significans qua morte futurum erat ut moreretur.)

34 Respondit ei turba, Nos audivimus ex lege, Christum manere in æternum: quomodo igitur tu dicis, oportere tolli Filium hominis? quis est iste Filius hominis?

35 Dixit igitur eis Jesus, Adhuc parvo tempore lux vobiscum est: ambulate dum lucem habetis, ne vos tenebræ deprehendant: nam qui ambulat
36 in tenebris nescit quo vadat. Dum lucem habetis, credite in lucem, ut filii lucis fiatis.

Hæc locutus est Jesus: et quum abiisset, occultavit se ab eis. Quum autem tot signa coram
37 eis edidisset, non credebant in eum: ut sermo
38 Esaïæ prophetæ impleretur, quem dixit, Domine, quis credidit sermoni nostro, et brachium
39 Domini cui resectum est? Propterea non poterant credere, quia iterum dixit Esaïas, Excavavit oculos eorum, et obduravit corda eorum: ne videant oculis, et sint intelligentes corde, et sese convertant, et sal-
40 nem eos. Hæc dixit Esaïas, quando vidit gloriam ejus, et locutus est de eo.

41
42 Veruntamen etiam ex primoribus multi crediderunt in eum: sed propter Pharisæos *hoc* non
43 profitebantur, ne synagoga moverentur. Dilexe-

runt enim gloriam hominum potius quam gloriam Dei.

44 Jesus autem clamavit, et dixit, Qui credit in me, non credit in me, sed in eum qui misit me.
45 Et qui conspicit me, conspicit eum qui misit me.
46 Ego lux in mundum veni, ut quisquis credit in
47 me in tenebris non maneat. Siquis autem audierit verba mea, et non crediderit, ego non condemno ipsum: non enim veni ut condemnem
48 mundum, sed ut servem mundum. Qui dedignatur, nec recipit verba mea, habet qui condemnet ipsum: sermo quem locutus sum, ille condemnabit eum ultimo illo die. Quia ego ex meipso non sum locutus: sed qui misit me Pater, ipse
49 mihi præcepit quid dicam, et quid loquar. Et scio mandatum ejus vitam æternam esse. Quæ igitur ego loquor, prout dixit mihi Pater, ita loquor.

13 ANTE festum autem diem Paschæ, sciens Jesus venisse horam illam digrediendi ex hoc mundo ad Patrem, quum dilexisset suos illos, qui erant in mundo, usque ad finem dilexit eos.
2 Et cœna peracta (quum diabolus jam immisisset in cor Judæ, *fili*i Simonis, Iscariotæ, ut proderet eum,) sciens Jesus Patrem omnia dedisse sibi in manus, et se a Deo prodiisse, et ad Deum abire,
4 surgit a cœna, et deponit pallium; acceptoque
5 linteo, præcinxit se. Deinde immisit aquam in pelvim, et cœpit lavare pedes discipulorum, et extergere linteo quo erat præcinctus.

6 Venit ergo ad Simonem Petrum, qui dixit ei, Domine, tu mihi lavas pedes?

7 Respondit Jesus, et dixit ei, Quod ego facio, tu nescis nunc, cognosces autem postea.

8 Dicit ei Petrus, Non lavabis meos pedes in æternum.

Respondit ei Jesus, Nisi laverō te, nihil mecum habebis commune.

9 Dicit ei Simon Petrus, Domine, non solum pedes meos, sed etiam manus et caput.

10 Dicit ei Jesus, Ei qui lotus est, non opus est nisi ut pedes lavet, sed est mundus totus: et
11 vos mundi estis, sed non omnes. Norat enim eum a quo ipse prodebat: propterea dixit, Non omnes estis mundi.

12 Postquam ergo lavisset pedes eorum, et pallium suum recepisset, rursum discubuit, et dixit
13 eis, Nostisne quid fecerim vobis? Vos me vocatis, Magister ac Domine; et bene dicitis: sum
14 enim. Itaque si ego lavi pedes vestros Dominus et magister, vos quoque debetis alii aliorum pedes lavare. Exemplum enim præbui vobis, ut
15 prout ego feci vobis, *ita* et vos faciatis. Amen, amen, dico vobis, Servus non est major domino suo, neque legatus major eo a quo ipse missus
16 est. Si hæc noveritis, beati eritis si ea feceritis.
17 Non de omnibus vobis loquor: ego scio quos elegerim: sed *oportet* ut impleatur scriptura, Qui edit mecum panem, sustulit adversum me calcem suam. Jam nunc dico vobis priusquam fiat, ut quum factum fuerit, credatis
18 me *eum* esse. Amen, amen, dico vobis, Quando aliquem misero, quisquis *eum* recipit, me recipit; qui vero me recipit, recipit eum qui me misit.
19 Quum hæc dixisset Jesus, turbatus est spiritu; et testatus est, dixitque, Amen, amen, dico vobis, Unus ex vobis prodet me.

22 Discipuli ergo aspiciebant alii ad alios, incerti
23 de quo diceret. Erat autem quidam ex discipulis Jesu accumbens in sinu ipsius, *nimirum* is
24 quem diligebat Jesus. Innuit ergo huic Simon Petrus *ut* percontaretur quisnam esset de quo

25 diceret. Ille vero quum sese inclinasset in pectus Jesu, dicit ei, Domine, quis est?

26 Respondit Jesus, Ille est cui ego intinctam offulam dedero.

Et quum intinxisset offulam, dedit Judæ filio
27 Simonis Iscariotæ. Et post *sumptam* offulam, tunc ingressus est in illum Satan. Dicit igitur
28 ei Jesus, Quod facis, mox facito. Hoc autem nemo accumbentium intelligebat quorsum ei dixisset. Quidam enim putabant, quoniam marsupium habebat Judas, Jesum ei dixisse, Eme quibus opus est nobis ad festum: aut egenis ut
30 aliquid daret. Ille igitur, accepta offula, statim exivit: erat autem nox.

31 Quum ergo exivisset, dicit Jesus, Nunc glorificatus est Filius hominis, et Deus glorificatus
32 est in eo. *Quod* si Deus glorificatus est in eo, Deus quoque glorificabit eum in sese, et statim
33 glorificabit eum. Filioli, adhuc paulisper vobiscum sum. Quæretis me: sed sicut dixi Judæis, Quo ego vado, vos non potestis venire; *ita* et
34 vobis nunc dico. Præceptum novum do vobis, Ut alii alios diligatis: sicut, *inquam*, dilexi vos,
35 ut vos etiam diligatis alii alios. Ex hoc omnes cognoscent vos esse discipulos meos, si charitatem habueritis alii in alios.

36 Dicit ei Simon Petrus, Domine, quo abis?

Respondit ei Jesus, Quo abeo non potes me nunc sequi: postea vero sequeris me.

37 Dicit ei Petrus, Domine, quare non possum te sequi nunc? animam meam pro te deponam.

38 Respondit ei Jesus, Animam tuam pro me depones? Amen, amen, dico tibi, Non emittet vocem gallus, donec ter me abnegaveris.

14 NE turbator cor vestrum, creditis in Deum;
2 etiam in me credite. In domo Patris mei habi-

tationes multæ sunt; alioqui dixissem vobis.

3 Proficiscor paraturus vobis locum: et quum profectus fuero, et paravero vobis locum, rursum veniam, et assumam vos ad meipsum; ut ubi ero
4 ego, et vos sitis. Et quo ego abeam scitis, et viam scitis.

5 Dicit ei Thomas, Domine, nescimus quo abeas: quomodo igitur possumus viam scire?

6 Dicit ei Jesus, Ego sum via illa, et illa veritas, et vita illa: nemo venit ad Patrem nisi per
7 me. Si nossetis me, Patrem etiam meum nossetis: et jam nunc nostis eum, et vidistis eum.

8 Dicit ei Philippus, Domine, ostende nobis Patrem, et sufficit nobis.

9 Dicit ei Jesus, Tantum temporis vobiscum sum, et non nosti me? Philippe, qui vidit me, vidit Patrem: quomodo igitur tu dicis, Ostende nobis
10 Patrem? Non credis me in Patre, et Patrem in me esse? Verba quæ ego loquor vobis, a meipso non loquor: sed Pater qui in me manet,
11 ipse facit opera. Credite mihi me in Patre, et Patrem in me *esse*; sin minus, propter ipsa
12 opera credite mihi. Amen, amen, dico vobis, Qui credit in me, opera quæ ego facio, et ipse faciet, et majora istis faciet: nam ego ad Patrem
13 meum proficiscor. Et quicquid petieritis in nomine meo, hoc faciam: ut glorificetur Pater in
14 Filio. Si quid petieritis in nomine meo, ego faciam.

15 Si diligitis me, præcepta mea observate. ¹⁶ Ego vero rogabo Patrem, et alium advocatum dabit
17 vobis ut maneat vobiscum in æternum: *nempe* Spiritum illum veritatis, quem mundus non potest recipere, quia non conspicit eum, nec novit eum; vos autem nostis eum, quia apud vos ha-
18 bitat, et intra vos erit. Non relinquam vos or-

19 bos; redeo ad vos. Adhuc paululum, et mundus me non amplius conspiciet; vos autem conspici-
20 etis me; quia ego vivo, vos etiam vivetis. In illo die vos cognoscetis me esse in Patre meo,
21 et vos in me, et me in vobis. Qui tenet præcepta mea, et observat illa, is est qui diligit me: qui autem diligit me, diligitur a Patre meo; et ego diligam eum, et ei conspiciendum exhibebo meipsum.

22 Dicit ei Judas, non *ille* Iscariotes, Domine, quid est cur te sis nobis conspiciendum exhibiturus, et non mundo?

23 Respondit Jesus, et dixit ei, Si quis diligit me, sermonem meum servabit, et Pater meus diliget eum, et ad eum veniemus, et apud eum
24 habitabimus. Qui non diligit me, sermones meos non servat; et sermo quem auditis non est meus, sed ejus qui misit me, *nempe* Patris.

25 Hæc locutus sum vobis, apud vos manens.
26 Advocatus autem ille, *id est*, Spiritus Sanctus, quem mittet Pater in nomine meo, ille vos docebit omnia, et suggeret vobis omnia quæ dixi vobis.

27 Pacem relinquo vobis, pacem illam meam do vobis: non prout mundus dat, ego do vobis. Ne
28 turbator cor vestrum, neque formidato. Audivistis me dixisse vobis, Abeo, et redeo ad vos. Si diligeretis me, gauderetis utique quod dixerim, Proficiscor ad Patrem; nam Pater major me est.
29 Et nunc dixi vobis, priusquam fiat; ut quum factum fuerit, credatis.

30 Non loquar amplius multa vobiscum: venit enim princeps mundi hujus, sed in me non habet
31 quicquam. Sed *hæc fiunt* ut norit mundus Patrem a me diligi; et prout præcepit mihi Pater, ita facio. Surgite, abeamus hinc.

15 EGO sum vitis illa vera, et Pater meus est
2 agricola ille. Omnem palmitem in me non ferentem fructum, tollit; et omnem qui fert fructum, purgat, ut plus fructus adferat. Jam vos puri estis propter sermonem quem locutus sum vobis. Manete in me, et ego in vobis *manebo*: sicut palmes non potest ferre fructum a semetipso, *id est*, nisi manserit in vite; ita nec vos, nisi in me manseritis. Ego sum vitis, vos palmites: is qui manet in me, et in quo ego *maneo*, hic fert fructum multum; nam seorsim a me nihil potestis facere. Nisi quis in me manserit, abjectus extra *vineam*, statim ut palmes arescet: deinde colliguntur isti *palmites*, et in ignem abjiciuntur, et ardent. Si manseritis in me, et verba mea in vobis manserint, quicquid volueritis, petite, et fiet vobis. In hac re glorificatus fuerit Pater meus, ut fructum multum adferatis; et eritis mei discipuli.

9 Prout dilexit me Pater, *ita* et ego dilexi vos:
10 manete in illa mea charitate. Si praecepta mea observaveritis, manebitis in charitate mea; sicut ego Patris mei mandata observavi, et maneo in ejus charitate. Hæc locutus sum vobis, ut gaudium illud meum in vobis maneat, et gaudium vestrum compleatur. Hoc est praeceptum illud meum, ut diligatis alii alios, prout dilexi vos. Majorem charitatem nullus habet quam istam, ut quispiam animam suam deponat pro amicis suis. Vos amici mei eritis, si feceritis quaecunque ego precipio vobis. Non amplius dicam vos servos, quia servus nescit quid faciat dominus ipsius: vos autem dixi amicos, quia omnia quæ audivi a Patre meo, nota feci vobis. Non vos me elegistis, sed ego elegi vos, et statui vos ut abeuntes fructum feratis, et fructus vester maneat; ut quicquid

17 petieritis a Patre in nomine meo, det vobis. Hæc præcipio vobis, ut diligatis alii alios.

18 Si mundus vos odit, scitis me prius quam vos
19 illi odio habitum. Si ex mundo essetis, mundus
quod suum est amaret; quia vero ex mundo non
estis, sed ego elegi vos ex mundo, propterea
20 odit vos mundus. Mementote sermonis illius
quem ego dixi vobis, Non est servus major do-
mino suo. Si me persecuti sunt, et vos perse-
quentur: si sermonem meum observaverunt, et
21 vestrum observabunt. Sed hæc omnia facient
vobis propter nomen meum, quia non noverunt
22 eum qui misit me. Si non venissem et locutus
essem eis, peccatum non haberent; nunc autem
23 non habent quod prætexant peccato suo. Qui
24 me odit, is etiam Patrem meum odit. Si opera
non fecissem inter eos quæ nemo alius fecit,
peccatum non haberent; nunc autem et viderunt,
25 et oderunt tum me, tum Patrem meum. Sed
oportet ut impleatur sermo qui in lege ipsorum
26 scriptus est, Oderunt me immerito. Quum
autem venerit advocatus ille, quem ego mittam
vobis a Patre, Spiritus, *inquam*, ille veritatis,
27 qui a Patre emanat, ille testabitur de me. Sed
et vos testabimini, quoniam a principio mecum
estis.

16 Hæc locutus sum vobis, ut ne offendamini.
2 Movebunt vos synagogis; imo veniet tempus, ut
quisquis vos interemerit putet *se* cultum præstare
3 Deo. Et hæc facient vobis, quia non noverunt
4 Patrem, neque me. Sed hæc locutus sum vobis,
ut ubi venerit hora illa, memineritis eorum,
nempe, quod ego *hæc* dixerim vobis: hæc autem
vobis a principio non dixi, quia vobiscum eram.
5 Nunc autem abeo ad eum qui misit me, et
nemo ex vobis interrogat me, *dicens*, Quo abis?

6 Sed quia hæc locutus sum vobis, tristitia imple-
7 vit cor vestrum. Sed ego veritatem dico vobis,
confert vobis ut ego abeam: nisi enim abiero,
advocatus ille non veniet ad vos; sin autem
8 profectus fuero, mittam eum ad vos. Et quum
venerit ille, arguet mundum de peccato, et de
9 justitia, et de iudicio: de peccato quidem, eo
10 quod non credunt in me: de justitia vero, eo
quod ad Patrem abeam, et amplius non conspi-
11 cietis me: de iudicio autem, eo quod princeps
hujus mundi condemnatus sit.

12 Adhuc multa habeo quæ vobis dicam; sed
13 nunc non potestis portare. Quum autem venerit
ille, *id est*, Spiritus ille veritatis, dux viæ vobis
erit in omnem veritatem; non enim loquetur a
semetipso, sed quæcunque audierit loquetur; et
14 quæ ventura sunt renunciabit vobis. Ille me
glorificabit; quia de meo accipiet, et renunciabit
15 vobis. Omnia quæ habet Pater, mea sunt; pro-
pterea dixi illum de meo accepturum, et renun-
16 ciaturum vobis. Paulisper, et non conspicietis
me; et rursum paulisper, et videbitis me, quia
ego vado ad Patrem.

17 Dixerunt ergo *quidam* ex discipulis ejus alii
ad alios, Quid est hoc quod dicit nobis, Pauli-
sper, et non conspicietis me; et rursus paulisper,
et videbitis me, et, Quia ego vado ad Patrem?
18 Dicebant ergo, Quid illud est quod dicit, Pauli-
sper? nescimus quid loquatur.

19 Cognovit autem Jesus eos velle ipsum inter-
rogare, et dixit eis, De hoc quæritis inter vos,
quod dixi, Paulisper, et non conspicietis me; et
20 iterum, Paulisper, et videbitis me? Amen, amen,
dico vobis, Flebitis vos, et lamentabimini, mun-
dus autem gaudebit: vos vero tristitia afficiemini,
21 sed tristitia vestra evadet in gaudium. Mulier,

quum parit, dolorem habet, quoniam advenit hora ejus; postquam autem pepererit puerulum, jam non meminit afflictionis, propter gaudium
22 quod homo sit natus in mundum. Et vos igitur nunc quidem tristitia tenemini; sed rursum videbo vos, et gaudebit cor vestrum, et gaudium
23 vestrum nemo tollet a vobis. Et illo die me non interrogabitis quicquam.

Amen, amen, dico vobis, Quaecunque petieritis
24 a Patre in nomine meo, dabit vobis. Usque adhuc non petiistis quicquam in nomine meo: petite, et accipietis, ut gaudium vestrum sit plenum.
25 Hæc locutus sum vobis per similitudines: veniet tempus quum non amplius per similitudines loquar vobis, sed aperte de Patre nuncium afferam vobis. Illo die in nomine meo petetis;
- 26 et non dico vobis me rogaturum Patrem pro vobis. Ipse enim Pater amat vos, quia vos me
27 amastis, et credidistis me a Deo prodiisse. Prodiit a Patre, et veni in mundum; iterum relinquo mundum, et proficiscor ad Patrem.

29 Dicunt ei discipuli ejus, Ecce, nunc aperte
30 loqueris, nec similitudinem ullam dicis. Nunc scimus te scire omnia, nec opus esse tibi ut quis te interroget: per hoc credimus te a Deo prodiisse.

31 Respondit eis Jesus, Nunc creditis? ³² Ecce, veniet tempus, et jam venit, quum dispergemini unusquisque ad sua, meque solum relinquetis:
33 sed non sum solus; nam Pater mecum est. Hæc locutus sum vobis ut in me pacem habeatis: in mundo afflictionem habebitis; sed confidite, ego vici mundum.

17 HÆC locutus est Jesus, et sustulit oculos suos in cœlum, dixitque, Pater, venit hora illa: glorifica Filium tuum, ut et Filius tuus glorificet te:

- 2 sicut dēdisti ei auctoritatem *in* omnem carnem,
ut quotquot dedisti ei, det eis vitam æternam.
- 3 Hæc est autem vita æterna, ut te cognoscant
esse illum solum verum Deum, et quem misisti
- 4 Jesum Christum. Ego te glorificavi in terra;
opus consummavi quod dedisti mihi ut facerem.
- 5 Nunc igitur glorifica me tu, Pater, apud temet-
ipsum, ea gloria quam habui apud te priusquam
mundus esset.
- 6 Manifestum feci nomen tuum hominibus quos
dedisti mihi *selectos* e mundo: tui erant, et mihi
eos dedisti; et sermonem tuum observarunt.
- 7 Nunc noverunt omnia quæ dedisti mihi a te esse;
- 8 quia verba quæ tradidisti mihi, tradidi eis; et ipsi
receperunt, et vere norunt me a te prodiisse, et
crediderunt me a te missum esse.
- 9 Ego pro eis rogo; non pro mundo rogo, sed
- 10 pro *iis* quos dedisti mihi, quia tui sunt. Et mea
omnia tua sunt, et tua mea sunt; et glorificatus
- 11 sum in eis. Et non sum amplius in mundo, sed
isti sunt in mundo, et ego ad te venio. Pater
sancte, conserva eos per nomen tuum quos de-
- 12 disti mihi, ut sint unum, prout *et* nos. Quum
essem cum eis in mundo, ego custodiebam eos
per nomen tuum; quos dedisti mihi ego custo-
- 13 divi, et nemo ex eis periit, nisi filius ille perdi-
tionis; ut scriptura impleretur. Nunc autem ad
te venio, et hæc loquor in mundo, ut habeant
- 14 gaudium meum plenum apud se. Ego tradidi
eis sermonem tuum, et mundus eos odio habuit,
quia non sunt ex mundo, prout et ego non sum
- 15 ex mundo. Non rogo ut tollas eos e mundo,
- 16 sed ut eos a maligno illo conserves. Ex mundo
17 non sunt, prout ego non sum ex mundo. Sancti-
fica eos tua veritate: sermo ille tuus veritas est.
- 18 Sicut me misisti in mundum, *ita* et ego misi eos

- 19 in mundum: et eorum causa ego sanctifico me-
ipsum, ut sint et ipsi sanctificati in veritate.
- 20 Non tantum autem pro istis rogo, sed et pro
iis qui per sermonem eorum credituri sunt in
21 me: ut omnes unum sint, sicut tu, Pater, in me,
et ego in te, ut et ipsi in nobis unum sint: ut
credat mundus me a te missum esse.
- 22 Et ego gloriam, quam dedisti mihi, dedi eis;
23 ut sint unum, sicut et nos unum sumus: ego in
eis, et tu in me, ut sint consummati in unum,
et ut cognoscat mundus quod tu me miseris, et
eos diligas, prout me dilexisti.
- 24 Pater, quos dedisti mihi, velim ut ubi sum
ego, et illi sint mecum; ut spectent gloriam il-
lam meam quam dedisti mihi; quia dilexisti me
ante jactum mundi fundamentum.
- 25 Pater juste, mundus te non novit: ego autem
te novi, et hi noverunt me a te missum esse.
- 26 Et notum ipsis feci nomen tuum, et notum fa-
ciam; ut charitas, qua dilexisti me, sit in eis,
et ego in eis.
- 18 HÆC quum dixisset Jesus, abiit cum disci-
pulis suis trans torrentem Cedron, ubi erat hor-
tus, in quem introivit ipse et discipuli ejus.
- 2 Noverat autem eum locum etiam Judas, qui
prodebat eum, quia Jesus frequenter cum disci-
3 pulis suis illuc convenerat. Judas ergo, quum
accepisset cohortem, et a primariis sacerdotibus
ac Pharisæis ministros, venit illuc cum laternis,
et facibus, et armis.
- 4 Jesus itaque sciens omnia ipsi superventura,
5 prodiens dixit eis, Quem quæritis? Responderunt
ei, Jesum Nazaræum. Dicit eis Jesus, Ego *is*
sum. Stabat autem cum eis etiam Judas qui
6 prodebat eum. Ut ergo dixit eis, Ego *is* sum,
abierunt retrorsum, et ceciderunt humi.

- 7 Iterum igitur rogavit eos, Quem quæritis? Illi
8 autem dixerunt, Illum Jesum Nazaræum. Re-
spondit Jesus, Dixi vobis me eum esse; ergo, si
9 me quæritis, sinite hos abire: ut impleretur sermo
quem dixerat, Ex iis quos dedisti mihi non per-
didi quenquam.
- 10 Simon autem Petrus, quum gladium haberet,
eduxit eum, et feriit servum pontificis maximi,
et abscidit auriculam ejus dextram: erat autem
11 nomen servo Malchus. Dicit ergo Jesus Petro,
Reconde gladium tuum in vaginam: annon bi-
bam poculum quod dedit mihi Pater?
- 12 Cohors igitur et tribunus et ministri Judæorum
13 comprehenderunt Jesum, et vinxerunt eum; et
abduxerunt primum ad Annam, erat enim socer
Caiaphæ, qui erat pontifex maximus anni illius;
is vero misit eum vinctum ad Caiapham ponti-
14 ficem maximum. Erat autem Caiaphas is qui
consilium dederat Judæis, expedire ut unus homo
moreretur pro populo.
- 15 Sequebatur autem Jesum Simon Petrus, et
alius discipulus. Discipulus vero ille notus erat
pontifici maximo, et simul introiit cum Jesu in
16 aulam pontificis maximi. Petrus autem stabat
extra ad ostium. Exivit ergo discipulus ille alter
qui erat notus pontifici maximo, et locutus est
17 ostiariæ, et introduxit Petrum. Dixit ergo Petro
ancilla ostiaria, Nonne et tu ex discipulis es ho-
18 minis istius? Dicit ille, Non sum. Adstabant
autem servi et ministri, qui prunas congesserant,
quia frigus erat, et sese calefaciebant; erat vero
cum eis etiam Petrus adstans, et sese calefaciens.
- 19 PONTIFEX maximus ergo interrogavit Jesum
de discipulis ejus, et de doctrina ipsius.
- 20 Respondit ei Jesus, Ego palam locutus sum
mundo: ego semper docui in synagoga, et in

templo, quo undique Judæi conveniunt, et in oc-
21 culto *loco* locutus sum nihil. Quid me interrogas?
interroga eos qui audierunt quid sim ipsis locu-
tus; ecce, hi sciunt quæ dixerim ego.

22 Hæc autem quum ipse dixisset, unus ex mini-
stris qui adstabat, bacillo cecidit Jesum, dicens,
Itane respondes pontifici maximo?

23 Respondit ei Jesus, Si male locutus sum, testi-
ficare de malo; sin bene, cur me cædis?

24 Miserat igitur eum Annas vinctum ad Caiapham
pontificem maximum.

25 STABAT autem Simon Petrus, et *sese* calefaci-
ebat; dixerunt igitur ei, Num et tu ex discipulis
26 ejus es? Negavit ille, et dixit, Non sum. Dicit
ei quidam ex servis pontificis maximi, cognatus
ejus cujus absciderat Petrus auriculam, Nonne
27 ego te vidi in horto cum eo? Rursus ergo ne-
gavit Petrus, et statim gallus vocem emisit.

28 DUCUNT ergo Jesum a Caiapha in prætorium;
erat autem mane, et ipsi non introierunt in præ-
torium, ne polluerentur, sed ut ederent Pascha.
29 Prodiit ergo Pilatus ad eos foras, et dixit, Quam
accusationem adfertis adversus hominem istum?

30 Responderunt et dixerunt ei, Nisi iste esset
maleficus, non tradidissemus eum tibi.

31 Dicit ergo eis Pilatus, Accipite eum vos, et
secundum legem vestram condemnate eum.

Itaque Judæi dixerunt ei, Nobis non licet
32 interimere quenquam. Ut sermo Jesu impleretur,
quem dixerat, significans qua morte futurum erat
ut moreretur.

33 Regressus est ergo in prætorium Pilatus, et
vocavit Jesum, dixitque ei, Tunc es rex ille
Judæorum?

34 Respondit ei Jesus, A teipso tu hoc dicis, an
alii dixerunt tibi de me?

35 Respondit Pilatus, Nunquid ego Judæus sum? gens tua et primarii sacerdotes tradiderunt te mihi: quid fecisti?

36 Respondit Jesus, Regnum meum non est ex hoc mundo: si ex hoc mundo esset regnum meum, ministri mei certassent ne traderer Judæis: nunc autem regnum meum non est hinc.

37 Dixit ergo ei Pilatus, Ergo rex es tu?

Respondit Jesus, Tu dicis me regem esse: ego ad hoc genitus sum, et ad hoc veni in mundum, ut dem testimonium veritati. Quisquis est ex veritate audit vocem meam.

Dicit ei Pilatus, Quid est veritas?

38 Et quum hoc dixisset, rursum prodiit ad Judæos, et dixit eis, Ego nullum invenio crimen
39 in eo. Est autem vobis consuetudo, ut unum dimittam vobis in Pascha: vultisne ergo dimittam vobis regem illum Judæorum?

40 Clamitarunt autem rursum omnes dicentes, Nequaquam istum, sed Barabbam. Erat autem ille Barabbas latro.

19 Tunc ergo assumpsit Jesum Pilatus, et flagellavit. Et milites contexuerunt coronam e spinis, et imposuerunt ipsius capiti, et pallio purpureo
2 induerunt eum. Et dicebant, Ave rex Judæorum!
3 Et bacillis eum cædebant.

4 Prodiit ergo rursum Pilatus foras, et dixit eis, Ecce, adduco vobis eum foras, ut noveritis me
5 nullum in eo crimen invenire. Prodiit ergo Jesus foras, ferens spineam illam coronam, et purpureum illud pallium. Et dixit eis *Pilatus*, Ecce homo.

6 Quum autem intuiti essent eum primarii sacerdotes et *eorum* ministri, clamitarunt, dicentes, Crucifige, crucifige.

Dicit eis Pilatus, Accipite eum vos, et crucifigite; ego enim non invenio in eo crimen.

7 Responderunt ei Judæi. Nos legem habemus, et secundum legem nostram debet mori, quia Filium Dei se fecit.

8 Quum ergo audivisset Pilatus hunc sermonem, 9 magis metuit. Et rursus ingressus est in prætorium, et dixit Jesu, Unde es tu? Jesus autem 10 responsum ei non dedit. Dicit ergo ei Pilatus, Mihi non loqueris? nescis me auctoritatem habere crucifigendi te, et auctoritatem habere te dimittendi?

11 Respondit Jesus, Non haberes auctoritatem in me ullam, nisi *hoc* tibi datum esset superne: propterea, qui me tradidit tibi, majus peccatum habet.

12 Ex eo *tempore* studebat Pilatus eum dimittere: Judæi vero clamabant, dicentes, Si hunc dimiseris, non es amicus Cæsaris: quicumque se regem facit, contradicit Cæsari.

13 Pilatus ergo quum audisset hunc sermonem, eduxit foras Jesum; conseditque in tribunali, in loco qui dicitur Lithostrotos, Hebraice autem 14 Gabbatha. Erat autem parasceve Paschæ, hora vero quasi sexta: tum dicit Judæis, Ecce rex vester.

15 Illi vero clamitarunt, Tolle, tolle, crucifige eum. Dicit eis Pilatus, Regem vestrum crucifigam? Responderunt primarii sacerdotes, Non habemus regem nisi Cæsarem.

16 TUNC ergo tradidit eum ipsis, ut crucifigetur. Assumpserunt autem Jesum, et abduxerunt.

17 Et *ipse* portans crucem suam prodiens venit in eum locum qui dicitur Calvariæ, Hebraice autem 18 Golgotha: ubi crucifixerunt eum, et cum eo alios duos, hinc et hinc, medium autem Jesum.

19 Scripsit autem etiam titulum Pilatus, et imposuit cruci. Erat vero scriptum, JESUS NAZARÆUS REX ILLE JUDÆORUM.

- 20 Hunc ergo titulum multi Judæorum legerunt; quia prope civitatem erat locus ubi crucifixus erat Jesus: et erat scriptum Hebraice, Græce, et Romane.
- 21 Dixerunt igitur Pilato primarii sacerdotes Judæorum, Ne scribito, Rex ille Judæorum; sed illum dixisse, Rex sum Judæorum.
- 22 Respondit Pilatus, Quod scripsi, scripsi.
- 23 Milites ergo, quum crucifixissent Jesum, acceperunt ejus vestimenta (et fecerunt quatuor partes, unicuique militi partem) et tunicam: erat autem tunica inconsutilis a summo contexta tota.
- 24 Dixerunt ergo inter se, Ne findamus eam, sed sortiamur de illa, cujus futura sit: ut Scriptura impleretur, dicens, Partiti sunt vestimenta mea sibi, et super veste mea jecerunt sortem. Milites igitur hæc fecerunt.
- 25 Stabant autem juxta crucem Jesu, mater ejus, et soror matris ejus, Maria Clopæ *uxor*, et Maria
- 26 Magdalene. Quum vidisset ergo Jesus matrem, ac discipulum adstantem quem diligebat, dicit
- 27 matri suæ, Mulier, ecce filius tuus. Deinde dicit discipulo, Ecce mater tua. Et ex illa hora recepit eam discipulus ille domum suam.
- 28 POSTEA, quum sciret Jesus *reliqua* omnia jam ad finem perducta esse, ut consummaretur scriptura, dixit, Sitio. Vas igitur *illic* erat positum aceto plenum. Illi vero impleverunt spongiam aceto, et hyssopo circumdatam admoverunt ori ejus.
- 30 Quum autem accepisset Jesus acetum, dixit, Consummatum est: et inclinato capite tradidit spiritum.
- 31 JUDÆI ergo, ut non manerent in cruce corpora sabbato, quoniam erat parasceve, (erat enim magnus dies illius sabbati,) rogarunt Pilatum ut

32 confringerentur eorum crura, ac tollerentur. Venerunt ergo milites, et prioris quidem *latronis* confregerunt crura, et alterius qui crucifixus fuerat cum eo. Ad Jesum autem quum venissent, ut viderunt eum jam mortuum, non confregerunt
34 ejus crura: sed quidam ex militibus lancea latus ejus fodit: et statim exivit sanguis et aqua.

35 Et qui vidit, testatur; et firmum est testimonium ejus; ille, *inquam*, scit se vera dicere, ut *et*
36 vos credatis. Facta sunt enim hæc ut scriptura impleretur, *dicens*, Non conteretur *ullum*
37 os ipsius. Et rursus alia scriptura dicit, Intuebuntur in *eum* quem transfixerunt.

38 POST hæc autem rogavit Pilatum Joseph Arimathæensis (ut qui esset discipulus Jesu, sed occultus, propter metum Judæorum) ut tolleret corpus Jesu: quod permisit Pilatus. Venit ergo,
39 et sustulit corpus Jesu. Venit autem et Nicodemus (is qui venerat ad Jesum nocte primum,) ferens misturæ myrrhæ et aloes libras quasi centum. Acceperunt ergo corpus Jesu, et obvinxerunt illud linteis cum aromatibus, sicut mos est Judæis funerare.

41 In eo autem loco ubi fuerat crucifixus, erat hortus, et in horto monumentum novum, in quo
42 nondum quisquam positus fuerat. Ibi ergo, propter parasceven Judæorum, quod monumentum illud prope esset, posuerunt Jesum.

20 PRIMO vero die hebdomadis, Maria Magdalene venit mane, quum adhuc tenebræ essent, ad monumentum, et videt lapidem illum sublatum a
2 monumento. Currit ergo et venit ad Simonem Petrum, et ad alterum illum discipulum quem amabat Jesus, et dicit eis, Sustulerunt Dominum e monumento, et nescimus ubi posuerint eum.

3 Exiit ergo Petrus, et alter ille discipulus, et
4 venerunt ad monumentum. Currebant autem duo
simul; sed alter ille discipulus præcurrit citius
5 Petro, venitque prior ad monumentum. Et quum
se incurvasset vidit posita lintea: non tamen
6 introivit. Venit ergo Simon Petrus sequens eum,
et introivit in monumentum, et conspexit lintea
7 *ibi* posita; et sudarium quod fuerat super caput
ejus, non cum linteis positum, sed seorsum in-
8 volutum in unum locum. Tunc ergo introivit
etiam alter ille discipulus, qui venerat prior ad
9 monumentum, viditque et credidit. Nondum
enim noverant scripturam, videlicet, quod oportet
eum a mortuis resurgere.

10 Redierunt ergo illi discipuli ad suos.

11 MARIA vero flens stabat ad monumentum for-
ris: dum ergo fleret, incurvavit se in monumen-
12 tum. Et conspexit duos angelos albatos, sedentes,
unum ad caput, et alterum ad pedes, *illic* ubi
13 jacuerat corpus Jesu: *qui* etiam dixerunt ei, Mu-
lier, quid fles?

Dicit eis, Sustulerunt Dominum meum, nec
scio ubi posuerint eum.

14 Et quum hæc dixisset, convertit se retrorsum,
conspexitque Jesum adstantem, nec sciebat Jesum
15 esse. Dicit ei Jesus, Mulier, quid fles? quem
quæris?

Illa putans olitorem esse, dicit ei, Domine, si
tu ipsum asportasti, dicito mihi ubi posueris eum,
et ego eum tollam.

16 Dicit ei Jesus, Maria.

Illa se convertens dicit ei, Rabboni, quod di-
citur Magister.

17 Dicit ei Jesus, Ne me tangito; nondum enim
ascendi ad Patrem meum: sed proficiscere ad
fratres meos, et dic eis, Ascendo ad Patrem

meum et Patrem vestrum, et Deum meum et Deum vestrum.

18 Venit Maria Magdalene renuncians discipulis, quod vidisset Dominum, et *quod* ea sibi dixisset.

19 QUUM ergo vespera esset, die illo primo hebdomadis, et fores essent clausæ, *illic* ubi erant discipuli congregati propter metum Jüdæorum, venit Jesus, stetitque in medio *ipsorum*,
20 et dixit eis, Pax vobis. Et quum hæc dixisset, ostendit eis manus ac latus suum. Gavisi sunt ergo discipuli, viso Domino.

21 Dicit autem eis iterum, Pax vobis: sicut misit
22 me Pater, ita et ego mitto vos. Et quum hæc dixisset, afflavit *eos*; et dixit eis, Accipite Spiritum Sanctum. Si quorum remiseritis peccata, remittuntur eis: si quorum retinueritis, retenta sunt.
23
24 THOMAS autem, unus ex duodecim, qui dicitur Didymus, non erat cum eis, quando venerat Jesus.
25 Dixerunt igitur ei alii discipuli, Vidimus Dominum.

Ille vero dixit eis, Nisi videro in manibus ejus vestigium clavorum, et immisero digitum meum in vestigium clavorum, et immisero manum meam in latus ejus, nequaquam credam.

26 OCTO vero post diebus rursus erant discipuli ejus intus, et Thomas cum eis; venit Jesus, foribus clausis, et stetit in medio *ipsorum*, et dixit,
27 Pax vobis. Deinde dicit Thomæ, Infer digitum tuum huc, et vide manus meas, et profer manum tuam, et immitte in latus meum; et ne esto incredulus, sed credens.

28 Respondit autem Thomas, et dixit ei, Domine mi, et Deus mi.

29 Dicit ei Jesus, Quia vidisti me, Thoma, credidisti: beati qui non viderunt, et crediderunt.

30 MULTA vero etiam alia signa edidit Jesus

in discipulorum suorum conspectu, quæ non sunt
31 scripta in hoc libro. Hæc autem scripta sunt, ut
credatis Jesum esse illum Christum Filium illum
Dei, et ut credentes vitam habeatis per nomen
ejus.

21 POSTEA sese conspiciendum præbuit rursus
Jesus discipulis apud mare Tiberiadis: sic autem

2 sese conspiciendum præbuit. Erant simul Simon
Petrus, et Thomas qui dicitur Didymus, et Na-
thanael qui erat ex Cana *urbe* Galilææ, et *filii*

3 Zebedæi, aliique ex discipulis ejus duo. Dicit
eis Simon Petrus, Abeo piscatum. Dicunt ei,
Imus et nos tecum. Exierunt, et ascenderunt in
navigium statim: et illa nocte nihil prehenderunt.

4 Mane vero jam exorto, stetit Jesus ad litus;

5 nesciebant tamen discipuli Jesum esse. Dicit igitur
eis Jesus, Pueri, num quid obsonii habetis?

6 Responderunt ei, Non. At ille dixit eis, Jacite
rete in dextram navigii partem, et invenietis.
Jecerunt ergo, et nequibant amplius illud trahere
præ multitudine piscium.

7 Dicit ergo discipulus ille, quem diligebat Je-
sus, Petro, Dominus est.

Simon ergo Petrus, quum audivisset Dominum
esse, amiculum succinxit, (erat enim nudus,) et

8 abjecit se in mare. Alii vero discipuli navigio
venerunt (non enim longe aberant a terra, sed
circiter cubitis ducentis), trahentes rete *plenum*
piscium.

9 Ut autem descenderunt in terram, vident pru-
nas positas, et piscem impositum, et panem.

10 Dicit eis Jesus, Adferte ex piscibus quos modo

11 cepistis. Ascendit Simon Petrus, et traxit rete
in terram, plenum magnis piscibus centum quin-
quaginta tribus: et quum tot essent, non est fis-
sum rete.

12 Dicit eis Jesus, Venite, prandete. Nullus autem discipulorum audebat eum interrogare, Tu
13 quis es? quum scirent Dominum esse. Venit ergo Jesus, et accipit panem, et dat eis, et piscem similiter.

14 Ista jam tertia vice conspicuum præbuit sese Jesus discipulis suis postquam suscitatus fuerat ex mortuis.

15 Quum ergo pransi essent, dicit Simoni Petro Jesus, Simon *fili* Jonæ, diligis me plus quam hi? Dicit ei, Certe, Domine, tu nosti quod amem te. Dicit ei, Pasce agnos meos.

16 Dicit ei rursum secundo, Simon *fili* Jonæ, diligis me?

Ait illi, Certe, Domine, tu nosti quod amem te. Dicit ei, Pasce oves meas.

17 Dicit ei tertio, Simon *fili* Jonæ, amas me? Tristitia fuit affectus Petrus quod tertio dixisset ipsi, Amas me? dixitque ei, Domine, tu omnia nosti; tu nosti quod amem te.

18 Dicit ei Jesus, Pasce oves meas. Amen, amen, dico tibi, Quum esses junior, cingebas te, et ambulabas quo volebas: quum autem senueris, extends manus tuas, et alius te cinget, et transferet quo noles.

19 Hoc autem dixit, significans qua morte glorificaturus esset Deum.

Et quum hoc dixisset, dicit ei, Sequere me.

20 Conversus vero Petrus videt illum discipulum, quem diligebat Jesus, sequentem, qui et recubuerat in cœna illa super pectus ejus, et dixerat,
21 Domine, quis est ille qui te prodit? Hunc ergo quum vidisset Petrus, dicit Jesu, Domine, hic autem quid?

22 Dicit ei Jesus, Si velim eum manere donec veniam, quid ad te? tu me sequere.

- 23 Exiit ergo sermo iste inter fratres, discipulum illum non moriturum: sed non dixerat ei Jesus, Non morietur: sed, Si eum velim manere donec
24 veniam, quid ad te? Hic est discipulus ille qui de his testatur, et hæc scripsit: et scimus firmum esse testimonium ejus.
- 25 SUNT autem et alia multa quæ fecit Jesus, quæ si scribantur sigillatim, ne mundum quidem ipsum opinor capturum eos qui scriberentur libros. Amen.
-

ACTA SANCTORUM APOSTOLORUM.

- 1 PRIMUM quidem librum confeci, Theophile, de omnibus quæ cœpit Jesus et facere et docere,
2 ad *eum* usque diem, quo, quum præcepta dedisset Apostolis, quos per Spiritum Sanctum elegerat, sursum receptus est. Quibus etiam sese,
3 postquam passus fuit, exhibuit vivum cum multis certissimis signis, per dies quadraginta conspectus ab eis, et dicens quæ ad regnum illud Dei
4 *spectant*. Et cum illis conveniens denunciavit eis ne abscederent Hierosolymis, sed ut expectarent promissionem Patris, quam, *inquit*, audistis ex me. Nam Joannes quidem baptizavit aqua, vos autem baptizabimini Spiritu Sancto istis non multis post diebus.
- 6 QUUM igitur ipsi convenissent, interrogarunt eum, dicentes, Domine, an hoc ipso tempore restitues regnum Israel?
- 7 Dixit autem ad illos, Non est vestrum nosse tempora sive opportunitates quas Pater in sua
8 ipsius auctoritate statuit. Sed recipietis virtutem

Spiritus Sancti, postquam supervenerit in vos, eritisque mihi testes et Hierosolymis, et in tota Judæa, et Samaria, et usque ad ultimas terras.

9 Et quum hæc dixisset, aspicientibus ipsis, elevatus est: et nubes susceptum eum abstulit ab oculis eorum.

10 Et quum essent intentis in cœlum oculis, eo proficiscente, ecce, viri duo adstiterunt illis albo
11 vestitu. Qui et dixerunt, Viri Galilæi, quid statis intuentes in cœlum? hic Jesus qui sursum receptus est *discedens* a vobis in cœlum, ita veniet quemadmodum spectastis eum proficiscentem in cœlum.

12 TUNC reversi sunt Hierosolymam a monte qui vocatur Oliveti, qui est prope Hierosolymam,
13 distans itinere sabbati. Et quum introissent, ascenderunt in cœnaculum, ubi commorabantur et Petrus, et Jacobus, et Joannes, et Andreas, Philippus et Thomas, Bartholomæus et Matthæus, Jacobus *filius* Alphæi et Simon Zelotes, et Ju-
14 das Jacobi *frater*. Hi omnes perdurabant concorditer *in* precibus et supplicationibus, cum uxoribus, et Maria matre Jesu, et cum ipsius fratribus.

15 ET per eos dies quum assurrexisset Petrus in medio discipulorum, dixit, (erat autem turba ca-
16 pitum eodem *loci* quasi centum viginti,) Viri fratres, oportuit impleri scripturam hanc, quam prædixit Spiritus Sanctus per os Davidis, de Juda, qui fuit viæ dux iis qui comprehenderunt
17 Jesum: annumerabatur enim nobiscum, et sortitus erat sortem ministerii hujus. Is igitur acquisivit agrum ex mercede injustitiæ; et præcipitatus crepuit medius, et effusa sunt omnia viscera ejus.
18 Innotuitque omnibus habitantibus Hierosolymis; adeo ut vocetur ager ille propria ipsorum lingua

20 Aceldama, hoc est, Ager sanguinis. Scriptum
est enim in libro Psalmorum, Fiat commora-
tio ejus deserta, et non sit qui habitet in
ea. Et, Episcopatum ejus accipiat alius.
21 Oportet igitur ex iis viris qui nobiscum conve-
nerunt toto tempore quo Dominus Jesus versatus
22 est inter nos, exorsus a baptismo Joannis, ad
eum usque diem quo sursum receptus est a no-
bis, unum fieri nobiscum testem resurrectionis ejus.
23 Statuerunt igitur duos, Joseph vocatum Barsa-
ban, qui cognominabatur Justus, et Matthiam.
24 Et orantes dixerunt, Tu, Domine, qui corda om-
nium nosti, ostende utrum elegeris ex his duobus:
25 ut accipiat sortem ministerii hujus et apostolatus,
a quo aberravit Judas, ut abiret in locum suum.
26 Jecerunt igitur sortes eorum; et cecidit sors
super Matthiam, qui communibus calculis allectus
est cum undecim apostolis.

2 ET quum compleretur dies Pentecostes, erant
2 omnes concorditer eodem *loci*. Tum exstitit re-
pente sonitus e cœlo, tanquam ruentis flatus
violenti, qui replevit totam domum ubi erant
3 considentes. Et visæ sunt eis dispertitæ linguæ
instar ignis, *qui* etiam sedit super unumquemque
4 eorum. Repleti sunt autem omnes Spiritu Sancto,
cœperuntque loqui aliis linguis, prout Spiritus
ille dabat eis effari.

5 Erant vero Hierosolymis habitantes Judæi,
viri religiosi, ex omni natione *eorum* qui sub
6 cœlo *sunt*. Orto autem hoc rumore, convenit
multitudo, et conturbata fuit quod audiret unus-
7 quisque *sua* propria lingua ipsos loquentes. Ob-
stupescabant autem omnes ac mirabantur, dicentes
alii ad alios, Nonne, ecce, omnes isti qui loquun-
8 tur Galilæi sunt? Quomodo igitur nos audimus

eos sua quisque lingua, in qua nati sumus?

9 Parthi et Medi, et Elamitæ, et qui incolimus
Mesopotamiam, Judæamque, et Cappadociam,
10 Pontum et Asiam, Phrygiam et Pamphyliam,
Ægyptum et partes Libyæ quæ est secundum
Cyrenen, et advenæ Romani, tum Judæi tum
11 proselyti, Cretes, et Arabes, audimus eos loquen-
tes nostris linguis magnifica Dei *facta*.

12 Obstupescabant igitur omnes, et hæsitabant,
dicentes alius ad alium, Quid hoc *rei* esse pos-
13 sit? Alii vero sannis *eos* excipientes dicebant,
Vino dulci pleni sunt.

14 CONSISTENS autem Petrus cum undecim, extu-
lit vocem suam, et affatus est eos, dicens, Viri
Judæi, *vosque* omnes qui habitatis Hierosolymis,
hoc vobis notum esto, et auribus percipite verba
15 mea. Non enim, ut vos præsumitis, isti ebrii
16 sunt, quum sit hora diei tertia: sed hoc illud
17 est quod dictum est per prophetam Joelem, Et
erit ultimis temporibus (dicit Deus) ef-
fundam ex Spiritu meo in quamvis car-
nem: et prophetabunt filii vestri et filiæ
vestræ, et juvenes vestri visiones vide-
bunt, et seniores vestri somnia somnia-
18 bunt. Et quidem in servos meos et in
ancillas meas in diebus illis effundam
19 ex Spiritu meo, et prophetabunt. Et
edam prodigia in cælo sursum, et signa
in terra deorsum, sanguinem, et ignem,
20 et vaporem fumi. Sol convertetur in te-
nebras, et luna in sanguinem, priusquam
veniat dies ille Domini magnus et illu-
21 stris. Et futurum est, ut quicumque in-
vocaverit nomen Domini, servetur.

22 Viri Israelitæ, audite sermones istos: Jesum
illum Nazaræum, virum a Deo approbatum apud

- vos præstantibus factis, et prodigiis, et signis
quæ edidit per eum Deus in medio vestri, sicut
23 et ipsi nostis: hunc, *inquam*, definito illo con-
silio et præcognitione Dei deditum, quum acce-
pissetis, manibus sceleratis *cruci* affixum intere-
24 mistis: quem Deus suscitavit, solutis doloribus
mortis, eo quod fieri non poterat ut ipse ab ea
25 retineretur. David enim dicit de eo, Prospi-
ciebam Dominum in conspectu meo sem-
per; quoniam est mihi ad dextram, ne
26 concutiar. Propterea oblectatum est cor
meum, et exsultavit lingua mea: atque
adeo caro mea commorabitur cum spe.
27 Quoniam non deseres animam meam apud
inferos, nec sines Sanctum illum tuum
28 sentire corruptionem. Notas mihi fecisti
vias vitæ; replebis me oblectatione in
29 tui conspectu. Viri fratres, licet libere dicere
apud vos de patriarcha David, eum et obiisse
et sepultum esse, et monumentum ejus esse apud
30 nos ad hunc usque diem. Propheta igitur quum
esset, et sciret Deum jurejurando sibi jurasse,
fore ut ex fructu lumbi ipsius, quod ad carnem
attinet, Christum illum suscitet, *quem* colloca-
31 ret super ejus throno: præscius locutus est de
resurrectione Christi, non derelictam esse apud
inferos animam ejus, neque carnem ejus sensisse
corruptionem.
- 32 Hunc Jesum suscitavit Deus: cujus *rei* omnes
33 nos sumus testes. Itaque dextra Dei sursum sub-
latus, et promisso Spiritu Sancto accepto a Patre,
effudit hoc quod vos nunc videtis et auditis.
34 Nec enim David ascendit in cœlos: sed dicit
ipse, Dixit Dominus Domino meo, Sede
35 ad dextram meam, usquedum statuero
inimicos tuos scabellum pedum tuorum.

36 Certo sciat ergo tota domus Israelis, quod Deus hunc fecerit Dominum et Christum, hunc ipsum, *inquam*, Jesum quem vos crucifixistis.

37 QUI vero hæc audierunt compuncti sunt corde, et dixerunt ad Petrum ac reliquos apostolos, Quid faciemus, viri fratres?

38 Petrus autem ait ad eos, Resipiscite, et baptizetur unusquisque vestrum in nomen Jesu Christi in remissionem peccatorum: et accipietis donum

39 Spiritus Sancti. Vobis enim *facta est* promissio, et liberis vestris, et omnibus longe post *futuris*, quoscunque videlicet advocaverit Dominus Deus noster.

40 Aliisque sermonibus plurimis obtestabatur, et exhortabatur *eos*, dicens, Servamini ex gente ista prava.

41 Qui ergo libenter receperunt sermonem ejus, baptizati sunt: et additæ sunt *ecclesiæ* die illo animæ quasi ter mille. Perdurabant autem in doctrina apostolorum, et communicatione, et fractione panis, et orationibus.

43 Obortus est autem omnibus metus; multaque
44 prodigia et signa per apostolos fiebant. Omnes autem qui credebant erant eodem *loci*, et habebant omnia communia; et possessiones ac facultates vendebant, et dispertiebant ea omnibus, prout cuique opus erat. Et quotidie perdurantes concorditer in templo, ac frangentes domatim panem, capiebant cibum cum exultatione et simplicitate cordis; laudantes Deum, et habentes gratiam apud totum populum. Dominus autem addebat quotidie *ecclesiæ* qui salvi fierent.

3 CETERUM Petrus et Joannes simul ascendebant in templum sub horam orationis, *nempe*
2 nonam. Quidam autem vir claudus ab utero matris suæ portabatur: quem ponebant quotidie

ad portam templi quæ dicitur Speciosa, ut peteret eleemosynam ab ingredientibus in templum.

3 Is, quum vidisset Petrum ac Joannem ingres-
suros in templum, rogavit ut eleemosynam acciperet.

4 Intentis autem in eum oculis Petrus cum Jo-
5 anne, dixit, Aspice ad nos. Ille igitur attende-
bat eos, sperans se aliquid ab eis accepturum.

6 Petrus autem dixit, Argentum et aurum non est
mihi: quod autem habeo, hoc tibi do; In nomine

7 Jesu Christi Nazaræi surge et ambula. Et pre-
hensa manu ejus dextra, erexit *eum*: illico vero
solidatæ sunt plantæ ipsius ac malleoli.

8 Et exsiliens stetit, et ambulavit, et ingressus
est cum eis in templum, ambulans et saliens, et

9 laudans Deum. Viditque eum totus populus am-
10 bulantem et laudantem Deum. Et eum agnove-
runt illum esse qui ad *petendam* eleemosynam
sedebat ad Speciosam portam templi: et impleti
sunt pavore et stupore super eo quod ei conti-
11 gerat. Quum autem claudus ille, qui sanatus fu-
erat, teneret Petrum et Joannem, cucurrit totus
populus ad eos in porticum quæ appellatur So-
lomonis, expavefactus.

12 Quo viso Petrus respondit populo, Viri Israe-
litæ, quid miramini de hac re? aut quid intentos
oculos in nos habetis, quasi propria potentia vel
13 pietate effecerimus ut hic ambulet? Deus ille
Abrahami, et Isaaci, et Jacobi, Deus, *inquam*,
patrum nostrorum glorificavit Filium suum Jesum,
quem vos tradidistis et abnegastis in conspectu
Pilati, quum ille judicasset esse dimittendum.

14 Vos autem Sanctum illum et Justum abnegastis,
15 et postulastis homicidam condonari vobis; Prin-
cipem autem interemistis vitæ, quem Deus susci-
16 tavit ex mortuis; cujus *rei* nos testes sumus. Et

per fidem in nomen ipsius, hunc quem conspici-
tis ac nostis, confirmavit nomen ipsius: fides,
inquam, quæ per ipsum *est*, dedit isti integrita-
tem hanc coram omnibus vobis.

17 Sed nunc, fratres, scio vos per ignorantiam
18 *ista* fecisse, sicut et primores vestros. Deus au-
tem quæ prænunciaverat per os omnium prophe-
tarum suorum, Christum suum perpessurum, ita
19 implevit. Resipiscite, igitur, et convertite vos,
ut deleantur peccata vestra, postquam venerint
præstituta tempora refrigerationis a conspectu
20 Domini. Et miserit prius prædicatum vobis Je-
21 sum Christum: quem oportet quidem cœli capiant
usque ad tempora restitutionis omnium, de qui-
bus locutus est Deus a seculo per os omnium
22 sanctorum suorum prophetarum. Moses etenim
ad patres dixit, Prophetam suscitabit vobis
Dominus Deus vester ex fratribus vestris,
sicut me: audietis eum in omnibus quæ
23 locutus fuerit vobis. Futurum est autem
ut quisquis non auscultarit prophetam il-
24 lum, disperdatur e populo. Sed et omnes
prophetæ a Samuele et iis qui deinceps *fuerunt*
quotquot locuti sunt, etiam prænunciarunt dies
25 istos. Vos estis filii prophetarum, et pacti quod
pepigit Deus erga patres nostros, dicens ad Abra-
hamum, Et in semine tuo benedictionem
26 consequentur omnes familiæ terræ. Vobis
primum Deus suscitatum Filium suum Jesum mi-
sit, qui benediceret vobis, unoquoque *sese* aver-
tente a pravitatibus vestris.

4 LOQUENTIBUS autem ipsis ad populum, super-
venerunt sacerdotes et præfectus templo et Sad-
2 duccæi; moleste ferentes quod docerent populum,
et annuntiarent Jesum per resurrectionem ex
3 mortuis. Et injecerunt in eos manus, posuerunt-

que eos custodiendos in posterum diem; nam erat jam vespera.

4 Multi vero eorum qui audierant hunc sermonem, crediderunt: et factus est numerus virorum quasi quinquies mille.

5 Factum est autem postero die, ut congregarentur primores eorum et seniores et scribæ

6 Hierosolymis; et Annas pontifex maximus, et Caiaphas, et Joannes, et Alexander, et quotquot

7 erant ex genere pontificio. Quum igitur statuisent eos in medio, percontati sunt, Qua potestate aut quo nomine vos hoc fecistis?

8 Tunc Petrus repletus Spiritu Sancto dixit eis,

9 Primores populi, et seniores Israelis, quandoquidem de nobis hodie quæstio habetur super beneficio in hominem infirmum *collato*, quomodo

10 *videlicet* iste servatus sit: notum sit omnibus vobis, et toti populo Israelitico, per nomen Jesu Christi Nazaræi, quem vos crucifixistis, quem Deus suscitavit ex mortuis, per hoc, *inquam*,

11 istum adstare sanum in vestro conspectu. Hic est lapis ille pro nihilo habitus a vobis ædificantibus, qui factus est caput anguli. Nec est in alio quoquam salus; nec enim aliud nomen est sub cœlo quod datum sit inter homines, per quod oporteat nos servari.

13 Conspecta vero Petri in dicendo libertate et Joannis, compertoque homines esse illiteratos et idiotas, admirabantur, et agnoscebant eos cum

14 Jesu fuisse. Et hominem illum, qui sanatus fuerat, videntes stantem cum eis, nihil poterant contradicere.

15 Jussis autem ipsis extra concilium abire, conferebant inter se, dicentes, Quid faciemus hominibus istis? nam conspicuum signum editum esse per eos, manifestum est omnibus habitantibus in

- 17 Hierosolymis, nec *id* possumus negare: sed ne
id amplius serpat in populum, minaciter intermi-
nemur eis, ne posthac ulli hominum loquantur
in nomine isto.
- 18 Itaque vocatis ipsis denunciarent ne omnino
19 loquerentur neve docerent in nomine Jesu. Pe-
trus autem et Joannes respondentes dixerunt eis,
An justum sit in conspectu Dei vobis potius
20 auscultare quam Deo, judicate. Non enim
possumus nos, quæ vidimus et audivimus, non
loqui.
- 21 Illi vero, non invenientes quomodo punirent
eos, additis minis eos dimiserunt, propter popu-
lum, quia omnes glorificabant Deum super eo
22 quod factum fuerat. Annorum enim erat amplius
quadraginta homo ille, in quo editum fuerat si-
gnum istud sanationis.
- 23 DIMISSI autem *illi* venerunt ad suos, et renun-
ciarunt quæ primarii sacerdotes et seniores ipsis
dixerant.
- 24 Qui quum *hæc* audissent, concorditer sustule-
runt vocem ad Deum, dixeruntque, Domine, tu
es Deus ille qui fecisti cælum ac terram, mare,
25 et omnia quæ in eis sunt; qui Spiritu Sancto per
os Davidis pueri tui dixisti, Cur fremuerunt
gentes, et populi meditati sunt inania?
26 Adstiterunt reges terræ, et principes
congregati sunt simul adversus Domi-
27 num, et Christum ejus. Congregati sunt enim
in hac civitate vere adversus sanctum Filium
tuum Jesum quem unxisti, Herodes et Pontius
28 Pilatus, cum gentibus, et populis Israeliticis, ut
facerent quæcunque manus tua et consilium tuum
29 prædefiniit ut fierent. Nunc igitur, Domine, de-
spice in minas eorum, et da servis tuis ut cum
30 omni libertate loquantur sermonem tuum, manu

tua a te extensa ad sanandum, signisque et prodigiis editis per nomen sancti Filii tui Jesu.

31 Quum autem precati essent, succussus est locus in quo erant congregati: et repleti sunt omnes Spiritu Sancto, et locuti sunt sermonem Dei cum libertate.

32 MULTITUDINIS autem eorum qui crediderant erat cor et anima una: nec quisquam aliquid eorum quæ habebat suum esse dicebat, sed erant
33 eis omnia communia. Et apostoli magna vi reddebant testimonium resurrectionis Domini Jesu:
34 et gratia magna erat super eos omnes. Nullus enim erat egenus inter eos: quotquot enim erant possessores agrorum aut domorum, vendentes ad-
35 ferebant pretia eorum quæ vendita fuerant; et deponebant ad pedes apostolorum: distribuebatur autem *hoc* singulis, prout cuique opus erat.

36 Joseph ergo, qui cognominatus est Barnabas ab apostolis (quod est, si interpreteris, filius consolationis) Levites, Cyprius genere, quum haberet agrum, vendito *eo* attulit pecuniam, deposuitque ad pedes apostolorum.

5 VIR autem quidam nomine Ananias, cum Sapphira uxore sua, vendidit possessionem; et intervertit *aliquid* ex pretio, conscia etiam uxore sua, allatamque partem aliquam ad pedes apostolorum deposuit.

3 Dixit autem Petrus, Anania, cur implevit Satanias cor tuum, ut mentireris *in* Spiritum Sanctum, et interverteres ex pretio istius prædii?
4 nonne, si servasses, manebat tibi, et venundatum in tua erat potestate? quid *erat* cur induceres in animum rem istam? non es mentitus hominibus, sed Deo.

5 Audiens autem Ananias hos sermones, cecidit exanimis: et exstitit metus magnus super omnes

- 6 audientes ista. Surgentes vero juvenes subtraxerunt eum, elatumque sepelierunt.
- 7 Intercessit autem ferme horarum trium intervallum, quum uxor quoque ipsius, nesciens quod factum fuerat, ingressa est. Dixit autem ei Petrus, Dic mihi, num tanti prædium vendidistis?
- 8 Ipsa vero dixit, Etiam, tanti. Petrus autem dixit ei, Quid *est* cur convenerit inter vos ut tentaretis Spiritum Domini? ecce, pedes eorum qui sepelierunt virum tuum, ad ostium *adsunt*, et efferent te.
- 10 Illico vero cecidit ad pedes ejus, et exanimata est: ingressi autem juvenes, invenerunt eam mortuam, et elatam sepelierunt juxta virum suum.
- 11 Et obortus est metus magnus toti ecclesiæ et omnibus qui hæc audiebant.
- 12 PER manus autem apostolorum edebantur signa et prodigia multa in populo: et erant concorditer omnes in porticu Solomonis. Reliquorum autem nemo audebat ipsis adhærere: sed magnificabat eos populus. Imo vero adjiciebantur qui crederent Domino, multitudo *videlicet* virorum simul ac mulierum. Adeo ut in plateas efferrent ægrotos et ponerent in lectis ac grabatis; ut venientis Petri vel umbra inumbraret aliquem eorum. Conveniebat autem etiam vulgus vicinarum urbium Hierosolymam, adferentes ægrotos ac vexatos a spiritibus impuris, qui sanabantur omnes.
- 17 CONSURGENS autem pontifex maximus, et omnes qui cum eo erant, quæ est hæresis Sadducæorum, repleti sunt invidia: et injecerunt manus in apostolos, posueruntque eos in custodia publica.
- 19 Sed angelus Domini per noctem aperuit fores carceris, eductisque illis, dixit, Ite, et *vos* sisten-

tes loquimini populo in templo omnia verba vitæ
21 hujus. *Illi* vero, quum *hæc* audissent, introierunt
sub diluculum in templum, et docebant.

Adveniens autem pontifex maximus, et qui
cum eo *erant*, convocaverunt concilium et uni-
versum senatum filiorum Israel; miseruntque in
22 carcerem, ut illi adducerentur. Quum autem ve-
nissent ministri, non invenerunt eos in carcere:
23 *quod* reversi renunciaverunt, dicentes, Carcerem
quidem invenimus clausum quam tutissime, et
custodes extra stantes ante fores: quum aperuis-
semus autem, neminem intus invenimus.

24 Ut vero audierunt hos sermones et pontifex
et præfectus templo, et primarii sacerdotes, hæ-
sitabant super eis, quonam hoc evasurum esset.

25 Adveniens autem quidam renunciavit eis, Ecce,
viri quos posueratis in carcere, stant in templo
et docent populum.

26 Tunc præfectus abiens cum ministris adduxit
eos, non *tamen* per vim (metuebant enim popu-
27 lum, ne lapidarentur). Adductos igitur eos sta-
tuerunt in concilio: et interrogavit eos pontifex
28 maximus, dicens, Nonne etiam atque etiam de-
notavimus vobis ne doceritis nomine isto? et ecce,
replevistis Hierosolymam doctrina vestra, et vul-
tis in nos inducere sanguinem hominis istius.

29 Respondens autem Petrus et apostoli dixerunt,
Obedire oportet Deo potius quam hominibus.
30 Deus ille patrum nostrorum suscitavit Jesum,
31 quem vos interfecistis suspensum in ligno: hunc,
inquam, Deus dextra sua evectum *constituit*
principem ac servatorem, ut det resipiscentiam
32 Israeli, et remissionem peccatorum. Et nos su-
mus ei testes horum quæ dicimus: atque etiam
Spiritus ille Sanctus, quem dedit Deus iis qui
dicto sunt audientes ipsi.

33 At illi, *his* auditis, frendebant, et consultabant de iis interficiendis.

34 Assurgens autem in concilio quidam Pharisæus, nomine Gamaliel, legis doctor, quem totus populus in pretio habebat, jussit ut paulisper abducerent foras apostolos: et dixit eis, Viri Israelitæ, attendite vobis ipsis, quod ad istos homines
35 *attinet*, quid facturi sitis. Nam ante hæc tempora exortus est Theudas, dicens se aliquem esse: cui agglutinatus est numerus virorum circiter quadringentorum: qui interemtus est, et omnes qui paruerant ei dissoluti sunt, et ad nihilum redacti. Post hunc exortus est Judas ille Galilæus temporibus descriptionis, et avertit populum non parvum post se: periit et ille, et omnes
36 qui assensi fuerant ei dispersi sunt. Nunc itaque dico vobis, Abscedite ab hominibus istis, et missos ipsos facite; quoniam si est ex hominibus consilium hoc, sive opus istud, dissolvetur:
37 sin ex Deo est, non potestis illud dissolvere: *et videte* ne etiam cum Deo pugnare comperiamini.

40 Assensi sunt autem ei: et quum advocassent apostolos, cæsis mandarunt ne loquerentur in nomine Jesu: et dimiserunt eos. Ipsi ergo gaudentes profecti sunt a conspectu concilii, quod digni habiti essent qui pro nomine Jesu contumelia afficerentur. Et quotidie in templo et domatim non cessabant docere et evangelizare Jesum Christum.

6 CETERUM per eos dies quum multiplicarentur discipuli, ortum est murmur Græcorum adversus Hebræos, quod ipsorum viduæ despicerentur in ministerio quotidiano.

2 Itaque duodecim illi, advocata multitudo discipulorum, dixerunt, Non est æquum nos, derelicto sermone Dei, ministrare mensis. Deligite

ergo, o fratres, ex vobis viros septem, idoneo testimonio ornatos, plenos Spiritu Sancto et sapientia, quos huic usui præficiamus. Nos vero in oratione et administratione sermonis perdurabimus.

Placuit autem hic sermo toti præsentī multitudini: et elegerunt Stephanum, virum plenum fide ac Spiritu Sancto, et Philippum, et Prochorum, et Nicanorem, et Timonem, et Parmenam, et Nicolaum proselytum Antiochensem: quos statuerunt in conspectu apostolorum: qui adhibitis precibus imposuerunt eis manus.

Itaque sermo Dei crescebat, et valde multiplicabatur numerus discipulorum Hierosolymis: multaque turba sacerdotum auscultabat fidei.

STEPHANUS vero, plenus fide ac potentia, edebat prodigia et signa magna in populo. Exorti sunt autem e synagoga quæ dicitur Libertinorum quidam, et Cyrenæorum, et Alexandrinorum, et eorum qui sunt ex Cilicia et Asia, altercantes cum Stephano. Sed nequiverunt obistere sapientiæ et spiritui per quem loquebatur.

Tunc subjecerunt quosdam qui dicerent se audivisse eum loquentem verba blasphema in Mosen et Deum. Commoveruntque plebem et seniores et scribas: et eum adorti, correptum adduxerunt in concilium. Stiteruntque falsos testes qui dicerent, Homo iste non cessat loqui verba blasphema adversus locum hunc sanctum et legem; audivimus enim eum quum diceret, Jesum istum Nazaræum destructurum hunc locum, et mutatum ritus quos tradidit nobis Moses.

Tunc intentis in eum oculis, omnes qui sedebant in concilio, viderunt faciem ejus quasi faciem angeli.

Dixit autem pontifex maximus, Num igitur hæc ita habent?

- 2 IPSE vero dixit, Viri, fratres et patres, audite;
Deus ille gloriæ visus est patri nostro Abrahamo,
quum esset in Mesopotamia, priusquam habitaret
3 Charris: et dixit ei, Exi ex terra tua, et ex co-
gnatione tua, et veni in terram quamcunque
4 ostendero tibi. Tunc exiit e terra Chaldæorum,
et habitavit Charris: et illinc, postquam pater
ejus mortuus est, transtulit eum *Deus* in terram
5 hanc, in qua nunc vos habitatis. Nec dedit ei
hæreditatem in ea, ne vestigium quidem pedis;
quamvis pollicitus esset se illam daturum ei ob-
tinendam, et semini ejus post eum, quum non
6 haberet prolem. Locutus autem est ita Deus,
Erit, *inquit*, semen tuum inquilinum in terra ali-
ena, ubi servituti subjicietur, et male accipietur
7 annis quadringentis. Sed gentem cui servierint
puniam ego, dicit Deus: et post hæc exhibunt, et
8 *ipsum* colent in loco isto. Deditque ei pactum
circumcisionis: et ita *Abrahamus* genuit Isaacum,
et circumcidit eum die octavo; Isaacus autem
genuit Jacobum, et Jacobus duodecim illos pa-
triarchas.
- 9 Patriarchæ vero invidia moti, Josephum ven-
diderunt *abducendum* in Ægyptum: sed erat
10 Deus cum eo. Et eruit eum ex omnibus ipsius
afflictionibus, deditque ei gratiam et sapientiam
coram Pharaone rege Ægypti, qui constituit eum
ductorem Ægypto, et toti domui suæ.
- 11 Venit autem fames in universam terram Ægy-
pti et Chanaan, et afflictio magna: et non inve-
12 niebant cibos patres nostri. Quum audisset au-
tem Jacobus esse triticum in Ægypto, misit
13 patres nostros primum. Et in secunda *profecti-*
one agnitus est Josephus a fratribus suis, et in-
14 notuit Pharaoni genus Josephi. Missis autem
nunciis, Josephus accersivit patrem suum Jaco-

bum, omnemque cognationem suam, caput se-
15 ptuaginta quinque. Descendit ergo Jacobus in
16 Ægyptum, obiitque ipse, et patres nostri. Et
translati sunt Sichemam, et positi in monumento
quod emerat Abrahamus pretio argenti a filiis
Emmoris *patris* Sichemi.

17 Quum autem appropinquaret tempus promissi-
onis quam Deus jurarat Abrahamo, crevit popu-
18 lus, et multiplicatus est in Ægypto; usquequo
exortus est alius rex, qui non noverat Josephum.
19 Hic adversus genus nostrum ingeniosus, male
accepit patres nostros, *adeo* ut exponerent in-
20 fantes suos, ne sobolescerent. Quo tempore na-
tus est Moses, qui fuit divinitus venustus, et
nutritus fuit tres menses in domo patris sui.
21 Expositum autem illum sustulit filia Pharaonis,
et nutritivit eum sibi pro filio.

22 Et eruditus fuit Moses omni sapientia Ægypti-
23 orum; eratque potens dictis et factis. Ut vero
expletum est ei quadraginta annorum tempus,
venit ipsi in mentem invisere fratres suos filios
24 Israelis. Et quum vidisset quendam *ex iis* affici
injuriam, tutatus est *eum*, et eum ultus qui oppri-
25 mebatur, percusso Ægyptio. Existimabat autem
fratres suos intelligere, Deum per manum ipsius
26 dare ipsis salutem: at illi non intellexerunt. Sub-
sequente vero die visus est ipsis pugnantibus, et
compulit eos in pacem, dicens, Viri, fratres estis
27 vos: cur alii alios injuria afficitis? Is autem qui
injuriam afficiebat proximum, repulit eum, dicens,
Quis te nobis constituit principem et judicem?
28 num tu me vis interimere, quemadmodum inter-
29 emisti heri Ægyptium illum? Ad hunc autem
sermonem Moses fugit, et factus est advena in
regione Madiam, ubi genuit duos filios.

30 Expletis vero annis quadraginta, visus est ei

in deserto montis Sina angelus Domini in flam-
31 meo igne rubi. Moses autem ut *hoc* conspexit,
admiratus est visum: et quum accederet ad *hoc*
considerandum, exstitit ad eum vox Domini, *di-*
32 *centis*, Ego *sum* Deus ille patrum tuorum, Deus
Abrahami, et Deus Isaaci, et Deus Jacobi. Tre-
mefactus autem Moses non audebat *illud* consi-
33 derare. Dixit autem ei Dominus, Solve soleas
pedum tuorum: locus enim in quo stas terra
34 sancta est. Vidi, vidi vexationem populi mei qui
est in Ægypto, et suspiria ipsorum audiui, et
descendi ut eruam eos: nunc ergo adesdum, mit-
35 tam te in Ægyptum. Hunc *ergo* Mosen, quem
abnegaverant, dicentes, Quis te constituit princi-
pem et iudicem? hunc, *inquam*, Deus misit prin-
cipem et liberatorem *futurum*, ductu angeli qui
36 visus fuerat ei in rubo. Hic eduxit illos editis
prodigiis et signis in regione Ægypti, et in ru-
bro mari, et in deserto, annis quadraginta.
37 Hic est Moses ille qui dixit filiis Israel, Pro-
phetam suscitabit vobis Dominus Deus vester e
38 fratribus vestris sicut me: ipsum audietis. Hic
ille est, qui, conveniente *populo* in deserto, fuit
cum angelo ipsum alloquente in monte Sina, et
cum patribus nostris, quique excepit viva eloquia
39 quæ nobis traderet. Cui noluerunt auscultare pa-
tres nostri, sed repulerunt *eum*, et aversi sunt
40 cordibus suis in Ægyptum: dicentes Aaroni, Fac
nobis deos qui præeant nobis; Mosis enim isti,
qui eduxit nos ex regione Ægypti, nescimus quid
41 factum sit. Et vitulum fecerunt per illos dies,
obtuleruntque sacrificium idolo, et oblectarunt
42 sese operibus manuum suarum. Vertit autem *sese*
Deus, et tradidit eos ad colendum exercitum cœli:
sicut scriptum est in libro prophetarum, Num
victimas et oblationes obtulistis mihi annis qua-

- 43 draginta in deserto, domus Israelis? Imo bajulastis tabernaculum Molochi, et sidus Dei vestri Remphanis, quas figuras fecistis, ut eas adoretis: itaque transferam vos ad Babylonis fines.
- 44 Tabernaculum testimonii fuit patribus nostris in deserto, prout edixerat is qui dixerat Mosi, ut faceret illud secundum exemplar quod viderat.
- 45 Quod etiam exceptum introduxerunt patres nostri cum Jesu in ipsa occupatione gentium, quas expulit Deus a conspectu patrum nostrorum, usque
- 46 ad dies David; qui invenit gratiam in conspectu Dei, petiitque ut nancisceretur tabernaculum Deo
- 47 Jacob. Solomon autem ædificavit ei ædem.
- 48 Sed Excelsissimus ille in manufactis templis non
- 49 habitat, sicut propheta dicit, Cœlum mihi thronus est; terra autem scabellum pedum meorum. Quam ædem ædificabitis mihi? (dicit Dominus:) aut quis est locus
- 50 requietis meæ? Nonne manus mea fecit hæc omnia?
- 51 Duri cervice, et incircumcisi corde et auribus, vos semper Spiritui illi Sancto obnitimini: quales
- 52 fuerunt patres vestri, tales et vos estis. Quem prophetarum non sunt persecuti patres vestri? occiderunt, inquam, eos qui prænunciarunt adventum Justi illius, cujus nunc vos proditores et
- 53 interfectores facti estis; qui accepistis legem per dispositionem angelorum, et non eam observastis.
- 54 AUDIENTES autem hæc findebantur cordibussuis,
- 55 et stridebant dentibus in eum. Quum autem esset plenus Spiritu Sancto, intentis in cœlum oculis vidit gloriam Dei, et Jesum adstantem ad dextram Dei; et ait, Ecce, conspicio cœlos apertos, et Filium illum hominis adstantem ad dextram Dei.
- 57 Clamantes autem illi voce magna, continuerunt

58 aures suas, et irruerunt concorditer in eum. Et
ejectum eum extra urbem, lapidarunt: testes au-
tem deposuerunt pallia sua ad pedes adolescentis
59 qui vocabatur Saulus. Lapidarunt igitur Stepha-
num, invocantem, et dicentem, Domine Jesu, re-
cipe spiritum meum.

60 Positis autem genibus, clamavit voce magna,
Domine, ne statuas eis hoc peccatum. Et quum
hoc dixisset, obdormivit.

8 Saulus autem ultro consenserat ipsius cædi.
Orta est vero illo die persecutio magna adversus
ecclesiam quæ *erat* Hierosolymis; et omnes di-
persi sunt per regiones Judææ et Samariæ,
præter apostolos.

2 Extulerunt autem una Stephanum viri religiosi,
et planctum magnum ediderunt super eum.

3 Saulus vero vastabat ecclesiam, iens domatim:
et tractos viros ac mulieres tradebat in custo-
4 diam *conjiciendos*. At qui dispersi fuerant per-
agrabant *regionem*, evangelizantes sermonem
Dei.

5 PHILIPPUS vero, quum devenisset in urbem
6 Samariæ, prædicabat eis Christum. Attendebat
autem turba concorditer iis quæ a Philippo dice-
bantur, audientes et videntes signa quæ edebat.
7 Spiritus enim impuri ex multis qui *iis* tenebantur,
exibant, vociferantes voce magna: multique para-
8 lytici et claudi sanati sunt. Et gaudium magnum
exstitit in illa urbe.

9 Vir autem quidam, nomine Simon, antea in
urbe illa exercuerat artem magicam, et gentem
10 Samariæ obstupefecerat, dicens se esse quempiam
magnum. Cui attendebant omnes a minimo usque
ad maximum, dicentes, Iste est potentia illa Dei
11 magna. Attendebant autem ei, propterea quod a
non parvo tempore magicis artibus eos demen-

- 12 tarat. Quum vero credidissent Philippo evangelizanti quæ ad regnum Dei et nomen Jesu Christi *pertinent*, baptizabantur tum viri tum mulieres.
- 13 Simon vero et ipse credidit; et baptizatus perdurabat apud Philippum: et conspiciens signa et virtutes magnas edi, obstupefiebat.
- 14 Quum autem audissent apostoli qui erant Hierosolymis, Samariam recepisse sermonem Dei,
- 15 miserunt ad eos Petrum ac Joannem. Qui quum descendissent, orarunt pro eis, ut acciperent Spiritum Sanctum. (Nondum enim in quenquam illorum illapsus fuerat, sed baptizati tantum fuerant
- 16 in nomen Jesu.) Deinde imposuerunt eis manus, et receperunt *illi* Spiritum Sanctum.
- 18 Quum autem conspexisset Simon per impositionem manuum apostolorum dari Spiritum Sanctum, obtulit eis pecunias: dicens, Date etiam mihi potestatem hanc, ut cuicumque posuero manus, recipiat Spiritum Sanctum.
- 20 Petrus autem dixit ei, Pecunia tua tecum pereat, qui donum Dei existimaris pecuniis acquiri.
- 21 Non est tibi pars neque sors in hoc negotio; cor enim tuum non est rectum in Dei conspectu.
- 22 Resipisce igitur ab ista malitia tua, et deprecare Deum, si forte remittetur tibi machinatio cordis tui. Video enim te in felle amarissimo et nexu injustitiæ positum.
- 24 Respondens autem Simon dixit, Deprecamini vos pro me apud Dominum, nequid superveniat mihi *istorum* quæ dixistis.
- 25 Illi igitur etiam atque etiam testificati et locuti sermonem Dei, reversi sunt Hierosolymam, et multis vicis Samaritanorum evangelizarunt.
- 26 ANGELUS autem Domini locutus est Philippo, dicens, Surge, et vade meridiem versus, ad viam quæ Hierosolymis descendit Gazam, quæ *via* est

27 deserta. Is igitur surgens profectus est; et ecce, quidam Æthiops eunuchus, dynastes Candaces reginæ Æthiopum, qui præerat universæ illius
28 gazæ, venerat Hierosolymam adoraturus: et re-vertebatur sedens in curru suo, legebatque Esaiam prophetam.

29 Dixit autem Spiritus Philippo, Accede, et pro-
30 xime adhæreto curru isti. Accurrens igitur Philippus audivit eum legentem Esaiam prophetam;
31 et dixit, Nempe intelligis quæ legis? At ille ait, Quinam enim possim, nisi mihi quispiam dux viæ fuerit? Et precatus est Philippum ut ascenderet, sederetque secum.

32 Locus autem scripturæ quem legebat hic erat, Ut ovis ad mactationem ductus est: et ut agnus coram suo tonsore mutus, ita
33 non aperuit os suum: in ipsius de-pressi-one iudicium ejus sublatum est: seculum autem ejus quis enarrabit? quoniam tollitur e terra vita ejus.

34 Respondens autem eunuchus Philippo dixit, Rogo te, de quo istud dicit propheta? de seipso,
35 an de alio quopiam? Tum Philippus aperuit os suum; et exorsus a scriptura ista, evangelizavit ei Jesum.

36 Quum vero pergerent in via, venerunt ad quamdam aquam: tum ait eunuchus, En aquam: quid
37 prohibet me baptizari? Dixit vero Philippus, Si credis ex toto corde, licet. Respondens autem *ille* dixit, Credo Jesum Christum esse Filium
38 illum Dei. Jussitque sisti currum: ac descendunt ambo in illam aquam, Philippus simul et eunuchus; et *ille* baptizavit eum.

39 Quum autem ascendissent ex aqua, Spiritus Domini rapuit Philippum, nec amplius vidit eum eunuchus: perrexit igitur in via sua, gaudens.

40 Philippus autem inventus est Azoti: et peragrans *regionem*, evangelizavit omnibus urbibus, usque-
dum veniret Cæsaream.

9 SAULUS autem adhuc spirans minas ac cæ-
dem adversus discipulos Domini, adiit pontificem
2 maximum; et petiit ab eo epistolas *perferendas*
Damascum ad synagogas; ut si quos invenisset
hujus sectæ, tum viros tum mulieres, vinctos ab-
duceret Hierosolymam.

3 Quum autem iter faceret, factum est ut appro-
pinquaret Damasco: et repente circumfudit eum
4 ut fulgur, lux e cœlo. Et quum cecidisset in
terram, audivit vocem dicentem sibi, Saul, Saul,
quid me persequeris?

5 Dixit autem, Quis es, Domine?

Dominus autem dixit, Ego sum Jesus quem tu
persequeris: durum *fuert* tibi contra stimulos
calcitrare.

6 *Saul vero* tremens et pavens dixit, Domine,
quid me vis facere?

Tum Dominus ad eum, Surge, et ingredere
urbem, et dicetur tibi quid te oporteat facere.

7 Viri autem illi, qui cum Saulo iter faciebant,
constiterunt muti, audientes quidem *ejus* vocem,

8 neminem autem conspicientes. Surrexit autem
Saulus e terra; apertisque oculis suis, neminem
videbat: manu vero ductum eum introduxerunt

9 Damascum. Fuitque tribus diebus non videns,
et non edit, neque bibit.

10 ERAT autem quidam discipulus Damasci, no-
mine Ananias; ad quem dixit per visionem Do-
minus, Anania. Et ille ait, Ecce, ego *adsum*,

11 Domine. Tum Dominus ad eum, Surge, et pro-
ficiscere in vicum qui vocatur Rectus, et quære
in domo Judæ Saulum *quendam* nomine, Tar-

12 sensem; ecce enim, orat: et vidit per visionem

virum, Ananiam nomine, introeuntem et imponentem sibi manum, ut visum reciperet. /

13 Respondit autem Ananias, Domine, audiavi ex multis de viro isto, quot malis affecerit sanctos
14 tuos Hierosolymis. Quinetiam hoc loco habet potestatem a primariis sacerdotibus vincendi omnes qui invocant nomen tuum.

15 Dixit autem ad eum Dominus, Proficiscere: nam instrumentum electum est mihi iste, ut portet nomen meum in conspectum gentium, et re-
16 gum, et filiorum Israel: ego enim ei præmonstrabo quam multa oporteat ipsum pro nomine meo pati.

17 Abiit igitur Ananias, et introivit domum illam, et impositis ipsi manibus, dixit, Saul frater, Dominus misit me, (Jesus, *inquam*, qui visus est tibi in via qua veniebas,) ut visum recipias et implearis Spiritu Sancto.

18 Statim autem deciderunt ab oculis ejus quasi squamæ, et visum recepit illico: ac surgens baptizatus est. Quumque cepisset cibum, corroboratus est.

FUIT autem Saulus cum discipulis qui erant
20 Damasci, per dies aliquot. Et statim in synagogis prædicavit Christum, *nempe* eum esse Filium illum Dei. Obstupescebant autem omnes qui eum audiebant, et dicebant, Nonne hic est qui perdidit Hierosolymis eos qui invocabant nomen istud; et huc idcirco venit, ut vinctos eos
22 adduceret ad primarios sacerdotes? Saulus autem magis sese corroborabat, et confundeabat Judæos qui habitabant Damasci, collatis testimoniis demonstrans eum esse Christum illum.

23 Expletis autem multis diebus, ceperunt simul
24 Judæi consilium illum interimendi. Sed intellectæ sunt Saulo insidiæ eorum: adservabant autem

25 portas die ac nocte, ut eum interimerent. Acceptum igitur eum discipuli nocte, per murum demiserunt, fune submissum in sporta.

26 QUUM vero Saulus advenisset Hierosolymam, tentabat se propius adjungere discipulis; sed omnes metuebant eum, non credentes eum esse discipulum. Barnabas autem acceptum eum duxit ad apostolos, et *ipse* narravit eis quomodo in via vidisset Dominum, et quod locutus esset ei, et quomodo Damasci libere locutus esset in nomine Jesu.

28 Versabatur ergo cum eis Hierosolymis. ²⁹ Et libere in nomine Domini Jesu loquebatur, et disceptabat adversus Græcos: illi vero conabantur eum interimere. Quod quum cognovissent fratres, deduxerunt eum Cæsaream, et emiserunt Tarsum.

31 ECCLESIAE igitur per totam Judæam et Galilæam et Samariam habentes pacem, ædificabantur; et pergentes *in* timore Domini, *et* consolatione Sancti Spiritus, multiplicabantur.

32 FACTUM est autem ut Petrus, per omnes pertransiens, deveniret etiam ad sanctos qui habitabant Lyddæ. Reperit autem illic quendam nomine Æneam, ab annis jam octo decumbentem in grabato, qui erat paralyticus: et dixit ei Petrus, Ænea, sanat te Jesus Christus: surge, et sterne tibi ipsi. *Is* autem statim surrexit. Et viderunt eum omnes qui incolebant Lyddam et Sarena, qui converterunt *se* ad Dominum.

36 JOPPÆ vero fuit quædam discipula nomine Tabitha, quæ, si interpreteris, dicitur Caprea: hæc erat dives operum bonorum et eleemosynarum quas præstabat. Factum est autem per illos dies, ut illa ex infirmitate moreretur: quam, quum lavissent, posuerunt in cœnaculo. Quum autem

Lydda esset prope Joppen, discipuli, audito Petrum illic esse, duos viros miserunt ad eum, rogantes ne cunctaretur usque ad ipsos transire.

39 Exsurgens igitur Petrus venit cum eis: quem, quum advenisset, adduxerunt in cœnaculum: et adstiterunt ei omnes viduæ, flentes, et ostendentes tunicas et vestimenta quæ Dorcas faciebat,
40 quum una cum ipsis esset. Ejectis autem omnibus foras, Petrus, positis genibus, oravit: et conversus ad corpus, dixit, Tabitha, surge. Illa vero
41 aperuit oculos suos, et viso Petro resedit. Data autem ei manu *Petrus* erexit eam; et vocatis sanctis ac viduis eam vivam repræsentavit.

42 Id autem innotuit per totam Joppen, et multi
43 crediderunt in Dominum. Factumque est ut dies non paucos maneret *Petrus* Joppæ, apud Simonem quendam coriarium.

10 PORRO quidam erat Cæsareæ, nomine Cornelius, centurio ex legione quæ vocatur Italica,
2 pius ac timens Deum, cum tota domo sua, et præstans eleemosynas multas populo.

3 Qui quum assidue deprecaretur Deum, vidit per visionem manifeste, quasi hora diei nona, angelum Dei introeuntem et dicentem ipsi, Corneli: at ille, intentis oculis in eum et expavefactus, dixit, Quid est, Domine? Dixit autem ei, Orationes tuæ et eleemosynæ tuæ ascenderunt
5 in memoriam in Dei conspectu. Nunc igitur mitte aliquos Joppam, et accerse Simonem qui
6 cognominatur Petrus. Is diversatur apud Simonem quendam coriarium, cui est domus apud mare: is dicet tibi quid te oporteat facere.

7 Ut autem discessit angelus qui loquebatur Cornelio, vocavit duos ex famulis suis, et militem
8 pium ex iis qui cum ipso erant assidui: et quum eis exposuisset omnia, misit eos Joppam.

9 Postridie vero illis iter facientibus et appropinquantibus urbi, ascendit Petrus in solarium ut
10 oraret, circa horam sextam. Factum est autem ut valde esuriret, voluitque capere cibum: parantibus igitur illis, incidit in eum mentis excessus.
11 Conspectitque cœlum apertum, ac descendens ad se vas quoddam ut linteum magnum, quatuor extremis devinctum, quod demittebatur in terram;
12 in quo erant quævis quadrupedia terræ, et feræ,
13 et reptilia, et volucres cœli. Et exstitit vox ad
14 eum, Surge, Petre, macta et ede. Ait autem Petrus, Nequaquam, Domine: nunquam enim ediquicquam pollutum vel impurum. Tum vox rursus ad eum secundo, Quæ Deus purificavit, tu ne
16 polluito. Hoc autem factum est ter: et rursum receptum est vas in cœlum.

17 Quum autem apud se Petrus hæsitaret, *cogitans* quodnam esset visum illud quod viderat, tum ecce, viri qui missi fuerant a Cornelio, percontati de domo Simonis, supervenerunt ad vestibulum; et evocato *quopiam*, percontati sunt an Simon, qui cognominaretur Petrus, illic diversaretur?

19 Petro vero cogitante de visione, dixit ei Spiritus, Ecce, tres viri quærun't te. Surgens itaque
20 descende, et nihil addubitans proficiscere cum eis: nam ego eos misi.

21 Quum descendisset ergo Petrus ad viros illos qui ad ipsum missi fuerant a Cornelio, dixit, Ecce, ego *is* sum quem quæritis: quæ causa est propter quam adestis?

22 Ipsi vero dixerunt, Cornelius centurio, vir justus et timens Deum, et ornatus testimonio totius gentis Judæorum, divinitus admonitus est ab angelo sancto, ut accerseret te domum suam, et abs te quædam audiret.

- 23 Intro vocatos igitur eos accepit hospitio. Po-
stridie vero Petrus abiit cum eis, et quidam ex
24 fratribus Joppensibus comitati sunt eum. Et al-
tero post die introierunt Cæsaream. Cornelius
autem expectabat eos, convocatis cognatis suis
et necessariis amicis.
- 25 Ut autem factum est ut introiret Petrus, oc-
currens ei Cornelius et accidens ad ejus pedes,
adoravit.
- 26 Petrus vero erexit eum, dicens, Surge: et ego
ipse homo sum.
- 27 Et colloquens cum eo, ingressus est, invenit-
28 que multos qui convenerant: dixitque eis, Vos
scitis Judæo nefas esse propius adjungere se aut
accedere ad alienigenam: sed mihi ostendit Deus,
ne quem pollutum vel impurum hominem dice-
29 rem. Quapropter etiam nihil oblocutus veni ac-
cersitus. Percontor, igitur, qua ratione me ac-
cersiveritis?
- 30 Tum Cornelius ait, Nudiusquartus usque ad
hanc horam eram jejunos, et hora nona orabam
domi meæ; et ecce, quidam stetit ob oculos
31 meos, veste splendida: dixitque, Corneli, exau-
ditæ sunt orationes tuæ, et eleemosynæ tuæ in
32 memoriam venerunt in conspectu Dei. Mitte
ergo Joppam, et accerse Simonem qui cognomi-
natur Petrus: hic diversatur in ædibus Simonis
coriarii, apud mare: qui, quum advenerit, loque-
33 tur tibi. Eodem igitur *momento* misi ad te: et
tu bene fecisti qui adveneris. Nunc ergo omnes
nos in conspectu Dei adsumus, ut audiamus om-
nia quæ tibi præcepta sunt a Deo.
- 34 Petrus autem, ore aperto, dixit, Vere depre-
35 hendo Deum non respicere ad personam: sed in
quavis gente acceptum ei esse quemvis qui eum
36 timeat, et operam det justitiæ. Quem sermonem

- significavit filiis Israelis, evangelizans pacem per
37 Jesum Christum, qui est omnium Dominus. Vos
nostis quod gestum est in tota Judæa, initio fa-
cto a Galilæa, post baptismum quod prædicavit
38 Joannes: ut Jesum illum a Nazareth a ungeret
Deus Spiritu Sancto et potentia, qui obambula-
vit beneficiis afficiens, et sanans omnes sub dia-
boli potestatem redactos, quoniam Deus erat cum
39 eo. Et nos sumus testes omnium quæ in re-
gione Judæorum et Hierosolymis fecit; quem
40 interemerunt suspensum in ligno. Hunc Deus ex-
citavit tertio die, fecitque ut conspicuus fieret;
41 non toti populo, sed testibus quos ipse prius de-
signaverat, *nimirum* nobis qui comedimus ac
bibimus una cum eo, posteaquam resurrexit a
42 mortuis. Mandavit autem nobis ut prædicemus
populo, ac etiam atque etiam testificemur eum
esse qui definitus sit a Deo iudex vivorum ac
43 mortuorum. Huic etiam omnes prophetæ testi-
monium dant, remissionem peccatorum accepturum
per nomen ejus quemvis qui crediderit in eum.
44 Adhuc loquente Petro verba ista, illapsus est
Spiritus Sanctus in omnes qui audiebant hunc
45 sermonem. Et fideles qui *erant* ex circumcisi-
one, et venerant cum Petro, obstupuerunt, quod
etiam in gentes effusum esset donum Spiritus
46 Sancti: audiebant enim eos loquentes linguis, ac
magnificantes Deum.
47 Tunc respondit Petrus, Num quis aquam pro-
hibere potest, quominus *videlicet* baptizentur isti
qui Spiritum Sanctum acceperunt sicut et nos?
48 Et præcepit eos baptizari in nomen Domini. Tunc
rogaverunt eum ut *ibi* permaneret ad dies aliquot.
11 AUDIERUNT autem apostoli et fratres qui erant
in Judæa, gentes etiam recepisse sermonem Dei.
2 Quum igitur ascendisset Petrus Hierosolymam,

disceptarunt adversus eum qui *erant* ex circum-
3 cisione, dicentes, Ad viros præputium habentes
introisti, et una edisti cum eis.

4 Exorsus autem Petrus, *omnia* exposuit eis or-
5 dine, dicens, Ego eram in civitate Joppa orans:
et visum in mentis excessu vidi, *nempe* descen-
dens vas quoddam, ceu linteum magnum, quod
quatuor extremis demittebatur e cœlo, et ad me
6 usque venit. In quod quum intendissem oculos,
animadverti, et vidi quadrupedia terræ, et feras,
7 et reptilia, et volucres cœli. Audivi autem vo-
cem dicentem mihi, Surge, Petre, macta et ede.
8 Dixi vero, Nequaquam, Domine: nam nihil com-
mune aut impurum unquam introivit in os meum.
9 Respondit autem mihi vox secundo e cœlo, Quæ
10 Deus purificavit, tu ne polluito. Idque ter factum
est, et rursus omnia sursum retracta sunt in cœ-
11 lum. Tum, ecce, eodem momento tres viri super-
venerunt in ædes in quibus eram, Cæsarea missi
12 ad me. Dixit vero mihi Spiritus, ut irem cum
eis, nihil addubitans. Venerunt autem mecum
etiam sex isti fratres, et ingressi sumus domum
13 viri illius: qui renunciavit nobis quomodo vidis-
set angelum domi suæ, qui adstitisset ac dixisset
ipsi, Mitte aliquos Joppam, et accerse Simonem
14 qui cognominatur Petrus: qui tibi ea dicturus est,
15 per quæ tu serveris et tota domus tua. Quum
autem cœpissem loqui, illapsus est Spiritus San-
ctus in eos, quemadmodum et in nos in principio.
16 Recordatus sum vero illius dicti Domini, quum
diceret, Joannes quidem baptizavit aqua, vos
17 vero baptizabimini Spiritu Sancto. Postquam igitur
par illud donum dedit eis Deus, ut et nobis,
quum crediderunt in Dominum Jesum Christum,
quis eram ego qui Deum possem inhibere?

18 His autem auditis quieverunt, et glorificaverunt

Deum, dicentes, Nempe etiam gentibus Deus resipiscentiam dedit ad vitam.

19 CETERUM qui dispersi fuerant ex afflictione
orta ob Stephanum, transierunt usque in Phœni-
ciam, et Cyprum, et Antiochiam, nemini loquen-
20 tes sermonem *Dei*, nisi solis Judæis. Erant au-
tem quidam Cyprii et Cyrenenses, qui ingressi
Antiochiam, locuti sunt Græcis, evangelizantes
21 Dominum Jesum. Fuit autem manus Domini cum
eis: multusque numerus, fide ipsis habita, con-
versus est ad Dominum.

22 Pervenit autem hic rumor ad aures ecclesiæ
quæ erat Hierosolymis: miserunt igitur Barnabam
23 ut pergeret Antiochiam usque. Qui quum adve-
nisset et vidisset gratiam Dei, gavisus est, et
hortatus est omnes ut proposito cordis permane-
24 rent cum Domino: nam erat vir bonus, et plenus
Spiritu Sancto et fide: et adjuncta est non parva
turba Domino.

25 Abiit autem Barnabas Tarsum, ut requireret
26 Saulum: et eum inventum duxit Antiochiam. Fa-
ctumque est ut annum totum congregarentur in
ecclesia, docerentque turbam non parvam: et di-
scipuli nominarentur primum Antiochiæ Christiani.

27 Per id tempus autem descenderunt Hierosoly-
28 mis prophetæ Antiochiam. Et unus eorum sur-
gens, nomine Agabus, significavit per Spiritum,
famem magnam futuram in toto terrarum orbe:
29 quæ etiam fuit sub Claudio Cæsare. Singuli vero
discipulorum, prout cuique suppetebat, decreve-
runt subministrationis causa mittere *aliquid* fra-
30 tribus habitantibus in Judæa. Quod et fecerunt,
mittentes ad seniores per manum Barnabæ et
Sauli.

12 CETERUM per id tempus injectis rex Hero-
des manibus, male accepit nonnullos ex ecclesia.

- 2 Interemit autem Jacobum fratrem Joannis gladio.
3 Et quum vidisset *hoc* placere Judæis, perrexit
comprehendere etiam Petrum: (erant autem dies
4 azymorum:) quem etiam prehensum, conjecit in
carcerem, traditum quatuor quaternionibus mili-
tum, ut eum custodirent: volens eum post Pascha
5 producere populo. Petrus igitur asservabatur in
carcere: orationes autem assiduæ fiebant ab ec-
clesia ad Deum pro ipso.
- 6 Quum vero producturus esset eum Herodes,
nocte illa dormiebat Petrus inter duos milites,
vinctus catenis duabus, et custodes ante ostium
7 observabant carcerem. Et ecce, angelus Domini
supervenit, et lux splenduit in carcere: et pul-
sato latere Petri, excitavit eum, dicens, Surge
8 cito. Et exciderunt ei catenæ ex manibus. Dixit-
que ei angelus, Præcinge *te*, et subliga sandalia
tua. Fecit autem ita. Tum *ille* dixit ei, Amici-
9 tor pallio tuo, et sequere me. Itaque egressus
Petrus sequebatur eum, nec sciebat verum esse
quod fiebat per angelum, sed putabat *se* visum
10 *aliquod* cernere. Quum autem transivissent pri-
mam ac secundam custodiam, venerunt ad portam
Ferream, quæ ducit in civitatem, quæ sua sponte
aperta est eis: et egressi progressi sunt per vi-
cum unum; et statim abscessit angelus ab eo.
- 11 Tum Petrus ad se reversus dixit, Nunc vere agno-
sco Dominum emisisse angelum suum, et eruisse
me e manu Herodis, et ex omni expectatione
12 populi Judæorum. Et *re* apud se considerata,
venit domum Mariæ matris Joannis, qui cogno-
minabatur Marcus, ubi erant non pauci congre-
13 gati et orantes. Quum pulsasset autem Petrus
ostium vestibuli, prodiit puella ut subauscultaret,
14 nomine Rhode. Quæ agnita voce Petri, præ
gaudio non aperuit vestibulum, sed intro currens

15 renunciavit adstare Petrum ante vestibulum. Illi
vero dixerunt ei, Insanis. Illa autem asseverabat
ita se *rem* habere. At illi dicebant, Angelus
16 ejus est. Petrus vero *ibi* perseverabat pulsare:
quum autem aperuissent, viderunt eum, et per-
17 culsi fuerunt. *Ipse* vero manu postulato ab ipsis
silentio, narravit eis quomodo Dominus se edu-
xisset e carcere: dixitque, Renunciate ista Jacobo
et fratribus. Et egressus, profectus est in alium
locum.

18 Orto autem die fuit tumultus non parvus inter
19 milites quidnam factum esset Petro. Herodes
vero, quum eum requisivisset, et non invenisset,
quæstione de custodibus habita, jussit *eos* ad sup-
plicium rapi; et quum descendisset a Judæa Cæ-
saream, *ibi* commoratus est.

20 HERODES autem infenso animo erat in Tyrios
et Sidonios: et illi concorditer venerunt ad eum,
et persuaso Blasto, qui præerat cubiculo regis,
petebant pacem; eo quod aleretur regio ipsorum
21 ex regis *ditione*. Statuto autem die, Herodes,
indutus veste regia, et considens pro tribunali,
22 concionabatur ad eos. Populus vero acclamabat,
23 Vox Dei, et non hominis. Illico vero percussit
eum angelus Domini, eo quod non tribuisset glo-
riam Deo: et erosus a vermibus, exanimatus est.

24 SERMO vero Domini crescebat ac multiplica-
25 batur. Barnabas autem et Saulus reversi sunt
Hierosolymis, expleto ministerio, simul assumpto
etiam Joanne qui cognominabatur Marcus.

13 ERANT autem Antiochiæ in ecclesia quæ *illic*
erat, quidam prophetæ et doctores, Barnabas, et
Simeon qui vocabatur Niger, et Lucius Cyrenæus,
et Manahen qui fuerat una cum Herode tetrarcha
2 educatus, et Saulus. Illis autem sacram suam

functionem obeuntibus Domino et jejunantibus, dixit Spiritus Sanctus, Separate mihi Barnabam
3 et Saulum ad opus ad quod eos advocavi. Quum ergo jejunassent, et orassent et imposuissent eis manus, dimiserunt *eos*.

4 Ipsi igitur emissi a Spiritu Sancto, descendunt Seleuciam; et illinc abnavigarunt Cyprum.
5 Quumque pervenissent Salamina, annunciarunt sermonem Dei in synagogis Judæorum: habebant autem etiam Joannem subservientem *ipsis*.

6 Peragrata vero insula Paphum usque, invenerunt quendam magum pseudoprophetam Judæum,
7 cui nomen *erat* Barjesu: qui erat cum proprætore Sergio Paulo, viro intelligente. Hic, advocatis Barnaba et Saulo, expetivit audire sermonem
8 Dei. Obsistebat autem eis Elymas, *id est* magus (ita enim explicatur nomen ejus), studens avertere proprætorem a fide.

9 Saulus autem (qui et Paulus) repletus Spiritu
10 Sancto, intentis in eum oculis, dixit, O plene omni dolo, et ad quodvis scelus propensione, fili diaboli, hostis omnis justitiæ, non cessabis per-
11 vertere vias Domini rectas? Nunc igitur, ecce, manus Domini adversum te; erisque cæcus, non videns solem ad tempus constitutum.

Illico vero incidit in eum caligo ac tenebræ: et circumiens, quærebat qui se manu prehensum
12 ducerent. Tunc proprætor, quum vidisset quod factum fuerat, credidit, percussus super doctrina Domini.

13 Provecti vero Papho Paulus et qui cum eo erant, venerunt Pergen Pamphyliæ *urbem*: Joannes vero abscedens ab eis, reversus est Hierosolymam.

14 AT ipsi progressi Perga, venerunt Antiochiam *urbem* Pisidiæ, et ingressi synagogam die sab-

15 bati, consederunt. Post lectionem autem legis et prophetarum, miserunt præfecti synagogæ ad eos, dicentes, Viri fratres, siquis est in vobis sermo exhortationis ad populum, dicite.

16 ASSURGENS igitur Paulus, manu silentio postu-
lato, dixit, Viri Israelitæ, et qui timetis Deum,
17 audite. Deus ille populi hujus Israelis elegit pa-
tres nostros, et populum sursum evexit, quum
commorarentur in terra Ægypti, et ex ea eduxit

18 eos elato brachio. Et circiter quadraginta anno-
rum tempus mores eorum pertulit in deserto.

19 Et quum delevisset septem gentes in terra Cha-
20 naan, sorte distribuit eis terram earum. Et po-
stea annis circiter quadingentis quinquaginta
dedit judices, usque ad Samuelem prophetam.

21 Et exinde petierunt regem: deditque eis Deus
Saulem filium Cis, virum ex tribu Benjamin, an-
22 nis quadraginta. Et amoto illo, excitavit eis Da-
videm in regem, cui etiam testimonio dato dixit,
Inveni Davidem *filium* Jesse, virum secundum
cor meum, qui exsequetur omnes voluntates meas.

23 Hujus e semine Deus secundum promissionem
24 excitavit Israeli Servatorem Jesum; quum ante
prædicasset Joannes præiens ipsius ingressui, ba-
25 ptismum resipiscentiæ toti populo Israelis. Quum
autem expleret Joannes cursum, dixit, Quem me
susplicamini esse? non *is* sum ego; sed ecce, ve-
nit post me, cujus pedum soleam non sum dignus
qui solvam.

26 Viri fratres, filii generis Abrahami, et qui in-
ter vos timetis Deum, vobis sermo salutis hujus
27 missus est. Qui enim habitabant Hierosolymis,
et primores eorum, quum hunc ignorarent, tum
voces prophetarum, quæ per omne sabbatum le-
28 guntur, eo damnato, impleverunt. Tum nulla
causa mortis inventa, petierunt a Pilato ut interi-

29 meretur. Quum vero perfecissent omnia quæ de
eo scripta sunt, detractum e ligno posuerunt in
30 monumento. Deus autem suscitavit eum ex mor-
31 tuis. Qui conspectus est per dies multos iis qui
simul ascenderant cum eo a Galilæa Hierosoly-
32 mam, suntque testes ejus apud populum. Et nos
vobis evangelizamus eam promissionem quæ pa-
tribus facta est, Deum videlicet eam implevisse
33 filiis illorum, *id est* nobis, suscitato Jesu: ut etiam
in Psalmo secundo scriptum est, Filius meus
34 es tu, ego hodie genui te. Quod autem su-
scitaverit eum ex mortuis, non amplius reversu-
rum in sepulcrum, ita dixit, Dabo vobis firmas
35 illas Davidis beneficentias. Ideo et alias
dicit, Non sines Sanctum illum tuum sen-
36 tire corruptionem. Nam David quidem, post-
quam ætate sua inservivit Dei consilio, obdor-
mivit, et appositus est patribus suis, sensitque
37 corruptionem. At is quem Deus excitavit, non
sensit corruptionem.

38 Notum igitur sit vobis, fratres, annunciari vo-
39 bis remissionem peccatorum per istum: et ab
omnibus a quibus non potuistis per legem Mosis
justificari, quemvis credentem per hunc justificari.

40 Videte ergo ne vobis superveniat quod dictum
41 est in prophetis, Videte, o contemptores,
et admiramini, et disparete; quia opus
operor ego diebus vestris, opus quod
non credetis, si quis enarrâverit vobis.

42 EGRESSIS autem *eis* e synagoga Judæorum, ro-
garunt gentes ut intra proxime sequens sabbatum
43 exponerentur sibi hæc verba. Solutoque con-
ventu, secuti sunt multi ex Judæis et religiosis
proselytis Paulum ac Barnabam: qui alloquentes
eos, persuaserunt eis ut permanerent in gratia Dei.

44 Sequenti vero sabbato urbs prope tota con-

45 gregata fuit ad audiendum sermonem Dei. Visa autem turba, Judæi repleti sunt invidia: et contradicebant iis quæ a Paulo dicebantur, contradicentes ac blasphemantes.

46 Tunc loquendi libertate usi Paulus ac Barnabas, dixerunt, Vobis necesse fuit primum exponi sermonem Dei: postquam autem illum repellitis, et indignos vos ipsos decernitis æterna vita, ecce, 47 convertimus nos ad gentes. Ita enim nobis præcepit Dominus, *dicens*, Constitui te ut sis lux gentium, ut sis saluti usque ad ultimas terras.

48 Gentes autem hæc audientes, gavisæ sunt, et laudibus extulerunt sermonem Domini: et crediderunt quotquot erant ordinati ad vitam æternam.

49 Perferebatur autem sermo Domini per totam 50 illam regionem. Judæi vero exstimularunt mulieres religiosas et honoratas, et primos urbis, et excitarunt persecutionem in Paulum ac Barnabam, 51 ejeceruntque eos e finibus suis. At illi, excusso pulvere pedum suorum in eos, venerunt Iconium.

52 Discipuli vero replebantur gaudio et Spiritu Sancto.

14 Factum est autem itidem Iconii, ut introirent synagogam Judæorum, et ita loquerentur, ut crederet Judæorum simul et Græcorum magna multitudo. Judæi vero, qui non obedierunt *sermoni*, incitarunt et male affectos reddiderunt animos 2 gentium adversus fratres. Aliquantum igitur tempus *ibi* commorati sunt, libere loquentes, freti Domino, qui testimonium dabat sermoni gratiæ suæ, dabatque ut signa et prodigia ederentur per manus eorum.

4 Scissa est autem multitudo urbis: et alii quidem erant a Judæis, alii vero ab apostolis. Quum autem factus esset impetus gentium ac Judæorum,

una cum suis primoribus, ad eos contumeliis afficiendos et lapidandos, re inter se animadversa, perfugerunt in civitates Lycaoniæ, Lystram et Derben, et circumjacentem regionem: et illic evangelizaverunt.

8 QUIDAM autem vir Lystris captus pedibus sedebat, claudus ab utero matris suæ, qui nunquam ambulaverat: hic audivit Paulum loquentem: qui quum intendisset in eum oculos, et vidisset quod fidem haberet *se* liberatum iri, dixit voce magna, Surge in pedes tuos rectus. At *ille* et exsiliit et ambulavit.

11 Turba vero quum vidisset quod fecerat Paulus, sustulerunt vocem suam, Lycaonice dicentes, Dii assimilati hominibus descenderunt ad nos. Vocabantque Barnabam, Jovem; Paulum vero Mercurium, quoniam is præibat in loquendo.

13 Sacerdos autem Jovis collocati ante illorum urbem, quum tauros vittatos ad vestibula adduxisset, volebat cum turba sacrificare. Quod quum audissent apostoli Barnabas et Paulus, disruptis palliis suis insilierunt in turbam, clamantes, ac dicentes, Viri, cur ista facitis? nos quoque sumus homines iisdem quibus vos affectionibus obnoxii, annunciantes, ut a vanis istis rebus convertatis vos ad Deum illum vivum, qui fecit cælum, et terram, et mare, et omnia quæ in eis sunt: quique præteritis ætatibus sivit omnes gentes suis ipsarum viis incedere. Quanquam non passus est se *esse* expertem testimonii, bonatribuendo, dans nobis cœlitus pluvias ac præstituta tempora fructibus perferendis apta, implens cibo et oblectatione corda nostra.

18 Et hæc dicentes, vix compescuerunt turbam, ne ipsis sacrificaret.

19 SUPERVENERUNT autem quidam Judæi Antio-

chia et Iconio, qui, persuasa turba, Paulum lapidatum traxerunt extra urbem, existimantes eum mortuum esse. Quum autem circumstetissent eum discipuli, surrexit, et ingressus est urbem; et postridie egressus venit Derben cum Barnaba.

Quumque evangelizassent urbi illi, et discipulos multos adjunxissent, reversi sunt Lystram, et Iconium, et Antiochiam: confirmantes animos discipulorum, hortantes ut permanerent in fide, et *dicentes* oportere per multas afflictiones nos ingredi in regnum Dei.

Quumque ipsis per suffragia creassent per singulas ecclesias presbyteros, et orassent cum junioribus, commendarunt eos Domino, in quem crediderant.

Peragrataque Pisidia, venerunt in Pamphyliam. Ac Pergæ locuti *Domini* sermonem, descendunt Attaliam. Et illinc enavigarunt Antiochiam, unde fuerant commendati gratiæ Dei ad opus quod expleverant.

Quum autem venissent et congregassent ecclesiam, retulerunt quanta Deus per ipsos effecisset, et eum aperuisse gentibus ostium fidei. Et commorati sunt illic non parvum tempus cum discipulis.

PORRO quidam qui descenderant a Judæa, docebant fratres, *et dicebant*, Nisi circumcimini ritu Mosis, non potestis servari. Orta igitur repugnantia et disceptatione non parva a Paulo ac Barnaba adversus illos, constitutum fuit ut ascenderent Paulus et Barnabas, et quidam alii ex illis, ad apostolos ac presbyteros Hierosolymam, super hac quæstione. Illi ergo deducti ab ecclesia, peragrarunt Phœnicem et Samariam, narrantes conversionem gentium: et gaudio magno affecerunt omnes fratres. Quum autem pervenis-

sent Hierosolymam, excepti sunt ab ecclesia et ab apostolis ac presbyteris, et retulerunt quanta Deus per ipsos effecisset.

- 5 Sed (*aiebant*) quidam surrexerunt ex hæresi Phariseorum qui crediderunt, dicentes, quod oporteat ipsos circumcidere et *eis* mandare ut observent legem Mosis. Congregati sunt igitur apostoli et presbyteri ut dispicerent de hac re.
- 7 Quum autem multa disceptatio fuisset, surgens Petrus dixit eis, Viri fratres, vos scitis Deum jampridem inter nos elegisse *me*, ut per os meum audirent gentes sermonem evangelii, et crederent.
- 8 Et ille cordium cognitor Deus præbuit eis testimonium, dato ipsis Spiritu Sancto, sicut et nobis:
- 9 nihilque discrevit inter nos et illos, fide *ab ipso*
- 10 purificatis cordibus eorum. Nunc ergo quid tentatis Deum, ad imponendum jugum cervici discipulorum, quod neque patres nostri neque nos
- 11 portare valuimus? Imo per gratiam Domini Jesu Christi credimus nos servatum iri, quemadmodum et illi.

- 12 Tacuit autem tota multitudo, et audiebant Barnabam et Paulum exponentes quanta Deus edidisset signa et prodigia per ipsos inter gentes.
- 13 Postquam autem ipsi conticuissent, respondit
- 14 Jacobus dicens, Viri fratres, audite me: Simeon exposuit quomodo primum Deus respexerit *gentes*, ut sumeret ex ipsis populum nomini suo. Et huic *rei* consonant verba prophetarum, sicut scriptum est: Post hæc revertar, et restaurabo tabernaculum Davidis collapsum, et ruinas ejus restaurabo et rursus erigam illud: ut requirant reliqui homines Dominum, et omnes gentes super quas invocatum fuerit nomen meum, dicit Dominus qui facit hæc omnia. Nota sunt Deo
- 18

- 19 ab *omni* ævo omnia opera sua. Quamobrem ego
censeo non esse obturbandos eos qui ex gentibus
20 ad Deum se convertunt: sed ad eos scribendum,
ut abstineant a pollutis per simulacra, et scorta-
21 tione, et suffocatis rebus, et sanguine. Moses
enim ab ætatibus antiquis oppidatim habet qui
ipsum prædicent, quum in synagogis per singula
sabbata legatur.
- 22 Tunc visum est apostolis et presbyteris, cum
tota ecclesia, delectos ex sese viros mittere An-
tiochiam cum Paulo et Barnaba; *nempe*, Judam
qui cognominabatur Barsabas, et Silam, viros
23 primarios inter fratres: istis per eorum manum
scriptis: Apostoli et presbyteri et fratres, iis qui
sunt Antiochiæ et in Syria et in Cilicia fratribus,
24 qui *sunt* ex gentibus, salutem. Quoniam quos-
dam e nobis egressos audivimus vos turbasse
verbis, labefactantes animas vestras, dicentes,
Oportere vos circumcidi, et servare legem; qui-
25 bus *hoc* non edixeramus: visum est nobis con-
corditer coactis delectos viros mittere ad vos
26 cum dilectis nostris Barnaba et Paulo, hominibus
qui exposuerunt animas suas pro nomine Domini
27 nostri Jesu Christi. Misimus ergo Judam et Si-
lam, qui et ipsi *vobis* eadem verbis renunciarent.
28 Visum est enim Spiritui Sancto ac nobis, ne quid
amplius imponeremus vobis onus præter necessa-
29 ria ista; *videlicet*, ut abstineatis ab iis quæ sunt
immolata simulacris, et sanguine, et suffocato, et
scortatione: a quibus si vobis caveritis, bene age-
tis. Valete.
- 30 Illi igitur dimissi venerunt Antiochiam, et con-
31 gregata multitudo reddiderunt epistolam: quam
quum legissent, gavisí sunt super ea exhortatione.
32 Judas quoque et Silas, quum essent et ipsi pro-
phetæ, multo sermone adhortati sunt, et confir-

33 marunt fratres. Quum autem egissent *illic* aliquamdiu, dimissi sunt cum pace a fratribus ad
34 apostolos. Silæ tamen visum est ibi manere.
35 Paulus autem et Barnabas commorati sunt Antiochiæ, docentes et evangelizantes, cum aliis etiam multis, sermonem Domini.

36 POST aliquot autem dies dixit Barnabæ Paulus, Reversi invisamus fratres nostros oppidatim in quibus annuntiavimus sermonem Domini, *cognituri* quomodo *se* habeant.

37 Barnabæ vero consilium erat assumere secum
38 Joannem, qui vocabatur Marcus. Paulus autem æquum censebat eum non simul assumere, qui abscessisset ab ipsis ex Pamphylia, nec eorum
39 comes in illo opere fuisset. Orta igitur fuit exacerbatio, adeo ut alter ab altero abscesserint: et Barnabas, assumpto Marco, navigarit in Cyprum: Paulus vero, allecto Sila, abiit, commendatus gratiæ Dei a fratribus: peragravitque Syriam ac Ciliciam, confirmans ecclesias.

16 Devenit autem Derben et Lystram: et ecce, discipulus quidam erat illic nomine Timotheus, filius mulieris cujusdam Judææ fidelis, patris autem Græci: huic dabant testimonium fratres qui
2 Lystris erant et Iconii. Eum *itaque* voluit Paulus secum proficisci: et assumptum eum circumcidit, propter Judæos qui in illis locis erant: sciebant enim omnes patrem ejus Græcum esse.

4 Prout autem pertransibant urbes, tradebant eis observanda placita illa quæ decreta fuerant ab apostolis et presbyteris qui Hierosolymis erant.
5 Itaque ecclesiæ confirmabantur fide, et exuberabant numero quotidie.

6 Phrygia autem peragrata et Galatica regione, prohibiti a Spiritu Sancto loqui sermonem *Dei*
7 in Asia. Quum venissent in Mysiam, tentabant

ire versus Bithyniam: sed non sivit eos *ire* Spiritus Jesu. Præterita igitur Mysia, descenderunt Troada.

9 ET visum per noctem conspectum est Paulo: vir Macedo quidam adstabat precans eum, et dicens, Transiens in Macedoniam, succurre nobis.
10 Ut autem hoc visum vidit, statim studuimus abire in Macedoniam, collatis argumentis colligentes quod advocasset nos Dominus ut eis evangelizaremus. Provecti igitur Troade, rectum cursum tenuimus Samothracem, et sequenti die Neapolin;
11 et illinc Philippos, quæ est prima hujus partis Macedoniæ urbs, colonia. Commorati sumus autem in ea urbe aliquot dies.

12 Et die sabbati egressi sumus ex urbe ad flumen, ubi solebat esse oratio: et quum consedissemus, allocuti sumus mulieres quæ convenerant.
13 Quædam autem mulier nomine Lydia, quæ purpuram vendebat ex urbe Thyatirorum, Deum colens, *nos* audivit: cujus Dominus adaperuit cor,
14 ut attenderet iis quæ dicebantur a Paulo. Quum autem baptizata esset, et domus ejus, rogavit *nos*, dicens, Si judicastis me fidelem esse Domino, ingressi domum meam, manete. Et adegit nos.

15 Factum est autem proficiscentibus nobis ad orationem, ut ancillula quædam, habens spiritum Pythonis, occurreret nobis, quæ quæstum magnum præbebat dominis suis vaticinando: hæc subsecuta Paulum ac nos, clamabat, dicens, Isti homines servi sunt Dei illius altissimi, qui annunciant
16 vobis viam salutis. Hoc autem fecit ad multos dies: sed moleste ferens Paulus, et sese convertens, spiritui illi dixit, Mando tibi per nomen Jesu Christi ut exeas ab ea. Exiit igitur eodem illo momento.

17 Videntes autem illius *ancillulæ* domini abiisse

spem quæstus sui, prehensum Paulum et Silam
20 traxerunt in forum ad magistratus. Et quum per-
traxissent eos ad prætores, dixerunt, Homines
isti conturbant civitatem nostram, quum sint
21 Judæi: et annunciant ritus quos non licet no-
bis recipere, neque usurpare, quum simus Ro-
mani.

22 Una vero insurrexit turba adversus eos: et
prætores diruptis eorum vestibibus jusserunt *eos*
23 virgis cædi. Et quum multas plagas eis imposu-
issent, conjecerunt *eos* in carcerem, additis man-
24 datis commentariensi ut tuto eos asservaret: qui,
tali accepto mandato, conjecit eos in intimum
carcerem, et pedes eorum adstrinxit numella.

25 Media autem nocte orantes Paulus et Silas
hymnos canebant Deo: et qui vincti erant exau-
26 diebant eos. Repente vero terræ motus magnus
exstitit, ita ut quaterentur fundamenta carceris:
et illico apertæ sunt omnes fores, et omnium
27 vincula laxata. Expergefactus autem commenta-
riensis, quum videret fores carceris apertas, stri-
cto gladio erat seipsum interfecturus, existimans
28 vinctos effugisse. Clamavit vero Paulus voce
magna, dicens, Nequid feceris tibi ipsi mali; om-
nes enim hic sumus.

29 Is autem petito lumine irrupit, et tremefactus
30 accidit Paulo et Silæ *ad pedes*. Et productis
ipsis foras, ait, Domini, quid me oportet facere
ut server?

31 At illi dixerunt, Crede in Dominum Jesum
32 Christum, et servaberis tu, ac domus tua. Et
locuti sunt ei sermonem Domini, et omnibus qui
erant domi ipsius.

33 *Ips*e vero illis assumptis ea ipsa hora noctis,
lavit *eorum* plagas: et baptizatus est ipse, et
34 omnes *domestici* illius illico. Et ipsis deductis

domum suam, apposuit mensam: et exsultavit quod cum universa domo sua credidisset Deo.

- 35 Die autem exorto, prætores miserunt viatores,
36 qui dicerent, Dimitte homines illos. Renuncia-
vit autem commentariensis hos sermones Paulo:
Miserunt, *inquit*, præfecti ut dimittamini: nunc
37 igitur egressi, ite in pace. Paulus autem dixit
eis, Cæsos nos publice, indicta causa, quum si-
mus Romani, conjecerunt in carcerem: et nunc
clam nos ejiciunt? non profecto; sed veniant ipsi,
38 et nos educant. Renunciarunt autem prætoribus
viatores verba ista: metueruntque audito eos Ro-
39 manos esse. Et venientes precati sunt eos, et
40 eductos rogarunt ut egrederentur ex urbe. Egressi
autem e carcere introierunt ad Lydiam: et visis
fratribus, consolati sunt eos, et egressi sunt *ex*
urbe.

- 17 ITINERE autem facto per Amphipolin et Apol-
loniam, venerunt Thessalonicam, ubi erat syna-
2 goga quædam Judæorum. Paulus vero, sicut
consueverat, introivit ad eos, et per sabbata tria
3 disseruit *cum* eis ex scripturis, explicans et ob
oculos ponens oportuisse Christum pati, et resur-
gere ex mortuis; et hunc Jesum, quem ego, *in-*
4 *quit*, annuncio vobis, esse Christum illum. Non-
nulli igitur eorum assensi sunt, et consociati sunt
Paulo et Silæ, et religiosorum Græcorum multi-
tudo magna, et ex mulieribus primariis non paucæ.
5 Sed invidia commoti Judæi qui *sermoni* non
paruerunt, assumptis quibusdam circumforaneis
viris malis, ac turba coacta, fecerunt ut civitas
tumultuaretur; et adorti domum Jasonis, stude-
6 bant eos adducere ad populum. Et quum non
invenissent eos, traxerunt Jasonem et quosdam
fratres ad civitatis magistratus, vociferantes, Isti
qui orbis terrarum statum subverterunt, etiam hic

7 adsunt: quos excepit Jason: qui omnes contra edicta Cæsaris faciunt, regem alium dicentes esse, *nempe* Jesum.

8 Commoverunt autem turbam et civitatis magistratus hæc audientes. *Qui* tamen, quum satis acceperint ab Jasone et reliquis, dimiserunt eos.

10 Fratres vero statim per noctem Paulum simul et Silam emiserunt Berœam; qui quum advenissent, ierunt in synagogam Judæorum. Iis autem Judæis qui erant Thessalonicæ fuerunt isti generosiores; ut qui receperint sermonem cum omni alacritate, quotidie examinantes scripturas an hæc ita se haberent. Multi igitur crediderunt ex eis, et Græcarum mulierum honoratarum et virorum non pauci.

13 Ut autem cognoverunt Thessalonicenses Judæi, Berœæ quoque annunciatum esse a Paulo sermonem Dei, venerunt etiam illuc, concitantes turbam. Sed tunc statim Paulum emiserunt fratres, ut iret velut ad mare: Silas autem et Timotheus remanserunt illic. Qui vero Paulum susceperant tuto loco constituendum, deduxerunt eum Athenas usque: et accepto præcepto ad Silam ac Timotheum, ut quam citissime ad ipsum venirent, abierunt.

16 PAULO vero Athenis illos exspectante, irritabatur spiritus ejus in ipso, quum conspiceret urbem idolis refertam. Disserebat igitur in synagoga cum Judæis et religiosis, et in foro quotidie cum quibusvis obviis.

18 Quidam autem ex Epicureis et Stoicis philosophis conflictabantur cum eo: et quidam dicebant, Quid vult garrulus iste dicere? alii vero, Peregrinorum deorum videtur annunciator esse: quoniam Jesum et resurrectionem ipsis annunciabat.

19 Et prehensum eum duxerunt in Areopagum, di-

centes, Possumusne scire quæ sit ista nova, de
20 qua tu loqueris, doctrina? Peregrina enim quæ-
dam infers auribus nostris: volumus ergo scire
21 quidnam ista sibi velint. (Ceterum Athenienses
omnes et inquilini peregrini nulli alii rei vaca-
bant, nisi ad dicendum aut audiendum aliquid
novi.)

22 Quum autem constitisset Paulus in medio Areo-
pago, dixit, Viri Athenienses, omnino conspicio
23 vos quasi religiosiores. Pertransiens enim et con-
templans sacra vestra, inveni etiam aram, cui
inscriptum erat, IGNOTO DEO. Quem ergo igno-
24 rantes colitis, hunc ego vobis annuncio. Deus
ille qui fecit mundum et omnia quæ in eo sunt,
quum sit cœli et terræ Dominus, in manufactis
25 templis non habitat: nec manibus hominum coli-
tur, alicujus rei egens, quum ipse det omnibus
26 vitam, et halitum, et omnia; fecitque ex uno san-
guine totam gentem hominum, ut habitaret super
universa superficie terræ, definitis præstitutis tem-
poribus, et positis terminis habitationis eorum;
27 ut quærerent Dominum, si forte palpatum eum
invenirent; quanquam profecto non longe abest
28 ab unoquoque nostrum: in ipso enim vivimus, et
movemur, et sumus: sicut et quidam vestrarium
poetarum dixerunt, Nam hujus progenies etiam
29 sumus. Progenies ergo Dei quum simus, non
debemus existimare auro et argento, aut lapidi,
sculpturæ artificii et excogitationis hominum, nu-
30 men esse simile. Deus igitur, temporibus istius
ignorantiæ connivendo dissimulatis, nunc denun-
31 ciat omnibus ubique hominibus ut resipiscant: eo
quod statuit diem quo juste judicaturus est or-
bem terrarum, per eum virum quem definiit, fide
ejus rei palam facta omnibus, quum illum ex
mortuis suscitaret.

32 Quum audissent autem resurrectionem mortuorum, alii quidem sannis *eum* excipiebant, alii vero dicebant, Audiemus te rursus de hac re.
33 Et ita Paulus exivit e medio eorum. ³⁴ Quidam vero ei sese adjunxerunt et crediderunt: in quibus *fuit* et Dionysius Areopagita, et mulier nomine Damaris, et alii cum eis.

18 POSTEA Paulus, quum discessisset Athenis, 2 venit Corinthum: et reperto quodam Judæo, nomine Aquila, Pontico natione, qui nuper venerat ex Italia, et Priscilla uxore ejus (eo quod edixisset Claudius, ut omnes Judæi Roma excederent) 3 venit ad eos. Et quia ejusdem erat artificii, habitavit apud eos, et operabatur; erat enim ars illorum conficere tabernacula. Disserebat autem in synagoga omnibus sabbatis, et in suam sententiam adducebat tum Judæos, tum Græcos.

5 Ut autem advenerunt e Macedonia Silas et Timotheus, constringebatur spiritu Paulus, etiam atque etiam testificans Judæis Jesum *esse* Christum illum. Ipsi autem obsistentibus et blasphemantibus, excussis vestibus dixit eis, Sanguis vester *esto* super caput vestrum: mundus ego ab 6 hoc tempore ad gentes proficiscar. Et digressus illinc, introiit domum cujusdam nomine Justi, colentis Deum, cujus domus erat confinis synagogæ.
8 Crispus autem præfectus synagogæ credidit Domino cum tota domo sua: multique Corinthiorum audientes credebant et baptizabantur.

9 Dixit autem Dominus nocte per visionem Paulo
10 Ne metue, sed loquere, et ne tacueris: nam ego sum tecum, et nemo te invadet ut male te accipiat: quoniam populus est mihi multus in hac
11 urbe. Commoratus est itaque *illic* annum et sex menses, docens apud eos sermonem Dei.

12 QUUM autem Gallio esset proconsul Achaiaë,

- insurrexerunt concorditer Judæi in Paulum, et
13 adduxerunt eum ad tribunal, dicentes, Iste per-
suadet hominibus colere Deum contra legem.
14 Paulo vero os aperturo, dixit Gallio Judæis,
Si quid injuste factum esset, aut facinus scelera-
tum, o Judæi, quatenus ferret ratio vos suffer-
15 rem: sin vero quæstio est de sermone et nomi-
nibus, et lege vestrate, ipsi videritis: judex enim
16 ego istarum rerum esse nolo. Et abegit eos a
17 tribunali. Prehensum autem omnes Græci Sosthe-
nem præfectum synagogæ cædebant ante tribu-
nal: neque quicquam eorum Gallioni curæ erat.
18 Paulus vero quum adhuc *illic* permansisset
dies *satis* multos, valedicto fratribus, enavigavit
in Syriam, et cum eo Priscilla et Aquila, quum
totondisset caput Cenchreis: habebat enim votum.
19 Devenit autem Ephesum, et eos ibi dereliquit: ipse
vero ingressus synagogam, disseruit cum Judæis.
20 Rogantibus autem ipsis ut diutius apud ipsos
21 maneret, non annuit: sed valedixit eis, dicens,
Oportet omnino me diem festum qui instat agere
Hierosolymis: sed iterum revertar ad vos, Deo
22 volente. Et proventus est Epheso. Quumque de-
scendisset Cæsaream, ascendissetque *Hierosoly-*
mam, et salutasset ecclesiam, descendit Antio-
23 chiam. Et quum egisset *illic* aliquandiu temporis
abiit, pertransiens ordine Galaticam regionem et
Phrygiam, confirmans omnes discipulos.
24 JUDÆUS autem quidam, Apollos nomine, Ale-
xandrinus natione, vir eloquens, pervenit Ephe-
25 sum, potens in scripturis. Hic erat initiatus via
Domini; et fervens spiritu, loquebatur et docebat
diligenter ea quæ sunt Domini, sciens tantum
26 baptisma Joannis: cœpitque libere loqui in syna-
goga: quem auditum Aquila et Priscilla assump-
serunt, et penitius ei exposuerunt viam Dei.

27 Quum autem vellet transire in Achaïam, fratres
eum adhortati, scripserunt discipulis ut excipe-
rent eum: qui quum advenisset, multum contulit
28 iis qui crediderant per gratiam: magna enim con-
tentione Judæos magis ac magis redarguebat pu-
blice, ostendens per scripturas Jesum esse Chri-
stum illum.

19 FACTUM est autem interim, dum Apollos
esset Corinthi, ut Paulus, peragratis superioribus
partibus, veniret Ephesum: ubi quum discipulos
2 quosdam invenisset, dixit eis, Num Spiritum San-
ctum accepistis posteaquam credidistis? Illi vero
dixerunt ei, Imo sitne Spiritus Sanctus, ne audi-
3 vimus quidem. Tunc dixit eis, In quid ergo ba-
ptizati estis? Ipsi vero dixerunt, In Joannis ba-
4 ptisma. Dixit autem Paulus, Joannes quidem
baptizavit baptismo resipiscentiæ, dicens populo,
ut in eum qui venturus erat post ipsum crede-
5 rent, hoc est, in Christum Jesum. Qui vero *il-*
lum audierunt, baptizati sunt in nomen Domini
6 Jesu. Et quum imposuisset eis manus Paulus,
venit Spiritus Sanctus in eos, et loquebantur lin-
7 guis, et prophetabant. Erant autem omnes isti
viri circiter duodecim.

8 *Ipsc* porro ingressus synagogam, libere loque-
batur ad tres mensas disserens et suadens quæ
9 ad regnum Dei *pertinent*. Quum autem quidam
indurarentur, et obedire nollent *sermoni*, male
loquentes de via illa *Dei* in conspectu multitu-
dinis, abscedens ab illis, separavit discipulos,
quotidie disserens in schola Tyranni cujusdam.
10 Hoc autem factum est per biennium: *ita* ut om-
nes qui habitabant in Asia, tum Judæi tum Græci,
11 audierint sermonem Domini Jesu. Virtutesque
12 non vulgares edebat Deus per manus Pauli, *ita*
ut etiam ad ægrotantes deferrentur a corpore

ejus sudaria seu semicinctia, et discederent ab eis morbi, et spiritus mali ab eis exirent.

- 13 Aggressi sunt vero quidam ex circulatoribus Judæis exorcistis nominare super eos qui habebant spiritus malos, nomen Domini Jesu, dicentes, Adjuramus vos per Jesum quem Paulus prædicat.
14 Erant autem quidam filii Scevæ Judæi primarii
15 sacerdotis septem, qui hoc faciebant. Respondens vero spiritus malus dixit, Jesum novi, et
16 Paulum scio; vos autem qui estis? Et insiliit in eos homo in quo erat spiritus ille improbus, et superatis illis, invaluit contra eos, ita ut nudi et vulnerati effugerent ex domo illa.

- 17 Id vero innotuit omnibus tum Judæis tum Græcis qui habitabant Ephesi: et incidit metus in eos omnes, et magnificabatur nomen Domini
18 Jesu. Et multi eorum qui crediderant, veniebant
19 confitentes et indicantes facta sua. Non pauci vero ex iis qui curiosa ista exercuerant, comportatos libros exusserunt in omnium conspectu: quorum supputatis pretiis, reppererunt denariorum
20 quinquaginta millia. Ita fortiter crescebat sermo Domini, et invalescebat.

- 21 HIS autem impletis, induxit in animum Paulus, peragrata Macedonia et Achaia, proficisci Hierosolymam, dicens, Postquam illic fuero,
22 oportet me Romam etiam videre. Missis vero in Macedoniam duobus ex iis qui subserviebant ei, *videlicet* Timotheo et Erasto, ipse substitit ad tempus in Asia.

- 23 ORTUS est autem illo tempore tumultus non
24 parvus super via *Dei*. Nam quidam, nomine Demetrius, signator argenti, qui faciebat templa Dianæ argentea, præbebat artificibus non parvum quæstum: quibus ille congregatis, et istiusmodi rerum opificibus, dixit, Viri, scitis ex hoc

26 quæstu nostras esse copias: et spectatis et auditis Paulum istum non solum Ephesinam, sed prope totius Asiæ non parvam turbam persuadendo avertisse, dicentem deos illos non esse qui manibus fiant. Non solum autem periculum est, ne istud quod nobis est peculiare, nobis probrosum evadat, sed etiam ne magnæ deæ Dianæ templum pro nihilo reputetur, futurumque sit ut etiam destruaturn majestas ejus, quam Asia tota et orbis terrarum colit.

28 *His* autem auditis, pleni exandescencia, clamaverunt, dicentes, Magna *est* Diana Ephesiorum! Et impleta est civitas tota confusione: et irruerunt concorditer in theatrum, correpto Gaio et Aristarcho Macedonibus, sociis peregrinationis Pauli. Paulo vero volente prodire ad populum, non siverunt eum *prodire* discipuli. 31 Sed et quidam ex Asiarchis, quum essent ei amici, *nunciis* ad eum missis, rogarunt ne se daret in theatrum. Alii igitur aliud clamitabant: erat enim concio conturbata, et plerique nesciebant cujus *rei* causa convenissent. Ex turba vero *quidam* produxerunt Alexandrum, propellentibus eum Judæis. Alexander autem, manu silentio postulato, volebat defensione uti apud 34 populum. Quem ut agnoverunt Judæum esse, vox exstitit una ab omnibus *profecta*, quasi ad horas duas clamitantibus, Magna est Diana Ephesiorum!

35 Tum scribe, quum sedasset turbam, dixit, Viri Ephesii, quisnam est hominum qui nesciat Ephesiorum urbem ædituam esse magnæ deæ 36 Dianæ, et a Jove delapsi *simulacri*? Quum igitur istis non possit contradici, oportet vos sedatos esse, nec quicquam præceps facere. 37 Adduxistis enim homines istos, neque sacrilegos,

38 neque blasphemantes deam vestram. Quod si
Demetrius, et qui cum eo sunt artifices, nego-
tium habent cum aliquo, agitur forum, et pro-
39 consules adsunt; alii alios postulanto. Siquid
autem de rebus aliis requiritis, in legitima con-
40 cione explicabitur. Nam periculum est ne postu-
lemur seditionis propter *diem* hodiernum, quum
nulla subsit causa ob quam possimus reddere
rationem concursus istius.

Et quum hæc dixisset, dimisit concionem.

20 POSTQUAM vero cessavit tumultus, quum advo-
casset Paulus discipulos, et complexus esset,
2 abiit profecturus in Macedoniam. Quum autem
illas partes peragrasset, et hortatus illos fuisset
3 multo sermone, venit in Græciam. Et *ibi* peractis
mensibus tribus, quum ei in Syriam navigaturo
factæ fuissent a Judæis insidiæ, sententia fuit
4 reverti per Macedoniam. Comitatus autem eum
usque in Asiam Sopater Berœensis: ex Thessa-
lonicensibus vero, Aristarchus, et Secundus, et
5 Gaius Derbæus, et Timotheus: Asiani vero,
Tychicus et Trophimus, qui quum præivissent,
6 exspectarunt nos Troade. Nos vero enavigavimus
Philippis post dies Azymorum, et venimus ad
eos Troadem intra dies quinque; ubi commorati
sumus dies septem.

7 Primo autem die hebdomadis congregatis di-
scipulis ad frangendum panem, Paulus disserebat,
abiturus postridie, produxitque sermonem usque
8 in mediam noctem. Erant vero lucernæ non
9 paucæ in cœnaculo ubi erant congregati. Se-
dens autem quidam adolescens nomine Eutychus
in fenestra, obrutus somno profundo, quum
diutius dissereret Paulus, præ somno deturbatus,
decidit ex tertia contignatione deorsum: et sub-
10 latus est mortuus. Quum descendisset autem

Paulus prolapsus est in eum; et *eum* complexus dixit, Ne tumultuamini: anima enim ejus in ipso
11 est. Quum igitur ascendisset, fregissetque panem et cibum sumpsisset, aliquandiu collocutus usque
12 ad diluculum, ita *demum* digressus est. Ad-
duxerunt autem puerum viventem, et solatium acceperunt non mediocre.

13 Nos vero progressi ad navem, provecti sumus
Assum, illinc recepturi Paulum: sic enim edixerat,
14 pedibus ipse iter facturus. Ut autem conjunxit
sese nobiscum apud Assum, recepto eo, veni-
15 mus Mitylenen. Et quum illinc enavigassemus,
sequenti die devenimus e regione Chii; postridie
vero appulimus Samum; et quum diversati essemus
apud Trogyllium, sequenti die venimus Mi-
16 letum. Decreverat enim Paulus præternavigare
Ephesum, ne ipsi contingeret tempus terere in
Asia: festinabat enim, ut, sic fieri posset, die
Pentecostes esset Hierosolymis.

17 MISSIS autem Mileto *nunciis* Ephesum,
18 accersivit presbyteros ecclesiæ: qui quum ad
ipsum venissent, dixit eis, Vos scitis quomodo
a primo die quo ingressus sum Asiam, vobiscum
19 per id omne tempus fuerim, serviens Domino
cum omni animi submissione, et multis lacrymis,
ac tentationibus, quæ mihi evenerunt in Judæ-
20 orum insidiis: uti nihil subterfugerim eorum quæ
vobis conducerent, quominus *ea* vobis annuncia-
21 rem, et docerem vos publice et domatim; etiam
atque etiam testificans Judæis simul et Græcis
conversionem ad Deum, et fidem quæ est in Do-
22 minum nostrum Jesum Christum. Et nunc ecce,
ego vinctus Spiritu proficiscor Hierosolymam,
23 ignorans quæ in ea mihi occurrent: nisi quod
Spiritus Sanctus oppidatim etiam atque etiam
testificatur, dicens, vincula et afflictiones me ma-

- 24 nere. Sed nullius rei habeo rationem, neque
vita mea mihi ipsi cara est, ut consummem cur-
sum meum cum gaudio, et ministerium quod
accepi a Domino Jesu, ad etiam atque etiam
testificandum evangelium gratiæ Dei.
- 25 Et nunc ecce, ego scio non amplius visuros
faciem meam ullos ex vobis omnibus, per quos
26 transivi prædicans regnum Dei. Ideo testor
vobis hodierno die, me purum esse a sanguine
27 omnium. Non enim subterfugi quominus annun-
28 ciarem vobis omne Dei consilium. Attendite
igitur *animum* ad vos ipsos, et totum gregem,
in quo vos Spiritus ille Sanctus constituit epi-
scopos, ad pascendam ecclesiam Dei, quam suo
29 illo proprio sanguine acquisivit. Ego enim istud
scio, lupos graves, non parcentes gregi, ingres-
30 suros esse ad vos post discessum meum. Et ex
vobisipsis exorituros qui loquantur perversa, ut
31 discipulos post se abstrahant. Ideo vigilate,
memores me per triennium nocte et die non
cessasse cum lacrymis admonere unumquemque.
- 32 Et nunc quoque, fratres, commendo vos Deo
et sermoni gratiæ ipsius; qui *quidem Deus* po-
test *vos* superstruere, et dare vobis quod hære-
ditatis jure possideatis cum sanctificatis omnibus.
- 33 Argentum vel aurum aut vestem nullius concu-
34 pivi. Imo ipsi nostis, usibus meis et iis qui
35 mecum sunt, manus istas ministrasse. In omnibus
ostendi vobis oportere sic laborando suscipere
infirmos, et meminisse verborum Domini Jesu,
ipsum *videlicet* dixisse, Beatum est dare potius
quam accipere.
- 36 Et quum hæc dixisset, positus genibus suis,
37 oravit cum illis omnibus. Non parvus autem
fletus omnium ortus est; et ruentes in collum
38 Pauli deosculabantur eum. Cruciati maxime ob

sermonem quem dixerat, ipsos non esse amplius faciem ejus conspecturos: et deduxerunt eum ad navim.

21 Ut autem provecti sumus, avulsi ab eis, recto cursu venimus Coum, et sequenti die Rhodum, et
2 illinc Patara: et nacti navem trajicientem in
3 Phœniciam, *ea* conscensa, provecti sumus. Quum autem cœpisset *nobis* apparere Cyprus, et eam ad sinistram reliquissemus, navigavimus in Syriam, et devecti sumus Tyrum: illic enim navis erat
4 suum onus expositura. Permansimus autem ibidem dies septem, inventis discipulis; qui Paulo dicebant per Spiritum, ne ascenderet Hierosolymam.

5 Sed peractis illis diebus, abiimus, omnibus deducentibus nos, cum uxoribus et liberis, extra urbem usque: et positis genibus in litore oravimus. Et alii alios complexi, conscendimus navim: illi autem reversi sunt domum suam.
6
7 Nos vero navigatione perfecta devenimus Tyro Ptolemaida; et salutatis fratribus, mansimus diem unum apud eos.

8 Postridie vero egressi Paulus et nos qui cum eo eramus, venimus Cæsaream: et ingressi domum Philippi Evangelistæ (qui erat unus ex illis
9 septem), mansimus apud eum. Huic autem erant quatuor filiæ virgines prophetantes.

10 Et quum *illic* permansissemus dies complures, descendit ex Judæa quidam propheta nomine
11 Agabus; qui quum venisset ad nos, et sumpsisset zonam Pauli, vinctis sibi manibus ac pedibus, dixit, Hæc dicit Spiritus Sanctus, Virum cujus est hæc zona ita vincient Hierosolymis Judæi,
12 tradentque in manus gentium. Ut vero ista audivimus, rogabamus et nos et ejus loci incolæ,
13 ne ascenderet Hierosolymam. Sed respondit

- Paulus, Quid facitis, flentes et emollientes cor meum? Nam ego non solum vinciri, sed et mori paratus sum Hierosolymis pro nomine Domini Jesu. Quum igitur non assentiretur, acquievimus, dicentes, Fiat Domini voluntas.
- Porro post dies istos collectis sarcinis ascendimus Hierosolymam. Venerunt autem simul etiam *aliqui* ex discipulis Cæsarea nobiscum, adducentes, apud quem diversaremur, Mnasonem quendam Cyprium, antiquum discipulum.
- QUUM igitur pervenissemus Hierosolymam, libenter exceperunt nos fratres. Sequenti vero die introiit Paulus nobiscum ad Jacobum, et omnes presbyteri adfuerunt. Quos complexus, exposuit ordine singula quæ Deus fecerat inter gentes per ipsius ministerium.
- At illi, *his* auditis, glorificaverunt Dominum; et dixerunt ei, Vides, frater, quot sint millia Judæorum qui crediderunt; suntque omnes accensi zelo legis. Audierunt autem de te ex aliorum sermone, te defectionem a Mose docere omnes qui inter gentes sunt Judæos, et dicere eos non debere circumcidere filios, neque *secundum* ritus ambulare. Quid est ergo? omnino oportet convenire multitudinem: audient enim te venisse.
- Hoc igitur fac quod tibi dicimus: Sunt nobis viri quatuor qui voto sese obstrinxerunt: his assumptis, sanctificator cum eis, et adde ad eorum sumptus, ut radant capita, et norint omnes nihil esse eorum quæ de te auditione acceperunt; sed te quoque ita incedere ut legem observes. De iis autem qui crediderunt ex gentibus, nos scripsimus, et decrevimus nequid hujusmodi observent, nisi ut caveant ab iis quæ sunt immolata simulacris, et a sanguine, et rebus suffocatis, et scortatione.

26 Tum Paulus, assumptis viris illis, sequente die cum eis sanctificatus ingressus est in templum, denuncians expletionem dierum sanctificationis, usquedum oblata fuit pro unoquoque eorum oblatio.

27 QUUM autem septeni illi dies jam essent finiendi, qui ex Asia *advenerant* Judæi ipsum conspicati in templo, concitarunt totam turbam, 28 et injecerunt manus in eum, clamantes, Viri Israelitæ, succurrite: hic ille homo est qui adversus populum et legem et locum hunc omnes ubique docet; atque adeo Græcos introduxit in 29 templum, et polluit sanctum locum istum. (Viderant enim antea Trophimum Ephesium in urbe cum eo, quem existimabant fuisse a Paulo introductum in templum.)

30 Commota est igitur urbs tota, et factus est concursus populi: et prehensum Paulum traxerunt e templo: statimque clausæ sunt fores. Studentibus autem ipsis eum interficere, pervenit rumor ad tribunum cohortis, totam Hierosolymam 32 conturbatam esse: qui eo ipso *momento*, acceptis militibus ac centurionibus, decurrit ad illos. At illi, quum vidissent tribunum et milites, cesarunt cædere Paulum.

33 Tunc appropinquans tribunusprehendit eum, ei jussit vinciri catenis duabus: et percontatus 34 est quisnam esset et quid fecisset. Alii autem aliud vociferabantur in turba: et quum non posset certum rescire propter tumultum, jussit eum duci 35 in castra. Quum igitur pervenisset ad gradus, evenit ut portaretur a militibus propter violentiam turbæ. Sequebatur enim multitudo populi clamans, Tolle ipsum. 36

37 PAULUS autem, quum esset introducendus in castra, dicit tribuno, Licetne mihi aliquid tibi

38 dicere? Qui dixit, Græce nosti? Nonne tu es Ægyptius ille, qui ante hosce dies concitasti et eduxisti in desertum quator millia sicariorum?

39 Dixit autem Paulus, Ego quidem sum Judæus Tarsensis, urbis in Cilicia non obscuræ civis; ceterum rogo te, permitte mihi ut alloquar populum.

40 Quum igitur ille permisisset, Paulus stans in gradibus, manu silentium postulavit a plebe; et magno silentio facto, locutus est lingua Hebræa, dicens,

22 Viri fratres et patres, audite meam, qua nunc
2 apud vos utor, defensionem. (Quum audissent autem eum Hebræa lingua ipsos alloqui, magis
3 præbuerunt se quietos; *ipse* vero dixit *eis*,) Ego quidem sum Judæus, natus Tarsi, *urbe* Ciliciæ, nutritus vero in hac ipsa urbe apud pedes Gamalielis, eruditus ad exquisitam formam patriæ legis, zelo Dei accensus, sicut et vos omnes
4 estis hodie. Qui hanc sectam sum persecutus usque ad mortem, vinciens ac tradens in carceres tum viros tum mulieres: ut et pontifex
5 maximus mihi testis est, et totus seniorum ordo; a quibus etiam acceptis ad fratres epistolis, Damascum proficiscebar, adducturus etiam eos, qui illic essent, vinctos Hierosolymam, ut punirentur.

6 Factum est autem mihi iter facienti, et appropinquanti Damasco circiter meridiem, ut repente e cœlo circumfulserit me lux ingens tanquam
7 fulgur. Cecidique in solum, et audiavi vocem dicentem mihi, Saul, Saul, quid me persequeris?
8 Ego vero respondi, Quis es, Domine? Dixitque mihi, Ego sum Jesus ille Nazaræus, quem tu persequeris. Porro qui mecum erant lucem quidem
9 conspexerunt, et expavefacti sunt: vocem autem

10 non audierunt ejus qui loquebatur mecum. Dixi vero, Quid faciam, Domine? Dominus autem dixit mihi, Surge, ac proficiscere Damascum: et illic tibi dicetur de omnibus quæ constitutum est
11 tibi ut facias. Quum vero non viderem præ gloria lucis illius, manu deductus ab iis qui mecum erant, veni Damascum.

12 Ananias autem quidam, vir pius secundum legem, testimonio ornatus omnium *illic* habitantium Judæorum, veniens ad me, et adstans dixit mihi, Saul frater, recipe visum. Et ego, eodem
13 illo momento visu recepto, illum vidi. Ipse autem dixit, Deus patrum nostrorum designavit te qui cognosceres ipsius voluntatem, et videres Justum illum, et audires vocem ex ore ipsius.
14 Nam eris ei testis apud omnes homines *eorum*
15 quæ vidisti et audisti. Et nunc quid cunctaris? surgens baptizator, et abluitor a peccatis tuis, invocato nomine Domini.

17 Et factum est mihi reverso Hierosolymam, quum orarem in templo, ut raperer extra me.
18 Et viderem eum dicentem mihi, Festina, et exi cito Hierosolymis, quoniam non excipient testimonium tuum de me. Et ego dixi, Domine, ipsi sciunt me pertraxisse in carcerem, et verberibus affecisse per singulas synagogas eos qui
19 credebant in te. Et quum effunderetur sanguis Stephani martyris tui, ego quoque adstabam, et una assentiebar cædi ipsius, et custodiebam pal-
20 lia eorum qui interimebant eum. Tum *is* dixit mihi, Proficiscere: nam ego te longe ad gentes mittam.

22 AUDIEBANT autem eum ad hunc usque sermonem: tum *vero* sustulerunt vocem suam, dicentes, Tolle e terra *hominem* istiusmodi: non enim
23 convenit eum vivere. Clamitantibus autem eis, et

projicientibus pallia, et pulverem jactantibus in
24 aerem, jussit tribunus eum duci in castra, edicto
ut in eum flagris inquireretur; ut resciret propter
25 quod crimen sic clamarent adversus eum. Quum
autem eum distendissent loris *cædendum*, dixit
adstanti centurioni Paulus, Num hominem Ro-
manum, et *quidem* indicta causa, licet vobis fla-
26 gellare? *Hoc* autem quum audisset centurio,
adiit tribunum, et *hoc* renunciavit ei, dicens,
Vide quid facturus sis; homo enim iste Roma-
27 nus est. Accedens autem tribunus, dixit ei, Dic
mihi, num tu Romanus es? At ille dixit, Etiam.
28 Et respondit tribunus, Ego multa summa civita-
tem istam acquisivi. Paulus autem ait, Ego vero
29 etiam natus sum *civis*. Statim igitur abscesse-
runt ab eo qui fuerant in eum inquisituri: sed et
tribunus quoque metuit, cognito quod Romanus
esset, et quoniam eum vinxerat.

30 POSTRIDIE vero, volens certum rescire, nempe
cujus *rei* accusaretur a Judæis, solvit eum e
vinculis, et jussit primarios sacerdotes venire,
totumque ipsorum consessum: ac deductum Pau-
lum statuit coram eis.

23 Intentis autem in consessum oculis, Paulus
ait, Viri fratres, ego omni conscientia bona me
gessi apud Deum ad hunc usque diem.

2 Ananias autem pontifex maximus imperavit
3 adstantibus, ut os ejus cæderent. Tum Paulus
dixit ei, Futurum est ut percutiat te Deus, pa-
ries dealbate: et tu sedes judicans me secundum
legem, et legem transgrediens jubes me cædi?
4 Tum qui adstabant dixerunt, Pontifici illi Dei
5 maximo convitiaris? Dixit autem Paulus, Ne-
sciebam, fratres, pontificem esse maximum: scri-
ptum est enim, Principi populi tui non male-
dices.

- 6 Quum vero nosset Paulus unam quidem partem *illorum* esse Sadducæorum, alteram vero Phariseorum, clamavit in consessu, Viri fratres, ego Phariseus sum, filius Pharisei: de spe et resurrectione mortuorum ego in iudicium vocor.
- 7 Quum autem hoc esset locutus, orta est seditio inter Phariseos ac Sadducæos; et fissa est
- 8 multitudo. Nam Sadducæi quidem dicunt non esse resurrectionem, neque angelum, neque spiritum;
- 9 Pharisei autem utrumque profitentur. Ortus est igitur clamor magnus: et quum surrexissent scribæ ex partibus Phariseorum, depugnabant, dicentes, Nihil mali invenimus in homine isto: quod si spiritus locutus est ei, seu angelus,
- 10 ne repugnemus Deo. Magna autem orta seditione, veritus tribunus, ne Paulus ab ipsis discerperetur, jussit militum manum descendere, et eum raptum e medio ipsorum, ducere in castra.
- 11 Sequenti vero nocte superveniens ei Dominus, dixit, Confide, Paule; ut enim etiam atque etiam testificatus es quæ ad me spectant Hierosolymis, sic te oportet etiam Romæ testificari.
- 12 ORTO autem die, quidam ex Judæis facta coitione devoverunt sese, dicentes neque esuros se, neque bibituros, usquequo interemissent Paulum.
- 13 Erant vero plures quam quadraginta *viri*,
- 14 qui hanc conjurationem fecerant: qui adierunt primarios sacerdotes et seniores, et dixerunt, Devotione devovimus nosipsos, nihil gustaturos
- 15 usquequo interemerimus Paulum. Nunc ergo vos comparete apud tribunum ex consessu voluntate, ut eum cras ad vos deducat, veluti exquisitus percognituros de iis quæ ad eum *spectant*: nos vero, priusquam appropinquet, parati sumus ipsum interimere.

- 16 Quum autem filius sororis Pauli audivisset
istas insidias, venit, et ingressus in castra, re-
17 nunciavit *eas* Paulo. Paulus autem, advocato
quodam ex centurionibus, ait, Adolescentem hunc
abduc ad tribunum; habet enim quod renunci-
18 ei. Ille igitur assumptum eum, duxit ad tribu-
num, et dixit, Vincit ille Paulus advocatum
me rogavit ut hunc adolescentem ducerem ad
te, qui aliquid habeat quod tibi loquatur.
- 19 Tribunus autem, prehensa ejus manu, quum
secessisset seorsum, percontatus est. Quid est
quod habes mihi renunciandum?
- 20 *Ille* vero dixit, Judæi constituerunt te rogare, ut
cras Paulum deducas in consessum, quasi ali-
21 quid exquisitius percontaturi sint de eo. Tu
vero ne ipsis assentitor; insidiantur enim ei ex
istis viri plures quadraginta, qui seipsos devo-
verunt neque esuros neque bibituros usquequo
interemerint eum: et nunc parati sunt, exspectantes
quid a te renunciatur.
- 22 Tribunus igitur dimisit adolescentem, addito
mandato *ut* nulli effutiret quod hæc indicasset.
- 23 Et advocatis duobus quibusdam ex centurioni-
bus, *dixit* eis, Parate milites ducentos, qui pro-
ficiscantur Cæsaream usque, et equites septua-
ginta, et stipatores ducentos, a tertia hora noctis:
24 et ut jumenta præbeant, et impositum Paulum
25 salvum perducant ad Felicem præsidem: scripta
26 epistola quæ hanc summam contineret: Clau-
dius Lysias potentissimo præsidi Felici salutem.
- 27 Virum hunc comprehensum a Judæis, quum
jam futurum esset ut ab eis interimeretur,
supervenienti cum militum manu, erui, edoctus
28 Romanum esse. Et volens rescire crimen, cu-
jus eum postularent, deduxi eum in ipsorum con-
29 sessum. Quem comperi accusari de quæstionibus

legis ipsorum, nullius vero criminis reum quod
30 sit dignum morte aut vinculis. Indicatis autem
mibi insidiis adversus hunc virum eventuris a
Judæis, eo ipso momento misi *eum* ad te, et
mandavi quoque accusatoribus, ut quæ habent
adversus eum dicant apud te: Vale.

31 Milites igitur, sicut ipsis edictum fuit, rece-
32 ptum Paulum duxerunt nocte Antipatrida. Postero
autem die reversi sunt in castra, relictis equiti-
33 bus qui cum eo proficiscerentur. Qui quum
venissent Cæsaream, et reddidissent epistolam
34 præsi, stiterunt coram eo etiam Paulum. Quum
legisset autem *litteras* præses, et interrogasset
ex qua provincia esset, ac cognovisset esse ex
35 Cilicia, audiam te, inquit, quum accusatores quo-
que tui adfuerint. Jussitque in prætorio Hero-
dis ipsum custodiri.

24 QUINQUE autem post diebus descendit pon-
tifex maximus Ananias cum senioribus, et Ter-
tullo quodam oratore; qui comparuerunt coram
præside contra Paulum.

2 Citato igitur eo, cœpit accusare Tertullus, di-
3 cens, Multa *nos* pace potiri per te, et ea quæ
recte ac feliciter in hac gente providentia tua
gesta sunt, prorsus et ubique agnoscimus, poten-
4 tissime Felix, cum omni gratiarum actione. Ne
vero te diutius interpellem, precor ut audias nos
5 paucis pro tua æquitate. Comperimus enim vi-
rum hunc *esse* pestem, et qui moveat seditio-
nem omnibus Judæis per orbem terrarum, et
6 principem hæresis Nazaræorum: qui templum
quoque tentavit profanare: in quem etiam pre-
hensum volumus secundum legem nostram ju-
7 dicium ferre; sed interveniens tribunus Lysias,
cum magna vi abduxit eum e manibus nostris:
8 jussis ipsius accusatoribus ad te venire: ex quo

poteris ipse, inquisitione habita, de omnibus istis cognoscere, de quibus nos eum accusamus.

9 Consenserunt autem etiam Judæi, aientes hæc ita se habere.

10 Respondit autem Paulus, quum innuisset ei præses ut loqueretur, Quia te a multis annis huic genti præfuisse scio, eo alacriore animo quæ ad me attinent pro mei defensione dicam.

11 Quum tu possis certior fieri, non plures *exactos* esse dies quam duodecim, ex quo ascendi Hiero-

12 solymam adoraturus. Neque vero me in templo invenerunt cū aliquo disserentem, aut coitionem turbæ facientem, neque in synagogis, ne-

13 que in urbe: neque probare possunt ea, de qui-

14 bus nunc me accusant. Hoc vero tibi fateor, me secundum viam illam, quam hæresin dicunt, ita colere patrium Deum ut qui credam omni-

15 bus quæ in lege et in prophetis scripta sunt: ac spem habeam in Deo, fore, quam etiam ii ipsi exspectant, resurrectionem mortuorum, tum justo-

16 rum tum injustorum. Interea vero ipse *me* exerceo, ad conscientiam omni tempore habendam

17 sine offensa apud Deum et apud homines. Pluribus autem annis interjectis, veni eleemosynas

18 præstiturus genti meæ, et oblationes. Inter quæ invenerunt me sanctificatum in templo, non *tamen* cum turba, neque cum tumultu, quidam ex

19 Asia Judæi; quos oportuit apud te adesse, et

20 accusare, siquid haberent adversum me. Aut hi ipsi dicant si quod invenerunt in me injuste

21 factum, quum ego starem in consessu: nisi de hac una voce, qua clamavi, quum inter eos starem, De resurrectione mortuorum ego in iudicium vocor hodie a vobis.

22 Auditis autem his, Felix ampliavit eos, Postquam exquisitius pernovero quæ ad viam istam

pertinent, inquit, Quum tribunus Lysias descendit, pernoscam vestrum negotium. Edicens etiam centurioni ut servaretur Paulus, ac relaxaretur, et nequis prohiberetur ex ipsius familiaribus ei ministrare, aut eum adire.

Aliquot autem post diebus, quum advenisset Felix cum Drusilla uxore sua, quæ erat Judæa, accersivit Paulum, et audivit eum de fide quæ est in Christum. Disserente autem ipso de justitia, et continentia, et judicio futuro, expavescens Felix, respondit, Ut nunc se res habent, abi: opportunitatem autem nactus accersam te. Simul et illud sperans, fore ut pecunia ipsi daretur a Paulo, ut eum *vinculis* exsolveret: quamobrem etiam frequentius eum accersens, colloquebatur cum eo. Biennio autem expleto, accepit successorem Felix Porcium Festum: et volens gratiam inire a Judæis Felix, reliquit Paulum vinctum.

FESTUS ergo ingressus provinciam, triduo post ascendit Cæsarea Hierosolymam. Comparuerunt autem coram eo pontifex maximus et primarii ex Judæis contra Paulum, et eum precati sunt, petentes gratiam adversus eum, ut accerseret eum Hierosolymam; factis insidiis, ut eum in via interimerent. Festus autem respondit, ut asservaretur Paulus Cæsareæ: se vero cito *illuc* profecturum. Qui ergo inter vos, inquit, *istud* poterunt, una descendant, et siquid est in hoc viro improbum, accusent eum.

Sumptis autem apud eos diebus non pluribus quam decem, quum descendisset Cæsaream, postero die sedit in tribunali, jussitque Paulum adduci. Qui quum adfuisset, circumsteterunt eum qui Hierosolymis descenderant Judæi, multas et graves criminationes adferentes adversus Paulum,

- 8 quas nequibant demonstrare: ipso pro sui defensione dicente, Neque in legem Judæorum, neque in templum, neque in Cæsarem quicquam peccavi.
- 9 Sed Festus volens gratiam inire a Judæis, respondens Paulò dixit, Vis Hierosolymam ascendere, et illic de his iudicium subire apud me?
- 10 Dixit autem Paulus, Ad tribunal Cæsaris sto, ubi me oportet iudicium subire: Judæos nulla in re injuria affeci, sicut et tu pulchrè agnoscis.
- 11 Nam si sum nocens et dignum morte feci quippiam, non recuso mori: sin vero nihil est *ex iis* quorum isti me accusant, nullus me potest iis donare: Cæsarem appello.
- 12 Tunc Festus cum concilio collocutus, respondit, Cæsarem appellasti? ad Cæsarem proficisceris.
- 13 DIEBUS autem aliquot exactis, Agrippa rex et Bernice venerunt Cæsaream, salutaturi Festum.
- 14 Et quum dies complures illic consumpsissent, Festus regi exposuit illi de Paulo, dicens, Vir
- 15 quidam est relictus a Felice in vinculis: de quo, quum venissem ego Hierosolyma, comparentes me interpellarunt primarii sacerdotes et seniores Judæorum, petentes damnationem adversus eum.
- 16 Quibus respondi, non esse Romanis morem, quempiam perdendum concedere, priusquam is qui accusatur in conspectu habeat accusatores, et locum
- 17 defensionis accipiat super criminatione. Quum ergo huc convenissent, absque ulla dilatione, consequenti die sedens in tribunali, jussi adduci hominem.
- 18 Cujus accusatores quum adstarent, nullum crimen objiciebant eorum quæ ego suspicabar;
- 19 sed quæstiones quasdam de sua superstitione habebant adversus eum, et de quodam Jesu defuncto, quem aiebat Paulus vivere. Incertus autem ego super ejusmodi quæstione, dixi num
- 20

vellet proficisci Hierosolymam, et illic iudicium
21 subire super istis. Quum vero Paulus provocasset
ut asservaretur Augusti cognitioni, jussi eum as-
servari quousque mitterem eum ad Cæsarem.

22 Agrippa vero dixit Festo, Velim et ipse ho-
minem audire.

At ille, Cras, inquit, eum audies.

23 POSTERO igitur die quum venisset Agrippa et
Bernice cum multa ostentatione, et introissent in
auditorium cum tribunis et eminentibus ejus ur-
bis civibus, jubente Festo, adductus est Paulus.

24 Tum Festus, Agrippa rex, inquit, et omnes
qui simul adestis nobiscum, videtis istum, de quo
omnis multitudo Judæorum compellavit me, et
Hierosolymis et hic, vociferantes non oportere
25 ipsum vivere amplius. Ego vero quum compe-
rissem eum nihil dignum morte fecisse, et is ipse
26 appellasset Augustum, decrevi eum mittere. De
quo quid certi scribam domino, non habeo: qua-
propter eum ad vos produxi, et maxime ad te,
rex Agrippa, ut habita quæstione, habeam quod
27 scribam. Nam præter rationem mihi videtur,
quum mittam vinctum, non etiam crimina in eum
collata significare.

26 Agrippa vero Paulo dixit, Permittitur tibi pro
teipso dicere.

Tunc Paulus extensa manu, hac defensione
2 usus est: Super omnibus de quibus postulor a
Judæis, rex Agrippa, beatum me duco quod sim
3 hodie defensione apud te usurus: maxime quod
te gnarum esse sciam omnium qui apud Judæos
sunt rituum et quæstionum. Ideo rogo te ut me
4 patiente animo audias. Vitam itaque meam actam
a juventute, quæque a principio fuit in gente
5 mea Hierosolymis, sciunt omnes Judæi; ut qui
antea noverint, me jam inde a majoribus (si ve-

- lint testari,) secundum exquisitissimam illam hæresin nostri religiosi cultus, vixisse Pharisæum.
- 6 Nunc vero ob spem promissionis factæ patribus
7 nostris a Deo, sto in iudicium vocatus: ad quam
8 *promissionem* duodecim tribus nostræ, Deum
9 nocte et die assidue colentes, sperant se occur-
10 suras: de qua spe postulor, rex Agrippa, a Ju-
11 dæis. Quid? incredibile iudicatur apud vos, quod
12 Deus mortuos suscitet? Equidem statueram apud
13 me adversus nomen *illius* Jesu Nazaræi multa
14 oportere *me* contraria facere: quod etiam feci
15 Hierosolymis: et multos sanctorum ego carceri-
16 bus inclusi, a primariis sacerdotibus auctoritate
17 accepta; et quum *ab eis* interimerentur, tuli suf-
18 fragium: ac per omnes synagogas sæpe ipsos
19 puniens, coegi ad blasphemandum: et supra mo-
20 dum furens adversus eos, persecutus sum *ipsos*
21 etiam in exteris usque civitates.
- 22 Inter quæ etiam proficiscens Damascum cum
23 potestate et mandato a primariis sacerdotibus,
24 die medio, rex, in via vidi cœlitus lucem, quæ
25 splendorem solis superans, circumfudit me suo
26 fulgore, et eos qui mecum iter faciebant: quum
27 autem omnes nos decidissemus in terram, audivi
28 vocem alloquentem me, ac dicentem Hebraica
29 lingua, Saul, Saul, quid me persequeris? durum
30 est tibi contra stimulos calcitrare. Ego autem
31 dixi, Quis es, Domine? At ille dixit, Ego sum
32 Jesus ille quem tu persequeris. Sed exsurge, et
33 insiste pedibus tuis: idcirco enim apparui tibi,
34 ut designarem te ministrum ac testem tum eorum
35 quæ vidisti, tum eorum *in* quibus apparebo tibi;
36 eruens te ex hoc populo, et gentibus, ad quos
37 nunc te mitto; ut aperias oculos eorum, et con-
38 vertas *eos* a tenebris ad lucem, et *a* potestate
39 Satanæ ad Deum, ut remissionem peccatorum et

sortem inter sanctificatos accipiant per fidem quæ est in me.

19 Unde, rex Agrippa, non fui rebellis cœlesti
20 illi apparitioni; sed iis qui sunt Damasci primum,
et Hierosolymis, et in omni regione Judææ, *de-*
inde et gentibus annunciavi ut resipiscerent, et
converterent se ad Deum, opera facientes con-
21 venientia resipiscentiæ. Horum causa Judæi me
in templo comprehensum tentarunt manibus *suis*
22 interficere. Sed auxilium, quod *est* a Deo, na-
ctus, perstiti in hunc usque diem, testificans *ista*
tum parvis tum magnis, nec quicquam dicens ex-
tra ea quæ prophetæ ac Moses futura prædixe-
23 runt: *nempe* Christum fuisse passurum, ac primum
ex resurrectione mortuorum, lucem annunciatum
huic populo et gentibus.

24 HÆC autem ipso pro sui defensione excipiente,
Festus magna voce ait, Insanis, Paule, multæ li-
teræ te ad insaniam propellunt.

25 Tum ille, Non insanio, inquit, potentissime
Feste, sed vera ac sanæ mentis verba eloquor.
26 Scit enim ista rex, apud quem etiam libere lo-
quor; nam eum latere quicquam horum mihi non
persuadeo, neque enim id in angulo gestum est.
27 Credis, rex Agrippa, prophetis? scio te cre-
dere.

28 Agrippa vero dixit Paulo, Propemodum per-
suades mihi ut fiam Christianus.

29 Paulus autem dixit, Optarim a Deo, ut et pro-
pemodum et admodum, non tu modo, sed omnes
etiam qui me audiunt hodie, facti essetis tales
qualis ego sum, exceptis istis vinculis.

30 Et quum hæc dixisset, surrexit rex, ac præses,
31 et Bernice, et qui consederant cum eis. Et quum
secessissent, loquebantur alii ad alios, dicentes,
Certe nihil morte aut vinculis dignum facit homo

32 iste. Agrippa vero Festo dixit, Dimitti poterat homo iste, nisi appellasset Cæsarem.

27 UT autem decretum fuit ut nos navigaremus in Italiam, tradiderunt tum Paulum tum quosdam alios vinctos centurioni, nomine Julio, cohortis Augustæ. Consenso igitur navigio Adramytteno, navigaturi secundum Asiæ regiones provecti sumus, et nobiscum erat Aristarchus Macedo Thessalonicensis. Altera autem die devecti sumus Sidonem: et Julius, humaniter tractato Paulo, permisit ut ad amicos profectus, ab illis refocillaretur. Illinc vero provecti sublegimus Cyprum, quod venti essent adversi. Et pelagus quod est secundum Ciliciam et Pamphyliam emensi, devenimus Myra *urbem* Lyciæ. Et illic nactus centurio navem Alexandrinam navigantem in Italiam, imposuit nos in eam. Quumque non paucis diebus tarde navigaremus, vixque pervenissemus secundum Gnidum, non permittente nobis vento, sublegimus Cretam secundum Salmonen: et illam vix præterlegentes, pervenimus in locum quendam quem vocant Pulchros Portus, cui propinqua erat civitas Lasæa.

9 Non parvo autem tempore peracto, et quum jam esset periculosa navigatio, quod jam etiam jejunium præteriisset, admonebat *eos* Paulus, dicens eis, Viri, video cum injuria multoque damno, non solum oneris et navis, sed etiam capitum nostrorum, futuram navigationem. Centurio vero gubernatori et naclero potius assentiebatur, quam iis quæ a Paulo dicebantur. Et quum appositus portus non esset ad hibernandum, plerique consulti decreverunt solvere etiam illinc, *experturi* siquo modo possent ad Phœnica devenire, et illic hibernare; qui portus est Cretæ, respiciens ad Africum et Chorum.

- 13 Quum autem aspirasset Notus, visi sibi *sui*
propositi facti compotes, quum solvissent, pro-
14 pius præterlegebant Cretam. Verum haud multo
post imegit in eam ventus turbulentus, qui vo-
15 catur Euroclydon. Quumque abreptum esset na-
vigium, nec posset obniti vento, dato *ventis na-*
16 *vigio* ferebamur. Et quum infra parvam quan-
dam insulam, quæ Clauda vocatur, cursu delati
essemus, vix valuimus scaphæ compotes fieri.
17 Qua subducta, adjumentis utebantur, succincta
navi: metuentesque ne in syrtin exciderent, de-
18 missis velis, ita ferebantur. Quum autem vehe-
menti tempestate jactaremur, sequente *die* jactu-
19 ram fecerunt: ac tertio die ipsi nostris manibus
20 armamenta navis abjecimus. Quum autem neque
sol neque sidera apparerent ad complures dies,
et tempestas non parva incumberet, ablata in
posterum spes omnis erat salutis nostræ.
- 21 Et quum multa jam fuisset inedia, tunc stans
Paulus in medio eorum dixit, Oportebat quidem,
o viri, mihi ab initio obediendo non provehi a
22 Creta, et vitare injuriam hanc et damnum. Sed
nunc adhortor vos ut bono animo sitis: amissio
enim nulla erit cujusquam ex vobis, sed tantum
23 navis. Adstitit enim mihi hac nocte angelus
24 Dei, cujus sum ego, et quem etiam colo, dicens,
Ne metue, Paule; oportet te Cæsare sisti: et
ecce, gratificatus est tibi Deus omnes qui tecum
25 navigant. Propterea bono animo estote, viri:
credo enim Deo, ita fore quemadmodum locutus
26 est mihi. In insulam autem quandam excidere
nos oportet.
- 27 Ceterum quum quartadecima nox advenisset,
et jactaremur in Adria, nautæ circa medium no-
ctis suspicati sunt appropinquare sibi aliquam re-
28 gionem. Et demissa bolide invenerunt passus

viginti: et paululum inde progressi, rursum de-
29 missa bolide, invenerunt passus quindecim. Et
metuentes ne quo modo in aspera loca excide-
rent, jactis e puppi anchoris quatuor, optabant
diem oriri.

30 Quum vero nautæ studerent fugere e navi, et
demisissent scapham in mare, sub prætextu velut
31 e prora anchoras extensuri, dixit Paulus centu-
rioni et militibus, Nisi isti in navi manserint,
32 vos servari non potestis. Tunc absciderunt mili-
tes funes scaphæ, et siverunt eam excidere.

33 Interim autem dum oriretur dies, hortabatur
Paulus omnes ut caperent cibum, dicens, Dies
hic est decimusquartus, ex quo exspectantes je-
34 juni permanetis, nullo cibo sumpto. Ideo vos
hortor ut sumatis cibum; hoc enim ad salutem
vestram spectat: nullius enim vestrum capillus
35 ex capite cadet. Et quum hæc dixisset, et acce-
pisset panem, gratias egit Deo in conspectu om-
36 nium: et quum fregisset, cœpit edere. Omnes
vero quum jam animum recepissent, sumpserunt
37 et ipsi cibum. Eramus autem universa capita in
38 navigio ducenta septuaginta sex. Ceterum satiati
cibo, allevabant navim, projicientes frumentum
in mare.

39 Quum autem dies ortus esset, terram illam
non agnoscebant: sinum vero quendam animad-
verterunt habentem litus, in quem decreverant,
40 si possent, extrudere navim. Anchoris igitur
undique ablatis, permiserunt *eam* mari, simul la-
xatis vinculis gubernaculorum: et sublato arte-
41 mone ad venti flatum, tendebant ad litus. Sed
quum incidissent in locum bimarem, impegerunt
navem: ac prora quidem infixæ manebat immota,
puppis vero solvebatur præ undarum violentia.

42 Militum autem consilium erat, ut vinctos interi-

43 merent, ne quis, quum enatasset, effugeret. Sed centurio volens conservare Paulum, prohibuit eos ab hac deliberatione; jussitque ut qui possent natare, abjicerent *se* primos, et in terram evaderent: reliqui vero partim in tabulis, partim quibusdam navis *fragmentis*: et ita factum est, ut omnes salvi evaderent in terram.

28 ET quum salvi evasissent, tunc cognoverunt
2 insulam illam vocari Melitam. Barbari vero præstabant nobis non vulgarem humanitatem: accensa enim pyra acceperunt nos omnes, propter imbrem urgentem, et propter frigus.

3 Quum autem convertisset Paulus nonnihil samentorum, et imposuisset in pyram, vipera e calore prodiens arripuit ejus manum. Ut vero barbari viderunt pendentem bestiam e manu ejus, alii aliis dicebant, Omnino homicida est homo iste, quem, postquam salvus evasit e mari, ultio
5 non sivit vivere. At ille, excussa bestia in
6 ignem, nihil mali passus est. Illi vero expectabant dum intumesceret, aut concideret repente mortuus: sed quum multum *tempus* expectassent, et viderent nihil incommodi illi accidere, mutati, dicebant eum esse deum.

7 Ceterum circa locum illum erant prædia primario insulæ illius, nomine Publio, qui nos exceptos, triduo peramice hospitio excepit. Factum est autem ut pater Publii febribus ac dysenteria detentus, decumberet: ad quem Paulus ingressus, et precatus, impositis ei manibus, sanavit eum.
9 Hoc igitur facto, reliqui etiam qui infirmitatibus tenebantur in illa insula, accedebant, et sanabantur: qui etiam multis honoribus nos honorarunt; et quum proveheremur, imposuerunt quæ usui
10 nobis erant.

11 TRIBUS itaque post mensibus provecti sumus

- navi Alexandrina, quæ in ea insula hiemaverat,
12 cui erat insigne Castor et Pollux. Et devecti
13 Syracusas, *illic* mansimus triduum. Unde circum-
legentes devenimus Rhegium: et altero post die
quum supervenisset Auster, secundo die venimus
14 Puteolos: ubi repertis fratribus, rogati sumus ut per-
maneremus apud eos diebus septem: et ita conten-
15 dimus Romam. Unde quum audissent fratres de re-
bus nostris, prodierunt nobis in occursum usque ad
Appii Forum et Tres Tabernas: quos quum vidisset
Paulus, gratiis actis Deo, sumpsit fiduciam.
- 16 Quum vero venissemus Romam, centurio tra-
didit vinctos præfecto exercituum: sed permissum
est Paulo ut habitaret seorsim, cum milite qui
ipsum custodiret.
- 17 FACTUM est autem ut tertio post die con-
vocaret Paulus Judæorum primos: qui ubi con-
venissent, dixit eis, Ego, viri fratres, quum nihil
fecerim adversus populum aut ritus patrios, vin-
ctus traditus sum Hierosolymis in manus Roma-
18 norum. Qui, quæstione de me habita, volebant
me dimittere, quod nulla sit in me causa mortis.
- 19 Sed contradicentibus Judæis, coactus sum appel-
lare Cæsarem: non *tamen* quasi habeam de quo
20 gentem meam accusem. Ob hanc igitur causam
vos advocavi, quos viderem et alloquerer; nam
propter spem Israelis circumdatus sum hac catena.
- 21 Illi vero dixerunt ei, Nos neque literas acce-
pimus de te ex Judæa; neque adveniens quisquam
fratrum annunciavit aut locutus est aliquid de te
22 mali. Velimus autem ex te audire quæ sentias:
nam de ista hæresi notum est nobis ubique *ei*
contradici.
- 23 Quum igitur constituissent ei diem, venerunt
ad eum in hospitium complures; quibus cum at-
testatione exponebat regnum Dei, suadens eis

quæ de Jesu Christo sunt, ex lege Mosis et prophetis, a mane usque ad vesperam.

24 Et alii quidem assentiebantur iis quæ diceban-
 25 tur; quidam vero non credebant. Quum autem
 inter se discordes essent, digressi sunt postquam
 Paulus hoc verbum dixisset, Recte sane Spiritus
 Sanctus locutus est per Esaiam prophetam pa-
 26 tribus nostris, dicens, Vade ad populum
 istum, et dic, Auditum audietis, et non
 intelligetis; et videntes videbitis, et
 27 non cernetis. Pinguefactum enim est cor
 populi hujus, et auribus graviter audierunt,
 et oculis suis conniverunt: ne cernant oculis,
 et auribus audiant, et corde intelligant, et
 convertant sese, et sanem
 28 eos. Notum ergo sit vobis, missam esse genti-
 bus hanc Dei salutem, et ipsos audituros.

29 Quum ergo hæc dixisset, exierunt Judæi, mul-
 tam habentes inter se altercationem.

30 MANSIT autem Paulus biennium totum in pro-
 prio conducto; et excipiebat omnes qui ad ipsum
 31 ingrediebantur; prædicans regnum Dei, ac docens
 quæ sunt de Domino Jesu Christo cum omni
 dicendi libertate, nemine prohibente.

EPISTOLA PAULI APOSTOLI

AD

ROMANOS.

1 PAULUS, servus Jesu Christi, ex vocatione
 apostolus, separatus ad *prædicandum* evange-
 2 lium Dei, (quod ante promiserat per prophetas
 3 suos in scripturis sanctis,) de Filio suo, (facto ex
 4 semine Davidis, secundum carnem, declarato

Filio Dei potenter secundum Spiritum sanctitatis, per resurrectionem ex mortuis,) *nempe* Jesu Christo Domino nostro: (per quem accepimus gratiam et apostolatum ad obedientiam fidei, inter omnes gentes, pro ipsius nomine: inter quas estis etiam vos, vocati a Jesu Christo:) omnibus qui Romæ estis, dilectis Dei, *ex Dei* vocatione sanctis; gratia sit vobis et pax a Deo Patre nostro, et Domino Jesu Christo.

PRIMUM quidem gratias ago Deo meo per Jesum Christum super omnibus vobis, quod fides vestra annuntiatur in toto mundo. Testis enim mihi est Deus, quem colo spiritu meo in evangelio Filii ipsius, me sine intermissione mentionem facere vestri; semper in orationibus meis rogantem, si quo modo tandem aliquando prosperum iter mihi detur ex voluntate Dei, ut veniam ad vos. Expeto enim videre vos, ut aliquod impertiar vobis donum spirituale, ut vos stabiliamini: hoc est, ad communem exhortationem percipiendam apud vos, per mutuam fidem, vestram simul et meam.

Nolim autem vos ignorare, fratres, me sæpe proposuisse venire ad vos, (sed prohibitus fui usque adhuc,) ut fructum aliquem haberem inter vos quoque, sicut et inter reliquas gentes. Et Græcis et barbaris, tum sapientibus tum insipientibus, debitor sum. Itaque quicquid in me situm est, promptum est ad vobis etiam qui Romæ estis, evangelizandum.

Non enim me pudet evangelii Christi: potentia siquidem est Dei ad salutem cuivis credenti; Judæo primum, tum etiam Græco. Justitia enim Dei per illud detegitur ex fide in fidem: sicut scriptum est, Qui vero ex fide justus est, vivet.

- 18 PATET enim ira Dei e cœlo adversus omnem
impietatem et injustitiam hominum, ut qui veri-
19 tatem injuste detineant. Quoniam id quod de
Deo cognosci potest, manifestum est intra ipsos;
20 Deus enim eis manifestum fecit. Ipsius enim in-
visibilia jam inde a creatione mundi ex iis quæ
fecit animadversa pervidentur, æterna *videlicet*
ejus tum potentia tum divinitas: ad hoc ut sint
21 inexcusabiles. Propterea quod quum Deum co-
gnoverint, *tamen* ut Deum non glorificaverunt,
neque gratias ei egerunt: sed vani facti sunt in
ratiocinationibus suis, et obtenebratum est desi-
22 piens cor eorum. Quum se dictitent sapientes,
23 stulti facti sunt. Mutarunt enim gloriam incor-
ruptibilis Dei in simulacrum imaginis corrupti-
bilis hominis, et volucrum, et quadrupedum, et
reptilium.
- 24 Quamobrem etiam tradidit eos Deus cupidita-
tibus cordium ipsorum ad impuritatem, ut fœda-
25 rent corpora sua in semetipsis. Ut qui Dei veri-
tatem transmutarint in falsitatem, et venerati sint
et coluerint res conditas, præterito Creatore, qui
est benedictus in secula. Amen.
- 26 Propterea, *inquam*, tradidit eos Deus fœdis
affectibus: nam et feminæ illorum transmutarunt
naturalem usum in eum qui est præter naturam:
27 similiterque etiam masculi, relicto naturali usu
feminæ, exarserunt sua libidine alius in alium,
masculi in masculis fœda perpetrantes, et com-
pensationem (quum oportuit) erroris sui in sese
recipientes.
- 28 Et sicut non visum est eis Deum in agnitione
retinere, *ita* tradidit eos Deus in mentem omnis
judicii expertem, ut facerent quæ minime con-
29 veniebat: oppleti omni injustitia, malitia, scorta-
tione, improbitate, avaritia; pleni invidia, cæde,

30 contentione, dolo, malignitate: susurrones, oblo-
cutores, Dei osores, injuriosi, superbi, gloriosi,
inventores malorum, parentibus non obedientes,
31 intelligentia carentes, fœdifragi, charitatis exper-
32 tes, implacabiles, immisericordes: qui Dei jure
agnito, (*nempe* eos qui talia faciunt dignos esse
morte,) *tamen* non solum ea faciunt, sed etiam
cum iis qui ea faciunt consentiunt.

2 QUAPROPTER inexcusabilis es, o homo,
quisquis *alterum* damnas: nam hoc ipso quod
damnas alterum, teipsum condemnas: eadem enim
agis *tu* qui *alium* damnas.

2 Scimus vero iudicium Dei esse secundum veri-
tatem adversus eos qui talia agunt.

3 Cogitas autem hoc, o homo, qui damnas eos
qui talia faciunt, et facis ea, fore ut effugias ju-
4 dicio Dei? An divitias benignitatis ejus et to-
lerantiæ ac tarditatis ad iram contemnis, ignorans
5 te benignitate Dei ad resipiscentiam deduci? Sed
pro duritia tua et corde quod resipiscere nescit,
thesaurizas tibi ipsi iram in diem iræ et patefa-
6 ctionis justi iudicii Dei; qui reddet unicuique
7 secundum opera ipsius; iis quidem, qui secundum
patientem expectationem quærent boni operis
gloriam, et honorem, et immortalitatem, vitam
8 æternam: litigiosis vero et veritati quidem non
obedientibus, obedientibus autem injustitiæ, *erit*
9 excandescencia et ira. Afflictio, *inquam*, *erit* et
angustia adversus omnem animam hominis per-
petrantis malum, tum Judæi in primis, tum etiam
10 Græci: gloria vero, et honor, et pax *erit* cuivis
operanti bonum, tum Judæo in primis, tum et
11 Græco: non enim est personarum acceptio apud
12 Deum. Quicumque enim absque lege peccaverunt,
absque lege quoque peribunt: et quicumque cum
13 lege peccaverunt, per legem damnabuntur: (non

enim qui audiunt legem justi sunt apud Deum;
14 sed qui legem præstant, justificabuntur. Nam
quum gentes quæ legem non habent, natura quæ
legis sunt faciant, isti legem non habentes, sibi
15 ipsis sunt lex: ut qui ostendant opus legis scriptum
in cordibus suis, una testimonium reddente
ipsorum conscientia, et cogitationibus sese mutuo
16 accusantibus, aut etiam excusantibus:) in die quo
judicabit Dominus de occultis hominum, ex evangelio
meo, per Jesum Christum.

17 ECCE, tu cognominaris Judæus, et acquiescis
18 in lege, et gloriaris in Deo; et nosti *ejus* voluntatem,
et exploras quæ discrepant, institutus ex
19 lege; confidisque te ducem esse cæcorum, lucem
20 eorum qui *sunt* in tenebris, eruditorem insipientium,
magistrum infantium, quod habeas informationem
21 cognitionis ac veritatis in lege. Qui igitur doces
alium, teipsum non doces? qui prædicas non furandum,
22 furaris? qui dicis non mœchandum, mœcharis?
qui abominaris idola, sacrilegium admittis?
23 qui de lege gloriaris, per legis transgressionem
24 Deum dedecoras? Nam Dei nomen propter vos
blasphematur inter gentes, sicut scriptum est.

25 Nam circumcisio quidem prodest, si legem observes:
quod si transgressor legis fueris, circumcisio
26 tua facta est præputium. Itaque si præputium
jura legis observet, nonne præputium illius
27 pro circumcisione reputabitur? Et quod est ex natura
præputium, si legem servet, damnabit te, qui per
literam et circumcisionem es transgressor legis?
28 Non enim qui *est* in propatulo Judæus, Judæus est;
nec ea quæ *est* in propatulo circumcisio, *id est*, in carne,
circumcisio *est*: sed qui in occulto Judæus *est*, et circumcisio
29 cordis, *id est*, in spiritu, non litera:

cujus *Judæi* laus non est ex hominibus, sed ex Deo.

3 QUÆ est igitur præstantia *Judæi*? aut quæ utilitas circumcisionis?

2 Multa per omnem modum: *primarium* enim *illud est*, quod eis credita sunt eloquia Dei.

3 Quid tum enim, si infidi fuerunt quidam? num ipsorum infidelitas fidem Dei cassam reddet?

4 Absit: imo esto Deus verax, omnis autem homo mendax: sicut scriptum est, Ut justificeris in sermonibus tuis, et vincas quando tu judicas.

5 Quod si injustitia nostra Dei justitiam commendat, quid dicemus? num injustus Deus qui inferat pœnam? (humano more loquor.)

6 Absit: alioquin quomodo judex erit Deus mundi?

7 Etenim si veritas Dei per meum mendacium redundavit in gloriam ipsius, cur amplius ego ut

8 peccator condemnor? Ac non (sicut de nobis male loquuntur, et sicut quidam aiunt nos dicere) faciamus mala ut veniant bona? quorum damnatio justa est.

9 Quid igitur? præcellimus?

10 Nullo modo: nam ante criminati sumus et *Ju-*
11 *dæos* et *Græcos* omnes esse sub peccato: sicut
12 scriptum est, Non est justus, ne unus qui-
13 dem: non est qui intelligat, non est qui
14 exquirat Deum. Omnes deflexerunt, si-
15 mul inutiles facti sunt: non est qui faciat
16 quod bonum est, non est usque ad unum.
17 Sepulchrum apertum, guttur eorum; lin-
18 guis suis ad dolum usi sunt; venenum
19 aspidum sub labiis eorum: quorum os
20 diris et amarulentia plenum est. Veloces
21 pedes eorum ad effundendum sanguinem:
22 contritio et calamitas in viis eorum: ¹⁷ et

18 viam pacis non cognoverunt. Non est timor Dei coram oculis eorum.

19 Scimus autem, quæcunque lex dicit, iis qui in lege sunt dicere; ut omne os obturetur, et obnoxius fiat totus mundus condemnationi Dei. Propterea ex operibus legis nulla caro justificabitur in conspectu ejus: per legem enim agnitio peccati.

21 Nunc vero absque lege justitia Dei patefacta est, comprobata testimonio legis ac prophetarum: justitia, inquam, Dei per fidem Jesu Christi in omnes et super omnes qui credunt; non enim est distinctio: omnes enim peccaverunt, ac deficiuntur gloria Dei: ut quiificentur gratis, *id est*, ejus gratia, per redemptionem factam in Jesu Christo: quem proposuit Deus placamentum per fidem in sanguine ipsius ad demonstrationem justitiæ suæ prætereundo peccata quæ antecesserunt, in illa Dei tolerantia. Ad demonstrationem justitiæ suæ, præsentī tempore: ut sit ipse justus, et justificans eum qui est ex fide Jesu.

27 Ubi igitur gloriatio? exclusa est. Per quam legem? operum? non: sed per legem fidei. Colligimus igitur, fide justificari hominem absque operibus legis.

29 An *est* Deus Judæorum solum? annon et gentium? certe et gentium. Quandoquidem Deus unus *est* qui justificabit circumcisionem ex fide, et præputium per fidem.

31 Legem igitur cassam reddimus per fidem? Absit: imo legem stabilimus.

4 QUID igitur dicemus Abrahamum, patrem illum nostrum, nactum esse secundum carnem?

2 Nam si Abrahamus ex operibus justificatus fuit, habet de quo gloriatur, at non apud Deum.

3 Quid enim scriptura dicit? Credidit autem Abrahamus Deo, et imputatum est ei ad justitiam.

- 4 Atqui ei qui operatur, merces non imputatur ex
5 gratia, sed ex debito. Ei vero qui non operatur, sed credit in eum qui justificat impium, imputatur fides sua ad justitiam. Sicut etiam David declarat beatum eum hominem cui Deus imputat
6 justitiam absque operibus, *dicens*, Beati quibus remissæ sunt legis transgressionibus,
7 et quorum tecta sunt peccata. Beatus vir cui non imputarit Dominus peccatum.
- 9 Ista igitur beatitudinis declaratio in circumcisionem *solum*, an et in præputium *cadit*? dicimus enim imputatam fuisse Abrahæ fidem ad justitiam.
- 10 Quomodo ergo imputata est? quum esset in circumcisione, an *quum esset* in præputio?
- 11 Non in circumcisione, sed in præputio. Et signum accepit circumcisionis, *quod est* sigillum justitiæ fidei receptæ in præputio, ut esset pater omnium credentium in præputio, imputata etiam
12 ipsis justitia; et pater circumcisionis, iis *videlicet* qui non solum sunt ex circumcisione, sed qui etiam incedunt vestigiis fidei patris nostri Abrahami, quæ fuit in præputio.
- 13 Non enim per legem promissio *cessit* Abrahamo, aut semini ejus, ut hæres esset mundi,
14 sed per justitiam fidei. Etenim si ii qui ex lege *sunt*, hæredes sunt, inanis facta est fides, et
15 cassa reddita est illa promissio. Nam lex iram efficit: ubi enim non est lex, ibi nec transgressio
16 *est*. Propterea ex fide *est hæreditas* ut *sit* per gratiam, ut firma sit promissio toti semini: *id est*, non solum ei quod *est* ex lege, verum etiam ei quod *est* ex fide Abrahami, qui est pater omnium nostrum, (sicut scriptum est, Patrem multarum gentium constitui te,) coram eo cui credit, Deo *videlicet*, vivificante mortuos, et vocante
17 quæ non sunt tanquam sint: qui, *Abrahamus*,

contra spem sub spe credidit, fore ut ipse fieret
pater multarum gentium, secundum id quod *ei*
19 dictum fuerat, Ita erit semen tuum. Ac minime
infirmus fide, non consideravit suum ipsius cor-
pus jam emortuum, quum centum circiter natus
20 esset annos, nec emortuum uterum Saræ. Ad
hanc promissionem autem Dei non addubitavit
incredulitate: sed corroboratus fuit fide, tributa
21 gloria Deo; ac plene certioratus est, *eum*
22 quod promiserat, posse etiam efficere. Quapro-
pter etiam *hoc* imputatum est ei ad justitiam.

23 Non scriptum est autem propter eum solum,
24 quod *hoc* imputatum fuerit ei; sed etiam propter
nos, quibus futurum est ut imputetur, iis *nimi-*
rum qui credunt in eum qui suscitavit Jesum
25 Dominum nostrum ex mortuis, qui traditus fuit
morti propter offensas nostras, et suscitatus ad
nostri justificationem.

5 Justificati igitur ex fide, pacem habemus apud
Deum per Dominum nostrum Jesum Christum:
2 per quem etiam fide adducti fuimus in hanc gra-
tiam per quam stamus, et gloriamur in spe glo-
riæ Dei.

3 Neque *id* solum, sed etiam gloriamur de affli-
ctionibus, scientes quod afflictio tolerantiam effi-
4 ciat; tolerantia vero experientiam, experientia
5 autem spem: porro spes non pudefacit, eo quod
charitas Dei effusa est in cordibus nostris per
6 Spiritum Sanctum qui datus est nobis. Christus
enim, quum nullis adhuc viribus essemus, præ-
7 stituto tempore pro impiis mortuus est. Enim-
vero vix pro justo quisquam moriatur; nam pro
bono *viro* forsitan aliquis etiam mori sustineat.
8 Commendat autem suam erga nos charitatem
Deus, eo quod quum adhuc essemus peccatores,
9 Christus pro nobis mortuus sit. Justificati igitur

- nunc ejus sanguine, servabimur multo magis per
10 eum ab ira illa. Nam si, quum inimici essemus,
reconciliati fuimus Deo per mortem Filii ejus,
multo magis reconciliati, servabimur per vitam
11 ipsius. Neque id solum, verum etiam gloriamur
de Deo per Dominum nostrum Jesum Christum,
per quem nunc reconciliationem recepimus.
- 12 PROPTEREA, sicut per unum hominem pec-
catum in mundum introiit, sic per peccatum,
mors; et ita in omnes homines mors pervasit,
13 in quo *homine* omnes peccarunt. Nam usque
ad legem peccatum erat in mundo: peccatum
14 vero *esse* non putatur, non existente lege. Re-
gnavit autem mors ab Adamo usque ad Mosen,
in eos etiam qui non peccaverant ad similitudi-
nem transgressionis Adam, qui est typus illius
qui erat futurus.
- 15 At non ut offensa, ita etiam *est* quod *Deus*
gratificatur: nam si illius unius offensa multi
mortui sunt, multo magis gratia Dei et donatio
per gratiam, quæ *est* unius illius hominis Jesu
16 Christi, in multos exundavit. Neque ut *illud*
quod introiit per unum qui peccavit, *ita est*
quod donatur: nam reatus quidem *est* ex una
offensa ad condemnationem; quod autem grati-
ficatur *Deus*, *est* ex multis *offensis* ad justifica-
17 tionem. Etenim si per unam illam offensam mors
regnavit per illum unum, multo magis *ii* qui
exundantiam illam gratiæ et doni justitiæ reci-
piunt, in vita regnabunt per unum illum Jesum
Christum.
- 18 Nempe igitur, sicut per unam offensam *reatus*
venit in omnes homines ad condemnationem, ita
per unam justificationem *beneficium redundavit*
19 in omnes homines ad justificationem vitæ. Sicut
enim per illam inobedientiam unius illius homi-

nis peccatores constituti sunt illi multi, ita per unius obedientiam iusti constituentur illi multi.

20 Lex vero præterea introiit, ut redundaret
offensa illa: sed ubi redundavit peccatum, *ibi*
21 superabundavit gratia illa: ut quemadmodum
regnauerat illud peccatum ad mortem, ita etiam
gratia illa regnaret per iustitiam ad vitam æter-
nam, per Jesum Christum Dominum nostrum.

6 QUID igitur dicemus? permanebimus in pec-
cato, ut gratia auctor fiat?

2 Absit: qui mortui sumus peccato, quomodo
3 adhuc vivemus in eo? An ignoratis, nos quot-
quot baptizati sumus in Christum Jesum, in mor-
4 tem ejus esse baptizatos? Consepulti sumus igitur
ei per baptismum in mortem; ut sicuti sus-
citatus est Christus ex mortuis in gloriam Pa-
5 tris, ita et nos nova vita ambulemus. Nam si
cum eo plantati coaluimus assimilatione mortis
ejus, nimirum etiam resurrectionis *assimilatione*
6 *cum eo* coalescemus: illud scientes, veterem il-
lum nostrum hominem cum eo crucifixum esse,
ut cassum reddatur corpus illud peccati, ne nos
7 amplius serviamus peccato. Etenim qui mortuus
est, liberatus est a peccato.

8 Quod si mortui sumus cum Christo, credimus
9 fore ut etiam ei convivamus: ut qui sciamus
Christum suscitatum ex mortuis, non amplius
mori: mortem, *inquam*, ei non amplius domi-
10 nari. Nam quod mortuus est, peccato mortuus
11 est semel: quod autem vivit, vivit Deo. Ita
etiam vos colligite, vos tum mortuos esse pec-
cato, tum vero vivere Deo per Christum Jesum
Dominum nostrum.

12 Ne regnato igitur peccatum in mortali vestro
corpore, ut auscultetis in cupiditatibus cor-
13 poris: neque sistite membra vestra arma in-

justitiæ peccato: sed sistite vos Deo, ut ex mortuis vivos, et membra vestra arma justitiæ Deo.

14 Peccatum enim vobis non dominabitur: non enim estis sub lege, sed sub gratia.

15 Quid igitur? peccabimus, quod non simus sub lege, sed sub gratia?

16 Absit. An nescitis quod cui sistitis vos servos ad auscultandum, ejus servi estis cui auscultatis, sive peccati ad mortem, sive obedientiæ ad justitiam? Gratia autem *sit* Deo, quod fuistis *quidem* servi peccati, sed ex corde auscultastis ei formæ doctrinæ in quam estis traditi.

18 Et liberati a peccato, mancipati estis justitiæ.

19 Hominum more loquor, propter infirmitatem carnis vestræ. Nempe, sicut stitistis membra vestra serva impuritati et legis transgressioni, ad *patranda* legis transgressionem: ita nunc sistite membra vestra serva justitiæ ad sanctimoniam. Quum enim servi eratis peccati, liberi
20 eratis justitiæ. Quem igitur fructum habebatis tunc *ex iis* de quibus nunc erubescitis? nam
22 finis illorum mors *est*. Nunc vero liberati a peccato, servi autem facti Deo, habetis fructum vestrum in sanctimoniam, finem autem, vitam
23 æternam. Nam stipendia peccati *sunt* mors: donum autem Dei *est* vita æterna in Christo Jesu Domino nostro.

7 AN ignoratis, fratres, (peritos enim legis alloquor,) legem *tantisper* dominari cuipiam quanto tempore ipse vivit?

2 Nam viro addicta mulier, viventi viro devincta est per legem: quod si mortuus fuerit
3 vir, liberata est a lege viri. Proinde, vivente viro, mœcha vocabitur, si fiat alterius viri; sin autem mortuus fuerit vir ejus, libera est a lege illa, ut non sit mœcha si fiat alterius viri.

4 Itaque, fratres mei, vos quoque mortificati
estis legi in corpore Christi; ut essetis alterius,
ejus *videlicet* qui ex mortuis suscitatus est, ut
5 fructum feramus Deo. Quum enim essemus in
carne, affectus peccatorum per legem *existentes*
agebant in membris nostris, ad fructum feren-
6 dum morti. Nunc autem liberati sumus a lege,
mortuo *eo* in quo detinebamur, ut serviamus in
novitate spiritus, ac non *in* vetustate literæ.

7 Quid ergo dicemus? Lex peccatum *est*?

Absit. Sed peccatum non cognovi nisi per
legem: nam ipsam quoque cupiditatem non nos-
sem *esse peccatum*, nisi lex dixisset, Non con-
8 cupisces. Sed peccatum, occasione per illud
præceptum sumpta, effecit in me totam cupi-
9 ditatem. Nam absque lege, peccatum *quidem*
erat mortuum: ego vero vivus eram absque lege
quondam; præcepti autem illius adventu pecca-
10 tum *quidem* revixit, ego vero mortuus sum. Et
inventum est illud præceptum quod *erat* ad vi-
11 tam, mihi *cedere* ad mortem. Nam peccatum,
occasione per illud præceptum sumpta, seduxit
12 me, et per illud occidit. Itaque lex ipsa quidem
sancta; et præceptum illud sanctum, ac justum,
et bonum *est*.

13 Ergo quod bonum *est*, mihi factum est mors?

Absit: sed peccatum *mihi factum est mors*,
ut appareret *esse* peccatum mihi per id quod bo-
num est efficiens mortem; *id est*, ut peccatum
fieret admodum peccans per illud præceptum.
14 Scimus enim legem esse spiritualem: at ego
carnalis sum, venditus ut subjicerer peccato.
15 Quod enim perpetro, non agnosco: non enim
quod volo, hoc ago; sed quod odi, hoc facio.
16 Quod si facio quod nolo, consentio legi quod
17 bona *sit*. Nunc itaque non amplius ego id per-

petro, sed peccatum quod in me habitat, *id*
18 *perpetrat*. Novi enim non habitare in me (id
est, in carne mea) bonum: nam velle adest mihi,
sed ut quod bonum est perficiam, non assequor.
19 Non enim facio bonum quod volo: sed malum
20 quod nolo, hoc ago. Quod si id facio ego quod
ego nolo, non amplius ego id perpetro, sed
peccatum quod in me habitat, *id perpetrat*.

21 Invenio igitur volenti mihi facere bonum hanc
legem *impositam esse*, quod mihi malum adja-
22 ceat. Delector enim lege Dei quod ad interio-
23 rem hominem: sed video aliam legem in mem-
bris meis belligerantem adversus legem mentis
meæ, et captivum reddentem me legi peccati
quæ est in membris meis.

24 Ærumnosus ego homo! quis me eripiet ex
25 isto corpore mortis? Gratias ago Deo per Je-
sum Christum Dominum nostrum.

Nempe igitur ipse ego mente quidem servio
legi Dei, carne vero legi peccati.

8 NULLA igitur nunc *est* condemnatio iis qui
sunt in Christo Jesu, *qui* non secundum carnem
2 ambulant, sed secundum spiritum. Nam lex
spiritus vitæ, *qui est* in Christo Jesu, liberavit
3 me a lege peccati et mortis. Nam quæ legis
erat impotentia, quum viribus esset destituta in
carne, Deus suo ipsius Filio misso in forma
consimili carni peccato obnoxia, idque pro pec-
4 cato, condemnavit peccatum in carne: ut jus il-
lud legis compleatur in nobis, qui non secun-
dum carnem ambulamus, sed secundum spiritum.

5 Nam qui secundum carnem sunt, quæ carnis
sunt sapiunt; qui vero *sunt* secundum spiritum,
6 quæ spiritus sunt. Nam quod sapit caro, mors
est; quod autem sapit spiritus, vita et pax:
7 quoniam quod sapit caro, inimicitia *est* adver-

sus Deum: legi enim Dei non subjicitur; nam
8 ne potest quidem. Ergo qui in carne sunt, Deo
placere non possunt.

9 Vos autem non estis in carne, sed in spiritu,
siquidem spiritus Dei habitat in vobis: quod
siquis spiritum Christi non habet, is non est
10 ejus. Porro si Christus in vobis *est*, corpus
quidem mortuum *est* propter peccatum; spiritus
11 autem vita *est* propter justitiam. Sed si spiritu
ejus qui suscitavit Jesum ex mortuis habitat
in vobis; is qui excitavit Christum ex mortuis,
vivificabit etiam mortalia corpora vestra per in-
habitantem ipsius spiritum in vobis.

12 Nempe igitur, fratres, debitores sumus non
carni, ut secundum carnem vivamus, *sed spiri-*
13 *tui*. Nam si secundum carnem vixeritis, futurum
est ut moriamini: sed si spiritu actiones corpo-
14 ris mortificetis, vivetis. Quotquot enim spiritu
15 Dei aguntur, ii sunt filii Dei. Non enim ac-
cepistis spiritum servitutis rursum ad metum;
sed accepistis spiritum adoptionis, per quem
16 clamamus Abba, *id est*, Pater. Et ille ipse
spiritus testatur una cum spiritu nostro, nos
17 esse filios Dei. Quod si filii, etiam hæredes:
hæredes quidem Dei, cohæredes autem Christi;
si modo *cum eo* patimur, ut *cum eo* etiam glo-
rificemur.

18 Reor enim minime pares esse præsentis tem-
poris perpassiones, gloriæ in nobis revelandæ.
19 Etenim mundus hic conditus, exserto capite ob-
20 servans exspectat dum revelentur filii Dei. Nam
vanitati mundus hic conditus subjectus est, non
sua sponte, sed propter eum qui subjecit *eum*
21 *isti vanitati*: sub spe quod et ipse conditus
mundus liberabitur ex servitute corruptionis in
22 libertatem gloriæ filiorum Dei. Scimus enim

- totum mundum creatum una suspirare, et una
23 parturire ad hoc usque tempus. Neque vero
ille solum, sed et ipsi qui primitias spiritus
habemus, nosipsi, inquam, apud nos suspiramus,
adoptionem exspectantes, *id est*, redemptionem
24 corporis nostri. Nam spe servati sumus. Spes
autem si videatur, non est spes: quod enim quis
25 videt, cur speret? Si vero quod non videmus
speramus, *nempe* per tolerantiam exspectamus.
26 Itidem autem et spiritus una sublevat infirmi-
tates nostras: quid enim oremus ut oportet, non
novimus: sed ipse spiritus intercedit pro nobis
27 suspiriis ineffabilibus. Qui vero scrutatur corda,
novit quid sapiat spiritus: quia secundum Deum
intercedit pro sanctis.
28 Novimus autem, iis qui diligunt Deum, omnia
simul adiumento esse ad bonum, iis *videlicet*
29 qui ex præsstituto *ipsius* vocati sunt. Nam quos
præscivit, etiam prædestinavit conformandos
imagini Filii sui: ut is sit primogenitus inter
30 multos fratres. Quos vero prædestinavit, eos
etiam vocavit; et quos vocavit, eos etiam justi-
ficavit: quos autem justificavit, eos etiam glori-
ficavit.
31 Quid igitur dicemus ad hæc? si Deus pro no-
32 bis, quis contra nos? Is quidem qui proprio
Filio non pepercit, sed pro nobis omnibus tra-
didit eum, quomodo non etiam cum eo illa no-
33 bis omnia gratificabitur? Quis intentabit crimina
adversus electos Dei? Deus *is est* qui justificat.
34 Quis est qui condemnet? Christus *is est* qui
mortuus est, imo vero qui etiam suscitatus est;
qui etiam est ad dexteram Dei; qui etiam inter-
35 pellat pro nobis. Quis nos separabit a charitate
Christi? *num* afflictio, num angustia, num per-
secutio, num fames, num nuditas, num pericu-

36 lum, num gladius? (sicut scriptum est, Tui
causa occidimur totum diem; reputati
sumus velut oves destinatae mactationi.)
37 Imo in his omnibus amplius quam victores su-
38 mus, per eum qui dilexit nos. Nam mihi per-
suasum est, neque mortem, neque vitam, neque
angelos, neque principatus, neque potestates,
39 neque praesentia, neque futura, neque sublimi-
tatem, neque profunditatem, neque ullam rem
aliam creatam, posse nos separare a charitate
Dei, quae est in Christo Jesu Domino nostro.

9 VERITATEM dico per Christum, non men-
tior, attestante mihi simul conscientia mea per
2 Spiritum Sanctum; magnam mihi tristitiam esse,
3 et cruciatum sine intermissione cordi meo. Opta-
rim enim ego ipse anathema esse *separatum* a
Christo, pro fratribus meis, cognatis, *inquam*,
4 meis secundum carnem: qui sunt Israelitae: quo-
rum *est* adoptio, et gloria, et pacta, et legis
5 constitutio, et cultus, et promissiones: quorum
sunt patres illi, et ex quibus *est* Christus, quod
ad carnem attinet, qui est supra omnes Deus
benedictus in secula. Amen.

6 Non quasi vero propterea exciderit sermo Dei:
non enim omnes qui *sunt* ex *patre* Israele, *sunt*
7 Israel: neque quia *sunt* semen Abrahami, *ideo*
omnes *sunt* filii: sed, In Isaaco vocabitur tibi
8 semen. Hoc est, non qui filii carnis, ii filii Dei:
sed qui *sunt* filii promissionis reputantur in se-
9 mine. Promissionis enim sermo hic est, Hoc
ipso praestituto tempore veniam, et erit Sarae
10 filius. Neque *hic* solum, sed et Rebecca, quum
ex uno concepisset, *nempe* ex Isaaco patre
11 nostro, *haec experta est*; (nondum enim natis
pueris, quum nihil fecissent boni vel mali, ut
praestitutum illud Dei quod *est* secundum *ipsius*

electionem, *id est*, non ex operibus, sed ex voce, *firmum* maneret;) dictum est ei, Major serviet minori. Sicut scriptum est, Jacobum dilexi, Esavum autem odio habui.

14 Quid igitur dicemus? Num injustitia *est* apud Deum?

15 Absit. Nam Mosi dicit, Miserebor cujus misertus fuero, et commiserabor quem commiseratus fuero. Nempe igitur *electio* non est ejus qui velit, neque ejus qui currat, sed ejus qui miseretur, *nempe* Dei. Dicit enim scriptura Pharaoni, Ad hoc ipsum excitavi te, ut ostendam in te potentiam meam, et ut annuncietur nomen meum in tota terra. Itaque cujus vult miseretur, quem autem vult indurat.

19 Dices ergo mihi: Quid adhuc succenset? nam voluntati illius quis obstitit?

20 Imo vero, o homo, tu qui es qui ex adverso responsas Deo? Num dicet figmentum fictori, Cur me tale fecisti? annon habet jus figulus in lutum, ex eadem massa faciendi aliud quidem vas ad decus, aliud vero ad dedecus? *Quid* si vero volens ostendere iram, et notam facere potentiam suam, pertulit longa ad iram dilatione vasa iræ, compacta ad interitum: et ut notas faceret divitias gloriæ suæ erga vasa misericordiæ, quæ præparavit ad gloriam, quos etiam vocavit, *nimirum* nos, non solum ex Judæis, verum etiam ex gentibus? Ut etiam apud Oseen dicit, Vocabo populum, qui meus non *erat*, populum meum: et eam, quæ dilecta non *erat*, dilectam. Et erit in loco ubi dictum fuerat eis, Non populus meus vos, illic vocabuntur filii viventis Dei. Esaias autem clamat super Israel, *Etiam* si fuerit numerus filiorum Israel ut are-

28 na maris, reliquiæ servabuntur. Rem enim conficiet et concidet cum justitia: quoniam rem concisam peraget Dominus
29 in terra. Et sicut prius dixit Esaias, Nisi Dominus Sabaoth reliquisset nobis semen, facti fuissetus ut Sodoma, et Gomorrhæ similes facti fuissetus.

30 Quid igitur dicemus? nempe gentes quæ non sectabantur justitiam, apprehendisse justitiam,
31 justitiam autem eam quæ *est* ex fide: Israellem vero consecrando legem justitiæ, ad legem justitiæ non pervenisse. Quare? Quia non ex fide, sed velut ex operibus legis: nempe offenderunt
32 ad lapidem ad quem impingitur. Quemadmodum scriptum est, Ecce, statuo in Sion lapidem ad quem impingetur, et petram offendiculi: et quisquis credit in eum, non pudefiet.

10 FRATRES, propensa quidem illa voluntas cordis mei, et deprecatio ad Deum super Israel
2 est ad salutem. Testor enim *de* ipsis, eos zelum Dei habere, sed non ex notitia. Nam ignorantes Dei justitiam, et propriam justitiam studentes constituere, justitiæ Dei non fuerunt subjecti.

4 Nam finis legis *est* Christus, ad justitiam cui-
5 vis credenti. Moses enim describit justitiam quæ est ex lege, *dicens*, qui præstiterit ea, vivet per
6 illa. At quæ ex fide est justitia ita dicit, Ne dixeris in corde tuo, Quis ascendet in cælum?
7 hoc est, Christum ex alto deducere: aut, Quis descendet in abyssum? hoc est, Christum ex mortuis reducere. Sed quid dicit? Prope te verbum est, in ore tuo et in corde tuo. Hoc
9 est verbum illud fidei quod prædicamus, *nempe*, si professus fueris ore tuo Dominum Jesum et

- credideris in corde tuo quod Deus eum suscitavit ex mortuis, servaberis. Nam corde creditur ad justitiam: fit autem ore professio ad salutem.
- 11 Dicit enim scriptura, Quisquis credit in eum, 12 non pudefiet. Non enim est distinctio vel Judæi vel Græci: nam idem *est* Dominus omnium, dives 13 in quosvis a quibus invocatur. Quisquis enim invocaverit nomen Domini, servabitur.
- 14 Quomodo igitur invocabunt eum in quem non crediderint? quomodo autem credent *ei* de quo non audierint? quomodo autem audient absque 15 prædicante? Quomodo autem prædicabunt nisi missi fuerint? sicut scriptum est, Quam speciosi pedes evangelizantium pacem, evange- 16 lizantium bona! Sed non omnes ausculta- runt evangelio: Esaias enim dicit, Domine, 17 quis credidit sermoni nostro? Ergo fides ex auditu est, auditus autem per verbum Dei.
- 18 Sed (inquam *ego*) annon audierunt? Imo vero in omnem terram exivit sonus eorum, et ad ultima orbis terrarum verba eorum.
- 19 Sed (inquam *ego*) num Israel non cognovit *Deum*? Primus Moses dicit, Ego ad æmulationem provocabo vos per gentem quæ non est gens: per gentem, intelligentiæ 20 expertem, ad iram vos provocabo. Esaias autem utitur audacia, dicitque, Inventus sum ab iis qui me non quærebant; manifestus factus sum iis qui de me non interroga- 21 bant. Adversus Israellem autem dicit, Toto die expandi manus meas ad populum non obedientem et contradicentem.
- 11 Num igitur (inquam *ego*) abjecit Deus populum suum?

Absit: nam et ego Israelita sum, ex semine

- 2 Abrahæ tribus Benjamin. Non abjecit Deus populum illum suum quem præagnovit. An nescitis de Elia quid dicat scriptura? quomodo inter-
- 3 pellet Deum adversus Israelem, dicens, Domine, prophetas tuos occiderunt, et altaria tua suffoderunt; et ego relictus sum solus, et petunt animam meam. Sed quid dicit ei divinum respon-
- 4 sum? Feci ut remanserint mihi septem millia virorum qui non flexerunt genu *imagini* Baal.
- 5 Ita igitur et hoc tempore reservatio secundum
- 6 electionem gratuitam facta est. Quod si per gratiam, non jam ex operibus; alioquin gratia jam non est gratia: sin ex operibus, jam non est gratia; alioquin opus jam non est opus.
- 7 Quid igitur? quod requirit Israel, hoc non est adeptus: sed electi adepti sunt, reliqui vero oc-
- 8 caluerunt, (sicut scriptum est, Dedit eis Deus spiritum soporis; oculos ut non videant, et aures ut non audiant,) usque ad hodiernum diem. Et David dicit, Fiat mensa eorum in laqueum, et tendiculum, et offendiculum, et retributionem ipsis: obtinebrentur oculi eorum, ut non videant; et tergum eorum semper incurva.
- 9
- 10
- 11 Num igitur (inquam *ego*) impegerunt ut exciderent?

- Absit: sed per eorum offensam salus *obtigit* gentibus, ut eos ad æmulationem provocaret.
- 12 Quod si eorum offensa est opulentia mundi, et diminutio eorum opulentia gentium; quanto magis plenitudo ipsorum? Nam (quod vobis dico gentibus, quatenus ego quidem sum apostolus
- 13 gentium) ministerium meum illustro: *ut experiar* si quo modo ad æmulationem provocem consanguineos meos, et servem aliquos ex ipsis.
- 14
- 15 Nam si abjectio eorum est reconciliatio mundi,

- 16 quæ *erit* assumptio, nisi vita ex mortuis? Quod
si primitiæ sanctæ, *sancta* etiam massa: et si
17 radix sancta *est*, etiam rami. Quod si nonnulli
rami defracti sunt, tu vero quum esses oleaster,
insitus es pro ipsis, et particeps radicis ac pin-
18 guedinis oleæ factus es: ne gloriare adversus
ramos: quod si gloriaris, non tu radicem portas,
sed radix te.
- 19 Dices igitur, Defracti sunt rami ut ego in-
sererer.
- 20 Bene: per incredulitatem defracti sunt, tu vero
per fidem stas: ne effertor animo, sed metue:
21 nam si Deus naturalibus ramis non pepercit,
vide ne tibi quoque non parcat.
- 22 Vide igitur benignitatem ac præcisam severi-
tatem Dei: in eos quidem qui ceciderunt, præ-
cisam severitatem; in te vero benignitatem, si
permanseris in benignitate; alioquin et tu exci-
23 deris. Sed et illi, si non permanserint in incre-
dulitate, inserentur: potens enim est Deus rur-
24 sum eos inserere. Etenim si tu ex naturali ex-
sectus es oleastro, et præter naturam insitus es
in veram oleam; quanto magis ii qui naturales
sunt inserentur propriæ oleæ?
- 25 Nolim enim vos ignorare, fratres, mysterium
hoc, (ut ne sitis apud vosmetipsos sapientes,) ob-
26 durationem ex parte Israeli evenisse, quous-
que plenitudo gentium introierit: et ita totus
Israel servabitur: sicut scriptum est, Veniet
ex Sion ille vindex, et avertet impie-
27 tates a Jacob. Et Hoc *est* illis a me pactum,
Quum abstulero peccata ipsorum.
- 28 Itaque quod ad evangelium *attinet*, sunt ini-
mici propter vos; quod ad electionem autem,
29 dilecti propter patres. Nam dona illa, et illa
vocatio Dei ejusmodi sunt, ut eorum ipsum pœ-

nitere non possit. Sicut enim et vos quondam non obedivistis Deo, nunc autem estis misericordia donati per istorum contumaciam: sic et isti nunc non obedierunt, ut per vestri misericordiam et ipsi misericordia donentur. Conclussit enim Deus omnes illos in contumacia, ut omnium illorum misereretur.

O profundas divitias tum sapientiæ tum cognitionis Dei! quam imperscrutabilia sunt ejus judicia, et ejus viæ impervestigabiles! Quis enim cognovit mentem Domini? aut quis ei fuit a consilio? Aut quis prior dedit ei, et retribuetur ei? Nam ex eo, et per eum, et in ipsum *sunt* omnia: ipsi *sit* gloria in secula. Amen.

ADHORTOR igitur vos, fratres, per miserationes illas Dei, ut sistatis corpora vestra hostiam vivam, sanctam, placentem Deo, rationalem illum cultum vestrum. Et ne vos configurate seculo isti: sed transformate vos per renovationem mentis vestræ, ad hoc ut probetis quæ sit voluntas Dei bona illa, placens, ac perfecta.

Enim vero per gratiam quæ mihi data est, edico cuivis versanti inter vos, ne sapiat supra quam oportet sapere: sed sapiat ad sobrietatem, prout cuique Deus partitus est mensuram fidei. Quemadmodum enim in uno corpore membra multa habemus, membra vero omnia eandem non habent actionem; ita multi illi unum corpus sumus in Christo, singulatim autem alii aliorum membra.

Habentes autem diversa dona pro gratia quæ nobis data est, sive prophetiam, *prophetemur* pro proportionem fidei: sive ministerium, *versemur* in ministrando: tum is qui docet, in docendo: tum qui exhortatur, in exhortatione:

tum qui distribuit, cum simplicitate: tum qui præest, cum diligentia: tum qui miseretur, cum hilaritate.

9 Charitas *esto* minime simulata. *Estote* abhor-
10 rentes a malo, agglutinati bono. Fraternalis charitate alii ad alios amandos propensi; honore
11 alii aliis præeuntes: studio minime ignavi; spiritu ferventes; Domino servientes; spe gaudentes; in afflictione tolerantes; in oratione perdurantes: usibus sanctorum communicantes; hospitalitatem sectantes.

14 Benedicite iis qui vos insectantur; benedicite,
15 *inquam*, et ne imprecamini. Gaudete cum gaudentibus, et flete cum flentibus. Itidem alii in alios affecti. Non alta sapientes, sed humilibus obsecundantes. Ne estote prudentes apud
17 vosmetipsos. Nemini malum pro malo vicissim reddentes: procurantes honesta in omnium hominum conspectu. Si fieri potest, quantum in vobis est, cum omnibus hominibus in pace viventes.

19 Non ipsi vosmet ulcisescentes, dilecti; sed date locum iræ: scriptum enim est, Meum est ulcisci;
20 ego rependam, dicit Dominus. Itaque si esurit inimicus tuus, ciba eum; si sitit, da ei potum; hoc enim si feceris, carbones ignis coacervabis
21 in caput ejus. Ne vincitor a malo, sed vince bono malum.

13 Omnis anima potestatibus supereminentibus subiecta esto; non enim est potestas nisi a Deo; et quæ sunt potestates, sunt a Deo ordinatæ.
2 Itaque quisquis obsistit potestati, Dei ordinationi obsistit: qui autem obsistunt, ipsi sibi condemnationem auferent. Nam magistratus non sunt metui bonis operibus, sed malis. Vis autem non metuere potestatem? Quod bonum est fa-

- 4 cito, et laudem ab ipsa obtinebis: Dei enim minister est tuo bono, Quod si feceris quod malum est, metue; non enim frustra gladium gerit; nam Dei minister est, vindex ad iram ei qui
5 quod malum est fecerit. Quapropter necesse est subji-
6 ci, non solum propter iram, sed etiam propter conscientiam. Propter hoc enim etiam tributa solvitis; siquidem ministri Dei sunt in
7 hoc ipso laborantes. Reddite igitur omnibus quod debetis; cui tributum *debetur*, tributum; cui vectigal, vectigal; cui timor, timorem; cui honor, honorem.
- 8 Nemini quicquam debete, nisi *hoc*, ut alii alios diligatis; nam qui diligit alterum, legem
9 implevit. Siquidem illud, Non mœchaberis, Non occides, Non furaberis, Non falsum testimonium dices, Non concupisces; et si quod aliud *est* præceptum, in hoc sermone summatim comprehenditur, nempe, Diliges proximum tuum sicut teipsum. Charitas proximum non afficit malo: itaque charitas est completio legis.
- 10 Idque perspecta opportunitate, quod *videlicet* tempus jam *sit* nostri a somno expergefiendi; nunc enim propius nos est salus, quam quum
11 credidimus. Nox processit, dies autem propinquat. Abjiciamus igitur opera tenebrarum, et
12 induamur habitu qui luci conveniat. Ut interdiu, decenter ambulemus: non *in* comessionibus et ebrietatibus, non cubilibus ac lasciviis,
13 non lite et invidia: sed induimini Domino Jesu Christo, et carnis curam ne habete ad *explendas* cupiditates.
- 14 EUM vero qui fide est infirmus, assumite; non *tamen* ad altercationes disputationum.
- 2 Alius quidem credit edere licere quidvis;
3 alius autem *fide* infirmus edit olera. Qui edit,

non edentem ne pro nihilo habeto: et qui non edit, edentem ne condemnato; Deus enim eum
4 assumpsit. Tu qui es qui condemnas alienum famulum? proprio domino perstat aut cadit: stabilietur autem: potest enim Deus eum stabilire.

5 Alius quidem æstimat diem præ die; alius autem *peræque* æstimat quemvis diem. Unusquisque in animo suo plene certioratus esto.

6 Qui curat diem, Domino curat; et qui non curat diem, Domino non curat. Qui edit, Domino edit; gratias enim agit Deo: et qui non edit, Domino non edit, et gratias agit Deo:
7 nullus enim nostrum sibiipsi vivit, et nullus sibi-
8 ipsi moritur. Nam sive vivimus, Domino vivimus; sive morimur, Domino morimur: sive igitur
9 vivamus, sive moriamur, Domini sumus. Ad hoc enim Christus et mortuus est, et resurrexit, et revixit, ut et mortuis et viventibus dominetur.

10 Tu vero cur condemnas fratrem tuum? aut etiam tu cur pro nihilo habes fratrem tuum? Omnes enim sistemur apud tribunal Christi.

11 Scriptum est enim, Vivo ego, dicit Dominus, certe mihi *sese* flectet omne genu, et omnis lingua palam agnoscet Deum.

12 Nempe ergo unusquisque nostrum de seipso
13 rationem reddet Deo. Ne amplius igitur alii alios judicemus: sed hic potius adhibete iudicium, ut ne fratri proponatis quidpiam ad quod impingat, vel offendat.

14 Novi, et persuasum habeo per Dominum Jesum, nihil esse impurum per se: sed ei qui reputat aliquid esse impurum, *id* ei impurum *esse*.

15 Verum si propter escam frater tuus tristitia afficitur, non jam secundum charitatem ambulas.

Ne esca tua illum perduto pro quo Christus mortuus est.

16 Ne vestrum igitur bonum blasphemator: ¹⁷ non enim est regnum Dei esca et potus, sed justitia, 18 et pax, et gaudium per Spiritum Sanctum. Nam qui per hæc servit Christo, placet Deo, et probatur hominibus. Nempe igitur quæ ad pacem faciunt sectemur, et quæ ad mutuam ædificationem. Ne cibi causa destrue opus Dei. Omnia quidem munda: sed malum *est* homini qui 21 edens offendit. Bonum *est* non edere carnes neque bibere vinum, neque *quicquam facere* in quo frater tuus impingit, vel offenditur, vel infirmus est.

22 Tu fidem habes: apud temetipsum habe in conspectu Dei. Beatus qui non condemnat seipsum in *eo* quod approbat. Qui vero dubitat, si ederit, condemnatus est, quoniam non *edit* ex fide; quicquid vero ex fide non est, peccatum est.

15 Debemus autem nos, qui firmi *sumus*, infirmitates imbecillorum portare, ac non indulgere nobis ipsis. *Itaque* unusquisque nostrum proximo placeat *ipsius* bono, *id est*, ad *eius* ædificationem. Etenim Christus non placuit sibiipso: sed, sicut scriptum est, Convicia eorum qui 4 conviciantur tibi, inciderunt in me. Nam quæ ante scripta sunt, ad nos docendos ante scripta sunt; ut per tolerantiam et consolationem 5 scripturarum spem retineamus. Deus autem *auctor* tolerantiae et consolationis det vobis ut itidem alii in alios affecti sitis, secundum Christum Jesum: ut concorditer uno ore glorificetis Deum ac Patrem Domini nostri Jesu Christi. 6 Propterea assumite alii alios, sicut et Christus assumpsit nos in gloriam Dei.

8 *ILLUD* autem dico, Jesum Christum ministrum
fuisse circumcisionis, pro Dei veritate, ut con-
9 firmaret promissiones patrum: et ut gentes pro
misericordia glorificent Deum; sicut scriptum
est, Propterea celebrabo te inter gentes,
10 et nomini tuo psallam. Et rursum dicit,
Hilares estote, gentes, cum populo
11 ipsius: et rursum, Laudate Dominum, om-
nes gentes, et collaudate ipsum, omnes
12 populi. Et rursum Esaias dicit, Erit radix
Jesse; et qui exurgat ad imperandum
13 gentibus, in ipso gentes sperabunt. Uti-
nam vero Deus spei impleat vos omni gaudio
et pace credendo, ut spe abundetis per virtutem
Spiritus Sancti.

14 Persuasum autem habeo et ipse ego de vobis,
fratres mei, quod ipsi per vos pleni sitis boni-
tate, impleti omni cognitione, et qui possitis
15 etiam vos mutuo admonere. Audacule vero
scripsi vobis, fratres, aliquatenus, veluti commo-
nefaciens vos propter gratiam quæ data est mihi
16 a Deo; ad hoc ut sim minister Jesu Christi apud
gentes, operans evangelio Dei, ut oblatio gentium
fiat accepta, sanctificata per Spiritum Sanctum.

17 Habeo igitur quod glorier per Christum Je-
18 sum, in iis quæ ad Deum *pertinent*. Non enim
sustinuerim quicquam loqui quod non effecerit
Christus per me, *adducendis* ad obedientiam
19 gentibus, verbis et factis, virtute signorum ac
prodigiorum, virtute spiritus Dei: adeo ut ab
Hierosolymis et circumjacentibus *regionibus*, us-
que ad Illyricum, impleverim prædicandi evan-
20 gelii Christi munus. Ita porro contendens evan-
gelizare, non ubi nominatus esset Christus, ut
21 ne super alienum fundamentum ædificarem: sed
sicut scriptum est, Quibus non est annun-

ciatum de eo, videbunt; et qui non audierunt, intelligent.

Quapropter etiam sæpe inhibitus sum venire
22 ad vos. Nunc vero, quum non amplius habeam
23 locum in his regionibus, summum autem desiderium habeam veniendi ad vos a multis annis: quando proficiscar in Hispaniam, veniam ad
24 vos: spero enim fore ut *istac* præteriens conspiciam vos, et a vobis deducar illuc; si tamen vestra consuetudine prius ex parte expletus fuero.
25 Nunc autem proficiscor Hierosolymam, ministrans sanctis. Libuit enim Macedoniæ et Achaïæ conferre aliquid in pauperes sanctos qui sunt
26 Hierosolymis. Libuit enim *eis*, *inquam*, et debitores eorum sunt; nam si spiritualia ipsorum *bona* gentibus communicata sunt, debent etiam *ipsæ* in carnalibus eis ministerio suo adesse.
27 Hoc igitur ubi perfecero, et eis consignavero
28 hunc fructum, abibo istac in Hispaniam. Scio vero me, quum veniam ad vos, cum plena benedictione evangelii Christi venturum.

30 Precor autem vos, fratres, per Dominum nostrum Jesum Christum, et per charitatem spiritus, ut concertetis mihi *vestris* pro me apud
31 Deum orationibus; ut liberer ab iis qui non obediunt *sermoni* in Judæa, utque ministerium hoc meum erga Hierosolymam acceptum sit
32 sanctis: ut cum gaudio veniam ad vos per voluntatem Dei, unaque vobiscum refociller.

33 Deus autem pacis *sit* cum omnibus vobis. Amen.

16 COMMENDO autem vobis Phœben sororem nostram, quæ est ministra ecclesiæ Cenchreensis;
2 ut eam excipiat in Domino convenienter sanctis, et adsitis ei quacunque in re *ipsi* usus fuerit vobis: nam hæc tum multis hospitium præbuit, tum mihi etiam ipsi.

3 Salutate Priscillam et Aquilam, adjutores meos
4 in Christo Jesu: qui pro anima mea suam ipso-
rum cervicem supposuerunt: quibus non ego
5 solus gratias ago, sed etiam omnes ecclesiæ gen-
tium. Item ecclesiam quæ in domo eorum est.

Salutate Epænetum mihi dilectum, primitias
6 Achaiaë in Christo. Salutate Mariam, quæ mul-
7 tum laboravit erga nos. Salutate Andronicum
et Juniam, cognatos meos, et concaptivos meos,
qui sunt insignes inter apostolos, qui etiam ante
8 me fuerunt in Christo. Salutate Ampliam di-
9 lectum mihi in Domino. Salutate Urbanum, ad-
jutorem nostrum in Christo, et Stachyn mihi
10 dilectum. Salutate Apellem, probatum in Christo.
Salutate eos qui sunt ex Aristobuli *familiari-*
11 *bus*. Salutate Herodionem cognatum meum. Sa-
lutate eos qui *sunt* ex Narcissi *familiaribus*,
12 eos, *inquam*, qui *sunt* in Domino. Salutate Try-
phænam et Tryphosam, quæ laborant in Domino.
Salutate Persidam *mihi* dilectam, quæ multum
13 laboravit in Domino. Salutate Rufum selectum
14 in Domino, et matrem ejus ac meam. Salutate
Asyncritum, Phlegontem, Hermam, Patrobam,
15 Hermen, et qui cum iis sunt fratres. Salutate
Philologum, et Julium, Nereum, et sororem
ejus, et Olympam, et qui cum iis sunt omnes
16 sanctos. Salutate alii alios osculo sancto.

Salutant vos ecclesiæ Christi.

17 PRECOR autem vos, fratres, ut observetis
dissidiorum et offendiculorum auctores contra
doctrinam quam vos didicistis; et declinetis ab
18 eis. Nam qui ejusmodi *sunt*, Domino nostro
Jesu Christo non serviunt, sed suo ventri:
et per blandiloquentiam et assentationem corda
hominum minime malorum seducunt.

19 Vestra enim obedientia ad omnes pervenit.

Gaudeo igitur quod ad vos *attinet*; sed volo vos sapientes quidem esse ad id quod bonum est, simplices vero ad malum. Porro Deus pacis conteret Satanam sub pedes vestros cito.

Gratia Domini nostri Jesu Christi *sit* vobiscum. Amen.

21 SALUTANT vos Timotheus adjutor meus, et Lucius, et Jason, et Sosipater, cognati mei.
22 Saluto vos in Domino ego Tertius, qui descripsi
23 epistolam. Salutat vos Gaius hospes meus et ecclesiæ totius; salutat vos Erastus procurator urbis, et Quartus frater.

24 Gratia Domini nostri Jesu Christi *sit* cum omnibus vobis. Amen.

25 EI vero qui potest vos stabilire, secundum evangelium meum et præconium Jesu Christi, ex patefactione mysterii quod a temporibus seculorum tacitum fuit; nunc vero factum est manifestum, et per scripturas propheticas, ex imperio æterni Dei, ad obedientiam fidei, omnibus gentibus innotuit; soli, *inquam*, sapienti Deo gloria *esto* per Jesum Christum in secula. Amen.

Ad Romanos scripta fuit Corintho, per Phœben ministram Cenchreensis ecclesiæ.

PAULI APOSTOLI EPISTOLA PRIMA

AD

CORINTHIOS.

1 PAULUS, vocatione apostolus Jesu Christi
2 per voluntatem Dei, et Sosthenes frater, ecclesiæ Dei quæ est Corinthi, sanctificatis in Christo Jesu, *id est*, vocatis sanctis, cum omnibus qui

invocant nomen Domini nostri Jesu Christi quovis loco, *Domini, inquam*, tum ipsorum, tum
3 nostri; gratia vobis et pax a Deo patre nostro, et Domino Jesu Christo.

4 GRATIAS ago Deo meo semper de vobis, ob gratiam Dei quæ data est vobis in Christo
5 Jesu: quod in omnibus ditati sitis in ipso, omni
6 loquendi facultate, omnique cognitione; prout testimonium Christi confirmatum fuit in vobis;
7 adeo ut nullo dono^o deficiamini, expectantes donec patefiat Dominus noster Jesus Christus.
8 Qui *Deus* etiam confirmabit vos usque ad finem inculpato, in diem Domini nostri Jesu Christi.
9 Fidelis *est* Deus, per quem vocati estis ad communionem Filii ipsius Jesu Christi Domini nostri.

10 PRECOR autem vos, fratres, per nomen Domini nostri Jesu Christi, ut idem loquamini omnes, et non sint inter vos dissidia, sed sitis compacti, eadem mente et eadem sententia.

11 Declaratum est enim mihi de vobis, fratres mei, a domesticis Chloes, quod lites sint inter
12 vos. Hoc autem dico, singulos vestrum dicere, Ego quidem sum Pauli, ego autem Apollo, ego vero Cephæ, ego vero Christi.

13 *Num* dispersitus est Christus? num Pāulus crucifixus^r est pro vobis? aut in nomen Pauli
14 baptizati fuistis? Gratias ago Deo *meo*, quod neminem vestrum baptizaverim, nisi Crispum et
15 Gaium: ut nequis dicat me in meum nomen baptizasse. Baptizavi autem etiam Stephanæ familiam: ceterum haud scio num quem alium
16 baptizaverim. Non enim misit me Christus ut baptizarem, sed ut evangelizarem; non *tamen* cum dicendi peritia, ne inanis reddatur crux
17 Christi. Nam sermo ille de cruce, iis quidem qui pereunt, stultitia est; iis autem qui servan-

19 tur, *id est* nobis, potentia Dei est. Scriptum
est enim, Abolebo sapientiam sapientum,
et prudentiam prudentum tollam e me-
20 dio. Ubi sapiens? ubi scriba? ubi disquisitor
seculi istius? nonne infatuavit Deus sapientiam
21 mundi hujus? Nam postquam in Dei sapientia,
mundus non cognovit Deum per *eam* sapientiam,
libuit Deo per stultitiam prædicationis servare
credentes.

22 Quandoquidem et Judæi signum petunt, et
23 Græci sapientiam quærunt: nos autem prædica-
mus Christum crucifixum, Judæis quidem offen-
24 diculum, Græcis vero stultitiam: ipsis autem vo-
catis, tum Judæis, tum Græcis, Christum Dei
25 potentiam ac Dei sapientiam. Nam stultitia Dei
sapientior est quam homines; et infirmitas Dei
validior est quam homines.

26 Videtis enim vocationem vestram, fratres; vos
videlicet non esse multos sapientes secundum
carnem, non multos potentes, non multos nobi-
27 les. Verum quæ stulta *sunt* in mundo, elegit
Deus, ut pudefaciat sapientes: et quæ *sunt* in-
firma mundi, elegit Deus, ut pudefaciat valida:
28 et quæ ignobilia sunt in mundo, et pro nihilo
habita, elegit Deus; et ea quæ non sunt, ut ea
29 quæ sunt enervaret: ut ne gloriatur ulla caro in
30 ejus conspectu. Sed ex ipso vos estis in Christo
Jesu, qui factus est nobis sapientia a Deo,
31 justitiaque, et sanctificatio, et redemptio: ut *fiat*
sicut scriptum est, Qui gloriatur, in Do-
mino gloriator.

2 Ego igitur quum venirem ad vos, fratres,
veni non cum eminentia sermonis aut sapientiæ,
2 annuncians vobis testimonium Dei. Non enim
statui quicquam scire inter vos, nisi Jesum
3 Christum, eumque crucifixum. Sed fui ego cum

- infirmirate, et timore, ac tremore multo apud
4 vos. Neque sermo meus et præconium meum
versatum est in persuasoriis humanæ sapientiæ
verbis, sed in demonstratione spirituali et po-
5 tente. Ne fides vestra consistat in sapientia ho-
minum, sed in potentia Dei.
- 6 Sapientiam vero loquimur inter adultos; sa-
pientiam autem non seculi hujus, neque princi-
7 pum seculi hujus quæ evanescent; sed loquimur
sapientiam Dei *latentem* in mysterio, *id est*,
occultam illam quam præfinivit Deus ante se-
8 cula, ad gloriam nostram; quam nemo princi-
pum seculi hujus cognovit; nam si cognovissent,
9 nequaquam Dominum gloriæ crucifixissent. Sed
prædicamus, sicut scriptum est, Quæ oculus
non vidit, nec auris audivit, nec subi-
erunt cor hominis, quæ paravit Deus iis
10 a quibus ipse diligitur. Nobis autem Deus
ea revelavit per spiritum suum: spiritus enim
11 omnia scrutatur, etiam profunditates Dei. Quis
enim hominum novit ea quæ sunt hominis, nisi
spiritus hominis qui est in eo? ita etiam ea quæ
12 sunt Dei, nemo novit nisi spiritus Dei. Nos
vero non spiritum mundi accepimus, sed spiri-
tum qui *est* ex Deo; ut sciamus quæ Deus est
13 nobis gratificatus. Quæ etiam loquimur, non
sermonibus quos docet humana sapientia, sed
quos docet Spiritus Sanctus, spiritualia cum iis
quæ spiritualia sunt conferentes.
- 14 Animalis autem homo non est capax eorum
quæ sunt spiritus Dei; sunt enim ei stultitia,
nec potest *ea* cognoscere, quia spiritualiter di-
15 judicantur. At spiritualis dijudicat quidem om-
16 nia, ipse vero a nemine dijudicatur. Quis enim
novit mentem Domini, qui instructurus sit eum?
nos autem mentem Christi habemus.

- 3 Ego porro, fratres, non potui loqui vobis ut
spiritualibus, sed *locutus sum* ut carnalibus,
2 *id est*, ut infantibus in Christo. Lactis potu
vos alui, et non esca: nondum enim poteratis
id ferre; imo ne nunc quidem adhuc potestis.
3 Nam adhuc carnales estis: quum enim inter vos
sint invidia, et contentio, et dissidia, nonne car-
nales estis, et secundum hominem ambulatis?
4 Etenim quum dicit aliquis, Ego quidem sum
Pauli, alter vero, Ego *sum* Apollo, nonne car-
nales estis?
5 Quis igitur est Paulus, quis autem Apollos,
nisi ministri per quos credidistis, et ut cuique
6 Dominus dedit? Ego plantavi, Apollos rigavit;
7 sed Deus dedit crescendi vim. Itaque neque is
qui plantat est aliquid, neque qui rigat; sed
8 Deus, qui dat crescendi vim. Is vero qui plan-
tat, et is qui rigat, unum sunt: unusquisque vero
suam mercedem accipiet secundum suum labo-
9 rem. Etenim Dei sumus administri: Dei arvum,
Dei ædificium estis.
10 Secundum gratiam Dei quæ data est mihi, ut
peritus architectus fundamentum statui: alius
autem superædificat. Porro quisque videat quo-
11 modo superædificet. Nam fundamentum aliud
nemo potest statuere præter id quod positum
12 est, quod est Jesus Christus. Quod si quis superæ-
dificet super fundamentum hoc aurum, argentum,
13 lapides pretiosos, ligna, fœnum, stipulam: cujus-
que opus manifestum fiet; dies enim *id* decla-
rabit: nam per ignem retegitur; et cujusque
14 opus quale sit, ignis probabit. Si cujus opus
manserit quod superædificaverit, mercedem ac-
15 cipiet. Si cujus opus exustum fuerit, damnum
faciet; ipse vero servabitur, ita tamen, ut per
ignem.

16 An nescitis vos esse templum Dei, et spiri-
17 tum Dei habitare in vobis? Siquis templum
Dei violat, hunc perdet Deus: nam templum Dei
sanctum est quod estis vos.

18 Nullus seipsum seducat; siquis *sibi* videtur
esse sapiens inter vos in hoc seculo, stultus fiat,
19 ut fiat sapiens. Sapientia enim mundi hujus
stultitia *est* apud Deum: scriptum est enim,
20 Carpit sapientes in versutia ipsorum: et
rursum, Dominus novit disceptationes sa-
21 pientum esse vanas. Itaque nullus glorietur
22 in hominibus: omnia namque vestra sunt: et
Paulus, et Apollos, et Cephas, et mundus, et
vita, et mors, et præsentia, et futura; omnia, *in-*
23 *quam*, vestra sunt: vos autem Christi; Christus
vero Dei est.

4 Sic de nobis reputet homo ut de ministris
Christi et dispensatoribus mysteriorum Dei.
2 Quod reliquum est autem, *illud*, requiritur in
3 dispensatoribus, ut quisque fidus inveniatur. Mihi
vero pro minimo est quod a vobis dijudicer,
aut ab humano iudicio; imo nec ipse me diju-
4 dico. In nullo enim mihi sum conscius; sed
non per hoc justificatus sum; Dominus autem is
5 est qui me dijudicat. Proinde ne ante præsti-
tutum tempus iudicis partes assumite, *id est*, us-
quedum venerit Dominus, qui et illustraturus est
res tenebris occultatas, et manifesta faciet con-
silia cordium: ac tunc laus erit unicuique a
Deo.

6 HÆC autem, fratres, figura quadam transtuli
ad meipsum et Apollo, propter vos; ut in no-
bis discatis, supra id quod scriptum est non
sapere; ut ne alius pro alio inflemini adversus
7 alium. Quis enim te *ab aliis* discernit? quid
autem habes quod non receperis? quod si etiam

recepisti, quid gloriaris quasi non receperis?

8 Jam saturati estis, jam ditati estis, absque vobis regnum adepti estis; atque utinam sane regnum adepti sitis, ut et nos vobis conregnemus.

9 Deus enim, puto, nos, ultimos apostolos, spectandos proposuit, ut morti addictos; nam spectaculum facti sumus mundo, et angelis, et hominibus. Nos stulti propter Christum, vos autem prudentes in Christo; nos infirmi, vos autem
10 validi; vos gloriosi, nos ignominiosi. Ad hoc usque tempus et esurimus, et sitimus, et nudi sumus, et colaphis cædimur, et incertis sedibus
11 erramus: et laboramus, operantes propriis manibus; conviciis affecti, bene precamur: si qui
12 nos persequantur, sufferimus. Maledictis affecti precamur; tanquam purgamenta mundi facti sumus, et tanquam omnium ramentum usque adhuc.

14 Non ut vos pudore suffundam, hæc scribo,
15 sed ut filios meos dilectos admoneo. Nam etsi decem millia pædagogorum habeatis in Christo, at non multos patres *habetis*: in Christo enim
16 Jesu per evangelium ego vos genui. Precor vos
17 igitur, imitatores mei estote. Propterea misi vobis Timotheum, qui est filius meus dilectus et fidus in Domino, qui vobis in memoriam revocabit quæ sint viæ meæ in Christo, sicut ubique in omnibus ecclesiis doceo.

18 CETERUM perinde quasi ego non sim venturus
19 ad vos, inflati sunt quidam. Sed veniam cito ad vos, si Dominus voluerit, et cognoscam non
20 verba istorum inflatorum, sed vires. Non enim in verbis *situm est* regnum Dei, sed in *spiritus*
21 potentia. Quid vultis? cum virga veniam ad vos, an cum charitate, et spiritu lenitatis?

- 5 OMNINO auditur *esse* inter vos scortatio, et ejusmodi scortatio quæ ne inter gentes quidem nominatur, adeo ut quis uxorem patris habeat.
- 2 Et vos inflati estis, ac non potius luxistis, ut tolleretur e medio vestri qui facinus hoc patravit?
- 3 Enim vero ego, ut absens corpore, præsens autem spiritu, jam ut præsens judicavi, ut is qui
- 4 hoc ita perpetravit, vobis et meo spiritu in nomine Domini nostri Jesu Christi congregatis,
- 5 cum potestate Domini nostri Jesu Christi; ejusmodi, *inquam*, homo tradatur Satanæ ad exitium carnis, ut spiritus salvus sit die illo Domini Jesu.
- 6 Non *est* bona gloriatio vestra. An nescitis
- 7 paululo fermenti totam massam fermentari? Expurgate igitur vetus fermentum, ut sitis nova massa, sicut estis fermenti expertes. Etenim pascha nostrum pro nobis sacrificatum est, *nempe*
- 8 Christus: itaque festum agitemus, non cum fermento veteri, nec cum fermento malitiæ et improbitatis; sed cum non fermentatis *panibus* sinceritatis et veritatis.
- 9 Scripsi vobis in epistola, ne commisceamini
- 10 cum scortatoribus. At non omnino cum scortatoribus mundi hujus, aut avaris, aut rapacibus, aut idololatriis, alioquin debetis scilicet e mundo
- 11 exire. Nunc autem scripsi vobis, ne commisceamini, *id est*, siquis, quum frater nominetur, sit scortator, aut avarus, aut idololatra, aut conviciator, aut ebriosus, aut rapax; cum ejusmodi,
- 12 *inquam*, ne edatis quidem. Quid enim mea *interest* etiam de extraneis judicare? nonne de
- 13 iis qui intus sunt vos judicatis? De extraneis vero Deus judicat. Tollite igitur istum improbum ex vobisipsis.

- 6 Sustinet aliquis vestrum, negotium habens ad-
versus alterum, iudicio experiri sub injustis, ac
2 non sub sanctis? An ignoratis sanctos mundi
iudices futuros? quod si inter vos de mundo
iudicium fertur, indigni estis minimis iudiciis?
3 An ignoratis fore ut angelorum iudices simus?
nedum *ut* de iis quæ ad hujus vitæ usum per-
4 tinent *iudices non simus?* Itaque si iudicia ha-
beatis de iis quæ ad hujus vitæ usum pertinent,
eos qui vilissimi sunt in ecclesia, eos, *inquam*,
5 in subselliis collocare. Vobis ad verecundiam
adducendis *hoc* dico. Itane non est inter vos
sapiens, ne unus quidem, qui possit iudicium
6 ferre inter fratres suos? Sed frater cum fratre
7 iudicio experitur, idque sub infidelibus. Jam
igitur omnino defectus in vobis est, quod iudi-
cia habeatis inter vosmetipsos: quare non po-
tius injuriam patimini? cur non potius damnum
8 accipitis? At vos injuria afficitis, et fraudatis,
idque fratres.
- 9 An ignoratis injustos non esse Dei hæredita-
tem possessuros? Ne errate; neque scortatores,
neque idololatræ, neque mœchi, neque molles, ne-
10 que qui concumbunt cum masculis, neque fures,
neque avari, neque ebriosi, neque conviciatores,
neque rapaces, regni Dei hæreditatem possidebunt.
11 Et hæc eratis quilibet: sed abluti estis, sed san-
ctificati estis, sed justificati estis, in nomine Do-
mini Jesu, et per spiritum Dei nostri.
- 12 Omnia mihi licent, at non omnia conducunt;
omnia mihi licent, at nequaquam ego redigar
13 sub ullius rei potestatem. Escæ ventri *destina-
tæ sunt*, et venter escis: Deus autem et hunc
et has abolebit. Corpus vero non scortationi,
14 sed Domino, et Dominus corpori. Deus autem
et Dominum suscitavit, et nos suscitabit poten-

15 tia sua. An ignoratis corpora vestra esse mem-
bra Christi? Num igitur sublata membra Christi,
16 faciam scorti membra? Absit. An ignoratis eum
qui agglutinatur scorto, unum esse corpus *cum*
scorto? Erunt enim, inquit, qui duo *erant*,
17 caro una. Qui vero agglutinatur Domino, unus
18 *cum eo* spiritus est. Fugite scortationem. Omne
peccatum quod fecerit homo, extra corpus est;
sed qui scortatur, in proprium corpus peccat.
19 An ignoratis corpus vestrum esse templum Spi-
ritus Sancti, *qui est* in vobis, quem habetis a
20 Deo, neque vos esse vestri juris? Nam empti
estis pretio: glorificate igitur Deum in corpore
vestro, et in spiritu vestro, quæ sunt Dei.

7 CETERUM de quibus mihi scripsistis: Bonum
2 *fuert* viro mulierem non attingere. Sed propter
scortationes suam quisque uxorem habeto, et
3 proprium quæque virum habeto. Uxori vir de-
bitam benevolentiam reddito; similiter autem
4 et uxor viro. Uxor proprium corpus non habet
in potestate, sed vir: similiter autem et vir pro-
prium corpus non habet in potestate, sed uxor.
5 Ne fraudate alter alterum, nisi siquid ex con-
sensu ad tempus, ut vacetis jejunio et orationi-
bus: et rursum simul convenite, ne tentet vos
6 Satanas propter incontinentiam vestram. Hoc
autem dico ex concessione, non ex imperio.
7 Nam velim omnes homines esse ut et ipse *sum*:
sed unusquisque proprium donum habet ex Deo;
8 alius quidem ita, alius autem ita. Dico autem
cœlibibus et viduis, Bonum eis est si *sic* manse-
9 rint ut et ego *maneo*. Quod si se non conti-
nent, matrimonium contrahant: nam melius est
matrimonium contrahere quam uri.

10 Iis autem qui matrimonio juncti sunt, denun-
cio, non ego, sed Dominus, Uxor a viro ne sese

- 11 ipsa separato. Quod si sese separarit, maneat
cœlebs, aut viro reconciliator: et vir uxorem ne
dimittito.
- 12 Reliquis autem ego dico, non Dominus: Siquis
frater uxorem habet infidelem, quæ libens con-
sentiat ad habitandum cum eo, ne eam dimittito.
- 13 Et uxor quæ habet virum infidelem, qui libens
consentiat ad habitandum cum ea, ne eum dimittito.
- 14 Maritus enim infidelis sanctificatus est in uxore,
et uxor infidelis sanctificata est in viro; alioqui
certe liberi vestri impuri essent; nunc autem
- 15 sancti sunt. At si infidelis sese separet, sepa-
ratus esto: non est servituti subjectus frater aut
soror in hujusmodi *casibus*: sed ad pacem vo-
cavit nos Deus. Ecquid enim nosti, uxor, an
sis virum servatura? aut ecquid nosti, vir, an sis
uxorum servaturus?
- 17 Sed ut unicuique *donum* partitus est Deus, ut
unumquemque vocavit Dominus, ita ambulet, et
18 ita in ecclesiis omnibus dispono. Circumcisis
aliquis vocatus est? ne attrahat *præputium*: in
præputio aliquis vocatus est? ne circumcidatur.
- 19 Circumcisio nihil est, et præputium nihil est, sed
20 observatio præceptorum Dei. Unusquisque, in
21 qua vocatione vocatus fuit, in ea maneat. Ser-
vus vocatus es? ne sit tibi curæ; sed si potes
22 etiam liber fieri, potius *eo* utere. Etenim qui
in Domino vocatus est servus, libertus Domini
est: similiter et qui liber vocatus est, servus
23 est Christi. Pretio empti estis; ne estote servi
24 hominum. Unusquisque in quo vocatus fuit,
fratres, in hoc maneat apud Deum.
- 25 De virginibus autem imperium Domini non
habeo: sententiam vero meam *hac in re* dico,
ut cui Dominus per misericordiam dederit fidum
26 esse. Existimo igitur hoc bonum esse propter

instantem necessitatem; bonum, *inquam* esse,
27 homini ita esse. Alligatus es uxori? ne quære
dissolutionem: solutus es ab uxore? ne quære
28 uxorem. Quod si etiam duxeris uxorem, non
peccasti: et si nupserit virgo, non peccavit; sed
afflictionem in carne habituri sunt *qui sunt* hu-
jusmodi. Ego vero vobis parco.

29 Hoc autem aio, fratres, opportunum tempus
esse angustum in posterum; ut et qui habent
30 uxores sint ut non habentes; et qui flent, ut
non flentes; et qui gaudent, ut non gaudentes;
31 et qui emunt, ut non obtinentes; et qui utuntur
hoc mundo, ut non abutentes; præterit enim
species hujus mundi.

32 Velim autem vos absque sollicitudine esse.
Qui cœlebs est, sollicitus est de iis quæ *sunt*
33 Domini, quomodo placiturus sit Domino: at qui
duxit uxorem, sollicitus est de iis quæ sunt
34 mundi, quomodo placiturus sit uxori. Discretæ
sunt, ea quæ *est* uxor et ea quæ *est* virgo.
Quæ *est* cœlebs sollicita est de iis quæ sunt
Domini, ut sit sancta cum corpore tum spiritu;
quæ vero nupta est, sollicita est de iis quæ
35 sunt mundi, quomodo placitura sit viro. Hoc
autem dico vestro commodo; non ut laqueum
vobis injiciam, sed ut decenter et apte adhæ-
rescatis Domino, absque ulla distractione.

36 Ceterum si quis *sese* existimat aliquid indeco-
rum in virginem suam committere, si florem æta-
tis excedat, et ita debet fieri: quod vult faciat,
37 non peccat; jungantur matrimonio. Qui vero
perstat stabilis in corde, nec adigitur necessitate,
sed in potestate habet propriam voluntatem, et
hoc decrevit in corde suo ut conservet suam
38 virginem, bene facit. Itaque qui dat nuptum, bene
facit: qui vero non dat nuptum, melius facit.

39 Uxor alligata est lege quamdiu vivit vir ipsius; quod si obdormierit vir ipsius, libera est ad
40 cui velit nubendum; tantum in Domino. Sed beatior est si ita maneat, secundum meam sententiam: videor autem mihi et ego spiritum Dei habere.

8 CETERUM de iis quæ idolis immolantur, scimus nos omnes notitia esse præditos. Notitia inflat, charitas vero ædificat. Quod si quis *sibi* videtur aliquid scire, nondum quicquam
3 novit, sicut oportet nosse. Sed si quis diligit
4 Deum, hic cognitus fuit ab eo. De esu igitur eorum quæ idolis immolantur, scimus idolum nihil *esse* in mundo, et nullum *esse* Deum alium
5 nisi unum. Nam etiamsi sint qui dicantur dii, et in cælo et in terra, (sicut sunt dii multi, et
6 domini multi,) nobis tamen unus *est* Deus, Pater ille a quo omnia, et nos in ipso; et unus Dominus Jesus Christus, per quem omnia, et nos per ipsum.

7 Sed non in omnibus *est* ea cognitio: nonnulli enim *cum* conscientia idoli usque ad hoc tempus, ut idolis immolatum edunt; et conscientia
8 eorum, infirma quum sit, inquinatur. Ceterum esca nos non commendat Deo: neque enim si edamus, amplius habemus: neque si non edamus, minus habemus. Sed videte ne quo modo istud quod vobis licitum est, impingendi causa
10 fiat infirmis. Etenim si quis viderit te, illa cognitione præditum, in idoleo accumbere, nonne conscientia ipsius qui infirmus est, instruetur ad
11 edendum ea quæ sunt idolis mactata? et tua ista cognitione frater ille infirmus, propter quem
12 Christus est mortuus, peribit? Ita autem peccantes in fratres, et vulnerantes ipsorum conscientiam infirmam, in Christum peccatis. Qua-

propter, si esca offendiculo est fratri meo, non edam carnes in æternum, ne sim offendiculo fratri meo.

- 9 NONNE sum apostolus? nonne sum liber? nonne Jesum Christum Dominum illum nostrum vidi? nonne opus meum vos estis in Domino?
- 2 Si aliis non sum apostolus, at certe vobis sum; nam sigillum apostolatus mei vos estis in Do-
- 3 mino. Mea defensio apud eos qui in me in-
- 4 quirunt, hæc est. Annon licet nobis edere et
- 5 bibere? Annon licet nobis sororem uxorem circum-
- 6 ducere, ut et reliquis apostolis, et fratribus Do-
- 7 mini, et Cephæ? An soli mihi et Barnabæ non
- 8 licet non operari? Quis militat propriis stipen-
- 9 diis unquam? quis plantat vineam, et de fructu
- 10 ejus non edit? aut quis pascit gregem, et de lacte gregis non edit?
- 11 Num secundum hominem hæc dico? nonne
- 12 etiam lex hæc dicit? Nam in Mosis lege scri-
- 13 ptum est, Non obligabis os bovi trituranti.
- 14 Num boves curæ sunt Deo? An *hoc* propter
- 15 nos omnino dicit? Propter nos enim *hoc* scri-
- 16 ptum est; nam sub spe debet is qui arat, arare; et qui triturat sub spe, spei suæ particeps esse.
- 17 Si nos vobis spiritualia seminavimus, magnum
- 18 est si nos vestra carnalia messuerimus? Si alii
- 19 *sui* in vos juris sunt compotes, *an* non potius
- 20 nos? Atqui non usi fuimus jure isto quod no-
- 21 bis licebat; sed omnia tegimus, ne interrumpā-
- 22 mus evangelium Christi. An nescitis eos qui
- 23 sacris operantur, *ea quæ* ex sacrario *sunt* edere?
- 24 et qui altari assident, cum altari participare?
- 25 Ita etiam Dominus constituit iis qui evangelium
- 26 annunciant, ut ex evangelio vivant.
- 27 Ego tamen nullo istorum sum usus. Neque
- 28 vero hæc scripsi, ut ita fiat in me: nam bonum

est mihi mori potius quam ut gloriationem me-
16 am aliquis inanem reddat. Etenim si evange-
lizem, non est quod glorier: necessitas enim
mihi incumbit; vae autem mihi est nisi evange-
17 lizem. Nam si volens hoc faciam mercedem
habeo; sin invitus, dispensatio credita est mihi.
18 Quæ igitur mihi est merces? ut evangelizando,
gratuitum constituam evangelium Christi, ut ne
abutar jure meo in evangelio.

19 Nam quamvis liber sim ab omnibus, omnibus
meipsum servum feci, ut plures lucrifacerem.
20 Et factus sum Judæis ut Judæus, ut Judæos
lucriferem; iis qui sub lege sunt, ut si *essem*
sub lege, ut eos qui sub lege sunt lucriferem:
21 exlegibus, ut exlex, (*non tamen* exlex Deo,
sed sublex Christo,) ut lucriferem exleges.
22 Factus sum infirmis ut infirmus, ut infirmos lu-
criferem: omnibus factus sum omnia, ut om-
23 nino aliquos servarem. Hoc autem facio pro-
24 pter evangelium, ut una particeps ejus fiam. An
ignoratis, eos qui in stadio currunt, omnes quidem
currere, sed unum accipere præmium? Sic cur-
25 rite ut comprehendatis. Porro quisquis certat,
in omnibus est continens. Illi quidem itaque ut
corrumpibilem coronam accipiant, *sunt continen-*
26 *tes*; nos autem, *ut* incorruptam. Ego igitur ita
curro, ut non in incertum: ita pugilem ago, ut
27 non aërem cædens. Sed contundo corpus meum,
et in servitutem redigo; ne quo modo, quum
aliis prædicarim, ipse rejectaneus fiam.

10 NOLIM autem vos ignorare, fratres, patres
nostros omnes sub illa nube fuisse, et omnes
2 per mare transivisse; et omnes per Mosen ba-
3 ptizatos esse nube et mari: et omnes eandem
4 escam spiritualementem edisse: et omnes eundem po-
tum spiritualementem bibisse: bibebant enim ex se-

5 quente spirituali petra: petra vero illa erat Christus. Sed plerosque illorum non habuit gratos Deus; prostrati sunt enim in deserto.

6 Hæc autem typi nostri fuerunt, ut ne concu-
7 piscamus res malas, sicut illi concupiverunt. Ne
igitur idololatræ fiatis, sicut quidam eorum; ut
scriptum est, Sedit populus ad edendum ac bi-
8 bendum, et surrexerunt ad ludendum. Neque
scortemur, sicut quidam eorum scortati sunt, et
9 ceciderunt uno die viginti tria millia. Neque
tentemus Christum, sicut etiam quidam eorum
10 tentarunt, et a serpentibus perierunt. Neque mur-
murate, sicut quidam eorum murmurarunt, et per-
ierunt a disperditore.

11 Hæc autem omnia typice eveniebant eis: scri-
pta vero sunt ad nostri admonitionem, in quos
12 fines seculorum devenerunt. Itaque qui *sibi* vi-
13 detur stare, videat ne cadat. Tentatio vos non
cepit nisi humana; fidelis autem *est* Deus, qui
non sinet vos tentari supra *id* quod potestis, sed
una cum tentatione præstabit etiam exitum, ut
14 possitis sufferre. Quapropter, dilecti mihi, fugite
15 ab idololatria. Ut intelligentibus *hæc* dico: ju-
dicate vos quod aio.

16 Poculum benedictionis cui benedicimus, nonne
communio sanguinis Christi est? panis quem fran-
gimus, nonne communio corporis Christi est?
17 Quoniam *est* panis, unum corpus *nos* illi
multi sumus: *nos* enim omnes ex uno illo pane
18 participamus. Videtis Israellem *qui est* secundum
carnem: nonne qui edunt victimas, consortes sunt
19 altaris? Quid ergo dico? idolum aliquid esse, aut
20 quod idolis immolatum est, aliquid esse? Imo
illud dico, quæ immolant gentes, dæmoniis im-
molant, et non Deo: nolim autem vos dæmoniis
21 consociari. Non potestis poculum Domini bibere,

et poculum dæmoniorum: non potestis mensæ Domini participes esse, et mensæ dæmoniorum.

22 An provocamus ad æmulationem Dominum? num validiores eo sumus?

23 Omnia mihi licent, at non omnia conferunt;
24 omnia mihi licent, sed non omnia ædificant. Nemo quod suum est quærat, sed quisque quod alterius
25 *est*. Quicquid in macello venditur, edite, nihil,
26 propter conscientiam, discriminantes. Domini enim est terra et plenitudo ejus. Quod si-
27 quis infidelium vos vocat, et vultis ire, quicquid apponitur vobis, edite, nihil discriminantes pro-
28 pter conscientiam. At si quis vobis dixerit, Hoc idolis mactatum est, ne edite, propter illum qui indicavit et propter conscientiam: Domini enim
29 est terra et plenitudo ejus. Conscientiam autem dico, non tuam, sed illius alterius: cur enim li-
30 bertas mea damnatur ab alia conscientia? Quod si ego per gratiam *cibum* participo, cur in eo ut blasphemus accusor pro quo ego gratius ago?
31 Sive igitur editis, sive bibitis, sive quid facitis,
32 omnia ad gloriam Dei facite. Estote sine offendiculo et Judæis, et Græcis, et ecclesiæ Dei.
33 Sicut et ego *per* omnia omnibus placeo, non quærens meam ipsius utilitatem, sed multorum, ut serventur.

11 IMITATORES mei fiatis, sicut ego Christi.
2 Laudo vero vos, fratres, quod omnia mea meministis, et sicut tradidi vobis, traditiones retine-
3 tis. Velim autem vos nosse Christum esse omnis viri caput; caput autem mulieris, virum;
4 caput vero Christi, Deum. Omnis vir orans aut prophetans velato capite, dedecorat caput suum.
5 Omnis vero mulier orans aut prophetans non velato capite, dedecorat caput suum: nam *id*
6 unum ac idem est ac si rasa esset. Nam i

- non velatur mulier, etiam tondeatur: quod si
7 turpe mulieri tonderi aut radi, veletur. Vir
enim non debet velare caput, quum *is* imago
8 sit et gloria Dei: at mulier gloria viri est. Non
enim est vir ex muliere, sed mulier ex viro.
9 Neque enim conditus est vir propter mulierem,
10 sed mulier propter virum. Propter hoc debet
mulier potestatem habere in capite, propter an-
11 gelos. Attamen neque vir absque muliere, ne-
12 que mulier absque viro, in Domino. Sicut enim
mulier ex virō *est*, ita et vir per mulierem:
13 omnia vero ex Deo. Apud vosipsos judicate,
num decorum est mulierem non velatam Deum
14 orare? An ne natura quidem ipsa hoc vos do-
cet, quod viro quidem comatum esse dedecori
15 sit? Contra, mulieri comatam esse decori sit?
16 nam coma pro velamine data est ei. Quod si-
quis videtur contentiosus esse, nos ejusmodi con-
suetudinem non habemus, neque ecclesiæ Dei.
17 HOC vero *ita* denuncio, ut vos non laudem,
quod *videlicet* non cum emolumento, sed cum
18 detrimento convenitis. Primum enim, quum
convenitis in ecclesia, audio dissidia inter vos
19 esse; et aliquatenus credo. Oportet enim etiam
hæreses inter vos esse; ut qui probi sunt, mani-
festi fiant inter vos.
20 Quum igitur convenitis eodem loci, *hoc* non
21 est Dominicam cœnam edere. Nam unusquisque
propriam cœnam præoccupat in edendo: et hic
22 quidem esurit, ille vero ebrius est. Enimvero
num domos non habetis ad edendum et biben-
dum? aut ecclesiam Dei contemnitis, et pude-
facitis eos qui non habent? Quid vobis dicam?
laudabo vos? in hoc non laudo.
23 Ego enim accepi a Domino quod et tradidi
vobis; Dominum Jesum *videlicet* ea nocte qua

24 proditus est, accepisse panem: et gratiis actis fre-
gisse, ac dixisse, Accipite, edite: hoc meum est cor-
pus quod pro vobis frangitur: hoc facite ad mei
25 commemorationem. Itidem et poculum, postquam
cœnasset, dicendo, Hoc poculum est novum illud
pactum per meum sanguinem: hoc facite, quoties-
cunque biberitis, ad mei commemorationem.

26 Quotiescunque enim ederitis panem hunc, et
poculum hoc biberitis, mortem Domini annun-
27 ciatis, usquequo venerit. Itaque quisquis ederit
panem hunc, vel biberit poculum *hoc* Domini
indigne, reus tenetur corporis et sanguinis Do-
28 mini. Exploret autem quisque sese, et ita de
29 pane illo edat, et de poculo illo bibat. Nam
qui edit et bibit indigne, ipse sibi iudicium edit
30 et bibit, non discernens corpus Domini. Propterea
inter vos multi *sunt* ægroti et valetudinarii, et dor-
31 miunt multi. Etenim si ipsi nos dijudicaremus, non
32 judicaremur. Sed dum judicamur, a Domino erudi-
mur, ne cum mundo condemnemur.

33 Itaque, fratres mei, quum convenitis ad eden-
34 dum, alius alium exspectate. Quod si quis esu-
rit, domi edat; ne ad condemnationem con-
veniatis. Reliqua vero, quum venero, disponam.

12 PORRO de spiritualibus *donis*, fratres, nolim
2 vos in *eorum* ignoratione versari. Scitis *vos*
gentes fuisse, ad idola illa muta, prout duceba-
3 mini, abreptos. Quapropter notum vobis facio,
nullum per spiritum Dei loquentem, dicere Je-
sum anathema; et neminem posse dicere Jesum
Dominum, nisi per Spiritum Sanctum.

4 Distinctiones autem donorum sunt, sed idem
5 spiritus: et distinctiones ministeriorum sunt, sed
6 idem Dominus: et distinctiones actionum sunt,
sed idem est Deus agens omnia in omnibus.

7 Unicuique vero datur declaratio spiritus ad

- 8 utilitatem. Nam huic quidem per spiritum datur sermo sapientiæ; alii vero sermo cognitionis per eundem spiritum; alteri vero fides per eundem spiritum; alii vero donum sanationum per eundem spiritum; alii vero operatio virtutum; alii vero prophetia; alii vero discretio spirituum; alteri vero genera linguarum; alii vero interpretatio linguarum: sed omnia hæc agit unus ille et idem spiritus, distribuens privatim *illa* singulis sicut vult.
- 12 Sicut enim corpus unum est, et membra habet multa, omnia vero illa membra corporis, quod unicum est, multa sunt, *sed* unum sunt corpus; ita et Christus. Etenim per unum spiritum nos omnes in unum corpus baptizati sumus, et Judæi, et Græci, et servi, et liberi: et omnes potius sumus in unum spiritum. Etenim corpus non est unum membrum, sed multa. Si dicat pes, Quia non sum manus, non sum ex corpore: non propterea non est ex corpore? Et si dicat auris, Quia non sum oculus, non sum ex corpore: non propterea non est ex corpore? Si totum corpus *est* oculus, ubi auditus? si totum *est* auditus, ubi odoratus? Nunc autem Deus constituit membra, singula sigillatim in corpore, sicut voluit. Quod si essent omnia unum membrum, ubi *fuert* corpus? Nunc vero multa quidem membra sunt, unum vero corpus. Non potest autem oculus dicere manui, Te mihi non est opus: aut rursum caput pedibus, Non est mihi vobis opus. Imo multo potius, quæ videntur membra corporis infirmissima esse, necessaria sunt: et quæ putamus *membra* corporis minime esse honesta, iis honorem ampliorem circumponimus: et quæ sunt in nobis indecora, ampliorem decorem habent.
- 24 Nam iis quæ sunt in nobis decora, *decore* non

est opus: sed Deus contemperavit corpus, ei cui
25 deerat ampliore tributo honore: ut ne sit dissidium in corpore, sed membra itidem sollicita
26 sunt alia pro aliis. Itaque sive *aliquod* patitur unum membrum, compatiuntur omnia membra: sive honore afficitur unum membrum, congratulantur omnia membra.

27 Vos autem estis corpus Christi, et membra
28 particulatim. Et alios quidem constituit Deus in ecclesia, primum apostolos, deinde prophetas, tertio doctores; deinde *constituit* virtutes; deinde dona sanationum, opitulationes, gubernationes,
29 genera linguarum. Num omnes apostoli? num
30 omnes prophetæ? num omnes doctores? num omnes edunt virtutes? num omnes donum habent sanationum? num omnes linguis loquuntur? num
31 omnes interpretantur? Sed affectate dona potiora: et porro iter ad excellentiam vobis demonstro.

13 Si linguis hominum loquar et angelorum, charitatem autem non habeam, factus sum æs
2 resonans, aut cymbalum tinniens. Et si habeam prophetiam, et noverim mysteria omnia, omnemque cognitionem, et si habeam totam illam fidem, adeo ut montes transponam, charitatem autem
3 non habeam, nihil sum. Et si insumam alendis egenis omnia quæ mihi suppetunt, et si tradam corpus meum ut comburam, charitatem autem non habeam, *hoc* nihil *mihi* prodest.

4 Charitas patienti est animo, benigna est charitas, non invidet charitas, non agit perperam, non inflatur; non agit indecore, non quærit quæ sua sunt,
5 non exacerbatur, non cogitat malum; non gaudet in
6 justitia, congratulatur autem veritati; omnia tegit, omnia credit, omnia sperat, omnia tolerat.

8 Charitas nunquam excidit: sed et prophetiæ evanescent, et linguæ cessabunt, et cognitio abo-

9 lebitur. Ex parte enim cognoscimus, et ex
10 parte prophetamus. Postquam autem advenerit
quod perfectum est, tunc quod est aliquatenus
11 abolebitur. Quum essem infans, ut infans lo-
quebar, ut infans sapiebam, ut infans ratiocina-
bar: postquam autem factus sum vir, ut evanida
12 sustuli quæ infantis erant. Videmus enim nunc
per speculum *et* per ænigma, tunc autem coram
cernemus: nunc novi aliquatenus, tunc vero am-
plius cognoscam prout amplius edoctus fuero.

13 Nunc vero manet fides, spes, charitas, tria
hæc: maxima autem harum charitas.

14 Sectamini charitatem, affectate spiritualia;
2 maxime vero ut prophetetis. Nam qui loquitur
lingua, non hominibus loquitur, sed Deo: nullus
3 enim audit, spiritu vero loquitur mysteria. Qui
autem prophetat, hominibus loquitur ædificatio-
4 nem, et exhortationem, et consolationem. Qui
loquitur lingua, seipsum ædificat: qui vero pro-
5 phetat, ecclesiam ædificat. Velim autem omnes
vos loqui linguis, magis tamen ut prophetetis:
major enim *est* qui prophetat quam qui loquitur
linguis excepto nisi interpretetur, ut ecclesia
ædificationem accipiat.

6 Quod si nunc, fratres, veniam ad vos linguis lo-
quens, quid vos juvabo, nisi vobis loquar, aut ex re-
velatione, aut ex cognitione, vel prophetando, vel
7 docendo? Atqui animæ expertia quæ sonum edunt,
sive tibia *sit* sive cithara, nisi distinctionem tonis
dederint, quomodo cognoscetur quod tibia canitur
8 aut cithara? Etenim si incertum sonum tuba dede-
9 rit, quis apparabitur ad bellum? Ita et vos, nisi per
linguam edideritis bene significantem sermonem,
quomodo cognoscetur quod dicitur? eritis enim in
aërem loquentes.

10 Tot, si casus tulerit, genera vocum sunt in

11 mundo, et nihil *est* mutum. Nisi igitur sciero
vim vocis, ero ei qui loquitur barbarus, et qui
12 loquitur apud me barbarus *fu*erit. Ita et vos,
quandoquidem spiritus affectatis, ad ædificatio-
nem ecclesiæ quærite ut exundetis.

13 Quapropter qui loquitur lingua, oret ut inter-
14 pretetur. Nam si orem lingua, spiritus meus
15 orat: sed intelligentia mea est infructuosa. Quid
est igitur? orabo spiritu, sed orabo etiam intel-
16 ligentia: psallam spiritu, sed psallam etiam in-
telligentia. Quandoquidem si benedixeris spiritu,
is qui implet locum idiotæ, quomodo dicturus
est Amen ad tuam gratiarum actionem? nam
17 quid dicas nescit. Nam tu quidem bene gra-
18 tias agis, sed alius non ædificatur. Gratias ago
Deo meo, quod magis quam vos omnes linguis
19 loquar. Sed in ecclesia malim quinque verba
ex intelligentia mea loqui, ut et alios voce in-
stituam, quam decem millia verborum lingua.
20 Fratres, ne estote pueri prudentia: sed malitia
infantes, prudentia vero adulti estote.

21 In lege scriptum est, Propterea per di-
versæ linguæ *homines* et per alia labra
loquar huic populo; et ne sic quidem
22 me audient, dicit Dominus. Linguæ igi-
tur sunt signum, non iis qui credunt, sed in-
fidelibus: prophetia vero non infidelibus, sed
23 credentibus. Itaque si eodem convenerit tota
ecclesia, et omnes linguis loquantur, ingredian-
tur autem idiotæ vel infideles, nonne dicent vos
24 furere? Sed si omnes prophetent, ingrediatur
autem infidelis quispiam aut idiota, arguitur ab
25 omnibus, dijudicatur ab omnibus: et ita quæ
occulta sunt in ejus corde manifesta fiunt, atque
ita procidens in faciem adorabit Deum, renun-
cians Deum vere in vobis esse.

- 26 Quid igitur est, fratres? quoties convenitis, quisque vestrum canticum habet, doctrinam habet, linguam habet, revelationem habet, interpretationem habet: omnia ad ædificationem fiant.
- 27 Et lingua quis loquitur, *fiat* per binos, aut *ad* plurimum ternos, et vicissim; unus autem interpretetur. Quod si non sit interpretes, taceat in ecclesia *qui loquitur lingua*; sibiipsi vero
- 29 loquatur et Deo. Prophetæ autem duo aut tres loquantur, et alii dijudicent. Quod *siquid* alii
- 31 revelatum fuerit assidenti, prior taceat. Potestis enim omnes sigillatim prophetare, ut omnes discant, et omnes consolationem accipiant. Et spiritus prophetarum prophetis subjiciuntur. Non enim est incompositi status *auctor* Deus, sed pacis, ut in omnibus ecclesiis sanctorum.
- 34 Mulieres vestræ in conventibus sileant: nec enim permissum est eis ut loquantur, sed *oportet*
- 35 ut subditæ sint, sicut et lex dicit. Quod siquid discere volunt, domi suos viros interrogent: nam turpe est mulieribus in ecclesia loqui.
- 36 An a vobis sermo Dei profectus est? an ad vos solos devenit. Si quis sibi videtur propheta esse aut spiritualis, agnoscat quæ scribo vobis esse Domini præcepta. Qui vero ignarus est, ignarus esto. Itaque, fratres, affectate prophetiam, et loqui linguis ne prohibete. Omnia vero decenter, et ordine fiant.
- 15 CETERUM vobis declaro, fratres, evangelium quod evangelizavi vobis, quod et recepistis, in
- 2 quo etiam statis; per quod etiam, si retinetis quo sermone vobis evangelizaverim, servamini;
- 3 excepto nisi si frustra credidistis. Tradidi enim vobis in primis quod et accepi, Christum videlicet mortuum esse pro peccatis nostris secundum scripturas; et sepultum fuisse, et excitatum
- 4

5 tertio die, secundum scripturas: et visum fuisse
6 Cephæ, deinde duodecim illis: postea visus
est amplius quam quingentis fratribus semel;
ex quibus plerique manent usque adhuc, quidam
7 autem obdormierunt. Postea visus est Jacobo;
8 deinde apostolis omnibus. Ultimo vero omni-
9 um, velut abortivo, visus est etiam mihi. Ego
enim sum minimus apostolorum, qui non sum
dignus vocari apostolus; propterea quod perse-
10 cutus sum ecclesiam Dei. Sed gratia Dei sum
id quod sum: et gratia ejus, quæ in me *collata*
est, non fuit inanis, sed amplius quam illi om-
nes laboravi: non ego tamen, sed gratia Dei
11 quæ mecum *est*. Et ego igitur et illi ita præ-
dicamus, et ita credidistis.

12 Quod si Christus prædicatur ex mortuis excita-
tus esse, quomodo dicunt quidam inter vos, non
13 esse resurrectionem mortuorum? Nam si resur-
rectio mortuorum non est, Christus quoque non
14 est suscitatus. Quod si Christus non est susci-
tatus, vanum videlicet *est* præconium nostrum,
15 vana autem *est* etiam fides vestra. Invenimur
autem etiam falsi testes Dei: quoniam de Deo
testificati sumus, eum suscitasse Christum, quem
non suscitavit, si videlicet mortui non excitantur.
16 Nam si mortui non suscitantur, Christus
17 quoque non est suscitatus. Quod si Christus
non est suscitatus, inanis est fides vestra; ad-
18 huc estis in peccatis vestris. Nempe et qui
19 dormiunt in Christo, perierunt. Si in hac so-
lum vita speramus in Christum, miserrimi om-
nium hominum sumus.

20 Nunc autem Christus suscitatus est ex mor-
21 tuis, primitiæ dormientium factus est. Quia enim
per hominem mors, per hominem quoque re-
22 surrectio mortuorum. Sicut enim in Adamo om-

nes moriuntur, ita et in Christo omnes vivifica-
23 buntur. Unusquisque autem suo ordine: primi-
tiæ Christus, postea qui sunt Christi, in adventu
24 ipsius: deinde *erit* finis, quum tradiderit regnum
Deo ac patri; quum evanescere fecerit omne im-
25 perium, et omnem potentiam et virtutem. Nam
oportet eum regnare usquequo omnes inimicos
26 supposuerit pedibus ejus. Ultimus autem hostis
27 evanescet mors. Nam omnia subjecit sub pedes
ejus. Quum autem dicit omnia esse *ei* subjecta,
palam est *hoc dici* excepto eo qui subjecit ei
28 omnia. Postquam vero subjecta fuerint ei om-
nia, tunc et ipse Filius subjicietur ei qui subje-
cerit ipsi omnia; ut Deus sit omnia in omnibus.
29 Alioqui quid facient qui ablutione utuntur su-
per mortuis? Si omnino mortui non suscitantur,
30 cur ablutione utuntur super mortuis? Cur etiam
31 nos periclitamur omni momento? Diebus sin-
gulis morior per gloriationem vestram, quam
32 habeo in Christo Jesu Domino nostro. Si se-
cundum hominem adversus bestias pugnavi Ephesi,
quæ mihi utilitas? Si mortui non suscitantur,
33 edamus et bibamus: cras enim morimur. Ne er-
rate: Mores bonos commercia corrumpunt mala.
34 Evigilate juste, et ne peccate; quidam enim
Deum non norunt: vobis ad verecundiam ad-
ducendis *hoc* dico.
35 At dicet aliquis, Quomodo suscitantur mor-
36 tui? quali autem corpore prodeunt? Insipiens,
quod tu seris, non viviscit, nisi mortuum fuerit:
37 et quod seris, non corpus oriturum seris, sed
nudum granum, si casus tulerit, tritici, aut ali-
38 cujus ex reliquis *seminibus*. Sed Deus ei dat
corpus ut voluit, et singulis seminibus suum
39 corpus. Non omnis caro eadem caro: sed alia
quidem caro hominum, alia autem caro peco-

- rum, alia vero piscium, alia autem volucrum.
40 Et *sunt* corpora cœlestia, et *sunt* corpora terrestria: sed alius quidem cœlestium decor, alius
41 vero terrestrium. Alius decor solis, et alius decor lunæ, et alius decor stellarum: stella enim stellæ præstat decore.
- 42 Ita *erit* et resurrectio mortuorum; seritur *corpus* cum corruptione, suscitatur cum incorruptione: seritur foedum, suscitatur cum gloria: seritur viribus cassum, suscitatur potens: seritur
43 corpus animale, suscitatur corpus spirituale. Est
44 corpus animale, et est corpus spirituale. Ita etiam scriptum est, Factus est prior homo Adamus animal vivens: posterior *autem* Adamus
46 *factus est* spiritus vivificus. At spirituale non est prius, sed animale, deinde spirituale. Prius
47 mus homo e terra, pulvereus; secundus homo
48 ipse Dominus e cœlo. Qualis pulvereus ille, tales et pulverei sunt: et qualis ille cœlestis, tales et
49 qui cœlestes erunt. Et sicut gessimus imaginem terreni, geremus etiam imaginem cœlestis.
- 50 Hoc autem dico, fratres, quia caro et sanguis non possunt regni Dei hæreditatem consequi: neque corruptio hæreditatem incorruptibilitatis
51 consequetur. Ecce, mysterium vobis dico, Non omnes quidem obdormiemus, sed omnes mutabimur, momento, et jactu oculi, ad ultimam tubam: canet enim tuba, et mortui suscitabuntur
52 incorruptibiles, et nos mutabimur. Oportet enim corruptibile istud induere incorruptibilitatem, et
53 mortale istud induere immortalitatem. Postquam autem hoc corruptibile induerit incorruptibilitatem et mortale istud induerit immortalitatem, tunc fiet illud quod scriptum est, Absorpta est mors ad victoriam.
55 Ubi tua, o mors, victoria? ubi tuus, o sepul-

56 *chrum aculeus?* Aculeus vero mortis *est* pecca-
57 tum: vis autem peccati, lex. Deo autem habetor gratia, qui dat nobis victoriam per Domi-
58 num nostrum Jesum Christum. Itaque, fratres mei dilecti, stabiles estote, immoti, eminentes in opere Domini semper, quum sciatis laborem vestrum non esse inanem in Domino.

16 PORRO de collecta in sanctos, quemadmodum ordinavi ecclesiis Galatiæ, ita et vos facite.

2 Primo quoque *die* hebdomatis, unusquisque vestrum apud se seponat, recondens ut thesaurum quodcunque ipsi datum fuerit ut possit commode:

3 ne quum venero, tunc collectæ fiant. Postquam autem adfuero, quoscunque probaveritis per epistolas, eos mittam ut perferant Hierosolymam beneficentiam vestram. Quod si res digna fuerit ut et ipse proficiscar, mecum proficiscentur.

5 Veniam autem ad vos, quum Macedoniam pertransiero (Macedoniam enim pertranseo).

6 Apud vos autem forsitan permanebo, aut etiam hibernabo, ut vos me prosequamini quocunque

7 proficiscar. Nolo enim vos nunc in transcurso videre: sed spero temporis aliquantum mansu-

8 rum *me* apud vos, si Dominus permiserit. Permanebo autem Ephesi usque ad Pentecosten.

9 Nam ostium mihi apertum est magnum et operosum, et adversarii multi.

10 Quod si venerit Timotheus, videte ut sine metu sit apud vos: opus enim Domini operatur,

11 ut et ego. Nequis igitur illum pro nihilo habeat: sed prosequimini eum cum pace, ut veniat ad me: exspecto enim eum cum fratribus.

12 Porro de Apollo fratre, multum precatus sum eum ut iret ad vos cum fratribus: sed omnino non fuit *ei* voluntas nunc eundi: venturus est autem, quum tempus opportunum habuerit.

13 Vigilate, perstate in fide, viriliter agite, estote
14 fortes. Omnia vestra cum charitate fiant.

15 Precor autem vos, fratres, (nostis familiam
Stephanæ esse primitias Achaïæ, et sese in
16 ministerium sanctis addixisse;) ut et vos subjici-
amini talibus, et omnibus operam suam confe-
rentibus et laborantibus.

17 Gaudeo vero de adventu Stephanæ, et For-
tunati, et Achaici; quoniam isti defectum vestri
18 suppleverunt. Refocillarunt enim spiritum meum
ac vestrum. Agnoscite igitur eos qui tales
sunt.

19 Salutant vos ecclesiæ Asiæ. Salutant vos in
Domino multum Aquila et Priscilla, cum eccle-
20 sia quæ est domi ipsorum. Salutant vos fratres
omnes. Salutate alii alios osculo sancto.

21 SALUTATIO manu mea Pauli. ²² Siquis non
amat Dominum Jesum Christum, esto anathema
23 maran-atha. Gratia Domini Jesu Christi *sit* vo-
24 biscum. Charitas mea cum omnibus vobis in
Christo Jesu. Amen.

Ad Corinthios prior, missa fuit Philippis per Stephanam,
et Fortunatum, et Achaicum, et Timotheum.

PAULI APOSTOLI EPISTOLA SECUNDA

AD

CORINTHIOS.

1 PAULUS apostolus Jesu Christi per volunta-
tem Dei, et Timotheus frater, ecclesiæ Dei quæ
est Corinthi, una cum sanctis omnibus qui sunt
2 in tota Achaia: gratia *sit* vobis et pax a Deo
Patre nostro, et Domino Jesu Christo.

- 3 BENEDICTUS *esto* Deus ac Pater Domini
nostri Jesu Christi, pater, *inquam*, ille misera-
4 tionum, et Deus omnis consolationis; consolans
nos in omni afflictione nostra, ut et ipsi possi-
mus in quavis afflictione *positos* consolari, ea
5 consolatione qua nos consolatur Deus. Nam
sicut redundant in nos perpassiones Christi, ita
per Christum redundat etiam *in vos* consolatio
6 nostra. Sive igitur affligimur, pro vestra conso-
latione ac salute *premur*; sive consolationem
percipimus, *consolationem percipimus* pro vestra
consolatione, quæ agit *in vobis* per tolerationem
earundum perpassionum quas et nos perpetimur:
7 et spes nostra firma est de vobis; ut qui sciamus
vos sicut consortes estis perpassionum, ita etiam
consortes fore consolationum.
- 8 Non enim volumus vos esse nescios, fratres,
afflictionis nostræ quæ nobis evenit in Asia, nos
nempe supra modum gravatos fuisse supra vires,
adeo ut prorsus animi penderemus, etiam quod
9 ad vitam. Sed ipsi apud nos decretum mortis
habuimus, ne confideremus in nobisipsis, sed in
10 Deo suscitante mortuos; qui ex tanta morte
nos eripuit et eripit: in quo speramus nos ad-
11 huc etiam ereptum iri: una conferentibus subsi-
diariam operam etiam vobis per deprecationem
pro nobis, ut donum ex multis personis in nos
collatum, per multos celebretur gratiarum actione
pro nobis.
- 12 Nam gloriatio nostra hæc est, testimonium
videlicet conscientiæ nostræ, quod cum simplici-
tate et sinceritate Dei, non cum sapientia car-
nali, sed cum gratia Dei, versati sumus in
13 mundo, plurimum autem apud vos. Non enim
alia scribimus vobis quam quæ legitis aut etiam
agnoscitis; spero autem vos etiam ad extremum

14 agnituros; sicut et aliquatenus agnovistis, nos gloriationem vestram esse, quemadmodum et vos nostra *estis*, in diem Domini Jesu.

15 Itaque hac fiducia prius volui ad vos venire, ut secundam gratiam haberetis: et per vos transire in Macedoniam, et rursum a Macedonia venire ad vos, et a vobis deduci in Judæam.

17 Hoc igitur quum deliberarem, num qua levitate sum usus? aut quæ delibero, secundum carnem delibero, ut sit apud me Etiam et Non? Imo fidelis Deus *novit* sermonem nostrum apud vos,

19 non fuisse Etiam et Non. Nam Dei Filius, Jesus Christus, qui inter vos per nos prædicatus est, *id est*, per me et Silvanum ac Timotheum, non fuit Etiam et Non, sed Etiam fuit in ipso.

20 Quotquot enim *sunt* promissiones Dei, in ipso *sunt* Etiam, et in ipso *sunt* Amen, ad Dei gloriam per nos. Porro, qui nos confirmat vobiscum in Christum, et qui unxit nos, Deus *est*; qui etiam obsignavit nos, indiditque arrhabonem spiritus cordibus nostris.

23 EGO vero testem Deum invoco in meam animam, me *idcirco* nondum venisse Corinthum, quod vobis parcam. Non quod dominemur vestræ fidei, sed *quod* administri simus gaudii vestri: nam fide statis.

2 Hoc autem apud me statui, rursus cum tristitia non venire ad vos. Nam si ego tristitia vos afficiam, quis est igitur qui exhilaret me, nisi is ipse qui contristatus fuerit ex me? Et hoc ipsum vobis scripsi, ne quum venero, tristitiam capiam ex iis de quibus oportebat me gaudere: confisus de vobis omnibus, meum gaudium, omnium vestrum *gaudium* esse. Nam ex multa afflictione et anxietate cordis scripsi vobis, per multas lacrymas; non ut tristitia afficeremini, sed ut

cognosceretis charitatem quam habeo summam erga vos.

5 Quod si quis tristitia affecit, non me tristitia affecit, sed quadantenus, ne *illum* aggravem,
6 vos omnes. Sufficit istiusmodi *homini* ista in-
7 crepatio a pluribus illius *profecta*. Ut e contra-
rio potius vos *aliquid ei* condonetis, *eumque*
8 absorbeatur *vir* huiusmodi. Quapropter precor
9 vos, ut ratam faciatis in illum charitatem. Nam
in hunc finem etiam scripsi, ut cognoscerem
probationem vestri, *id est*, an ad omnia obe-
10 dientes sitis. Cui vero quidpiam condonatis, et
ego *condono*: nam et ego si quid condonavi,
cui condonavi, propter vos *id feci*, in conspectu
11 Christi, ut ne superemur a Satana: non enim il-
lius machinationes ignoramus.

12 Porro, quum venissem Troadem ad *prædi-*
candum evangelium Christi, etiamsi ostium mihi
apertum erat per Dominum, non fuit remissio
spiritui meo, eo quod non invenissem Titum
13 fratrem meum: sed quum illis valedixissem, abii
in Macedoniam.

14 Deo *habetor* autem gratia, qui facit ut semper
triumphemus in Christo, et odorem cognitionis
sui manifestum facit per nos quovis in loco.
15 Nam Christi bona fragrantia sumus Deo, in iis
16 qui servantur, et in iis qui pereunt. His qui-
dem, odor mortis ad mortem; illis vero, odor
17 vitæ ad vitam. Sed ad hæc quis idoneus? Non
18 enim, ut plerique, cauponamur sermonem Dei;
sed ut ex sinceritate, sed ut ex Deo, in con-
spectu Dei de Christo loquimur.

3 INCIPIMUS rursus nosipsos commendare? aut
num egemus, ut nonnulli, commendatitiis epi-
stolis apud vos, aut commendatitiis a vobis?

- 2 Epistola nostra vos estis, inscripta in cordibus nostris, quæ intelligitur et legitur ab omnibus
3 hominibus: dum manifestum fit vos esse epistolam Christi subministratam a nobis, inscriptam non atramento, sed spiritu Dei vivi; non in tabulis lapideis, sed in carneis tabulis cordis. Fiduciam autem hujusmodi habemus per
4 Christum apud Deum: non quod idonei simus per nosipsos ad cogitandum quicquam, velut ex nobisipsis; sed quod idonei sumus, *id* ex Deo
5 est; qui etiam fecit, ut idonei essemus ministri novi pacti, non literæ, sed spiritus: nam litera occidit, spiritus autem vivificat.
6 Quod si mortis ministerium in literis *positum*, et informatum in lapidibus, fuit gloriosum, adeo ut non possent intentis oculis intueri filii Israel in faciem Moysis, propter gloriam illam faciei
7 ejus evanidam; qui non potius ministerium spiritus erit gloriosum? Nam si ministerium condemnationis *fuit* gloriosum, multo magis ministerium justitiæ abundat gloria. Etenim quod glorificatum fuit, ne glorificatum quidem fuit
8 hac in parte, *id est*, supereminentis illius gloriæ respectu. Nam si quod evanescit, *fuit* gloriosum, multo magis est gloriosum id quod manet.
9 Itaque, quum ejusmodi spem habeamus, multa
10 in loquendo evidentia utimur. Nec *sumus* sicut Moses, *qui* imponebat velamen faciei suæ, ne defigerent oculos filii Israelis ad finem ejus
11 quod evanidum erat. Itaque occalluerunt mentes illorum. Nam usque ad diem hodiernum, in lectione veteris pacti manet non detectum
12 velamen illud, quod in Christo evanescit. Sed ad hunc usque diem, quum legitur Moses, vela-
13 men cordi eorum impositum est. Quando vero

sese converterit ad Dominum, tolletur velamen illud.

17 Dominus vero spiritus ille est: ubi autem
18 spiritus ille Domini, illic libertas. Nos autem omnes detecta facie, gloriam Domini quasi in speculo intuentes, *secundum* eandem imaginem transformamur, *id est*, ex gloria in gloriam, sicut a Domino spiritu.

4 Propterea quum ministerium hoc habeamus, prout misericordia donati sumus, segnes non
2 sumus: sed abrenunciavimus pudendis latebris; non cum calliditate ambulantes, neque falsantes sermonem Dei, sed declaratione veritatis commendantes nosipsos apud omnem conscientiam
3 hominum, in^o conspectu Dei. Quod si opertum est evangelium nostrum, iis qui pereunt opertum
4 est: in quibus Deus hujus seculi excæcavit mentes, *nempe* in infidelibus, ne irradiet eos illustratio evangelii gloriæ Christi, qui est imago
5 Dei. Non enim nosipsos prædicamus, sed Christum Jesum *esse* Dominum; nos autem servos
6 vestros propter Jesum. Quoniam Deus, qui dixit ut e tenebris lux splenderet, *is est* qui splenduit in cordibus nostris; ad *præbendam* lucem notitiæ gloriæ Dei in facie Jesu Christi.

7 Habemus autem thesaurum hunc in testaceis vasculis, ut hæc hujus potentiæ supereminentia
8 sit Dei, et non ex nobis: dum in omnibus affligimur, at non coarctamur: hæsitamus at non
9 prorsus hæremus: persecutionem patimur, sed in *ea* non deserimur; dejicimur, at non perimus:
10 ubivis mortificationem Domini Jesu in corpore circumferentes, ut etiam vita illa Jesu in cor-
11 pore nostro manifesta fiat. Semper enim nos, qui vivimus, morti tradimur propter Jesum, ut etiam vita Jesu manifesta fiat in carne nostra

12 mortali. Itaque mors quidem in nobis agit, vita vero in vobis.

13 Et quoniam habemus eundem spiritum fidei, secundum illud quod scriptum est, Credidi, *et* ideo locutus sum: nos quoque credimus, quam-
14 obrem etiam loquimur: scientes fore, ut qui suscitavit Dominum Jesum, nos quoque per Jesum
15 suscitet, et sistat vobiscum. Nam hæc omnia propter vos *fiunt*, ut gratia illa amplificata, pluribus gratias agentibus, redundet in gloriam
16 Dei. Propterea non segnescimus; sed etiamsi externus homo noster corrumpitur, internus tamen renovatur in dies. Nam illico præteriens levitas afflictionis nostræ, excellenter excellentis gloriæ pondus æternum conficit nobis:
17 non spectantibus nobis ea quæ visibilia sunt, sed ea quæ sunt invisibilia: nam quæ visibilia sunt, temporaria sunt; at quæ sunt invisibilia, æterna.

5 Scimus enim nos, si terrestris hujus domus nostræ tabernaculum dissolutum fuerit, ædificium ex Deo habituros, domicilium *videlicet* non manufactum, æternum in cœlis. In hoc etenim suspiramus, expetentes domicilio nostro, quod e
2 cœlo est, superindui: siquidem etiam induti, non
3 nudi reperiemur. Etenim qui sumus in hoc tabernaculo, suspiramus gravati: in quo *constituti* non cupimus *eo* exui, sed superindui, ut absorbeatur mortalitas a vita.

5 Porro Deus *is est* qui nos ad hoc ipsum condidit, qui etiam dedit nobis arrhabonem spiritus. Confidente igitur animo sumus semper, et scimus nos dum adsumus corpore, peregre ab-
6 esse a Domino: (per fidem enim ambulamus,
7 non per aspectum:) confidente autem, *inquam*, animo sumus, et gratius est nobis abesse potius ex corpore, et adesse apud Dominum.

- 9 Quapropter etiam contendimus, ut et hic præ-
10 sentes et hinc absentes, ipsi placeamus. Omnes
enim nos comparere oportet coram tribunali
Christi, ut unusquisque reportet quæ in corpore
fecerit, congruenter ad id quod fecerit, sive bo-
num, sive malum.
- 11 Scientes igitur terrorem illum Domini, homi-
nes ad fidem adducimus; Deo autem conspicui
facti sumus; et spero *nos* etiam conscientis ve-
12 stris manifestos esse. Non enim iterum nos
ipsos commendamus vobis, sed vobis occasionem
præbemus gloriandi de nobis: ut habeatis *quod*
dicatis adversus eos qui in facie gloriam ca-
13 ptant, at non in corde. Nam sive insanimus,
Deo *insanimus*: sive sana mente sumus, vobis
sana mente sumus.
- 14 Charitas enim illa Christi constringit nos. ¹⁵ Ut
qui hoc statuerimus, si unus pro omnibus mor-
tuus fuit, nempe istos omnes fuisse mortuos, et
illum pro omnibus mortuum esse, ut qui vivunt,
posthac non sibi vivant, sed ei qui pro ipsis
16 mortuus est et suscitatus est. Itaque nos post-
hac neminem novimus secundum carnem: quod
si etiam novimus Christum secundum carnem,
17 nunc tamen non amplius novimus. Siquis igitur
est in Christo, nova *est* creatio: vetera præteri-
erunt: ecce, nova facta sunt omnia.
- 18 Hæc autem omnia *sunt* ex Deo, qui reconci-
liavit nos sibi per Jesum Christum, deditque no-
19 bis ministerium reconciliationis: nempe quia Deus
erat in Christo, mundum reconcilians sibi, non
imputando eis offensas eorum: posuitque in no-
20 bis sermonem illum reconciliationis. Itaque no-
mine Christi legatione fungimur; *et* velut Deo
vos precante per nos, rogamus Christi nomine,
21 reconciliamini Deo. Fecit enim *ut* qui non no-

verat peccatum, pro nobis peccatum *esset*, ut nos efficeremur justitia Dei in eo.

6 Sed et operam nostram *ei* accomodantes, horta-
2 mur ne frustra gratiam Dei receperitis. (Dicit enim
Deus, Præstituto tempore accepto exau-
divi te, et in die salutis succurrit tibi: ecce,
nunc *est* præstitutum tempus acceptum; ecce, nunc
3 dies salutis.) Nullam ulla in re præbentes offensa-
4 tionem, ne vituperetur ministerium: sed in omni-
bus nos approbantes, ut Dei ministri, in tolerantia
multa, in afflictionibus, in necessitatibus, in an-
5 gustiis, in verberibus, in carceribus, in exagita-
6 tionibus, in laboribus, in vigiliis, in jejuniis; cum
puritate, cum cognitione, cum animo patiente,
cum benignitate, cum Spiritu Sancto, cum chari-
7 tate minime simulata, per sermonem veritatis,
per virtutem Dei, per arma justitiæ dextra ac
8 sinistra, per gloriam et dedecus, per convicia et
9 laudes: ut impostores, et *tamen* veraces; ut ignoti,
et *tamen* agniti; ut morientes, et ecce vivimus;
ut qui castigamur, nec *tamen* morte afficimur:
10 ut tristes, semper tamen gaudentes; ut pauperes,
sed multos ditantes; ut nihil habentes, sed om-
nia obtinentes.

11 Os nostrum apertum est erga vos, Corinthii,
12 cor nostrum dilatatum est. Non habitatis an-
guste in nobis; sed angusti estis in visceribus
13 vestris. Loquor autem ut filiis de pari compen-
satione. Dilatamini et vos.

14 Ne impari iugo copulamini cum infidelibus:
quod enim consortium justitiæ cum legis trans-
gressionem? et quæ communio luci cum tenebris?
15 et quæ concordia Christo cum Belial? aut quæ
16 portio fidei cum infidei? et quæ consensio tem-
plo Dei cum simulacris? nam vos templum estis
Dei viventis: sicut dixit Deus, Habitabo in

eis et inambulabo; et ero illorum Deus,
17 et ipsi erunt mihi populus. Quapropter
exite e medio eorum, et separamini, di-
cit Dominus; et impurum ne attingite:
18 tum ego excipiam vos: et ero vobis pro
patre, et vos eritis mihi pro filiis ac fi-
7 liabus, dicit Dominus omnipotens. ¹ Has
igitur promissiones quum habeamus, dilecti, purifi-
cemus nos ab omni inquinamento carnis ac spiritus,
ad finem perducentes sanctimoniam in timore Dei.

2 RECIPITE nos: neminem injuria affecimus, ne-
minem corrupimus, neminem quæstui habuimus.

3 Ad condemnationem *vestri hoc* non dico: nam
ante dixi vos in cordibus nostris esse, ad com-

4 moriendum et convivendum. Multa *est* mihi
loquendi libertas apud vos, multa mihi gloria-
tio de vobis; impletus sum consolatione; vehe-

5 nostra. Etenim quum venissemus in Macedo-
niam, nullam habuit relaxationem caro nostra,
sed in omnibus fuimus afflicti: foris *fuerunt*

6 pugnæ, intus metus. Sed qui consolatur de-
pressós, consolatus est nos, *nempe* Deus, ad-

7 ventu Titi: non solum adventu illius, sed
etiam consolatione quam ille accepit ex vobis,
quum renunciaret nobis vestrum vehemens de-
siderium, vestrum ejulatum, vestrum super me
ardorem; adeo ut magis gavisus fuerim.

8 Nam etiamsi vos tristitia affeci per epistolam,
non me pœnitet, etiamsi pœnituerit: video enim
epistolam illam, tametsi ad tempus, tristitia vos

9 affecisse. Nunc gaudeo, non quod contristati
fueritis, sed quod contristati fueritis ad resipi-
scentiam: nam tristitia affecti fuistis secundum
Deum, ut nulla in re damno affecti fueritis ex
10 nobis. Nam quæ secundum Deum est tristitia,

- ea resipiscentiam efficit ad salutem, cujus nunquam pœniteat; mundi vero tristitia mortem efficit. Ecce enim, istud ipsum, quod secundum Deum tristitia affecti fuistis, quantum in vobis effecit studium, imo excusationem, imo indignationem, imo timorem, imo vehemens desiderium, imo zelum, imo vindictam? per omnia testatum fecistis, vos esse puros in hoc negotio. Itaque, etsi scripsi vobis, non *scripsi vobis* ejus respectu qui injuria affecerat, nec ejus respectu qui injuria affectus fuerat; sed ut apud vos manifestum fieret studium illud nostrum pro vobis in conspectu Dei.
- Propterea consolationem accepimus ex consolatione vestri: sed quamplurimum gavisi fuimus ob gaudium Titi, quod refocillatus sit spiritus ejus ad omnibus vobis: et quod siquid apud eum de vobis gloriatus sum, non fui pudefactus, sed ut omnia vere locuti sumus vobis, ita et gloria-tio nostra, qua usus eram apud Titum, vera comperta sit: et viscera ejus eo amplius erga vos *affecta* sint, memoria repetentis omnium vestrum obedientiam, *et* ut cum timore ac tremore ipsum exceperitis. Gaudeo igitur quod penitus confidam de vobis.
- PORRO notam facimus vobis, fratres, gratiam Dei præstitam ecclesiis Macedonum; *nempe* in multa exploratione afflictionis, exundans gaudium ipsorum, et profundam eorum paupertatem exundasse in copiosam benignitatem ipsorum. Nam pro viribus (testor) atque supra vires voluntarii *fuerunt*: multa cum exhortatione nos rogantes, ut hanc beneficentiam *et* societatem hujus ministerii sanctorum causa *subeundi*, in nos reciperemus.
- Ac non prout sperabamus *ita fecerunt*, sed semetipsos dediderunt primum Domino, *deinde* et nobis per Dei voluntatem: ut adhortaremur Ti

tum, ut sicut ante cœpit, ita etiam absolvat apud vos hanc quoque beneficentiam.

7 Itaque sicut omnibus exundatis, *nempe* fide, et sermone, et cognitione, et omni studio, et vestra in nos charitate, *videte* ut hac quoque gratia exundetis. Non ex imperio dico sed aliorum studio, vestræ quoque dilectionis sinceritatem
8 reddens exploratam. Nostis enim beneficentiam Domini nostri Jesu Christi, eum *videlicet* propter vos pauperem factum esse, quum esset dives, ut vos illius paupertate ditesceretur.

10 Et sententiam in ea re *meam* dico: nam hoc vobis conducit, qui non solum facere, sed etiam
11 velle ante cœpistis anno superiore. At nunc etiam illud ipsum facere absoluite: ut, sicut *ad-fuit* promptus ille animus ad volendum, ita etiam
12 *adsit* ipsum perficere, quod habetis. Etenim si prius adsit promptus animus, aliquis acceptus *est* pro eo quod habet, non pro eo quod non
13 habet. Non enim *hoc* dico ut aliis sit relaxatio, vobis autem afflictio: sed *ut* pari conditione quod vobis superest *suppleat* hoc tempore quod
14 illis deest: ut et illorum abundantia quod vobis
15 deest suppleat, ut fiat æquabilitas. Sicut scriptum est, Qui multum *collegit*, plus non habuit: et qui paululum, minus non habuit.

16 Gratia vero *habetor* Deo, qui cordi Titi indidit idem studium pro vobis. Quod tum exhortationem illam gratam habuit, tum vero quod
18 majore studio ultro ad vos iter suscepit. Misi-mus autem una cum eo fratrem illum, cujus laus
19 est in evangelio per omnes ecclesias: (nec *id* solum, sed etiam suffragiis delectus est ab ecclesiis socius peregrinationis nostræ, cum hac beneficentia quæ administratur a nobis, ad ipsius Domini gloriam, et *comprobandum* promptum

20 animum vestrum: (evitantes hoc, nequis nos vitu-
peret in hac ubertate quæ administratur a no-
21 bis: ut qui procuremus honesta non solum in
conspectu Domini, sed etiam in conspectu homi-
22 num. Misimus autem cum eis fratrem nostrum,
quem sæpe in multis probavimus propensum
esse, nunc autem multo propensiozem, ob mul-
23 tam *meam* fiduciam in vobis. Sive de Tito
quæritur, socius meus *est*, et apud vos adjutor:
sive de fratribus nostris, legati *sunt* ecclesiarum,
24 *et* gloria Christi. Itaque demonstrationem cha-
ritatis vestræ, et nostræ de vobis gloriationis,
edite in eos, in conspectu ecclesiarum.

9 Nam de ministerio quod sanctis exhibetis,
2 supervacaneum est mihi scribere vobis. Novi
enim promptum animum vestrum, quem de vo-
bis jacto apud Macedones, Achaiam, videlicet,
paratam esse ab anno superiore: et ex vobis
3 *ortus* ardor provocavit complures. Misi autem
hos fratres, ne gloriatio nostra de vobis inanis
fiat hac in parte, ut, (sicut dicebam,) parati sitis.
4 Ne quo modo, si mecum venerint Macedones, et
invenerint vos imparatos, nos pudefiamus (ut ne vos
dicam) in hoc fundamento gloriationis. Itaque ne-
5 cessarium duxi adhortari hos fratres, ut priores
venirent ad vos, et prius absolverent antea denun-
ciatam beneficentiam vestram, ut ea sit parata ita
ut beneficentia, et non ut extortum aliquid.

6 Hoc autem *dico*, Qui serit parce, parce etiam
metet: et qui serit benigne, benigne etiam me-
7 tet. Quisque, sicut præoptat corde, *ita* agat:
non ex tristitia aut ex necessitate: nam hilarem
8 datorem diligit Deus. Potens *est* autem Deus
efficere ut omnis gratia in vos exundet; ut in
omnibus omni tempore omne quod sufficiat ha-
9 bentes, exundetis ad omne opus bonum. Sicut

scriptum est, Dispersit, dedit pauperibus:
10 justitia ejus manet in seculum. Qui autem
suppeditat semen serenti, et panem ad escam,
suppeditet et multiplicet sementem vestram, et
11 augeat fructus justitiæ vestræ: *vobis* omni modo
ditatis ad omnem benignitatem, quæ per nos
12 efficit ut gratiæ agantur Deo. Nam ministerium
functionis istius non solum supplet quæ sanctis
desunt, sed etiam exundat multis gratiarum
actionibus apud Deum, per istius ministerii ex-
13 perimentum. Deum glorificando de vestra te-
stata submissione in evangelium Christi, deque
14 benigna in se et in omnes communicatione: et
per ipsorum deprecationem pro vobis maximo
vos amore complectentium propter gratiam Dei
15 in vobis supereminentem. Gratia autem *habetor*
Deo super inenarrabili suo dono.

10 CETERUM rogo vos per lenitatem illam et
æquitatem Christi, ego ipse Paulus, qui coram
quidem submissus sum inter vos, absens vero
2 sum erga vos confidens: *hoc* autem rogo, ne
præsens confidenter agam fiducia, qua existimor
audax fuisse in quosdam, qui de nobis existi-
3 mant quasi secundum carnem ambulemus. Nam
in carne, non *tamen* secundum carnem, ambu-
4 lantes militamus: arma enim militiæ nostræ non
carnalia sunt, sed divinitus valida ad destructio-
5 nem munitionum: ratiocinationes evertendo, om-
nemque sublimitatem quæ sese extollit adversus
cognitionem Dei, et in captivitatem redigendo om-
6 nem cogitationem ad obediendum Christo: et para-
tum habendo quo ulciscamur omnem inobedienti-
am, postquam impleta fuerit vestra obedientia.
7 Quæ ob oculos sunt aspicitis? siquis apud se
confidit se Christi esse, hoc vicissim reputet ex
sese, quemadmodum ipse Christi *est*, ita et nos

- 8 Christi *esse*. Nam si amplius etiam quippiam glorier de jure nostro, quod dedit Dominus nobis ad ædificationem, ac non ad destructionem vestri,
9 non pudefiam: ne videar ceu perterrefacere vos
10 per epistolas. Nam epistolæ quidem, inquiunt, graves sunt et validæ: sed præsentia corporis in-
11 firma *est*, et sermo *est* nihili. Hoc cogitet *qui* istiusmodi *est*, certe quales sumus sermone per epistolas quum absumus, tales etiam erimus re ipsa quum aderimus.
- 12 Non enim audemus nos adungere vel conjungere cum quibusdam qui seipsos commendant: sed non animadvertunt quod ipsi sese metiuntur
13 seipsis, et cum sibiipsis sese comparant. At nos non gloriabimur de iis quæ mensuræ *nostræ* non sunt, sed secundum modum nobis ad regulam admensum, *id est*, ejus quam distribuit nobis Deus mensuræ, *gloriabimur* nos pervenisse ad
14 vos etiam usque. Non enim quasi non pervenerimus usque ad vos, extendimus nosipsos ultra quam deceat: nam usque ad vos etiam pervenimus in evangelio Christi. Nequaquam de iis quæ mensuræ *nostræ* non sunt gloriantes, *id est*, de alienis laboribus; sed sperantes, *fore ut*, augescente fide vestra in vobis amplifcemur in attributa nobis nostra mensura ad
16 redundantiam usque. *Id est*, ut in iis *regionibus*, quæ ultra vos *sunt*, evangelizem: non ut, in alteri attributa mensura, de præparatis
17 gloriemur. Ceterum qui gloriatur, in Domino gloriatur. Non enim qui seipsum commendat, is probandus est, sed is quem Dominus commendat.
- 11 UTINAM sufferretis me paulisper in insipientia
2 *mea*: imo etiam sufferte me. Affecto enim vos Dei ardore: aptavi enim vos, *quos* uni viro, *ut*
3 virginem puram sistam, *nempe* Christo. Sed

- metuo, ne quo modo, sicut serpens ille Evam seduxit calliditate sua, ita corruptæ cogitationes vestræ *degenerent* a simplicitate quæ est in
- 4 Christo. Enimvero si veniens quispiam alium Jesum prædicet quem non prædicavimus, aut si spiritum alium accipiat quem non acceperitis, aut evangelium aliud quod non receperitis, recte
- 5 *illum* toleraveritis. Puto enim me nihilo inferiori
- 6 rem fuisse summis apostolis. Quod si rudis *sum* sermone non tamen *sum rudis* cognitione: sed omnino manifesti facti sumus in omnibus apud vos.
- 7 Num peccavi, quum ipse me submitterem, ut vos attolleremini? quod gratuito evangelium Dei
- 8 evangelizavi vobis? Alias ecclesias spoliavi, accepto *ab eis* stipendio, ut vobis essem minister; et quum apud vos essem et egerem, non
- 9 obturpui cum cujusquam incommodo. Quod enim mihi deerat, suppleverunt fratres quum venissent e Macedonia: et in omnibus me conservavi
- 10 vobis minime onerosum, et conservabo. Est veritas Christi in me, quod hæc gloriatio non ob-
- 11 struetur in me in regionibus Achaïæ. Quapropter?
- 12 *an* quod non diligam vos? Deus novit. Sed quod facio, etiam faciam; ut amputem occasionem iis qui exoptant occasionem, ut in *eo de* quo gloriantur,
- 13 inveniantur quales et nos. Nam istiusmodi pseudapostoli, operarii dolosi sunt, transfigurantes se in
- 14 apostolos Christi. Neque id mirum; ipse enim
- 15 Satanæ se transfigurat in angelum lucis. Non magnum est igitur si etiam ejus ministri transfigurant se tanquam *sint* ministri justitiæ, quorum finis erit secundum opera ipsorum.
- 16 Rursum dico, nequis me putet insipientem esse: sin minus vel ut insipientem recipite me, ut
- 17 paululum quiddam et ego glorier. Quod dico, non dico secundum Dominum, sed ut insi-

18 piens, in fundamento istius gloriationis. Quando-
quidem multi gloriantur secundum carnem, et
19 ego gloriabor. Libenter enim suffertis insipi-
20 entes, quod sitis sapientes. Suffertis enim siquis
vos in servitutem adigit, siquis exedit, siquis
stipendium accipit, siquis attollit sese, siquis
vos in faciem cædit.

21 Contumeliæ respectu dico, veluti quod nos in-
firmi fuimus: imo in quocunque audacia uti ve-
lit aliquis, (ut desipiens loquor,) audacia uti ve-
22 lim et ego. Hebræi sunt? *sum* et ego: Israelitæ
sunt? *sum* et ego: semen Abrahami sunt? *sum*
23 et ego: ministri Christi sunt? (insipiens loquor)
superior sum ego: in laboribus amplius, in pla-
gis supra illos, in carceribus amplius, in morti-
24 bus sæpe. A Judæis quinquies accepi quadra-
25 genas *plagas* una minus. Ter virgis cæsus fui,
semel fui lapidatus, ter naufragium feci, noctem
26 ac diem in profundo egi: in itineribus sæpe *fui*,
in periculis fluminum, periculis latronum, pericu-
lis a *meis* gentilibus, periculis a gentibus, pericu-
lis in civitatibus, periculis in solitudine, peri-
27 culis in mari, periculis inter falsos fratres: in
labore et ærumna, in vigiliis sæpe, in fame et
siti, in jejuniis sæpe, in frigore et nuditate.
28 Absque iis quæ extrinsecus *eveniunt*, *urget*
agmen illud in me quotidie consurgens, *id est*,
29 sollicitudo de omnibus ecclesiis. Quis infirmus
est, quin ego sim infirmus? quis offendiculo affi-
citur, quin ego urar?

30 Si gloriari oporteat, de iis quæ infirmitatis
31 meæ *sunt* gloriabor. Deus et Pater Domini
nostri Jesu Christi, benedictus in secula, novit
32 me non mentiri. Damasci, ethnarchus Aretæ,
regis, præsidio tenebat Damascenorum urbem,
33 cupiens meprehendere: sed per fenestram in

corbe fui fune demissus per mœnia, et ejus manus effugi.

- 12 Gloriari sane non convenit mihi: veniam enim ad
2 visiones et revelationes Domini. Novi hominem in
Christo ante annos quatuordecim (an in corpore,
nescio; an extra corpus, nescio; Deus novit) rap-
3 ptum in tertium usque cœlum: et novi hujusmodi
hominem (an in corpore, an extra corpus, nescio;
4 Deus novit) raptum fuisse in paradisum, et audisse
5 ineffabilia verba, quæ non liceat homini loqui. Super
ejusmodi homine gloriabor; de meipso vero
6 non gloriabor, nisi in infirmitatibus meis. Nam si
voluero gloriari, non ero insipiens; veritatem enim
dicam; sed parce loquor, ne quis de me reputet su-
pra *id* quod videt *esse* me, aut *quod* audit ex me.
7 Et ne excellentia revelationum supra modum
efferrer, datus est mihi surculus infixus carni,
nempe angelus Satan, ut me colaphis cædat, ne
8 supra modum efferar. Super hoc ter Dominum
9 rogavi, ut abscederet a me. Sed dixit mihi, Sufficit
tibi gratia mea; nam potentia mea per infirmitatem
consummatur. Libentissime igitur gloriabor potius
de infirmitatibus meis, ut tanquam in tabernaculo
10 inhabitet in me potentia Christi. Propterea acquiesco
in infirmitatibus, in injuriis, in necessitatibus, in
persecutionibus, in angustiis pro Christo: quum
enim infirmus sum, tunc potens sum.
11 Fui insipiens in gloriando: vos me coegistis:
nam ego debueram a vobis commendari, nulla
enim in re inferior fui summis apostolis, etiamsi
12 nihil sum. Indicia quidem apostoli edita sunt
apud vos cum omni tolerantia, per signa, et
13 prodigia, et virtutes. Nam quid est in quo
fueritis deteriore conditione præ reliquis ecclesiis,
nisi quod ego ipse non obtorpuì cum vestro incom-
modo? condonate mihi hoc injuste factum.

- 14 Ecce, tertio paratus sum venire ad vos, nec cum vestro incommodo obtorpescam; non enim quæro quæ vestra sunt, sed vos: non enim debent filii parentibus thesauros congerere, sed
15 parentes filiis. Ego vero libentissime sumptum impendam, et expendar pro animabus vestris; etiamsi, plurimum vos diligens, minus diligar.
- 16 Sed esto, ego vos non gravavi; sed quod sim
17 callidus dolo vos cepi. Num per quenquam eorum quos misi ad vos, quæstui vos habui? Precatus sum Titum, et cum eo misi fratrem: num aliqua in re vos quæstui habuit Titus? nonne eodem spiritu ambulavimus? nonne iisdem vestigiis?
- 19 Rursum putatis quod nos vobis excusamus? in conspectu Dei, in Christo loquimur: omnia autem hæc, dilecti, pro vestri ædificatione.
- 20 Nam metuo, nequo modo, quum venero, non quales velim inveniam vos, et ego inveniar vobis qualem nolitis; nequo modo *sint* lites, æmulationes, excandescentiæ, rixæ, obrectationes,
21 susurri, rumores, tumultuationes. Ne me, postquam iterum venero, deprimat Deus meus apud vos, et lugeam multos eorum qui ante peccarunt, nec resipuerunt super impuritate, et scortatione, et lascivia quam patrarunt.
- 13 TERTIA jam vice venio ad vos. Ex ore duorum testium aut trium firmum erit omne verbum. Prædixi, et secundo prædico ut præsens, et absens nunc scribo iis qui ante peccarunt, et reliquis omnibus, fore ut, si denuo venero, non parcam. Quandoquidem probationem quaeritis in me loquentis Christi, qui erga vos non
3 infirmus, sed potens est in vobis. Nam etsi crucifixus fuit ex infirmitate, vivit tamen ex potentia Dei; nam et nos infirmi sumus in eo, sed vivi erimus cum eo, ex potentia Dei apud vos.

- 5 Vosipsoſ tēntate an ſitis in fide: voſipſoſ ex-
 plorate: annon agnoſcitis voſmetipſoſ, *videlicet*
 Jeſum Chriſtum in vobis eſſe? niſi rejectanei
 6 eſtis. At ſpero fore ut cognoscatis noſ non
 7 eſſe rejectaneos. Opto autem a Deo, ne quid
 mali faciatis; non ut noſ probi appareamus, ſed
 ut quod bonum eſt faciatis, noſ vero velut re-
 8 jectanei ſimur. Non enim poſſumus quicquam
 9 adverſus veritatem, ſed pro veritate. Gaudemus
 enim quum noſ infirmi ſumus, voſ autem validi
 eſtis: hoc autem etiam optamus, veſtram *vide-*
 10 *licet* integram concinnationem. Propterea hæc
 abſens ſcribo, ne præſens præciſe me geram
 ex eo jure quod dedit mihi Dominuſ ad ædifi-
 cationem, ac non ad deſtructionem.
- 11 QUOD ſuper eſt, fratres, valet, iſtauramini,
 conſolationem habete, idem ſentite, pacem co-
 ſolite: et Deus charitatis ac pacis erit vobiſcum.
- 12 Salutate alii alioſ oſculo ſancto. Salutant voſ
 ſancti omneſ.
- 13 Gratia Domini Jeſu Chriſti, et charitas Dei,
 et communicatio Spirituſ Sancti ſit cum omni-
 buſ vobiſ. Amen.

Ad Corinthioſ ſecunda ſcripta fuit Philippis *urbe* Macedo-
 niæ, per Titum et Lucam.

PAULI APOSTOLI EPISTOLA

AD

GALATAS.

- 1 PAULUſ apoſtoluſ (non ab hominibuſ, neque
 per hominem, ſed per Jeſum Chriſtum, ac Deum
 2 Patrem, qui ſuſcitavit eum ex mortuiſ), quique

mecum sunt omnes fratres, ecclesiis Galatiæ;
3 gratia vobis et pax a Deo Patre, et Domino
4 nostro Jesu Christo, qui dedit semetipsum pro
peccatis nostris, ut eximeret nos ex præsentī
seculo malo, secundum voluntatem Dei et Pa-
5 tris nostri: cui *sit* gloria in secula seculorum.
Amen.

6 MIROR vos ita cito, deserto eo qui vocavit
vos in gratiam Christi, transferri in aliud evan-
7 gelium: quod non est aliud; sed nonnulli vos
turbant, et volunt invertere evangelium Christi.
8 Sed etiamsi nos, aut angelus e cœlo evangelizet
quidem vobis præter *id* quod vobis evangeliza-
9 vimus, anathema esto. Ut ante diximus, etiam
nunc iterum dico, Si quis vobis evangelizaverit
10 præter *id* quod accepistis, anathema esto. Nunc
enim *utrum* homines *audiendos* an Deum sua-
deo, aut quæro hominibus placere? Enimvero
si adhuc hominibus placerem, Christi servus non
essem.

11 Notum autem vobis facio, fratres, evangelium
illud quod est a me evangelizatum, non esse
12 secundum hominem. Neque enim ego ab homine
id accepi, neque edoctus sum, sed per revela-
13 tionem Jesu Christi. Audistis enim quomodo
versatus sim olim in Judaismo, me *videlicet* su-
pra modum persecutum esse ecclesiam Dei,
14 et eam vastasse; et profecisse in Judaismo su-
pra multos cœvos meos in gente mea, summe
affectans traditiones a patribus meis profectas.
15 Quando vero libuit Deo, qui separaverat me
inde ab utero matris meæ, et vocavit per gra-
16 tiam suam, revelare Filium suum in me, ut evan-
gelizarem ipsum inter gentes, non statim præ-
17 terea contuli cum carne et sanguine: neque redii
Hierosolymam ad eos qui ante me *fuerunt*

apostoli; sed abii in Arabiam, ac denuo rever-
18 sus sum Damascum. Deinde tribus post annis
redii Hierosolymam, ut viserem Petrum; et
19 permansi apud eum dies quindecim. Alium au-
tem ex apostolis non vidi quenquam, nisi Jaco-
20 bum fratrem Domini. In iis porro quæ scribo
vobis, ecce in conspectu Dei *testor* me non
21 mentiri. Deinde veni in regiones Syriæ et Ci-
22 liciae. Eram autem ignotus facie ecclesiis Ju-
23 daeæ, quæ *erant* in Christo. Sed solum audi-
erant *qui dicerent*, Qui persequebatur nos ali-
quando, nunc evangelizat fidem quam olim va-
24 stabat: et glorificabant Deum de me.

2 Deinde interjectis annis quatuordecim, rursum
ascendi Hierosolymam una cum Barnaba, as-
2 sumpto simul et Tito. Ascendi autem ex re-
velatione, et exposui eis evangelium quod præ-
dico inter gentes; sed privatim iis qui sunt in
pretio, neque modo frustra currem aut cucur-
3 rissem. Sed neque Titus, qui mecum erat, quam-
4 vis esset Græcus, coactus fuit circumcidi: nempe
propter irreptitios falsos fratres, qui fuerant clam
ingressi ad explorandam libertatem nostram, quam
habemus in Christo Jesu, ut nos in servitutem
5 adigerent: quibus ne ad momentum quidem nos
subjiciendo cessimus; ut veritas evangelii per-
6 maneret apud vos. Ab iis autem qui existi-
mantur esse aliquid, quales olim fuerint, nihil
mea refert: personam hominis Deus non acci-
pit. Nam qui sunt in pretio, nihil mecum præ-
7 terea contulerunt. Imo e contrario, quum vi-
dissent mihi concreditum fuisse evangelium præ-
8 putii, sicut Petro circumcisionis; (nam qui effi-
cax fuit per Petrum ad apostolatam circumcisio-
nis, efficax fuerat etiam per me apud gentes;)
9 quumque cognovissent gratiam mihi datam, Ja-

cobus, et Cephas, et Joannes, qui existimantur esse columnæ, dextrās societatis dederunt mihi ac Barnabæ; ut nos apud gentes, ipsi vero apud
10 circumcisos, *apostolatu fungeremur*. Solum *monuerunt* ut pauperum meminissemus; quod etiam studui facere.

11 QUUM autem venisset Petrus Antiochiam, in os ei obstiti, eo quod condemnandus esset.
12 Nam antequam venissent quidam a Jacobo, una cum gentibus edebat; quum autem venissent, subterfugiebat ac separabat sese ab eis, metuens
13 eos qui erant ex circumcissione. Ac simulabant una cum eo reliqui etiam Judæi; adeo ut Barnabas quoque simul abriperetur eorum simulatione. Sed quum vidissem eos non recto pede incedere, ut veritati evangelii congruebat, dixi Petro coram omnibus, Si tu, quum sis Judæus, gentiliter vivis, ac non judaice, cur gentes cogis judaizare? Nos *sumus* natura Judæi, et
14 non ex gentibus peccatores; scientes autem non justificari hominem ex operibus legis, sed per fidem Jesu Christi; etiam nos in Christum Jesum credidimus, ut justificaremur ex fide Christi, et non ex operibus legis: propterea quod non
15 justificabitur ex operibus legis ulla caro. Quod si, dum quærimus justificari per Christum, inventi sumus et ipsi peccatores, num Christus
16 peccati minister est? Absit. Nam si quæ destruxi, ea rursus ædifico, transgressorem me ipsum constituo. Ego enim per legem legi mortuus sum, ut Deo viverem. Una cum Christo crucifixus sum. Vivo autem, non amplius ego, sed vivit in me Christus; et vitam quam nunc vivo in carne, vivo per fidem illam Filii Dei, qui dilexit me, et tradidit semetipsum pro me.
17 Non irritam facio gratiam Dei; nam si per le-

gem est justitia, igitur Christus sine causa mortuus est.

- 3 O AMENTES Galatæ, quis vos fascinavit ne pareretur veritati; quibus ob oculos Jesus Christus prius fuerat depictus, inter vos crucifixus?
- 2 Hoc solum velim discere ex vobis, Ex operibus legis spiritum accepistis, an ex fide per auditum
- 3 percepta? Adeo amentes estis? quum spiritu in-
- 4 ceperitis, nunc carne perficimini? Tam multa
- 5 passi estis frustra? si modo etiam frustra. Qui igitur subministrat vobis spiritum, et efficit virtutes in vobis, *illumne* ex operibus legis, aut ex
- 6 fide per auditum percepta *subministrat*? Sicut Abraham credidit Deo, et imputatum est ei ad
- 7 justitiam: *ita* nempe nostis eos qui ex fide sunt,
- 8 esse filios Abrahamæ. Quum prævidisset autem scriptura Deum ex fide justificaturum gentes, *id* ante evangelizavit Abrahamo, *dicens* Benedicentur
- 9 in te omnes gentes. Itaque qui ex fide *sunt*, benedicentur cum illo fideli Abrahamo.
- 10 Nam quotquot ex operibus legis sunt, sub execratione sunt. Scriptum est enim, Exsecrabilis *est* quisquis non manserit in omnibus quæ
- 11 scripta sunt in libro legis, ut faciat ea. Nullum autem per legem justificari apud Deum, manifestum *est*: quoniam justus ex fide vivet. Lex autem non est ex fide: sed, Qui ea fecerit, vivet per ea. At Christus nos redemit ab execratione legis, dum pro nobis factus est execratio: scriptum est enim, Exsecrabilis *est* quis-
- 14 quis pendet in ligno. Ut ad gentes benedictio illa Abrahami perveniret in Christo Jesu, *et* ut promissum illum spiritum acciperemus per fidem.
- 15 Fratres, humano more loquor, Pactionem licet hominis ratam habitam nullus irritam facit, aut
- 16 *aliquid ei* superaddit. Abrahamo vero dictæ

sunt promissiones, et semini ejus. Non dicit, Et seminibus, ut de multis; sed ut de uno, Et semini tuo, qui est Christus. Hoc autem dico, Pactionem a Deo prius sancitam respicientem in Christum, lex quæ quadringentis et triginta post annis exstitit, irritam non facit, ut evanidam reddat illam promissionem. Nam si ex lege est hæreditas, non jam *est* ex promissione: atqui Abrahamo per promissionem largitus est Deus *hæreditatem*.

19 Quid igitur lex?

Transgressionum gratia adjecta est, usquequo venisset semen illud cui facta est promissio; *lex, inquam*, ordinata per angelos, per manum internuncii. Internuncius autem unius non est; Deus vero unus est.

21 Num igitur lex *addita est* adversus promissiones Dei?

Absit; nam si data fuisset lex quæ posset vivificare, vere ex lege esset justitia. Sed conclusit illa scriptura omnia sub peccatum, ut promissio ex fide Jesu Christi daretur credentibus.

23 Antequam autem venisset fides, sub legis præsidio custodiebamur, conclusi in eam fidem quæ futurum erat ut revelaretur. Itaque lex pædagogus noster fuit in Christum *respiciens*, ut ex fide justificaremur. At postquam venit fides, non amplius sub pædagogo sumus. Omnes enim filii Dei estis, per fidem in Christo Jesu. Nam quicumque in Christum baptizati fuistis, Christo fuistis induti. Non est Judæus neque Græcus, non est servus neque liber, non est masculus ac femina: omnes enim vos unus estis in Christo Jesu. Quod si vos *estis* Christi, nempe Abrahami semen estis, et secundum promissionem hæredes.

- 4 *Hoc* autem dico, Quamdiu hæres infans est,
nihil differt a servo, quamvis sit dominus om-
2 nium: sed sub tutoribus et curatoribus est usque
3 ad tempus quod pater præstituerit. Ita et nos,
quum essemus infantes, sub elementis mundi
4 eramus in servitutem redacti: at postquam venit
plenum illud tempus, emisit Deus Filium suum
5 factum ex muliere, factum legi subjectum, ut eos
qui legi erant subjecti redimeret, ut adoptionem
6 acciperemus. Quoniam autem estis filii, misit
Deus spiritum Filii sui in corda vestra, cla-
7 mantem, Abba, *id est*, Pater. Itaque non am-
plius es servus, sed filius: quod si filius, etiam
hæres Dei per Christum.
- 8 Imo tum quidem ignorantes Deum, servie-
9 batis iis qui natura non sunt dii. At nunc,
quum cognoscatis Deum, imo potius cogniti si-
tis a Deo, quomodo convertitis *vos* retrorsum
ad infirma et egena elementa, quibus ad supe-
10 riora regressi servire vultis? Dies observatis,
et menses, et præstituta tempora, et annos.
- 11 Metuo de vobis, ne frustra fatigatus sim apud
vos.
- 12 Estote quasi ego; nam et ego *sum* quasi vos;
fratres, deprecor vos: nulla in re me affecistis
13 injuria. Nostis autem me per infirmitatem car-
14 nis vobis prius evangelizasse: et explorationem
mei quæ *fiebat* in carne mea, non pro nihilo
habuistis: neque respuistis: sed me ut angelum
15 Dei, ut Christum Jesum, excepistis. Quæ igitur
erat beatitatis vestræ prædicatio? testimonium
enim reddo vobis, vos, si fieri potuisset, oculos
16 vestros effossos daturus mihi fuisse. Itaque
inimicusne vobis sum factus, vobis vera loquens?
17 Affectant enim vos non bene; imo excludere nos
18 volunt, ut se affectetis. Præclarum est autem

affectari in re bona semper, et non solum dum
19 præsens sum apud vos. Filioli mei, quos iterum parturio, usquequo formetur Christus in
20 vobis; (velim autem nunc adesse apud vos, et mutare vocem meam, quoniam hæsito in vobis;) *21*
dicite mihi qui sub lege vultis esse, legem
22 non auditis? Scriptum est enim, Abrahamum duos filios habuisse; unum ex ancilla, et unum
23 ex libera. Sed is qui ex ancilla *natus est*, secundum carnem natus est: qui vero ex libera,
24 per promissionem. Per quæ aliud figuratur: nam hæ sunt duæ illæ pactiones; una quidem,
quæ est Agar, ex monte Sina, generans *prolem*
25 ad servitutem: (istud enim Agar est Sina mons in Arabia:) eadem autem serie respondet ei Hierosolymæ quæ nunc *est*, servitque cum filiis suis.
26 Illa vero quæ sursum est Hierosolyma, libera
27 est, quæ est mater omnium nostrum. Scriptum est enim, Lætare, sterilis, quæ non paris; erumpe, et clama, quæ non parturis: quoniam plures sunt liberi desertæ, quam ejus quæ habet virum.

28 Nos igitur, fratres, secundum Isaac, promissionis filii sumus. Sed quemadmodum tunc is
29 qui secundum carnem genitus fuerat, persequabatur eum qui natus erat secundum spiritum;
30 ita et nunc *fit*. Sed quid dicit scriptura? Ejice ancillam et filium ejus: nequaquam enim hæres
31 erit filius ancillæ cum filio liberæ. Nempe, fratres, non sumus ancillæ filii, sed liberæ.

5 In libertate igitur, qua Christus nos liberavit, perstate, et ne regredientes implicamini servitutis jugo.

2 ECCE, ego Paulus dico vobis, Si circumcidamini, Christum nihil vobis profuturum. Testor enim rursum omni homini qui circumciditur, eum

4 esse debitorem totius legis servandæ. Evan-
istis *separati* a Christo, quicumque per legem
5 justificamini; *et* a gratia excidistis. Nos enim
6 spiritu ex fide, spem justitiæ exspectamus. Nam
in Christo Jesu neque circumcisio quicquam va-
let, neque præputium; sed fides per charitatem
operans.

7 Currebatis bene: quis vos interrupit ut non
8 pareretur veritati? Hæc persuasio non *est pro-*
9 *fecta* ex eo qui vocat vos. Paulum fermenti
10 totam massam fermentat. Ego confido de vo-
bis in Domino, vos nihil aliud esse sensuros:
sed qui turbat vos, auferet condemnationem,
11 quisquis fuerit. Ego autem, fratres, si circum-
cisionem etiam prædico, quid adhuc persecutio-
nem patior? nempe evanidum factum est offen-
12 diculum illud crucis. Utinam etiam abscindan-
tur qui vos inquietant.

13 Vos enim ad libertatem vocati estis, fratres:
tantum ne libertatem *vertite in datam* carni
occasionem; sed ex charitate servite alii aliis.
14 Nam tota lex uno dicto completur, isto *vide-*
15 *licet*, Diliges proximum tuum ut teipsum. Quod
si alii alios mordetis et exeditis, videte ne vi-
cissim alii ab aliis consumamini.

16 *Hoc* autem dico, spiritu ambulate, et quod
17 concupiscit caro ne perficite. Nam caro concu-
piscit adversus spiritum, spiritus autem adver-
sus carnem; hæc autem inter se opposita sunt,
ut non quæcunque volueritis, eadem faciatis.
18 Quod si spiritu ducimini, non estis sub lege.
19 Porro manifesta sunt opera carnis; quæ sunt,
20 adulterium, scortatio, impuritas, lascivia, idolo-
latria, veneficium, inimicitiae, lites, æmulationes,
21 excandescentiæ, rixæ, dissidia, hæreses, invidiæ,
cædes, ebrietates, comessiones, et his similia:

quæ prædico vobis, prout prædixi, eos *videlicet*
22 qui talia agunt, regni Dei non fore hæredes. At
fructus spiritus est charitas, gaudium, pax, pa-
tiens animus, benignitas, bonitas, fides, lenitas,
23 continentia. Adversus ejusmodi non est lex.
24 Qui enim *sunt* Christi, carnem crucifixerunt cum
25 affectibus et cupiditatibus. Si vivimus spiritu,
26 spiritu etiam incedamus. Ne simus inanis glo-
riæ cupidi, alii alios provocantes, alii aliis invi-
dentes.

6 FRATRES, etiamsi præoccupatus fuerit homo
in aliqua offensa, vos spirituales reconcinnate
hujusmodi hominem cum spiritu lenitatis; consi-
derans *unusquisque* temetipsum, ne et tu tenteris.
2 Alii aliorum onera portate: et ita complete le-
gem Christi.

3 Nam si quis sibi videtur aliquid, quum nihil
4 sit, hunc suus ipsius animus seducit. Opus au-
tem suum probatum reddat unusquisque; et tunc
in semetipso solo gloriationem habebit, et non
5 in alio: nam unusquisque suum onus portabit.

6 Communicet autem qui instituitur in sermone,
7 cum eo qui se instituit, omnia bona. Ne sedu-
cimini: Deus non irridetur: quicquid enim semi-
8naverit homo, hoc et metet. Nam qui seminat
carni suæ, ex carne metet interitum; qui vero
seminat spiritui, ex spiritu metet vitam æternam.
9 Porro ne quod bonum est faciendo segnes simus:
præstituto enim tempore metemus, si non fran-
10 gamur animo. Nempe igitur, dum tempus op-
portunum habemus, simus benefici erga omnes,
maxime vero erga domesticos fidei.

11 VIDETIS quam longis litteris vobis scripse-
12 rim mea manu. Quicumque volunt speciosi ap-
parere in carne, ii cogunt vos circumcidi, tan-
tum ne ob crucem Christi persecutionem patian-

- 13 tur. Nam ne ipsi quidem qui circumciduntur, legem servant; sed volunt vos circumcidi, ut de vestra carne glorientur.
- 14 A me vero absit gloriari nisi in cruce Domini nostri Jesu Christi, per quem mundus mihi
- 15 crucifixus est, et ego mundo. Nam in Christo Jesu neque circumcisio quicquam valet, neque
- 16 præputium, sed nova creatio. Et quicumque secundum hanc regulam incedent, pax esto super eos et misericordia, et super Israellem Dei.
- 17 De cetero, nequis mihi molestias præbeto; ego enim stigmata Domini Jesu in corpore meo porto.
- 18 Gratia Domini nostri Jesu Christi sit cum spiritu vestro, fratres. Amen.

Ad Galatas missa fuit Roma.

PAULI APOSTOLI EPISTOLA

AD

EPHESIOS.

- 1 PAULUS apostolus Jesu Christi, per voluntatem Dei, sanctis qui sunt Ephesi, et fidelibus
- 2 in Christo Jesu; gratia *sit* vobis et pax a Deo Patre nostro, et Domino Jesu Christo.
- 3 BENEDICTUS *esto* Deus et Pater Domini nostri Jesu Christi, qui benedixit nobis omni
- 4 benedictione spirituali in cœlis in Christo: sicut elegit nos in ipso ante jactum mundi fundamentum, ut simus sancti et inculpati in conspectu ejus cum charitate: qui prædestinavit nos quos adoptaret in filios per Jesum Christum in
- 6 sese, pro benevola voluntate sua, ad laudem glo-

riosæ suæ gratiæ, qua nos gratis sibi acceptos
7 effecit in illo dilecto: in quo habemus redemptionem per sanguinem ipsius, remissionem, *inquam*, offensarum, prout est dives ipsius gratia;
8 qua exundavit in nos omni sapientia et prudentia. Postquam notum fecit nobis mysterium voluntatis suæ, ex benevolo suo libitu quod præstituerat in sese, *nempe*, ut in plena temporum illorum præstitutorum dispensatione summatim recolligeret omnia illa in Christo, tum quæ in
10 cœlis sunt, tum quæ in terra: in ipso, *inquam*, in quo etiam in sortem adsciti sumus, quum essemus prætestinati secundum præstitutum ejus
11 qui omnia agit ex consilio voluntatis suæ; ut nos simus laudi gloriæ ipsius, qui priores spem
12 posuimus in Christo. In quo et vos *spem posuistis*, audito illo sermone veritatis illius, *nempe* felici nuntio salutis vestræ: in quo etiam, fide *ipsi* habita, obsignati estis, per spiritum illum
13 promissionis sanctum; qui est arrhabo hæreditatis nostræ, ad obtinendum redemptionem, ad laudem gloriæ ipsius.
14 Propterea etiam ego, audita ea quæ in vobis est fide in Dominum Jesum, et charitate in omnes sanctos, non cesso gratias agere pro vobis, mentionem vestri faciens in orationibus meis;
15 ut Deus Domini nostri Jesu Christi, Pater ille gloriæ, det vobis spiritum sapientiæ et revelationis, per agnitionem ipsius; illuminatis oculis
16 mentis vestræ, ad sciendum quæ sit spes illa vocationis ipsius, et quæ opes gloriæ hæreditatis ipsius in sanctis; et quæ sit supereminens
17 illa magnitudo potentiæ ipsius in nobis qui credimus, pro efficacitate roboris virium ipsius;
18 quod exseruit in Christo, suscitato eo ex mortuis, et *quem* collocavit ad dextram suam in

21 cœlis, longe supra omne imperium ac auctorita-
tem, et potestatem, et dominatum, et omne no-
men quod nominatur, non solum in hoc seculo,
22 verum etiam in futuro: et omnia subjecit ejus
pedibus, eumque constituit caput super omnia
23 *ipsi* ecclesiæ; quæ est corpus ipsius, *et* comple-
mentum ejus qui omnia implet in omnibus.

2 Et vos *una vivificavit*, quum essetis mortui in
2 offensis et peccatis; in quibus olim ambulastis
ut est vita mundi hujus, secundum principem
cui potestas est aëris, spiritu ipsius nunc agente
3 in hominibus contumacibus: inter quos et nos
omnes conversati sumus olim in cupiditatibus
carnis nostræ, facientes quæ carni ac cogitatio-
nibus libebant; eramusque natura filii iræ, ut
4 etiam reliqui. Sed Deus, ut qui dives sit mi-
sericordia, propter multam charitatem suam qua
5 dilexit nos, etiam nos, quum in offensis mortui
essemus, *una vivificavit* cum Christo, *cujus* gra-
6 tia estis servati; unaque suscitavit, unaque collo-
7 cavit in cœlis in Christo Jesu; ut ostenderet in
seculis supervenientibus supereminentes illas opes
sue gratiæ, *sua* erga nos benignitate in Christo
8 Jesu. Gratia enim illa estis servati per fidem,
(et hoc non *est* ex vobis; *sed* Dei donum *est*;) ¹⁰
9 non ex operibus, ut nequis glorietur. Nam
ipsius sumus opus, creati in Christo Jesu ad
opera bona, quæ præparavit Deus ut in eis am-
bulemus.

11 PROPTEREA mementote vos quondam gentes
in carne, qui dicebamini præputium ab ea quæ
12 vocatur circumcisio manibus in carne facta: vos,
inquam, illo tempore fuisse absque Christo, ab-
alienatos a civili statu Israelis, et extraneos,
quod ad pactorum promissiones *attinet*, spem
13 non habentes, et absque Deo in mundo: at nunc

- in Christo Jesu, vos qui olim eratis longinqui, propinqui facti estis, per sanguinem Christi.
- 14 Ipse enim est pax nostra, qui utraque fecit unum, et intergerini parietis septum, *id est*, inimicitias dissolvit carne sua: lege illa præceptorum *quæ* in ritibus *posita est*, evanescere facta: ut ex duobus illis conderet in semetipso
- 16 unum novum hominem, faciens pacem; et utrosque in uno corpore reconciliaret Deo per crucem, peremptis inimiciis per eam: et veniens evangelizavi pacem vobis, *tum* qui procul eratis,
- 18 *tum* qui prope *eratis*. Quoniam utrique per ipsum habemus aditum per unum spiritum ad Patrem.
- 19 Nempe igitur non amplius estis peregrini et inquilini, sed concives sanctorum ac domestici
- 20 Dei: superstructi super fundamentum apostolorum ac prophetarum, existente imo angulari
- 21 *ejus* lapide ipso Jesu Christo; in quo totum ædificium congruenter coagmentatum, crescit ut
- 22 sit templum sanctum Domino; in quo et vos una ædificamini, ut sitis domicilium Dei per spiritum.
- 3 HUIUS rei gratia ego Paulus *sum* vinctus
- 2 ille Christi Jesu pro vobis gentibus: si modo audivistis dispensationem gratiæ Dei datæ mihi
- 3 erga vos; *Deum videlicet* per revelationem notum mihi fecisse mysterium illud; (sicut antea
- 4 scripsi paucis; ex quo perlecto potestis perpendere quæ sit mea intelligentia in mysterio
- 5 Christi;) quod aliis ætatibus patefactum non fuit filiis hominum, ut nunc est revelatum sanctis *ejus* apostolis et prophetis per spiritum;
- 6 gentes *videlicet* esse cohæredes et concorpores, consortesque promissionis *ejus* in Christo per
- 7 evangelium; cujus factus sum minister ex dono

gratiæ Dei, quod datum est mihi secundum effi-
8 cacem illam vim potentiæ ipsius: mihi, *inquam*,
longe minimo omnium sanctorum, data est hæc
gratia, evangelizandi inter gentes impervestiga-
9 biles illas opes Christi, et in lucem proferendi
omnibus quæ *sit* communio mysterii quod erat
absconditum a seculis in Deo, qui omnia hæc
10 condidit per Jesum Christum; ut nunc inno-
tescat per ecclesiam imperiis ac potestatibus *quæ*
in cœlis *sunt*, multiformis illa sapientia Dei:
11 secundum præstitutum æternum, quod constituit
12 in Christo Jesu Domino nostro: in quo habemus
loquendi libertatem et aditum cum fiducia,
13 per fidem ipsius. Quapropter peto ne segnes
fiatis ob afflictiones meas pro vobis, quæ est
gloria vestra.

14 Hujus rei gratia flecto genua mea ad Patrem
15 Domini nostri Jesu Christi, ex quo tota familia
16 in cœlis et in terra nominatur, ut det vobis, se-
cundum divitias gloriæ suæ, ut fortiter corrobore-
mini per spiritum suum in interiore homine;
17 *et* inhabitet Christus per fidem in cordibus
18 vestris; ut in charitate radicati et fundati, vale-
atis assequi cum omnibus sanctis, quæ *sit* illa
latitudo, et longitudo, et profunditas, et subli-
19 mitas; et nosse charitatem illam Christi *omni*
notitia supereminentiorem, ut impleamini ad om-
nem usque plenitudinem illam Dei.

20 Ei vero qui summa cum exsuperantia potest
omnia facere supra ea quæ petimus, aut cogi-
21 tamus, pro illa potentia agente in nobis, ei *sit*,
inquam, gloria in ecclesia per Christum Jesum,
in omnes ætates seculi seculorum. Amen.

4 PRECOR itaque vos ego vinctus ille in Do-
mino, ut ambuletis sicuti convenit vocationi qua
2 vocati estis, cum omni animi submissione et le-

- nitare, cum iræ cohibitione, sustinentes alii alios
3 per charitatem; studentes conservare unitatem
4 spiritus per connexum pacis. Unum *est* corpus
et unus spiritus, sicut et vocati estis in unam
5 spem vocationis vestræ: unus Dominus, una
6 fides, unum baptisma: unus Deus et Pater om-
nium, qui est super omnes, et per omnes, et in
omnibus vobis.
- 7 Sed unicuique nostrum data est gratia pro
8 mensura doni Christi. Quapropter dicit, Quum
ascendisset in sublime, captivam duxit
captivitatem, et dedit dona hominibus.
9 Ceterum illud, Ascendit, quid est nisi quod etiam
10 descenderat prius in infimas partes terræ? Qui
descenderat, ipse est qui etiam ascendit longe
11 supra omnes cœlos, ut impleret omnia. Is igitur
dedit alios quidem apostolos, alios vero
prophetas, alios autem evangelistas, alios autem
12 pastores et doctores: ad concinnationem integram
sanctorum, ad opus ministerii, ad ædificationem
13 corporis Christi: donec deveniamus nos omnes
in unitatem fidei et agnitionis Filii Dei, in virum
adultum, ad mensuram plenæ staturæ Christi:
14 ut ne simus amplius pueri, qui fluctuemus et
circumferamur quovis vento doctrinæ, in aleato-
ria ludificatione hominum, per veteratoriam ad
15 artificiose seducendum; sed sincere nos gerentes
cum charitate, prorsus adolescamus in eum qui
16 est caput, *nempe* Christus: ex quo totum corpus
congruenter coagmentatum, et compactum per
omnes suppeditatas commissuras, ex vi intus
agente pro mensura uniuscujusque membri, incre-
mentum capit corpori conveniens ad suiipsius
exstructionem per charitatem.
- 17 Hoc itaque dico, et obtestor per Dominum,
ne vos amplius ambuletis, sicut reliquæ gentes

18 ambulant, in vanitate mentis suæ; tenebris obscuratam mentem habentes, et abalienati a vita Dei propter ignorantiam quæ est in ipsis, per
19 obdurationem cordis ipsorum: qui posteaquam dedoluerunt, sese dediderunt lasciviæ ad certatim
20 patranda[m] impuritatem omnem. Vos autem non
21 ita didicistis Christum; si modo ipsum audivistis, et de eo edocti estis, (sicut est veritas in Jesu);
22 *nempe* deponere, quod ad pristinam conversationem attinet, veterem illum hominem, qui se-
23 ductricibus cupiditatibus sese corrumpit; reno-
24 vari vero spiritu mentis vestræ; et induere novum illum hominem, qui secundum Deum conditus est ad justitiam et sanctimoniam veram.

25 Quapropter deposito mendacio, loquimini veritatem quisque proximo suo; quoniam sumus
26 alii aliorum membra. Irascimini, et ne peccate; sol ne occidat super exacerbatione vestra: ne-
27 que date locum diabolo. Qui furabatur, non amplius furetur; sed potius laboret, operando manibus comparans bona, ut habeat quod im-
29 pertiat cui opus fuerit. Nullus sermo putris ex ore vestro egreditor: sed si quis est bonus ad ædificationis usum, ut gratiam auditoribus ad-
30 ferat. Et ne tristitia afficite spiritum illum sanctum Dei, per quem obsignati estis in diem redemptionis.

31 Omnis amaritudo, et excandescencia, et ira, et clamor, et maledicencia tollatur ex vobis, cum
32 omni malitia. Sed estote alii in alios benigni, misericordes, condonantes vobis mutuo *offensas*, sicut et Deus in Christo condonavit vobis.

5 Estote igitur imitatores Dei, ut filii dilecti: ² et ambulate cum charitate, sicut et Christus dilexit nos, et tradidit semetipsum pro nobis oblationem ac victimam Deo, in odorem bonæ fragrantiae.

3 Scortatio vero, et omnis impuritas, aut avaritia, ne nominator quidem inter vos, sicut
4 decet sanctos: et obscoenitas, et stultiloquium, et scurrilitas, quæ non conveniunt; sed
5 potius gratiarum actio. Nam hoc nostis, nullum scortatorem, aut impurum, aut avarum, qui est idololatra, habere hæreditatem in regno
6 Christi et Dei. Nemo vos seducat inanibus sermonibus: propter hæc enim venit ira Dei in homines contumaces. Ne igitur estote consortes
7 eorum: eratis enim olim tenebræ, nunc autem *estis* lux in Domino: ut filii lucis ambulate;
8 (nam fructus spiritus *situs est* in omni bonitate, et justitia, et veritate;) explorantes quod placeat
9 Domino. Et ne participate opera illa infrugifera tenebrarum, sed potius etiam arguite. Nam
10 quæ occulte fiunt ab istis, turpe est vel dicere.
11 Sed omnia illa, dum a luce arguuntur, conspicua fiunt: quidquid enim res conspicuas facit,
12 lux est. Quapropter dicit, Excitare qui dormis, et resurge ex mortuis, et illucescet tibi Christus.

13 Videte igitur quomodo accurate ambuletis, non ut insipientes, sed ut sapientes: redimentes
14 opportunitatem, quoniam dies mali sunt. Propterea ne estote insipientes, sed intelligentes, quæ sit voluntas Domini. Et ne inebriamini
15 vino, in quo luxur est; sed implemini spiritu; loquentes inter vos mutuo psalmis, et hymnis,
16 et cantionibus spiritualibus, canentes ac psallentes in corde vestro, Domino; gratias agentes
17 semper de omnibus, in nomine Domini nostri Jesu Christi, Deo et Patri; subicientes vos aliis aliis, cum timore Dei.

18 Uxores, propriis viris subjicite vos, ut Domino: quoniam vir est caput uxoris, ut et Chri-

- stus est caput ecclesiæ: et is est qui salutem dat
24 corpori. Itaque, sicut ecclesia sese subicit Christo,
ita et uxores suis viris *sese subjiciunto* in omni re.
- 25 Viri, diligite uxores vestras, sicut et Christus
dilexit ecclesiam, et semetipsum exposuit pro
26 ea; ut eam sanctificaret, ab eo purificatam la-
27 vacro aquæ per verbum; ut sisteret eam sibi
gloriosam, *id est*, ecclesiam non habentem ma-
culam aut rugam, aut quicquam ejusmodi, sed
28 ut sit sancta et inculpata. Ita debent viri dili-
gere suas uxores ut sua ipsorum corpora. Qui
29 diligit suam uxorem, seipsum diligit. Nullus
enim unquam suam ipsius carnem odio habuit:
imo enutrit ac fovet eam, sicut et Dominus
30 ecclesiam: quoniam membra sumus corporis
ipsius, ex carne ipsius, et ex ossibus ipsius.
- 31 Propterea derelinquet homo patrem suum ac ma-
trem, et agglutinabitur uxori suæ; et qui duo
32 *erant*, fient una caro. Mysterium hoc magnum
est: *hoc* autem ego dico, *respiciens* in Christum
33 et ecclesiam. Itaque et vos singuli, suam quisque
uxorem ita diligito ut seipsum; uxor autem *vi-*
deto ut timeat virum.
- 6 Liberi, auscultate in Domino parentibus ve-
2 stris; id enim est justum. Honora patrem tuum
et matrem, quod est præceptum primum cum
3 promissione, ut bene tibi sit, et sis longævus
super terram.
- 4 Et *vos*, patres, ne provocate ad iram liberos
vestros, sed enutrite eos disciplina et admoni-
tione Domini.
- 5 Servi, auscultate iis qui *vestri* domini sunt
secundum carnem, cum timore ac tremore, cum
6 simplicitate cordis vestri, ut Christo. Non ad
oculum servientes, ut qui hominibus placere
student; sed ut servi Christi, facientes ex animo

- 7 quæ vult Deus: cum benevolentia servientes, ut
8 Domino, et non hominibus; scientes, singulos
quicquid fecerint boni, hoc reportaturos a Do-
mino, sive servus fuerit, sive liber.
- 9 Et vos, domini, eadem facite erga illos, remis-
sis minis; scientes vestrum etiam ipsorum Domi-
num esse in cœlis, nec faciei acceptionem esse
apud eum.
- 10 QUOD reliquum est, fratres mei, corrobora-
11 mini in Domino, et robore virium ipsius. In-
duite universam illam armaturam Dei, ut possi-
12 tis stare adversus artes diaboli. Quoniam non
est nobis lucta adversus sanguinem et carnem,
sed adversus imperia, adversus potestates, ad-
versus mundi potentes, *id est*, tenebrarum se-
culi hujus *principes*, adversus spirituales mali-
13 gnitates *quæ sunt* in sublimi. Propterea assu-
mite universam illam armaturam Dei, ut possitis
obsistere tempore adverso, et omnibus confectis
stare.
- 14 State igitur, lumbis circumcinctis veritate, et
15 induti thorace justitiæ; calceatis pedibus præpa-
16 ratione felicitis illius nuncii pacis: supra omnia
assumpto scuto fidei, quo possitis omnia jacula
17 maligni illius ignita extinguere. Galeam etiam
salutis recipite, et gladium spiritus, hoc est,
18 verbum Dei; omni oratione et deprecatione,
orantes omni tempore per spiritum, et illi ipsi
rei invigilantes, cum omni perseverantia, et suppli-
19 catione pro omnibus sanctis, et pro me, ut mihi
detur sermo ad apertionem oris mei cum lo-
quendi libertate, ut notum faciam mysterium
20 evangelii; cujus causa legatione fungor catena-
tus, ut, *inquam*, de eo libere loquar, ut oportet
me loqui.
- 21 UT autem sciatis et vos res meas, *et quid*

agam, omnia vobis nota faciet Tychicus, charus
 22 frater, et fidus minister in Domino; quem misi
 ad vos ob id ipsum, ut cognoscatis res nostras,
 et consoletur corda vestra.

23 PAX *sit vobis* fratribus, et charitas cum fide
 24 a Deo Patre et Domino Jesu Christo. Gratia
sit cum omnibus diligentibus Dominum nostrum
 Jesum Christum ad incorruptibilitatem. Amen.

Scripta fuit Roma ad Ephesios per Tychicum.

PAULI APOSTOLI EPISTOLA

AD

PHILIPPENSES.

1 PAULUS et Timotheus, servi Jesu Christi,
 omnibus sanctis in Christo Jesu qui sunt Philip-
 2 pis, una cum episcopis ac diaconis: gratia vobis
 et pax a Deo Patre nostro et Domino Jesu
 Christo.

3 GRATIAS ago Deo meo cum omni memoria
 4 vestri, semper in omni deprecatione mea pro
 5 omnibus vobis, cum gaudio deprecans, super ve-
 stri in evangelio communionem, a primo die usque
 6 ad hoc tempus; persuasum habens hoc ipsum,
 fore ut qui incepit in vobis opus bonum, perficiat
 7 *illud* usque ad diem Jesu Christi: sicut ju-
 stum est ut ego id sentiam de omnibus vobis,
 propterea quod animo teneam vos, et in vincu-
 lis meis et in defensione et confirmatione evan-
 gelii, vos, *inquam*, omnes una mecum fuisse
 8 gratiæ participes. Testis enim mihi est Deus
 quantopere expetam vos omnes in visceribus Jesu
 Christi.

9 Et hoc oro, ut charitas vestra adhuc magis
ac magis exundet in cognitione et omni sensu;
10 ut exploretis quæ discrepant, ut sitis sinceri, et
inoffenso cursu pergatis ad diem usque Christi;
11 repleti fructibus justitiæ, qui *sunt* per Jesum
Christum ad gloriam et laudem Dei.

12 VELIM autem vos scire, fratres, quæ mihi
acciderunt, magis ad profectum evangelii eve-
13 nisse: *adeo* ut vincula mea in Christo conspicua
facta sint in toto prætorio, ac reliquis omnibus:
14 et plerique ex fratribus in Domino, freti vincu-
lis meis, amplius audeant sine metu sermonem
15 loqui. Ac nonnulli quidem per invidiam et con-
tentionem, nonnulli vero etiam libente animo
16 Christum prædicant. Alii quidem, *inquam*, per
contentionem Christum non pure annunciant,
quod existiment sese afflictionem adjicere vincu-
17 lis meis: alii vero ex charitate, quod sciant me
18 ad defensionem evangelii constitutum esse. Quid
igitur? attamen quovis modo, sive in speciem,
sive sincere, Christus annunciatur; et de hoc
gaudeo, atque etiam gaudebo.

19 Novi enim fore ut hoc mihi cedat in salutem
per vestram deprecationem et supplicationem
20 spiritus Jesu Christi, secundum intentam exspe-
ctationem et spem meam, quod nulla in re pude-
fiam, sed cum omni dicendi libertate, ut semper,
ita nunc quoque magnificabitur Christus in cor-
21 pore meo, sive per vitam sive per mortem: mihi
enim *est* Christus et *in* vita et *in* morte lucrum.
22 An vero vivere in carne mihi operæ pretium
23 *sit*; et quid eligam, ignoro. Constrictus enim
utrinque teneor; desiderio tendens ad dimissio-
nem, et ut cum Christo sim: est enim *id* valde
24 multo melius: sed permanere in carne, magis
25 necessarium *est* propter vos. Et hoc confisus,

novi me mansurum esse et permansurum cum
vobis omnibus, ad vestrum profectum et gaudi-
26 um fidei: ut exundet gloriatio vestra in Christo
Jesu de me, mea rursus apud vos præsentia.

27 Tantum ut convenit evangelio Christi vos gerite;
ut sive postquam venero et videro vos, sive ab-
sens, audiam de rebus vestris, vos *videlicet* per-
stare in uno spiritu, uno animo concertantes per
28 fidem evangelii: nec ulla in re territos ab iis
qui se opponunt: quod illis quidem est exitii
29 indicium, vobis autem salutis, idque a Deo: quia
gratis datum est vobis in Christi negotio, non
solum in eum credere, sed etiam pro eo pati:
30 idem certamen sustinendo quale vidistis in me,
et nunc auditis de me.

2 SIQUA igitur consolatio *est* in Christo, siquod
solatium charitatis, siqua communio spiritus, si-
2 quæ viscera ac miserationes, explete meum
gaudium, ut eodem sitis affectu, eandem chari-
tatem habentes, unanimes, et sententiis uni;
3 nihil *gerentes* per contentionem aut per inanem
gloriam, sed ex animi submissione alii alios
4 sibi præcellere existimantes. Ne sua quisque
spectate, sed unusquisque etiam quæ sunt alio-
rum.

5 Itaque is sit affectus in vobis, qui fuit et in
6 Christo Jesu: qui, quum esset in forma Dei, non
7 duxit *esse* rapinam parem esse cum Deo: sed
ipse sese inanivit, forma servi accepta, similis
8 hominibus factus; et habitu inventus ut homo,
ipse se submisit, factus obediens usque ad
9 mortem, mortem autem crucis. Quapropter etiam
Deus ipsum in summam extulit sublimitatem, ac
largitus est ei nomen quod est supra omne no-
10 men; ut ad nomen Jesu omne genu *se* flectat,
cœlestium, ac terrestrium, et subterraneorum;

- 11 omnisque lingua profiteatur Jesum Christum esse
Dominum, ad gloriam Dei Patris.
- 12 PROINDE, dilecti mihi, prout semper auscul-
tastis, non ut in præsentia mea solum, sed nunc
multo magis in absentia mea, cum tremore ac
13 timore vestram ipsorum salutem conficite: Deus
enim is est qui efficit in vobis et ipsum velle et
ipsum agere, pro benevolo suo libitu.
- 14 Omnia facite absque murmurationibus ac di-
15 sceptionibus; ut sitis irreprehensibiles et sim-
plices, Dei *inquam* filii inculpabiles in medio
gentis pravæ ac perversæ; inter quos *homines*
16 splendetis ut faces in mundo; sermonem vitæ
prætendentes; ut gloriari possim in die Christi
me non frustra cucurrisse, nec frustra labo-
rasse.
- 17 Quinetiam, si pro libamento offerar super sa-
crificio et ministerio fidei vestræ, gaudeo et
18 gratulor omnibus vobis. Itidem autem et vos
gaudete et gratulamini mihi.
- 19 Spero autem in Domino Jesu, me Timotheum
cito missurum vobis, ut et ego bono sim animo,
20 cognito statu vestro. Neminem enim habeo pari
animo præditum, qui sincere de rebus vestris
21 futurus sit sollicitus. Nam omnes quæ sua
ipsorum sunt quærunt, non quæ Christi Jesu.
- 22 Experimentum autem ejus nostis, quod *videlicet*,
tanquam cum patre filius, mecum servierit *Deo*
23 in evangelio. Hunc igitur spero me missurum,
simulatque videro rerum mearum statum.
- 24 Confido autem in Domino, me quoque cito
25 venturum ad vos. Sed necessarium duxi, Epa-
phroditum fratrem et adiutorem ac commilito-
nem meum, vestrum autem legatum, et admini-
strum eorum quibus mihi opus erat, ad vos mit-
26 tere. Quoniam expetebat omnes vos; et gravis-

sime angebatur, propterea quod audissetis eum
27 ægrotasse. Et certe ægrotavit proxime mortem:
sed Deus misertus est ejus, nec ejus solum, sed
et mei, ne tristitiam haberem super tristitiam.
28 *Eo* studiosius itaque ipsum misi, ut, eo rursus
29 viso, gaudeatis, et ego eo minus doleam. Ex-
cipite igitur eum in Domino cum omni gaudio,
30 et tales in honore habete. Nam propter opus
Christi accessit ad mortem usque, non habita-
vitæ ratione, ut suppleret defectum vestri quo
erga me functi estis ministerii.

3 QUOD reliquum est, fratres mei, gaudete in
Domino. Eadem scribere vobis, me quidem
2 haud piget, vobis autem tutum est. Cavete ca-
nes, cavete malos operarios, cavete concisionem.
3 Nos enim sumus circumcisio, qui spiritu colimus
Deum, et gloriamur in Christo Jesu, nec confi-
4 dimus in carne; quanquam ego habeo, etiam
in carne, de quo confidam.

Si quisquam alius videtur habere in carne,
5 de quo confidat, ego maxime *habeo*: circum-
cisus octavo die, ex gente Israelis, tribu Ben-
jamin, Hebræus ex Hebræis, religione Phari-
6 sæus; quod ad æmulationem *attinet*, perse-
quens ecclesiam; quod ad justitiam quæ est
7 in lege, irreprehensibilis. Sed quæ mihi erant
lucra, ea duxi propter Christum damnum *esse*.
8 Quinetiam certe duco omnia damnum esse pro-
pter eminentiam notitiæ Christi Jesu Domini
mei: propter quem omnibus istis meipsum mul-
tavi, *eaque* duco pro stercoribus, ut Christum
9 lucrificiam: et comperiar in eo, non habens
meam justitiam, *nempe*, quæ est ex lege, sed
eam quæ est per fidem Christi, *id est*, justitiam
10 *quæ est* ex Deo per fidem: ut cognoscam eum,
et vim resurrectionis ejus, et communionem per-

- pressionum ejus, dum conformis fio morti ejus;
11 *experiens* ecquo modo deveniam ad resurrectionem mortuorum.
- 12 Non quod jam *metam* apprehenderim, aut
jam sim consummatus: sed persequor *experiens*
an *ipse* quoque apprehendam, cujus etiam rei
13 causa apprehensus fui a Christo Jesu. Fratres,
ego meipsum non reor *metam* apprehendisse.
- 14 Unum autem *ago*; ea quidem quæ a tergo sunt
obliviscens, ad ea vero quæ a fronte sunt con-
tendens, scopum versus feror, ad palmam super-
næ vocationis Dei in Christo Jesu.
- 15 Quotquot itaque adulti sumus, hoc sentia-
mus; quod si quid aliter sentitis, hoc quoque
16 vobis Deus revelabit. Attamen *in eo* ad quod
usque pervenimus, eadem incedamus regula, *et*
idem sentiamus.
- 17 Estote simul mei imitatores, fratres; et eos
considerate qui sic ambulant, sicut habetis nos
18 pro exemplari. Multi enim ambulant, quos sæpe
dixi vobis, nunc autem et flens dico, hostes
19 *esse* crucis Christi; quorum finis *est* exitium,
quorum Deus *est* venter, et gloria ad ignomi-
20 niam ipsorum, qui terrestria curant. Nostra
vero civitas in cœlis est, unde etiam servato-
rem expectamus, Dominum Jesum Christum;
21 qui transfigurabit corpus nostrum humile, ut
conforme fiat ejus corpori glorioso, pro illa vi
efficace qua potest etiam subjicere sibi omnia.
- 4 Itaque fratres mei dilecti et expetiti, gaudium
et corona mea, ita perstate in Domino, di-
lecti.
- 2 EVODIAN precor, et Syntichen precor, ut
3 idem sentiant in Domino. Et rogo te quoque,
socie germane, adjuva illas, ut quæ in evange-
lio concertarunt mihi, una cum Clemente quoque

et reliquis adjutoribus meis, quorum nomina
sunt in libro vitæ.

4 Gaudete in Domino semper: rursum inquam,
5 gaudete. Æquitas vestra innotescat omnibus
6 hominibus: Dominus prope est. De nulla re
solliciti estote; sed omni in re orationibus et
deprecatione cum gratiarum actione petitiones
7 vestræ innotescant apud Deum. Et pax illa
Dei, quæ exsuperat omnem mentem, præsidio
custodiet corda vestra et cogitationes vestras in
Christo Jesu.

8 Quod reliquum est, fratres, quæcunque sunt
vera, quæcunque veneranda, quæcunque justa,
quæcunque munda, quæcunque amabilia, quæ-
cunque boni nominis, siqua virtus, et siqua laus
9 est, hæc reputate. Quæ et didicistis, et acce-
pistis, et audistis, et vidistis in me, hæc *in-*
quam, facite, et Deus pacis erit vobiscum.

10 GAVISUS sum autem in Domino magnopere,
quod jam tandem reviruisitis in vestra pro me
cura: qua de re tamen solliciti eratis, sed de-
11 stituebamini opportunitate. Non quod penuria
laborem, *hoc* dico; nam ego didici, in quibus
12 sum, iis ipsis contentus esse. Novi autem de-
primi, novi etiam abundare: ubique et in omni-
bus initiatus sum, et ad saturitatem, et ad
esuritionem, *id est*, tum ad exundantiam, tum ad
13 penuriam. Omnia valeo per eum qui me corro-
14 borat, *nempe* Christum. Attamen bene fecistis,
15 quod una participastis meam afflictionem. No-
stis autem et vos, Philippenses, quum initio
evangelii proficiscerer e Macedonia, nullam mihi
ecclesiam communicasse in ratione dati et ac-
16 cepti, nisi vos solos: nam etiam Thessalonicae
quum essem, semel et iterum quod mihi opus
17 erat misistis. Non quod requiram donum, sed

requiro fructum illum exuberantem, *qui* in rationes vestras *inducatur*. Accepi autem omnia, et abundo; expletus sum, *inquam*, acceptis ab Epaphrodito quæ a vobis *missa sunt*, odore bonæ fragrantiae, hostia Deo accepta *ac* placente. Deus autem meus supplebit quicquid opus fuerit vobis, secundum divitias suas, gloriose in Christo Jesu.

Deo autem et Patri nostro *sit* gloria in secula seculorum. Amen.

Salutate omnes sanctos in Christo Jesu. Salutant vos qui mecum sunt fratres. Salutant vos omnes sancti, maxime vero qui sunt ex Cæsaris domo.

Gratia Domini nostri Jesu Christi *sit* cum omnibus vobis. Amen.

Scripta est Roma per Epaphroditum.

PAULI APOSTOLI EPISTOLA

AD

COLOSSENSES.

PAULUS apostolus Jesu Christi per Dei voluntatem, et Timotheus frater, iis qui sunt Colossis, sanctis ac fidelibus fratribus in Christo Jesu: gratia *sit* vobis et pax a Deo Patre nostro et Domino Jesu Christo.

GRATIAS agimus Deo et Patri Domini nostri Jesu Christi, semper pro vobis orantes: audita fide vestra in Christo Jesu, et charitate in omnes sanctos: propter spem sepositam vobis

- in coelis, quam prius audistis per sermonem
6 veritatis, *id est*, evangelii, quod pervenit ad vos,
sicut et in totum mundum; et fructum profert,
sicut apud vos quoque, ex quo die vere audi-
7 vistis et cognovistis Dei gratiam: sicut et didi-
cistis ex Epaphra dilecto conservo nostro, qui
8 est fidus pro vobis minister Christi: qui et
declaravit nobis vestram per spiritum chari-
tatem.
- 9 Propterea * et nos, ex quo die *id* audivimus,
non desinimus pro vobis orare, et petere ut im-
pleamini agnitione voluntatis ejus, cum omni sa-
10 pientia et intelligentia spirituali. Ut ambuletis
sicut Domino convenit, cui per omnia placeatis,
omnis operis boni fructum proferentes, et cre-
11 scentes in agnitione Dei; omni potentia po-
tentes facti, secundum gloriosum robur ipsius,
ad omnem tolerantiam et patientem animum
12 cum gaudio; gratias agentes Patri, qui idoneos
nos fecit ad participandam sortem sanctorum in
13 luce: qui, *inquam*, eruit nos ex potestate tene-
brarum, ac transtulit in regnum Filii illius sui
14 dilecti; in quo habemus redemptionem per san-
guinem ipsius, *id est*, remissionem peccatorum;
15 qui est imago Dei invisibilis, et primogenitus
16 omnis rei creatæ: nam per eum condita sunt omnia
quæ in coelis sunt, et quæ in terra, visibilia et
invisibilia; et throni, et dominatus, et imperia,
et potestates; omnia, *inquam*, per eum et ejus
17 respectu condita sunt: estque ipse ante omnia,
18 et omnia per eum consistunt: estque caput cor-
poris, *id est*, ecclesiæ, estque *etiam* principium
et primogenitus ex mortuis, ut inter omnes pri-
19 mas teneat: quoniam libuit *Patri* ut omnis ple-
20 nitudo in eo inhabitaret: et ut, pace per san-
guinem crucis ejus facta, per eum reconciliaret

omnia sibi; per eum, *inquam*, tum quæ in terra, tum quæ in cœlis.

21 Itaque vos quum eratis quondam abalienati et
hostes, mente operibus malis *intenta*, nunc sane
22 reconciliavit, in corpore illo carnis suæ, per
mortem; ut sistat vos sanctos, et inculpabiles
23 et irreprehensibiles in conspectu suo: si quidem
permanetis in fide fundati et stabiles nec dimo-
vemini a spe evangelii quod audistis, *evangelii*,
inquam, prædicati toti creato mundo qui sub
cœlo est, cujus factus sum ego Paulus minister;
24 qui nunc gaudeo de iis quæ patior pro vobis,
et reliquias afflictionum Christi vicissim expleo
in carne mea, pro corpore ipsius, quod est ec-
25 clesia: cujus *ecclesiæ* factus sum minister ex
dispensatione Dei, quæ data est mihi erga vos,
26 ad implendum Dei sermonem; *nempe* mysterium
illud quod absconditum fuit a seculis et ætati-
bus, nunc autem factum est conspicuum sanctis
27 ejus, quibus voluit Deus notum facere quæ sint
illæ divitiæ gloriosi hujus mysterii inter gentes,
qui est Christus inter vos, spes illa gloriæ:
28 quem nos annunciamus, admonendo quosvis, et
quosvis docendo cum omni sapientia, ut quos-
29 vis sistamus perfectos in Christo Jesu: ad quod
etiam laboro, decertans secundum vim illam
efficacem ipsius agentem in me potenter.

2 Velim enim vos scire quantum certamen sus-
tineam pro vobis et iis qui *sunt* Laodiceæ, et
quotquot non viderunt faciem meam in carne:
2 ut consolationem accipiant eorum corda, ipsis
charitate compactis, et omni opulentia plene
certioratæ intelligentiæ, ad agnitionem mysterii
3 Dei ac Patris et Christi, in quo sunt omnes
4 thesauri sapientiæ ac notitiæ absconditi. Hoc
autem *ideo* dico, ut nequis vos falso ratioci-

- 5 nando fallat sermonis probabilitate. Etsi enim corpore absum, spiritu tamen sum vobiscum, gaudens et videns vestrum ordinem et soliditatem vestræ in Christum fidei.
- 6 Sicut igitur accepistis Christum Jesum Domi-
7 num, *ita* in eo ambulate; radicati et super-
8 estis, exundantes ea cum gratiarum actione. Vi-
9 dete nequis sit qui vos deprædetur per philo-
10 sophiam et inanem seductionem, secundum tra-
11 ditionem hominum, secundum rudimenta mundi,
12 et non secundum Christum: nam in eo inhabitat
13 omnis plenitudo Deitatis corporaliter: et estis
14 in eo completi, qui est caput illud omnis impe-
15 rii ac potestatis: in quo etiam circumcisi estis
16 circumcissione quæ fit sine manibus, exuendo
17 corpus peccatorum carnis per circumcisionem
18 Christi: ei consepulti per baptismum, per quem
19 etiam cum eo suscitati estis per fidem efficacis
20 illius virtutis Dei, qui excitavit eum ex mortuis.
- 21 Vosque mortuos in offensis et præputio carnis
22 vestræ, cum eo vivificavit, vobis condonatis om-
23 nibus offensis: *ac* deleto quod adversum nos
24 *erat* rituum chirographo, quod, *inquam*, erat
25 nobis subcontrarium, *ipse* vero cruci affixum
26 sustulit e medio: *et* exspoliata imperia ac po-
27 testates traduxit palam, triumphatis illis per
28 eam.
- 29 Nequis igitur vos damnet ob cibum vel po-
30 tum, aut respectu festi, aut novilunii, aut sabba-
31 torum: quæ sunt umbra rerum futurarum, at
32 corpus *est* Christi. Nemo adversum vos rectoris
33 partes sibi ultro sumat, in submissione animi
34 et religioso cultu angelorum, gradum inferens in
35 ea quæ non vidit, *et* temere turgens carnis suæ
36 intelligentia: neque retinens caput, ex quo totum

corpus per commissuras et connexus suppedita-
20 tum et compactum, augescit Dei augmento. Ita-
que, si mortui cum Christo, *liberi* estis ab ele-
mentis mundi, quid, ut viventes in mundo, pla-
21 citis adstringimini, ne esitaris, neque gustaris,
22 neque tetigeris? quæ omnia sunt *comparata* ipso
usu ad corruptionem, *præscripta* ex præceptis
23 et doctrinis hominum. Quæ rationem quidem
habent sapientiæ in cultu voluntario, et submis-
sione animi, et in eo quod corpori non parcant,
nec *tamen* ullius sunt pretii, *quum* ad ea
spectent quibus farcitur caro.

3 Itaque, si resurrexistis cum Christo, superna
quærite, ubi Christus est ad dextram Dei se-
2 dens. Superna satagite, non terrestria. ³ Nam
mortui estis, et vita vestra abscondita est cum
4 Christo in Deo. Quando vero Christus, vita
illa nostra, conspicietur, tunc et vos cum eo
5 conspiciemini in gloria. Mortificate igitur mem-
bra vestra terrestria, scortationem, impuritatem,
mollitiem, cupiditatem malam, et avaritiam, quæ
6 est idololatria; ob quæ venit ira Dei super ho-
7 mines contumaces: quibus in *vitiis* et vos am-
8 bulastis quondam, quum in iis viveretis. At
nunc deponite etiam vos hæc omnia, iram, ex-
candescientiam, malitiam, maledicentiam, verbo-
9 rum obscœnitatem ab ore vestro. Nec menti-
mini alius adversus alium, quum exuti sitis illo
10 vetere homine cum factis ipsius: et induti sitis
novo illo, qui renovatur in agnitionem congru-
11 entem imagini ejus qui ipsum condidit; ubi non
est Græcus et Judæus, circumcisio et præputium,
Barbarus et Scythæ, servus et liber; sed omnia
et in omnibus *est* Christus.

12 Induimini igitur, ut electi Dei, sancti et di-
lecti, visceribus miserationum, benignitate, animi

- 13 submissione, mansuetudine, animo patiente: sufferentes alii alios, et condonantes vobis mutuo, siquis¹ adversus aliquem habuerit querelam; sicut et Christus condonavit vobis, ita et vos.
- 14 Super hæc autem omnia *induimini* charitate,
- 15 quæ est connexus perfectionis. Et pax Dei sit gubernatrix in cordibus vestris, ad quam etiam vocati estis in unum corpus: et benefici estote.
- 16 Sermo Christi inhabitet in vobis copiose cum omni sapientia, docendo et commonefaciendo vos mutuo psalmis, et hymnis, et cantionibus spiritualibus, cum gratia canendo in vestro corde
- 17 Domino. Et quicquid feceritis sermone aut facto, in nomine Domini Jesu Christi *istud agite*, gratias agentes Deo et Patri per eum.
- 18 Uxores, subjicite vos propriis viris, ut convenit in Domino.
- 19 Viri, diligite uxores, et ne estote adversus eas amarulenti.
- 20 Filii, auscultate parentibus in omnibus; hoc enim placet Domino.
- 21 Patres, ne irritate liberos vestros; ne concidant animo.
- 22 Servi, auscultate per omnia dominis secundum carnem, non obsequiis ad oculum exhibitis, ut qui hominibus placere student, sed cum simplicitate cordis, timentes Deum. Et quicquid feceritis, ex animo agite, tanquam Domino, et
- 24 non hominibus: scientes vos a Domino recepturos mercedem illam hæreditatis: nam Domino Christo servitis. Qui vero injuriam intulerit, referet injuriam quam intulerit; nec est faciei acceptio.
- 4 Domini, jus et æquum servis exhibite: ut qui sciatis vos quoque habere Dominum in cœlis.

2 IN orationibus perdurate, invigilantes iis cum
3 gratiarum actione: orantes simul etiam pro nobis, ut Deus aperiat nobis ostium sermonis, ut loquamur mysterium Christi, propter quod etiam
4 sum vinctus: ut, *inquam* illud manifestum faciam, sicut oportet me loqui.

5 Sapienter ambulate erga extraneos, opportunitatem redimentes. Sermo vester semper cum gratia *sit*, sale conditus, ut sciatis quomodo oporteat vos unicuique respondere.

7 RES meas omnes vobis notas faciet Tychicus, dilectus frater, et fidus minister, ac conservus in
8 Domino; quem misi ad vos ob hoc ipsum, ut cognoscat res vestras, et corda vestra consoletur; cum Onesimo fido et dilecto fratre, qui est ex vobis. Omnia *igitur* vobis nota facient quæ hic aguntur.

10 Salutat vos Aristarchus, meus in captivitate socius, et Marcus consobrinus Barnabæ, de quo accepistis præcepta: si venerit ad vos, excipite
11 eum. Et Jesus, qui vocatur Justus; qui sunt ex circumcisione: hi soli *sunt* mihi adiutores in
12 regno Dei, qui fuere mihi solatio. Salutat vos Epaphras, qui ex vobis est, servus Christi, semper certans orationibus pro vobis, ut stetis perfecti et completi in omni voluntate Dei. Hoc enim de eo testor, eum multo vestri studio ardere, et eorum qui sunt Laodiceæ, et eorum qui
14 Hierapoli. Salutat vos Lucas medicus ille dilectus, et Demas.

15 Salutate fratres qui sunt Laodiceæ, et Nympham, et ecclesiam quæ in domo ejus est. Et quum perlecta fuerit apud vos epistola, facite ut etiam in Laodicensium ecclesia recitetur; et
17 scriptam Laodicea, vos quoque legatis. Et di-

cite Archippo, Vide ut ministerium quod recepisti in Domino impleas.

18 SALUTATIO mea manu Pauli. Memores estote vinculorum meorum. Gratia *sit* vobiscum. Amen.

Scripta est ad Colossenses Roma, per Tychicum et Onesimum.

PAULI APOSTOLI EPISTOLA PRIMA

AD

THESSALONICENSES.

1 PAULUS, et Silvanus, et Timotheus, ecclesiæ Thessalonicensium, *quæ est* in Deo Patre et Domino Jesu Christo. Gratia *sit* vobis et pax a Deo Patre nostro et Domino Jesu Christo.

2 GRATIAS agimus Deo semper de omnibus vobis, mentionem vestri facientes in orationibus
3 nostris: indesinenter commemorantes efficacem vestram fidem, et laboriosam charitatem, et patientem illam expectationem spei *illius* in Domino nostro Jesu Christo coram Deo et Patre nostro.
4 Scientes, fratres a Deo dilecti, electionem vestram. Quoniam evangelium nostrum constitit
5 apud vos non sermone solum, sed etiam potentia et Spiritu Sancto, et plena certioratione multa: sicut nostis quales fuerimus inter vos,
6 vestri causa. Et vos imitatores nostri facti fuistis et Domini, excepto sermone cum afflictione
7 multa, cum gaudio Spiritus Sancti: adeo ut fueritis exemplaria omnibus credentibus in Macedonia et in Achaia. A vobis enim non solum
8 personuit sermo Domini in Macedonia et Achaia,

verumetiam in omnem locum fides vestra, quæ
 est in Deum, dimanavit, ut necesse non habe-
 9 amus quicquam loqui. Siquidem ipsi de nobis
 renunciant qualem ingressum habuerimus ad vos,
 et quomodo converteritis vos ad Deum, relictis
 10 idolis, ut serviretis Deo vivo et vero: et exspe-
 ctaretis Filium ejus e cœlis, quem suscitavit ex mor-
 tuis, *nempe* Jesum nos eruentem ab ira illa ventura.

2. NAM ipsi nostis, fratres, ingressum nostrum
 2 ad vos non fuisse vanum: imo etiam *multa*
 prius passi, et contumeliis affecti Philippis, sicut
 nostis: libertate loquendi usi sumus in Deo no-
 stro, ad prædicandum apud vos evangelium Dei
 3 cum multo certamine. Exhortatio enim nostra
 non fuit ex impostura, neque ex impuritate, ne-
 4 que cum dolo; sed sicut approbati fuimus a
 Deo quorum fidei committeretur evangelium, ita
 loquimur, non ut hominibus placentes, sed Deo
 5 exploranti corda nostra. Nec enim unquam ser-
 mone assentatorio usi sumus, sicut nostis, nec
 avaritiæ causa quicquam prætexuimus; Deus te-
 6 stis est: neque ex hominibus quærentes gloriam
 nec a vobis, nec ab aliis, quum possemus *vobis*
 7 oneri esse, ut apostoli Christi. Sed fuimus man-
 8 sueti inter vos. *Et* ut si nutrix foveat liberos
 suos, ita *nobis* cupidis vestri libebat impartiri
 vobis non solum evangelium Dei, sed etiam no-
 stras ipsorum animas, quod chari nobis essetis.

9 Meministis enim, fratres, laboris nostri ac ærum-
 næ: nocte enim ac die operando, ne cui oneri
 essemus, prædicavimus apud vos evangelium Dei.

10 Vos testes *estis* et Deus, quomodo sancte, et
 juste, et inculpate erga vos, qui creditis, nos
 11 gesserimus. Sicut nostis quomodo unumquemque
 vestrum, tanquam pater liberos suos, hortaba-
 12 mur et consolabamur: et obtestabamur ut am-

bulantes sicut convenit Deo vocanti vos ad suum regnum ac gloriam.

13 Propterea etiam nos gratias agimus Deo sine intermissione, quod acceptum de Deo sermonem quem audistis ex nobis exceperitis, non ut sermonem hominum, sed (sicut est vere) ut Dei sermonem, qui etiam agit in vobis qui creditis.

14 Vos enim, fratres, imitatores facti estis ecclesiarum Dei quæ sunt in Judæa in Christo Jesu; quippe quum eadem passi sitis et vos a propriis tribulibus, sicut et illi a Judæis; qui etiam

15 Dominum Jesum et proprios prophetas occiderunt, et nos expulerunt; neque Deo placent, et

16 omnibus hominibus adversantur; prohibentes nos gentibus loqui ut serventur, ut semper compleant peccata sua: occupavit enim eos ira ad extremum usque.

17 NOS vero, fratres, orbat i vobis ad temporis momentum, conspectu, non animo, eo amplius studuimus videre faciem vestram, cum multo de-

18 siderio. Ideo volumus venire ad vos (ego quidem Paulus) semel atque iterum, sed impedivit

19 nos Satanas. Nam quæ est nostra spes, aut gaudium, aut corona de qua gloriemur? Annon et vos in conspectu Domini nostri Jesu Christi in ejus

20 adventu? Vos enim estis gloria nostra et gaudium.

3 QUAMOBREM, quum nos non amplius contineremus, libuit nobis Athenis derelinqui solos:

2 misimusque Timotheum fratrem nostrum, ac ministrum Dei et adiutorem nostrum in evangelio Christi, ad vos stabiliendos et exhortandos super fide vestra: ut nemo commoveatur afflictionibus istis: ipsi enim nostis ad id nos

3 esse constitutos. Etenim quum apud vos essemus, prædicebamus vobis fore ut affligeremur;

4 esse constitutos. Etenim quum apud vos essemus, prædicebamus vobis fore ut affligeremur; sicut et factum est, et nostis. Quamobrem et

ego non amplius *me* continens, nisi *eum* ut cognoscerem fidem vestram: *veritus* ne quo modo tentasset vos tentator ille, et inanis reditus esset labor noster.

6 Nuper autem, quum venisset Timotheus ad nos a vobis, et lætum nuncium nobis attulisset de fide et charitate vestra, et quod bonam nostri memoriam retineatis, semper expetentes nos
7 videre, sicut nos quoque vos *expetimus*; propterea consolationem accepimus, fratres, ex vobis, in omni afflictione et necessitate nostra, per
8 vestram fidem: nunc enim vivimus, si vos per-
9 statis in Domino. Quam enim gratiarum actionem possimus Deo retribuere de vobis, super omni gaudio quo gaudemus propter vos coram
10 Deo nostro; nocte ac die magis ac magis rogantes ut videamus vestram faciem, et quæ desunt fidei vestræ sarciamus?

11 Ipse vero Deus et Pater noster, et Dominus noster Jesus Christus, dirigat viam nostram ad
12 vos. Faxit autem Dominus ut auctiores sitis et exundetis mutua inter vos charitate, et in om-
13 nes, quemadmodum et nos in vos: ut corda vestra inculcata stabiliat in sanctimonia coram Deo et Patre nostro in adventum Domini nostri Jesu Christi cum omnibus sanctis suis.

4 QUOD reliquum est igitur, fratres, rogamus vos et precamur per Dominum Jesum, ut sicut accepistis a nobis quomodo oporteat vos ambulare, et placere Deo, magis excellatis. Nostis enim quæ mandata dederimus vobis per Dominum Jesum. Nam hæc est voluntas Dei, *nempe* sanctimonia vestri, *id est*, ut abstineatis a scortatione: ut sciat vestrum unusquisque suum vas
5 possidere cum sanctimonia et honestate: non in morbo cupiditatis, sicut gentes quæ non nove-

- 6 runt Deum: *et* ut ne *quis* opprimat et habeat
quæstui in negotio fratrem suum; nam vindex
est Dominus omnium istorum, sicut et antea
diximus vobis, et asseveranter testati sumus.
- 7 Non enim vocavit nos Deus ad impuritatem, sed
8 ad sanctimoniam. Proinde qui *hæc* dedignatur
non dedignatur hominem, sed Deum, qui etiam
dedit nobis spiritum suum sanctum.
- 9 Ceterum de fraterno amore non necesse habemus
scribere vobis: ipsi namque divinitus docti
10 estis ut diligatis alii alios. Nam et facitis hoc
erga cunctos fratres qui sunt in tota Macedonia:
hortamur autem vos, fratres, ut magis ex-
11 cellatis: et contendatis quieti esse, et res vestras
privatas agere, ac operari propriis manibus
12 vestris, sicut vobis mandavimus; ut ambuletis
decenter erga extraneos, et nullius indigeatis.
- 13 NOLIM autem vos in ignorantia versari, fratres,
quod ad eos attinet qui obdormierunt, ut ne
tristitia afficiamini, sicut et ceteri qui spem
14 non habent. Nam si credimus Jesum mortuum
esse et resurrexisse, ita etiam Deus eos qui ob-
15 dormierint in Jesu adducet cum eo. Hoc enim
vobis dicimus verbis Domini, fore ut nos vivi
qui reliqui erimus in adventu Domini, non præ-
16 veniamus eos qui obdormierint. Nam ipse Dominus
cum hortationis clamore, *id est*, cum voce
archangeli, et cum Dei tuba, descendet e cœlo;
et qui mortui fuerint in Christo, resurgent pri-
17 mum; deinde nos vivi, qui reliqui erimus, rapiemur
simul cum eis in nubes, in occursum Domini
in aëra; et ita semper cum Domino erimus.
- 18 Itaque consolamini alii alios istis sermonibus.
- 5 PORRO de temporibus et opportunitatibus, fratres,
2 non est opus ut vobis scribatur. Ipsi enim
penitus scitis diem illum Domini, ut fur nocte

- 3 *venit*, ita venturum esse. Quum enim dicent, Pax et securitas, tunc repentinum eis imminet exitium, sicuti dolor partus mulieri gravidæ; et
4 nequaquam effugient. At vos, fratres, non estis in tenebris, ut dies ille vos, tanquam fur, de-
5prehendat. Omnes vos filii lucis estis, ac filii diei: non sumus *filii* noctis, neque tenebrarum.
6 Nempe igitur ne dormiamus ut reliqui, sed vigi-
7lemus et sobrii simus. Nam qui dormiunt, noctu dormiunt: et qui inebriantur, noctu sunt ebrii.
8 At nos qui sumus diei, sobrii simus, induti thorace fidei, et charitatis, et pro galea, spe salutis. Nam non constituit nos Deus ad iram, sed ad salutem obtinendam per Dominum nostrum
9 Jesum Christum, qui mortuus est pro nobis; ut, sive vigilemus, sive dormiamus, simul cum eo
10 vivamus. Quapropter adhortamini alii alios, et ædificate singuli singulos, sicut et facitis.
11 ROGAMUS autem vos, fratres, ut agnoscatis eos qui laborant inter vos, et præsentunt vobis in
12 Domino, et admonent vos; et eos magis ac magis charos ducatis, propter opus ipsorum. Pacem colite inter vos mutuo.
13 Precamur autem vos, fratres, monete inordinatos, consolamini eos qui pusillo animo sunt, sublevate infirmos, patiente animo estote erga
14 omnes. Videte nequis malum pro malo cuipiam reddat, sed beneficentiam semper sectamini, tum inter vos mutuo, tum erga omnes.
15 Semper gaudete. ¹⁷ Sine interdictione orate.
16 In omnibus gratias agite: hæc enim est voluntas Dei per Christum Jesum erga vos.
17 Spiritum ne exstinguite. ²⁰ Prophetias ne pro
18 nihilo habete. Omnia explorete; quod bonum fuerit retinete. Ab omni specie mali abstinete.
19 Ipse autem Deus pacis sanctificet vos totos:

et integer vester spiritus, et anima, et corpus inculpate in adventum Domini nostri Jesu Christi
 24 servantur. Fidelis *est* qui vocavit vos, qui etiam *id* efficiet.

25 Fratres, orate pro nobis. ²⁶ Salutate fratres
 27 omnes cum osculo sancto. Adjuro vos per Dominum, ut recitetur hæc epistola omnibus sanctis fratribus.

28 Gratia Domini nostri Jesu Christi *sit* vobiscum. Amen.

Ad Thessalonicenses prima scripta fuit Athenis.

PAULI APOSTOLI EPISTOLA SECUNDA

AD

THESSALONICENSES.

- 1 PAULUS, et Silvanus, et Timotheus ecclesiæ Thessalonicensium, *quæ est* in Deo Patre
- 2 nostro et Domino Jesu Christo: gratia *sit* vobis et pax a Deo Patre nostro et Domino Jesu Christo.
- 3 GRATIAS agere debemus Deo semper de vobis, fratres, ut par est, quod vehementer augeat fides vestra, et abundet mutua unius-
- 4 cujusque omnium vestrum charitas: adeo ut nos ipsi de vobis gloriemur apud ecclesias Dei, *id est*, de tolerantia vestra et fide in omnibus persecutionibus vestris et afflictionibus quas suffer-
- 5 tis; *quæ res* indicium est justi judicii Dei, ut digni habeamini regno Dei, pro quo etiam *ista*
- 6 patimini; siquidem justum est apud Deum vicissim reddere iis qui affligunt vos afflictionem:
- 7 vobis vero qui affligimini relaxationem nobiscum, revelatione Domini Jesu de cœlo cum angelis

8 suis potentibus, cum igne flammante, infligens ultionem iis qui Deum nesciunt, neque auscul-
9 tant evangelio Dñmini nostri Jesu Christi: qui pœnam pendent æterni exitii, *expulsi* a facie
10 Domini et a gloria roboris ipsius: quum venerit ut glorificetur in sanctis suis, et admirandus fiat in credentibus omnibus (quod fides habita fuerit testimonio nostro apud vos) in die illo.

11 Cujus etiam rei gratia oramus semper pro vobis, ut vos dignetur ista vocatione Deus noster, et compleat totum *suæ* bonitatis libitum
12 et opus fidei potenter: ut glorificetur nomen Domini nostri Jesu Christi in vobis, et vos in eo, ex gratia Dei nostri et Domini Jesu Christi.

2 ROGAMUS autem vos, fratres, per adventum Domini nostri Jesu Christi, et nostri ad eum aggregationem, ne cito a mente dimoveamini, neque terreamini, neque per spiritum, neque per sermonem, neque per epistolam tanquam per nos
3 *scriptam*, quasi instet dies ille Christi. Nequis vos seducat ullo modo: *non enim adveniet dies Christi*, quin venerit defectio prius, et revelatus fuerit homo ille peccati, filius, *inquam*, ille
4 perditionis, sese opponens ille et efferens supra quicquid dicitur Deus, aut numen: adeo ut in templo Dei tanquam Deus sedeat, præ se
5 ferens se esse Deum. Annon meministis me, quum adhuc essem apud vos, hoc dixisse vobis?
6 Nunc vero quid *eum* retineat nostis, ut is suo præstituto tempore reveletur. Jam enim agit mysterium illud istius abolitionis legis: tantum qui nunc retinet, *retinebit* usquedum e medio
8 tollatur. Et nunc revelabitur exlex ille, quem Dominus absumet spiritu oris sui, et evanescere
9 faciet illo suo illustri adventu. *Illum, inquam*, cujus adventus est ex efficacia Satanæ, cum

omni potentia, et signis, ac prodigiis mendaci-
10 bus; et cum omni seductione injustitiæ in iis
qui pereunt: propterea quod amorem veritatis
11 non receperunt, ut salvi fierent. Ideo igitur
mittet eis Deus efficaciam erroris, ut ipsi cre-
12 dant mendacio: ut damnenter omnes qui non cre-
diderint veritati, sed sibi placuerint in injustitia.

13 Nos autem debemus gratias agere Deo sem-
per de vobis, fratres dilecti a Domino, quod
elegerit vos Deus ab initio ad salutem per san-
ctificationem spiritus, et fidem habitam veritati;
14 quo vocavit vos per evangelium nostrum ad ac-
quirendam gloriam Domini nostri Jesu Christi.

15 Nempe igitur, fratres, perstate, et retinete
traditiones quas edocti estis tum per sermonem,
16 tum per epistolam nostram. Ipse vero Domi-
nus noster Jesus Christus, et Deus ac Pater
noster, qui dilexit nos, et dedit consolationem
17 æternam et spem bonam per gratiam, consoletur
vestra corda, et stabiliat vos in omni sermone
et opere bono.

3 QUOD reliquum est, orate, fratres, pro nobis,
ut sermo Domini currat, et glorificetur, sicut et
2 apud vos: et ut eripiamur a protervis ac scele-
ratis hominibus: non enim omnium est fides.
3 Sed fidelis est Dominus, qui stabiliet vos et cu-
4 stodiet ab illo maligno. Confidimus autem in
Domino de vobis, vos, quæ denunciamus vobis,
5 et facere et facturos esse. Dominus vero diri-
gat vestra corda ad Dei charitatem et Christi
patientem expectationem.

6 DENUNCIAMUS autem vobis, fratres, in nomine
Domini nostri Jesu Christi, ut subducatis vos
ab omni fratre qui inordinate ambulat, et non
ex tradita doctrina quam accepit a nobis.

7 Nam ipsi scitis quomodo oporteat nos imitari:

- quoniam non inordinate nos gessimus inter vos:
8 neque gratis panem edimus *acceptum* a quoquam;
sed cum labore et ærumna nocte dieque ope-
9 rantes, ne cui vestrum oneri essemus. Non quod
hoc jus non habeamus; sed ut nosmetipsos pro
exemplari exhibeamus vobis ad nos imitandos.
10 Etenim quum essemus apud vos, hoc denuncia-
bamus vobis: quod siquis nolit operari, etiam
11 non edito. Audimus enim quosdam ambulare
inter vos inordinate, nihil agentes, sed inaniter
12 satagentes. Iis autem qui sunt istiusmodi de-
nunciamus, et hortamur *eos* per Dominum no-
strum Jesum Christum, ut cum quiete operantes,
suo pane vescantur.
13 Vos autem, fratres, ne segnes sitis in bene-
14 faciendo. Quod siquis non auscultat nostro per
epistolam sermoni, hunc notate; et ne commer-
15 cium habete cum eo, ut erubescat. Neque ut
inimicum ducite, sed admonete ut fratrem.
16 Ipse autem Dominus pacis semper det vobis pa-
cem omni modo. Dominus *sit* cum omnibus vobis.
17 Salutatio mea manu Pauli, quod est signum in
18 omni epistola: ita scribo, Gratia Domini nostri
Jesu Christi *sit* cum omnibus vobis. Amen.

Ad Thessalonicenses secunda missa fuit Athenis.

PAULI APOSTOLI EPISTOLA PRIMA

AD

TIMOTHEUM.

- 1 PAULUS, apostolus Jesu Christi ex man-
dato Dei servatoris nostri, et Domini Jesu
2 Christi, spei nostræ. Timotheo, germano filio

in fide: gratia sit tibi, misericordia, et pax a Deo Patre nostro et Christo Jesu Domino nostro.

- 3 SICUT te sum precatus ut permaneres Ephesi, quum profiscerer in Macedoniam, *vide*, ut denuncies quibusdam ne diversam doctrinam doceant; nec attendant fabulis et genealogiis nunquam finiendis, quæ potius quæstiones præbent quam ædificationem Dei, quæ est per fidem.
- 4 Porro, finis mandati est charitas, ex puro corde, et conscientia bona, et fide minime simulata:
- 5 a quibus nonnulli ut a scopo aberrantes, diverterunt ad vaniloquentiam; volentes esse legis doctores, quum *tamen* non intelligant quæ loquuntur, nec *ea* de quibus asseverant. Scimus autem bonam esse legem, siquis ea legitime
- 6 utatur: hoc sciens, nempe legem justo positam non esse, sed exlegibus et iis qui subijci nolunt, impiis et peccatoribus, nefariis et profanis,
- 7 parricidis et matricidis, homicidis, scortatoribus, masculorum concubitoribus, plagariis, mendacibus, perjuris, et siquid aliud est quod sanæ
- 8 doctrinæ sit oppositum: *quæ est* secundum gloriosum evangelium beati Dei, quod concreditum est mihi.
- 9 Gratiam igitur illi habeo qui me robustum effecit, *id est*, Christo Jesu Domino nostro; quod me fidum duxerit, utpote quem in ministerio constituerit; qui prius eram blasphemus, et persecutor, et injuriis alios afficiens, sed misericordia sum donatus; nam ignorans *id* faciebam, *nempe* fidei expers. Superabundavit autem gratia illa Domini nostri cum fide et dilectione *quæ est* in Christo Jesu.
- 10 Certus est hic sermo, et modis omnibus dignus qui recipiatur, Christum Jesum venisse in mun-

dum ut peccatores servaret, quorum primus sum
16 ego. Verum propterea misericordia sum donatus, ut in me primo ostenderet Jesus Christus omnem illum patientem animum, ut essem exemplar credituris in eum ad vitam æternam. Regi autem seculorum incorruptibili, immortalis, invisibili, soli sapienti Deo, honor *sit* et gloria in secula seculorum. Amen.

18 Hoc mandatum commendo tibi, fili Timothee, *nempe* ut secundum prægressas de te prophetias, milites per eas bonam illam militiam; retinens fidem et bonam conscientiam; qua expulsa, non
20 nulli naufragium fidei fecerunt. Ex quibus est Hymenæus et Alexander, quos tradidi Satanæ, ut castigati discant non blasphemare.

2 ADHORTOR igitur primum omnium, ut fiant deprecationes, orationes, interpellationes, gratiarum actiones pro quibusvis hominibus;
2 pro regibus et quisbusvis in eminentia constitutis: ut tranquillam ac quietam vitam degamus cum omni pietate et veneratione.

3 Nam hoc bonum est et acceptum coram servatore nostro Deo, qui quosvis homines vult
4 servari, et ad agnitionem veritatis venire. Unus enim *est* Deus, unus etiam mediator Dei et hominum, homo Christus Jesus; qui sese ipse dedit conveniens liberationis pretium pro quibusvis, *Christus, inquam*, testimonium illud suis
7 temporibus *destinatum*. Cui constitutus sum ego præco et apostolus, (veritatem dico per Christum, non mentior,) doctor, *inquam*, gentium cum fide ac veritate.

8 Volo igitur viros precari in quovis loco, puras manus attolentes absque ira et disceptatione.

9 Itidem et mulieres amictu honesto, cum vere-

cundia et moderatione, ornare sese, non cincin-
nis, vel auro, vel margaritis, vel pretioso ve-
10 stitu; sed (quod decet mulieres pietatem in
11 Deum spondentes) operibus bonis. Mulier cum
12 silentio discito cum omni submissione. Mulieri
vero docere non permitto, neque auctoritatem
13 usurpare in virum, sed ut sit in silentio. Ada-
14 mus enim prior formatus est; deinde Eva. Et
Adamus non fuit seductus: sed mulier seducta,
15 causa transgressionis fuit. Servabitur tamen li-
beros gignendo, si manserint *ipsæ* in fide ac
charitate, et sanctimonia cum moderatione.

3 CERTUS *est hic* sermo, Siquis episcopatum
2 desiderat, præclarum opus desiderat. Oportet
igitur episcopum irreprehensibilem esse, unius
uxoris virum, vigilantem, temperantem, compo-
3 situm, hospitalem, aptum ad docendum: non vi-
nosum, non percussorem, non turpem quæstum
facientem; sed æquum, alienum a pugnis, alie-
4 num a pecuniæ amore: *qui* suæ domui bene
præsit, qui liberos [habeat subditos cum omni
5 honestate: (nam siquis propriæ domui præesse
6 nescit, quomodo ecclesiam Dei curabit?) non
novitium, ne inflatus in criminationem incidat
7 diaboli. Oportet autem eum etiam bonum ha-
bere testimonium ab extraneis; ne in probrum
incidat et laqueum diaboli.

8 Diaconos itidem venerabiles, non bilingues,
non multo vino addictos, non turpem quæstum
9 facientes, tenentes mysterium fidei in pura con-
10 scientia. Atque hi etiam explorentur prius, de-
11 inde ministrent, si sint inculpati. Uxores itidem
eorum oportet esse venerabiles, non calumnia-
12 trices, sobrias, fidas in omnibus. Diaconi sint
unius uxoris mariti, qui liberis recte præsent,
13 et propriis domibus. Nam qui bene ministra-

verint, gradum sibi bonum acquirunt, et multam loquendi libertatem per fidem quæ *est* in Christo Jesu.

14 Hæc tibi scribo, sperans fore ut citius ad te
15 veniam: sin autem tardavero, ut noris quomodo oporteat in domo Dei versari, quæ est ecclesia Dei vivi, columna et stabilimentum veritatis.
16 Et ut in confesso est, magnum est pietatis mysterium: Deus conspicuus factus est in carne, justificatus est in spiritu, conspectus est ab angelis, prædicatus est gentibus, fides illi habita est in mundo, sursum receptus est in gloriam.

4 SPIRITUS autem diserte dicit, fore ut posterioribus præstitutis temporibus descendant quidam a fide, attenti spiritibus deceptoribus ac
2 doctrinis dæmoniorum; per hypocrisin falsiloquorum, quorum conscientia cauterio resecta est;
3 prohibentium contrahere matrimonium, *jubentium* abstinere a cibis, quos Deus condidit ad participandum cum gratiarum actione fidelibus,
4 et iis qui norunt veritatem. Nam quicquid condidit Deus, bonum *est*, nec quicquam rejiciendum *est*, si cum gratiarum actione sumatur:
5 sanctificatur enim per verbum Dei et preces.

6 Hoc si subjeceris fratribus, bonus eris minister Jesu Christi, innutritus in sermonibus fidei et præclaræ illius doctrinæ, quam assectatus es.
7 Ceterum profanas et aniles fabulas devita; sed
8 exerce teipsum ad pietatem. Nam corporalis exercitatio ad pauca utilis est: at pietas ad omnia utilis est, ut quæ promissionem habeat vitæ
9 præsentis ac futuræ. Certus *est* hic sermo, et
10 omnibus modis dignus qui recipiatur. Nam idcirco etiam fatigamur, et convitiis afficimur, quod speremus in Deo vivo, qui est conser-

vator omnium hominum, maxime *vero* fidelium.

11 Hæc denuncia et doce.

12 Nemo tuam juventutem contemnito, sed esto
13 exemplar fidelium in sermone, in conversatione,
14 in charitate, in spiritu, in fide, in puritate. Interim,
15 dum venio, intentus esto lectioni, exhortationi, doctrinæ. Ne negligito donum quod in te est, quod datum est tibi per prophetiam, cum impositione manuum ordinis seniorum. Hæc meditare, in his esto; ut tuus profectus manifestus sit inter omnes. Intentus esto tibiipsi et doctrinæ; *et* permane in istis: id enim si feceris, et teipsum servabis et eos qui te audierint.

5 SENIOREM ne increpato, sed hortare ut patrem; juniores, ut fratres; mulieres natu grandiores, ut matres; juniores, ut sorores, cum omni castitate. Viduas honora quæ vere viduæ sunt. Quod siqua vidua liberos aut nepotes habet, discant prius *in* propriam domum pietatem exercere, et vicem rependere parentibus; hoc enim est honestum et acceptum in conspectu Dei. Porro quæ vere vidua est ac sola relictæ, spem posuit in Deo, et permanet in deprecationibus et orationibus nocte ac die. At quæ lascivit, *ea* vivens mortua est. Hæc igitur denunciato, ut sint irreprehensibiles. Quod si quis suis, et maxime domesticis, non providet, fidem abnegavit, et est infideli deterior.

9 Vidua allegatur non minor annis sexaginta,
10 quæ fuerit unius viri uxor: in operibus bonis bono testimonio ornata; si liberos educavit, si fuit hospitalis, si sanctorum pedes lavit, si afflictis subvenit, si omne bonum opus est assidue sectata. Porro juniores viduas recusa: postquam enim adversus Christum lascivierunt, nubere volunt; damnandæ, quod primam illam

13 fidem irritam fecerint. Simul autem etiam otiosæ
esse discunt, circumeuntes domos: imo non so-
lum otiosæ, sed etiam nugaces, et curiosæ,
14 garrientes quæ non oportet. Velim igitur juni-
ores nubere, liberos gignere, domum admini-
strare, nullam occasionem dare adversario ad
15 convitiandum. Jam enim nonnullæ deflexerunt,
16 secutæ Satanam. Quod si quis fidelis aut si qua
fidelis habet viduas, eis suppeditato quantum
sufficit, et non onerator ecclesia, ut iis quæ veræ
viduæ sunt subveniat.

17 Qui bene præsunt presbyteri, duplici honore
digni habentor; maxime qui laborant in sermone
18 et doctrina. Dicit enim scriptura, Bovi tritu-
ranti capistrum non impones: et, Dignus est
operarius mercede sua.

19 Adversus presbyterum accusationem ne reci-
20 pito, nisi sub duobus aut tribus testibus. Eos
qui peccant, in conspectu omnium argue, ut et
reliqui metuant.

21 Obtestor etiam atque etiam in conspectu Dei
et Domini Jesu Christi, et electorum angelorum,
ut hæc observes, sine præjudicio, nihil faciens
22 in alteram partem inclinando. Manus cito ne
cui imponito, neque communicato peccatis alienis:
temetipsum purum conserva.

23 Ne amplius esto abstemius, sed vino pauculo
utere, propter stomachum tuum et crebras tuas
infirmittates.

24 Quorundam hominum peccata ante manifesta
sunt, præeuntia damnationi: quosdam vero sub-
25 sequuntur: itidem et bona opera ante manifesta
sunt: et ea quæ secus habent, occultari non
possunt.

6 QUICUNQUE sub jugo sunt servi, suos do-
minos omni honore dignos ducunto, ne nomen

- 2 Dei et doctrina blasphemetur. Qui vero fideles
habent dominos, ne *eos* contemnant quod fratres
sint: sed potius inserviant, quod fideles sint ac
dilecti, qui beneficentiam illam itidem capessunt.
- 3 Hæc doce et exhortare. Siquis diversam do-
cet doctrinam, neque accedit sanis sermonibus
Domini nostri Jesu Christi, et ei quæ secundum
4 pietatem est doctrinæ, *is* inflatus est, nihil sci-
ens, sed insaniens circa quæstiones ac pugnas de
verbis; ex quibus nascitur invidia, lis, maledi-
5 centiæ, suspiciones malæ, perversæ exercita-
tiones hominum mente corruptorum, et qui pri-
vati sunt veritate, et quæstui habent pietatem:
6 abscede ab iis qui ejusmodi sunt. Est autem
quæstus magnus pietas cum animo sua sorte
7 contento. Nihil enim intulimus in mundum, vi-
8 delicet nec efferre quicquam possumus. Sed
habendo alimenta et quibus tegamur, hæc nobis
9 satis erunt. Qui vero volunt ditescere, incidunt
in tentationem et laqueum, et cupiditates multas
amentes et damnosas, quæ demergunt homines
10 in exitium et perniciem. Siquidem radix om-
nium malorum est amor pecuniæ; quam quidam
dum appetunt, aberrarunt a fide, et seipsos un-
diquaque transfixerunt doloribus multis.
- 11 Tu vero, o homo Dei, ista fuge: sectare autem
justitiam, pietatem, fidem, charitatem, toleran-
12 tiam, lenitatem. Decerta præclarum illud cer-
tamen fidei; apprehende vitam æternam, ad
quam et vocatus es, et professus præclaram illam
professionem in conspectu multorum testium.
- 13 Denuncio tibi coram Deo, qui vivificat omnia,
et Jesu Christo, qui testatam fecit coram Pon-
14 tio Pilato præclaram illam professionem, ut ser-
ves hanc præceptionem incontaminatus et irre-
prehensibilis, usque ad illustrem illum adventum

- 15 Domini nostri Jesu Christi: quem præstitutis
 temporibus suis ostendet ille beatus princeps,
 16 rex ille regum, et dominus dominorum, qui so-
 lus habet immortalitatem, lucem habitans inac-
 cessam, quem vidit nemo hominum, neque vi-
 dere potest; cui honor et robur æternum. Amen.
- 17 Iis qui sunt in hoc seculo divites denuncia,
 ne efferantur animo, neque spem ponant in divi-
 tiis incertis, sed in illo Deo vivo, qui præbet
 18 nobis omnia copiose ad fruendum: ut sint bene-
 fici, ut divites sint operibus bonis, faciles ad
 19 impertiendum, facilis convictus: congerentes sibi
 pro thesauro fundamentum bonum in posterum,
 ut apprehendant æternam illam vitam.
- 20 O Timothee, depositum illud custodi, et aver-
 sare profanos illos de rebus inanibus clamores,
 21 et oppositiones falso nominatæ notitiæ: quam
 nonnulli præ se ferentes, circa fidem aberrarunt
 a scopo. Gratia sit tecum. Amen.

Ad Timotheum prima missa fuit Laodicea, quæ est metro-
 polis Phrygiæ Pacatianæ.

PAULI APOSTOLI EPISTOLA SECUNDA

AD

TIMOTHEUM.

- 1 PAULUS, apostolus Jesu Christi per volun-
 tatem Dei, secundum promissionem vitæ quæ
 2 est in Christo Jesu, Timotheo dilecto filio *sit*
 gratia, misericordia, pax a Deo Patre et Christo
 Jesu, Domino nostro.
- 3 GRATIAM habeo Deo, quem colo a majori-
 bus cum pura conscientia, prout continuam tui

memoriam teneo in deprecationibus meis nocte
4 ac die: expetens te videre, memor tuarum la-
5 crymarum, ut gaudio replear: memoria repetens
eam quæ in te est non simulatam fidem, quæ
habitavit prius in avia tua Loide et matre
tua Eunica: persuasus sum autem quod in te
quoque.

6 Quam ob causam in memoriam revoco tibi,
ut exsuscites donum Dei quod est in te per im-
7 positionem manuum mearum. Non enim dedit no-
bis Deus spiritum formidinis, sed potentiæ, et
8 charitatis, et sanitatis animi. Ne igitur te pu-
deat testimonii Domini nostri, neque te pudeat
mei, qui sum vinctus ipsius; sed esto mecum
particeps afflictionum evangelii ex potentia Dei;
9 qui servavit nos, et vocavit vocatione sancta;
non ex operibus nostris, sed ex suo præstituto,
et gratia, quæ data quidem est nobis in Christo
10 Jesu ante tempora seculorum; sed facta nunc
est conspicua per conspicuam apparitionem ser-
vatoris nostri Jesu Christi, qui tum mortem fe-
cit evanescere, tum vitam et incorruptibilitatem
11 in lucem produxit per evangelium: cujus causa
constitutus sum ego præco, et apostolus, ac
12 doctor gentium. Quam ob causam et hæc pa-
tior: sed non pudefio; novi enim cui crediderim,
et mihi persuasum est eum posse depositum
illud meum in illum diem servare.

13 Expressam formam teneto sanorum sermonum,
quos a me audisti, cum fide et charitate quæ
14 est in Christo Jesu. Præclarum illud depositum
custodi per Spiritum Sanctum qui inhabitat in
nobis.

15 Nosti hoc, quod se averterint a me omnes
qui sunt in Asia: ex quibus est Phygellus et
16 Hermogenes. Præstet misericordiam Dominus

Onesiphori familiæ: quoniam sæpe me recreavit,
17 et catenam meam non erubuit: imo quum esset
Romæ, studiosissime quæsivit me, et invenit.
18 Det ei Dominus ut inveniatur misericordiam apud
Dominum in die illo; quam multa etiam Ephesi
subministrarit, tu optime nosti.

2 Tu igitur, fili mi, corroborator per gratiam
2 quæ est in Christo Jesu. Et quæ audisti a me
inter multos testes, hæc committe fidei homini-
bus, qui sint idonei ad alios quoque docendos.
3 Tu igitur perfer adversa, ut bonus miles Jesu
4 Christi. Nemo qui militat implicatur hujus vitæ
negotiis, ut ei placeat a quo delectus est miles.
5 Quod si certet etiam aliquis, non coronatur nisi
6 legitime certaverit. Agricola oportet prius
7 laborando fructus percipere. Perpende quæ dico.
Det igitur tibi Dominus intelligentiam in om-
nibus.

8 Memento Jesum Christum suscitatum fuisse
ex mortuis, *factum* ex semine Davidis, secun-
9 dum evangelium meum: in quo adversa patior
ut nocens usque ad vincula; sed sermo Dei non
10 est vinctus. Ideo omnia tolero propter electos,
ut et ipsi salutem consequantur quæ est in
11 Christo Jesu, cum gloria æterna. Certus *est hic*
sermo: nam si cum *eo* mortui sumus, cum *eo*
12 etiam vivemus: si *crucem* toleramus, etiam con-
regnabimus; si abnegamus, et ille abnegabit
13 nos: si infidi sumus, ille *tamen* fidus manet, ne-
gare seipsum non potest.

14 Hæc suggere, obtestans etiam atque etiam
in conspectu Domini ne de verbis pugnent,
quod nullam adfert utilitatem, *imo* auditores
subvertit.

15 Stude teipsum probatum sistere Deo, opera-
rium qui non erubescat, *et* qui recte sermonem

16 veritatis secet. Profanos autem illos de rebus
inanibus clamores cohibe: ad maiorem enim
17 procedent impietatem: et sermo eorum depascet
ut gangræna: ex quibus est Hymenæus et Phi-
18 letus; qui circa veritatem aberrarunt a scopo,
dicentes resurrectionem jam esse factam: et sub-
19 vertunt quorundam fidem. Solidum tamen fun-
damentum Dei stat, habens sigillum hoc, Novit
Dominus eos qui sunt sui: et, Abscedat ab in-
20 justitia quisquis nominat nomen Christi. Ceterum
in magna domo non tantum sunt vasa aurea et
argentea, sed etiam lignea ac testacea; et alia
21 quidem ad decus, alia vero ad dedecus. Siquis
igitur sese ab his expurgarit, erit vas ad decus,
sanctificatum, et accommodum usibus Domini, *et*
ad omne opus bonum comparatum.

22 Juveniles autem cupiditates fuge: sed sectare
justitiam, fidem, charitatem, pacem cum iis qui
23 invocant Christum ex puro corde. Stultas autem
et ineruditas illas quæstiones devita, sciens quod
24 gignant pugnas. Servum autem Domini non
oportet pugnare, sed mansuetum esse erga om-
25 nes, aptum ad docendum, tolerantem malos: cum
lenitate erudiantem eos qui contrario animo
sunt affecti; *experturum* num aliquando daturus
sit eis Deus resipiscentiam ad agnitionem veri-
26 tatis; et sanitate mentis recepta ex diaboli la-
queo, ab eo captivi facti, *convertantur* ad illius
voluntatem.

3 ILLUD autem scito, forte ut extremis diebus
2 instant tempora molesta. Erunt enim homines
sui amantes, pecuniæ avidi, gloriosi, superbi,
maledici, parentibus non obedientes, ingrati,
3 profani, charitatis expertes, implacabiles, calum-
niatores, intemperantes, immites, minime aman-
4 tes bonorum, proditores, præcipites, inflati, vo-

luptatum amantes potius quam amantes Dei;
5 habentes informationem pietatis, sed qui vim
6 ejus abnegarint: istos igitur aversare. Ex his
enim sunt isti qui irrepunt in familias, et capti-
vas ducunt mulierculas, cumulas peccatis, actas
7 cupiditatibus variis, semper discentes, sed quæ
nunquam ad cognitionem veritatis venire possint.
8 Quemadmodum autem Jannes et Jambres obsti-
terunt Mosi, ita et hi obsistunt veritati, homines
9 mente corrupti, rejectanei circa fidem. Sed non
procedent amplius; nam amentia istorum evi-
dens erit omnibus, ut et illorum fuit.

10 Tu vero assecutus es doctrinam meam, vitæ
meæ rationem, propositum fidem, patientem ani-
11 mum, charitatem, tolerantiam, persecutiones,
perpersiones, quæ mihi acciderunt Antiochiæ,
Iconii, Lystris; quas persecutiones sustinuerim:
12 sed ex omnibus eripuit me Dominus. Sed et
omnes qui volunt pie vivere in Christo Jesu,
13 persecutionem patientur. Mali autem homines
et impostores procedent in pejus, tum seducen-
tes, tum seducti.

14 At tu maneto in iis quæ didicisti, et quæ tibi
15 concredita sunt, sciens a quo didiceris; teque
a puero sacras literas novisse, quæ te possunt
sapientem reddere ad salutem, per fidem quæ
16 est in Christo Jesu. Tota scriptura divinitus
est inspirata, et utilis ad doctrinam, ad redar-
gutionem, ad correctionem, ad disciplinam quæ
17 est in justitia: ut perfectus sit homo Dei, ad
omne opus bonum perfecte instructus.

4 OBTESTOR te igitur etiam atque etiam ego in
conspectu Dei et Domini Jesu Christi, qui judi-
caturus est vivos et mortuos, in illustri illo suo
2 adventu et regno suo; prædica sermonem illum,
insta tempestive, intempestive; argue, objurga,

exhortare cum omni animi patientia et doctrina.

3 Nam erit tempus quum sanam doctrinam non
tolerabunt; sed auribus prurientes, ipsi sibi se-
cundum suas illas peculiare cupiditates coacer-
4 vabunt doctores: et a veritate quidem aures
5 avertent, ad fabulas vero divertent. At tu vigi-
lans esto in omnibus, perfer adversa, opus
perage evangelistæ, ministerii tui plenam fidem
facito.

6 Nam ego jam libor, et præstitutum tempus
7 meæ dimissionis instat. Certamen illud præcla-
rum decertavi, cursum ad finem perduxi, fidem
8 servavi. Quod reliquum est, reposita est mihi
justitiæ corona, quam reddet mihi Dominus in
illo die, justus iudex: non solum autem mihi,
sed et omnibus qui expetiverint illustrem illum
ipsius adventum.

9 STUDE mox ad me venire: nam Demas me
deseruit, amore inductus præsentis seculi, et
profectus est Thessalonicam; Crescens in Galatiam,
11 Titus in Dalmatiam. Lucas mecum est solus.
Marcum assumptum adduc tecum; est enim mihi
12 perutilis ad ministerium. Porro Tychicum misi
13 Ephesum. Penulam quam reliqui Troade apud
Carpum, adfer quum venies, et libros, maxime
membranas.

14 Alexander faber ærarius multa mala mihi ex-
hibuit: reddat ei Dominus secundum facta ipsius.
15 Quem et tu cave: vehementer enim obstitit ser-
monibus nostris.

16 In prima mea defensione nemo mihi adfuit,
sed omnes me deseruerunt: utinam ne *hoc* illis
17 imputetur. Sed Dominus mihi adfuit, et corro-
boravit me, ut per me plene certioraretur præ-
conium, quod audirent omnes gentes; et ere-
18 ptus fui ex ore leonis. Et eripiet me Dominus

ab omni opere malo, servabitque regno suo
cœlesti; cui gloria in secula seculorum. Amen.

19 Saluta Priscam et Aquilam, et Onesiphori fa-
20 miliam. Erastus mansit Corinthi: Trophimum
21 autem reliqui Mileti ægrotantem. Stude venire
ante hiemem. Salutat te Eubulus, et Pudens, et
Linus, et Claudia, et fratres omnes.

22 Dominus Jesus Christus *sit* cum spiritu tuo.
Gratia *sit* vobiscum. Amen.

Scripta est Roma secunda ad Timotheum, qui primus
Ephesi ordinatus fuit episcopus, quum Paulus iterum
sisteretur Cæsari Neroni.

PAULI APOSTOLI EPISTOLA

AD

TITUM.

- 1 PAULUS, servus Dei, apostolus autem Jesu
Christi, secundum fidem electorum Dei, et agni-
tionem veritatis quæ est secundum pietatem;
- 2 ad spem vitæ æternæ, quam promiserat Deus
ille mentiri nescius, ante tempora seculorum,
manifestam autem fecit præstitutis temporibus
- 3 suis, *videlicet*, sermonem illum suum per præco-
nium, quod concreditum est mihi ex imperio
servatoris nostri Dei: Tito, germano filio in
- 4 communi fide. Gratia *sit tibi*, misericordia, et
pax a Deo Patre et Domino Jesu Christo ser-
vatore nostro.
- 5 HUIUS rei gratia dereliqui te in Creta, ut
quæ desunt corrigas, et constituas oppidatim
- 6 presbyteros, sicut ego tibi ordinavi. Siquis est
inculpabilis, unius uxoris vir, liberos habens

fideles, qui non sint obnoxii crimini luxus, aut
7 subijci nescii. Oportet enim episcopum incul-
pabilem esse, tanquam Dei dispensatorem, non
sibi pertinaciter placentem, non iracundum, non
vinosum, non percussorem, non turpem quæstum
8 facientem; sed hospitalem, bonorum amantem,
9 temperantem, justum, pium, continentem; tenacem
fidi illius secundum doctrinam sermonis, ut pos-
sit et *auditores* exhortari doctrina illa sana, et
contradicentes convincere.

10 Sunt enim multi subijci nescii, et vaniloqui,
et mentium deceptores, maxime qui sunt ex
11 circumcissione: quibus oportet os obturare; qui
totas domos subvertunt, docentes quæ non
12 oportet, turpis lucri gratia. Dixit quidam ex
ipsis proprius ipsorum propheta: Cretenses sem-
13 per mendaces, malæ feræ, ventres pigri. Testi-
monium hoc est verum: quam ob causam eos
14 redarguito præcise, ut sani sint in fide, non at-
tenti Judaicis fabulis et præceptis hominum
aversantium veritatem.

15 Omnia quidem munda mundis, pollutis autem
et incredulis nihil est mundum, sed polluta est
16 eorum et mens et conscientia. Deum profitentur
se scire; sed factis negant, quum sint abomi-
nandi, et non obedientes *sermoni*, et ad omne
opus bonum rejectanei.

2 At tu loquere quæ decent sanam doctrinam:
2 ut senes sobrii sint, venerabiles, temperantes,
3 sani fide, charitate, tolerantia: anus itidem, ut
sint habitu qui sanctimoniam deceat, non calum-
niatrices, non vino multo mancipatæ, honestatis
4 magistræ: ut sapere doceant adolescentulas, ut
5 sint maritorum ac liberorum amantes, temperan-
tes, castæ, domi manentes, bonæ, quæ sese sub-
jiciant suis viris; ne sermo Dei blasphemetur.

6 Adolescentulos itidem adhortare, ut sint moderati: per omnia teipsum præbens exemplar bonorum operum, in doctrina integritatem, gravitatem, sermonem sanum, qui damnari non possit; ut qui *se* ex adverso *opponit*, erubescat, nihil habens quod de vobis dicat mali.

9 Servos *hortare*, ut suis dominis sese subjiciant, ut in omnibus *eis* placeant, non responsatores; nihil intervertentes, sed omnem bonam fidem ostendentes, ut doctrinam servatoris nostri Dei ornent in omnibus.

11 Illuxit enim gratia illa Dei salutifera quibus vis hominibus; erudiens nos, ut abnegata impie-tate et mundanis cupiditatibus, temperanter, et 13 juste, et pie vivamus in præsentī seculo; expectantes beatam illam spem, et illustrem illum adventum gloriæ magni illius Dei ac servatoris 14 nostri, *nempe* Jesu Christi; qui dedit semetipsum pro nobis, ut redimeret nos ab omni transgressione legis et purificaret sibiipsi populum peculiarem, accensum studio bonorum operum. 15 Hæc loquere et exhortare, et argue cum omni imperio: nemo te despiciat.

3 SUGGERE ipsis, ut sese subjiciant imperiis ac potestatibus, ut obtemperent, ut ad omne opus 2 bonum sint parati: ne quem maledictis incessant, ut sint a pugnis alieni, æqui, omnem exhibentes lenitatem erga quosvis homines.

3 Nam eramus quondam et nos amentes, non obediētes *sermoni*, seducti servientes cupiditatibus ac voluptatibus variis, in malitia et invidia degentes, odiosi, alii alios odio prosequentes. 4 Sed postquam benignitas et erga homines amor conspicuus factus est servatoris nostri Dei: 5 non ex operibus justis quæ fecerimus nos, sed ex sua misericordia servavit nos, per lavacrum

regenerationis et renovationis Spiritus Sancti:
 6 quem effudit super nos copiose per Jesum Chri-
 7 stum servatorem nostrum: ut justificati illius gratia
 hæredes efficeremur secundum spem vitæ æternæ.

8 Certus *est* hic sermo, et hæc volo te asseve-
 rare, ut qui crediderunt Deo, curent bene
 9 agendo præcedere. Hæc illa sunt bona, et ho-
 minibus utilia: stultas autem quæstiones, et ge-
 nealogias, et contentiones, ac pugnas legales co-
 hibe; sunt enim inutiles et vanæ.

10 Hæreticum hominem post unam et alteram
 11 admonitionem evita: ut qui noris eversum
 esse eum qui sit ejusmodi, et peccare, ut qui
 suoapte judicio sit condemnatus.

12 QUUM misero Arteman ad te, aut Tychicum,
 stude venire ad me Nicopolin: nam illic decrevi
 13 hiemare. Zenam legis interpretem et Apollo stu-
 diose deducendum curato, nequid illis desit. Di-
 14 scant autem etiam nostri bene agendo præcedere ad
 necessarios usus, ut non sint fructus expertes.

15 Salutant te qui mecum sunt omnes. Saluta eos
 qui diligunt nos in fide. Gratia *Dei sit* cum
 omnibus vobis. Amen.

Ad Titum, qui primus Cretensium ecclesiæ ordinatus fuit
 episcopus, scripta ex Nicopoli Macedoniæ.

PAULI APOSTOLI EPISTOLA

AD

PHILEMONEM.

1 PAULUS, vinctus Christi Jesu, et Timotheus
 frater, Philemoni dilecto et adjutori nostro,
 2 et Apphiæ dilectæ, et Archippo commilitoni

3 nostro, et ecclesiæ quæ domi tuæ est: gratia
sit vobis et pax a Deo Patre nostro et Domino
Jesu Christo.

4 GRATIAS ago Deo meo, semper mentionem
5 tui faciens in orationibus meis: quod audiam tuam
charitatem ac fidem quam habes erga Dominum
6 Jesum, et erga omnes sanctos: ut communicatio
fidei tuæ efficax fiat agnitione omnis ejus boni
7 quod est in vobis per Christum Jesum. Gaudi-
um enim habemus multum et consolationem
super charitate tua, quod viscera sanctorum re-
focillata sunt per te, frater.

8 Quapropter, quamvis multam in Christo liber-
9 tatem habeam mandandi tibi quod convenit: *ta-*
men propter charitatem potius precor, quum
talis sim, nempe Paulus senex, nunc autem etiam
10 vinctus Jesu Christi. Precor autem pro filio
meo, quem genui in vinculis meis, Onesimo;
11 quondam tibi inutili, nunc vero tibi et mihi per-
12 utili: quem remisi: tu autem eum, *id est*, vi-
13 scera mea, admissum excipe: quem ego cupie-
bam apud me retinere, ut pro te ministraret
14 mihi in vinculis evangelii: sed absque tua sen-
tentia nihil volui facere, ut non velut ex neces-
sitate sit beneficium hoc tuum, sed sponte col-
15 latum. Utique enim propterea separatus fuit
abs te ad tempus, ut eum *a me* perpetuum re-
16 cipias; non jam ut servum, sed amplius quam
servum, fratrem *videlicet* dilectum, maxime mihi,
quanto autem magis tibi et in carne et in Do-
mino?

17 Itaque si me socium habes, excipe admissum
18 eum tanquam me. Quod si qua te injuria affecit,
19 aut debitor est, hoc mihi imputato. Ego Paulus
scripsi mea manu, ego dependam: ut ne dicam
tibi, quod teipsum etiam mihi insuper debeas.

- 20 Etiam, frater, *hunc* ego fructum abs te consequar in Domino: refocilla mea viscera in Domino.
- 21 Scripsi tibi, confisus fore ut auscultes, ut qui norim te etiam amplius quam dico facturum
- 22 esse. Simul autem etiam para mihi hospitium: spero enim me per preces vestras donatum iri vobis.
- 23 Salutant te Epaphras, (meus in captivitate
- 24 propter Christum Jesum socius,) Marcus, Aristarchus, Demas, Lucas, adjutores mei.
- 25 Gratia Domini nostri Jesu Christi *sit* cum spiritu vestro. Amen.

Ad Philemonem missa fuit Roma per Onesimum servum.

PAULI APOSTOLI EPISTOLA

AD

HEBRÆOS.

- 1 MULTIFARIE et multipliciter olim Deus locutus patribus in prophetis, ultimis diebus hisce
- 2 locutus est nobis in Filio, quem constituit hæredem omnium, per quem etiam mundum condidit; qui quum sit effulgentia gloriæ, et character personæ illius, sustineatque omnia verbo illo suo potente, purificatione peccatorum nostrorum per seipsum facta, consedit ad dextram majestatis illius in *locis* excelsissimis; tanto præstantior factus angelis, quanto excellentius
- 5 præ illis sortitus est nomen. Nam cui dixit unquam angelorum, Filius meus es tu, ego hodie genui te? Ac rursum, Ego ero ei
- 6 Pater, et ipse erit mihi Filius? Rursum

autem, quum inducit primogenitum in orbem
terrarum, dicit, Et adorent eum omnes an-
7 geli Dei. Et de angelis quidem dicit, Qui
angelos suos facit ventos, et admini-
8 stros suos ignis flammam. Ad Filium
autem, Thronus tuus, Deus, in seculum
9 seculi; virga recta, virga regni tui. Di-
lexisti justitiam, et odisti legis trans-
gressionem: propterea unxit te, Deus,
Deus tuus, oleo exsultationis, ultra
10 consortes tuos. Et, Tu in initio, Do-
mine, terram fundasti, et opera manuum
11 tuarum sunt cœli; ipsi peribunt, tu au-
tem permanes; et omnes ut vestimentum
12 veterascent, ac velut amictum circum-
volves eos, et mutabuntur: tu autem
13 idem es, et anni tui non deficient. Ad
quem autem angelorum dixit unquam, Sede ad
dextram meam, usquedum posuero ini-
micos tuos scabellum pedum tuorum?
14 Nonne omnes sunt sacram functionem obeuntes
spiritus, qui ministerii causa emittuntur propter
hæredes salutis futuros?
2 Propterea oportet nos eo amplius attendere ea
2 quæ audivimus, nequando perfluamus. Etenim,
si per angelos dictus sermo fuit firmus, omnis-
que transgressio et inobedientia justam merce-
3 dis retributionem retulit; quomodo nos effu-
giemus si tantam neglexerimus salutem; quæ
quum primum enarrari cœpisset per *ipsum* Do-
minum, fuit ab iis qui *ipsum* audierant nobis
4 confirmata; testimonium illis præbente Deo et
signis, et prodigiis, variisque virtutibus, et Spi-
ritus Sancti distributionibus, pro sua voluntate.
5 Non enim angelis subjecit mundum illum fu-
6 turum, de quo loquimur. Testificatus est autem

- etiam atque etiam quidam alicubi, dicens, Quid est homo, ut memor sis ejus, aut filius hominis, ut eum respicias? Fecisti eum parumper inferiorem angelis; gloria et honore coronasti eum, et constituisti eum super opera manuum tuarum. Omnia subjecisti sub pedibus ejus. Enimvero per hoc quod ei subjecit omnia, nihil omisit quod non sit ei subjectum. At nunc nondum videmus ei omnia esse subjecta. Sed Jesum illum videmus gloria et honore coronatum, qui parumper fuit inferior angelis factus, propter mortis perpassionem; ut beneficio Dei pro omnibus mortem gustaret. Decebat enim ut ipse propter quem sunt hæc omnia, et per quem sunt hæc omnia, multos filios in gloriam adducendo, principem salutis ipsorum per perpassiones consummaret.
- Nam et qui sanctificat, et qui sanctificantur, ex uno sunt omnes: quam ob causam non erubescit eos vocare fratres, dicens, Annuntiabo nomen tuum fratribus meis; in medio ecclesiæ tibi hymnos canam. Et rursum, Ego fretus ero ipso. Et iterum, Ecce ego et pueri quos mihi dedit Deus. Quoniam igitur pueri participes sunt carnis et sanguinis, ipse quoque consimiliter particeps factus est eorundem, ut per mortem evanescere faceret eum penes quem est mortis robur, hoc est diabolum: et liberos redderet quotquot metu mortis per omnem vitam damnates erant servitutis.
- Non enim utique angelos assumpsit, sed semen Abrahami assumpsit. Unde debuit per omnia fratribus similis fieri, ut misericors esset et fidus pontifex in iis quæ apud Deum *agenda forent*, ad expiandum peccata populi: nam ex

eo quod perpessus fuit, quum tentatus est, potest et iis qui tentantur succurrere.

3 UNDE, fratres sancti, vocationis cœlestis
2 consortes considerate legatum et pontificem pro-
fessionis nostræ, Christum Jesum; fidum ei qui
ipsum constituit; ut et Moses *fidus fuit* in tota
3 domo ipsius. *Tanto* namque ampliore gloria
præ Mose hic dignus est habitus, quanto ma-
jorem habet honorem is qui construxit domum
4 quam domus ipsa. Omnis enim domus appa-
ratur a quopiam: qui vero construxit hæc omnia *est*
5 Deus. Et Moses quidem *fidus fuit* in tota domo
ipsius, ut famulus, ad testificanda quæ posterant
6 dicenda: at Christus, ut Filius, domui suæ præ-
est: cujus domus sumus nos, si modo fiduciam
et spem illam de qua gloriamur, ad finem usque
firmam retinuerimus.

7 Quapropter, sicut dicit Spiritus ille Sanctus,
8 Hodie si vocem ejus audieritis, ne ob-
durate corda vestra, sicut in exacerbatione,
in die tentationis illius in deserto;
9 ubi tentaverunt me patres vestri, explo-
raverunt me, et viderunt opera mea per
10 annos quadraginta. Quapropter infen-
sus fui isti genti, et dixi, Semper errant
corde, neque cognoverunt vias meas.
11 Itaque juravi in ira mea, Si introibunt
12 in requiem meam. Videte, fratres, nequando
sit in ullo vestrum cor malignum incredulum,
13 desciscendo a Deo vivo: sed exhortamini alii
alios quotidie, quoad appellatur dies hodiernus:
nequis ex vobis induretur seductione peccati.
14 Christi enim consortes facti sumus, si modo
principium illud, quo sustentamur, firmum reti-
15 nuerimus ad finem usque: *interim* dum di-
citur, Hodie si vocem ejus audieritis,

ne obdurate corda vestra, ut in exacerbatione.

16 Nam quidam, quum audissent, exacerbarunt
17 *Dominum*: non omnes tamen ii qui exierant ex
18 *Ægypto* per Mosen. Quibus autem infensus
19 fuit quadraginta annis? nonne iis qui peccaverant,
20 quorum artus conciderunt in deserto? Quibus
21 autem iuravit non ingressuros in requiem
22 suam, nisi iis qui non obedierant sermoni? Et
23 videmus non potuisse ingredi propter incredulitatem.

4 Metuamus igitur, nequando derelicta promissione
5 introeundi in requiem ejus, videatur aliquis ex vobis illa
6 fuisse per tarditatem exclusus. Etenim nobis evangelizatum est,
7 sicut et illis: at non profuit illis auditus sermo, ut
8 qui fide contemperatus non fuerit apud eos qui
9 audierant. Introimus enim in requiem nos qui
10 credidimus; sicut dixit, Itaque iuravi in ira mea,
11 si ingressuri sint in requiem meam: licet operibus a jacto
12 mundi fundamento factis.
13 Ita enim dixit quodam in loco de septimo die,
14 Et requievit Deus die septimo ab omnibus operibus
15 suis. Et hic rursum, Si introibunt in requiem
16 meam. Quia igitur reliquum est ut aliqui introeant
17 in eam, et ii quibus prius evangelizatum fuit non
18 introierunt propter contumaciam: rursum quendam
19 præfinit diem; Hodie, apud Davidem dicens, tanto
20 post tempore, (prout dictum est) Hodie sie vocem
21 ejus audieritis, ne obdurate corda vestra. Nam si
22 Jesus eos in requie collocasset, nequaquam de alio
23 posthac die locutus fuisset. Itaque reliquus est
24 aliquis sabbatismus populo Dei. Nam qui ingressus
25 est in requiem ejus, requievit et ipse ab operibus
26 suis, quemadmodum a suis Deus.

11 Studeamus igitur ingredi in illam requiem, nequis in idem incidat contumaciæ exemplum.

12 Vivus enim *est* sermo Dei et efficax, et penetrantior quovis gladio ancipiti, et pertingit usque ad divisionem animæ simul ac spiritus, compagumque et medullarum, et dijudicat cogitationes et conceptus cordis. Nec est ulla res creata non manifesta in conspectu ipsius: imo omnia *sunt* nuda et intime patentia oculis ejus quicum nobis est negotium.

14 HABENTES igitur pontificem magnum, qui transivit cœlos, Jesum Filium Dei, retineamus
15 hanc professionem. Non enim habemus pontificem qui non possit affici sensu infirmitatum nostrarum, sed tentatum in omnibus similiter,
16 absque *tamen* peccato. Accedamus igitur cum fiducia ad thronum gratiæ; ut consequamur misericordiam, et gratiam inveniamus ad opportunum auxilium.

5 Nam omnis pontifex ex hominibus assumptus, pro hominibus constituitur in iis quæ apud Deum *agenda sunt*; ut offerat dona et victimas pro peccatis; qui, quantum satis est, possit miserari vicem ignorantium et aberrantium;
2 quod et ipse circumdatus sit infirmitate. Et propter hanc debeat, sicut pro populo, ita et pro seipso offerre *victimam* pro peccatis.

4 Neque sibiipsi quisquam sumit hunc honorem,
5 sed qui vocatur a Deo, sicut et Aaron. Ita et Christus non ipse sibi hanc gloriam tribuit, ut fieret pontifex, sed is qui dixerat ei, Filius meus
6 es tu, ego hodie genui te. Sicut et in alio *psalmo* dicit, Tu *es* sacerdos in æternum secundum ordinem Melchisedec.

7 Qui in diebus carnis suæ, deprecationibus et supplicationibus oblatis, cum clamore valido et

lacrymis, apud eum qui poterat ipsum servare a morte, et exauditis precibus *liberatus* ex metu, quamvis Filius esset, *tamen* ex iis quæ passus est didicit obedientiam; et consummatus, factus est auctor salutis æternæ omnibus ei auscultantibus: pronuntiatus a Deo pontifex secundum ordinem Melchisedec.

De quo nobis multa sunt dicenda, eaque difficilia explicatu; quandoquidem segnes facti estis auribus. Vos enim quos oportuit pro temporis ratione doctores esse, rursum necesse habetis doceri quæ sint rudimenta initii eloquiorum Dei: factique estis ii quibus lacte sit opus, et non solido cibo. Enimvero cui cum lacte res est, is rudis est sermonis justitiæ: (infans enim est:) sed adultorum est solidus cibus, eorum *videlicet* qui propter habitum sensus habent exercitatos ad discretionem boni ac mali.

Quapropter omisso qui in Christo rudes inchoat sermone, ad perfectionem feramur: non jacentes rursum fundamentum resipiscentiæ ab operibus mortuis, et fide in Deum, baptismatum doctrinæ, ac manuum impositionis, et resurrectionis mortuorum, et judicii æterni. Atque id faciemus, si quidem permiserit Deus.

Nam fieri non potest ut qui semel fuerint illuminati, gustaverintque donum illud cœleste, et participes facti fuerint Spiritus Sancti, gustaverintque bonum Dei verbum, ac virtutes futuri seculi; si prolabantur, denuo renoveantur ad resipiscentiam; ut qui rursum sibi Filium Dei crucifigant, et ad ignominiam exponant. Nam terra, quæ imbrem sæpius in se venientem combiberit, et progenuerit herbam accommodam iis per quos excolitur, particeps fit benedictionis a Deo: at quæ profert spinas et tribulos, re-

jectanea *est* et maledictioni proxima, cujus exitus *tendit* ad exustionem.

9 Sed nobis persuasimus de vobis, dilecti, quæ meliora sunt et salutis adhærentia, etiamsi ita loquamur. Non enim injustus est Deus, ut obliviscatur operis vestri et laboriosæ charitatis quam ostendistis erga ipsius nomen; *ut* qui ministraveritis sanctis, et ministretis. Cupimus autem ut unusquisque vestrum idem studium ad finem usque ostendat, ad plenam spei certiorationem: ut ne sitis segnes, sed imitatores eorum qui per fidem ac patientem animum hæreditario jure obtinent promissionem.

13 Deus enim pollicitus Abrahamo, quum non posset per quenquam majorem jurare, juravit per seipsum, dicens, Certe benedicens benedicam tibi, et multiplicans multiplicabo te. Atque ita patiente animo usus, adeptus est promissum. 16 Nam homines quidem per eum jurant qui sit major: atque iisdem omnis controversiæ finis est 17 jusjurandum ad confirmationem *adhibitum*. Qua in re Deus volens ex abundanti hæredibus promissionis ostendere immutabilitatem consilii sui, 18 fidejussit jurejurando: ut per duas res immutabiles, in quibus fieri non potest ut mentitus sit Deus, validam consolationem habeamus *nos*, qui cursum *eo* corripuimus, ut spem propositam retineamus; quam velut animæ anchoram habemus tutam ac firmam, et ingredientem usque in ea 20 quæ sunt intra velum: quo præcursor pro nobis ingressus est Jesus, factus secundum ordinem Melchisedeci pontifex in æternum.

7 NAM hic Melchisedecus rex *erat* Salem, sacerdos Dei altissimi, qui occurrit Abrahamo revertenti a cæde regum, et benedixit ei: (cui et decimas ex omnibus impartitus est Abrahamus:)

- qui primum quidem ex interpretatione dicitur rex justitiæ, deinde vero etiam rex Salem, quod
3 est rex pacis: sine patre, sine matre, sine genere; nec initium dierum, neque vitæ finem habens: sed assimilatus Filio Dei, manet sacerdos in perpetuum.
- 4 Spectate vero quantus hic *fu*erit, cui Abrahamus etiam ille patriarcha dederit decimas
5 spoliolum. Et ii quidem qui sunt ex filiis Levi sacerdotium capessentes, præceptum habent decimarum accipiendarum a populo secundum legem, hoc est, a fratribus suis, licet egressis ex
6 lumbis Abrahami. Is vero, cujus genus ad illos non refertur, decimavit Abrahamum, et
7 habenti promissiones benedixit. Porro sine ulla controversia, id quod minus est, ab eo
8 quod majus est benedicatur. Atque hic quidem homines qui moriuntur, decimas accipiunt: illic
9 autem is, de quo testatum est quod vivat. Et (ut ita loquar) in Abrahamo decimatus est etiam
10 ipse Levi, qui decimas solet accipere. Nam is adhuc in lumbis patris erat, quum occurreret Abrahamo Melchisedecus.
- 11 Porro, si consummatio per Leviticum sacerdotium erat, (nam sub hoc sancita lex est populo,) quid amplius erat opus alium exoriri sacerdotem secundum ordinem Melchisedeci, nec
12 secundum ordinem Aaronis dici? Mutato enim hoc sacerdotio, necessario quoque legis mutatio
13 fit. Nam *is* de quo hæc dicuntur, ad aliam tribum pertinet, de qua nullus attendit altari.
14 Clarum est enim e Juda exortum esse Dominum nostrum cui tribui nihil de sacerdotio locutus
15 est Moses. *Idque* eo etiam amplius clarum est *eo* quod ad similitudinem Melchisedeci ex
16 surgit sacerdos alius, qui non ex lege, cujus

præceptum est carnale, factus est *sacerdos*, sed
17 ex vi indissolubilis vitæ. Testificatur enim ad hunc
modum, Tu *es* sacerdos in æternum secundum
18 ordinem Melchisedeci. Fit enim irritum
præcedens præceptum, propter ipsius infirmitatem
19 et inutilitatem. Nihil enim consummavit lex,
sed superintroducta spes potior, per quam ap-
propinquamus Deo.

20 Etiam quatenus non absque jurejurando *super-*
21 *introducta est*. Nam illi quidem absque jure-
jurando, sacerdotes facti sunt: hic vero cum
jurejurando, per eum qui dixit ei, Juravit Do-
minus, et non pœnitebit eum, Tu *es* sacer-
dos in æternum secundum ordinem Mel-
22 chisedec. Tanto melioris pacti sponsor factus
est Jesu.

23 Et illi quidem plures facti sunt sacerdotes,
24 quod mors prohiberet eos permanere: at iste,
propterea quod in æternum manet, habet sacer-
25 dotium nunquam transiturum. Unde et servare
absolutissime potest eos qui per ipsum accedunt
ad Deum, semper vivens ut interpellet pro eis.

26 Talis enim nos decebat pontifex, sanctus, ab
omni malo remotus, sine labe, separatus a pec-
27 catoribus, et sublimior cœlis factus. Cui non
sit quotidie necesse, quemadmodum illis pon-
tificibus, prius pro peccatis propriis victimas
offerre, deinde *pro peccatis* populi: hoc enim
28 fecit semel, quum semetipsum obtulit. Lex enim
homines constituit pontifices infirmitate laboran-
tes; at sermo jurisjurandi post legem *concepti*,
Filium *constituit* in æternum consummatum.

8 CETERUM eorum quæ dicimus *hæc* summa
est, Talem *nos* habere pontificem, qui consedit
ad dextram throni majestatis illius in cœlis,
2 sanctuarii minister, ac veri illius tabernaculi

- 3 quod fixit Dominus, et non homo. Omnis enim pontifex ad offerenda dona et victimas constituitur: unde necesse fuit hunc quoque habere
4 quod offerret. Nam si esset in terra, ne sacerdos quidem esset, manentibus illis sacerdotibus,
5 qui secundum legem offerunt dona; ut qui exemplaris et umbræ cultum præsent rerum cœlestium, sicut divinitus dictum est Mosi, quum esset absoluturus tabernaculum, Vide enim, inquit, *ut* facias omnia ad exemplar quod ostensum est tibi in monte. At nunc *noster ille pontifex* tanto præstantiorem sacram functionem sortitus est, quanto præstantioris pacti est mediator, quod præstantioribus promissis sancitum est.
7 Nam si prius illud tale fuisset, ut nihil in eo posset requiri, haudquaquam fuisset secundo
8 quæsitus locus. Nam incusans eos inquit, Ecce, dies venient, dicit Dominus, quum peragam cum domo Israel et cum domo
9 Juda pactum novum: non secundum pactum, quod feci cum patribus ipsorum, quo die prehendi manum ipsorum, ut educerem eos ex Ægypto: nam ipsi non perstiterunt in illo meo pacto, et
10 ego despexi eos, dicit Dominus. Quamobrem hoc est pactum quod paciscar domui Israelis post dies illos, dicit Dominus: Indam leges meas menti eorum, et cordi eorum inscribam: et ero ipsis
11 Deus, et ipsi erunt mihi populus: neque docebunt singuli proximum suum, et singuli fratrem suum, dicentes, Cognosce Dominum: nam omnes cognoscent me, ab eo qui pusillus fuerit inter eos, ad eum usque qui magnus fuerit inter
12 eos. Ero enim propitius injuste factis

eorum, et peccatorum ipsorum et transgressionum ipsorum non recordabor amplius. Dum novum dicit, antiquavit prius: porro quod antiquatur ac senescit, prope est ut evanescat.

9 HABUIT igitur prius *pactum* etiam ritus
2 cultus et sanctuarium mundanum. Tabernaculum enim apparatus fuit; prius *quidem*, in quo *erat* candelabrum, et mensa, et propositi panes, quod
3 Sancta vocant: post secundum autem velum *erat* tabernaculum, quod vocant Sancta Sancto-
4 rum; aureum habens thuribulum, et arcam pacti undique circumtectam auro; in qua *erat* urna aurea habens manna, et virga illa Aaronis quæ
5 germinavit, et tabulæ illæ pacti; supra hanc autem *arcam erant* cherubim gloriosi obumbrantes propitiatorium, de quibus non est nunc dicendum singulatim.

6 His vero sic constructis, in prius quidem tabernaculum quovis *tempore* ingrediuntur sacerdotes qui cultus obeunt: in secundum autem semel quotannis solus pontifex, non absque sanguine, quem offert pro seipso et *pro* populi
8 erratis; hoc declarante Spiritu Sancto, nondum factam fuisse manifestam ad sacrarium viam,
9 priore tabernaculo adhuc consistente: quod *erat* exemplar pro tempore illo tunc præsentem quo dona sacrificiaque offeruntur, quæ non possunt
10 in conscientia consummare cultorem, in cibis duntaxat et potionibus, et diversis ablutionibus, ac ritibus carnalibus, usque ad præstitutum tempus directionis imposita.

11 Adveniens autem Christus pontifex futurorum bonorum, per majus et perfectius tabernaculum non manufactum, id est, non hujus structuræ;
12 neque per sanguinem hircorum et vitulorum,

sed per proprium sanguinem, ingressus est semel in sacrarium, æternam redemptionem adeptus.

13 Nam si sanguis taurorum et hircorum, et cinis juvencæ aspergens inquinatos, sanctificat ad carnis puritatem; quanto magis sanguis Christi, qui per spiritum æternum seipsum obtulit inculpabilem Deo, emundabit conscientiam vestram a mortuis operibus ad colendum Deum vivum?

15 Itaque ob id novi pacti mediator est, ut morte ad redemptionem earum transgressionum intercedente quæ fuerant sub priore pacto, qui vocati erant promissam æternam hæreditatem acciperent.

16 Nam ubi testamentum est, mors intercedat necesse est testatoris. Testamentum enim in mortuis ratum est; quandoquidem nondum valet quum vivit testator. Unde ne prius quidem

19 illud absque sanguine dedicatum fuit. Quum enim Moses omnia præcepta secundum legem recitasset toti populo, sumpto sanguine vitulorum et hircorum, cum aqua, et lana coccina, et hysopo, simul et ipsum librum et totum populum

20 aspersit, dicens, Hic est sanguis ille hujus pacti,

21 quod mandavit vobis Deus. Insuper autem et tabernaculum et omnia vasa sacrae illius functionis sanguine illo similiter aspersit. Et omnia fere secundum legem sanguine purificantur;

22 et absque sanguinis effusione non fit remissio.

23 Itaque necesse fuit exemplaria quidem eorum quæ sunt in cœlis, hisce rebus purificari; ipsa vero cœlestia potioribus quam hæ sint victimis.

24 Non enim in manufactum sacrarium ingressus est Christus, quod sit exemplar vero sacrario respondens; sed in ipsum cœlum, ut compareat

25 nunc apud faciem Dei pro nobis. Neque ut sæpe offerat semetipsum, sicut pontifex ingreditur in sacrarium quotannis cum sanguine alieno:

26 (alioquin oportuisset eum sæpe passum fuisse a
jacto mundi fundamento;) sed nunc semel in
consummatione seculorum, ad peccatum per im-
molationem suiipsius e medio tollendum factus
27 est conspicuus. Et sicut illud statutum est ho-
minibus ut semel moriantur, postea vero judi-
28 cium; ita et Christus semel oblatus ut *in seipso*
attolleret multorum peccata; secundo absque
peccato cernetur iis qui ipsum expectant, ad
salutem.

10 LEX enim umbram obtinens futurorum bono-
rum, non ipsam expressam formam rerum, iis
hostiis quas singulis annis easdem continenter
offerunt, nunquam potest accedentes consummare:
2 alioqui desiissent offerri, propterea quod sacri-
ficantes, semel purgati, nullorum peccatorum
3 amplius essent sibi conscii. At in istis *fit* re-
4 petita mentio peccatorum quotannis. Non enim
potest sanguis taurorum et hircorum auferre
5 peccata. Quapropter ingrediens mundum, dicit,
Sacrificium et oblationem noluisti, cor-
6 pus autem adaptasti mihi: holocausto-
mata et *hostiam* pro peccato non appro-
7 basti: tunc dixi: Ecce, adsum (in capite
libri scriptum est de me) ut faciam,
8 Deus, voluntatem tuam. Quum superius
dixisset, Sacrificium, et oblationem, et holo-
cautomata, et *hostiam* pro peccato noluisti, ne-
que grata habuisti, (quæ secundum legem
9 offeruntur,) tunc dixit, Ecce, adsum, ut faciam,
Deus, voluntatem tuam. Aufert prius, ut po-
10 sterius statuatur. Qua voluntate sanctificati sumus,
per oblationem corporis Jesu Christi semel *factam*.
11 Omnis igitur sacerdos adstat quotidie sacram-
functionem obiens, et easdem sæpius offerens
hostias, quæ nunquam possint auferre peccata:

12 Hic vero, una pro peccatis oblata in perpetuum
13 victima, consedit ad dextram Dei: quod reli-
quum est expectans, donec ejus inimici positi
14 sint pro scabello pedum ipsius. Unica enim
oblatione consummavit in perpetuum eos qui san-
15 ctificantur. Testificatur autem *hoc* nobis Spiritus
etiam ille Sanctus: nam posteaquam prius dixit,
16 Hoc illud est pactum quod peragam cum
eis post dies illos, dicit Dominus; Indam
leges meas cordibus eorum, et mentibus
17 ipsorum inscribam eas; tunc dicit, Pecca-
torum ipsorum et transgressionum nequa-
18 quam recordabor amplius. Porro, ubi *est* ho-
rum remissio, non *est* amplius oblatio pro peccato.

19 QUUM igitur, fratres, habeamus libertatem in-
20 grediendi sacrarium per sanguinem Jesu, ea
via quam dedicavit nobis recentem et vivam,
21 per velum, hoc est, per carnem suam; *quumque*
habeamus sacerdotem magnum, præfectum do-
22 mui Dei: accedamus cum vero corde, et per ple-
nam certiorationem fidei, aspersione purgatis cor-
23 dibus a conscientia mala: et abluto corpore aqua
pura, retineamus professionem spei non vacillan-
24 tem; (fidelis enim *est* qui promisit;) et observe-
mus alii alios, ut nos acuamus ad charitatem
25 et bona opera: non deserentes aggregationem
nostri mutuam, sicuti mos *est* quibusdam, sed
adhortantes *alii alios*: idque eo magis quod
videtis illum diem appropinquare.

26 Nam si ultro peccaverimus post acceptam
cognitionem veritatis, non adhuc pro peccatis re-
27 liqua est hostia; sed horrenda quædam exspe-
ctatio judicii, et ignis fervor, qui devoraturus
28 est adversarios. Qui aspernatus fuerit Mosis
legem, absque misericordia ex duorum aut trium
29 testimonio moritur: quanto (putatis) acerbior

supplicio dignus censebitur qui Filium Dei conculcarit, et sanguinem pacti, per quem fuerat sanctificatus, profanum duxerit, et spiritum gratiæ contumelia affecerit? Novimus enim eum
30 qui dixit, Meum est ulcisci, ego rependam, dicit Dominus: et rursum, Dominus jus dicet populo suo. Horrendum est incidere in manus
31 Dei vivi.

32 Revocate vero in memoriam superiores dies, quibus, postquam illustrati fuistis, ingens certamen afflictionum tolerastis; partim quidem, dum
33 et cum probris et cum afflictionibus, spectaculum facti estis; partim vero dum socii facti
34 estis eorum qui sic agitantur. Nam et vinculis meis mecum affecti fuistis, et direptionem eorum quæ vobis suppetebant cum gaudio excepistis, ut qui sciretis *vos* habere apud vos potio-
rem substantiam in coelis, et permanentem.

35 Ne igitur abjicite liberam illam professionem vestram, quæ magnam habet præmii retributio-
36 nem. Nam patiente animo vobis est opus, ut voluntati Dei obsecuti reportetis promissionem
37 illam. Adhuc enim pusillum quantumcunque, et
38 qui venturus est veniet, neque tardabit. Justus autem ex fide vivet: at si *quis* se subduxerit,
39 non est gratum animo meo. At nos non ii sumus qui nos subducamus ad exitium, sed qui credamus ad animæ salutem.

11 EST autem fides illud quo subsistunt quæ sperantur, et quæ demonstrat quæ non cernuntur. Ob eam enim testimonio fuerunt ornati
2 majores.

3 Per fidem intelligimus compactum fuisse mundum verbo Dei, ut quæ videmus non sint ex apparentibus facta.

4 Abel, per fidem, majoris pretii sacrificium

obtulit Deo quam Cain: per quam testimonium obtinuit, quod esset justus, testimonium perhibente Deo de donis ejus: et mortuus adhuc per eam loquitur.

5 Per fidem, Enoch fuit translatus, ne videret mortem; nec fuit inventus, propterea quod translulerat eum Deus: priusquam enim transferretur, testimonium obtinuerat quod gratus fuerit Deo.

6 Atqui fieri non potest ut absque fide quisquam *Deo* sit gratus: nam qui accedit ad Deum, hunc credere oportet esse *Deum*, et præmia retribuere iis qui ipsum requirunt.

7 Per fidem, divinitus admonitus Noe de iis quæ nondum videbantur, veritus construxit arcam ad servandam domum suam: per quam *arcam* condemnavit mundum, et ejus quæ ex fide est justitiæ factus est hæres.

8 Per fidem, vocatus Abrahamus auscultavit *Deo*, abeundo in locum quem accepturus erat in hæreditatem, et exivit, nesciens quo esset

9 venturus. Per fidem, commoratus est in terra promissa ut aliena, commoratus in tabernaculis cum Isaaco et Jacobo, cohæredibus ejusdem
10 promissionis: expectabat enim civitatem illam habentem fundamenta, cujus artifex et conditor est Deus.

11 Per fidem, et ipsa Sara vim ad ejaculatum semen *concipiendum* accepit, ac præter præstitutum tempus ætatis peperit, quod fidelem *esse*
12 duxerit eum qui promiserat. Quapropter et ex uno, eoque jam emortuo, nati sunt *poster*i, quanta est astrorum cœli multitudo, et quasi arena illa innumerabilis quæ est ad oram maris.

13 Secundum fidem mortui sunt isti omnes, non adepti promissa, sed eminus ea conspicati, postquam *ipsis* fuissent persuasa et *ea* amplexi fuis-

sent, ac sese professi hospites et advenas esse
14 in terra. Nam qui hæc dicunt, palam osten-
15 dunt se patriam quærere. Quod si illius me-
mores fuissent, ex qua exierant, habere poterant
16 tempus ad revertendum: atqui potiozem expe-
tunt, hoc est, cœlestem: quapropter Deum non
pudet eorum, *id est*, cognominari Deus eorum;
paraverat enim eis urbem.

17 Abrahamus, quum tentaretur, obtulit Isaacum
per fidem; unigenitum, inquam, illum obtulit is
18 qui promissiones exceperat; ad quem dictum
19 fuerat, In Isaaco vocabitur tibi semen: ratioci-
natus Deum potentia præditum esse etiam susci-
tandi ex mortuis; unde etiam illum similitudine
quadam recepit.

20 Per fidem, de futuris benedixit Isaacus Jacobo
et Esavo.

21 Per fidem, Jacobus moriens singulis filiis Jo-
seph benedixit; et adoravit super extremo ba-
culo suo.

22 Per fidem, Josephus obiens de egressione fili-
orum Israel meminit, deque ossibus suis præcepit.

23 Per fidem, Moses, quum natus esset, occulta-
tus est menses tres a parentibus suis, quod vi-
derent venustum esse puerulum; et non metu-
erunt edictum regis.

24 Per fidem, Moses jam grandis renuit vocari
25 filius filiæ Pharaonis, potius eligens simul malis
vexari cum populo Dei, quam temporariam re-
26 tinere peccati fruitionem; majores ducens divi-
tias proprium Christi, quam Ægyptiorum the-
sauros: intuebatur enim in præmii retributionem.

27 Per fidem, dereliquit Ægyptum, non metu-
ens excandescientiam regis: nam, ut qui videret
28 eum qui est invisibilis, *ita* forti animo fuit. Per
fidem, peregit pascha et affusionem illam san-

guinis, ne qui disperdidit primogenita ipsorum,
29 ipsos tangeret. Per fidem, transgressi sunt rubrum mare veluti per terram; cujus *maris* facto periculo Ægyptii absorpti sunt.

30 Per fidem, mœnia Jericho conciderunt, circum-
31 data ad dies septem. Per fidem, Rahab meretrix illa non periit una cum iis qui non obedi-
erant, quum pacifice excepisset hospitio exploratores.

32 Et quid præterea loquor? deficiet enim me
tempus narrantem de Gedeone, de Barac, et
Sampsonē, et Jephthē, et Davide, et Samuele,
33 ac prophetis; qui per fidem debellarunt regna,
exercuerunt justitiam, adepti sunt promissiones,
34 obstruxerunt ora leonum, exstinxerunt vim ignis,
effugerunt acies gladii, corroborati sunt ex infirmitate,
effecti sunt validi in bello, exercitus
35 exterorum in fugam verterunt: mulieres acceperunt
ex resurrectione mortuos suos: alii vero distenti sunt,
non acceptata liberatione, ut pot-
36 tiorem resurrectionem consequerentur: alii rur-
sus ludibria et flagella sunt experti, insuper et
37 vincula et carcerem: lapidati sunt, dissecti sunt,
tentati sunt, gladio cæsi mortui sunt, oberrarunt
cum ovillis et caprinis pellibus, destituti, afflicti,
38 male habiti: quibus indignus erat mundus, in
desertis errantes, et montibus, ac speluncis, et
39 cavernis terræ. Atque omnes hi testimonium
obtinuerunt per fidem, non obtinuerunt prom-
40 sum illud: quoniam Deus de nobis potius
quiddam providerat, ne absque nobis consum-
marentur.

12 PROINDE nos quoque, quum tanta nos circum-
stet testium nubes, abjecto omni pondere, et
peccato facile nos circumcingente, toleranter
2 propositum nobis stadium decurramus; intuentes

in fidei ducem ac consummatorem Jesum, qui pro sibi proposito gaudio toleravit crucem, ignominia contempta, et ad dextram throni Dei consedit.

- 3 Etenim reputate, quis ille sit qui talem toleravit⁸ a peccatoribus adversus sese contradictio-
- 4 nem, ne vestris animabus fracti fatiscatis. Nondum ad sanguinem usque restitistis, adversus peccatum
- 5 decertando. Et obliti estis adhortationis, quæ vobis tanquam filiis loquitur, Fili mi, ne parvi facito castigationem Domini, neque ani-
- 6 mo frangitor quum ab eo argueris: quem enim diligit Dominus, castigat: flagellat
- 7 autem quemcunque filium agnoscit. Si castigationem suffertis, Deus sese vobis exhibet ut filiis: quis enim est filius quem non castiget pater?
- 8 Quod si estis absque castigatione, cujus participes sunt omnes, nempe supposititii estis, non filii.
- 9 Deinde carnis quidem nostræ castigatores patres habuimus, et reveriti sumus: annon *vero* multo magis subjiciemur Patri spirituum, et vivemus?
- 10 Nam illi ad paucos dies, prout ipsis videbatur, nos castigabant: hic autem ad commodum nostrum, ut participes simus sanctitatis ipsius.
- 11 Omnis autem castigatio in præsens quidem non videtur esse gaudii, sed tristitiæ; at postea fructum tranquillum justitiæ reddit iis qui per eam fuerint exercitati.
- 12 Quapropter manus remissas, et genua soluta,
- 13 surrigite; et rectas orbitas facite pedibus vestris, ne quod claudum *est* deflectat *de via*,
- 14 sed ut sanetur potius. Pacem sectamini cum omnibus, et sanctimoniam, sine qua nemo videbit Dominum; prospicientes, nequis deficiat a gratia Dei; nequa radix amara suppullulans ob-
- 15 turbet, et per hanc polluantur multi: nequis sit scortator, aut profanus, velut Esau qui unico

- 17 edulio vendidit suum jus primogeniti. Scitis enim eum etiam postea, quum vellet hæreditario jure benedictionem assequi, reprobatum fuisse: non enim reperit resipiscentiæ locum, quamvis cum lacrymis *benedictionem* illam exquisisset.
- 18 Non enim accessistis ad contrectabilem montem, et ardentem ignem, ac turbinem, et caliginem, et porcellam, tubæque sonitum, et vocem verborum, quam qui audierant cum excusatione
- 19 petierunt ne amplius sibi fieret sermo: (non enim ferebant quod edicebatur, Si vel bestia tetigerit montem, lapidabitur aut sagitta configitur: et Moses, adeo horrendum erat visum quod apparebat, dixit, Expavefactus sum ac
- 20 tremebundus:) sed accessistis ad montem Sion et civitatem Dei vivi, Hierosolymam cœlestem,
- 21 et myriadas angelorum, conventum universalem, et concionem primogenitorum, qui conscripti sunt in cœlis, et judicem universorum Deum, et
- 22 spiritus justorum consummatorum; et ad novi pacti mediatorem Jesum, et sanguinem aspersionis, potiora loquentem quam loquatur Abelus.
- 23 Videte ne recusetis eum qui loquitur. Nam si illi non effugerunt qui recusarunt divinitus loquentem in terra; multo magis nos, qui eum
- 24 qui de cœlis *est* aversaremur: cujus vox tunc concussit terram: nunc autem denunciavit, dicens, Adhuc semel ego concutiam non
- 25 solum terram, sed etiam cœlum. Porro illud, Adhuc semel, declarat instabilium rerum, ut puta factitiarum, amotionem, ut maneant quæ
- 26 sunt stabilia. Quapropter regnum assumentes quod concuti non potest, retineamus gratiam, per quam ita colamus Deum, ut ei grati simus cum
- 27 verecundia et reverentia. Etenim Deus noster consumens ignis est.

13 FRATERNUS amor maneto. ² Hospitalitatis
ne estote immemores: per hanc enim quidam
3 inscii exceperunt angelos hospitio. Memores
estote victorum, tanquam una cum illis vincti;
eorum qui malis premuntur, ut qui et ipsi sitis
4 in corpore. Honorabile *est* inter quosvis conju-
gium, et cubile impollutum: scortatores autem
5 et adulteros condemnabit Deus. Sint mores
vestri alieni a pecuniæ amore: *estote* contenti
præsentibus: dixit enim ipse, Nequaquam te
6 omittem, neque unquam te deseram. Adeo ut
confidenti animo dicamus, Dominus *est* mihi
auxiliator, nec metuum quid faciat mihi
homo.

7 Memores estote ductorum vestrorum, qui locuti
sunt vobis sermonem Dei: quorum imitamini
fidem, contemplantes quis fuerit exitus conver-
8 sationis ipsorum. Jesus Christus heri et hodie
9 idem *est*, et in secula. Doctrinis variis et per-
egrinis ne circumferimini; bonum enim est gra-
tia constabiliri cor, non cibis, unde nullam per-
ceperunt utilitatem qui in iis ambularunt.

10 Habemus altare, ex quo edendi non habent
11 jus qui tabernaculo cultum præstant. Quorum
enim animalium sanguis infertur pro peccato in
sacrarium per pontificem, eorum corpora exu-
12 runtur extra castra. Quapropter et Jesus, ut
sanctificaret populum per proprium sanguinem,
13 passus est extra portam. Exeamus igitur ad eum
14 extra castra, probum ejus portantes. Non enim
habemus hic permanentem civitatem, sed futuram
15 illam inquirimus. Per ipsum igitur assidue attol-
lamus ad Deum sacrificium laudis, id est, fructum
16 labiorum celebrantium nomen ejus. Beneficiæ
vero et communicationis ne obliviscimini: tali-
libus enim victimis delectatur Deus.

- 17 Parete ductoribus vestris, et obsecundate: excubant enim ipsi pro animabus vestris tanquam rationem reddituri; ut cum gaudio hoc faciant, et non suspirantes: id enim est vobis inutile.
- 18 Orate pro nobis; confidimus enim nos bonam conscientiam habere, ut qui in omnibus cupimus bene versari. Amplius autem precor vos ut id faciatis, ut eo citius restituar vobis.
- 20 Deus vero pacis, qui magnum illum ovium, per sanguinem pacti æterni, pastorem, Dominum nostrum Jesum ex mortuis reduxit, compingat vos in omni opere bono ad præstandam ipsius voluntatem, efficiens in vobis quod gratum sit in conspectu suo, per Jesum Christum; cui *sit* gloria in secula seculorum. Amen.
- 22 Precor autem vos, fratres, sufferte hunc sermonem cohortationis hujus: nam paucis *de hoc* scripsi vobis. Scitote fratrem *nostrum* Timotheum solutum esse, cum quo (si celerius venerit) videbo vos.
- 24 Salutate omnes ductores vestros et omnes sanctos. Salutant vos Itali.
- 25 Gratia *sit* cum omnibus vobis. Amen.

Ad Hebræos scripta est ex Italia per Timotheum.

JACOBI APOSTOLI

EPISTOLA CATHOLICA.

- 1 JACOBUS, Dei ac Domini Jesu Christi servus, duodecim tribubus dispersis, salutem.
- 2 PRO summo gaudio ducite, fratres mei, quoties in explorationes varias incideritis; *illud* scientes, experimentum fidei vestræ efficere to-

4 lerantiam. Ceterum tolerantia opus integrum habeat, ut sitis integri toti, in nullo deficientes.

5 Quod si cui vestrum deest sapientia, petito a Deo, qui dat *eam* omnibus benigne, nec exprobrat; et dabitur ei. Sed postulet cum fide, nihil ambigens; nam qui ambigit, similis est fluctui maris, qui ventis agitur et jactatur. Non enim existimet homo ille se quicquam accepturum a Domino: *ut qui sit* vir animo duplici et inconstans in omnibus viis suis.

9 Porro, frater qui est humilis conditionis, gloriatur in sublimitate sua: qui vero dives est, in submissione sui: quoniam veluti flos herbæ præteribit. Nam, *ut* exortus est sol cum æstu, et arefecit herbam, et flos illius decidit, et spectabilis decor ipsius periit: ita et dives in gressibus suis marcescet.

12 Beatus *est* vir qui explorationem tolerat: quoniam probus compertus, accipiet coronam vitæ, quam promisit Dominus iis qui ipsum diligunt.

13 Nemo, quum exploratur, dicat, A Deo tentor: nam Deus tentari malis non potest, nec quenquam tentat. Sed unusquisque tentatur dum a propria cupiditate abstrahitur et inescatur. Deinde cupiditas, posteaquam concepit, parit peccatum: peccatum vero peractum gignit mortem. Ne errate, fratres mei dilecti. ¹⁷ Omnis donatio bona, et omne integrum munus, est superne, descendens a Patre luminum, apud quem non inest transmutatio aut conversionis obumbratio. *Is* quia voluit, progenuit nos sermone veritatis, ut essemus primitiæ quædam eorum quæ creavit.

19 Itaque, fratres mei dilecti, sit omnis homo celer ad audiendum, tardus ad loquendum, tardus ad iram; nam ira viri justitiam Dei non exse-

- 21 quitur. Quapropter, abjectis omnibus sordibus
et excremento malitiæ, cum lenitate excipite in-
sititium illum sermonem, qui potest servare ani-
mas vestras.
- 22 Effectores vero estote sermonis; nec estote
auditores solum, falso ratiocinando fallentes
23 vosmetipsos. Nam siquis auditor est sermonis,
et non effector, is similis est viro consideranti
24 faciem suam nativam in speculo; nam simulatque
consideravit seipsum, abiit, et statim oblitus est
25 qualis esset. At is qui introspexerit in per-
fectam illam legem libertatis, et permanserit
in ea, quia non fuerit auditor obliviosus, sed
effector operis, is, *inquam*, beatior erit in opere
suo.
- 26 Siquis videtur religiosus esse inter vos, non
frenans linguam suam, sed suum ipsius cor se-
27 ducens; hujus vanus est cultus. Religiosus autem
cultus purus apud Deum et Patrem, hic est, In-
visere orphanos et viduas in afflictione ipsarum,
et immaculatum sese servare a mundo.
- 2 FRATRES mei, ne cum acceptione faciei
habete fidem Domini nostri Jesu Christi gloriosi.
- 2 Nam siquis in cœtum vestrum ingrediatur, aure-
um gestans annulum, veste splendida, ingrediatur
3 autem et pauper cum sordida veste; et re-
spexeritis ad eum qui vestem gerit splendidam,
et dixeritis ei, Tu sede hic bene: pauperi vero
dixeritis, Tu sta illic, aut sede hic subter scabel-
4 lum meum: nonne discrimen feceritis apud vos,
et facti fueritis judices male ratiocinantes?
- 5 Audite, fratres mei dilecti, Nonne Deus ele-
git pauperes mundi hujus, *ut fierent* divites
fide, et hæredes regni quod promisit iis qui
6 ipsum diligunt? At vos contumelia affecistis
pauperem. Nonne divites per tyrannidem op-

7 primunt vos, et trahunt vos ad tribunalia? Nonne
blasphemant præclarum illud nomen a quo estis
8 cognominati? Quod si legem regiam præstatis
secundum scripturam, Diliges proximum tuum
9 ut teipsum, bene facitis: sin vero faciem respi-
citis, peccatum committitis, et redarguimini a
10 lege ut transgressores. Quisquis enim totam
legem observaverit, impeggerit autem in uno,
11 damnas factus est omnium. Nam qui dixit, Ne
mœcheris, dixit etiam, Ne occidas. Quod si
non fueris mœchatus, occideris autem, factus es
12 transgressor legis. Ita loquimini et ita facite,
13 ut per legem libertatis judicandi. Nam con-
demnatio absque misericordia *erit* ei qui non
præstiterit misericordiam: et gloriatur miseri-
cordia adversus damnationem.

14 QUÆ utilitas, fratres mei, si fidem dicat
aliquis habere se, opera vero non habeat? num
15 potest fides illa eum servare? Quod si frater
aut soror nudi fuerint et destituti quotidiano
16 victu, dicat autem eis aliquis vestrum, Abite
cum pace, calescite, et saturamini; non tamen
dederitis eis quæ sunt commoda corpori, quæ
17 *erit* utilitas? Ita quoque fides, si opera non
18 habeat, mortua est per se. Quinimo dicet ali-
quis, Tu fidem habes, et ego opera habeo: ostende
mihi fidem tuam absque operibus tuis, et ego
ostendam tibi ex operibus meis fidem meam.
19 Tu credis Deum unum esse: bene facis: dæmo-
20 nia quoque *istud* credunt, sed horrescunt. Vis
autem nosse, homo vane, fidem *quæ est* absque
21 operibus mortuam esse? Abrahamus pater ille
noster nonne ex operibus justificatus est, quum
22 obtulisset Isaac filium suum super altare? Vides
fidem administram fuisse operum ipsius, et ex
23 operibus fidem ad finem perductam fuisse? Ita-

que impleta est scriptura quæ dicit, Credit autem Abraham Deo, et imputatum est ei ad justitiam, 24 et amicus Dei vocatus est. Videtis igitur ex operibus justificari hominem, et non ex fide 25 tantum? Similiter autem etiam Rahaba illa meretrix, annon ex operibus justificata est, quum excepisset nuncios illos, et alia via emis- 26 sisset? Nam sicut corpus absque spiritu mortuum est, ita et fides illa *quæ est* absque operibus mortua est.

3 NE estote multi doctores, fratres mei, quum sciatis fore, ut gravius iudicium auferamus. In 2 multis enim impingimus omnes.

Siquis in sermone non impingit, hic perfectus est vir, ut qui possit freno moderari totum 3 etiam corpus. Ecce, equis frena in ora immitimus, ut pareant nobis, et totum corpus eorum 4 circumagimus. Ecce, naves quoque, quum tantæ sint, et a ventis sævis agitentur, circum- aguntur a minimo gubernaculo, quocunque im- 5 pulsus rectoris voluerit: ita et lingua pusillum membrum est, et sese effert magnifice. Ecce, 6 exiguus ignis quantam materiam incendit! Et lingua flamma *est*, et mundus injustitiæ: ita, *inquam*, lingua constituta est inter membra nostra, maculans totum corpus, inflammans rotam genituræ nostræ, et inflammata a gehenna.

7 Omnis enim natura et ferarum et volucrum, serpentiumque et marinorum, domatur et domita 8 est a natura humana: linguam autem nullus hominum domare potest; malum *est* quod coercere non possis: plena *est* veneno mortifero. 9 Per ipsam benedicimus Deo et Patri, et per ipsam exsecramur homines ad similitudinem Dei 10 factos. Ex eodem ore procedit benedictio et

maledictio. Non oportet, fratres mei, hæc ita fieri. Num fons ex eodem foramine fundit dulcem et amaram *aquam*? Num potest, fratres mei, ficus oleas edere, aut vitis ficus? ita fons salsam et dulcem *aquam* edere?

Quis sapiens et scientia præditus *est* inter vos? Demonstret ex bona conversatione opera sua cum lenitate sapientiæ. Quod si invidiam amaram habetis, et irritationem in corde vestro, ne gloriamini, et ne mendaces estote adversus veritatem. Non est *enim* ista sapientia superne descendens, sed terrestris, animalis, dæmoniaca. Ubi enim invidia est et rixa, ibi inquieta vita et omne opus pravum. Quæ autem superne *est* sapientia, primum quidem pura est, deinde pacifica, æqua, obsequens, plena misericordiæ et fructuum bonorum, absque disceptatione, minime simulata. Fructus autem justitiæ seritur cum pace iis qui dant operam paci.

UNDE bella et pugnæ inter vos? Nonne hinc, *nimirum* ex voluptatibus vestris, quæ militant in membris vestris? Concupiscitis, et non habetis: invidetis et ardentè affectatis, nec potestis adipisci: pugnat et bellatis, nec obtinetis, propterea quod non petitis. Petit, et non accipit, eo quod male petat, ut in voluptates vestras insumat.

Adulteri et adulteræ, nescitis amicitiam mundi inimicitiam esse adversus Deum? Quicumque ergo voluerit amicus esse mundi, inimicus Dei constituitur. An putatis scripturam inaniter dicere, Ad invidiam fertur spiritus qui sedem posuit in nobis? Sed majorem offert gratiam, quia dicit, Deus superbis obsistit, submissis autem dat gratiam.

Subjicite igitur vos Deo; obsistite diabolo, et

- 8 fugiet a vobis. Appropinquate Deo, et appropinquabit vobis: emundate manus, *vos* peccatores, et purificate corda, *vos* duplices animo.
- 9 Sensus ærumnæ tangimini, et lugete, et flete: risus vester in luctum convertatur, et gaudium in
- 10 mœrorem. Submittite vos in conspectu Domini, et extollet vos.
- 11 Ne alii aliis obloquimini, fratres: qui obloquitur fratri, quique damnat fratrem suum, obloquitur legi, et damnat legem: quod si damnas legem, non es observator legis, sed iudex.
- 12 Unus est legislator qui potest servare et perdere: tu quis es, qui damnas alium?
- 13 AGE nunc qui dicitis, Hodie vel cras proficiscemur in illam urbem, et agemus ibi annum
- 14 unum, et mercabimur, et lucrabimur. Qui ignoratis quid *futurum sit* postridie: quæ est enim vita vestra? vapor enim est ad exiguum *tempus*
- 15 apparens, et deinde disparens. Pro eo quod dicere debuistis, Si Dominus voluerit, et vivamus, faciemus hoc aut illud. Nunc autem gloriamini in jactantiis vestris: omnis ejusmodi gloriatio mala est. Igitur qui noverit recte facere, nec facit, is peccato tenetur.
- 5 Age nunc, divites, flete, ejulantes super
- 2 ærumnis vestris superventuris. Divitiæ vestræ putrefactæ sunt, vestimenta vestra sunt a tineis
- 3 vorata: aurum et argentum vestrum ærugine vitiatum est, et ærugo eorum testabitur adversum vos, et exedet carnes vestras velut ignis:
- 4 thesaurum recondidistis in ultimos dies. Ecce, merces operariorum, qui messuerunt regiones vestras, qua illos fraudastis, clamat: et vociferationes eorum qui messuerunt, in aures Domini Sabaoth introierunt. In deliciis vixistis
- 5 super terram, et lascivistis: enutristis corda

- 6 vestra, ut in die epuli. Condemnastis, occidistis
justum: non obsistit vobis.
- 7 PATIENTE igitur animo estote, fratres, usque
ad Domini adventum. Ecce, agricola exspectat pre-
tiosum fructum terræ, patiente animo eum exspe-
ctans, dum accipiat pluviam matutinam et sero-
8 tinam. Patientes estote et vos, *et* stabilite corda
vestra, quoniam adventus Domini appropinquat.
- 9 Ne suspirate alius adversus alium, fratres, ut ne
condemnemini; ecce, iudex ante fores adstat.
- 10 Sumite, fratres mei, pro exemplari vexationis
ac lenitatis, prophetas qui locuti sunt in nomine
11 Domini. Ecce, beatos prædicamus eos qui
tolerantes sunt: tolerantiam Job audistis, et
finem Domini vidistis: nam abundat intima mi-
sericordia Dominus et est miserator.
- 12 Ante omnia vero, fratres mei, ne jurate, ne-
que per cælum, neque per terram, neque ullum
jusjurandum; sit autem vestrum Est, est, et Non,
non: ne in condemnationem incidatis.
- 13 Æger est animo quispiam inter vos? oret.
- 14 Æquo animo est aliquis? psallat. Ægrotat
aliquis inter vos? Advocato presbyteros ec-
clesiæ, et precentur pro eo, ungentes eum oleo
15 in nomine Domini: et preces fidei servabunt
laborantem, erigetque eum Dominus: quod si
peccata commiserit, remittentur ei.
- 16 Confitemi alii aliis offensas, et precamini alii
pro aliis, ut sanemini: multum *enim* valet de-
17 precatio justi efficax. Elias homo erat iisdem
quibus nos affectibus obnoxius, et ardentissime
oravit ne plueret; et non pluit super terram annos
18 tres et sex menses: et rursum oravit, et cœ-
lum dedit pluviam, et terra produxit fructum
suum.
- 19 Fratres, siquis inter vos aberravit a veritate,

20 et converterit eum quispiam, sciat eum, qui averterit peccatorem ab errore viæ suæ, servaturum animam a morte, et operturum multitudinem peccatorum.

PETRI APOSTOLI EPISTOLA CATHOLICA PRIMA.

1 PETRUS, apostolus Jesu Christi, advenis
dispersionis per Pontum, Galatiam, Cappado-
2 ciam, Asiam, et Bithyniam, electis ex præcognitione Dei Patris ad sanctificationem Spiritus, per obedi-
entiam et aspersionem sanguinis Jesu Christi: gratia vobis et pax multiplicetur.

3 BENEDICTUS *esto* Deus et Pater Domini nostri Jesu Christi, qui ex multa sua misericordia regenuit nos in spem vivam per resur-
4 rectionem Jesu Christi ex mortuis, *id est*, ad hæreditatem quæ nec corrumpi potest, nec contaminari, nec marcescere, vobis in cœlis asser-
5 vatam, qui patientiæ Dei præsidio custodimini per fidem, ad salutem paratam revelari præsti-
6 tuto tempore ultimo. Qua in re exsultatis, paululum nunc (si oportet) in variis explorationibus
7 tristitia affecti: ut experimentum fidei vestræ multo pretiosius *experimento* auri, quod perit, et tamen per ignem exploratur, inveniatur *vobis esse* laudi, et honori, et gloriæ, quum Jesus Christus
8 revelabitur. Quem quum non videritis, diligitis: in quem, nunc *eum* non videntes, tamen credentes, exsultatis gaudio ineffabili et glorioso:
9 reportantes mercedem fidei vestræ, salutem animarum. De qua salute exquisierunt, et *quam*
10 scrutati sunt prophetæ, qui de *ventura* in vos

- 11 gratia prophetarunt: scrutantes in quod aut quale tempus prænuncius ille qui in ipsis *erat* spiritus Christi, declararet *eventuras* Christo perpassiones, et gloriam illas consecuturam.
- 12 Quibus revelatum fuit, eos non sibi, sed nobis ea administrare quæ nunc annunciata sunt vobis per eos qui vobis evangelizarunt per emissum e cœlo Spiritum Sanctum, in quæ cupiunt angeli intropicere.
- 13 QUAPROPTER succincti lumbis mentis vestræ, et vigilantes, ad finem usque sperate in eam quæ vobis defertur gratiam, quum revelabitur
- 14 Jesus Christus. Ut filii obedientes, qui vos non configuretis pristinis, quæ in ignorantia vestra
- 15 *viguerunt*, cupiditatibus: sed sicut is qui vos vocavit sanctus est, ipsi quoque sancti in omni
- 16 conversatione reddamini. Propterea quod scriptum est, Sancti estote, nam ego sanctus sum.
- 17 Et, si patrem cognominatis eum, qui citra personarum respectum judicat ex cujusque opere, cum timore versamini commorationis vestræ
- 18 tempore: ut qui sciatis vos non corruptibilibus *rebus*, argento vel auro, fuisse redemptos ex vana illa vestra conversatione, a patribus tra-
- 19 dita: sed pretioso sanguine, utpote agni incul-
- 20 pati et incontaminati, *nempe* Christi: præcogniti quidem ante jacta mundi fundamenta, conspicui
- 21 vero facti ultimis temporibus propter vos; per eum credentes in Deum, qui suscitavit eum ex mortuis, et gloriam ei dedit, ut fides ac spes vestra in Deo sit.
- 22 Qui *igitur* animas vestras purificastis, auscultando veritati per spiritum, ad amorem fraternum minime simulatum, ex puro corde alii alios
- 23 diligite intense: regeniti non ex semine corruptibili, sed incorruptibili, *id est*, per sermonem

24 Dei vivi, et manentis in æternum. Nam omnis
caro *est* ut gramen, et omnis gloria hominis ut
flos graminis: exaruit gramen, et flos ejus deci-
25 dit: sed verbum Domini manet in æternum: hoc
autem est verbum illud quod evangelizatum est
vobis.

2 Proinde deposita omni malitia, et omni dolo,
et simulationibus, et invidentiis, et omnibus ob-
2 trectionibus, ut modo geniti-infantes, lac illud
sermonis sincerum expetite, ut per illud auge-
3 scatis: si quidem gustastis quod bonus sit Domi-
4 nus: ad quem accedentes, qui est lapis vivus,
ab hominibus quidem reprobatus, apud Deum
5 vero electus ac pretiosus; ipsi quoque, veluti
vivi lapides ædificati, fiat is domus spiritualis,
sacerdotium sanctum, ad offerendum spirituales
hostias, acceptas Deo per Jesum Christum.

6 Quapropter etiam continetur in scriptura, Ecce,
statuo in Sion lapidem in imo angulo,
electum, pretiosum: in quem qui credit,
7 nequaquam pudefiet. Vobis igitur est ho-
nori, qui creditis: non obedientibus autem lapis
quem reprobaverunt ædificantes, hic factus est
caput anguli, et lapis ad quem impingitur, et
8 petra offendiculi; *nempe* iis qui impingunt non
parendo sermoni, immorigeri, ad quod etiam
9 constituti fuerant. Vos autem *estis* genus ele-
ctum, regale sacerdotium, gens sancta, populus
quem *sibi Deus* ut proprium vendicat; ut vir-
tutes prædicetis illius qui vos vocavit e tene-
10 bris in admirabilem suam lucem. Qui quondam
eratis non populus, nunc *estis* populus Dei: qui
non donati misericordia, nunc estis misericordia
donati.

11 DILECTI, precor ut tanquam inquilini et
advenæ, abstineatis a carnalibus cupiditatibus,

12 quæ militant adversus animam. Conversationem
vestram retinentes honestam inter gentes: ut pro
eo quod obtrectant vobis ut facinorosis, ex bo-
nis operibus *quæ* conspexerint, glorificent Deum
in die visitationis.

13 Proinde subjecti estote cuivis humanæ ordi-
14 nationi, propter Dominum: sive regi, ut super-
eminenti: sive præsidibus, ut qui per eum mit-
tantur tum ad ultionem facinorosorum, tum ad
15 laudem bene agentium: quoniam ita est volun-
tas Dei, ut bene agendo os obstruatis insipien-
16 tium hominum ignorantiae: ut liberi, ac non ve-
luti malitiæ velamen habentes libertatem, sed ut
17 servi Dei. Omnes honorate. Fraternitatem dili-
gite. Deum timete. Regem honorate.

18 Servi, subditi estote cum omni timore domi-
nis, non solum bonis et æquis, sed etiam pravis.
19 Hoc enim cedit gratiæ, siquis propter conscien-
20 tiam Dei suffert molestias, injuste afflictus. Quæ
enim est gloria, si peccantes et colaphis cæsi,
sufferatis? Sed si bene agentes, et *tamen* tole-
rantes estis, cedit hoc vobis gratiæ apud Deum:
21 nam ad hoc etiam vocati estis, quoniam et
Christus passus est pro nobis, relinquens nobis ex-
22 emplar, ut subsequamini vestigia ipsius; qui non
23 peccavit, nec inventus fuit dolus in ore ipsius; qui
conviciis affectus, non vicissim conviciabatur, quum
pateretur, non minabatur; sed committebat *cau-*
24 *sam suam* ei qui juste judicat: qui peccata nostra
ipsemet sursum tulit in corpore suo supra li-
gnum illud, ut peccatis mortui, justitiæ vivere-
25 mus: cujus vibicibus sanati estis. Nam eratis
velut oves errantes: sed nunc convertistis vos
ad pastorem et curatorem animarum vestrarum.

3 Similiter uxores sese subjiciant suis viris: ut
etiam siqui non obediunt sermoni, per uxorum

- 2 conversationem absque sermone lucrifiant, ubi
spectarint puram vestram conversationem cum
3 timore conjunctam. Quarum ornatus non sit ex-
ternus ille in nodis capillorum, et circumposito
4 auro vel palliorum amictu; sed occultus ille
cordis homo, *situs* in sinceritate lenis ac quieti
spiritus, qui est in conspectu Dei pretiosus.
5 Ita enim olim et sanctæ illæ mulieres quæ spe-
rabant in Deum, ornabant sese, subjectæ suis
6 viris: sicut Sara obedivit Abrahæ, dominum
eum vocans: cujus factæ estis filiæ, dum bene
agitis, nec timeatis ullam consternationem.
7 Viri similiter, cohabitent, ut scientes decet,
vasi muliebri, ut infirmiori, tribuentes honorem,
utpote quum una etiam hæredes *sitis* gratiæ
vitæ, ne interrumpantur orationes vestræ.
8 Denique omnes *estote* concordēs, mutuo mo-
lestiarum sensu affecti, fraterna præditi charitate,
9 ad intimam misericordiam proni, comes: non
reddentes malum pro malo, aut convicium pro
convicio, sed contra benedicentes; ut qui sciatis
vos ad hoc vocatos esse, ut benedictionem hæ-
10 reditario jure obtineatis. Qui enim vult vitam
diligere, et videre dies bonos, desistere faciat
linguam suam a malo, et labia sua ne loquan-
11 tur dolum: declinet a malo, et faciat quod bo-
12 num est: quærat pacem, et sectetur eam. Nam
oculi Domini *sunt intenti* in justos, et aures
ejus ad deprecationem eorum: vultus vero Do-
mini adversum eos qui faciunt mala.
13 Et quis est qui male accipiat vos si bonarum
14 rerum æmulatores fueritis? Sed et si *quid* pa-
timini propter justitiam, beati *tamen estis*: ce-
terum metu eorum ne metuite, neque turbamini:
15 sed sanctificate Dominum Deum in cordibus
vestris. *Estote* semper parati ad respondendum

cum lenitate et timore, cuivis petenti a vobis rationem ejus quæ in vobis est spei, conscientiam retinentes bonam. Ut pro eo quod oblo-
16 quuntur vobis tanquam nocentibus, pudefiant qui incessunt vestram illam in Christo bonam conversationem.

17 Melius enim *est* ut bene agentes, si ita velit Dei voluntas, *aliquid* patiamini, quam male
18 agentes: nam et Christus semel pro peccatis passus fuit, justus pro injustis; ut nos ad Deum adduceret, morte quidem affectus carne, vivifica-
19 tus autem spiritu: per quem etiam spiritibus qui
20 *sunt* in carcere prodiens prædicavit, qui olim non paruerunt *sermoni*, quum semel exspectabat ille Dei patiens animus in diebus Noe, quum construeretur arca, in qua paucæ (id est, octo) animæ
21 servatæ sunt in aqua. Cui rei nunc respondens exemplar baptismi nos quoque servat, (non quo carnis sordes abjiciuntur, sed stipulatio bonæ conscientiae apud Deum,) per resurrectionem
22 Jesu Christi, qui est ad dextram Dei, profectus in cœlum, subjectis ipsi angelis, et potestatibus, ac virtutibus.

4 Quum igitur Christus passus sit pro nobis carne, vos quoque eadem cogitatione armamini, *nempe* quod qui passus est in carne, destitit a
2 peccato; ut non amplius cupiditatibus hominum, sed voluntati Dei, quod in carne reliquum est
3 temporis, vivat. Sufficit enim nobis præteritum vitæ tempus, quod quæ libebat gentibus patra-
verimus, quum incessimus in lasciviis, cupidita-
4 bus, et nefariis simulacrorum cultibus. Quamobrem *illi*, non concurrentibus vobis ad eandem
luxus profusionem, peregrinari sibi videntur,
5 blasphemantes: qui reddituri sunt rationem ei

qui paratus est ad iudicandum vivos et mortuos.

6 Nam idcirco mortuis quoque prædicatum fuit evangelium, ut damnarentur quidem secundum homines, *id est*, carne; viverent autem secundum Deum, *id est*, spiritu.

7 OMNIUM autem finis imminet. Estote igitur

8 temperantes et vigilate ad orandum. Ante omnia vero charitatem alii in alios intensam habentes; nam charitas operit multitudinem peccatorum. Hospitales *estote* alii erga alios, absque

9 murmurationibus. Prout quisque accepit donum, *ita* alter alteri illud subministrantes, ut boni

10 dispensatores variæ Dei gratiæ. Siquis loquitur, *loquatur* ut eloquia Dei; siquis ministrat, *ministret* tanquam ex viribus quas suppeditat Deus: ut in omnibus glorificetur Deus per Jesum Christum, cui est gloria et robur in secula seculorum. Amen.

12 DILECTI, ne tanquam peregrini exploratione illa per ignem quæ fit in vobis ad vestri experimentum, percellimini, ut si peregrinum aliquid

13 vobis accideret: imo in eo quod consortes estis afflictionum Christi, gaudete, ut et, quum reve-

14 labitur gloria ipsius, gaudeatis exsultantes. Si maledictis afficimini in nomine Christi, beati *estis*; quoniam et ille gloriæ et ille Dei spiritus

super vos requiescit; *qui* quod ad illos quidem attinet, blasphematur; quod ad vos autem, glo-

15 rificatur. Non enim quispiam vestrum *aliquid* patiat ut homicida, aut fur, aut maleficus, aut

16 alieni appetens. Si vero ut Christianus, ne pu-

17 defiat, sed glorificet Deum in hac parte. Nam tempus illud opportunum *advenit* ut incipiat iudicium a domo Dei: quod si primum *incipit* a nobis, quis erit finis eorum qui non

18 obediunt evangelio Dei? Et, si justus vix

servatur, impius et peccator ubi comparebit?
19 Itaque etiam ii qui ex voluntate Dei *aliquid* patiuntur, deponant *apud eum* ut fidum conditorem suas ipsorum animas cum bene agendi studio.

5 PRESBYTEROS qui inter vos sunt, precor ego una presbyter, ac testis afflictionum Christi, atque idem gloriæ patefaciendæ consors, pascite Dei gregem qui penes vos est, illius inspectioni vacantes, non coacte, sed libenter: non turpiter
3 affectantes lucrum, sed prompto animo: neque ut dominantes cleris, sed ut qui sitis exemplaria gregis. Et quum conspicuus factus fuerit ille pastorum princeps, reportabitis amarantinam illam gloriæ coronam.

5 Similiter, juniores, subjecti estote senioribus: et omnes vicissim subjicimini. Submissione animi estote intus ornati; nam Deus superbis obsistit,
6 submissis autem dat gratiam. Submittite vos igitur robustæ manui Dei, ut vos tempore præstituto extollat; omni sollicitudine vestra in eum conjecta: nam illi cura est de vobis.

8 Sobrii estote, *et* vigilate; nam adversarius ille vester diabolus, ut leo rugiens, obambulat,
9 quærens quem absorbeat: cui obsistite firmi per fidem, ut qui noveritis easdem afflictiones a vestra quæ in mundo est fraternitate peragi.

10 Ceterum Deus omnis gratiæ *auctor*, qui vocavit vos ad æternam suam gloriam in Christo Jesu, paulisper *aliquid* passos, is, *inquam*, compingat vos, stabiliat, roboret, fundet. Ipsi
11 gloria et robur in secula seculorum. Amen.

12 PER Silvanum vobis fidum fratrem, paucis, ut puto, scripsi, adhortans *vos*, et testificans hanc
13 esse veram gratiam Dei, in qua statis. Salutat vos ea quæ est in Babylone vobiscum electa

14 *ecclesia*, et Marcus filius meus. Salutate alii alios charitatis osculo.

Pax vobis omnibus qui estis in Christo Jesu. Amen.

PETRI APOSTOLI EPISTOLA CATHOLICA SECUNDA.

- 1 SIMON Petrus, servus et apostolus Jesu Christi, æque pretiosam fidem nobiscum sortitis per justitiam Dei nostri et servatoris Jesu
2 Christi: gratia vobis et pax multiplicetur in
3 agnitione Dei et Jesu Domini nostri. Prout divina vis ipsius omnia nobis donavit quæ ad vitam et pietatem *pertinent*, per agnitionem il-
4 lius qui vocavit nos ad gloriam ac virtutem: ex eo quod maxima illa nobis ac pretiosa promissa donavit, ut per hæc efficeremini divinæ consortes naturæ, elapsi ex corruptione quæ est in mundo per cupiditatem.
- 5 Ad hoc ipsum vero *vos*, omni præterea collato studio, adjicite fidei vestræ virtutem, vir-
6 tuti vero notitiam, cognitioni vero continentiam, continentiae vero tolerantiam, tolerantiae vero
7 pietatem, pietati vero fraternum amorem, fra-
8 terno autem amoris charitatem. Hæc enim si vobis adsint, et abundant, non inertes vos nec infructuosos efficient in Domini nostri Jesu
9 Christi agnitione. Nam cui hæc non adsunt, is cæcus est, nihil procul cernens, oblitus sese a
10 veteribus peccatis suis fuisse purificatum. Quapropter, fratres, potius studete vocationem et electionem vestram firmam efficere: hæc enim
11 si feceritis, nunquam impingetis: ita enim ample

subministrabitur vobis introitus in æternum regnum Domini nostri et Servatoris Jesu Christi.

12 Quapropter non negligam vos de istis semper commonefacere, quamvis peritos et stabilis
13 tos in præsentē veritate. Justum autem duco, quamdiu sum in hoc tabernaculo, expergefacerē
14 vos per submonitionem: quum sciam cito futurum ut depoſam tabernaculum meum, sicut Dominus noster Jesus Christus declaravit mihi.
15 Sed et studebo subinde ut vos possitis post exitum meum facere horum mentionem.

16 Non enim arte compositas fabulas secuti, notam vobis fecimus Domini nostri Jesu Christi potentiam et adventum: sed ut qui oculis nostris aspeximus illius majestatem. Acceperat enim a Deo Patre honorem et gloriam, voce ad eum delata hujusmodi a magnifica illa gloria, Hic est Filius ille meus, dilectus ille, in
18 quo acquiesco. Et hanc vocem nos audivimus e cœlo delatam, quum essemus una cum eo in monte illo sancto.

19 Et habemus firmissimum illum sermonem propheticum; quem bene facitis quod attendatis, velut lucernam splendentem in obscuro loco, usquedum dies illucesceret, et lucifer exoriretur
20 in cordibus vestris: si illud primum noveritis, nullam prophetiam scripturæ esse propriæ explicationis. Non enim libitu hominis allata est olim prophetia, sed acti a Spiritu Sancto locuti sunt sancti Dei homines.

2 FUERUNT autem etiam pseudoprophetæ in populo, ut etiam inter vos erunt falsi doctores, qui subintroducunt hæreses exitiales, etiam Dominum qui illos mercatus est abnegantes, accersentes
2 sibi-ipsis celerem perniciem. Et multi sequuntur eorum exitia, per quos via veritatis blasphema-

- 3 bitur. Et per avaritiam fictis sermonibus vos
negotiabuntur, quibus damnatio jam olim non
otiat, et quorum exitium non dormitat.
- 4 Nam si Deus angelis qui peccaverunt non pe-
percit, sed in tartarum detrusos, catenis caligi-
5 nis tradidit, damnationi asservatos: et prisco
mundo non pepercit, sed octavum Noe, justitiæ
præconem, custodivit, diluvio in mundum impi-
6 orum inducto; et civitates Sodomorum ac Go-
morrhæ in cinerem redactas subversione damna-
vit, constituitque ut essent exemplar impie victuris:
7 et justum Lot lasciva nefariorum conversatione
8 fatigatum eruit: (justus enim ille, quum habi-
taret inter eos, indies animam justam sceleratis
illorum factis, et videndo et audiendo excru-
9 ciabat:) novit Dominus pios e tentatione eripere,
injustos autem in diem judicii pœnas dantes
10 asservare. Maxime vero eos qui carnem sequen-
tes, in cupiditate pollutionis incedunt, et domi-
natum contemnunt, *qui, inquam, ut sunt* auda-
ces, et sibi placentes, non horrent dignitates
11 probris incessere. Quum ipsi angeli, qui sunt
robore ac potentia majores, non ferant adver-
sus eas apud Dominum maledictionis judicium.
- 12 At isti, veluti animantia rationis expertia, quæ
naturali impetu feruntur, facta ad eum finem ut
capta intereant, ea vituperantes quæ ignorant,
13 sua ipsorum corruptela interibunt: reportaturi
mercedem injustitiæ, ut qui voluptatem diurnum
luxum ducant, labes ac maculæ, seductionibus
suis sese oblectantes, dum vobiscum epulantur,
14 oculos habentes plenos adulterii, et qui a pec-
cando cessare nesciant, inescantes animas insta-
biles, cor habentes ad avaritiam exercitatum, ex-
15 secrandi homines: qui derelicta recta via aber-
rarunt, secuti viam Balaam *fili*i Bosor, qui mer-

16 cedem injustitiæ amavit. Sed redargutionem
suæ transgressionis habuit: *nam* subjugis asina
muta, humana voce locuta, inhibuit prophetæ
dementiam.

17 Isti sunt fontes aqua carentes, nebulæ a tur-
bine agitatae, quibus caligo tenebrarum in æter-
18 num servata est. Nam summæ vanitatis plena
loquendo, inescant per carnis cupiditates et lascivias
alios, qui vere effugerant eos qui in errore ver-
19 santur: libertatem eis pollicendo, quum ipsi servi
sint corruptelæ; siquidem a quo quis superatus
20 est, huic etiam est mancipatus. Nam si post-
quam pollutiones mundi per agnitionem Domini
et Servatoris Jesu Christi effugerint, his rursum
implicati superentur, facta est ultima eorum
21 conditio deterior priore. Melius enim fuisset
eis non cognovisse viam justitiæ, quam, cognita
illa, regredi a sancto præcepto sibi tradito.
22 Sed accidit eis quod vero proverbio dici solet,
Canis reversus est ad suum ipsius vomitum, et,
Sus lota, ad volutabrum cœni.

3 HASCE jam alteras vobis literas scribo, di-
lecti, quibus sinceram mentem vestram per sub-
2 monitionem expergefacio: ut memores sitis ver-
borum, quæ prædicta sunt a sanctis prophetis,
et præcepti illius *dati* nobis apostolis Domini
3 et Servatoris; illud primum scientes, venturos
extremis diebus irrisores, in suis ipsorum cupi-
4 ditatibus incedentes, et dicentes, Ubi est polli-
citatio adventus ejus? nam ex quo *die* patres
obdormierunt, omnia ita permanent ab initio
5 creationis. Illud enim volentes ipsos fugit, cœ-
los jam olim exstitisse per Dei sermonem,
et terram ex aqua et in aqua consistentem,
6 Per quæ is qui tum erat mundus, aqua
7 inundatus periit. Qui vero nunc *sunt* cœli ac

terra, eodem sermone reconditi, asservantur igni in diem damnationis et exitii impiorum hominum.

8 Unum autem hoc ne vos fugiat, dilecti, unum
diem apud Dominum *perinde esse* ut mille an-
9 nos, et mille annos ut diem unum. Non tardat
Dominus promissionem (ut nonnulli tarditatem
hanc esse ducunt), sed patiente est in nos ani-
mo, nolens ullos perire, sed omnes ad resipi-
10 scentiam tendere. Veniet autem dies ille Do-
mini sicut fur *venit* noctu, quo *die* cœli cum
stridore præteribunt, elementa vero æstuantia
solventur, terraque et quæ in ea sunt opera
exurentur.

11 Quum igitur hæc omnia dissolvenda sint,
quales oportet esse vos in sanctis conversa-
12 tionibus et pietatis officiis; exspectantes et pro-
perantes *ad* adventum diei Dei, in quo cœli
conflagrantes solventur, et elementa æstuantia
13 liquescent? Sed cœlos novos ac terram novam
secundum promissum ejus exspectamus, in qui-
bus justitia inhabitat.

14 Quapropter, dilecti, quum hæc exspectetis,
studete ut incontaminati et inculpabiles ab eo
15 inveniamini cum pace: Dominique nostri patien-
tem animum salutem ducite, sicut et charus
frater noster Paulus pro sibi data sapientia
16 scripsit vobis: ut in omnibus fere epistolis, lo-
quens de istis, in quibus sunt nonnulla difficilia
intellectu, quæ indocti parumque stabiles detor-
quent, ut et reliquas scripturas, suo ipsorum
exitio.

17 Vos igitur, dilecti, *istorum* præscii quum
sitis, cavete ne, illorum nefariorum errore
cum illis abducti, excidatis a propria stabili-

18 tate. Sed crescite in gratia et notitia Domini nostri et Servatoris Jesu Christi: cui gloria et nunc et ad tempus sempiternum. Amen.

JOANNIS APOSTOLI EPISTOLA
CATHOLICA PRIMA.

- 1 QUOD erat a principio, quod audivimus, quod
vidimus oculis nostris, quod spectavimus, et
manus nostræ contrectarunt de sermone illo vi-
2 tæ: (nam vita illa conspicua facta est: et illam
vidimus, et testamur, et annunciamus vobis vi-
tam illam æternam, quæ erat apud Patrem, et
3 conspicua facta est nobis;) quod, *inquam*, vidi-
mus et audivimus, id renunciamus vobis, ut et
vos communionem habeatis nobiscum; et com-
munio nostra *sit* cum Patre et cum Filio ejus
4 Jesu Christo. Et hæc scribimus vobis, ut gau-
dium vestrum sit plenum.
- 5 Hic est igitur nuncius ille, quem audivimus
ex ipso, et renunciamus vobis, Deum lucem esse,
6 nec tenebras in eo esse ullas. Si dixerimus nos
communionem habere cum eo, et in tenebris
7 ambulamus, mentimur, nec sincere agimus. Quod
si in luce ambulamus, sicut ipse est in luce, com-
munionem habemus cum eo mutuam, et sanguis
Jesu Christi Filii ejus purificat nos ab omni peccato.
- 8 Si dixerimus nos peccatum non habere, nos-
9 ipsos fallimus, et veritas in nobis non est. Si
confiteamur peccata nostra, fidelis est et justus,
ut remittat nobis peccata, et mundet nos ab
10 omni injustitia. Si dixerimus nos non peccasse,
mendacem facimus eum, et sermo ejus non est
in nobis.

- 2 Filioli mei, hæc scribo vobis, ut ne peccetis.
Quod si quis peccarit, advocatum apud Patrem
2 habemus, Jesum Christum justum: et ipse est
propitiatio pro peccatis nostris; nec pro nostris
solum, sed etiam pro totius mundi *peccatis*.
- 3 Et per hoc scimus quod ipsum novimus, si
4 præcepta ipsius observemus. Qui dicit, Novi
eum, et præcepta ejus non observat, mendax
5 est, et in eo veritas non est: qui autem observat
sermonem ejus, vere in hoc charitas Dei ad-
impleta est: per hoc simus nos in ipso esse.
- 6 Qui dicit se in eo habitare, debet, sicut ille
ambulavit, ita et ipse ambulare.
- 7 Fratres, non novum præceptum scribo vobis,
sed præceptum vetus, quod *videlicet* habuistis
jam inde a principio. Vetus hoc præceptum,
sermo ille est quem audivistis *jam inde* a prin-
8 cipio. E contrario præceptum novum scribo vo-
bis, id quod verum est in ipso, et in vobis; quia
tenebræ prætereunt, et vera illa lux jam lucet.
- 9 Qui dicit se in luce esse, et fratrem suum odit,
10 in tenebris est usque adhuc. Qui diligit fra-
trem suum, in luce manet, et offendiculum in eo
11 non est. Qui autem odit fratrem suum, in te-
nebris est, et in tenebris ambulat, et nescit
quo eat, quia tenebræ oculos ipsius obcæcarunt.
- 12 Scribo vobis, filioli, quoniam remissa sunt vo-
13 bis peccata propter nomen ejus. Scribo vobis,
patres, quoniam nostis eum qui a principio est.
Scribo vobis, adolescentes, quoniam malignum
14 illum vicistis. Scribo vobis, pueruli, quoniam
nostis Patrem. Scripsi vobis, patres, quoniam
nostis eum qui *est* a principio. Scripsi vobis, adole-
scentes, quia fortes estis, et verbum Dei habi-
tat in vobis, et illum malum vicistis.
- 15 Ne diligite mundum, neque ea quæ in mundo

- 16 sunt. Siquis diligit mundum, non est charitas Patris in eo. Quoniam quicquid est in mundo, cupiditas carnis, et libido oculorum, et fastus vitæ, non est ex Patre, sed ex mundo est.
- 17 Porro mundus præterit, et cupiditas ipsius; qui vero præstat voluntatem Dei, manet in æternum.
- 18 Pueruli, ultimum tempus adest; et sicut audivistis antichristum venturum, etiam nunc antichristi multi cœperunt esse; unde scimus ultimum tempus adesse. E nobis egressi sunt, sed non erant ex nobis: nam si fuissent ex nobis, mansissent utique nobiscum: sed *egressi sunt ex nobis*, ut manifestum fieret non omnes esse ex nobis.
- 20 At vos unctionem habetis a Sancto illo *pro-*
- 21 *fectam*, et nostis omnia. Non scripsi vobis *idcirco*, quod veritatem nesciatis, sed quoniam eam scitis, et nullum mendacium esse ex veritate. Quis est mendax, nisi qui negat Jesum esse Christum illum? et hic est antichristus, qui
- 23 negat Patrem et Filium. Quisquis negat Filium, nec Patrem habet: qui profitetur Filium, etiam Patrem habet.
- 24 Quod igitur audivistis a principio, in vobis maneat: si in vobis manserit quod audivistis a principio, vos quoque in Filio et Patre manebitis. Hæc autem illa est promissio quam ipse pollicitus est nobis, *nempe* vita illa æterna.
- 26 Hæc scripsi vobis de iis qui seducunt vos.
- 27 Sed unctio quam vos accepistis ab eo, manet in vobis; nec necesse habetis a quoquam doceri vos: verum sicut eadem unctio docet vos de omnibus, *quæ* et verax est, et non mendax: et
- 28 sicut docuit vos, manebitis in eo. Nunc igitur, filioli, manete in eo; ut quum conspicuus factus fu-

29 erit, habeamus fiduciam, neque pudeamus coram eo in ipsius adventu. Si scitis eum justum esse, notis, quicumque exercet justitiam ex ipso natum esse.

3 Videte qualem charitatem dedit nobis Pater, *nempe* ut filii Dei vocemur: propterea mundus
2 non novit nos, quia non novit eum. Dilecti, nunc filii Dei sumus; sed nondum manifestum factum est quod erimus: scimus autem fore, ut quum *ipse* manifestus factus fuerit, similes ei
3 simus, quoniam videbimus eum sicuti est. Et quisquis habet hanc spem in eo *sitam*, purum se conservat, sicut et ille purus est.

4 Quisquis dat operam peccato, etiam legem transgreditur: nam peccatum est quod fit contra legem. Et scitis illum patefactum esse ut
5 peccata nostra tolleret, et peccatum in eo non
6 esse. Quisquis in eo manet, non peccat: quisquis peccat, non vidit eum, neque novit eum.
7 Filioli, nemo vos seducat: qui exercet justitiam,
8 justus est, sicut ille justus est. Qui dat operam peccato, ex diabolo est; quoniam a principio diabolus peccat. Ad hoc conspicuus factus est
9 Filius Dei, ut dissolvat opera diaboli. Quisquis natus est ex Deo, peccato non dat operam: quoniam semen ipsius in eo manet: nec potest
10 peccare, eo quod ex Deo natus est. Per hoc manifesti sunt filii Dei, et filii diaboli: quisquis non dat operam justitiæ, non est ex Deo, et qui non diligit fratrem suum.

11 Quoniam hæc est denunciatio quam audivistis
12 a principio, ut diligamus alii alios. Non sicut Cain, *qui* ex illo maligno erat, et mactavit fratrem suum. Cujus autem rei gratia occidit eum? Quia opera ejus mala erant, fratris autem ejus
13 justa. Ne miramini, fratres mei, si odit vos
14 mundus. Nos scimus nos translatos esse ex

- morte ad vitam, quia diligimus fratres: qui non
15 diligit fratrem, manet in morte. Quisquis odit
fratrem suum, homicida est: et nostis nullum ho-
micidam habere vitam æternam in se manentem.
- 16 Per hoc novimus charitatem Dei, quod ille
animam suam pro nobis deposuit: nos igitur
17 debemus pro fratribus animas ponere. Qui vero
habuerit mundanum victum, et viderit fratrem
suum cui aliquo sit opus, et clauserit viscera
sua coram eo, quomodo charitas Dei manet
18 in eo? Filioli mei, ne diligamus verbo, neque
19 lingua *solum*, sed facto et veritate. Et per
hoc cognoscimus nos ex veritate esse, et coram
20 ipso segura reddemus corda nostra. Nam si
nos condemnet cor nostrum, nempe potentior
21 est Deus corde nostro, et novit omnia. Dile-
cti, si cor nostrum nos non condemnet, liber-
tatem *loquendi* habemus apud Deum. Et quic-
22 quid petierimus, accipimus ab eo, quoniam
præcepta ejus observamus, et quæ in ipsius
23 conspectu placent facimus. Hoc est igitur ejus
præceptum, ut credamus nomini Filii ejus Jesu
Christi, et diligamus alii alios, sicut præcepit
24 nobis. Nam qui observat ejus præcepta, in eo
habitat, et ipse in eo: et per hoc novimus eum ha-
bitare in nobis, *nempe* ex spiritu quem nobis dedit.
- 4 DILECTI, ne cuivis spiritui credite, sed probate
spiritus, an ex Deo sint; nam multi pseudopro-
2 phetæ venerunt in mundum. Ex hoc cognoscite
Dei spiritum: quicumque spiritus profitetur Je-
sum Christum in carnem venisse, ex Deo est:
3 at quicumque spiritus non profitetur Jesum Chri-
stum in carnem venisse, ex Deo non est: sed
hic est ille *spiritus* antichristi, quem audistis
venturum fuisse, et *qui* jam nunc in mundo est.
- 4 Vos ex Deo estis, filioli, et vicistis eos: quo-

niam major est qui est in vobis, quam qui in
5 mundo est. Ipsi e mundo sunt; ideo mundana
6 loquuntur, et mundus eos audit. Nos ex Deo
sumus: qui novit Deum, audit nos: qui non est
ex Deo, non audit nos. Ex hoc cognoscimus
spiritum veritatis et spiritum erroris.

7 DILECTI, diligamus alii alios: nam charitas ex
Deo est: quisquis diligit, ex Deo natus est, et
8 novit Deum. Qui non diligit, non novit Deum:
9 nam Deus est charitas. Per hoc manifesta facta
est charitas Dei in nos, quod Filium illum su-
um unigenitum misit Deus in mundum, ut viva-
10 mus per eum. In hoc est charitas, non quod
nos dilexerimus Deum, sed quod ipse dilexerit
nos, et miserit Filium suum ut esset propitiatio
11 pro peccatis nostris. Dilecti, si Deus nos ita
dilexit, debemus et nos alii alios diligere.
12 Deum nemo conspexit unquam. Si diligamus
alii alios, Deus in nobis habitat, et charitas ejus
13 adimpleta est in nobis. Per hoc cognoscimus
nos in eo habitare, et ipsum in nobis, quod de
spiritu suo dedit nobis.

14 Nos vero spectavimus et testamur Patrem
15 misisse Filium, qui esset Servator mundi. Quis-
quis professus fuerit Jesum esse Filium Dei,
16 Deus in eo habitat, et ipse in Deo. Et nos
cognovimus et credidimus charitatem quam ha-
bet Deus erga nos. Deus charitas est: et qui
manet in charitate, in Deo manet, et Deus in
17 eo. Per hoc adimpletur charitas nobiscum, ut
fiduciam habeamus in die judicii; quod qualis ille
18 est, *tales* et nos sumus in hoc mundo. Metus non
est in charitate: sed integra charitas foras ejicit
metum; quoniam metus cruciatum habet. Qui
19 autem metuit, non est consummatus charitate. Nos
diligimus eum, quoniam ipse prior dilexit nos.

20 Siquis dixerit, Diligo Deum, et fratrem suum
oderit, mendax est. Qui enim non diligit fra-
trem suum quem vidit, Deum, quem non vidit,
21 quomodo potest diligere? Et hoc præceptum
habemus ab eo, ut qui diligit Deum, diligit
etiam et fratrem suum.

5 Quisquis credit Jesum esse Christum illum,
ex Deo genitus est: et quisquis diligit eum qui
genuit, diligit etiam eum qui ex eo genitus est.

2 Per hoc cognoscimus nos diligere filios Dei,
quum Deum diligimus et præcepta ejus obser-
3 vamus. Hæc est enim charitas Dei, ut præce-
pta ejus observemus: et præcepta ejus gravia
4 non sunt. Quoniam quicquid natum est ex Deo,
vincit mundum: et hæc est victoria quæ vicit mun-
5 dum, *nempe* fides nostra. Quis est qui vincit mun-
dum, nisi qui credit Jesum esse Filium Dei?

6 Hic ille est qui venit per aquam et sangui-
nem, *nempe* Jesus Christus; non per aquam
solum, sed per aquam et sanguinem: et spiritus
is est qui testificatur spiritum veritatem esse.

7 Nam tres sunt qui testificantur in cœlo, Pater,
Sermo, et Spiritus Sanctus: et hi tres unum sunt.

8 Et tres sunt qui testificantur in terra, spiritus, et
aqua, et sanguis: et hi tres in unum consen-

9 tiunt. Si testimonium hominum accipimus, testi-
monium Dei majus est: nam hoc est testimonium

10 Dei, quod testificatus est de Filio suo. Qui cre-
dit in Filium Dei, habet testimonium in seipso:
qui non credit Deo, mendacem eum fecit, quia
non credidit testimonio quod testificatus est Deus

11 de Filio suo. Est autem hoc testimonium, *nempe*
quod vitam æternam dedit nobis Deus; et hæc

12 vita in Filio ejus est. Qui habet Filium, habet
vitam: qui non habet Filium Dei, vitam non habet.

13 HÆC scripsi vobis qui creditis in nomen Filii

- Dei; ut sciatis vos vitam æternam habere, et ut
 14 credatis in nomen Filii Dei. Et hæc est fiducia
 quam apud Deum habemus, ipsum, siquid petierimus secundum voluntatem ejus, nos audire.
 15 Quod si scimus eum audire nos, quicquid petierimus, scimus nos habere petitiones quas ab eo petiimus.
- 16 Siquis viderit fratrem suum peccare peccato *quod non est* ad mortem, petet, et dabit ei vitam: peccantibus *dico non* ad mortem. Est peccatum ad mortem: non pro illo dico ut roget.
- 17 Omnis injustitia peccatum est: sed est peccatum *quod non est* ad mortem.
- 18 Scimus quod quisquis natus est ex Deo, non peccat: sed qui genitus est ex Deo, conservat
 19 seipsum, et malignus ille non attingit eum. Scimus nos ex Deo esse, et mundum totum in illo
 20 malo jacere. Sed scimus Filium Dei venisse, et dedisse nobis mentem, ut cognoscamus verum illum; et sumus in vero illo, *id est*, in ejus Filio Jesu Christo: hic est verus ille Deus, et vita illa æterna.
- 21 Filioli, cavete vobis ab idolis. Amen.

JOANNIS APOSTOLI EPISTOLA SECUNDA.

- 1 PRESBYTER electæ dominæ, et liberis ejus, quos ego vere diligo, nec ego solus, sed et omnes qui norunt veritatem; propter veritatem quæ habitat in nobis, et nobiscum erit in æternum.
- 3 Sit vobiscum gratia, misericordia, pax a Deo Patre et a Domino Jesu Christo, Filio Patris, cum veritate et charitate.
- 4 Gavisus sum valde, quod invenerim ex filiis

tuis qui sincere ambulent, sicut mandatum accepimus a Patre.

- 5 Et nunc rogo te, domina, non ut præceptum
novum scribens tibi, sed quod habuimus a prin-
6 cipio, ut diligamus alii alios. Hæc autem est
charitas, ut ambulemus secundum præcepta ipsius.
Hoc est præceptum illud, sicut audistis a prin-
7 cipio, ut in eo ambuletis. Nam multi impostores
ingressi sunt in mundum, qui non profitentur
Jesum Christum venisse in carne. Hic ille
8 est impostor et antichristus. Respicite vosipsos,
ne perdamus quæ egimus, sed ut mercedem plenam
recipiamus.

- 9 Quisquis transgreditur, nec permanet in doctrina
Christi, Deum non habet: qui permanet in doctrina
Christi, hic et Patrem et Filium habet.
10 Siquis venit ad vos, et hanc doctrinam non adfert,
ne recipite eum domum, nec Ave ei di-
11 cite. Qui enim dicit ei Ave, communicat operibus
ejus malis.

- 12 Quum multa haberem vobis scribenda, nolui
per chartam et atramentum; sed spero *me* venturum
ad vos, et præsentem præsentibus locuturum,
ut gaudium nostrum sit completum.

- 13 Salutant te filii sororis tuæ electæ. Amen.

JOANNIS APOSTOLI EPISTOLA TERTIA.

- 1 PRESBYTER Gaio dilecto, quem ego vere
diligō.

- 2 Dilecte, imprimis opto, ut prospere agas et va-
3 leas, sicut prospere agit anima tua. Gavisus sum
enim valde quum venirent fratres, et testifica-

rentur sinceritatem tuam, prout tu sincere ambul-
 4 las. Majus istis gaudium non habeo, quum *vide-*
licet audio filios meos sincere ambulare.

5 Dilecte, fideliter agis quicquid facis erga fra-
 6 tres, et erga peregrinos, qui testimonio suo com-
 mendarunt charitatem tuam in conspectu eccle-
 siæ; quos recte facies si persecutus fueris Deo
 7 convenienter. Nam pro nomine ejus excesserunt,
 8 ex gentibus nihil accipientes. Nos ergo debe-
 mus excipere hujusmodi, ut una operam impen-
 damus veritati.

9 Scripsi ecclesiæ: sed qui primatum inter eos
 10 ambit Diotrophes, non admittit nos. Propterea,
 si venero, memoriam renovabo ipsius facinorum
 quæ facit, sermonibus malis garriens in nos: qui-
 que etiam his non contentus, neque ipse ad-
 mittit fratres, et volentes *admittere* prohibet, et
 ex ecclesia ejicit.

11 Dilecte, ne imitare quod malum est, sed quod
 bonum est: qui bene agit, ex Deo est; qui au-
 12 tem male agit, non vidit Deum. Demetrio testi-
 monium redditum est ab omnibus, et ab ipsa
 veritate; sed et nos testimonium perhibemus: et
 nostis testimonium nostrum verum esse.

13 Multa possem scribere, sed nolo per atramen-
 14 tum et calamum tibi scribere. Spero autem fore
 15 ut statim te videam, et *tunc* coram loquemur. Pax
 tibi. Salutant te amici. Saluta amicos nominatim.

JUDÆ APOSTOLI

EPISTOLA CATHOLICA.

1 JUDAS, Jesu Christi servus, frater autem
 Jacobi, vocatis a Deo Patre sanctificatis, et Jesu

2 Christo asservatis: misericordia vobis, et pax, et charitas, multiplicetur.

3 DILECTI, quum omne studium adhibeam, ut scribam ad vos de communi salute, necesse habui vobis scribere, ad vos hortandos ut decertetis pro fide quæ semel tradita est sanctis.

4 Nam subrepserunt quidam homines, jam olim præscripti ad hanc damnationem, impii, qui Dei nostri gratiam transferunt ad lasciviam, et solum illum herum Deum ac Dominum nostrum Jesum Christum negant.

5 Volo autem vos *istorum* commonefacere, ut qui semel hoc sciatis, Dominum, quum populum ex Ægypto liberasset, rursus eos qui non cre-

6 diderant perdidisse. Et angelos qui non servarunt suam originem, sed reliquerunt suum domicilium, judicio magni illius diei vinculis æternis

7 sub caligine servasse. Sicut Sodoma et Gomorrha, et his finitimæ civitates simili modo atque illæ scortatæ, et carnem alteram sectatæ, propositæ sunt exemplo, ignis æterni pœnam

8 sustinentes. Similiter tamen et isti sopiti carnem quidem polluunt, dominatum vero asper-

9 nantur, et dignitates maledictis incessunt. At Michael archangelus ille, quum adversus diabolum altercans, disceptaret de corpore Mosis, non ausus est illi impingere notam maledicti,

10 sed dixit, Increpet te Dominus. At isti, quæcunque non noverunt, vituperant: quæcunque vero naturaliter, ut animantia rationis expertia,

11 sciunt, in iis sese corrumpunt. Væ ipsis! nam viam Cain ingressi sunt, et deceptione mercedis, qua deceptus fuit Balaam, effusi sunt, et contradictione Core perierunt.

12 Hi sunt in agapis vestris maculæ instar, dum

- vobiscum epulantur, secure seipsos pascentes, nubes aqua carentes, ventis circumactæ, arbores emarcidæ, infrugiferæ, bis emortuæ, eradicatæ; undæ maris efferatæ, despumantes sua ipsorum dedecora, stellæ erraticæ, quibus caligo tenebrarum in æternum servata est.
- 14 Prophetavit autem etiam de istis septimus ab Adamo Enochus, dicens, Ecce, venit Dominus
- 15 cum sanctis millibus suis, ut ferat iudicium adversus omnes, et redarguat quicumque ex ipsis sunt impii, de factis omnibus quæ impie patrarint, deque omnibus duris quæ locuti fuerint adversus ipsum peccatores impii.
- 16 Hi sunt murmuratores, queruli, in cupiditatibus suis incedentes: et quorum os loquitur prætumida, admirantes personas utilitatis gratia.
- 17 Vos autem, dilecti, memores estote verborum illorum quæ prædicta fuerunt ab apostolis Domini nostri Jesu Christi. *Quod *videlicet* dixerunt vobis, in extremo tempore futuros irrisores,
- 18 qui in impiis suis cupiditatibus incederent. Hi sunt qui seipsos segregant, animales, Spiritum non habentes.
- 20 Vos autem, dilecti, sanctissimæ vestræ fidei superstruentes vosipsos, per Spiritum Sanctum
- 21 orantes, vosipsos in charitate Dei conservate, expectantes misericordiam Domini nostri Jesu Christi in vitam æternam. Et alios quidem,
- 22 habito delectu, commiseramini: alios vero metu servate, ex flamma rapientes, odio habentes vel eam tunicam quæ a carnis contactu sit maculata.
- 24 CETERUM ei qui potest vos custodire a lapsu immunes, et statuere in conspectu gloriæ suæ inculpabiles cum exultatione, *id est*, soli sapi-

enti Deo Servatori nostro, gloria *esto* et magnificentia, robur et potestas, et nunc et in omnia secula. Amen.

JOANNIS THEOLOGI APOCALYPSIS.

- 1 APOCALYPSIS Jesu Christi, quam dedit ipsi Deus, ut indicaret servis suis quæ oporteat fieri cito: *is* vero missam per angelum suum
2 servo suo Joanni significavit: qui testificatus est sermonem Dei, et testimonium Jesu Christi, et
3 quæcunque vidit. Beatus qui legit, et *beati* qui audiunt verba prophetiæ hujus, et observant ea quæ in ea scripta sunt: præstitutum enim tempus illud prope est.
- 4 JOANNES septem ecclesiis quæ sunt in Asia: gratia *sit* vobis et pax a Qui est, et Qui erat, et Qui venturus est; et a septem spiritibus qui in
5 conspectu throni ejus sunt: et a Jesu Christo, *qui est* fidus ille testis, primogenitus ille ex mortuis, ac princeps regum terræ: qui dilexit nos, -et lavit nos a peccatis nostris per sanguinem suum; et *qui* fecit nos reges et sacerdotes Deo et Patri suo: ei *sit* gloria et robur in secula seculorum. Amen.
- 7 Ecce, venit cum nubibus, et videbit eum omnis oculus, etiam qui eum transfixerunt: et plangent coram eo omnes tribus terræ: etiam,
8 Amen. Ego sum *A* et *Ω*, *id est*, principium et finis, dicit Dominus, *id est*, Qui est, et Qui erat, et Qui venturus est, ille, *inquam*, omnipotens.
- 9 EGO Joannes, *qui* et frater vester sum, et

- socius in afflictione, et in regno, et patiente expectatione Jesu Christi, eram in insula quæ vocatur Patmos, propter sermonem Dei et testimonium Jesu Christi. Fui *autem* spiritu correptus die Dominico, et audiui a tergo vocem
- 10 magnam, tanquam tubæ, dicentis, Ego sum *A* et *Ω*, primus ille et ultimus: et, Quod cernis, scribe in libro, et mitte septem ecclesiis quæ sunt in Asia, Epheso, et Smyrnæ, et Pergamo, et Thyatiræ, et Sardibus, et Philadelphię, et Laodiceæ.
- 12 Converti me igitur ut viderem vocem quæ locuta erat mecum. Conversus autem vidi septem
- 13 candelabra aurea: et in medio septem candelabrorum aureorum *quendam* similem Filio hominis, indutum talari *veste*, et præcinctum ad mammillas zona aurea: caput autem ejus et capilli
- 14 *erant* candidi ut lana alba tanquam nix; et oculi ejus ut flamma ignis; pedes autem ejus similes chalcolibano, veluti in fornace ardentes, et vox illius tanquam vox aquarum multarum.
- 16 Habebat autem in dextra sua manu stellas septem: et ex ore ejus anceps romphæa acuta prodibat; et facies ejus *erat* qualis sol in suo vigore lucet.
- 17 Quum autem vidissem eum, cecidi ad pedes ejus veluti mortuus: tum imposuit mihi dextram suam manum, dicens mihi, Ne metue; ego sum
- 18 primus ille et ultimus ille, et qui vivo, sed fui mortuus; et ecce, vivo in secula seculorum, Amen: et habeo claves inferorum et mortis.
- 19 Scribe quæ vidisti, et quæ sunt, et quæ post-
- 20 hæc sunt futura. Mysterium septem illarum stellarum quas vidisti in dextra mea, et septem illa candelabra aurea. Septem illæ stellæ angeli sunt septem ecclesiarum: et can-

delabra illa septem quæ vidisti, septem ecclesiæ sunt.

2 ANGELO Ephesinæ ecclesiæ scribe, Hæc dicit qui tenet septem illas stellas in dextra sua, qui
2 ambulat inter septem illa candelabra aurea: Novi opera tua, et laborem tuum, et patientiam tuam, et quod non possis ferre malos: et exploraris eos qui se dictitant apostolos esse, et non sunt,
3 et comperisti eos *esse* mendaces; et onere pressus fuisti, et toleras: et propter nomen meum
4 laborasti, et non es defatigatus. Sed habeo *aliquid* adversum te, quod charitatem tuam primam omiseris. Memor esto itaque unde excideris, et resipisce, et priora opera facito: sin minus, veniam adversum te cito, et movebo candelabrum tuum a loco suo, nisi resipueris.
6 Sed hoc habes, quod odisti facta Nicolaitarum,
7 quæ et ego odi. Qui habet aurem, audiat quid Spiritus dicat ecclesiis: Victori dabo edere ex arbore illa vitæ quæ est in medio paradisi Dei.

8 ANGELO vero Smyrnæorum ecclesiæ scribe, Hæc dicit primus ille et ultimus ille, qui fuit
9 mortuus, et vivit: Novi opera tua, et afflictionem, et paupertatem, (sed dives es,) et blasphemiam eorum qui se dicunt Judæos esse, et non
10 sunt, sed synagoga Satanæ. Nihil eorum metue quæ passurus es: ecce, futurum est ut conjiciat diabolus aliquos ex vobis in carcerem, ut exploremini: et habebitis afflictionem dierum decem: esto fidelis usque ad mortem, et dabo
11 tibi coronam vitæ. Qui habet aurem, audiat quid Spiritus dicat ecclesiis. Qui vicerit, nequaquam lædetur a morte secunda.

12 ANGELO vero Pergamensis ecclesiæ scribe, Hæc dicit qui habet romphæam illam ancipitem,
13 acutam illam: Novi opera tua, et ubi habites,

- nempe* ubi thronus est Satanæ; et *quod* retineas nomen meum, neque negasti fidem meam, etiam iis diebus quibus Antipas martyr ille meus fidelis *vivebat*, qui trucidatus est apud vos, ubi Satanæ habitat. Sed habeo adversum te pauca, quod habeas istic qui teneant doctrinam Balaami, qui docebat Balacum obicere offendiculum coram filiis Israelis, ut ederent ex iis quæ simulacris erant immolata, et *ut* scortarentur.
- 14 Ita habes etiam tu qui teneant doctrinam Nicolaitarum, quod odi. Resipisce: sin minus, veniam adversum te cito, et pugnabo cum illis gladio illo oris mei. Qui habet aurem, audiat quid Spiritus dicat ecclesiis. Ei qui vicerit, tribuam ut edat ex manna illo occulto, et dabo illi calculem album, et in calculo nomen novum scriptum, quod nemo novit nisi qui accipit.
- 15 ANGELO vero Thyatirensis ecclesiæ scribe, Hæc dicit Filius Dei, qui habet oculos tanquam flammam ignis, et cujus pedes *sunt* similes chalcobano: Novi opera tua, et charitatem, et sub-
- 16 ministrationem, et fidem, et patientiam tuam, et opera tua, et ultima plura prioribus. Sed habeo adversum te pauca, quod permittis mulierem Jezabel, quæ se dicit prophetissam, docere et seducere servos meos, ut scortentur, et edant
- 17 ex iis quæ simulacris immolantur. Et dedi illi tempus, ut resipisceret a scortatione sua: sed non resipuit. Ecce, ego abjiciam eam in lectum, et eos qui adulterium committunt cum ea in afflictionem magnam, nisi resipuerint ab operibus suis. Et filios ejus occidam morte: et cognoscent omnes ecclesiæ me esse scrutatorem renum et cordium: et dabo unicuique vestrum
- 18 secundum opera vestra. Vobis autem dico, et reliquis Thyatirensibus, Quicumque non tenetis
- 19
- 20
- 21
- 22
- 23
- 24

doctrinam hanc, et qui non approbastis profunditates Satanæ, ut aiunt; non imponam vobis
25 aliud onus. Tamen id quod habetis retinete
26 quousque veniam. Nam si quis vicerit, et observaverit ad finem usque opera mea, dabo ei auctoritatem inter gentes: et reget eas virga ferrea, sicut vasa fictilia conteruntur, sicut et ego accepi
27 a Patre meo: et dabo ei stellam matutinam. ²⁹Qui
habet aurem, audiat quid Spiritus dicat ecclesiis.

3 ANGELO autem ecclesiæ quæ est Sardibus scribe, Hæc dicit qui habet septem illos spiritus Dei, et septem illas stellas. Novi opera tua, *nempe* quod dicaris vivere, sed mortuus es.
2 Esto vigilans, et stabili reliqua moribunda; non enim inveni opera tua plena in conspectu Dei.
3 Memento igitur quæ acceperis et audieris, et observa *illa*, et resipisce. Quod si non vigila-veris, veniam adversum te tanquam fur, neque
4 intelliges qua hora veniam adversum te. Habes *tamen* aliquot capita etiam Sardibus, quæ non inquinaverunt vestimenta sua, ideoque ambulabunt
5 mecum albat; digni enim sunt. Qui vicerit, amicietur vestimentis albis: neque unquam delebo nomen ejus ex libro vitæ, sed agnoscam nomen ejus in conspectu Patris mei, et in conspectu angelorum ejus. Qui habet aurem, audiat quid Spiritus dicat ecclesiis.

7 ANGELO vero Philadelphiensis ecclesiæ scribe, Hæc dicit Sanctus et Verax ille, qui habet clavem Davidis, qui aperit, et nemo claudit, et
8 claudit, et nemo aperit: Novi opera tua: ecce, proposui in tuo conspectu ostium apertum, nec quisquam potest illud claudere: quia nonnullam habes virtutem, et servasti sermonem meum, neque abnegasti nomen meum. Ecce, præbebo eos
9 qui sunt ex synagoga Satanæ, *id est*, eorum qui

- dicunt se Judæos esse, nec sunt, sed mentiuntur; ecce, *inquam*, faciam ut ipsi veniant et adorent ante pedes tuos, et sciant quod ego dilexi te:
- 10 quoniam servasti sermonem tolerantiae meae, ego quoque te servabo ex tempore explorationis, quod venturum est in orbem universum, ad explorandos incolas terrae. Ecce, venio cito; retine quod habes, ut nemo accipiat coronam
- 11 tuam. Qui vicerit, faciam ut is sit columna in templo Dei mei, nec foras egredietur amplius: et inscribam ei nomen Dei mei, et nomen civitatis Dei mei, *id est*, novae Hierosolymae, quae descendit e caelo a Deo meo, et nomen meum
- 12 novum. Qui habet aurem, audiat quid Spiritus dicat ecclesiis.
- 13 ANGELO vero Laodicensium ecclesiae scribe, Hæc dicit Amen, testis ille fidelis et verax,
- 14 principium opificii Dei: Novi opera tua, *nempe* te neque frigidum esse, neque fervidum: utinam
- 15 frigidus esses aut fervidus. Itaque, quoniam tepidus es, nec frigidus nec fervidus, futurum
- 16 est ut te evomam ex ore meo. Nam dicis, Dives sum, et ditatus sum, et nulla re mihi est opus. Neque nosti te esse ærumnosum, et miserabilem, et pauperem, et cæcum, et nudum.
- 17 Consilium do tibi, ut emas a me aurum igni exploratum, ut dives fias: et vestimenta alba, ut induaris, nec manifesta fiat pudenda nuditas tua; et collyrio inungas oculos tuos, ut videas.
- 18 Ego, quoscunque amo, arguo et castigo: ferve
- 19 igitur *mei* studio, et resipisce. Ecce, sto ad ostium, et pulso: siquis audierit vocem meam, et aperuerit ostium, ingrediar ad eum, et coenabo
- 20 cum eo, et ipse mecum. Qui vicerit, tribuam ei ut sedeat mecum in throno meo, ut et ego vici, et sedeo cum Patre meo in throno ejus.
- 21

22 Qui habet aurem, audiat quid Spiritus dicat ecclesiis.

4 POSTEA aspexi, et ecce, ostium *erat* apertum in cœlo: et vox prima, quam audiveram tanquam tubæ loquentis mecum, dicebat, Ascende huc, et ostendam tibi quæ oporteat fieri posthac.

2 Statim igitur fui correptus spiritu; et ecce, thronus positus erat in cœlo, et *quidam* throno
3 insidebat. Is autem qui sedebat, aspectu similis erat lapidi jaspidi et sardio; et in circuitu illius
4 throni *erat* iris aspectu similis smaragdo. Et in circuitu throni *erant* throni vigintiquatuor, et super eos thronos vidi vigintiquatuor seniores sedentes, amictos vestibibus albis, et habentes impositas capitibus suis coronas aureas. Prodebant autem ex illo throno fulgura, et tonitrua, et voces: et septem lampades igneæ ardentes ante thronum, quæ sunt septem illi spiritus Dei.
6 Erat etiam ante thronum mare vitreum simile crystallo: et inter thronum, et quæ thronum ambiebant, quatuor animalia plena oculis ante
7 et retro. Animal autem primum erat simile leoni, et secundum animal simile vitulo, et tertium animal habens faciem velut homo, et quartum
8 animal simile aquilæ volanti. Et quatuor animalia singula per se habebant alas senas in circuitu, et intus plena erant oculis, die ac nocte sine intermissione dicentia,

Sanctus, sanctus, sanctus, Dominus Deus ille omnipotens, Erat, et Est, et Venturus est.

9 Et quum tribuebant illa animalia gloriam, et honorem, et gratiarum actionem ei qui throno insidebat, illi, *inquam* viventi in secula seculorum, procidebant vigintiquatuor illi seniores in conspectu illius insidentis throno, et adorabant

illum viventem in secula seculorum, et abjiciebant coronas suas ante thronum, dicentes,

II Dignus es, Domine, quia accipias gloriam, et honorem, et virtutem: quia tu condidisti omnia, et per voluntatem tuam sunt, et creata sunt.

5 DEINDE vidi ad dextram ejus qui insidebat throno librum scriptum intus et a tergo, ob-
2 gnatum sigillis septem. Et vidi angelum validum, prædicantem voce magna, Quis est dignus
3 qui aperiat librum et solvat ejus sigilla? Nemo autem poterat, neque in cœlo, neque in terra, neque subter terram, aperire librum, neque eum
4 inspicere. Flebam igitur ego multum, quod nemo dignus inventus esset qui aperiret et legeret
5 librum, nec qui eum inspiceret. Tum unus ex senioribus illis dicit mihi, Ne flecto; ecce, vicit Leo ille ex tribu Juda, stirps illa Davidis, ut aperiat librum, et solvat septem ejus sigilla.
6 Aspexi igitur, et ecce, inter illum thronum, et quatuor illa animalia, et inter seniores illos, Agnus stans tanquam mactatus, habens cornua septem et oculos septem, qui sunt septem illi
7 spiritus Dei emissi in omnem terram. Is venit et accepit librum ex dextra illius qui throno illi insidebat.

8 Quumque accepisset librum, quatuor illa animalia et vigintiquatuor illi seniores prociderunt coram Agno, habentes singuli citharas et phialas aureas plenas suffituum, quæ sunt orationes
9 sanctorum. Et cecinerunt canticum novum, dicentes,

Dignus es qui accipias librum, et aperias ejus sigilla: quoniam mactatus es, et redemisti nos Deo per sanguinem tuum, ex omni tribu, et lingua, et populo, et natione:

- 10 Et fecisti nos Deo nostro reges et sacerdotes, et regnabimus in terra.
- 11 Tum aspexi, et audiui in circuitu illius throni, et animalium, et seniorum illorum, vocem angelorum multorum: et erat eorum numerus millies
- 12 centenorum millium, et decies centenorum millium: dicentium voce magna,
Dignus est Agnus ille mactatus, qui accipiat potestatem, et divitias, et sapientiam, et vires, et honorem, et gloriam, et benedictionem.
- 13 Sed et res omnes conditas quæ in cælo sunt, et quæ in terra, et sub terra, et in mari, et quæ in eis sunt omnia, audiui dicentes,
Ei qui insidet throno et Agno benedictio, et honor, et gloria, et robur, in secula seculorum.
- 14 Quatuor autem animalia illa dicebant, Amen: et vigintiquatuor illi seniores prociderunt in facies suas, et adorarunt eum qui vivit in secula seculorum.
- 6 POSTEA aspexi, quum aperuisset Agnus primum ex sigillis, et audiui unum ex quatuor illis animalibus dicens, tanquam vocem tonitruui,
- 2 Veni, et aspice. Aspexi igitur, et ecce, *aderat* equus albus; et qui insidebat ei habebat arcum: et data est ei corona, et prodiit vincens, et ut vinceret.
- 3 Quumque aperuisset sigillum secundum, audiui secundum animal dicens, Veni, et aspice.
- 4 Et prodiit alius equus rufus: et sedenti in eo datum est ut tollat pacem e terra, et ut alii alios mactent, datusque est ei gladius magnus.
- 5 Et quum aperuisset sigillum tertium, audiui tertium animal dicens, Veni, et aspice. Aspexi igitur, et ecce, equus niger *aderat*: et qui insidebat ei, habebat stateram in manu sua. Et
- 6

audivi vocem inter illa quatuor animalia dicentem, Choenix tritici denario, et tres chœnices hordei denario: et vinum et oleum ne læseris.

- 7 Quumque aperuisset sigillum quartum, audivi vocem quarti animalis dicentem, Veni, et aspice.
- 8 Tum vidi, et ecce, *aderat* equus pallidus, et ejus qui insidebat ei nomen erat Mors; et Infernus sequebatur eum: datumque est eis in quadrantem terræ jus occidendi gladio, et fame, et morte, et per terrestres feras.
- 9 Quum vero aperuisset sigillum quintum, vidi sub altari animas eorum qui mactati fuerant propter verbum Dei, et propter testimonium quod tuebantur. Clamabant autem voce magna, dicentes, Usquequo, Domine, qui sanctus es et verax, non judicas ac vindicas sanguinem nostrum, *eum reposcendo* ab iis qui habitant in
- 10 terra? Tum datæ sunt singulis stolæ albæ; et dictum est eis, ut requiescerent adhuc paululum temporis, usquequo compleantur etiam conservi eorum, et fratres eorum, qui occidendi sunt, sicut et ipsi.
- 11
- 12 Deinde aspexi, quum aperuisset sigillum sextum, et ecce, terræmotus magnus factus est: et sol factus est niger ut saccus cilicinus, et luna
- 13 tota facta est ut sanguis: et stellæ cœli ceciderunt in terram, sicut ficus abjicit grossos suos
- 14 quum vento magno concutitur. Et cœlum abscessit sicut liber qui convolvitur, et omnes
- 15 montes et insulæ e suis locis emotæ sunt: et reges terræ, et optimates, et divites, et tribuni, et potentes, omnesque tum servi, tum ingenui, occultarunt se in speluncis et in petris montium; et dixerunt montibus et petris, Cadite in
- 16 nos, abscondite nos a conspectu ejus qui insidet

17 throno, et ab ira Agni: nam veniet dies ille magnus iræ illius: et quis poterit stare?

7 POSTEA vidi quatuor angelos insistentes quatuor angulis terræ, retinentes quatuor ventos terræ, ne flaret ventus super terram, neque super mare, 2 neque supra ullam arborem. Et vidi alium angelum ascendentem ab ortu solis, habentem sigillum Dei vivi: qui acclamavit voce magna quatuor illis angelis, quibus datum est lædere terram et mare, dicens, Ne lædite terram, neque mare, neque arbores, quousque obsignaverimus servos Dei nostri in frontibus suis.

4 Et audiui numerum obsignatorum; centum quadragintaquatuor millia *erant* obsignata ex 5 omnibus tribubus filiorum Israelis. Ex tribu Judæ, duodecies mille obsignata: ex tribu Rubenis, duodecies mille obsignata: ex tribu Gadis, 6 duodecies mille obsignata: ex tribu Aseris, duodecies mille obsignata: ex tribu Nephthalimi, duodecies mille obsignata: ex tribu Manassæ, 7 duodecies mille obsignata: ex tribu Simeonis, duodecies mille obsignata: ex tribu Levi, duodecies mille obsignata: ex tribu Issacharis, 8 duodecies mille obsignata: ex tribu Zabulonis, duodecies mille obsignata: ex tribu Josephi, duodecies mille obsignata: ex tribu Benjamin, duodecies mille obsignata.

9 POSTEA vidi, et ecce, *aderat* turba multa, quam numerare nemo possit, ex omnibus gentibus, et tribubus, et populis, et linguis: stabantque ante thronum, et in conspectu Agni, amicti stolis albis, et *erant* palmæ in manibus eorum: 10 et clamabant voce magna, dicentes,

Salus a Deo nostro *est*, sedente in throno, et Agno.

11 Omnes autem angeli stabant in circuitu throni,

et seniorum, et quatuor animalium illorum, et procubuerunt ante thronum in facies suas, et
12 adorarunt Deum, dicentes:

Amen: benedictio, et gloria, et sapientia, et gratiarum actio, et honor, et potentia, et robur Deo nostro in secula seculorum. Amen.

13 Tum *me* compellavit unus ex illis senioribus, dicens mihi, Isti qui amicti sunt stolis albis, quinam sunt, et unde venerunt? Et dixi ei, Do-
14 mine, tu nosti. Et dixit mihi, Hi sunt, qui venerunt ex afflictione illa magna, et laverunt stolas suas ac dealbarunt in sanguine Agni illius.
15 Ideo sunt ante thronum illum Dei, et colunt eum die ac nocte in templo ejus: et is qui in-
16 sidet illi throno proteget eos umbraculo. Non esurient amplius, neque sitient amplius, nec in
17 eos cadet sol, neque ullus æstus. Quoniam Agnus qui in medio throni est pascet eos, et viæ dux erit ipsis ad vivos fontes aquarum: et abstersurus est Deus omnem lacrymam ab oculis eorum.

8 PORRO, quum aperuisset sigillum septimum, factum est silentium in cœlo fere per semihoram.

2 Et vidi septem illos angelos qui adstant in conspectu Dei, quibus datæ sunt septem tubæ.
3 Tum alius angelus venit, et stetit apud aram, habens thuribulum aureum: et dati sunt ei suffitus multi, ut offerret cum orationibus sanctorum omnium super altare aureum, quod est
4 ante thronum. Ascendit autem fumus suffituum cum precibus sanctorum e manu angeli ad conspectum Dei. Deinde accepit angelus thuribulum, et implevit illud ex igne altaris, abjecitque in terram; et facta sunt tonitrua, et voces,

- 6 et fulgura, et terræmotus. Et septem angeli, qui habebant septem tubas, præparaverunt se ut clangerent.
- 7 PRIMUS igitur angelus clanxit, et facta est grando et ignis, mista sanguine, projectaque sunt in terram: et tertia pars arborum exusta est, et omne gramen viride exustum.
- 8 DEINDE secundus angelus clanxit, et quasi mons magnus igne ardens projectus est in mare:
- 9 factaque est tertia pars maris sanguis. Et mortua est tertia pars creaturarum quæ erant in mari, animantia *dico*, et tertia pars navium periit.
- 10 TUM angelus tertius clanxit, et cecidit e cœlo stella magna, ardens velut lampas, ceciditque in tertiam partem fluminum, et in fontes aquarum.
- 11 Nomen autem stellæ dicitur Absinthium: versa est igitur tertia pars aquarum in absinthium, et multi homines mortui sunt ex aquis, quod amaræ factæ essent.
- 12 DEINDE quartus angelus clanxit, et percussa est tertia pars solis, et tertia pars lunæ, et tertia pars stellarum: ita ut obscuraretur tertia pars eorum, et diei non luceret pars tertia, et noctis similiter.
- 13 Et vidi, et audivi unum angelum volentem per medium cœli, dicentem voce magna, Væ, væ, væ incolis terræ a reliquis sonis tubæ trium illorum angelorum qui clangent!
- 9 TUM quintus angelus clanxit, et vidi stellam e cœlo cecidisse in terram; et data est ei *angelo* clavis putei abyssi. Aperuit igitur puteum abyssi; et ascendit fumus ex puteo, ut fumus fornacis magnæ; et obscuratus est sol et aer a fumo putei. Ex fumo autem exierunt locustæ in terram: datumque est eis licere quod licet
- 4 terrestribus scorpiis. Sed ipsis est dictum, ne

- læderent gramen terræ, neque viride quicquam,
neque ullam arborem, sed tantum homines qui
5 non haberent signum Dei in frontibus suis. Datum
autem est eis, non ut occidant eos, sed ut tor-
queantur menses quinque, *sitque* tormentum
eorum ut tormentum scorpionum quum percusserit
6 hominem. Itaque per eos dies homines quærent
mortem, et non invenient eam; et cupient mori,
et fugiet mors ab eis.
- 7 Figuræ vero locustarum similes *erant* equis
paratis ad prælium: *erantque* impositæ capiti-
bus earum tanquam coronæ similes auro, et fa-
8 cies earum ut facies hominum. Et habebant
capillos ut capillos mulierum, et dentes earum
9 ut leonum erant: habebant etiam loricas ut lo-
ricas ferreas; et sonitus alarum ipsarum ut so-
nitus curruum, equis multis currentibus ad bel-
10 lum. Sed et habebant caudas similes scorio-
num, *erantque* aculei in caudis earum: et earum
potestas *erat* nocere hominibus menses quinque.
- 11 Habebant autem sibi impositum regem, angelum
abyssi, cui nomen Hebraice Abaddon, Græce
vero Apollyon, *id est, disperdens*.
- 12 Væ unum abiit, et ecce, veniunt adhuc duo
væ postea.
- 13 Tum sextus angelus clauxit, et audiui vocem
quandam ex quatuor cornibus altaris aurei, quod
14 est in conspectu Dei, dicentem sexto angelo qui
habebat tubam, Solve quatuor illos angelos vin-
ctos ad magnum illud flumen Euphratem.
- 15 Soluti sunt igitur quatuor illi angeli, parati
ad horam, et diem, et mensem, et annum, ut
16 occidant tertiam partem hominum. Eratque nu-
merus equestris exercitus bis millies centena
17 millia: nam audiui numerum eorum. Itemque
vidi equos per visionem, et qui ipsis insidebant,

habentes thoraces igneos, et hyacinthinos, et sulphureos: erant autem capita equorum ut capita leonum, et ex ore ipsorum prodibat ignis, et fumus, et sulphur.

18 Ab his tribus occisa est tertia pars hominum, *nempe* ab igne, et fumo, et sulphure, quæ prodibant ex ore ipsorum. Potestas enim eorum in ore eorum est, et in caudis eorum: nam eorum caudæ similes sunt serpentibus, habentes capita per quæ laedunt.

20 Porro reliqui homines, qui occisi non sunt his plagis, non resipuerunt ab operibus manuum suarum, ut ne adorarent dæmonia, et simulacra aurea, et argentea, et ærea, et lapidea, et lignea, quæ neque videre possunt, neque audire, 21 neque ambulare: neque resipuerunt a cædibus suis, neque a veneficiis suis, neque a scortatione sua, neque a furtis suis.

10 TUM vidi alium angelum robustum descendentem de cœlo, amictum nube, supra cujus caput erat iris; facies autem ejus *erat* ut sol, et 2 pedes ejus ut columnæ igneæ. Habebatque in manu sua libellum apertum; et imposuit pedem suum dextrum mari, sinistrum autem super terram: clamavitque voce magna, sicut leo rugit: et quum clamasset, locuta sunt septem tonitrua voces 3 suas. Et quum locuta fuissent septem tonitrua voces suas, ego scripturus eram: sed audiui vocem de cœlo dicentem mihi, Obsigna quæ locuta sunt septem tonitrua, et ne ea scribas.

5 Et angelus, quem vidi stantem super mare et super terram, sustulit manum suam ad cœlum, 6 et juravit per eum qui vivit in secula seculorum, qui condidit cœlum et ea quæ sunt in eo, et terram et ea quæ in ea sunt, et mare et ea 7 quæ in eo sunt, tempus non fore amplius: sed

diebus vocis septimi angeli, quum clauget, consummatum iri mysterium Dei, sicut annuntiavit servis suis prophetis.

- 8 Et vox quam audieram e cœlo, rursum locuta est mecum, et dixit, Abi et accipe libellum illum apertum, *qui est* in manu angeli stantis
9 super mare et super terram. Abii igitur ad angelum, dicens ei, Da mihi libellum. Et dixit mihi, Accipe et devora eum: et amaritudinem adferet ventri tuo, sed in ore tuo erit dulcis
10 tanquam mel. Accepi igitur libellum e manu angeli, et devoravi eum; eratque in ore meo dulcis tanquam mel: sed quum devorassem eum,
11 amaruit venter meus. Tum dixit mihi, Oportet te iterum prophetare coram populis, et gentibus, et linguis, et regibus multis.
- 11 DATUS est autem mihi calamus similis virgæ, adstititque angelus, dicens, Surge et metire templum Dei et altare, et eos qui adorant in eo.
2 Sed atrium, quod extra templum est, extrude, et ne metiaris illud; nam datum est gentibus: et urbem sanctam calcabunt mensibus quadraginta
3 duobus. Sed dabo *illam* duobus illis testibus meis, qui prophetabunt diebus mille ducentis
4 sexaginta, amicti saccis. Hi sunt duæ illæ oleæ, et duo candelabra in conspectu Dei terræ posita.
5 Quod si quis velit eos lædere, ignis prodit ex ore ipsorum et devorat inimicos eorum; nam si quis velit eos lædere, ita oportet eum occidi.
6 Hi potestatem habent claudendi cœlum, ne riget *terram* pluvia diebus prophetiæ ipsorum: et potestatem habent in aquas, convertendi eas in sanguinem, et percutiendi terram omni plaga,
7 quotiescunque voluerint. Porro, postquam peregerint suum illud testimonium, bestia illa ascendens ex abysson, geret adversus eos bellum, et

- 8 vincet eos, et occidet eos. Et cadavera eorum jacebunt in platea urbis illius magnæ, quæ vocatur spiritualiter Sodoma et Ægyptus, ubi et Dominus
- 9 noster crucifixus est. Et videbunt *homines* ex tribubus, et populis, et linguis, et gentibus cadavera eorum per tres dies et dimidium, et cadavera
- 10 eorum non sinent poni in monumentis. Et incolæ terræ gaudebunt super illis, et hilares erunt: et munera mittent alii aliis, quoniam hi duo prophetæ torserint terræ incolas.
- 11 Sed post dies tres et dimidium, spiritus vitæ a Deo *prodiens* ingreditur in illos, stabuntque *erecti* in pedes suos, et metus magnus cadet in
- 12 eos qui ipsos spectarint. Deinde audierunt vocem magnam de cœlo, dicentem ipsis, Ascendite huc. Ascenderuntque in cœlum per nubem: et conspexerunt illos inimici eorum.
- 13 Factusque est in illa hora terræmotus magnus: et decima pars urbis cecidit, et occisa sunt in terræmotu capita hominum septies mille; et reliqui territi sunt, et dederunt gloriam Deo cœli.
- 14 Væ secundum abiit, et ecce, væ tertium veniet cito.
- 15 SEPTIMUS igitur angelus clanxit, et factæ sunt voces magnæ in cœlo, dicentes, Mundi regna facta sunt Domini nostri, et Christi ejus, qui regnabit in secula seculorum.
- 16 Tum vigintiquatuor illi seniores, qui in conspectu Dei sedent in thronis illis suis, prociderunt
- 17 in facies suas, et adorarunt Deum, dicentes,
Gratias agimus tibi, Domine Deus omnipotens, Qui es, et Qui eras, et Qui venturus es; quod adeptus sis potentiam tuam magnam, et regnum inieris.
- 18 Et iratæ sunt gentes, et advenit ira tua, et

tempus mortuorum, ut judicentur, et des mercedem servis tuis prophetis, et sanctis, et timentibus nomen tuum, parvis et magnis; et perdas eos qui perdunt terram.

19 Tunc apertum est templum Dei in cœlo, et visa est arca pacti ipsius in ejus templo: et facta sunt fulgura, et voces, et tonitrua, et terræmotus, et grando magna.

12 VISUM est autem signum magnum in cœlo: mulier amicta sole, sub cujus pedibus erat luna, 2 et in capite corona stellarum duodecim: et gravida clamabat parturiens, et distorquebatur ad 3 pariendum. Et visum est aliud signum in cœlo: nam ecce, *adfuit* draco magnus rufus, habens capita septem et cornua decem, et in capitibus suis diademata septem. Cujus cauda trahebat tertiam partem stellarum cœli, quas abjecit in terram: stetit autem is draco ante mulierem parituram, ut, quum peperisset, filium ejus devoraret. Peperit autem filium masculum, recturum omnes gentes virga ferrea: et raptus est 6 filius ejus ad Deum et thronum ejus. Mulier vero fugit in solitudinem, ubi haberet locum paratum a Deo, ut illic alerent eam diebus mille ducentis sexaginta.

7 Et factum est prælium in cœlo; Michael et angeli ejus præliati sunt cum dracone, et draco 8 pugnavit et angeli ejus: sed non prævaluerunt, neque locus eorum amplius inventus est in cœlo. 9 Et projectus est draco ille magnus, serpens ille antiquus, qui vocatur Diabolus et Satanas, qui seducit totum terrarum orbem; projectus, *inquam*, est in terram, et angeli ejus cum eo projecti sunt.

10 Et audiavi vocem magnam dicentem in cœlo, Nunc advenit salus, et potentia, et regnum

Dei nostri, et potestas Christi ejus; quia de-
jectus est accusator fratrum nostrorum, qui ac-
cusabat eos in conspectu Dei nostri die ac
nocte.

11 Sed ipsi vicerunt eum per sanguinem Agni,
et per sermonem testimonii sui: et animæ
suæ prodigi fuerunt usque ad mortem.

12 Propterea hilares estote cœli, et qui habi-
tatis in eis. Væ incolis terræ et maris: nam
descendit diabolus ad vos, excandescentiæ
magnæ plenus, ut qui sciat se exiguum tem-
pus præstitutum habere.

13 Quum igitur vidisset draco se projectum esse
in terram, persecutus est mulierem quæ peper-
14 erat masculum. Sed datæ sunt mulieri alæ duæ
aquilæ magnæ, ut volaret in desertum, in locum
suum, ubi alitur per tempus, et tempora, et di-
midium temporis, extra conspectum serpentis.
15 Ejecit autem serpens ex ore suo post mulierem
aquam tanquam flumen, ut eam faceret rapi a
16 flumine: sed succurrit terra mulieri, aperuitque
terra os suum, et absorpsit flumen quod ejecerat
draco ex ore suo.

17 Iratus est igitur draco adversus mulierem: et
abiit, ut gereret bellum cum reliquis ex ejus
semine, observantibus præcepta Dei, et habentibus
18 testimonium Jesu Christi. Stetique super
arenam maris.

13 TUM vidi bestiam e mari ascendentem, quæ
habebat capita septem et cornua decem: et im-
posita cornibus ejus decem diademata, et im-
2 situm capitibus ejus nomen blasphemiae. Erat-
que hæc bestia, quam vidi, similis pardo, et
pedes ejus ut pedes ursi, et os ejus ut os leo-
nis: dedit autem ei draco potentiam suam, et
3 thronum suum, et potestatem magnam. Et vidi

- unum ex capitibus ejus quasi lethaliter cæsum:
sed ipsius plaga lethalis curata est; et admirans
4 universa terra secuta est bestiam. Et adorarunt
draconem, qui dedit potestatem bestiæ: et ado-
rarunt bestiam, dicentes, Quis similis bestiæ?
quis poterit pugnare cum ea.
- 5 Datumque est ei os loquens magna et blas-
phemias; et data est ei potestas agendi menses
6 quadraginta duos. Aperuit igitur os suum ad
blasphemiam adversus Deum, ut blasphemaret
nomen ejus, et tabernaculum ejus, et eos qui in
7 cœlo habitant. Sed et datum est ei bellum ger-
ere cum sanctis, et eos vincere: et data est ei
potestas in omnem tribum, et linguam, et
gentem.
- 8 Itaque adorabunt eam omnes incolæ terræ,
quorum non sunt scripta nomina in libro vitæ
Agni illius mactati *jam inde* a jacto mundi
9 fundamento. Siquis habet aurem, audiat. ¹⁰Si-
quis in captivitatem agit, in captivitatem abit:
siquis gladio occiderit, oportet eum gladio oc-
cidi. Hic est tolerantia et fides sanctorum.
- 11 DEINDE vidi aliam bestiam ascendentem e
terra, habentem cornua duo similia agni, sed
12 loquebatur ut draco. Ea vero potestatem
prioris bestiæ omnem exercet in conspectu ejus,
et facit ut terra et ipsius incolæ adorent be-
stiam illam primam, cujus curata fuerat plaga
13 lethalis. Editque signa magna, adeo ut etiam
ignem faciat e cœlo descendere in terram in
14 conspectu hominum. Et seducit incolas terræ,
propter signa quæ datum est ei ut faciat in
conspectu bestiæ, dicens incolis terræ, ut fa-
ciant imaginem bestiæ quæ gladio necata fuit,
sed revixit.
- 15 Datumque est ei, ut animaret imaginem be-

stiae, ut etiam loquatur imago bestiae, et faciat
ut quicunque non adorarint imaginem bestiae,
16 occidantur. Sed et facit ut omnes, parvi et
magni, divites et pauperes, liberi et servi, acci-
piant characterem in manu sua dextra aut in
17 frontibus suis: et nequis possit emere aut ven-
dere, nisi qui habet characterem, aut nomen be-
stiae, aut numerum nominis ejus.

18 Hic sapientia est. Qui intelligentia præditus est,
computet numerum bestiae; numerus enim homi-
nis est; et numerus ejus, sexcenta sexaginta sex.

14 TUNC vidi, et ecce, *aderat* Agnus stans super
montem Sion, et cum eo centum quadraginta-
quatuor millia habentia nomen Patris ejus
2 scriptum in frontibus suis. Et audiui vocem
e cœlo tanquam vocem aquarum multarum, et
tanquam sonum tonitruui magni: et vocem audiui
3 citharædorum pulsantium citharas suas: et qui
canebant quasi canticum novum ante thro-
num, et in conspectu illorum animalium, et
illorum seniorum: neque quisquam poterat di-
scere canticum illud, nisi illa centum quadra-
gintaquatuor millia, ii *videlicet* qui emti sunt
4 e terra: hi sunt qui cum mulieribus non sunt
inquinati; virgines enim sunt: hi sequuntur
Agnum, quocunque ierit; hi emti sunt ex homi-
5 nibus, primitiæ Deo et Agno sacrae. Et in
quorum ore non est inventus dolus: sunt enim
inculpati ante thronum Dei.

6 Deinde vidi alium angelum volentem per me-
dium cœli, habentem evangelium æternum, ut
evangelizaret incolis terræ, et omni genti, et
7 tribui, et linguæ, et populo; dicentem magna
voce, Timete Deum, et ei tribuite gloriam; nam
venit hora judicii ejus: et adorare eum qui fecit
cœlum, et terram, et mare, et fontes aquarum.

- 8 Et alius angelus secutus est dicens, Cecidit, cecidit Babylon, urbs illa magna, quia vinum excandescentiæ scortationis suæ potandum præbuit omnibus gentibus.
- 9 Et tertius angelus secutus est illos, dicens voce magna, Siquis adoraverit bestiam et imaginem ejus, et acceperit characterem in fronte
- 10 sua, aut in manu sua, bibet hic quoque ex vino excandescentiæ Dei, ex mero, *inquam*, infuso in poculum excandescentiæ ipsius; et torquebitur igne et sulphure in conspectu angelorum sanctorum, et in conspectu Agni. Et fumus tormenti ipsorum ascendet in secula seculorum; nec habebunt requiem die nec nocte, qui adorant bestiam et imaginem ejus, et siquis acceperit characterem nominis ejus.
- 11
- 12 Hic tolerantia sanctorum est; hic qui observant præcepta Dei et fidem Jesu.
- 13 Tunc audiui vocem e cœlo, dicentem mihi, Scribe, Beati ab hoc tempore mortui ii, qui Domini causa moriuntur. Etiam, dicit spiritus, ut requiescant a laboribus suis: et opera eorum sequuntur eos.
- 14 ASPEXI autem, et ecce, *aderat* nubes candida: et super nubem insidebat *quidam* similis homini, habens impositam capiti suo coronam
- 15 auream, et in manu sua falcem acutam. Et alius angelus prodiit e templo, clamans voce magna ad eum qui insidebat nubi, Mitte falcem tuam, et mete: quia venit tibi tempus metendi:
- 16 nam aruit messis terræ. Misit igitur is qui insidebat nubi, falcem suam in terram, et demessa est terra.
- 17 Tum alius angelus prodiit e templo, quod est
- 18 in cœlo, habens et ipse falcem acutam. Et alius angelus prodiit ab altari, habens potestatem

in ignem: et clamavit voce magna ad eum qui habebat falcem acutam, dicens, Mitte falcem tuam acutam, et vindemia botros vineæ terræ; 19 nam maturæ sunt ejus uvæ. Misit igitur angelus falcem suam acutam in terram, et vindemiavit vineam terræ, et misit in magnum illum lacum 20 excandescentiæ Dei. Et calcatus est lacus extra civitatem: exivitque sanguis e lacu usque ad frænos equorum, per stadia mille sexcenta.

15 DEINDE vidi aliud signum in cœlo magnum et admirabile: angelos illos septem habentes plagas septem ultimas, quoniam per illas erit 2 excandescencia Dei consummata. Et vidi tanquam mare vitreum mixtum igni; et eos qui victoriam reportabant ex bestia illa, et imagine ejus, et caractere ejus, ex numero nominis ejus, stantes apud mare vitreum, et habentes 3 citharas Dei: qui etiam cantabant canticum Mo-
sis servi Dei et canticum Agni, dicentes,

Magna et mirabilia sunt opera tua, Domine Deus omnipotens: justæ et veræ sunt viæ tuæ, Rex sanctorum.

4 Quis non metuet te Domine, et glorificabit nomen tuum? Nam solus sanctus es. Nam omnes gentes venient et adorabunt in conspectu tuo: nam jura tua sunt manifesta.

5 Et post hæc aspexi, et ecce, apertum est 6 templum tabernaculi testimonii in cœlo. Et prodierunt e templo septem illi angeli, habentes septem plagas, induti lino puro et splendido, et 7 præcincti circa pectora zonis aureis. Et unum ex quatuor animalibus dedit septem angelis septem phialas aureas plenas excandescentiæ Dei 8 viventis in secula seculorum. Et impletum est templum fumo *prodeunte* a majestate Dei, et a virtute ejus; nec quisquam poterat ingredi in

templum, donec consummatae essent septem plagae septem angelorum.

16 Tunc audiui vocem magnam e templo, dicentem septem illis angelis, Ite, effundite septem phialas excandescientiae Dei in terram.

2 ABIIT igitur primus *angelus*, et effudit phialam suam in terram; factumque est ulcus malum ac noxium adversus homines qui habebant characterem bestiae, et eos qui adorabant imaginem ejus.

3 DEINDE secundus angelus effudit phialam suam in mare, factumque est *illud* quasi cruor cadaveris: et quodcunque animal vivebat in mari, mortuum est.

4 TUM tertius angelus effudit phialam suam in flumina et in fontes aquarum: et factae sunt
5 sanguis. Et audiui angelum aquarum dicentem, Justus es, Domine, Qui es, et Qui eras, et Qui
6 eris, quod haec judicaris. Quoniam sanguinem sanctorum et prophetarum effuderunt, et sanguinem eis dedisti ad bibendum: digni enim
7 sunt. Et audiui alium e sanctuario dicentem, Etiam, Domine Deus omnipotens, vera *sunt* et justa judicia tua.

8 POSTEA quartus angelus effudit phialam suam in solem, et datum est ei aestu affligere homines per ignem. Et aestuaverunt homines aestu magno, et blasphemarunt nomen Dei habentis auctoritatem in has plagas: neque resipuerunt, ut tribuerent ei gloriam.

10 TUM quintus angelus effudit phialam suam super thronum bestiae illius, et factum est regnum ejus tenebrosus, et mandebant linguas
11 suas pra dolore; et blasphemarunt Deum coeli pra doloribus suis, et ulceribus suis, nec resipuerunt ab operibus suis.

12 TUM sextus angelus effudit phialam suam in flumen illud magnum, *nempe* Euphratem: et siccata est aqua ejus, ut pararetur via regum ab
13 ortu solis *adventantium*. Et vidi ex ore draconis, et ex ore illius bestię, et ex ore pseudo-prophetę illius tres impuros spiritus similes ranis *prodeuntes*. Sunt enim spiritus dęmoniorum edentes signa, quique abeunt ad reges terrę et totius mundi, ut congregent eos ad pręlium magni illius diei Dei omnipotentis.

15 Ecce, venio ut fur. Beatus qui vigilat et servat vestimenta sua, ne nudus ambulet, et videantur pudenda ipsius.

16 Congregavit igitur eos in locum qui vocatur hebraice Armageddon.

17 TUM septimus angelus effudit phialam suam in aërem: et prodiit vox magna e templo cęli
18 a throno, dicens, Fuit. Factique sunt sonitus, et fulgura, et tonitrua: et terręmotus factus est magnus, qualis nunquam fuit, ex quo homines fuerunt super terram, terręmotus, *inquam*,
19 adeo magnus. Et dirupta est urbs illa magna in tres partes, et civitates gentium ceciderunt, et Babylon illa magna venit in memoriam in Dei conspectum, ut pręberet ei poculum excandescentię irę suę. Et omnis insula fugit, et
20 montes non sunt inventi. Et grando magna, quasi talenti pondo, descendit e cęlo in homines; et blasphemarunt Deum homines propter plagam illam grandinis; quoniam magna fuit ejus plaga vehementer.

17 TUM venit unus ex septem angelis qui habebant septem phialas, et locutus est mecum, dicens mihi, Heus tu, ostendam tibi damnationem meretricis illius magnę, sedentis super aquas
2 multas: cum qua scortati sunt reges terrę,

et cujus scortationis vino inebriati sunt incolæ terræ.

- 3 Quumque me per spiritum in desertum asportasset, vidi mulierem insidentem bestię coccinæ, plenæ nominibus blasphemię, habenti capita
4 septem et cornua decem: erat autem mulier illa amicta purpura et cocco, et inaurata auro et lapidibus pretiosis et margaritis, habens poculum aureum in manu sua, plenum abominationibus et immunditia scortationis suæ: et in fronte
5 suo nomen scriptum, *Mysterium*, *Babylon* illa magna, mater illa scortationum et abominationum terræ. Et vidi mulierem illam ebriam sanguine sanctorum et sanguine martyrum Jesu: et miratus sum, quum viderem illam, admiratione magna.
- 7 Tunc mihi dixit angelus, Quare miraris? ego dicam tibi *mysterium* mulieris, et bestię quæ portat eam, quæ habet capita septem et cornua
8 decem. Bestia quam vidisti, fuit, et non est; et ascensura est ex abyssu, et in exitium abitura: et mirabuntur incolæ terræ (quorum nomina scripta non sunt in libro vitæ a jacto mundi fundamento) cernentes bestiam quæ erat,
9 et non est, et tamen est. Hic est mens quæ habet sapientiam. Septem capita septem montes
10 sunt, super quos mulier sedet. Et reges septem sunt: quinque ceciderunt, unus est, et alius nondum venit: et quum venerit oportet illum exiguum
11 *tempus* manere. Bestia autem quæ erat, et non est, is octavus est, et e septem illis est, et in
12 exitium abit. Decem autem cornua quæ vidisti, decem reges sunt, qui regnum nondum acceperunt, sed potestatem tanquam reges ad unam
13 horam accipient cum bestia. Hi sunt unius sententiæ, et patientiam ac potestatem suam be-

- 14 stiaē tradent. Hi cum Agno pugnabunt, et Agnus vincet eos: quoniam Dominus dominorum est, et Rex regum; et qui cum eo *sunt* vocati, et electi, et fideles.
- 15 Deinde dixit mihi, Aquæ quas vidisti, ubi meretrix sedet, populi sunt, et turbæ, et gentes, et linguæ. Et decem cornua quæ vidisti in bestia, hi odio prosequuntur meretricem, et desertam reddent illam et nudam, et carnes ejus
- 16 edent, et ipsam igne exurent. Deus enim dedit in corda eorum, ut exsequantur sententiam ipsius, et ut consentiant, dentque regnum suum bestiaē, donec consummentur verba Dei. Et mulier quam vidisti, est urbs illa magna quæ habet regnum super reges terræ.
- 18 Et post hæc vidi angelum descendantem e cœlo, habentem potestatem magnam; et terra
- 2 resplenduit a gloria ipsius. Exclamavit autem vehementer voce magna, dicens, Cecidit, cecidit Babylon illa magna, et facta est domicilium dæmoniorum, et custodia omnis spiritus impuri,
- 3 et custodia omnis avis impuræ et exosæ: quia ex vino excandescentiæ scortationis ejus biberunt omnes gentes, et reges terræ cum ea scortati sunt, et mercatores terræ opibus luxus ejus ditati sunt.
- 4 Et audiui aliam vocem e cœlo dicentem, Exite ex ea, popule mi, ne participes sitis peccatorum ejus, et ne ex plagis ejus accipiatis.
- 5 Nam accumulata peccata ejus *pertigerunt* usque in cœlum, et recordatus est Deus eorum quæ
- 6 injuste fecit. Reddite ei, sicut et ipsa reddidit vobis: et duplicate ei duplum secundum opera ejus: in poculo quod propinavit, propinate ei
- 7 duplum. Quantum sibi gloriæ attribuit et deliciata est, tantum date ei tormentum et luctum:

quia in corde suo dicit, Sedeo regina, nec sum
8 vidua, nec luctum videbo. Ideo una die veni-
ent ejus plagæ, mors, et luctus, et fames; et
igne exuretur, quia robustus est Dominus Deus,
9 qui damnabit eam. Tum flebunt eam et plan-
gent super ea reges terræ, qui cum illa scortati
et deliciati sunt, quum viderunt fumum incen-
10 dii ejus; procul stantes propter terrorem crucia-
tus ipsius, *et* dicentes, Væ, væ, magna illa
urbs Babylon, urbs illa valida! una hora venit
11 iudicium tuum. Sed et mercatores terræ fle-
bunt et lugebunt super ea; quoniam merces
12 eorum nemo emit amplius: merces auri, et ar-
genti, et lapidis pretiosi, et margaritarum, et
byssi, et purpuræ, et serici, et cocci, et omne
lignum thyinum, et omne vas eburneum, et omne
vas ex ligno pretiosissimo, et ære, et ferro, et
13 marmore, et cinamomum, et suffitus, et ungu-
entum, et thus, et vinum, et oleum, et similam,
et triticum, et jumenta, et oves, et equos, et
14 rhedas, et mancipia, et animas hominum. Et
desiderabiles fructus animæ tuæ abierunt abs te,
et omnia pingua et splendida abierunt abs te;
15 nec amplius ea invenies. Harum, *inquam*, re-
rum mercatores ab ea divites facti, procul sta-
bunt, propter terrorem cruciatus ipsius flentes ac
16 lugentes: et dicentes, Væ, væ, civitas illa magna,
quæ amicta erat bysso, et purpura, et cocco, et
deaurata erat auro, et lapidibus pretiosis, et
margaritis! quinam una hora vastatæ sunt tantæ
17 divitiæ. Sed et omnes gubernatores, et omnis
in navibus versantium turba, et nautæ, et quot-
quot ex mari quæstum faciunt, procul stabunt:
18 et clamabunt videntes fumum incendii ejus, et
19 dicent, Quæ similis *erat* urbi isti magnæ? Et
injecto capitibus pulvere clamabunt flentes ac

lugentes, et dicentes, Væ, væ, quod urbs illa magna, in qua omnes qui habebant naves in mari divites facti sunt ex ipsius copiis, una
20 hora desolata est! Exsulta super eam cœlum et sancti apostoli et prophetæ, quoniam nostras de illa pœnas Deus sumpsit.

21 Tum quidam angelus robustus sumpsit lapidem instar molæ magnum, et projecit in mare, dicens, Ita cum impetu projicietur Babylon urbs illa
22 magna, nec amplius invenietur. Et vox citharædorum, et musicorum, et tibia ac tuba canentium, non audietur in te amplius; nec ullus artifex cujuscunque artis invenietur in te amplius:
23 et sonitus molæ non audietur in te amplius: et lux lucernæ non lucebit in te amplius; et vox sponsi et sponsæ non audietur amplius in te: nam mercatores tui erant optimates terræ, et veneficiis tuis seductæ fuerunt omnes gentes.

24 Et in ea sanguis prophetarum et sanctorum inventus est, et omnium qui mactati sunt in terra.

19 POST hæc audiivi vocem magnam turbæ multæ in cœlo dicentis,

Halleluia; Salus, et gloria, et honor, et virtus Domino Deo nostro *esto*.

2 Quia vera et justa *sunt* judicia ejus, et meretricem illam magnam, quæ corrumpit terram scortatione sua, damnavit, et vindicavit sanguinem servorum suorum ex manu ejus.

3 Deinde secundo dixerunt,

Halleluia:

et fumus ejus ascendit in secula sæculorum.

4 Et prociderunt vigintiquatuor illi seniores, et quatuor illa animalia, et adoraverunt Deum insidentem throno, dicentes,

Amen, Halleluia.

- 5 Tum vox e throno prodiit, dicens,
Laudate Deum nostrum omnes servi ejus, et
qui timetis eum, parvi et magni.
- 6 Et audiui tanquam sonitum turbæ multæ, et
tanquam sonitum aquarum multarum, et tanquam
sonitum tonitruorum vehementium, *quosdam*
videlicet dicentes,
Halleluia; quoniam regnum iniit Dominus
Deus ille noster omnipotens.
- 7 Gaudeamus, et exsulemus, et demus gloriam
ei; quia venerunt nuptiæ Agni, et uxor ejus
paravit se.
- 8 Et datum est ei, ut amiciatur byssina *veste* pura
et splendida; byssus enim justificationes sunt
sanctorum.
- 9 Tum dixit mihi, Scribe, Beati qui ad cœnam
nuptiarum Agni vocati sunt. Et dixit mihi, Hæc
verba Dei vera sunt.
- 10 Et procidi ante pedes ejus ut adorarem eum;
sed dixit mihi, Vide ne; conservus tuus sum, et
fratrum tuorum qui habent testimonium Jesu.
Deum adora; testimonium enim Jesu et spiritus
prophetiæ.
- 11 DEINDE vidi cœlum apertum, et ecce, *ad-*
fuit equus albus; et qui insidebat ei, vocabatur
Fidelis et Verax, et *qui* juste judicat et pugnat.
- 12 Oculi autem ejus *erant* tanquam flamma ignis,
et in capite ejus diademata multa; habebatque
- 13 nomen scriptum, quod nemo novit nisi ipse. Et
amictus erat veste tincta sanguine; vocaturque
- 14 nomen ejus Sermo ille Dei. Exercitus autem
qui sunt in cœlo, sequebantur eum equis albis,
- 15 vestiti byssina *veste* alba et pura. Et ex ore
ejus prodibat gladius acutus, ut eo percuteret
gentes; ipse enim reget eas virga ferrea: et is
est qui calcatur lacum vini excandescentiæ et iræ

16 Dei omnipotentis. Habebatque in vestimento et in femore suo nomen scriptum, REX REGUM, ET DOMINUS DOMINANTIUM.

17 Tunc vidi quendam angelum stantem in sole, qui clamavit voce magna, dicens omnibus avibus quæ volabant per medium cœli, Adeste, et congregamini ad cœnam magni Dei; ut edatis carnes regum, et carnes tribunorum, et carnes potentum, et carnes equorum, et eorum qui ipsis insident, et carnes omnium liberorum ac servorum, parvorum ac magnorum.

19 Deinde vidi bestiam illam, et reges terræ, et exercitus eorum, congregatos ad gerendum bellum cum eo qui insidebat equo, et cum ipsius exercitu. Et comprehensa est bestia, et cum ea pseudopropheta ille qui ediderat signa in ejus conspectu, quibus seduxit eos qui acceperant characterem bestię, et qui adoraverunt imaginem ejus; *et* vivi coniecti sunt ambo in stagnum ignis ardens sulphure: et reliqui occisi sunt gladio ejus qui insidebat equo, prodeunte ex ore ipsius; et omnes aves saturatę sunt carnibus eorum.

20 DEINDE vidi angelum descendentem e cœlo, habentem clavem abyssi, et catenam magnam in manu sua; qui apprehendit draconem, serpentem, *inquam*, illum antiquum, qui est Diabolus et Satanas, et vinxit eum *ad* annos mille, coniecitque eum in abyssum, quam occlusit et obsignavit super eum, ut non seduceret amplius gentes, donec consummarentur anni illi mille; nam postea oportet eum solvi *ad* exiguum tempus.

4 Deinde vidi thronos, et sederunt super eos, et judicium datum est eis: et animas eorum qui securi percussi sunt propter testimonium Jesu,

et propter sermonem Dei, quique non adorant bestiam neque imaginem ejus, nec acceperunt characterem ejus in frontibus suis, aut in manibus suis: viventque et regnabunt cum Christo
5 mille illos annos. Reliqui vero ex mortuis non reviviscent donec consummati fuerint illi anni
6 mille. Hæc est resurrectio prima. Beatus et sanctus qui habet partem in resurrectione prima; in hos *enim* secunda mors non habet potestatem, sed erunt sacerdotes Dei et Christi, et regnabunt cum eo mille annis.

7 Postquam vero consummati fuerint anni mille,
8 solvetur Satanæ e carcere suo. Et exhibit, ut seducat gentes quæ sunt in quatuor angulis terræ, Gogum et Magogum, ut congreget eos ad prælium, quorum numerus est sicut arena
9 maris. Ascenderunt igitur super latitudinem terræ, et circumierunt castra sanctorum et urbem illam dilectam: sed descendit ignis a Deo
10 e cœlo, qui devoravit eos. Et diabolus, qui seducebat eos, conjectus est in stagnum ignis et sulphuris, ubi *erat* et bestia illa et ille pseudo-propheta, et torquebuntur die ac nocte in secula sæculorum.

11 TUM vidi thronum magnum candidum, et quendam ei insidentem, a cujus conspectu fugit terra et cœlum, quorum locus non est inventus.
12 Et vidi mortuos parvos et magnos stantes in conspectu Dei, et libri aperti sunt: et alius liber apertus est, qui est *liber* vitæ: judicatique sunt mortui ex iis quæ scripta erant in libris, secundum opera ipsorum. Et reddidit mare mortuos quos habebat. Mors quoque et Infernus reddiderunt mortuos quos habebant; et judicatum
14 est de singulis secundum opera ipsorum. Infernus autem ac Mors conjecti sunt in stagnum

15 ignis; quæ est mors secunda. Et qui non inventus est in libro vitæ scriptus, conjectus est in stagnum ignis.

21 DEINDE vidi cœlum novum et terram novam: primum enim cœlum et prima terra abierat; et mare non amplius exstabat. Et ego Joannes vidi sanctam illam civitatem, Hierosolimam novam, descendantem a Deo e cœlo, paratam ut sponsam ornatam viro suo. Et audiavi vocem magnam e cœlo dicentem, Ecce, tabernaculum Dei *est* cum hominibus, et habitabit cum eis, et ipsi erunt populi ejus, et ipse Deus cum eis erit, Deus ipsorum. Et abstersurus est Deus omnem lacrymam ab oculis eorum: et mors amplius non exstabit; neque luctus, neque clamor, neque labor exstabit amplius, quia præcedentia abierunt.

5 Et dixit is qui insidebat throno, Ecce, nova facio omnia. Et dixit mihi, Scribe; nam hæc verba vera sunt et firma. Et dixit mihi, Fuerunt: ego sum *A* et *Ω*, initium et finis. Ego sitienti dabo ex fonte aquæ vivæ gratis. Victor hæreditario jure obtinebit omnia; et ero ei Deus, et ipse erit mihi filius. Formidolosis autem, et incredulis, et execrabilibus, et homicidis, et scortatoribus, et veneficis, et idololatræ, et omnibus mendacibus, portio *assignata* est in stagno ubi ardet ignis et sulphur, quod est mors secunda.

9 TUM venit ad me unus ex septem illis angelis qui habuerant septem illas phialas plenas septem plagis ultimis, et locutus est mecum, dicens, Veni, ostendam tibi sponsam uxorem Agni.

10 Et asportavit me per spiritum in montem magnum et sublimem, et ostendit mihi civitatem

- illam magnam, sanctam, *inquam*, illam Hiero-
11 solymam, e cœlo descendentem a Deo; habentem gloriam Dei; et cujus lumen *erat* simile lapidi pretiosissimo, tanquam lapidi jaspidi in-
12 star crystalli splendenti: habentem præterea murum magnum et sublimem, qui habebat portas duodecim, et in portis angelos duodecim, et nomina inscripta, quæ sunt nomina duodecim
13 tribuum filiorum Israel. Ab oriente *erant* portæ tres; ab aquilone, portæ tres; ab austro,
14 portæ tres; ab occasu, portæ tres. Et murus urbis habebat fundamenta duodecim, in quibus *erant* duodecim nomina apostolorum Agni.
- 15 Porro, is qui loquebatur mecum habebat calamus aureum, ut metiretur civitatem, et portas
16 ejus, et murum ejus. Urbs ipsa vero quadrangularis sita est, cujus longitudo tanta est quanta et latitudo; mensusque est civitatem illo calamo ad stadiorum duodecim millia: suntque longi-
17 tudo, et latitudo, et altitudo ejus æquales. Et mensus est murum ejus centum quadragintaquatuor cubitorum, mensura hominis, quæ est angeli.
- 18 Erat autem structura muri ejus ex jaspide: ipsa vero civitas aurum purum, *et* similis vitro
19 puro. Et fundamenta muri urbis omni lapide pretioso ornata: fundamentum primum *erat* jaspis; secundum, sapphirus; tertium, chalcedonius; quar-
20 tum, smaragdus; quintum, sardonyx; sextum, sardius; septimum, chrysolithus; octavum, beryllus; nonum, topazius; decimum, chrysoprasus; undecimum, hyacinthus; duodecimum, amethy-
21 stus. Duodecim autem portæ duodecim margaritæ sunt, et singulæ portæ ex singulis margaritis sunt: et forum civitatis aurum purum tanquam vitrum perlucidum.
- 22 Nec templum vidi in ea: Dominus enim Deus

ille omnipotens, templum illius est, et Agnus
23 ille. Neque civitas ista eget sole vel luna, ut
luceant in ea: nam gloria Dei illustrat eam, et
lucerna ejus est Agnus ille.

24 Et gentes quæ servatæ fuerint, ambulabunt
ad lucem ejus: et reges terræ gloriam suam et
25 honorem ad eam adferent. Nec portæ ejus
claudentur interdiu: nox enim non erit illic.
26 Et adferetur gloria et honor gentium ad eam.
27 Non intrabit in eam quicquam quod inquinat,
aut abominandum quippiam patrat, vel menda-
cium *loquitur*: sed qui scripti sunt in libro vitæ
Agni illius.

22 Deinde ostendit mihi purum fluvium aquæ
vivæ, splendidum tanquam crystallum, proce-
2 dentem ex throno Dei et Agni illius. In me-
dio *autem* foro ejus, et ex utraque parte flu-
minis, *erat* arbor vitæ, ferens fructus duodecim,
per menses singulos edens fructum suum, et
folia sua ad sanationem gentium.

3 Nec ullum adversus quenquam anathema erit
amplius: sed sedes Dei et Agni in ea erit, et
4 servi ejus colent eum. Et videbunt faciem ejus
5 et nomen ejus in frontibus ipsorum *erit*. Et nox
illic non erit, neque opus est eis lumine lucernæ,
neque lumine solis, quoniam Dominus Deus
illustrat eos: et regnabunt in secula seculorum.

6 TUM dixit mihi, Hæc verba fida *sunt* et vera:
et Dominus Deus sanctorum prophetarum misit
angelum suum, ut indicet servis suis quæ oportet
7 fieri cito. Ecce, venio cito: beatus qui obser-
vat verba prophetiæ libri hujus.

8 Ego vero Joannes *is sum* qui hæc audiavi et
vidi. Et quum audissem et vidissem, procidi,
ut adorarem ante pedes angeli qui mihi hæc
9 ostendebat. *Is* vero dixit mihi, Vide ne *feceris*:

conservus enim tuus sum, et fratrum tuorum prophetarum, et eorum qui observant verba libri hujus. Deum adora.


- 10 Deinde dixit mihi, Ne obsignaveris verba prophetiæ libri hujus: tempus præstitutum enim
11 illud prope est. Qui injuste agit, injuste agat adhuc; et qui sordidus est, sordescat amplius: et qui justus est, justificetur amplius: et sanctus, sanctificetur amplius. Et ecce, venio cito; et merces mea mecum *est*, ut reddam unicuique
13 prout opus ipsius erit. Ego sum *A* et *Ω*,
14 principium et finis, primus et ultimus. Beati qui præstant ejus mandata; ut sit eis jus in arborem vitæ, et per portas ingrediantur in civitatem. Foris autem *erunt* canes, et venefici, et scortatores, et homicidæ, et idololatræ, et quisquis amat ac committit mendacium.

- 16 Ego Jesus misi angelum meum, ut hæc vobis testificaretur in ecclesiis. Ego sum stirps et progenies illa Davidis, stella illa splendida et
17 matutina. Et spiritus et sponsa dicunt, Veni. Et qui audit, dicat, Veni: et qui sitit, veniat: et qui vult, accipiat aquam vitæ gratis.

- 18 Enimvero una testor cuivis audienti verba prophetiæ libri hujus, Siquis apposuerit ad hæc, imponet ei Deus plagas scriptas in libro isto:
19 et siquis abstulerit *aliquid* ex verbis libri prophetiæ hujus, auferet Deus partem ejus e libro vitæ, et ex urbe sancta, et ex iis quæ scripta
20 sunt in libro isto. Dicit qui testatur ista, Etiam, venio cito.

Amen. Veni igitur, Domine Jesu.

- 21 GRATIA Domini nostri Jesu Christi cum omnibus vobis. Amen.
-



Lib

PSALMI DAVIDIS.

EX INTERPRETATIONE

TREMELLII ET JUNII

IMPRESSA HANNOVIÆ A. D. 1624

TYPIS WECHELIANIS.

BEROLINI:

SUMPTIBUS SOCIETATIS BIBLIOPHILORUM
BRITANNICÆ ET EXTERNÆ.

MDCCCLXXIII.

THE HISTORY OF THE

REIGN OF

CHARLES THE FIRST

BY

JOHN BURNET

LIBER PSALMORUM.

LIBER PRIMUS.

I.

- 1 BEATUS *est* vir ille, qui non ambulat in consilio improborum, et viæ peccatorum non insistit, ac in consessu derisorum non desidet:
- 2 Sed cujus oblectatio *est* in lege Jehovæ, et *qui* de lege illius meditatur interdium ac noctu.
- 3 Est enim sicut arbor plantata ad rivus aquarum, quæ fructum suum edit in tempore suo, et cujus folium non decidit; ideo quicquid faciet, prosperabitur.
- 4 Non ita improbi *sunt*; sed sicut gluma, quam dispellit ventus.
- 5 Idcirco non exsurgent improbi in illo iudicio, aut peccatores in cœtu justorum.
- 6 Nam agnoscit Jehova viam justorum: at via improborum peritura est.

II.

- 1 QUARE tumultuantur gentes, et nationes meditantur inane?
- 2 Sistunt se reges terræ, et procures consultant simul, contra Jehovam et contra Christum ejus:
- 3 *Dicentes*, Disrumpamus lora istorum, et projiciamus a nobis densos funes istorum!
- 4 Sedens in cœlis ridet; Dominus subsannat eos.
- 5 Tunc alloquetur eos in ira sua, et in æstu iræ suæ perturbabit eos.

- 6 *Dicet*, Atqui ego inungens regem meum præfeci
Zioni, monti sanctitatis meæ.
- 7 Decretum enarraturus sum: Jehova dixit mihi,
Filius meus es, ego hodie genui te.
- 8 Pete a me, et donabo gentes in possessionem
tuam, et fines terræ jus possessionis tuæ.
- 9 Confringes istos virga ferrea; ut vas figlinum
dissipabis eos.
- 10 Nunc ergo, reges, animadvertite; eruditionem
percipite, o judices terræ.
- 11 Colite Jehovam cum reverentia, et exsultate cum
tremore.
- 12 Osculamini filium, ut non irascatur, et pereatis
in via, quum exarserit vel minimum ira ejus:
beati omnes, qui se recipiunt ad eum.

III.

Psalms Davidis, *quem cecinit*, quum fugeret metu
Absalomi filii sui.

- 2 JEHOVA, quam multi sunt hostes mei! *quam*
multi insurgunt contra me!
- 3 *Quam* multi dicunt de anima mea, Non *est* ulla
salus isti in Deo plane!
- 4 At tu, Jehova, clypeus *es* circa me, gloria
mea, et extollens caput meum.
- 5 Voce mea ad Jehovam clamanti respondit mihi
e monte sanctitatis suæ maxime.
- 6 Ego cubui, et dormivi, expergefeci me; quia
Jehova sustentat me.
- 7 Non timebo a myriadibus populi, quas circum-
disposuerint *metatores* contra me.
- 8 Surge, Jehova; fac salvum me, Deus mi, qui
percussisti omnes inimicos meos maxillam, den-
tes improborum confregisti.

- 9 Jehovæ *est* salus; super populum tuum *sit* benedictio tua maxime.

IV.

Magistro symphonie fidium psalmus Davidis.

- 2 INVOCANTEM me exaudi, Deus justitiæ meæ, in angusto dilatasti mihi *locum*: gratiosus esto mihi, et audi orationem meam.
- 3 Filii virorum, quousque gloria mea ignominie *futura est?* dilecturi estis inanitatem? procuraturi mendacium summe?
- 4 At agnoscite separatim asseruisse Jehovam sibi eum, quem benigne accipit; Jehovam exauditurum, quum inclamavero ipsum.
- 5 Commovemini, et ne peccetis: cogitate cum animo vestro in cubili vestro, et quiescite, *ut qui* maxime.
- 6 Sacrificate sacrificia justitiæ: et fiduciam habete in Jehova.
- 7 Multi dicunt, O *si* quis efficiat, ut fruamur bono! Attolle super nos lucem faciei tuæ, Jehova,
- 8 Indideris lætitiā animo meo; majorem quam temporis, *quo* frumentum istorum et mustum istorum percipiuntur *ab ipsis* copiose.
- 9 In pace simul cubabo et dormiam: quum tu, Jehova, solus facias, ut secure habitem.

V.

Magistro symphonie ad pneumatica instrumenta
psalmus Davidis.

- 2 DICTA mea auribus percipe, Jehova; considera meditationem meam:
- 3 Attende voci clamoris mei, rex mi et Deus mi; nam apud te orationem habeo.

- 4 Jehova, mane auditurus es vocem meam: mane disserturus sum coram te et speculaturus.
- 5 Nam non es Deus fortis, qui delectetur improbitate; non est commoraturum *apud* te malum.
- 6 Non consistunt insani e regione oculorum tuorum: odisti omnes, qui operam dant iniquitati.
- 7 Perditurus es loquentes mendacium; virum sanguinarium et dolosum abominatur Jehova.
- 8 Ego autem instructus amplitudine benignitatis tuæ ingrediar domum tuam: incurvabo me versus templum sanctitatis tuæ cum reverentia tui.
- 9 Jehova, deduc me in justitia tua propter observatores meos: complana coram me viam tuam.
- 10 Nam non *est* in ore illius rectum; intimum illorum ærumnæ; sepulchrum apertum guttur illorum; lingua sua dolose blandiuntur.
- 11 Reos fac istos, o Deus; decidant de consiliis suis: amplitudine defectionum istorum depelle istos, quia rebellant in te.
- 12 Et lætabuntur omnes se recipientes ad te; in seculum canent, quos protecturus es: et exsultabunt in te amantes nominis tui.
- 13 Quia tu benedicis justo, Jehova: facis, ut benevolentia tanquam umbo circumtegat eum.

VI.

Magistro symphonix fidium ad gravem *symphoniam*
psalmus Davidis.

- 2 JEHOVA, ne in ira tua reprehendas me, neque in excandescencia tua castiges me.
- 3 Gratosus esto mihi, Jehova, quia languefactus sum: cura me, Jehova, quia conturbata sunt ossa mea.
- 4 Et anima mea conturbata est valde: tu ergo, Jehova, quousque?

- 5 Revertere, Jehova; expedi animam meam: salvum fac me propter benignitatem tuam.
- 6 Nam non *est* in ipsa morte recordatio tui; in sepulchro quis celebraret te?
- 7 Defatigatus sum in gemitu meo; feci, ut natet totam noctem lectus meus: lacrymis meis spondam meam liquefeci.
- 8 Depastus est ab indignatione oculus meus; consenuit inter omnes oppressores meos.
- 9 Recedite a me, omnes, qui datis operam iniquitati: nam audit Jehova vocem fletus mei.
- 10 Audit Jehova deprecationem meam: Jehova orationem meam acceptam habet.
- 11 Erubescant et conturbentur valde omnes inimici mei: revertantur, erubescant momento.

VII.

Ode mixta Davidis, quam cecinit Jehovæ ad verba
Cusi Benjaminitæ.

- 2 JEHOVA, Deus mi, ad te recipio me: salvum me fac ab omnibus persequentibus me, et libera me.
- 3 Ne abripiat tanquam leo animam meam; dilaceret nemine liberante.
- 4 Jehova, Deus mi, si feci istud, si est iniquitas *ista* in manibus meis:
- 5 Si intuli malum colenti pacem mecum, qui expedire solitus sum *quemque* opprimentem me immerito:
- 6 Persequatur inimicus animam meam et assequatur; conculcetque in terra *auferens* vitam meam, et faciat, ut gloria mea in pulvere habitet, *ut qui* maxime.
- 7 Surge, Jehova, in ira tua; extolle te gravis-

simo furore percitus in eos, qui me opprimunt: et invigilans *attende* ad me; iudicium præcepisti.

8 Ergo cœtus nationum circumdet te, et supra hunc in altum revertere.

9 Jehova jus dicit populis, iudica me, Jehova, secundum justitiam meam et secundum integritatem meam *pronuncia* pro me.

10 Deficiat, quæso, malum improborum, et stabilito justum: prout explorator *es* animorum et renum, Deus juste.

11 Clypeus meus *est* in Deo, qui dat salutem rectis corde:

12 Deo vindice iusti; et Deo forti detestante quotidie.

13 Si non convertatur *improb*us, gladium suum acuet; arcum suum adduxit, et *sagittam* aptavit ei.

14 Denique in eum aptavit arma lethifera: sagittas suas in fervidos occupaturus est.

15 Ecce, parturiet vanitatem; ut concepit laborem, ita mendacium pariet.

16 Cisternam fodit, et excavavit eam: deiecit eo se, in fovea operaturus *opus suum*.

17 Redibit labor ejus in caput ejus: et super verticem ejus injuria ejus descensura est.

18 Celebrabo Jehovam secundum justitiam ejus; et psallam nomini Jehovæ excelsi.

VIII.

Magistro symphonix ad *stationem* Gitthæam psalmus Davidis.

2 JEHOVA, Domine noster, quam magnificum *est* nomen tuum in universa terra, cui exponis super cœlestem decorem tuum!

- 3 Ab ore infantium et lactantium fundatam disposuisti laudem, propter hostes tuos, ad compescendum inimicum et ultorem sui.
- 4 Quum respicio cœlos tuos, opus digitorum tuorum: lunam et stellas, quas statuisti;
- 5 Quid *est* mortalis, quod memor sis ejus? aut filius hominis, quod visites eum?
- 6 Minorem quidem fecisti eum paulisper angelis: sed gloria et majestate coronasti eum;
- 7 Præfecisti eum operibus manuum tuarum: omnia posuisti sub pedibus ejus;
- 8 Greges et armenta, quotquot sunt: etiamque bestias agrestes;
- 9 Aves cœli et pisces maris: quicquid permeat semitas marium.
- 10 Jehova, Domine noster, quam magnificum *est* nomen tuum in universa terra!

IX.

Magistro symphonie acutæ ad medianam psalmus
Davidis.

- 2 CELEBRABO, Jehova, ex toto animo meo; enarrabo omnia mirabilia tua *opera*.
- 3 Lætabor et exultabo in te; psallam nomini tuo, Excelsæ:
- 4 Revertentes inimicos meos retrorsum corruere et perire a facie tua.
- 5 Nam exercuisti jus meum et causam meam; sedisti in solio, o vindex justitiæ.
- 6 Increpasti gentes, perdidisti improbum; nomen istorum delevisti in secula sempiterna.
- 7 O inimice, consummatæ sunt vastitates in æternum, et civitates exstirpasti, *scilicet* istorum: istorum, *inquam*, memoria periit.

- 8 At Jehova in seculum sedebit, comparans ad
judicium solium suum:
- 9 Et ipse judicaturus orbem juste; jus dicturus
nationibus rectissime.
- 10 Eritque Jehova edita arx tenui; edita arx
temporibus, *quibus est* in angustia.
- 11 Itaque fiduciam habebunt in te, qui noverunt
nomen tuum: quia non derelinquis quærentes te,
Jehova.
- 12 Psallite Jehovæ, qui sedet Zione; nunciate in
populos res gestas ejus:
- 13 Eum, qui reposit sanguinem cæde fusum, ho-
rum recordari; non oblivisci clamoris pauperum
afflictorum.
- 14 *Clamantium*, Gratiam fac mihi, Jehova; respice
afflictionem meam *illatam* ab osoribus meis,
exaltans me e portis mortis:
- 15 Ut enarrem universam laudem tuam in portis
filix Zionis: exsultem in salute tua, *dicens*,
- 16 Demersæ sunt gentes in foveam, *quam* fecerant;
ad rete, quod absconderant, captus est pes
earum.
- 17 Notum se fecit Jehova judicio, *quod* exercuit,
quum suo ipsius facto illaqueatus est impro-
bus: rem meditandam summe!
- 18 Retro agentur improbi ad sepulchrum usque;
omnes gentes oblitæ Dei.
- 19 Non enim oblivioni unquam tradendus est egens;
expectatio pauperum *non* peritura est in per-
petuum.
- 20 Surge, Jehova, ne roboret se mortalis: judicium
subeant gentes coram facie tua.
- 21 Incute, Jehova, timorem eis: vehementissime
agnoscant gentes se mortales esse.

X.

- 1 QUARE, Jehova, absistis in longinquo? *quare* te occultas temporibus, *quibus sumus* in angustia?
- 2 Superbia improbi fervide infestatur pauper afflictus: deprehendantur in cogitationibus, quas comminiscuntur.
- 3 Nam laudat improbus animam suam in desiderio ipsius; et quæstum facienti benedicit; irritat Jehovam.
- 4 Improbi in elatione vultus sui, non inquirere, nullum *esse* Deum: hæ sunt omnes cogitationes ejus.
- 5 Munitæ sunt viæ ejus quocunque tempore; altissime *absunt* judicia tua a conspectu ejus: quicunque sunt hostes ejus, in eos favilla incendium facit.
- 6 Dicit cum animo suo, Non dimovebor; nulla ætate se non *fore* in malo.
- 7 Exsecratione os ejus plenum est, fraudibusque et dolo; subest linguæ ejus molestia et vanitas.
- 8 Desidet in specu villarum, in latebris, occisurus innocentem: oculi ejus contra defectum viribus delitescunt.
- 9 Insidiatur in latibulo, sicut leo in tugurio suo; insidiatur ad rapiendum pauperem afflictum, rapturus pauperem afflictum trahendo eum in rete suum.
- 10 Atterit se, incurvat se; et procidit *membris* robustis suis, *tanquam si essent* defecta viribus.
- 11 Dicit cum animo suo, Oblitus est *Deus* fortis; abscondit faciem suam, non respicit unquam.
- 12 Surge, Jehova, *Deus* fortis; attolle manum tuam: ne obliviscaris pauperum afflictorum.

- 13 Quam ob rem irritat improbus Deum? dicit cum animo suo, te non repositurum esse?
- 14 Visum est tibi, quum tu molestiam et indignationem intueris, reponere manu tua? tuæ fidei committit se defectus viribus, pupilli tu es ad-jutor.
- 15 Frange brachium improbi et mali: inquire in improbitatem ejus, *donec* non invenias amplius!
- 16 Jehova rex sempiternus est; perierunt gentes e terra ipsius.
- 17 Desiderium mansuetorum exaudivisti, Jehova: confirma animum horum, adverte aurem tuam:
- 18 Vindicando pupillum et attritum; ut non per-gat amplius eum violenter exagitare mortalis e terra.

XI.

Magistro symphonie *ode* Davidis.

- 1 AD Jehovam me recipio; quomodo dicitis animæ meæ, Emigra e monte vestro, avicula?
- 2 Nam ecce, isti improbi adducunt arcum, aptant sagittam suam nervo, ad jaculandum in caligine contra *homines* rectos corde.
- 3 Quum fundamenta ipsa destruentur, quid fuerit operatus justus?
- 4 Jehova in templo sanctitatis suæ, Jehova, cujus solium *est* in cœlis, cujus oculi vident, cujus palpebræ explorant filios hominum;
- 5 Jehova justum explorat; improbum vero et amantem violentiæ odit animus ipsius.
- 6 Depluet super improbos prunas, ignem et sulphur: ventusque procellosissimus portio calicis eorum *futurus est*.
- 7 Nam justus Jehova quæ justa sunt diligit: rectum aspicit vultus ipsius.

XII.

Magistro symphoniæ ad gravem *symphoniam* psalmus
Davidis.

- 2 DA salutem, Jehova, nam desiit beneficus:
nam defecerunt veraces ex filiis hominum.
- 3 Vanum loquuntur alter cum altero; labio blandi-
tiarum *artifice*, duplice corde loquuntur.
- 4 Excindet Jehova omnia labia blanda, linguam
grandiloquam;
- 5 Eos qui dicunt, Linguæ nostræ jus obtinebimus,
labia nostra penes nos *sunt*: quis *esset* dominus
nobis?
- 6 A vastatione pauperum afflictorum; ab exclama-
tione egentium jam exsurgam, dicit Jehova:
locabo in salute *illum*, in quem favilla incen-
dium *improbis* fecerit.
- 7 Dicta Jehovæ dicta pura sunt: argentum pur-
gatum in catino lectissimo terræ, defæcatum
septies.
- 8 Tu, Jehova, servato eos: custodito eorum quem-
que a generatione ista in sæculum;
- 9 *In qua* circumquaque improbi obambulant;
quum extollitur res vilis inter filios hominum.

XIII.

Magistro symphoniæ psalmus Davidis.

- 2 QUOUSQUE, Jehova? oblivisceris mei in æter-
num? quousque abscondes faciem tuam a me?
- 3 Quousque repositurus sum consilia in animo
meo, mœrorem in corde meo de die? quousque
attollet se inimicus meus contra me?
- 4 Intuere, exaudi me, Jehova, Deus mi! illu-
stra oculos meos, ut non dormiam *dormitione*
mortis:

- 5 Ut non dicat inimicus meus, prævalui ei: hostes mei exsultent, quum dimotus fuero.
- 6 Ego enim in benignitate tua fiduciam habeo, exsultet animus meus in salute tua: cantabo Jehovæ, quum bono affecerit me.

XIV.

Magistro symphonie ode Davidis.

- 1 DICIT stultus cum animo suo, Non est Deus! corrumpunt, abominandam *quamque* actionem perpetrant, non *est* qui faciat bonum.
- 2 Jehova e cœlis prospectat super filios hominum; ut videat an sit *ullus*, qui intelligat, qui exquirat Deum.
- 3 Unusquisque recessit, *omnes* simul putidi facti sunt; non *est* qui faciat bonum, non *est* vel unus.
- 4 An non sibi sunt conscii omnes, qui operam dant iniquitati, quod exedentes populum meum edunt panem, Jehovam non invocant?
- 5 Ibi expavescunt pavore: quia Deus adest generationi justæ, *dicens*:
- 6 Consilium pauperis afflicti pudefacietis scilicet, quia Jehova *est* receptus ejus.
- 7 O *si* quis det e Zione salutem Israelis, reducete Jehova reducem turbam populi sui! exsultabit Jacob, lætabitur Israel.

XV.

Psalmus Davidis.

- 1 JEHOVA, quis commoraturus est in tentorio tuo? quis habitaturus in monte sanctitatis tuæ?
- 2 Qui ambulat integre, exercetque justitiam, ac loquitur veritatem ex animo suo:

- 3 Non obtrectat lingua sua, non afficit proximum suum malo, et opprobrium non effert in propinquum suum:
- 4 In cujus oculis contemptus *est* reprobus; timentes vero Jehovæ honorat: juratus in damnum suum, non tamen mutat.
- 5 Pecuniam suam non exponit scœnori, et munus contra innocentem non accipit, qui facit ista, nunquam dimovebitur.

XVI.

Insignis *ode* Davidis.

- 1 SERVA me, *Deus* fortis, nam me recipio ad te.
- 2 Dixi Jehovæ, Dominus meus es: bonum meum non *es conditurus* penes te:
- 3 Sanctis qui in terra *sunt* et magnificis *collaturus es*; iis, in *quibus est* tota oblectatio mea.
- 4 Horum multiplicant dolores, *qui* alium doctant: non sum libaturus libamina istorum ex sanguine, neque assumpturus nomina eorum in labiis meis.
- 5 Jehova portio prædii mei et poculi mei: tu sustentas sortem meam.
- 6 Funiculi acciderunt mihi in locis amœnissimis; etiam, possessio est elegantissima, *quæ* obtigit mihi.
- 7 Benedicam Jehovæ, qui dedit consilium mihi: *quo auctore* etiam per noctes erudiunt me renes mei.
- 8 Propono mihi Jehovam jugiter: quia a dextera mea *est*, non dimovebor.
- 9 Idcirco lætatur animus meus, et exsultat gloria mea: etiam caro mea habitat secure:

- 10 Quia non es derelicturus animam meam in sepulchro: neque expositurus eum, quem benignitate prosequeris, ut videat corruptionem.
- 11 Notam facis mihi semitam vitæ, satietatem gaudiorum in conspectu tuo amœnissimorum, dextera tua in æternitatem.

XVII.

Oratio Davidis.

- 1 EXAUDI, Jehova, justitiam; attende ad clamorem meum, aurem præbe orationi meæ, *quam habeo* absque labiis dolosis.
- 2 A facie tua jus meum prodeat: oculi tui videant, quæ recta sunt.
- 3 Quum exploraveris animum meum, visitaveris de nocte, probaveris me, non invenies: *quod* cogito, non transgreditur os meum.
- 4 Ad opera humana *instituenda*, ex verbo labiorum tuorum ego observo semitas effractoris.
- 5 Contine gressus meos in orbitis tuis; ne dimoveantur pedes mei.
- 6 Ego invoco te, quia exaudis me, Deus fortis: inclina aurem tuam ad me, ausculta sermonem meum.
- 7 Separa benignitates tuas, o qui servas recipientes se ad dexteram tuam ab insurgentibus.
- 8 Serva me tanquam nigrum pupillæ oculi: umbra alarum tuarum absconde me: .
- 9 Propter improbos, qui vastant me; inimicos meos capitales, *qui* cingunt me.
- 10 Adipem suum obesant; ore suo loquuntur superbe;
- 11 Gressum nostrum nunc circumdant nobis: oculos suos adjiciunt declinando in terram.

- 12 Similitudo cujusque *est* tanquam leonis appetentis rapere; et velut juvenis leonis residentis in latibulis.
- 13 Surge, Jehova, anticipa faciem ejus; prosterne eum, eripe animam meam gladio tuo ab improbo:
- 14 Ab hominibus *eripe* manu tua, Jehova; ab hominibus e mundo, quorum portio *est* in hac vita, quorum ventrem imples recondito *thesauro* tuo: satiantur filii, et relinquunt excellentiam suam infantibus suis.
- 15 Ego in justitia videbo vultum tuum; satiabor, quum expergiscar, similitudine tua.

XVIII.

Magistro symphonie servi Jehovæ, Davidis, qui, elocutus est Jehovæ verba cantici hujus, qua die eripuerat Jehova eum e manu omnium inimicorum ipsius, ut e manu Saulis. Et dixit:

- 2 Ex intimis visceribus diligam te, Jehova, firmitas mea.
- 3 Jehova, petra mea, et propugnaculum meum, et liberator meus; Deus fortis meus, rupes mea, ad quem me recipiam; clypeus meus, et cornu salutis meæ; editus locus meus.
- 4 Laudatum invoco Jehovam, et ab inimicis meis servor.
- 5 Circumdantibus me doloribus mortis, et torrentibus *hominum* nequam perterrentibus me:
- 6 Doloribus sepulchri circumeuntibus me, occurrentibus mihi tendiculis mortis:
- 7 In ipsa angustia mea invoco Jehovam, et ad Deum meum vociferor: exaudit e templo suo vocem meam, et vociferatio mea coram eo pervenit ad aures ejus.

- 8 Et concutitur ac movetur terra, fundamentaque montium commoventur; concutiuntur autem, quum *ira* accenditur ei.
- 9 Ascendit fumus per nasum ejus, et ignis ex ore ejus consumens, prunæ ardentes ab eo *sunt*.
- 10 Et demittens cœlum descendit, cum caligine sub pedibus suis:
- 11 Et insidens Cerubinis volat, volitatque super alas venti:
- 12 Disponit tenebras latibulum suum, circa se turgurium suum tenebrosas aquas, densitates superiorum nubium.
- 13 A splendore, *qui est* ante eum, nubes ejus densæ transeunt; grando et prunæ igneæ.
- 14 Tonante in cœlis Jehova, et excelso edente vocem suam; grando et prunæ igneæ.
- 15 Ita emittens sagittas suas dispergit illos: et fulgura jaculans fundit illos.
- 16 Conspiciuntur etiam imi alvei aquarum, et revelantur fundamenta orbis habitabilis increpatione tua, Jehova, flatu spiritus nasi tui.
- 17 Mittens ex edito assumit me, extrahit me ex aquis multis:
- 18 Eripit me ab inimico meo valentiore; et ab osoribus meis, quum robustiores sunt me.
- 19 *Quum* occurrunt mihi in tempore calamitatis meæ, tum *est* Jehova pro scipione mihi.
- 20 Et educit me in latum; liberat me, quia delectatur me.
- 21 Tribuit mihi Jehova secundum justitiam meam; secundum puritatem manuum mearum restituit mihi.
- 22 Quum observo vias Jehovæ, neque improbe avertō me a Deo meo;

- 23 Quum omnia judicia ejus in conspectu meo sunt, et statuta ejus non amoveo a me;
- 24 Denique quum sum integer coram eo; et caveo mihi, ne inique agam;
- 25 Restituit Jehova mihi secundum justitiam meam, secundum puritatem manuum mearum coram oculis suis.
- 26 Cum benigno benignum te exhibes; cum viro integro integrum te exhibes;
- 27 Cum puro purum te præbes: at cum perverso eluctaris:
- 28 Quia tu populum afflictum servas, oculos vero elatos dejicis.
- 29 Quin tu illustras lucernam meam: Jehova Deus meus splendentes efficit tenebras meas.
- 30 Per te enim transcurro turmam; et per Deum meum transilio murum.
- 31 Hujus *Dei* fortis integra *est* via, sermo Jehovæ purgatissimus *est*: clypeus est omnibus, qui se recipiunt ad eum.
- 32 Nam quis *est* Deus præter Jehovam? et quis rupes præterquam Deus noster?
- 33 Hic *Deus* fortis *est*, qui accingit me robore, et reddit integram viam meam;
- 34 Disponens pedes meos tanquam cervarum, ut in excelsis meis statuam me:
- 35 Docens manus meas prælium, adeo ut frangatur arcus chalybeus brachiis meis.
- 36 Nam das mihi clypeum salutis tuæ, dexteraque tua sustentat me, et mansuetudo tua adauget me.
- 37 Dilatas gressui meo locum meum; neque vacillant malleoli pedum meorum.
- 38 Persequor inimicos meos, et assequor eos: neque revertor, donec consumsero eos.

- 39 Frango eos, adeo ut non possint exsurgere, cadentes sub pedibus meis.
- 40 Accingis enim me robore ad bellum; prosternis insurgentes in me sub me.
- 41 Et inimicorum meorum exponis mihi cervicem, ut osores meos exscindam.
- 42 Vociferantur, sed non *est* qui servet; ad Jehovam, sed non exaudit eos.
- 43 Itaque contundo eos tanquam pulverem coram vento; ut lutum platearum frio eos.
- 44 Liberas me a contentionibus populi; disponis me in caput gentium; populus, quem non noveram, serviunt mihi:
- 45 Ad auditionem auris obediunt mihi, alienigenæ mendaciter se dedunt mihi;
- 46 Alienigenæ decidunt, et horrescunt e conclavibus suis.
- 47 Vivit Jehova, et benedicta rupes mea: quapropter exaltetur Deus salutis meæ:
- 48 *Deus* ille fortis, qui præstat ultiones mihi, et adducit populos subter me.
- 49 Liberans me ab inimicis meis, etiam supra insurgentes in me exaltasti me; a viro violento eripuisti me.
- 50 Idcirco celebrabo te in gentibus, Jehova; et nomini tuo psallam:
- 51 Magnificam præstare salutem omnimodam regi suo: et exercere benignitatem erga unctum suum, erga Davidem et erga semen ejus usque in seculum.

XIX.

Magistro symphonie psalmus Davidis.

- 2 COELI enarrant gloriam *Dei* fortis, et opus manuum ejus indicat expansum eorum.

- 3 Dies ad diem eructat sermonem; et nox ad noctem ostendit scientiam.
- 4 Non *est* sermo, neque verba *cis*; et sine *his* intelligitur vox eorum.
- 5 In totam terram prodeunte delineatione eorum, simul *prodierunt* in extremitatem orbis habitabilis sermones eorum; *ex quo* soli disposuit tentorium in eis.
- 6 Nam est tanquam sponsus prodiens e thalamo suo; lætatur tanquam robustus decursurus viam.
- 7 Ab extremitate cœlorum exortus ejus, et revolutio ejus ad extremitates eorum *est*: nec *est* quod abscondatur a calore ejus.
- 8 Doctrina Jehovæ integra *est*, restituens animam; testimonium Jehovæ verax, sapientiam afferens imperito.
- 9 Mandata Jehovæ *sunt* recta lætificantia animum; præceptum Jehovæ purum, illustrans oculos.
- 10 Reverentia Jehovæ munda, consistens in sempiternum; judicia Jehovæ *sunt* ipsa veritas, justa sunt pariter;
- 11 Desideratissima, *desiderabiliora* auro, et quidem auro purgatissimo quamplurimo; ac dulciora melle, et quidem acoeto melle.
- 12 Tum *me* servum tuum commonefactum istis in horum observatione *esse* emolumentum magnum,
- 13 (*Nam* errores quis intelligat?) *me, inquam*, ab occultis absolve:
- 14 Tum a contumaciis subtrahe servum tuum, ne dominantur in me: tunc integer et insons ero a defectione magna.
- 15 Sint accepti sermones oris mei, et meditatio animi mei coram te, Jehova, rupes mea et redemptor mi.

XX.

Magistro symphonie psalmus Davidis.

- 2 EXAUDIAT te Jehova tempore angustie; te in edito collocet nomen Dei Jacobi:
- 3 Mittat auxilium tuum e sancto, et e Zione fulciat te.
- 4 Odoretur omnia munera tua, et holocaustum tuum in cinerem redigat, ut quum maxime.
- 5 Det tibi ex animo tuo, et totum tuum consilium impleat.
- 6 Canamus de salute tua, et in nomine Dei nostri vexillis utamur: impleat Jehova omnes petitiones tuas.
- 7 Jam agnosco Jehovam servare unctum suum, exaudire eum de celis sanctitatis sue; ex summa fortitudine, salute dexteræ sue.
- 8 Hi curruum, et illi equorum, nos vero nominis Jehovæ Dei nostri recordamur.
- 9 Illi incurvant se et cadunt: nos vero surgimus et consistimus.
- 10 Jehova, serva! rex ipse exaudiat nos, quo tempore invocabimus.

XXI.

Magistro symphonie psalmus Davidis.

- 2 JEHOVA, de robore tuo lætatur rex, et de salute tua quam exsultat valde!
- 3 Desiderium animi ejus das ei; pronunciatum labiorum ejus non avertens, maxime.
- 4 Quin prævenis eum benedictionibus boni, imponis capiti ejus coronam auri purgatissimi.
- 5 Vitam petiit abs te; dedisti ei, *etiam* longitudinem dierum in seculum et sempiternum.
- 6 Magna *est* gloria ejus per salutem tuam; decus et majestatem posuisti in eo.

- 7 Nam disposuisti illi benedictiones in sempiternum, exhilaravisti eum lætitia a facie tua.
- 8 Quoniam ipse rex confidit Jehovæ, ideo fretus benignitate excelsi non dimovebitur.
- 9 Assequeris manu tua omnes inimicos tuos, dextera tua assequeris osores tuos.
- 10 Disponis eos *ut* fornacem ignis tempore faciei iratæ tuæ; Jehova ira sua absorbet eos, quasi consumat eos ignis.
- 11 Fructum eorum e terra perdis, et semen eorum e filiis hominum.
- 12 Quoniam intenderunt tibi malum; commenti sunt cogitationem, non possunt *perficere*.
- 13 Nam ponis eos *velut* tumulum; nervis tuis aptatas *sagittas* jacularis contra faciem eorum.
- 14 Exaltare, Jehova, robore tuo; cantemus et psallamus fortitudinem tuam.

XXII.

Magistro symphonie ad primam auroram psalmus
Davidis.

- 2 MI *Deus* fortis, mi *Deus* fortis, quare dereliquisti me, longinquus a salute mea, a verbis rugitus mei?
- 3 Deus mi, *quare* invocantem me interdiu non exaudis? et noctu *invocanti* non est silentium mihi?
- 4 Atqui sanctus es permanens, perfecta laus Israelis.
- 5 Tibi confisi sunt majores nostri: confisi sunt, et liberasti eos.
- 6 Ad te clamaverunt, et erepti sunt; tibi confisi sunt, nec puduit eos.
- 7 At ego *sum* vermis, ac non vir; opprobrium hominum, et contemptus populo.

- 8 Omnes videntes me subsannant me; diducunt labium, movent caput.
- 9 Devolvit se ad Jehovam (*inquiunt*); liberet eum, eripiat eum, quandoquidem delectatur eo.
- 10 Quum tu sis, qui eduxisti me ex utero: faciens ut securus agerem ad ubera matris meæ:
- 11 In te rejectus sim ex vulva; inde ab utero matris meæ *Deus* fortis meus sis:
- 12 Ne procul absis a me, dum angustia propinqua est, dum nemo *est* adjutor.
- 13 Circumdant me juvenci multi; robusti *juvenci* Basanis cingunt me.
- 14 Dilatant contra me os suum, *tanquam* leo rapiens et rugiens.
- 15 Sicut aqua effundor, et disparant se omnia ossa mea: est cor meum simile ceræ, liquefit in visceribus meis.
- 16 Arescit ut testa vis mea, et lingua mea adhæret faucibus meis: et in pulvere lethali collocas me.
- 17 Nam circumdederunt me canes, cœtus maleficorum circumvenerunt me; foderunt manus meas et pedes meos.
- 18 Enumerare possem omnia ossa mea: ipsi intuentur, respiciunt in me.
- 19 Partiuntur vestimenta mea inter se, et pro indumento meo projiciunt sortem.
- 20 Tu ergo, Jehova, ne procul absis! virtus mea, ad auxilium meum festina!
- 21 Eripe a gladio animam meam, a cane unicam meam!
- 22 Serva me ab ore leonis et a cornibus unicornium, exaudiens me!
- 23 Enarrabo nomen tuum fratribus meis: in media congregatione laudabo te:

- 24 *Dicens*, Timentes Jehovæ, laudate eum: totum semen Jacobi, honorate eum: et timete ab eo, totum semen Israelis.
- 25 Quia non spernit, neque abominatur afflictionem afflicti, neque abscondit faciem suam ab eo: sed quum vociferatur ad ipsum, exaudit.
- 26 De *bonis obventuris* a te *futura est* laus mea in congregatione multa: vota mea persolvam coram reverentibus eum.
- 27 Comedent mansueti, et saturabuntur; laudabunt Jehovam quærentes eum: vivet animus vester in sempiternum.
- 28 Recordabuntur et convertentur ad Jehovam omnes fines terræ; et incurvabunt se coram te *honorem exhibentes* omnes familiæ gentium.
- 29 Quoniam Jehovæ *est* regnum ipsum, et dominium habet in gentes.
- 30 Comedentes incurvabunt sese omnes pingues terræ; coram eo procumbent, quicumque descendunt in pulverem, *qui* animam suam in vita non conservaverit.
- 31 *Horum* semen colet eum, accensebitur Domino in quaque ætate.
- 32 Advenientes annuntiabunt justitiam ejus populo nascituro, ipsum exercere *eam*.

XXIII.

Psalmus Davidis.

- 1 JEHOVA pastor meus *est*, non possum egere.
- 2 In caulis herbidis facit ut recubem, secundum aquas lenes deducit me.
- 3 Animam meam quietam efficit; ducit me per orbitas justitiæ, propter nomen suum.
- 4 Etiam quum ambulare per vallem lethalis um-

bræ, non timerem malum, quia tu mecum *es*:
virga tua et pedum tuum, ipsa consolantur me.

- 5 Instruis coram me mensam e regione hostium
meorum: delibutum reddis unguento caput meum,
poculum meum exuberans.
- 6 Nihil nisi bonum et benignitas prosequuntur me
omnibus diebus vitæ meæ; et quietus ero in
domo Johovæ, quamdiu longa erunt tempora.

XXIV.

Davidis psalmus.

- 1 JEHOVÆ *est* terra, et quod implet eam; orbis
habitabilis, et habitantes in eo.
- 2 Nam ipse super maria fundavit illam, et super
flumina stabilivit illam.
- 3 Quis ascensurus est in montem Johovæ, et
quis staturus in loco sanctitatis ejus?
- 4 Innocens manibus et purus animo; qui non
effert ad vanitatem animam suam, neque jurat
ad fraudem:
- 5 *Is* reportat benedictionem a Jehova, et justitiam
a Deo salutis suæ.
- 6 Hæc *est* generatio requirentium eum: quæren-
tium faciem tuam, *generatio* Jacobi, summe
quærentium.
- 7 Attollite, portæ, capita vestra! et attollite vos,
ostia seculi! ut ingrediatur rex gloriæ.
- 8 Quis *est* iste rex gloriæ? Jehova
robustissimus et potentissimus; Jehova poten-
tissimus bellator.
- 9 Attollite, portæ, capita vestra! attollite, in-
quam, ostia seculi! ut ingrediatur rex gloriæ.

- 10 Quis *est* iste rex gloriæ? Jehova exercituum: is *est* rex gloriæ summe.

XXV.

Ode Davidis.

- 1 **℣** AD te, Jehova, animam meam attollo.
- 2 **℣** Deus mi, in te confido; ne erubescam, ne exsultent inimici mei de me.
- 3 **℣** Etiam ulli expectantes te, ne erubescant: erubescant, qui perfide agunt immerito.
- 4 **℣** Vias tuas, Jehova, notas fac mihi; semitas tuas doce me.
- 5 **℣** Fac, ut incedam per veritatem tuam, et doce me; nam tu *es* Deus salutis meæ, te exspecto totum diem.
- 6 **℣** Recordare miserationum tuarum, Jehova, et benignitatum tuarum, eas a seculo esse.
- 7 **℣** Peccatorum pueritiæ meæ et defectionum mearum ne recorderis: pro benignitate tua recordare mei tu propter bonitatem tuam, Jehova.
- 8 **℣** Bonus et rectus Jehova *est*, idcirco docet peccatores viam: .
- 9 **℣** Facit, ut incedant mansueti ex jure, et docet mansuetos viam suam:
- 10 **℣** Omnes semitæ Jehovæ benignitas et fides *sunt*, custodientibus fœdus ejus et testimonia ejus.
- 11 **℣** Propter nomen tuum, Jehova condonabis igitur iniquitatem meam: nam magna est.
- 12 **℣** Qualis futurus est vir ille, qui reveretur Jehovam docentem ipsum, quam viam eligat?

- 13 **י** Anima ejus in bono pernoctabit, et semen ejus hæreditario jure possidebit terram.
- 14 **ס** Arcanum Jehovæ *adest* reverentibus ipsum et fœdus ejus, ut experimento testetur eis.
- 15 **ע** Oculi mei jugiter ad Jehovam *respiciunt*; quia ipse educit e reti pedes meos.
- 16 **פ** Respice ad me, et gratiam fac mihi; quia solitarius et pauper sum.
- 17 **צ** Oppressiones animi mei dilatant *se*: ab angustiis meis deduc me:
- 18 **ק** Aspice afflictionem meam et laborem meum; et condona omnia peccata mea.
- 19 **ר** Aspice inimicos meos, quia potentiores sunt, et odio violento oderunt me.
- 20 **ש** Serva animam meam et eripe me, ne erubescam, quia recipio me ad te.
- 21 **ת** Integritas et rectum custodiant me; quia exspecto te.
- 22 **פ** Redime, Deus, Israellem ab omnibus oppressionibus ejus.

XXVI.

Ode Davidis.

- 1 JUDICEM meum age, Jehova, quoniam ego in integritate mea ambulo; et Jehovæ confido, me non vacillaturum.
- 2 Proba me, Jehova, et tenta me; examina renes meos et animum meum.
- 3 Nam benignitas tua coram oculis meis *est*, et indesinenter ambulo in veritate tua.
- 4 Non sedeo cum hominibus vanis, et cum dissimulatis non convenio.

- 5 Odi congregationem maleficorum, et cum improbis non sedeo.
- 6 Lavo in innocentia manus meas, et circumëo altare tuum, Jehova:
- 7 Personando voce gratiarum actionis, et enarrando omnia mirabilia tua.
- 8 Jehova, diligo habitaculum domus tuæ; et locum, tabernaculum gloriæ tuæ.
- 9 Ne aggredes penes peccatores animam meam, et penes viros sanguinarios vitam meam:
- 10 Quorum in manibus scelus, quorum dextera plena est corruptionis muneribus.
- 11 At ego in integritate mea ambulo: redime me, et gratiam fac mihi.
- 12 Pede meo consistente in plano, in congregationibus benedicam Jehovæ.

XXVII.

Ode Davidis.

- 1 JEHOVA lux mea et salus mea *est*, a quo timerem? Jehova robur vitæ meæ *est*, a quo expavescerem?
- 2 Belligerantibus contra me maleficis ad exedendum carnem meam, hostibus meis et inimicis meis in me; ipsi corruunt et concidunt.
- 3 Si metarentur contra me castra, non timeret animus meus: si insurgeret contra me bellum, hac re ego securus essem.
- 4 Unum petii a Jehova, ad ipsum requiro, ut consideam in domo Jehovæ omnibus diebus vitæ meæ, ad videndum amœnitatem Jehovæ, et inquirendum in templo ejus.
- 5 Nam abscondit me in tugurio suo tempore adversitatis; abdit me in abdito tentorii sui, in rupem attollit me:

- 6 Jam vero extollitur caput meum supra inimicos meos circumstantes me; ut sacrificem in tentorio ejus sacrificia clangoris, canam et psallam Jehovæ.
- 7 Audi, Jehova, *me* voce mea clamantem; gratiamque fac mihi, et exaudi me.
- 8 Tuum *illud*, Requirit faciem meam, cogitat animus meus: faciem tuam, Jehova, requiro.
- 9 Ne abscondas faciem tuam a me, ne avertas in ira servum tuum: auxilium meum fuisti, ne deseras me, neque derelinquas me, Deus salutis meæ.
- 10 Nam pater meus et mater mea derelinquunt me, sed Jehova recipiet me.
- 11 Doce me, Jehova, viam tuam, et deduc me per semitam planam; propter observantes me.
- 12 Ne tradas me desiderio hostium meorum; nam consistunt contra me testes mendaces, et qui spirant violentiam:
- 13 *Abrepturi me*, nisi crederem me fruiturum bonitate Jehovæ in terra viventium.
- 14 Exspecta Jehovam; confirmare, et fortificabit animum tuum: itaque exspecta Jehovam.

XXVIII.

Ode Davidis.

- 1 TE, Jehova, inclamo; rupes mea, ne surdum agas *aversus* a me: ut non, si mutus eris *et aversus* a me, consimilis fiam descendentibus in sepulchrum.
- 2 Audi vocem deprecationum mearum, dum vociferor ad te; dum attollo manus meas ad adytum sanctitatis tuæ.
- 3 Ne trahas me penes improbos, et penes

operarios iniquitatis; loquentes pacem cum proximis suis, malitia *obtinente* in animo eorum.

4 Da istis secundum opus ipsorum, et secundum malignitatem actionum ipsorum; secundum opus manuum ipsorum da eis, redde retributionem suam eis.

5 Quia non animadvertunt ad opera Jehovæ et ad factum manuum ejus, destructurus est eos, non autem exstructurus eos.

6 Benedictus *sit* Jehova, quia exaudivit vocem deprecationum mearum;

7 Jehova robur meum et scutum meum, cui confidente animo meo adjuvor: idcirco exsultat animus meus, ut cantico meo celebrem eum.

8 Jehova robur istis, et robur maxime salutare est Christus illius.

9 Serva populum tuum, et benedic possessioni tuæ: pasceque eos ac extolle eos usque in seculum.

XXIX.

Psalmus Davidis.

1 CEDITE Jehovæ, filii fortium, cedite Jehovæ gloriam et laudem.

2 Cedite Jehovæ gloriam nominis ejus, incurvate vos honorem exhibentes Jehovæ in decore sanctitatis.

3 Vox Jehovæ supra aquas, *vox Dei* fortis gloriosi intonat, *vox* Jehovæ supra aquas multas:

4 Vox Jehovæ potenter, vox Jehovæ decore.

5 Vox Jehovæ confringit cedros, perfringit etiam Jehova cedros Libani:

6 Et facit, ut exsiliant sicut vitulus, Libanus et Sirjôn ut pullus unicornium.

- 7 Vox Jehovæ cædit flammæ ignis.
- 8 Vox Jehovæ dolore afficit desertum, dolore afficit Jehova desertum Kadesi.
- 9 Vox Jehovæ facit, ut pariant cervæ, et denu-
dat silvas: verum in templo suo eloquitur to-
tam gloriam suam.
- 10 Jehova in diluvio sedebat: et sedet Jehova
rex in seculum.
- 11 Jehova robur populo suo dat, Jehova benedicit
populo suo cum pace.

XXX.

Psalmus Davidis; canticum dedicationis domus
illius.

- 2 EXTOLLAM te, Jehova; quoniam evexisti me,
neque lætitia affecisti inimicos meos de me.
- 3 Jehova, Deus mi, vociferantem ad te curasti me.
- 4 Jehova eduxisti e sepulchro animam meam, con-
servans me vivum, ne descenderem in sepul-
chrum.
- 5 Psallite Jehovæ, quos ipse benignitate pro-
sequitur; et celebrate ad memoriam sanctitatis
ejus.
- 6 Quum momento *fuit* in ira sua, vita *adest* be-
nevolentia ejus: vespere si diversetur fletus,
mane *adest* cantus.
- 7 Nam ego dicebam in tranquillitate mea, Non
dimovebor in seculum.
- 8 Jehova, benevolentia tua constitueras in monte
meo robur, te abscondente faciem tuam fui con-
turbatus.
- 9 Ad te, Jehova, clamavi, et Jehovam depre-
catus sum, *dicens*,

- 10 Quid lucri *erit* in sanguine meo, quum descen-
dam in foveam? an celebrabit te pulvis? nun-
ciabitne veritatem tuam?
- 11 Audi, Jehova, et gratiam fac mihi; Jehova,
esto adjutor mihi.
- 12 Convertisti planctum meum in choream mihi;
solvisti cilicium meum, et accinxisti me lætitia:
- 13 Ut psallat tibi gloria, ac non conticescat; Je-
hova, Deus mi, in seculum celabrabo te.

XXXI.

Magistro symphonie psalmus Davidis.

- 2 AD te, Jehova, me recipio, ne erubescam in
seculum: justitia tua libera me.
- 3 Inclina ad me aurem tuam, cito eripe me: esto
mihi rupes robusta, locus munitissimus ad ser-
vandum me.
- 4 Nam' petra mea et munitio mea es; itaque pro-
pter nomen tuum agito me et deducito me.
- 5 Educito me e reti, quod absconderunt adver-
sum me: quia tu robur meum *es*.
- 6 In manum tuam depono spiritum meum: rede-
misti me, Jehova, *Deus* fortis, verax.
- 7 Odi eos, qui observant vanitates vanissimas:
nam ego in Jehova confido.
- 8 Me exsultaturum et lætaturum benignitate tua,
quando aspexeris afflictionem meam, agnoveris
angustias animæ meæ:
- 9 Ac non tradideris me in manum inimici; *sed*
statueris in lato pedes meos.
- 10 Gratiam fac mihi, Jehova, nam angustia *est*
mihi; contabescit præ indignatione oculus meus,
anima mea, et venter meus:

- 11 Nam deficit mœrore vita mea, et anni mei gemitu: labefactatur pœna iniquitatis, quam patior: virtus mea et ossa mea contabescunt.
- 12 Apud omnes hostes meos sum probro, et apud vicinos meos valde, pavorique notis meis: aspicientes me foris, evagantur a me.
- 13 Oblivione sepelior ab animo, ut mortuus: sum ut instrumentum perditum.
- 14 Nam audio infamiam a multis, metum circumquaque: consultando simul adversus me, de interceptiunda anima mea cogitant.
- 15 Ego vero in te confido, Jehova; dicens, Deus meus es.
- 16 In manu tua tempora mea sunt; eripe me a manu inimicorum meorum, et a persequentibus me.
- 17 Fac, ut luceat facies tua supra servum tuum; serva me benignitate tua.
- 18 Jehova, ne erubescam, quandoquidem invoco te: erubescant improbi, excindantur *descensuri* in sepulchrum.
- 19 Muta reddantur labia mendacia, quæ loquuntur contra justum duriter cum elatione et contemptu.
- 20 Quam multa est bonitas tua, quam recondis reverentibus te! operaris erga eos, qui se recipiunt ad te, coram filiis hominum!
- 21 Abdis eos in abdito præsentiæ tuæ ab elationibus virorum: abscondis eos in tugurio a contentione linguarum.
- 22 Benedictus *sit* Jehova; quia mirificam reddit benignitatem suam erga me, *ut* in civitate munita *collocans me*.
- 23 Ego quidem dixeram in festinatione mea, Excisus sum a conspectu oculorum tuorum: verun-

tamen audisti vocem deprecationum mearum,
quum vociferarer ad te.

- 24 Diligite Jehovam omnes, quos benignitate
prosequitur; fideles custodientem Jehovam, et
rependentem excellentissime, facientem res magni-
ficas.
- 25 Confirmamini, et fortificabit animum vestrum;
omnes, qui speratis Jehovam.

XXXII.

Davidis *ode* didascalica.

- 1 BEATUS levatus a defectione, cujus tectum est
peccatum;
- 2 Beatus homo, cui non imputat Jehova iniqui-
tatem, et cujus spiritui non inest dolus.
- 3 Quum silerem, inveterascebant ossa mea in
rugito meo toto die.
- 4 Nam interdiu et noctu gravis erat super me
manus tua; convertebatur præstantissimus humor
meus in siccitates æstivas maxime.
- 5 Peccatum meum notum faciam tibi, et ini-
quitatem meam non tegam; (inquiēbam,) Confite-
bor defectiones meas Jehovæ; et tu sustulisti
pœnam peccati mei maxime.
- 6 Propter hoc oraturus est te, quemcunque be-
nignitate prosequeris, quo tempore obvenerit (in
inundatione aquarum multarum, ad eum non
pertingent tantum) *dicens*,
- 7 Tu latibulum es mihi, ab angustia custodito me:
cantonibus liberationis circumdato me maxime.
- 8 Erudiam te et docebo te, qua via ambu-
laturus sis; consilium dabo, *attento* in te oculo
meo.

- 9 Ne estote ut equus, ut mulus, expertes intelligentiæ: cujus os freno et habena constringendum *est*, ne appropinquet ad te.
- 10 Magni dolores *sunt* improbo: qui autem fiduciam habet in Jehova, benignitas circumdat eum.
- 11 Lætamini in Jehova et exsultate, justi, et cantate, omnes recti animo.

XXXIII.

- 1 CANTATE, justi, in Jehova! rectos docet laudatio.
- 2 Celebrate Jehovam cithara; nablio et decachordo psallite ei.
- 3 Canite ei canticum novum, optime pulsate cum clangore.
- 4 Quia rectum *est* verbum Jehovæ, et omne opus ejus constans:
- 5 Amat justitiam et judicium: benignitate Jehovæ plena est terra.
- 6 Verbo Jehovæ cœli facti sunt, et spiritu oris ejus totus exercitus eorum.
- 7 Congerit quasi cumulum aquas maris, disponit in thesauris abyssos.
- 8 Timeant a Jehova omnes *incolæ* terræ: ab ipso metuant omnes habitatores orbis.
- 9 Nam ipso dicente est, *quicquid est*: ipso præcipiente existit.
- 10 Jehova irritum facit consilium gentium, infringit cogitationes populorum:
- 11 Consilium *vero* Jehovæ in seculum consistit; cogitationes animi ejus in ætates singulas.
- 12 Beata gens illa, cujus Jehova Deus *est*: populus, *quem* elegit in possessionem sibi.

- 13 E cœlis intuetur Jehova, videt omnes filios hominis:
- 14 E loco habitationis suæ prospicit in omnes habitatores terræ:
- 15 Formator pariter cordis eorum, animadvertit ad omnia opera eorum.
- 16 Non *est* rex, qui servetur multitudine copiarum; potens non eripitur multitudine virium:
- 17 Mendax *est* equus ad salutem, et multitudine roboris sui non liberat *sessorem*.
- 18 Ecce, oculus Jehovæ *attendit* ad timentes sui, ad expectantes benignitatem ipsius:
- 19 Ut eripiat a morte animam eorum, et vivos conservet eos in fame.
- 20 Anima nostra præstolatur Jehovam: auxilium nostrum et scutum nostrum est.
- 21 Nam in eo lætatur animus noster, quia nomini sancto ejus confidimus.
- 22 Sit benignitas tua, Jehova, super nos; prout expectamus te.

XXXIV.

Ode Davidis, quum mutasset speciem suam coram Abimeleco, eoque ipsum expellente abiisset.

- 2 ✠ BENEDICAM Jehovæ omni tempore: jugiter laus ejus *erit* in ore meo.
- 3 ☩ In Jehova jactabit se anima mea; audient mansueti, et lætabuntur.
- 4 ☩ *Dicam*, Magnificate Jehovam mecum, et extolamus nomen ejus pariter.
- 5 ☩ Quæsi vi Jehovam, et exaudivit me; ac ex omnibus pavoribus meis eripuit me.
- 6 ☩ Qui intuentur in eum et confluunt, vultus eorum ne erubescant, *sed dicant*:

- 7 𐤀 Iste pauper invocavit, et Jehova exaudivit, ac ab omnibus angustiis ejus servavit eum.
- 8 𐤁 Castra metantur angeli Jehovæ circa timentes eum; et eripit eos.
- 9 𐤂 Gustate et videte bonum esse Jehovam: beatus vir ille, *qui* se recipit ad eum.
- 10 𐤃 Timete Jehovam, sancti ejus: quia non *est* penuria timentibus eum.
- 11 𐤄 Juvenes leones pauperantur atque esuriunt: quærentes autem Jehovam, non indigent ullo bono.
- 12 𐤅 Agite, filii, auscultate mihi: reverentiam Jehovæ docebo vos.
- 13 𐤆 Quis *est* vir ille, qui delectatur vita, amat dies, *amat* frui bono?
- 14 𐤇 Custodi linguam tuam a malo; et labia tua ne loquantur fraudem.
- 15 𐤈 Recede a malo et fac bonum: require pacem et sectare eam.
- 16 𐤉 Oculi Jehovæ ad justos, et aures ejus ad vociferationem eorum *attendunt*:
- 17 𐤊 Irata *vero* facies Jehovæ ad facientes malum, ut excindat e terra memoriam eorum.
- 18 𐤋 Clamantes *illos* Jehova audit, et ex omnibus angustiis ipsorum eripit illos.
- 19 𐤌 Propinquus *est* Jehova fractis animo: et contritos spiritu servat.
- 20 𐤍 Multæ *sunt* afflictiones justî; sed ex omnibus illis eripit eum Jehova,
- 21 𐤎 Servans omnia ossa ejus; unum ex illis non frangitur:
- 22 𐤏 At morte afficit improbum afflictio, et qui oderunt justum, disperduntur.
- 23 𐤐 Redimit Jehova animam servorum suorum: neque disperduntur ulli recipientes se ad eum.

XXXV.

Ode Davidis.

- 1 CONTENDE, Jehova, adversus contententes
 mecum; impugna impugnantes me.
- 2 Prehende scutum aut clypeum; ac surge in
 auxilium meum:
- 3 Et exsere hastam, et præclude persequentibus
 me; dic animæ meæ, Salus tua sum.
- 4 Pudefiant et rubore perfundantur quærentes
 animam meam: agantur retrorsum et erubescant
 machinantes malum meum.
- 5 Sint sicut gluma coram vento, angelo Jehovæ
 impellente:
- 6 Sit via eorum tenebrosa et lubricissima; et an-
 gelus Jehovæ persequator eos.
- 7 Quandoquidem immerito abscondunt mihi *in*
 fovea rete suum; immerito fodiunt *foveam* con-
 tra animam meam;
- 8 Eveniat ei vastatio nescienti, ut rete ipsius,
 quod abscondit, capiat eum: *ad* vastationem de-
 cidat in illam.
- 9 Sic anima mea exsultet in Jehova, gaudeat in
 salute ejus.
- 10 Omnia ossa mea dicant, Jehova, quis *est* par
 tibi, eripiens pauperem a valentiore eo? pau-
 perem, inquam, et egentem a diripiente eum?
- 11 Insurgent testes injurii; quorum non sum con-
 scius, *ea* repetunt a me:
- 12 Rependunt mihi malum pro bono, orbitatem ani-
 mæ meæ:
- 13 Quamvis ego, ægrotantibus illis, *utens pro*
 veste mea cilicio, affligerem jejuniis animam
 meam, et oratio mea in sinum meum rediret:
- 14 Tanquam *ad* proximum, tanquam *ad* fratrem

mihi indesinenter itarem; tanquā lugens matrem atratus curvarem me.

15 Quum vero claudico, lætantur congregantes se; congregant se apud me loripedes, ut non animadvertam; lacerant, ac non silent:

16 Inter hypocritas *facetos* sanniones faceti; fren-dentes contra me dentibus suis.

17 Domine, quamdiu aspicies? reduc animam meam a vastationibus eorum, a juvenibus leonibus unicum meum:

18 Celebrabo te in congregatione multa, in populo frequenti laudabo te.

19 Ne lætentur de me, qui mihi sunt inimici falsis de causis: qui oderunt me immerito, ne nictent oculo:

20 Non enim pacem loquuntur: sed contra quietos terræ res fraudulentissimas excogitant:

21 Et dilatant contra me os suum: dicentes, Euge, euge, videt oculos noster!

22 Vides, Jehova, ne sileas; Domine, ne longe absis a me.

23 Evigila et expergiscere ad iudicium meum: Deus mi et Domine mi, ad contentionem meam.

24 Judica me secundum justitiam tuam, Jehova, Deus mi; et ne lætentur de me.

25 Ne dicant cum animo suo, Euge anima nostra! ne dicant, Absorbuimus eum!

26 Pudefiant et erubescant simul gaudentes de malo meo: induantur pudore et ignominia, qui magnificant se contra me.

27 Cantabunt et lætabuntur, qui delectantur justitia mea, dicentque jugiter, Magnificetur Jehova, qui delectatur pace servi sui.

28 Et lingua mea enunciabit justitiam tuam, toto die laudem tuam.

XXXVI.

Magistro symphonix *ode* servi Jehovæ, Davidis.

- 2 DICTUM defectionis ad improbum in intimo cordis mei *est*, coram ejus oculis non *esse* pavorem Dei:
- 3 Blandiri eum sibi in oculis suis, quum assequitur iniquitatem suam, *quæ* odio habenda *esset*.
- 4 Verba oris ejus vana et dolosa *sunt*: desinit adhibere intelligentiam ad benefaciendum.
- 5 Vanitatem cogitat in cubili suo; sistit sese in via non bona: malum non spernit.
- 6 Jehova, in cœlis *est* benignitas tua, fides tua usque ad superiores nubes:
- 7 Justitia tua instar montium maximorum: judicia tua *instar* abyssi magnæ, homines et jumenta conservas, Jehova.
- 8 Quam pretiosa *est* benignitas tua, Deus, quum filii hominum ad umbram alarum tuarum sese recipiunt.
- 9 Uberrime explentur pinguedine domus tuæ, et de torrente deliciarum tuarum bibendum das eis:
- 10 Quandoquidem penes te *est* fons vitæ, in luce tua fruamur luce.
- 11 Protende benignitatem tuam erga cognoscentes te, et justitiam tuam erga rectos animo.
- 12 Ne aggrediatur me pes superbi, et manus improborum ne inducat me ad aberrandum *eo*,
- 13 Ubi cadunt operarii iniquitatis; ita impelluntur, ut non possint surgere.

XXXVII.

Ode Davidis.

- 1 ✠ Ne accendaris ira propter maleficos; ne inideas facientibus iniquitatem.

- 2 Nam sicut fœnum cito succidentur, et sicut viriditas teneræ herbæ decident.
- 3 𐤇 Confide in Jehova et fac bonum: inhabita terram et pascere fide:
- 4 Et oblecta te in Jehova, qui dabit tibi petitiones animi tui.
- 5 𐤇 Devolve super Jehovam viam tuam et confide in eo; nam ipse efficiet:
- 6 Proferens tanquam lucem justitiam tuam, et jus tuum tanquam meridiem.
- 7 𐤇 Acquiesce Jehovæ, et indesinenter expecta eum: ne accendaris ira propter prosperantem via sua, propter virum efficientem cogitata.
- 8 𐤇 Absiste ab ira, et derelinque excandescentiam; ne accendaris ira, saltem ad malefaciendum.
- 9 Nam malefici excidentur; expectantes vero Jehovam, ipsi hæreditario jure possidebunt terram.
- 10 𐤇 Et adhuc paululum, plane non *erit* improbus; quod si consideraveris locum ejus, non exstabit:
- 11 Mansueti vero hæreditario jure possidebunt terram, et oblectabunt se in multitudine pacis.
- 12 𐤇 Cogitante improbo contra justum, et frendente adversus eum dentibus suis,
- 13 Dominus ridet eum, quia videt advenire diem suum.
- 14 𐤇 Gladium eduxerint improbi, et adduxerint arcum suum, ad dejiciendum pauperem et egentem, ad mactandum rectos via:
- 15 Gladius eorum intrabit in cor eorum, et arcus eorum confringentur.

- 16 ❧ Bonum *est* parum cuique justo, plus quam copia *sua* improbis multis.
- 17 Nam brachia improborum confringuntur: sustinet autem justos Jehova.
- 18 † Agnoscit Jehova tempora integrorum; adeo ut possessio eorum in seculum futura sit,
- 19 Non erubescant tempore malo, sed diebus famis saturentur:
- 20 ❧ Dum improbi pereunt et inimici Jehovæ, ut, quæ pretiosa sunt in agnis: *ut hæc* consumuntur in fenum *abeuntia*, consumuntur *isti*.
- 21 ♢ Mutuo accipit improbus, sed non potest redde-
re: justus vero gratiam facit et donat:
- 22 Quia benedicti ab illo hæreditario jure possident terram: maledicti vero ab illo excinduntur.
- 23 ♢ A Jehova gressus viri statuuntur, cujus delectatur via.
- 24 Quum cadit, non dejicitur; quia Jehova sustentat manum ejus.
- 25 ♢ Puer fui, etiam consenui: sed non vidi justum ita derelictum, ut semen ejus quæreretur panem.
- 26 Toto die gratiam facit et mutuatur, et semen ejus in benedictione *est*.
- 27 ❧ Recede a malo et fac bonum: sic habita in seculum:
- 28 Nam Jehova amat jus, neque derelinquit, quos benevolentia prosequitur: in seculum conservatur, semen vero improborum excinditur.
- 29 ♢ Justi hæreditario jure possidebunt terram, et habitabunt in æternum super eam.
- 30 ♢ Justi *cujus* os meditatur sapientiam, et *cujus* lingua loquitur jus.

- 31 In cujus animo *est* lex Dei sui, *pēs ejus* non labascit gressibus suis.
- 32 ז Speculante improbo adversus justum et quærente morte illum afficere,
- 33 Jehova non derelinquit illum in manu istius; neque sinit eum condemnari, quum judicatur.
- 34 פ Attende ad Jehovam et observa viam ejus: tum extollet te ad possidendum terram jure hæreditario; excidium improborum videbis.
- 35 ר Vidi improbum magna vi erumpentem, et sese explicantem tanquam arbor indigena virens:
- 36 Deinde præteriit, et ecce, non *erat* amplius: nam quæsivi eum, sed non inventus est.
- 37 ש Observa integrum et aspice rectum, finem *istius* viri esse pacem:
- 38 Defectores vero perdi pariter, finem improborum excindi.
- 39 נ Nam salus justorum a Jehova *est*, robur eorum tempore angustiae:
- 40 Et adjuvat eos Jehova ac liberat eos: liberat eos ab improbis, ac servat eos, quia recipiunt se ad ipsum.

XXXVIII.

Psalmus Davidis ad recordandum.

- 2 JEHOVA, ne in fervente ira tua arguas me, aut in excandescencia tua castiges me.
- 3 Nam sagittæ tuæ *alte* infixæ sunt in me, et demisisti super me manum tuam.
- 4 Non *est* integritas in carne mea, propter detestationem tuam: non *est* pax in ossibus meis, propter peccatum meum.
- 5 Nam iniquitates meæ transcendunt caput meum,

ut onus grave; graviores sunt, quam perferre queam.

6 Putruerunt, contabuerunt tumices mei, propter stultitiam meam.

7 Distorqueor, incurvor pervalde; tota die atratus pergo:

8 Quia ilia mea plena sunt vilitate, adeo ut non *sit* ulla integritas in carne mea.

9 Debilitatus et attritus sum pervalde, rugio præ fremitu animi mei.

10 Domine, coram te *est* totum desiderium meum; et suspirium meum a te non est absconditum.

11 Cor meum palpitât, derelinquit me virtus mea; et lux oculorum meorum, etiam ipsi non *sunt* penes me.

12 Amici mei et proximi mei e regione plagæ meæ subsistunt, et propinqui mei e longinquo absistunt.

13 Tendunt vero laqueos, qui quærent animam meam: et qui requirunt malum meum, loquuntur æumnas, et dolos toto die meditantur.

14 Quos ego tanquam surdus non audio, et tanquam mutus non aperiens os suum;

15 Sed sum tanquam is, qui non audit, et in cuius ore non *sunt* argumenta:

16 Quia te, Jehova, expecto; *ut* tu exaudias, Domine, Deus mi:

17 Quia dico, *Videndum*, ut non lætentur de me; nutante pede meo, contra me magnificent se:

18 Si ego ad claudicationem comparatus *fuero*, et dolor meus *fuerit* coram me jugiter.

19 Quandoquidem iniquitatem meam indico, sollicitus sum de peccato meo.

- 20 Inimici autem mei vivi roborantur; et multiplicantur, qui oderunt me falsis de causis;
21 Et reddentes malum pro bono adversantur mihi; eo quod sector bonum.
22 Ne derelinquas me, Jehova: Deus mi, ne longe absis a me.
23 Festina ad auxilium meum, Domine, salus mea!

XXXIX.

Magistro symphonie Jeduthuni psalmus Davidis.

- 2 DIXERAM, Observabo vias meas, ne peccem lingua mea: servabo circa os meum capistrum, tantisper dum improbus *erit* coram me.
3 Obmutueram taciturnus, silebam *etiam* a bono; sed dolor meus incrudescibat.
4 Incalescente vero animo meo in me, in meditatione mea exardescente igne, locutus sum lingua mea, *dicens*:
5 Fac ut experiar, Jehova, finem meum; mensura dierum meorum, quid sit; experiar, quam durabilis sum.
6 Ecce, palmares disposuisti dies meos, et tempus meum ut nihil *est* coram te: profecto, omnimoda vanitas omnis homo *est*, *quantumvis* constitutus maxime.
7 Profecto, per imaginem præterit vir; profecto, *in* vanum perstrepunt: congregat *quispiam*, sed nescit, quis recepturus sit ea.
8 Sed jam quid exspecto, Domine? spes mea in te est.
9 Ab omnibus defectionibus meis eripe me, probro stultis ne exponas me.
10 Obmutesco, non aperio os meum, quia tu fecisti.
11 Remove a me plagam tuam; a conflictu manus tuæ ego deficio.

- 12 Si reprehensionibus pro iniquitate castigares quempiam, dissolveres sicut tineam, quod inest ei desiderabile: profecto, vanitas *est* omnis homo maxime.
- 13 Audi orationem meam, Jehova, et clamorem meum; aurem adverte ad lacrymas meas, ne surdum agas: quia peregrinus sum coram te, inquilinus ut omnes majores mei.
- 14 Desiste a me, ut recreem me; quum nondum abeo, ut non amplius *sim*.

XL.

Magistro symphonix Davidis psalmus.

- 2 CONSTANTER exspectavi Jehovam, qui inclinans ad me audivit vociferationem meam:
- 3 Et educens me e lacu tumultuoso, e luto cœnoso, statuit super petram pedes meos, firmavit gressus meos:
- 4 Denique indidit ori meo canticum novum, laudationem Deo nostro: videntes multi reverebuntur, et confident in Jehova, *dicentes*,
- 5 Beatus *est* vir ille, qui ponit in Jehova fiduciam suam, neque respicit ad superbos aut declinantes *ad* mendacium.
- 6 Tu multa præstas, Jehova, Deus mi, mirabilia tua et cogitationes tuas erga nos: nemo recensendis *iis* par tibi; *si* indicabo et eloquar, numerosiora sunt, quam ut enarremus.
- 7 Sacrificio, *inquis*, et munere non delectatus es, aures perfodisti mihi: holocaustum et oblationem pro peccato non expetivisti.
- 8 Tum dixi, Ecce, venio: in volumine libri scriptum est de me.
- 9 Facere voluntatem tuam, Deus mi, delector: et lex tua *est* in visceribus meis.

- 10 Prædico justitiam in congregatione multa:
ecce, labia mea non cohibeo; Jehova, tu nosti.
- 11 Justitiam tuam non tego in animo meo, fidem
tuam et salutem tuam dico: non celo benigni-
tatem tuam et veritatem tuam congregationi
multæ.
- 12 Tu, Jehova, ne cohibeas miserationes tuas a
me: benignitas tua et veritas tua jugiter custo-
diant me.
- 13 Nam circumdantia invadunt me mala innumera-
bilia: assequuntur me iniquitates meæ, adeo ut
nequeam dispicere; numerosiores sunt capillis
capitis mei; animus etiam meus derelinquit me.
- 14 Velis, Jehova, eripere me; Jehova ad auxi-
lium meum festina.
- 15 Pudefiant et rubore perfundantur pariter quæ-
rentes animam meam ad perdendum eam: agan-
tur retrorsum et ignominia afficiantur, qui dele-
ctantur malo meo.
- 16 Desolentur pro mercede pudoris sui, qui dicunt
de me, Euge, euge!
- 17 Gaudeant et lætentur in te omnes quærentes
te; *ac* dicant jugiter, Magnificetur Jehova,
amantes salutis tuæ.
- 18 Sum quidem pauper et egens, sed Dominus co-
gitat de me: auxilium meum et liberator meus
es, Deus mi, ne tardes.

XLI.

Magistro symphonix psalmus Davidis.

- 2 BEATUS, qui attendit ad attenuatum, *dicens*,
Tempore mali liberabit eum Jehova:
- 3 Jehova servabit eum et vitæ restituet eum,
beatus reddetur in terra; item, ne tradas eum
desiderio inimicorum ejus.

- 4 Jehova sustentet eum, *decumbentem* in sponda languoris: totum cubatum ejus ex morbo ejus mutaveris.
- 5 Me dicente, Jehova, gratiam fac mihi: sana animam meam, quia peccavi tibi:
- 6 Inimici mei dicebant malum de me, Quando morietur, et perierit nomen ejus?
- 7 Quod si quis veniebat ut inviseret, mendacium loquebatur animus ejus, congregabat iniquitatem sibi: egressus foras eloquebatur.
- 8 Simul contra me mussitabant omnes osiores mei: contra me cogitabant, quod *esset* malo mihi, *dicentes*:
- 9 Res nequissima tenaciter inhæret ei; et quod decumbit, non amplius exsurget.
- 10 Etiam vir colens pacem mecum, in quo confidebam, comedens cibum meum, sustulit adversum me calcem.
- 11 At tu, Jehova, gratiam fac mihi, et exsuscita me, ut rependam illis.
- 12 Hac re expertus fuero, quod delectaris me, quum non clanget inimicus meus de me;
- 13 Sed me, me, *inquam*, sustentabis in integritate mea, et restitues me coram te in seculum.
- 14 Benedictus Jehova, Deus Israelis, a seculo usque in seculum. Amen, iterum Amen.

SECUNDUS LIBER PSALMORUM.

XLII.

Magistro symphonie in posteris Korahi ode didascalica.

- 2 SICUT cervus glocitat, *aspirans* ad alveos aquarum: sic anima mea glocitat, *aspirans* ad te, Deus:

- 3 Sitiens *est* anima mea Dei, *Dei* fortis viventis, *dicens*, Quando accedam, ut appaream *in* conspectu Dei?
- 4 Sunt mihi lacrymæ meæ cibo interdiu et noctu, dum dicitur mihi quotidie, Ubi *est* Deus tuus?
- 5 Hæc recordans effundo in me animam meam: me fuisse transiturum in turba, gressurum *cum* illis ad domum usque Dei cum voce cantus et laudationis, multitudine feriante.
- 6 Quid dejicis te, anima mea, et perstrepis in me? spera in Deo; nam adhuc celebraturus sum eum *et* salutem omnimodam faciei ejus.
- 7 Deus mi, in me anima mea dejicit se; propterea recordor tui e terra Jordanis et Hermonitarum, e monte exiguo.
- 8 Abyssus abyssum inclamat ad sonum emissariorum tuorum, omnes irrumpentes fluctus tui et undæ tuæ super me transeunt;
- 9 Interdiu *tamen* amandaturus est Jehova benignitatem suam, et noctu canticum suum ad me; oratione mea ad *Deum* fortem vitæ meæ *perstabo*.
- 10 Dicam *Deo* forti, petræ meæ, Quare oblivisceris mei? quare atratus incedo propter oppressionem inimici?
- 11 Sicca invadunt ossa mea, probro afficientes me hostes mei, dum dicunt mihi quotidie, Ubi *est* Deus tuus?
- 12 Quid dejicis te, anima mea, et quid perstrepis in me? spera in Deo! nam adhuc celebraturus sum eum, omnimodam salutem faciei meæ et Deum meum.

- 1 XLIII. VINDICA me, Deus, et suscipe contentionem meam; a gente non benigna, a viro doloso et iniquo libera me.
- 2 Nam tu *es* Deus roboris mei; quare rejiceres me? quare atratus indesinenter irem propter oppressionem inimici?
- 3 Mitte lucem tuam et veritatem tuam; ipsæ deducant me: adducant me in montem sanctitatis tuæ et in tabernacula tua:
- 4 Ut accedens ad altare Dei, ad *Deum* fortem, auctorem lætissimæ exultationis meæ, celebrem te cithara, o Deus, Deus mi.
- 5 Quid dejicis te, anima mea, et quid perstrepis in me? spera in Deo! nam adhuc celebraturus sum eum, omnimodam salutem faciei meæ, et Deum meum.

XLIV.

Magistro symphonix in posteris Korahi *ode* didascalica.

- 2 O Deus, auribus nostris audivimus, majores nostri narraverunt nobis, *quod* opus operatus sis temporibus eorum, temporibus priscis;
- 3 Te manu tua gentes expulisse, et plantasse ipsos: malo affecisse nationes, et propagasse ipsos.
- 4 Non enim gladio suo hæreditario jure possederunt terram, et brachium eorum non dedit salutem eis: sed dextera tua, brachiumque tuum; et lux faciei tuæ; quia eras benevolus eis.
- 5 Tu ipse *es* rex meus, o Deus: præcipe omnimodam salutem Jacobi.
- 6 Per te hostes nostros cornu feriemus: per nomen tuum conculcabitur insurgentes in nos;

- 7 Nam arcui meo non confido; aut gladius meus non est servaturus me.
- 8 Quum servaveris nos ab hostibus nostris, et osores nostros pudefeceris;
- 9 Deum laudantes toto die, nomen tuum in seculum celebrabimus summe.
- 10 Atqui rejecisti et ignominia affecisti nos, quod non processeris cum exercitibus nostris.
- 11 Fecisti, ut retro cederemus ab hoste; et osores nostri diripiunt sibi.
- 12 Tradidisti nos ut pecudes cibarias, et in gentes sparsisti nos.
- 13 Vendidisti populum tuum pro re vili, et non auxisti *rem* pretiis eorum.
- 14 Exposuisti nos probro vicinis nostris, sannæ et ludificationi circumstantibus nos.
- 15 Posuisti nos parabolæ argumentum in gentibus, agitationis capitis in nationibus.
- 16 Toto die ignominia mea obversatur mihi, et pudor faciei meæ obtegit me;
- 17 Propter vocem probro afficientis et blasphemi; propter inimicum et ultorem sui.
- 18 Totum hoc evenit nobis, nec tamen obliviscimur tui, neque mendaciter agimus contra fœdus tuum.
- 19 Non agitur retrorsum animus noster, aut declinat gressus noster a semitâ tua:
- 20 Quamvis contriveris nos *conjectos* in locum ceterorum, et obtexeris nos lethali umbra.
- 21 Si obliti fuissetus nominis Dei nostri, aut expandissemus manus nostras ad *Deum* fortem extraneum:
- 22 Nonne Deus pervestigasset istud? quum ipse cognoscat abscondita animi.

- 23 Sed propter te occidimur quotidie; æstimamur ut pecudes mactandæ.
- 24 Evigila! quare dormires, Domine? expergiscere, ne rejicias in æternum!
- 25 Quare faciem tuam absconderes? oblivisceris afflictionis nostræ et oppressionis nostræ?
- 26 Nam dejecta est in pulverem vita nostra, adhæret terræ venter noster.
- 27 Surge ad auxilium nobis, et redime nos propter benignitatem tuam.

XLV.

Magistro symphonïæ in posteris Korahi ad hexachorda
didascalicum canticum amicarum.

- 2 EBULLIT animus meus verbum bonum; dicturus sum ego poemata mea de rege; lingua mea *et stylo ut* scriba promptus.
- 3 Multo pulchrior effectus es filiis hominum: infusa est gratia labiis tuis; propterea benedixit tibi Deus in seculum.
- 4 Accinge gladium tuum super femur, o robustissime; *gladium* gloriæ tuæ et decoris tui:
- 5 Et decore tuo prospere equita cum verbo veritatis, et proloquere justitiam: et ede documenta tui terribilibus *gestis* dexteræ tuæ.
- 6 Sagittis tuis acutis populi sub te procident, ex animo *procident* inimici regis.
- 7 Solium tuum, o Deus, in seculum et sempiternum, sceptrum rectum *est* sceptrum regni tui.
- 8 Dilexisti justitiam et odisti improbitatem, propterea unxit te, o Deus, Deus tuus oleo gaudii præ consortibus tuis.
- 9 Myrrha et santalis casiaque omnia vestimenta

tua *prodeuntis* e templis eburneis præ *iis*, qui lætificant te.

10 Filiæ regum inter charas tuas: collocata est conjux ad dexteram tuam cum insigni auro Ophirio.

11 Audi, filia, ac vide et inclina aurem tuam; obliviscereque populi tui et domus paternæ tuæ:

12 Et delectabitur rex pulchritudine tua: quumque sit Dominus tuus, incurva te *habens honorem* ei.

13 Tunc filiæ Tyri cum munere faciem tuam precabuntur, divites in populo.

14 Tota honorata filia regis intro, fundis aureis vestita.

15 Cum phrygianis deportatur ad regem; virgines post eam, amicæ ejus, adducuntur ad te:

16 Deportantur cum summa lætitia et exultatione, intrant in palatium regis.

17 Loco parentum tuorum erunt filii tui: præpones eos principes in tota terra.

18 Memorabo nomen tuum in unaquaque ætate; idcirco populi celebrabunt te in seculum et sempiternum.

XLVI. —

Magistro symphonie in posteris Korahi ad acutam symphoniam canticum.

2 DEUS nobis *est* receptus et robur, auxilium in angustiis præsentissimum.

3 Idcirco non timeremus, si commutaret terra *locum*, aut si dimoverentur montes *depulsi* in ima maria:

4 Fremerent, lutosæ fierent aquæ cujusque illo-

rum; commoverentur montes elatione ejus maxime.

- 5 Flumen, rivi ejus, lætificant civitatem Dei; sanctissimum *locum*, habitacula excelsi.
- 6 Deus *est* in medio illius, non dimovetur *illa*; adjuvat illam Deus ab appetente matutino.
- 7 Frementibus gentibus, moventibus se regnis, edit vocem suam; liquefit terra.
- 8 Jehova exercituum nobiscum *est*, locus editus *est* nobis Deus Jacobi maxime.
- 9 Agite, videte opera Jehovæ, ut disponat desolationes in terra:
- 10 Faciens, ut cessent bella usque ad extremitatem terræ; arcum perfringat, et truncet hastam, currus comburat igne;
- 11 *Dicens*, desistite et agnoscite me esse Deum, me exaltatum iri in gentibus, exaltatum iri in terra.
- 12 Jehova exercituum nobiscum *est*, locus editus nobis Deus Jacobi maxime.

XLVII.

Magistro symphonie in posteris Korahi psalmus.

- 2 OMNES populi, plaudite manu, clangite Deo voce canora.
- 3 Nam Jehova excelsus reverendus, rex magnus *est* super totam terram.
- 4 Cogit in caulam populos; in locum nostrum, nationesque in locum pedum nostrorum.
- 5 Seligit nobis possessionem nostram, excellentiam Jacobi, quem diligit maxime.
- 6 Ascendit Deus cum clangore, Jehova cum sono buccinæ.

- 7 Psallite Deo, psallite: psallite regi nostro, psallite.
- 8 Nam rex totius terræ *est* Deus: psallite *psalmo* didascalico.
- 9 Regnat Deus super gentes, Deus insidet solio sanctitatis suæ.
- 10 Voluntarii populorum congregantur, populus Dei Abrahami, quia Dei *sunt* protectiones terræ; valde excelsus est.

XLVIII.

Canticum *et* psalmus posteris Korahi.

- 2 MAGNUS *est* Jehova et laudatus valde, in civitate Dei nostri, monte sanctitatis ejus:
- 3 Ornamento tractus, gaudio totius terræ monte Zionis, lateribus aquilonis, urbe regis magni.
- 4 Deus in palatiis ejus agnoscitur pro loco edito.
- 5 Nam ecce, reges convenerunt, progressi sunt pariter.
- 6 Ipsi viderunt, similiter admirati sunt, conturbati sunt, accelerarunt *abitus*.
- 7 Tremorprehendit eos illic, dolor ut parturientis.
- 8 Euro perfringis naves Oceani.
- 9 Quemadmodum audiveramus, ita vidimus in civitate Jehovæ exercituum, in civitate Dei nostri: Deus stabilit eam in seculum usque maxime.
- 10 Cogitamus, o Deus, benignitatem tuam in meo templo tuo:
- 11 Sicut nomen tuum, o Deus, sic laudem tuam *esse* usque ad extremitates terræ; justitiæ plenam esse dexteram tuam.

- 12 Lætetur mons Zionis, exsultent filiae Judæ propter judicia tua.
- 13 Circuite Zionem et cingite eam, numerate turres ejus:
- 14 Apponite animum vestrum ad præmunitionem; attollite *oculos* ad palatia ejus, ut enarretis generationi posteræ.
- 15 Nam hic Deus Deus noster *est* in seculum et sempiternum; hic nos reducturus est ad mortem usque.

XLIX.

Magistro symphonie in posteris Korahi psalmus.

- 2 AUDITE hæc, omnes populi: auribus percipite, omnes habitatores mundi,
- 3 Tum nati *plebejo* homine, tum nati *præstante* viro: simul dives et egens.
- 4 Os meum locuturum est variam sapientiam, et meditatio animi mei multiplicem prudentiam.
- 5 Inclinans ad parabolam aurem meam, pandam in cithara ænigma meum.
- 6 Cur timerem temporibus mali, *ut* iniquitas vestigiorum meorum circumdet me?
- 7 Eorum qui confidunt in opulentia sua, et in multitudine divitiarum suarum gloriantur,
- 8 Fratrem nullo modo redimere potest quisquam, non dare Deo redempturam ejus:
- 9 (Est enim cara redemptio vitæ eorum, imo cessat in seculum:)
- 10 Ut vivat adhuc in æternum, non experiatur corruptionem.
- 11 Nam videt sapientes mori; pariter stultum et brutum perire, ac relinquere aliis opulentiam suam.
- 12 Animus *fuit* illis domos suas in seculum, habi-

tacula sua in quamque generationem *statui*,
quum ea vocarent de nominibus suis per
terras.

- 13 Neque tamen homo, *qui* in honore est, com-
moraturus est: similis fit jumentis, *quæ* inter-
eunt.
- 14 Hæc *quum* sit via istorum, expectatio est
eis; et posteri eorum os eorum approbant ma-
xime.
- 15 Tanquam pecudes, in sepulchro dispositos mors
depascet eos: donec dominantur eis recti illo
mane, et formam eorum consumat infernus *re-*
ceptam ex habitaculo ejus.
- 16 Enimvero Deus redempturus est animam meam
a sepulchro, quum recepturus me sit potentissime.
- 17 Ne timeto, quum dives evaserit quispiam;
quum aucta fuerit gloria domestica ejus.
- 18 Non enim in morte sua assumpturus est illius
quicquam, non descensura est post eum gloria
ejus.
- 19 Quum animæ suæ in vita sua benedixerit, atque
celebraverint te, quod benefacias tibi:
- 20 Ut perveniat usque ad ætatem majorum ejus;
in æternum *tamen* non sunt fruituri luce.
- 21 Homo, *qui* est in pretio neque est intelligens,
similis fit jumentis, *quæ* intereunt.

L.

Psalmus Asapho.

- 1 *DEUS* fortis, Deus Jehova eloquitur et in-
clamat terram, ab ortu solis usque ad occasum
ejus.
- 2 E Zione, perfectissimæ pulchritudinis *loco*, Deus
illucescit.

- 3 (Veniatur Deus noster, et ne surdum agat!) Ignis ante ipsum consumit, et circa ipsum procellosus valde.
- 4 Inclamat cœlos superne, et terram *inclamat*, jus populo suo dicturus:
- 5 Congregate mihi, quos benignitate persecutus sum, qui icerunt fœdus mecum per sacrificium;
- 6 Quando indicarunt cœli justitiam ejus, Deum judicem esse summe.
- 7 Audi, popule mi, *inquit*, et eloquar: Israel; et contestabor te: Deus, Deus tuus sim.
- 8 Non propter sacrificia tua arguam te, ut holocausta tua sint coram me jugiter.
- 9 Non accipiam e domo tua juvenum, e caulis tuis hircos:
- 10 Quum mea sit omnis bestia silvestris, jumenta in montibus mille,
- 11 Agnoscam omnes volucres montium, denique animalia agrestia sint penes me.
- 12 Si esurirem, non dicerem tibi: nam mea *est* terra habitabilis, et plenitudo ejus.
- 13 An vescor carne robustorum *juvencorum*, aut sanguinem hircorum bibo?
- 14 Sacrifica Deo laudem, et redde excelso vota tua:
- 15 Atque invoca me tempore angustiae; eripiam te, ut honore afficias me.
- 16 Improbo autem dicit Deus, Quid tua, ut enarres decreta mea, et assumes fœdum meum in ore tuo:
- 17 Quum tu oderis disciplinam, et projeceris verba mea post te?
- 18 Simulac vides furem, acquiescis ei; et cum adulteris *est* portio tua:

- 19 Os tuum adhibes ad malum, et lingua tua concinnas dolum:
20 Sedens fratri tuo obloqueris: in filium matris tuæ edis infamiam.
21 Hæc te faciente, quia agebam surdum, cogitas me prorsus esse similem tui: arguo te, et dissero in oculis tuis.
22 Animadvertite jam hoc, obliviosi Dei, nè rapiam, nec sit, qui eripiat.
23 Qui sacrificat laudem, honore afficit me: et qui componit viam, faciam, ut is fruatur salute Dei.

LI.

Magistro symphonie psalmus Davidis,
quum venisset ad eum Nathan propheta, postquam congressus fuisset cum Bath-Seba.

- 3 GRATIAM fac mihi, o Deus, secundum benignitatem tuam; secundum amplitudinem miserationum tuarum, dele defectiones meas.
4 Multum ablue me ab iniquitate mea, et a peccato meo munda me:
5 Nam defectiones meas ego agnosco, et peccatum meum observatur mihi jugiter.
6 Tibi, tibi soli peccaveram, et quod malum *videtur* in oculis tuis, feceram: *agnosco*, ut justificeris in sermonibus tuis, purus sis, quando tu judicas.
7 En, in iniquitate formatus sum, et in peccato fovit me mater mea.
8 En, veritate delectaris in præcordiis, et in occulto sapientiam notam feceras mihi.
9 Expiato me hyssopo, ut mundus sim: abluito me, ut præ nive albescam:
10 Facito, ut audiam gaudium et lætitiā: exsultent ossa, *quæ* contriveris.

- 11 Absconde iratam faciem tuam a peccatis meis,
et omnes iniquitates meas dele.
- 12 Animum mundum crea mihi, Deus, et spiritum
firmum renova intra me.
- 13 Ne abjicias me a facie tua, et spiritum sanctum
tuum ne recipias a me.
- 14 Redde mihi gaudium salutis tuæ, et spiritu in-
genuitatis sustentato me.
- 15 Docebo defectores vias tuas, ut peccatores ad
te convertantur.
- 16 Libera me a sanguine, o Deus, Deus salutis
meæ: canet lingua mea justitiam tuam.
- 17 Domine, labia mea aperiās, et os meum annun-
ciabit laudem tuam.
- 18 Nam non delectaris sacrificio, ut dem: holocau-
stum non vis.
- 19 Sacrificia Dei *sunt* spiritus fractus; animum
fractum et contritum, o Deus, non spernis.
- 20 Benefac pro bona voluntate tua Zioni, ædifica
muros Hierosolymæ.
- 21 Tunc delectaberis sacrificiis justitiæ, holocausto
et prorsus consumendo: tunc *pri* offerent ju-
vencos super altare tuum.

LII.

Magistro symphonie *ode* didascalica Davidis,
quem veniens Doeg Adomæus nunciasset Sauli et
dixisset ei, Adivit David domum Ahimeleci.

- 3 QUID te jactas in malo, o potens? benignitas
Dei fortis omni die *perdurat*.
- 4 Ærumnas excogitatas depromis lingua tua; si-
milis *est* novaculæ acutæ, o artifex doli.
- 5 Diligis malum potius quam bonum, mendacium
quam loqui justitiam, *diligis* vehementissime.

- 6 Dilexisti omnia verba perniciosa, linguam dolosam.
- 7 Etiam, *Deus* fortis demoliturus est te in æternum, abripiet te, et avellet te a tentorio, eradicabitque te e terra viventium vehementissime.
- 8 Quod videntes justī, reverebuntur; et de isto ridebunt, *dicentes*:
- 9 Ecce virum illum, qui non proposuerat Deum robur suum; sed confidebat amplitudini divitiarum suarum, roborabat se in substantia sua.
- 10 Ego vero ut oliva virens in domo Dei; confido benignitati Dei in seculum et sempiternum.
- 11 Celebrabo te in seculum, quod feceris *ista*: et exspectabo nomen tuum, quia bonus *es* coram eis, quos benignitate prosequeris.

LIII.

Magistro symphonix ad pneumaticum instrumentum
ode didascalica Davidis.

- 2 DICIT stultus cum animo suo, Non *est* Deus! corrumpunt, et abominandam perpetrant iniquitatem: non *est* qui faciat bonum.
- 3 Deus e cœlis prospectat super filios hominum, ut videat an sit ullus, qui intelligat, qui requirat Deum.
- 4 Quicumque est, retrocessit, simul putidi facti sunt: non *est* qui faciat bonum, non *est* vel unus.
- 5 An non sibi sunt conscii, qui dant operam iniquitati, quod exedentes populum meum edunt panem; Deum non invocant?
- 6 Ibi expavescunt pavore, *ubi* non *est* pavor: quia

Deus dissipat ossa *cujusque* castra habentis
contra te: pudefacis, quia Deus spernit eos.

- 7 O si quis det e Zione omnimodam salutem
Israelis: reducente Jehova reducem turbam po-
puli sui, exsultabit Jacob, lætabitur Israel.

LIV.

Magistro symphoniae fidium *ode* didascalica Davidis,
quum venientes Ziphæi dixissent Sauli, An non David
latitat apud nos?

- 3 DEUS, propter nomen tuum serva me, et for-
titudine tua causam meam age.
4 Deus, audi orationem meam, aurem adverte ad
sermones oris mei.
5 Nam exteri insurgunt in me, et violenti quærunt
vitam meam: non proponunt Deum sibi maxime.
6 Ecce, Deus adjuvat me: Dominus *est* inter eos,
qui sustentant vitam meam.
7 Redde istud malum observatoribus meis, per
veritatem tuam succide eos.
8 Liberaliter sacrificabo tibi; celebrabo nomen
tuum, Jehova, quia bonum est,
9 Quia ab omni angustia liberat me, et inimicos
meos aspicit oculus meus.

LV.

Magistro symphoniae fidium *ode* didascalica Davidis.

- 2 AURIBUS percipe, o Deus, orationem meam, et
ne abscondas te a deprecatione mea:
3 Attende ad me, et exaudi me; plango in medi-
tatione mea et perstrepo;
4 Propter vocem inimici, propter angorem im-
probi: quia avertunt in me iniquitatem, et irati
intestino odio prosequuntur me.

- 5 Animus meus dolet in me, et terrores mortis
accidunt mihi:
- 6 Timor et tremor invadit me, et obtegit me
horror:
- 7 Adeo ut dicam, *O si* quis daret mihi alam ve-
lut columbæ! evolare, ubi habitare possem!
- 8 Ecce, quam longissime evagarer, commoraturus
in deserto, vehementissime.
- 9 Maturarem effugium mihi a vento rapidissimo,
a turbine.
- 10 Perde, Domine, divide linguam eorum; nam
video violentiam et contentionem in civitate:
- 11 Interdiu et noctu circumdant eam *versantes* in
muris ejus; iniquitasque et perversitas in medio
ejus *sunt*:
- 12 *Ærumnæ sunt* in medio ejus, et non recedunt
a platea ejus fraus et dolus.
- 13 Non enim inimicus probro afficit me; quod
ferrem: non osor meus adversum me se attollit;
a quo me absconderem:
- 14 Sed tu, mortalis, par mihi, dux meus et fami-
liaris meus,
- 15 Qui pariter dulce inibamus consilium, in domum
Dei ibamus cum frequentia.
- 16 Aget exactorem mors invadens eos, descendent
in sepulchrum vivi: nam mala *sunt* in commora-
tione ipsorum, in medio ipsorum.
- 17 Ego Deum inclamabo, et Jehova servabit me.
- 18 Vespere et mane atque meridie meditabor et
perstrepam, donec audiverit vocem meam:
- 19 Redemit vitam meam, ne belligerent in me,
collocans in pace: quando *multis copiis belli-*
gerabant, fuerunt penes me.
- 20 Audiet Deus fortis, et contestabitur istos, ut

permanet in æternum, vehementissime; quibus non *sunt* mutationes, neque timent Deum:

21 *Quorum quisque* extendit manus suas in colentes pacem secum, profanat fœdus suum:

22 Cujus blanda sunt butyrina verba, dum bellum *insidet* animo ejus: cujus molliora *quidem* verba oleo, sed stricti gladii sunt.

23 Rejice in Jehovam, *quicquid* dat tibi, et ipse sustentabit te: non permittet unquam justo, ut dimoveatur.

24 Tu itaque, Deus, detrudes istos in puteum corruptionis: homines sanguinarii et dolosi non perducent ad dimidium dies suos: ego vero confidam tibi.

LVI.

Magistro symphonie de *anima* vim patiente a manipulo longinquorum insignis *ode* Davidis, quum prehenderent eum Philistæi Gathi.

2 GRATIAM fac mihi, Deus, nam anhelus persequitur me mortalis: toto die oppugnator opprimit me.

3 *Nam* anhelant observatores mei toto die, quia multi *sunt*: e sublimi propugnatores *adsunt* mihi.

4 *Qua* die timebo, ego in te confidam.

5 In Deo laudabo verbum ejus; in Deo confidam, non timebo: quid faciat caro mihi?

6 Toto die rebus meis dolorem afferunt, contra me omnes cogitationes eorum ad malum *spectant*.

7 Conveniunt, delitescunt ipsi: vestigia mea observant, ut qui expetunt vitam meam.

8 Pro iniquitate parito eis, in ira populos dejice, Deus.

- 9 Tu vagationes meas in numerato habes: pone *quamque* lacrymam meam in utre tuo; an non *essent* in numerato tibi?
- 10 Tunc revertentur inimici mei retrorsum, qua die clamabo; hoc scio, Deum *affore mihi*.
- 11 In Deo laudabo verbum, in Jehova laudabo verbum.
- 12 In Deo confido, non timebo: quid faciat homo mihi?
- 13 Mecum *erunt*, o Deus, vota tua; persolvam gratiarum actiones tibi.
- 14 Nam eripis animam meam a morte; annon pedes meos a lapsu *eriperes*? ut indesinenter ambulem coram Deo in luce hujus vitæ.

LVII.

Magistro symphonix, ne perdas, Davidis ode insignis:
quum fugeret metu Saulis speluncam.

- 2 GRATIAM fac mihi, Deus, gratiam fac mihi; nam ad te se recepit anima mea, et ad umbram alarum tuarum me recepturus sum, donec transiverint ærūmnæ.
- 3 Invocabo Deum excelsum, *Deum* fortem perficientem erga me.
- 4 Mittet e cœlis, ut servet me, afficiens eum probro, qui me anhelus persequitur vehementissime: mittet Deus benignitatem suam et veritatem suam.
- 5 Ego inter immanes leones *sum*, jaceo *inter* incendiarios; *inter* homines, quorum dentes hastæ et sagittæ *sunt*, et quorum lingua *est* gladius acutus.
- 6 Exaltare supra cœlos, o Deus; super totam terram gloria tua.

- 7 Rete aptaverant gressibus meis, curvaverat animam meam; *quam* foderant ante me fossam, cadunt in eam vehementissime.
- 8 Erecto animo meo, o Deus, erecto animo mēo canam et psallam, *dicens*:
- 9 Evigila, gloria mea: evigila, nablium et cithara: expergefaciam *inde ab* aurora;
- 10 Celebrabo te in populis, Domine; psallam te in nationibus:
- 11 Magnam *esse* usque ad cœlos benignitatem tuam, et ad superiores usque nubes veritatem tuam.
- 12 Exaltare supra cœlos, o Deus; super totam terram gloria tua.

LVIII.

Magistro symphonix, ne perdas, Davidis *ode* insignis.

- 2 AN re vera, o manipule, justitiam loquimini? quæ recta *sunt* judicatis, filii hominis?
- 3 Quin etiam ex animo iniquitates operamini; in hac terra violentiam manuum vestrarum appenditis.
- 4 Abalienant se improbi inde a vulva, aberrant inde ab utero loquentes mendacium.
- 5 Venenum *est* illis simile veneno serpentis, sicuti aspidis surdæ obturantis aurem suam,
- 6 Quæ non auscultat voci mussitantium, utentis incantationibus peritissimi.
- 7 O Deus, destrue dentes eorum in ore ipsorum; molares juvenum leonum demolite, Jehova.
- 8 Liquefiant sicut aqua, indesinenter abeant: intentantis sagittas suas, tanquam in spicas abeant *sagittæ*.

- 9 Sicut limax liquescens abeat *quisque*; ut abortus mulieris, *ut qui* non viderunt solem.
- 10 Quum nondum sentientur spinæ vestræ, *spinæ* cynosbati, tam redivivam, quam adustam: procellet quamque.
- 11 Lætabitur justus, quum viderit ultionem; pedes suos lavabit in sanguine improbi.
- 12 Dicetque homo, Utique *est* fructus justo; utique est Deus, *est* iudex in terra.

LIX.

Magistro symphonïæ, ne perdas, Davidis ode insignis:
quum misisset Saul, qui observarunt domum illius,
ut morte afficerent illum.

- 2 LIBERA me ab inimicis meis, Deus mi; supra erigentes se contra me extolle me.
- 3 Libera me ab iis, qui operam dant iniquitati, et ab hominibus sanguinariis serva me.
- 4 Nam ecce, insidiantur vitæ meæ, conveniunt contra me robusti, nulla defectione mea nulloque peccato meo, Jehova.
- 5 Nulla iniquitate *mea* concurrunt et comparant se: evigila *venturus* obviam mihi, et respice.
- 6 Tu erga, Jehova, Deus exercituum, Deus Israelis, expergiscere ad visitandum omnes gentes istas: ne gratiam facias ullis perfide agentibus iniquitatem summe.
- 7 Revertuntur vespere, gannunt ut canis; et circumdant civitatem.
- 8 Ecce, eructant ore suo, gladios *adhibent* ad labia sua; nam, Quis audit? *inquiunt*.
- 9 At tu, Jehova, ridebis eos; subsannabis omnes istas gentes.
- 10 Robur obtinente illo, te observabo: nam Deus *est* editus locus meus.

- 11 Deus benignitatis meæ præveniet me: Deus faciet, ut aspiciam observatores meos:
- 12 Ne occidas eos, ut non obliviscantur populares mei: exagita eos virtute tua, et dejice eos, clypeus noster, Domine.
- 13 Peccatum oris sui, verbum labiorum suorum, quando fuerint deprehensi in superbia sua, tum præ execratione, tum præ macie enarrent.
- 14 Consume æstu, consume, donec non sint *amplius*; ut sciant Deum summe dominari in Jacobo, usque ad fines terræ.
- 15 Quum revertuntur vespere, ganniant ut canis; et circumdent civitatem,
- 16 Seipsos exagitent ad comedendum; quum non fuerint saturati, tum cogantur pernoctare.
- 17 Ego vero canam robur tuum, et cantabo in matutinum quodque benignitatem tuam; te fuisse locum editum mihi et perfugium, *quo die fuit* angustia mihi.
- 18 O robur meum, tibi psallam: Deum esse locum editum meum, Deum benignitatis meæ.

LX.

Magistro symphonix in hexachordis testimonii *ode* insignis Davidis ad docendum:

quum certaret contra Syros Mesopotamienses, et contra Syros Zobæ: et reversus Joab percussisset Edomæos in valle Salis duodecies mille.

- 3 O Deus, rejeceras nos, diruperas nos, iratus fueras, restitue *te* nobis.
- 4 Commoveras terram, diffregeras eam; cura fragmenta ejus, nam vacillat.
- 5 Fecerat, ut sentiret populus tuus *rem* duram,

dederas bibendum nobis *tanquam* vinum horrorem.

- 6 Dedisti timentibus te vexillum, quo utantur: propter veritatem potentissime:
7 Ut liberentur dilecti tui, conserva dextera tua et exaudi me.
- 8 Deus locutus est per sanctitatem suam, exultabo: in partem obtineo Sichemum, et convallem Succotharum metior:
9 Meus Gilead, et meus Menasse: Ephraimque robur capitis mei; Juda legislator meus.
10 Moab pollubrum meum; supra Edomæum projiciam calceum meum: contra me, Palæstina, clangentem age.
- 11 Quis deduceret me *in* civitatem munitam? quis duceret me Edomæam usque?
12 An non tu, Deus, rejeceras nos; ut non procederes, Deus, inter exercitus nostros?
13 Cedo nobis auxilium *tuum* ab hoste: alioqui vanitas *est* auxiliatio humana.
14 In Deo faciamus strenue, et ipse conculcabit hostes nostros.

LXI.

Magistro symphonie fidium *ode* Davidis.

- 2 AUDI, Deus, clamorem meum; attende orationi meæ.
3 Ab extremitate terræ te inclamo, quum obruitur animus meus: in rupem, *quæ* sit editior me, deducito me:
4 Nam fuisti receptus mihi, turris robusta adversus inimicum.
- 5 Commorabor in tentorio tuo *per* secula, recipiam me in occultum alarum tuarum maxime.

- 6 Quum tu, Deus, auscultaveris votis meis, dederis hæreditatem *suam* reverentibus nomen tuum:
- 7 Dies diebus regis superaddito, anni ejus *sint* ut multarum generationum.
- 8 Maneat in seculum coram Deo; benignitatem et fidem præpara, *quæ* custodiant eum.
- 9 Sic psallam nomini tuo in perpetuum, rependendo vota mea quotidie.

LXII.

Magistro symphonïæ in Jeduthune psalmus Davidis.

- 2 TANTUMMODO in Deo conquiescit anima mea: ab eo salus mea *est*.
- 3 Tantummodo ipse rupes mea *est* et salus mea, locus editus meus, non dimovebor *motione* magna.
- 4 Quousque machinabimini æumnas in virum? occidemini vos omnes, *eritis* similes muro pando, maceriæ impulsæ.
- 5 Tantummodo de excellentia ejus consilia ineunt depellendi *eum*, delectantur mendacio: ore suo benedicunt, intra se vero maledicunt vehementissime.
- 6 Tantummodo in Deo conquiesce, anima mea; nam ab eo *est* exspectatio mea.
- 7 Tantummodo ipse rupes mea *est* et salus mea, locus meus editus, non dimovebor.
- 8 In Deo *est* salus mea et gloria mea; rupes robusta mea, receptus meus *est* in Deo.
- 9 Confidite ei omni tempore, o popule, effundite coram eo animum vestrum: Deus receptui nobis *est* maxime.
- 10 Tantummodo vanitas *sunt* nati plebejo homine,

mendacium *sunt* nati præstante viro; lancibus illi simul impositi ascensuri *essent* supra vanitatem.

- 11 Ne confidatis oppressioni, et rapina ne evanesatis: opulentia si abundet, ne apponatis animum.
- 12 Semel locutus est Deus, bis idem audiui: robur esse Dei,
- 13 Et tuam *esse*, Domine, benignitatem; te repensurum cuique secundum opus suum.

LXIII.

Psalmus Davidis, quum esset in deserto Judæ.

- 2 O Deus, *Deus* fortis meus es, tempestive requiro te; sitiens est tui anima mea, arescit ad te *spectans* caro mea, in terra sicca et fessa sine aquis:
- 3 Ad videndum robur tuum et gloriam tuam, sicut in loco sancto videbam te.
- 4 Nam benignitas tua melior est vita: *ut* labia mea laudent te.
- 5 Sic benedicam tibi in vita mea, in nomine tuo attollam manus meas.
- 6 Quasi adipe et pinguedine saturabitur anima mea, et labiis canoris laudabit *te* os meum.
- 7 Quum recordor tui super strata mea, in vigiliis meditor de te:
- 8 Te fuisse summo auxilio mihi, ita ut in umbra alarum tuarum canerem:
- 9 *Quum* adhærescens anima mea sequitur te, sustentat me dextera tua.
- 10 Quamobrem isti, *qui* vastationem quærunt animæ meæ, pervenient ad imas partes terræ.
- 11 Facient, ut diffluat eorum quisque per gladium: portio vulpium futuri sunt.

- 12 Rex vero ipse lætabitur in Deo; gloriabitur, quisquis jurat per eum, quum obturabitur os loquentium mendacium.

LXIV.

Magistro symphonie psalmus Davidis.

- 2 AUDI, o Deus, vocem meam dum meditor; a pavore inimici custodi vitam meam:
- 3 Absconde me ab arcano *consilio* maleficorum, a tumultuatione operam dantium iniquitati:
- 4 Qui exacuunt sicut gladium linguam suam; intentant *ut* sagittam suam verbum amarulentum.
- 5 Jaculis petendo ex latebris integrum, repente jaculis petunt eum, neque timent:
- 6 Confirmant sibi rem malam: narrant de abscondendis laqueis: dicunt, Quis videret illos?
- 7 Perscrutantur iniquitates: conficimur iis, quæ callidissime sunt perscrutati: adeo intimum viri et cor profundum *est*.
- 8 Sed ubi jaculis petierit eos Deus, a sagitta repentina fuerint plagæ eorum,
- 9 Fecerintque ut ipsa lingua sua in seipsos impingant: vagi se in fugam dabunt, quisquis viderit eos.
- 10 Quicumque autem homines reverentur, nunciabunt opus Dei, et factum ejus intelligendum proponent:
- 11 Lætabitur justus in Jehova, et recipiet se ad eum, denique gloriabuntur omnes recti animo.

LXV.

Magistro symphonie psalmus Davidis; canticum.

- 2 TIBI *debetur* certa laus, o Deus, *qui es* in Zione: et tibi rependendum est votum.

- 3 O qui exaudis orationem, ad te usque omnis caro ventura est.
- 4 Res iniquæ prævaluerant mihi, defectiones nostras tu expias.
- 5 Beatus, *quem* eligis et admoves inhabitaturum atria tua: saturamur bono domus tuæ, rebus sanctis templi tui.
- 6 Res reverendas in justitia proloqueris nobis, o Deus salutis nostræ, fiducia omnium extremitatum terræ et maris longin quarum:
- 7 Stabiliens montes virtute tua, accinctus potentia:
- 8 Compescens strepitum marium, strepitum fluctuum eorum, et fremitum nationum.
- 9 Qui facis, ut canant exortus matutinos et vespertinos incolæ extremitatum, reverentes a signis tuis.
- 10 Visitas hanc terram et appetis eam: plurimum ditas eam; rivo Dei pleno aquæ; paras frumentum illorum, quum ita præparaveris eam:
- 11 Porcas ejus irrigando, deprimendo liras ejus; imbribus dissolvīs eam, germini ejus benedicis.
- 12 Coronas annum bonitatis tuæ, et orbitæ tuæ stillant pinguedinem:
- 13 Stillant *in* caulas deserti, et exsultatione colles accinguntur.
- 14 Vestiuntur pascua gregibus, et convalles obtunguntur tritico: clangentes agunt, *atque* etiam canunt.

LXVI.

• Magistro symphonie canticum *et* psalmus.

I CLANGITE Deo, omnes *incolæ* terræ:

2 Psallite gloriam nominis ejus, apponite gloriam laudi ejus:

- 3 Dicite Deo, Quam reverendus *es* factis tuis: propter amplitudinem roboris tui mendaciter se dedunt tibi inimici tui.
- 4 Omnes *incolæ* terræ incurvent se tibi, et psallant tibi; psallant nomini tuo, *ut quum* maxime.
- 5 Venite et videte opera Dei; reverendus *est* actione erga filios hominis.
- 6 Convertit mare in aridam; per flumen transiverunt pedes, illic lætati sumus in eo.
- 7 Dominatur potentia sua in seculum: oculi ejus gentes speculantur: qui rebelles sunt, ne efferrantur apud se ipsos admodum.
- 8 Benedicite, populi, Deo nostro; et facite, ut resonet vox laudis ejus:
- 9 Qui restituit animam nostram in vitam, neque permittit dimoveri pèdes nostros.
- 10 Postquam probasti nos, Deus; conflasti nos, ut conflatur argentum:
- 11 Induxisti nos in rete ipsum, imposuisti cingulam *asinariam* lumbis nostris:
- 12 Fecisti, ut insideret mortalis in caput nostrum; ingressi sumus per ignem et per aquam; tandem eduxisti nos ad hanc saturitatem.
- 13 Ingrediens domum tuam cum holocaustis, rependam tibi vota mea,
- 14 Quæ *nuncupaverint* aperta labia mea, et elocutum fuerit os meum in angustia mea.
- 15 Holocausta pinguium arietum offeram tibi cum suffitu: parabo boves cum hircis potentissime.
- 16 Agite, audite, quicumque timetis Deum; ut enarrem, quæ fecit animæ meæ.
- 17 Eum ore meo inclamavi, et *fui* elatus pro *sermonibus* linguæ meæ:

- 18 Ad iniquitatem si spectassem animo meo, non exaudivisset Dominus.
- 19 At certe exaudivit Deus, attendit vocem orationis meæ.
- 20 Benedictus *est* Deus, qui non avertit orationem meam *a se*, et benignitatem suam *a me*.

LXVII.

Magistro symphonie fidium psalmus *et* canticum.

- 2 DEUS gratiam faciat nobis, et benedicat nobis; illustret faciem suam erga nos maxime:
- 3 Ut agnoscamus in terra viam tuam, in omnibus gentibus salutem tuam.
- 4 Celebrent te populi, Deus, celebrent te populi omnes.
- 5 Lætentur et cantent nationes, quum judicabis populos recte, et nationes ipsas in terra deduces potentissime.
- 6 Celebrent te populi, Deus; celebrent te populi omnes.
- 7 Terra dante proventum suum, benedicat nobis Deus, Deus noster.
- 8 Benedicat nobis Deus, et revereantur eum omnes fines terræ.

LXVIII.

Magistro symphonie Davidis psalmus *et* canticum.

- 2 SURGENTE Deo disperguntur inimici ejus, et fugiunt infesti osores ejus a conspectu ejus.
- 3 Quasi impellas fumum, impellis *eos*; ut liquefit cera ab igne, pereunt improbi a conspectu Dei.
- 4 Justi vero lætantes exsultant coram Deo, et gaudent in lætitia.

- 5 Cantate Deo, psallite nomini ejus; extollite eum, qui insidet amœnitatibus, de nomine ejus Jah; ac exsultate coram eo.
- 6 Pater pupillorum et defensor viduarum *est* Deus, in habitaculo sanctitatis suæ.
- 7 Deus collocat solitarios in familia, educit victos compedibus: at rebelles inhabitant locum aridissimum.
- 8 O Deus, quum procederes coram populo tuo, quum gradereris per solitudinem excellentissime:
- 9 Terra movebatur, etiam cœli destillabant a præsentia Dei: ipse Sinai a præsentia Dei, Dei Israelis.
- 10 Pluviam liberalissimam stillabas, Deus; possessionem tuam, eamque defessam, tu instaurabas.
- 11 Tui catervatim habitabant in ea; te parante per bonitatem tuam pauperi illi afflicto, Deus.
- 12 Dominus dabat sermonem; eæ, quæ annuntiabant, exercitu magno *dicebant*,
- 13 Reges exercituum fugiunt, fugiunt: et quæ comoratur domi, partitur spolia.
- 14 Etiamsi jacueritis inter duas strues lapideas, *eritis similes* alis columbæ, tectæ argento; cujus pennæ *sunt* ex fulvo auro effosso.
- 15 Quum expanderit omnipotens reges in hac *terra*, niveus eris in Zalmone,
- 16 Monte maximo, monte Basanis: monte frequente gibbis, monte Basanis.
- 17 Quare dejiceretis vos, montes frequentes gibbis? hæc montana desiderat Deus ad sedem suam, etiam Jehova inhabitabit in æternum.
- 18 Curruum Dei duæ *sunt* myriades, millia mul-

tiplicia: Dominus cum illis est, *Dominus* Sinai in sanctuario *habitans*.

19 Ascendens in sublime captivam fecisti captivorum multitudinem: accipiens *dedisti* dona hominibus: etiam rebelles habitando *captivos facis*, Jah Deus.

20 Benedictus Dominus, *qui* quotidie onerat nos *donis*; Deus ille fortis salus nostra excellentissime.

21 Deus ille fortis nobis est Deus fortis ad salutem omnimodam: et Jehovi Domino sunt exitus contra ipsam mortem.

22 Tantummodo Deus frangit caput inimicorum suorum, verticem comatum indesinenter ambulantis in reatibus suis.

23 Dixerat Dominus, Ex Basane reduco, reduco ex profunditatibus maris.

24 Ut frangens *immergas* pedem tuum in sanguine, linguam canum tuorum; *sanguine fluente* ab inimicis, ab unoquoque eorum.

25 *Quum* viderent incessus tuos, o Deus; incessus Dei fortis mei, regis mei, *qui est* in sanctuario:

26 Præcedebant cantores, post fidicines inter puellas tympana pulsantes.

27 In congregationibus benedicite Deo, Domino, *qui estis* e scaturigine Israelis.

28 Illic sit Benjamin parvus et dominator eorum, principes Judæ et cœtus eorum, principes Zebulonis, principes Naphthali.

29 Præcipis Deus tuus robustum esse te; corrobora, o Deus, quod operatus es in nobis.

*30 E templo tuo propter Hierosolyma tibi afferent reges donarium.

- 31 Perde catervam arundiferam, cœtum robustorum juvencorum cum vitulis populorum, fingentem subdicere se cum fragminibus argenti; dissipat populos, *qui* bellis delectantur.
- 32 Veniant magnates ex Ægypto, Æthiopia celeriter transmittat manuum suarum *donum* ad Deum.
- 33 Regna terræ, cantate Deo; psallite Domino vehementissime;
- 34 Insidenti cœlis cœlorum antiquorum; en, edit voce sua vocem robustam.
- 35 Tribuite robur Deo, cujus excellentia *est* super Israelem, et cujus robur in superioribus nubibus.
- 36 Formidabilis es, o Deus, e sanctuariis tuis: *Deus* fortis Israelis ipse dat robur et vires huic populo, benedictus *sit* Deus.

LXIX.

Magistro symphonie ad hexachorda Davidis *ode*.

- 2 SERVA me, Deus, quia perveniunt aquæ usque ad animam:
- 3 Demergor in cœnum profundissimum, ubi non *est* consistendi locus: ingredior profunditates aquarum, et fluentum inundans abripit me:
- 4 Fatigor clamando, exsiccatur guttur meum, deficiunt oculi mei sperantis in Deum meum.
- 5 Plures sunt quam capilli capitis mei, qui oderunt me immerito; potentiores sunt, qui conantur me succidere, qui mihi sunt inimici injuria; tunc quod non rapui, rependere cogor.
- 6 O Deus, tu novisti stultitiam meam; et reatus mei non sunt celati tibi.
- 7 Ne erubescant de me expectantes te, Domine

- Jehova, *Deus* exercituum: ne rubore suffundantur mea causa, qui quærent te, Deus Israelis.
- 8 Nam propter te sustineo opprobrium, operit ignominia faciem meam:
- 9 Extraneus effectus sum fratribus meis, et alienus filiis matris meæ:
- 10 Quia zelus domus tuæ exedit me, et opprobria probris afficientium te accidunt mihi.
- 11 Quum flens *affligo* jejunio animam meam, tum hoc vertitur in summum probrum mihi.
- 12 Quum statuo vestimentum meum cilicium, tum sum illis in parabolam.
- 13 Confabulantur de me sedentes in porta, et *cantant* odas lyricas bibentes potum inebriantem.
- 14 *De* me itaque oratio mea ad te *est hæc*: Jehova, tempus *est* benevolentiae: Deus pro amplitudine benignitatis tuæ exaudi me, pro fide salutari tua.
- 15 Eripe me e luto, et ne immergar; eripiar ab osoribus meis, et a profunditatibus aquarum:
- 16 Ne inundans abripiat me fluentum aquarum, neque absorbeat me profundum: et ne præcludat mihi puteus os suum.
- 17 Exaudi me, Jehova, quia bona *est* benignitas tua: secundum amplitudinem miserationum tuarum respice ad me:
- 18 Et ne abscondas faciem tuam a servo tuo; quia *est* angustia mihi: festina, exaudi me,
- 19 Appropinqua ad animam meam, vindica eam: propter inimicos meos redime me.
- 20 Tu nosti opprobrium meum, pudoremque meum, et ignominiam meam: coram te *sunt* omnes hostes mei.
- 21 Opprobrium frangit animum meum, adeo ut afficiar ægritudine: quumque exspecto, qui con-

doleat, nemo adest; aut consolatores, tamen non inuenio:

22 Quin *potius* dant pro alimento meo amarorem: et in siti mea bibendum dant mihi acetum.

23 Sit mensa eorum ante eos pro laqueo; et pro retributionibus, pro tendicula *ipsis*.

24 Obtenebrentur oculi eorum, ut non videant: et fac, ut lumbi eorum jugiter nutent.

25 Effunde super eos indignationem tuam, et æstus iræ tuæ assequatur eos.

26 Sint castella eorum desolata, in tentoriis eorum ne sit habitator:

27 Quia, quem tu percussisti, persequuntur, et secundum dolorem confessorum tuorum narrationes contexunt.

28 Appone pœnam ad pœnam iniquitatis eorum, et ne veniant in justitiam tuam.

29 Deleantur de libro vitæ, et cum justis ne conscribantur.

30 Ego vero pauper et dolens, *quum* salus tua, Deus, in edito collocaverit me,

31 Laudabo nomen Dei cantico, et magnificabo eum gratiarum actione:

32 Quæ melior videbitur Jehovæ bove, juvenco cornuto, *aut* ungulam scissam habente *quoquam*.

33 *Quod ubi* viderint mansueti, lætabuntur: et reviviscet animus vester, o quærentes Deum:

34 Quod attendat ad egentes Jehova, et vinctos suos non spernat.

35 Laudabunt eum cœli et terra; maria, et quicquid repit in eis:

36 Quia Deus servat Zionem, et instaurat civitates Judæ; ut habitent ibi, et hæreditario jure possideant eam *terram*:

- 37 Posterī, inquam, servorum ejus possideant eam, et amantes nominis ejus habitent in ea.

LXX.

Magistro symphonīæ *ode* Davidis ad recordandum.

- 2 DEUS ad eripiendum me; Jehova, ad auxilium meum festina.
3 Pudefiant et rubore perfundantur quærentes animam meam: agantur retrorsum et ignominia afficiantur, qui delectantur malo meo.
4 Retrocedant pro mercede pudoris sui, qui dicunt, Euge, euge!
5 Gaudeant et lætentur in te omnes quærentes te: ac dicant jugiter, Magnificetur Deus, amantes salutis tuæ.
6 Ego vero sum pauper et egens, o Deus, festina mea causa: auxilium meum et liberator meus es, Jehova, ne tardes.

LXXI.

- 1 AD te, Jehova, me recipio, ne erubescam unquam.
2 Justitia tua eripe me et libera me, inclina ad me aurem tuam ac serva me.
3 Esto mihi rupes, quam inhabitem, quo veniam jugiter; præceptum posuisti de servando me, quia petra mea et munitio mea es.
4 Deus mi, libera me e manu improbi, e manu inique et præfracte agentis.
5 Nam tu *es* exspectatio mea, Domine Jehova, fiducia mea a pueritia mea.
6 Tibi innitor inde ab utero, a visceribus matris meæ tu abripuisti me: in te *est* laus mea jugiter.
7 Tanquam ostentum fui multis: adeo es mihi receptus robustus.

- 8 Impleatur os meum laude tua, toto die gloria tua.
- 9 Ne abjicias me tempore senectutis: quum deficit virtus mea, ne derelinquas me:
- 10 Quia loquuntur inimici mei de me, et observantes animam meam consultant simul:
- 11 Dicendo, Deus dereliquit eum; persequimini et prehendite eum, quia nemo *est* qui eripiat.
- 12 Deus, ne longe abesto a me: Deus mi, ad auxilium meum festina.
- 13 Pudefiant, deficient adversantes animæ meæ; operiantur opprobrio et ignominia quærentes malum meum.
- 14 Ego vero jugiter in expectatione sum de tota laude tua; et perrecturus sum.
- 15 Os meum narraturum est justitiam tuam, quotidie salutem tuam: quamvis ignorem numeros *ejus*:
- 16 Aggrediar omnimodam fortitudinem, Domine Jehova: commemorabo justitiam tuam solius.
- 17 Deus, docuisti me a pueritia mea, et huc usque indicavi mirabilia tua.
- 18 Quare etiam tantipser dum senex et canus sum, Deus, ne derelinquas me, donec indicavero brachium tuum *huic* generationi, omni venturæ
- 19 *generationi* fortitudinem tuam:
Nam justitia tua, Deus, in altum usque *assurgit*, quia facis res magnas; Deus, quis *est* par tibi?
- 20 Quia, postquam fecisti ut experirer angustias magnas et malas, rursus vitæ restituis me, et ex abyssis terræ rursus facis ut ascendam.
- 21 Auges magnitudinem meam, et divertens consolatoris me.

- 22 Etiam ego celebraturus sum te instrumento nablii, *fidemque* tuam, Deus mi; psallam tibi cithara, o Sancte Israelis.
- 23 Cantabunt labia mea, quando psallam tibi, et anima mea quam redemeris;
- 24 Etiam lingua mea quotidie enunciabit justitiam tuam: quod erubuerint, quod pudore perfusi fuerint quærentes malum meum.

LXXII.

Pro Salomone.

- 1 O Deus, judicia tua regi da, et justitiam tuam filio regis.
- 2 Iudicet populum tuum juste, et pauperes tuos jure.
- 3 Proferant montes pacem populo, et colles propter justitiam.
- 4 Vindicabit pauperes populi, servabit filios egentis, conteret vero oppressorem.
- 5 Revereantur te, quamdiu erit sol; et durante luna in generationem æternam.
- 6 Ut quum descendit pluvia super sectam herbam, quum imbres, irrigatio terræ:
- 7 Florebit temporibus ejus justus, et amplitudo pacis, donec non sit luna:
- 8 Et dominabitur a mari uno ad alterum, et a flumine quaqua *sunt* fines terræ.
- 9 Coram eo honorem exhibentes incurvabunt se barbari, et inimici ejus pulverem lingent.
- 10 Reges oceani *accolæ* et insulani munus reddent; reges Arabiæ et Sebæ donarium offerent:
- 11 Denique incurvabunt se *honorem exhibentes* ei omnes reges, omnes gentes servient ei.
- 12 Quoniam eripiet egentem vociferantem, et pauperem, cui non fuerit adjutor:

- 13 Parcet attenuato et egenti, animasque egentium servabit:
- 14 A dolo et a violentia vindicabit animam eorum: adeo pretiosus *est* sanguis eorum in oculis ejus.
- 15 Ideo quamdiu vivet, dabit ei de auro Arabiæ; et orabit pro eo jugiter, toto die benedicet ei.
- 16 *Ubi* fuerit pugillus tritici in terra, in vertice montium, commovebit se ut Libanus fructus ejus, et florebut cives ut herba terræ.
- 17 Erit nomen ejus in seculum, durante sole sobolescet nomen ejus: et benedicentes sibi in eo, omnes gentes beatum prædicabunt eum.
- 18 Benedictus *sit* Jehova Deus; Deus Israelis, qui facit mirabilia solus:
- 19 Et benedictum nomen gloriæ ejus in seculum: impleaturque gloria ejus tota terra. Amen, iterum Amen.
- 20 Finiuntur orationes Davidis, filii Jsai.

TERTIUS LIBER PSALMORUM.

LXXIII.

Psalmus Asaphi.

- 1 ATQUI bonus *est* Israeli Deus, puris animo.
- 2 Equidem *quod* ad me, pæne declinaverant pedes mei; nihil fere *aberat*, *quin* effunderentur gressus mei.
- 3 Quum inviderem insanientibus, prosperitatem improborum aspicerem.
- 4 Nam non *sunt* nexus usque ad mortem eorum, sed pingue *est* robur eorum.

- 5 In labore mortalium non sunt, et cum *reliquis* hominibus non afficiuntur plagis.
- 6 Idcirco cingit eos torques superbiae, operit *velut* ornamentum violentia eos.
- 7 Emicat prae pinguedine uterque oculus eorum, superant cogitationes animi.
- 8 Tabifici sunt, et loquuntur maligne oppressio-
nem: *et* e sublimi loquuntur.
- 9 Opponunt coelis os suum, et lingua eorum per-
vadit terram.
- 10 Ideoque redit populus ejus huc, quum aquae
pleni *poculi* exprimuntur ipsis;
- 11 Ut dicant, Quomodo cognosceret Deus fortis?
aut esset notitia in excelso?
- 12 Ecce istos improbos, ut tranquilli *in* seculo au-
geant vires.
- 13 Utique inaniter purifico animum meum, et lavo
in munditia manus meas:
- 14 Quum sim plaga affectus quotidie, et castigatio
mea *præsto sit* matutinis singulis.
- 15 Si dixerim, Narrabo talia; ecce generationi
filiorum tuorum perfidus fuero:
- 16 Si cogitem cognoscere hoc, laboriosum *visum*
est in oculis meis:
- 17 Donec ingressus essem in sanctuaria *Dei* fortis,
animadvertissem finem istorum.
- 18 Utique in lubricis ponis eos, dejiciens eos in
vastitates.
- 19 Quomodo abeunt in desolationem quasi mo-
mento: desinunt, consumuntur terroribus!
- 20 Tanquam somnium, postquam evigilavit *quis-*
piam! Domine, quum expergisceris, imaginem
eorum contemnis:

- 21 Quum exacerbatur animus meus, et *in* renibus meis meipsum exacuebam,
22 Tum eram brutus, qui ignorarem: *velut* jumenta eram apud te.
23 Itaque ego jugiter *futurus sum* tecum: prehendi manum dexteram meam.
24 Consilio tuo deduc me, ut postmodum *in* gloriam recipias me.
25 Quis *esset* mihi in cœlis *præter te?* et præter te nullo delector in terra.
26 Deficiente carne mea et animo meo, rupes animi mei et portio mea Deus *est* in seculum.
27 Nam ecce, longinqui a te pereunt; excindis, quicumque adulterando *deficit* a te.
28 De me itaque, propinquum esse Deo mihi bonum *est*; pono in Domino Jehova receptum meum, ut enarrem omnia opera tua.

LXXIV.

Ode didascalica Asapho.

- 1 QUARE, Deus, rejicis in æternum? fumare pergit ira tua in gregem pastus tui?
2 Recordare cœtus tui, te acquisivisse antea, vindicasse tribum possessionis tuæ; montem Zionis hunc *esse*, in quo habitabas.
3 Attolle pedes tuos ad vastitates æternas; *ad* omnia mala, quæ facit inimicus in loco sancto.
4 Rugientes hostes tui in medio synagogarum tuarum posuerunt insignia sua *pro* insignibus.
5 Nobilis habitus est *eorum quisque*, prout efferebat sursum contra implexa ligna secures.
6 Etiam nunc sculpturas ejus simul vecte et tuditibus tundunt.
7 Immiserunt ignem in sanctuaria tua; *dejicientes* in terram profanarunt tabernaculum nominis tui.

- 8 Dixerunt cum animo suo, Vim inferamus eis pariter! incenderunt omnes synagogas *Dei* fortis, *dejicientes* in terram:
- 9 Insignia nostra non videmus, non *est* amplius propheta, neque *est* apud nos qui sciat usque quo.
- 10 Quousque, o Deus, probro afficiet hostis? irritabit inimicus nomen tuum in æternum?
- 11 Quare avertis manum tuam, et *quidem* dexteram tuam? e medio sinus tui cohibe.
- 12 Atqui Deus rex meus *est* jam olim, operans omnimodam salutem in medio terræ.
- 13 Tu disruptisti robore tuo mare, perfregisti capita cetorum in aquis.
- 14 Tu conquassasti capita balænæ, dedisti cibum ipsi populo per deserta *proficiscenti*.
- 15 Tu fidisti fontem et torrentem; tu arefacis fluvios validos.
- 16 Tuus *est* dies; etiam tua nox: tu parasti lumen *hujus* et solem.
- 17 Tu statuisti omnes terminos terræ: ipsam æstatem et hyemem tu formasti.
- 18 Recordare *saltem* hujus, inimicum probro afficere, o Jehova, et populum stultum irritare nomen tuum.
- 19 Ne tradas *isti* catervæ vitam turturis tuæ, catervæ pauperum tuorum afflictorum ne obliviscaris in æternum.
- 20 Intuere in foedus: nam repleta sunt obscurissima loca terræ, caulæ *sunt* violentiæ.
- 21 Qui attritus est, ne redeat confusus, pauper et egens laudent nomen tuum.
- 22 Surge, o Deus, age causam tuam; recordare opprobrii tui, *quo afficeris* a stulto quotidie.

- 23 Ne obliviscaris vocis hostium tuorum; strepitus insurgentium in te, augescentis jugiter.

LXXV.

Magistro symphonie, ne perdas, psalmus Asapho *et* canticum.

- 2 CELEBRAMUS te, Deus, celebramus: nam propinquum nomen tuum: enarrant mirabilia tua.
- 3 Quum excepero conventum, ego rectissime iudicabo.
- 4 Solutas terræ omniumque habitatorum ejus ego aptabo columnas maxime:
- 5 Dicens insanientibus, Ne insaniatis; et improbis, Ne attollatis cornu:
- 6 Ne attollatis contra excelsum cornu vestrum, *ne* loquamini collo duro;
- 7 Non enim ab exortu aut ab occasu, neque a deserto *est* exaltatio:
- 8 Sed Deus iudex; hunc deprimit, et illum extollit.
- 9 Nam poculum in manu Jehovæ, et vinum turbidum est, plenum mixtione, ex quo fudit: veruntamen fæces ejus, *quas* expresserint, bibent omnes improbi terræ.
- 10 Ego itaque annunciem in seculum, psallam Deo Jacobi.
- 11 Et omnia cornua improborum succidam; exaltentur cornua iusti.

LXXVI.

Magistro symphonie fidium psalmus Asapho *et* canticum.

- 2 NOBILIS *est* in Juda Deus, in Israele magnum nomen ejus:

- 3 Cujus tugurium *est* Salemi, et habitaculum
Zione.
- 4 Ibi confregit coruscos arcus, scutum gladiumque
et bellum vehementissime.
- 5 Illustris factus es, magnificus, ex montibus
direptionis.
- 6 Dediderunt se in prædam robusti animo, dor-
mitaverunt somnum suum: adeo ut non invene-
7 rint ulli viri bellatores manus suas.
Præ increpatione tua, o Deus Jacobi, consopitus
est et currus et equus.
- 8 Tu, tu, *inquam*, formidabilis *es*: ecquis con-
sisteret coram te, ex quo irasceris?
- 9 E coelis facis, ut audiatur sententia; terra timet,
et quæta sedit:
- 10 Quum surgit ad judicium Deus, ad servandum
omnes mansuetos terræ maxime.
- 11 Nam æstus hominum celebrat te, residuo æstu-
um accingis *tuos*.
- 12 Vovete et *vota* reddite Jehovæ Deo vestro:
quicumque circumstant illum, afferant munus illi
formidabili,
- 13 *Qui* vindemiat spiritum antecessorum, formida-
bili regibus terræ.

LXXVII.

Magistro symphoniæ, præfecto *posteris* Jeduthunis,
Asaphi psalmus.

- 2 VOX mea ad Deum *fertur*, quum exclamo:
vox mea ad Deum, ut aurem advertat ad me.
- 3 Tempore angustiae meae Dominum requiro:
manu mea noctu perfusa et non intermittente:
renuente consolationem admittere anima mea.
- 4 Recordor Dei, quum fluctuando perstrepo: me-

ditor, quum obruit se spiritus meus vehementissime.

5 *Quum* tenes vigiles oculos meos, concutior, ita ut non possim eloqui.

6 Reputo tempora inde ab antiquitate, annos *superiorum* seculorum.

7 Recordor musicæ pulsationis meæ nocte: cum animo meo meditor, et perscrutatur spiritus meus, *dicens*:

8 An in secula repelleret Dominus? aut non pergeret bene velle amplius?

9 An deficeret in æternum benignitas ejus? desineret sermo in quamque generationem?

10 An oblitus esset gratiam facere *Deus* fortis? an occluderet ira miserationes suas summe?

11 Tandem dico, Infirmare me istud, mutata dextera Excelsi?

12 *Imo* recordabor actionum Jah: quin recordabor inde ab antiquitate quodque mirabilium tuorum:

13 Et meditabor de unoquoque opere tuo; de actionibus tuis confabulabor, *dicens*:

14 O Deus, in sanctitate via tua *est*; quis *Deus* fortis magnus *est* ut Deus?

15 Tu, o *Deus* fortis mirifice, ostendisti in populis robur tuum.

16 Vindicasti brachio populum tuum: posteros Jacobi, etiam Josephum maxime.

17 Videntes te aquæ, Deus, videntes te aquæ formidarunt: etiam commotæ sunt abyssi.

18 Exundarunt aquas nubes, sonum ediderunt superiores nubes: etiam pervaserunt sagittæ tuæ.

19 Sonante tonitru tuo in isto orbe, illustrarunt

fulgura orbem habitabilem: commota est et tremuit terra.

- 20 Per mare via tua, et semita tua per aquas amplas; ubi vestigia tua non sunt cognita,
21 Duxisti ut gregem populum tuum, Mosis et Aaronis opera.

LXXVIII.

Ode didascalica Asaphi.

- 1 AURIBUS percipe, popule mi, doctrinam meam;
inclinate aurem vestram ad sermones oris mei.
2 Aperiam per parabolam os meum, eructabo occulta inde *a* prisco *tempore*:
3 Quæ audivimus ac novimus, ut majores nostri narraverunt nobis;
4 Non celabimus filios eorum, generationem posteram: narraturos laudes Jehovæ, roburque ejus, et mirabilia ejus opera, quæ fecit.
5 Nam statuit testimonium in Jacobo, et legem posuit in Israele; quæ præcepit majoribus nostris nota facere filiis ipsorum:
6 Ut sciant generatio postera, filii nascituri, surgentesque enarrent filiis suis:
7 Et ponant in Deo spem suam, neque obliviscantur actionum Dei fortis; sed præcepta ejus custodiant:
8 Ac non sint ut majores eorum, generatio contumax et rebellis; generatio, quæ non comparavit animum suum, et cujus spiritus non fuit constans erga *Deum* fortem.
9 Ut posterī Ephraimi armati jaculantes arcu, vertentes *terga* tempore prælii:
10 *Quia* non servaverant fœdus Dei, et in lege ejus renuerant ambulare:

- 11 Obliti actionum ejus et mirabilium ejus operum,
quæ ostenderat ipsis.
- 12 Coram majoribus eorum fecerat miracula, in
terra Ægypti, agro Tanitico.
- 13 Diffiderat mare, ut traduceret eos; statuens
aquas tanquam acervum;
- 14 Deduxeratque eos nube interdiu, et totam no-
ctem lucente igne.
- 15 Fiderat rupes in deserto, ut potum præberet in
abyssis plurimum,
- 16 Educens fluentia e petra, et demittens tanquam
flumina aquas.
- 17 Perrexerunt tamen adhuc peccare in eum,
exacerbando Excelsum in ipsa *terra* sicca:
- 18 Et tentantes *Deum* fortem cum animo suo, pe-
tiverunt cibum pro desiderio animi sui:
- 19 Ac obloquentes contra Deum dixerunt, an pos-
set *Deus* fortis instruere mensam in hoc de-
serto?
- 20 En, ita percussit rupem, ut fluxerint aquæ et
torrentes exundaverint: an etiam cibum posset
dare? an pararet carnem populo suo?
- 21 Idcirco audiens Jehova excanduerat: et ignis
succensus erat in Jacobum, ac etiam ira arserat
in Israelelem:
- 22 Quia non crediderant in Deum, neque confisi
erant *in* salute ejus:
- 23 Quamvis præcepisset superioribus nubibus su-
perne, et januas cœlorum aperuisset:
- 24 Depluensque super eos Man ad comedendum,
frumentum cœlorum daret illis:
- 25 Panem robustissimorum comederet quisque, via-
ticum mitteret eis ad saturitatem:
- 26 Impellens Eurum in cœlis, et inducens robore
suo Austrum.

- 27 Quum depluisset super eos carnem tanquam pulverem, et sicut arenam marinam volucres alatas,
28 Dejiciens intra castra sua, circa tabernacula sua:
29 Et comedentes saturati essent valde, et quod concupiverant illi, attulisset illis:
30 Nondum alienati erant a concupiscentia sua, adhuc cibus eorum in ore eorum *erat*,
31 Quum ira Dei ardens in eos interficeret e pin-
guissimis eorum; et juvenes Israelis proster-
neret.
- 32 Post totum hoc peccaverunt amplius, neque crediderunt propter mirabilia ejus opera.
33 Quamobrem consumebat vanitate dies illorum, et annos illorum terrore.
34 Quum occidebat eos, si requirebant eum, et conversi mane quærebant *Deum* fortem,
35 Recordantes Deum fuisse rupem suam, et *Deum* fortem excelsum *fuisse* vindicem suum.
- 36 Quamvis conarentur eum decipere ore suo, et lingua sua mentirentur ei,
37 Et animus ipsorum non esset comparatus erga eum, neque constantes essent in fœdere ejus:
38 Tamen ille misericors expiabat iniquitatem, ita ut non perderet; et plurimum avertebat iram suam, neque excitabat totum æstum suum;
39 Recordans carnem eos esse, ventum abeuntem, qui non revertitur.
- 40 Quoties exacerbaverunt eum in deserto? dolore affecerunt eum in solitudine?
41 Qui subinde tentarunt *Deum* fortem, et sanctum Israelis circumscripserunt,

- 42 Immemores manus ejus, diei, quo redemerat ipsos ab hoste:
- 43 Quo disposuit in Ægypto signa sua, et prodigia sua in agro Tanitico:
- 44 Quum mutavit in sanguinem rivos eorum fluentaque eorum, ne bibere possent:
- 45 Immisit in eos colluviem animalium, quæ consumeret eos, ac ranas, quæ perderent eos:
- 46 Et dedit brucho proventum eorum, ac laborem eorum locustæ:
- 47 Occidit grandine vites eorum, et sycomoros eorum *igni*, qui, quacumque insidebat, consumeret:
- 48 Dedit etiam eidem grandini bruta eorum, et pecora eorum prunis ignitis:
- 49 Immisit in eos æstum iræ suæ, excandescentiam indignationemque et angustiam, mittendo nuncios malorum:
- 50 Liberavit iter ad iram suam, non cohibuit a morte vitam illorum: et bestias eorum pesti dedit:
- 51 Et percussit omne primogenitum in Ægypto, principium virium in tentoriis Chami:
- 52 Et transtulit tanquam pecudes populum suum, direxitque eos tanquam gregem per desertum:
- 53 Et deducens eos secure, ita ut non metuerent, postquam inimicos eorum operuisset mare,
- 54 Adduxit eos in terminum sanctitatis suæ, montem hunc, *quem* acquisivit dextera ejus;
- 55 Expellens a facie eorum gentes, faciensque ut acciderent funiculo possessionis: et habitaverunt in tentoriis earum tribus Israelis.
- 56 Attamen' tentarunt et exacerbarunt Deum excelsum, et testimonia ejus non observarunt:
- 57 Sed aversi perfide egerunt ut majores eorum: conversi sunt ut arcus fallax.

- 58 Nam provocarunt eum per excelsa sua, et per sculptilia sua ad zelotypiam concitarunt eum.
- 59 *Quod* audiens Deus excanduit, sprexitque valde Israellem:
- 60 Adeo ut deserens tabernaculum Siluntis, tentorium, *quod* collocaverat inter homines:
- 61 Traderet in captivitatem robur suum, et gloriam suam in manum hostis:
- 62 Dederetque gladio populum suum; quia in possessionem suam excanduerat:
- 63 Juvenes ejus absumeret ignis, et virgines ejus non laudarentur:
- 64 Sacerdotes ejus gladio conciderent, et viduæ ejus non flerent.
- 65 Deinde evigilavit Dominus, *qui visus fuerat* tanquam dormiens, sicut robustus, cantillans ex vino:
- 66 Et percussit hostes suos retro, opprobrium perpetuum indidit eis.
- 67 Tandem sprexit tentorium Josephi, et tribum Ephraimi non elegit.
- 68 Eligens vero tribum Judæ, montem Zionis, quem diligit:
- 69 Ædificavit simile excelsis *palatiis* sanctuarium suum: utpote *in* terra, quam statuit in seculum.
- 70 Eligensque Davidem servum suum, et assumens eum ex caulis gregis:
- 71 A tergo foetarum duxit eum ad pascendum Jacobum, populum suum, et Israellem, possessionem suam.
- 72 Qui pavit eos pro integritate animi sui, et summa prudentia manuum suarum deduxit eos.

LXXIX.

Psalmus Asapho.

- 1 O Deus, ingressæ sunt gentes in possessionem tuam; polluerunt templum sanctitatis tuæ, disposerunt Hierosolyma in cumulos.
- 2 Dederunt cadaver servorum tuorum cibo volucribus cœli; carnem eorum, quos benignitate prosequeris, bestiis terræ.
- 3 Effuderunt sanguinem eorum velut aquam circa Hierosolyma, nec *erat* qui sepeliret.
- 4 Sumus opprobrio vicinis nostris, sannæ et ludificationi circumstantibus nos.
- 5 Quousque Jehova? irasceris in æternum? ardebit velut ignis zelus tuus?
- 6 Effunde æstum tuum in eas gentes, quæ non agnoscunt te, et super regna, quæ nomen tuum non invocant.
- 7 Nam *consumtor* consumpsit Jacobum, et habitaculum ejus desolaverunt.
- 8 Ne recorderis adversus nos iniquitates præcedentium *temporum*: festinantes præveniant nos miserationes tuæ, nam attenuati sumus valde.
- 9 Auxiliare nobis, Deus salutis nostræ, propter honorem nominis tui; et eripe nos, expiationemque fac de peccatis nostris propter nomen tuum.
- 10 Cur dicturæ essent istæ gentes, Ubinam *est* Deus istorum? innotescat in istis gentibus ante oculos nostros ultione sanguinis servorum tuorum effusi.
- 11 Perveniat ante faciem tuam gemitus vincti; pro magnitudine brachii tui fac, ut reliqui sint qui jam traduntur morti.
- 12 Redde ergo vicinis nostris septuplo in sinum

ipsorum: opprobrium ipsorum, quo affecerunt te, Domine.

- 13 Et nos, populus tuus et grex pastus tui, celebrabimus te in seculum, in quamque generationem enarrabimus laudem tuam.

LXXX.

Magistro symphonie ad hexachorda psalmus testimonii
Asapho.

- 2 O pastor Israelis, auribus percipe! ductor Josephi tanquam gregis, insidens Cerubinis, illucesce!
- 3 Coram Ephraimo Benamineque et Menasse excita potentiam tuam: et veni ad plenam salutem *afferendam* nobis.
- 4 O Deus, restitue nos et fac, ut luceat facies tua: ita servabimur.
- 5 Jehova, Deus exercituum, quousque fumaturus es contra orationem populi tui?
- 6 Cibas eos pane lacrymarum, et bibendum præbes eis *de* lacrymis triental.
- 7 Exponis nos contentioni vicinis nostris, et inimici nostri subsannant *nos*.
- 8 O Deus exercituum, restitue nos et fac, ut luceat facies tua: ita servabimur.
- 9 Vitem ex Ægypto transtuleras: expuleras gentes, ut plantares eam:
- 10 Expediveras ante eam, fecerasque, ut ageret radices suas: et impleverat terram.
- 11 Operiebantur montes umbra ejus, et palmitum ejus cedri maximæ.
- 12 Emittebat ramos suos usque ad mare, et ad flumen teneros ramos suos.

- 13 Quare perrupisti macerías ejus, adeo ut carpant eam omnes viatores?
- 14 Suffodiat eam porcus sylvestris, et animal agreste depascat eam?
- 15 O Deus exercituum, revertere jam, intueri e cœlis et respice: ac visita vitem hanc,
- 16 Et surculum, quem plantaverat dextera tua: idque propter filium, *quem* fortificasti tibi.
- 17 Incensa igne, succisa *est*; ab increpatione faciei tuæ pereunt.
- 18 Adsit manus tua viro dexteræ tuæ: filio hominis, quem fortificasti tibi:
- 19 Ac non retrocedemus a te: in vita conserva nos, ut nomen tuum invocemus.
- 20 Jehova, Deus exercituum, restitue nos; fac, ut luceat facies tua: ita servabimur.

LXXXI.

Magistro symphonîæ ad Gitthæa *ode* Asapho.

- 2 CANTATE Deo, robori nostro; vociferamini Deo Jacobi.
- 3 Sumite psalmodica instrumenta, et apponite tympanum, citharam amœnam cum nablio.
- 4 Clangite in novilunio buccina, stativis quibusque feriis, diebus festis nostris.
- 5 Nam statutum in Israele est, ritus a Deo Jacobi:
- 6 Qui testimonium in Josepho imposuit ipsum, quum processisset contra terram Ægypti, *ubi* sermonem ignotum audiebam.
- 7 Amovi, *inquit*, ab onere humerum ejus; manus ejus a lacusculo *intritæ* abierunt.
- 8 Quum in angustia illa exclamares, liberavi te:

exaudivi te in latebris tonitru: probavi te *usque* ad aquas Meribæ summe.

- 9 Audi, popule mi, et contestabor te, o Israel, si auscultaveris mihi:
- 10 Si non erit in te *Deus* fortis extraneus, neque incurvabis te *Deo* forti alienigenæ *honorem exhibens*.
- 11 Ego *sum* Jehova, Deus tuus, qui feci ut ascenderes e terra Ægypti: dilata os tuum, et impleturus sum illud.
- 12 Sed non auscultavit populus meus voci meæ, et Israel non acquievit mihi.
- 13 Quapropter dimisi eos *ambulatu*ros ex sententia animi sui, *dicens*, Abeant cum pravis consiliis suis.
- 14 O si populus meus auscultasset mihi, si Israelitæ in viis meis ambulassent:
- 15 Vel momento inimicos eorum fuisset depressurus, quum in hostes eorum convertissem manum meam.
- 16 Osores Jehovæ mendaciter se dedissent ei, et futurum fuisset tempus istorum in seculum:
- 17 Denique cibaturum fuisset eum adipe tritici; etiam ex rupe melle fuisset satiaturus te.

LXXXII.

Psalmus Asapho.

- 1 DEUS adstat in cœtu *Dei* fortis, inter magistratus judicat.
- 2 Quousque judicabitis inique, et personam improborum suscipietis summe?
- 3 Judicate *secundum* tenuem et pupillum; afflictum et pauperem justum pronunciate:
- 4 Liberate tenuem et egentem, e manu improborum eripite.

- 5 Ignorantibus et non animadvertentibus, in tenebris indesinenter ambulantis illis, dimoventur omnia fundamenta terræ.
- 6 Ego dico, Dii *quidem* estis, et filii Excelsi vos omnes:
- 7 *At* certe ut plebejus homo morituri estis, etiam sicut unus aliorum principum casuri estis.
- 8 Surge, o Deus, judica terram: tu enim possessionem habes *judiciorum* in omnibus gentibus.

LXXXIII.

Canticum et psalmus Asapho.

- 2 O Deus, ne agas silentium; ne surdum agas, neque quiescas, o *Deus* fortis.
- 3 Nam ecce, inimici tui perstrepunt, et osores tui extollunt caput.
- 4 Contra populum tuum callide ineunt consilium, et consultant contra abditos tuos,
- 5 Dicentes, Agite, excindamus istos, ne sint gens; ut non memoretur nomen Israelis amplius.
- 6 Nam consilium inierunt animis paribus, contra te fœdus pepigerunt:
- 7 Tentoria Edomæorum et Ismaelitarum, Moabitæ et Hagareni,
- 8 Gebalitæ Hammonitæque et Hamalecitæ, Palæstini cum habitatoribus Tyri:
- 9 Etiam Assyrius adjunxit se istis; sunt brachium posteris Loti maxime.
- 10 Fac istis ut Midianitis, ut Siseræ, ut Jabini in torrente Kisonis:
- 11 *Qui* excisi fuerunt ad Hendorum, facti sunt fimus terræ.
- 12 Redige ipsos ingenuos istorum ut Horebum et

ut Zebum, ut Zebachum et Zalmunahum, omnes toparchas istorum:

13 Qui dicunt, Hæreditario jure possideamus nobis habitacula Dei.

14 Deus mi, pone eos velut rotam, ut stipulam coram vento.

15 Ut ignis exurit silvam, et ut flamma accendit montes,

16 Ita prosequere eos procella tua, et turbine tuo conturba eos.

17 Reple faciem eorum ignominia; ut requiratur nomen tuum, o Jehova.

18 Pudore perfundantur, et conturbentur usque in seculum; erubescantque et pereant:

19 Ut cognoscatur te, cui soli nomen *est* Jehova, excelsum esse supra universam terram.

LXXXIV.

Magistro symphonix ad Gitthæa posteris Korahi
psalmus.

2 QUAM amabilia *sunt* tabernacula tua, o Jehova exercituum.

3 Desiderio afficitur, etiamque deficit anima mea *veniendi* ad atria Jehovæ; cor meum et caro mea exclamant *veniendi* ad Deum fortem viventem *desiderio*.

4 Etiam passer invenit domum, et hirundo nidum sibi, *in* quo ponat pullos suos: altaria tua, o Jehova exercituum, rex mi et Deus mi.

5 Beati, qui inhabitant domum tuam, *qui* adhuc laudant te summe.

6 Beatus homo, cui facultas *est* in te semitas *tuas insistendi* ex animi sui *sententia*:

7 *Qui* transeuntes per vallem mori fontem con-

stituunt eam; *quos* etiam benedictionum operit pluvia:

8 Qui pergunt ab acie ad aciem, comparituram apud Deum Zione.

9 Jehova Deus, *Deus* exercituum, audi orationem meam; auribus percipe, o Deus Jacobi maxime.

10 Scutum nostrum aspice, o Deus; et intueri faciem Christi tui.

11 Nam melior *est* dies *unus* in atriis tuis, quam mille *alibi*: eligo frequentare limen in domo Dei mei, magis quam habitare in tentoriis improbitatis:

12 Quia sol et scutum *est* Jehova Deus, gratiam et gloriam dat Jehova: non cohibet bonum *ab* ambulantibus in integritate.

13 O Jehova exercituum, beatus homo, qui fiduciam habet in te.

LXXXV.

Magistro symphoniae in posteris Korahi psalmus.

2 BENEVOLUS fueras, o Jehova, terrae tuae: reduxeras turbam captivam Jacobi:

3 Condonaveras iniquitatem populi tui, texeras omne peccatum eorum summe:

4 Receperas omnem excandescentiam tuam: averteras, quo minus aestuaret, iram tuam.

5 Restitue nos, o Deus salutis nostrae; et irritam fac indignationem tuam contra nos.

6 An in seculum irascereris contra nos? protrahe iram tuam in quamque generationem?

7 An non tu reversus vitae restitueres nos, ut populus tuus lætentur in te?

8 Ostende nobis, Jehova, benignitatem tuam; et salutem tuam da nobis.

- 9 Audiam, quid loquatur *Deus* ille fortis Jehova: nam eloquitur pacem erga populum suum et erga eos, quos benignitate prosequitur: sed ne revertantur ad stultitiam.
- 10 Utique propinqua *est* timentibus eum salus ejus, habitatura est gloria in terra nostra. Benignitas et fides occurrent inter se, justitia et pax osculabuntur se.
- 11 Fides e terra germinabit, et justitia e cœlis prospectabit.
- 12 Etiam Jehova dabit quod bonum est, ut terra nostra edat proventum suum:
- 13 Faciet, ut justitia præeat sibi, dum conferet ad iter pedes suos.

LXXXVI.

Oratio Davidis.

- 1 INCLINA, Jehova, aurem tuam, exaudi me; nam pauper et egens sum.
- 2 Serva animam meam; nam is sum, quem benignitate prosequeris: serva tuum servum, tu, Deus mei, fiduciam habentem in te.
- 3 Gratiam fac mihi, Domine: quia te inclamo toto die.
- 4 Lætifica animam servi tui: quia ad te, Domine, animam meam attollo.
- 5 Tu enim, Domine, bonus es et condonans, multisque benignitate omnibus invocantibus te.
- 6 Auribus percipe, Jehova, orationem meam; et attende ad vocem deprecationum mearum.
- 7 Tempore angustiae meae invoco te, quia exaudis me.
- 8 Non *est* par tibi inter ullos deos, o Domine, neque *sunt* paria operibus tuis *opera*.
- 9 Omnes gentes, quas *eis* afficis, venientes incur-

vant se coram te, Domine; et honorem habent nomini tuo:

10 Quia magnus es atque mirificus, tu Deus solus es.

11 Doce me, Jehova, viam tuam, pergam in veritate tua, aduna animum meum ad timendum nomen tuum.

12 Celebrabo te, Domine, Deus mi, ex toto animo meo; et honore prosequar nomen tuum in seculum:

13 Quum benignitas tua magna sit erga me, et eripueris animam meam a sepulchro imo.

14 O Deus, superbi insurgunt contra me, et cœtus violentorum quærent vitam meam, qui non proponunt te sibi.

15 Tu autem, Domine, *Deus* fortis, misericors et gratus es, longanimis et multus benignitate ac fide.

16 Respice ad me, et gratiam fac mihi; da robur tuum servo tuo, et conserva filium ancillæ tuæ.

17 Effice erga me signum, *quod* bono sit; ut videntes osos mei pudore perfundantur, quum tu Jehova adjuveris me et consolatus fueris me.

LXXXVII.

Posteris Korahi psalmus et canticum.

1 FUNDATIONEM suam inter montes sanctitatis,
2 Diligit Jehova portas Zionis supra quam ulla tabernacula Jacobi.

3 Honorificentissima sunt, quæcunque prædicantur de te, o civitas Dei summe *honorifica*.

4 Memoro Ægyptium et Babylonium apud no-

scentes me; ecce Palæstinum et Tyrium cum Æthiope, hunc genitum esse ibidem:

5 Ideo de Zione fore ut dicatur, Hic et ille vir genitus est in ea: ipsumque stabiliturum eam, Excelsum:

6 Jehovam annumeraturum conscribendo populos; hic genitus est ibidem excellentissime.

7 Quapropter canunt æque ac exsultant omnes fontes vitæ meæ de te.

LXXXVIII.

Canticum *et* psalmus in posteris Korahi magistro symphonici ad pneumaticum instrumentum canendus, didascalicus Hemanis Esrachitæ.

2 O Jehova, Deus salutis meæ; interdiu clamo *et* noctu coram te.

3 Veniat in conspectum tuum oratio mea, inclina aurem tuam ad clamorem meum.

4 Nam saturata est malis anima mea, et vita mea ad sepulchrum pertingit.

5 Reputor cum descendentibus in sepulchrum: sum similis viro quem deficit virtus.

6 *Reputor* inter mortuos, semotus ut confossi jacentes *in* sepulchro, quorum non recordaris amplius, qui manu tua excisi sunt.

7 Ponis me in sepulchro omnium infimo; in tenebrosissimis, in profundis locis.

8 Super me incumbit excandescencia tua, adeo omnibus irrumpentibus tuis fluctibus affligis vehementissime.

9 Procul amoves notos meos a me, proponis me in summam abominationem eis; ita inclusum, ut non possim evadere.

10 Oculus meus mœret præ afflictione: invoco

te, Jehova, totum diem, pando ad te manus meas.

11 An mortuis efficies opus mirabile? aut expectes vitæ celebraturi te exsurgent potentissime?

12 An enarraretur in sepulchro benignitas tua? fides tua in perditione?

13 An cognosceretur in tenebris mirabile *opus* tuum, et justitia tua in terra oblivionis?

14 Atqui ego ad te, Jehova, vociferor; et unoquoque mane oratio mea prævenit te.

15 Quare, o Jehova, abjicis me? abscondis faciem tuam a me?

16 Pauper sum et moribundus a concussione, perferens terrores tuos animi pendeo.

17 Super me transeuntibus æstibus tuis, conturbationes tuæ rescindunt me:

18 Circumdantes me sicut aquæ toto die, cingentes me pariter.

19 Procul amoves a me amicum et socium, notis meis *sum* tenebroso loco.

LXXXIX.

Didascalica *ode* Ethanis Esrachitæ.

2 BENIGNITATES Jehovæ *in* seculum canam: in quamque generationem notam faciam fidem tuam ore meo.

3 Nam statuo fore, ut in seculum benignitas ædificetur; in cœlis ipsis stabilias fidem tuam, *qua dixisti*,

4 Pepigi fœdus cum electo meo, juravi Davidi servo meo:

5 Usque in seculum me, stabiliturum semen tuum et ædificaturum in quamque generationem solium tuum summe.

- 6 Quapropter celebrant cœli mirabile *opus* tuum, Jehova; etiam fidem tuam in congregatione sanctorum.
- 7 Quis enim in superiore nube par æstimetur Jehovæ? assimiletur Jehovæ inter filios fortium?
- 8 Deus fortis *est* formidabilis in consilio sanctorum plurimum; et reverendus supra omnia, quæ circumstant eum.
- 9 O Jehova, Deus exercituum, quis *est* par tibi robustus, Jah? nam fides tua circumvestit te.
- 10 Tu dominaris in superbiam maris; quum attollunt se fluctus ejus, tu reprimis eos.
- 11 Tu contrivisti tanquam confossum Ægyptium; brachio roboris tui dispersisti inimicos tuos.
- 12 Tui *sunt* cœli, etiam tua *est* terra; orbem habitabilem et ea, quæ ipsum implent, tu fundasti.
- 13 Aquilo et Auster, quos tu creasti; Thabor et Hermon de nomine tuo cantant.
- 14 Tibi brachium *est* cum potentia, robusta *est* manus tua, elata dextera tua.
- 15 Justitia et judicium habitaculo solii tui, benignitas et fides præeunt faciei tuæ.
- 16 Beatus *est* populus, qui agnoscunt clangorem, *qui* in luce faciei tuæ pergunt, Jehova:
- 17 In nomine tuo exsultant toto die, et in justitia tua attollunt se:
- 18 Nam decus roboris eorum es: et pro benevolentia tua attollitur cornu nostrum.
- 19 Jehovæ enim *est* scutum nostrum, et Sancti Israelis, Regis nostri.
- 20 Tunc allocutus per visionem eum, quem benigritate prosequeris, dixisti: Disposui auxilium contra robustum, extuli electum e populo.

- 21 Inveni Davidem servum meum, oleo sancto meo
unxi eum;
- 22 Quicum manus mea sit stabilis, etiam brachium
meum fortificet eum.
- 23 Non aget exactorem inimicus contra eum, et
deditus iniquitati non affliget eum:
- 24 Sed contundam a facie ejus hostes ejus, et oso-
res ejus plaga afficiam.
- 25 Adeo fides mea et benignitas mea affutura est
ei, ut in nomine meo extollatur cornu ejus.
- 26 Nam imponam mari manum ejus, et fluminibus
dexteram ejus.
- 27 Ipse inclamabit me, Tu pater mi, mi *Deus*
fortis, et rupes salutis meæ!
- 28 Etiam ego primogenitum constituam eum, excel-
sum supra reges terræ.
- 29 In seculum servabo ei benignitatem meam, et
fœdus meum fidum erit ei:
- 30 Disponamque in æternum semen ejus, et solium
ejus, ut *sunt* dies cœlorum.
- 31 Si dereliquerint filii ejus legem meam, et in
judiciis meis non ambulaverint:
- 32 Si statuta mea prophanaverint, et præcepta mea
non observaverint:
- 33 Visitabo quidem virga defectionem eorum, et
plagis iniquitatem eorum:
- 34 Sed benignitatem meam non irritam faciam ab
eo, neque mentiar contra fidem meam.
- 35 Non prophanabo fœdus meum, et pronunciatum
labiorum meorum non mutabo.
- 36 Semel juravi per sanctitatem meam, Davidi non
mentiar:
- 37 Semen ejus in seculum fore; et solium ejus ut
solem coram me,

- 38 Ut luna stabile fore in seculum; et ut testes in superiore nube fideles summe.
- 39 At tu abjecisti et sprevisi; excanduisti contra unctum tuum.
- 40 Detestatus es foedus servi tui, prophanasti *de-jiciens* in terram coronamentum ejus.
- 41 Dirupisti omnes macerias ejus: exposuisti munitiones ejus contritioni.
- 42 Diripuerunt eum omnes viatores, est probro vicinis suis.
- 43 Extulisti dexteram hostium ejus, lætificasti omnes inimicos ejus.
- 44 Etiam retudisti acumen gladii ejus, neque stabilivisti eum in bello.
- 45 Fecisti ut cesset nitor ejus, et solium ejus in terram detrusisti.
- 46 Curtasti dies adolescentiæ ejus, operuisti eum pudore summe.
- 47 Quousque Jehova? abscondes te in æternum? ardebit tanquam ignis excandescencia tua?
- 48 Recordare mei, quam temporarius sim: quorsum in vanum creasses omnes filios hominis?
- 49 Quis vir ita vivat, ut non experiatur mortem? eripiat se ipsum a sepulchro excellentissime?
- 50 Ubi *sunt* benignitates illæ pristinæ, Domine, quas juraveras Davidi per fidem tuam?
- 51 Recordare, Domine, opprobrii servorum tuorum: me gestare in sinu meo *opprobrium* omnium maximorum populorum:
- 52 Quo affecerunt inimici tui, Jehova; quo affecerunt vestigia Christi tui.
- 53 Benedictus *sit* Jehova in seculum. Amen, iterumque Amen.
-

QUARTUS LIBER PSALMORUM.

XC.

Oratio Mosis, viri Dei.

- 1 O Domine, tu habitaculum fuisti nobis in quaque generatione.
- 2 Quum nondum montes editi essent, aut formasses terram orbemque habitabilem, denique inde a seculo et usque in seculum tu *Deus* fortis *es*.
- 3 Redigis mortalem eo usque, ut sit contritus; dicens, Revertimini, filii hominum.
- 4 Nam mille annos si prætereat, *sunt* in oculis tuis ut dies hesternus vigiliaque nocturna.
- 5 Inundatione abripis eos, somnus sunt: ipso mane *sunt* ut fœnum transiens:
- 6 Ipso mane, quo effloruit, transiens; ipso vespere excisus atque exarescens.
- 7 Quando consumimur ira tua, et tuo æstu conturbamur:
- 8 Proponis iniquitates nostras tibi, occulta nostra lumini faciei tuæ.
- 9 Nam omnes dies nostri divertunt excandescencia tua; consumimus annos nostros; similes sermoni *sunt*.
- 10 In diebus ipsis annorum nostrorum *sunt* septuageni anni, aut (ut *simus* valentissimi) octogeni anni; etiam excellentissimum eorum laboriosum *est* et molestum, quo festine exciso avolamus.
- 11 Quis agnoscit robur iræ tuæ aut excandescentiæ tuæ, secundum timorem tuum?
- 12 Numerare dies nostros ita doce *nos*, ut inducamus animum sapientem.
- 13 Revertere, Jehova! Quousque? et pœniteat te propter servos tuos!

- 14 Satia nos unoquoque mane benignitate tua, ut cantemus et lætemur omnibus diebus nostris.
15 Lætifica nos, ut dies *multos* afflixisti nos; annis *multis* experti sumus malum.
16 Perspicuum sit erga servos tuos opus tuum, et decor tuus in filiis eorum.
17 Denique adsit amœnitas Jehovæ Dei nostri nobis: et opus manuum nostrarum institue in nobis; ipsum, inquam, opus manuum nostrarum institue.

XCI.

- I CONSIDENS in latibulo Excelsi, in umbra Omnipotentis indesinenter pernoctans,
2 Dico, In Jehova *est* receptus meus, et propugnaculum meum, Deus meus *est*, cui confido.
3 Quandoquidem ipse erepturus est te a laqueo aucupantis, a peste ærumnosissima:
4 Ala sua protecturus te, quum sub alas ipsius te receperis; clypeus et parma *est* fides ipsius:
5 Ne timeto a pavore nocturno, a sagitta volante interdiu:
6 A peste in caligine pervadente, a lue vastante in meridie.
7 Cadentibus ab *altero* latere tuo mille, et decies mille a dextera tua, ad te non accedet.
8 Tantum oculis tuis intueberis et retributionem improborum videbis.
9 Quum tu Jehovam, *Deum* receptus mei excelsum, statueris habitaculum tuum.
10 Non dabitur occasio, ut attingat te malum, et plaga non appropinquabit ad tentorium tuum.
11 Nam angelis suis præcipiet de te, ut conservent te in omnibus viis tuis:

- 12 Ambabus palmis sustineant te, ne offendas ad lapidem pedem tuum.
- 13 Super ferocem leonem et aspidem incedes, conculcabis juvenem leonem et draconem.
- 14 Quia in me (*inquit Deus*) amore propendet, ideo liberabo eum; in edito collocabo eum, quia agnoscit nomen meum:
- 15 Simulac invocaverit me, exaudiam eum; ipsi adero in angustia: eripiam eum, et honore afficiam eum:
- 16 Longitudine dierum satiabo eum, denique efficiam, ut fruatur salute mea.

XCII.

Psalmus et canticum in diem sabbathi.

- 2 BONUM est celebrare Jehovam, et psallere nomini tuo, o Excelse;
- 3 Annunciare unoquoque mane benignitatem tuam, et fidem tuam quibusque noctibus:
- 4 Ad decachordum et ad nablium, ad citharam cum meditatione.
- 5 Quæ lætitia afficis me, Jehova, opere tuo: de factis manuum tuarum cantabo.
- 6 Quam magna sunt facta tua, Jehova! valde profundæ sunt cogitationes tuæ.
- 7 Vir brutus non agnoscit, et stultus non animadvertit istud;
- 8 Quum germinant improbi velut herba, florentque omnes qui operam dant iniquitati *fore* ut perdantur usque in æternum:
- 9 Te autem, o Excelse, in seculum *esse* Jehovam.
- 10 Nam ecce, inimici tui, Jehova; nam ecce, inimici tui pereunt: dissiliunt omnes, qui operam dant iniquitati.

- 11 Attollis vero tanquam monocerotis cornu meum,
perfundendo me oleo virente:
- 12 *Illa* intuente oculo meo in observatoribus meis;
de insurgentibus contra me maleficis audientibus
auribus meis.
- 13 Justus ut palma germinabit, ut cedrus in Li-
bano crescet.
- 14 Plantati in domo Jehovæ, in atriis Dei nostri
germina profundent.
- 15 Adhuc abundabunt in canitie, pingues et vi-
rentes erunt,
- 16 Ad annunciandum rectum esse Jehovam, ru-
pem meam; neque *esse* ullam iniquitatem in eo.

XCIII.

- 1 JEHOVA regnat celsitudine indutus; indutus
Jehova robore se accingit: etiam stabilitur orbis
habitabilis, ne dimoveatur.
- 2 Stabile *est* solium tuum ab illo tempore, inde
a seculo tu *regnas*.
- 3 *Utut* attollant flumina, o Jehova, attollant
flumina sonum suum, attollant flumina fragorem
suum:
- 4 Sonis aquarum multarum, magnificis fluctibus
irrupentibus maris magnificentior *est* in alto
Jehova.
- 5 Testimonia tua firma *sunt* valde: domui tuæ
decora sanctitas, o Jehova, in longitudinem
dierum *est*.

XCIV.

- 1 O fortis *Deus* ultionum, Jehova; o *Deus* for-
tis ultionum, illucesce!

- 2 Attollere, o judex terræ; redde retributionem superbis!
- 3 Quousque improbi, o Jehova, quousque improbi exsultabunt?
- 4 Eructantes loquentur superbe? sese prædicabunt omnes, qui operam dant iniquitati?
- 5 Populum tuum, Jehova, conterent? et possessionem tuam affligent?
- 6 Viduam et peregrinum interficient, ac pupillos occident?
- 7 Dicentes, Non respicit Jah; neque animadvertit Deus Jacobi?
- 8 Animadvertite, o brutissimi in populo: et stultissimi, quando intelligentes eritis?
- 9 An plantator auris, an non audiat? aut formator oculi an non intueatur?
- 10 An castigator gentium, an non reprehendat? qui docet homines scientiam, *an non agnosceret?*
- 11 Jehova cognoscit cogitationes hominum, esse vanitatem ipsam.
- 12 Beatus ille vir, quem castigas, Jah, et quem ex lege tua doces:
- 13 Ad præstandum quietem ei a diebus adversitatis, dum foditur improbro fovea.
- 14 Non enim deserit Jehova populum suum, et possessionem suam non derelinquit:
- 15 Sed usque ad justitium reversurum est judicium, et post illud omnes recti corde.
- 16 Quis surrecturus fuisset pro me contra maleficos? quis se ipsum stitisset pro me contra eos, qui operam dant iniquitati?
- 17 Nisi Jehova pleno auxilio fuisset mihi, parum abest quin habitasset *in* loco silentii vita mea.

- 18 Quum dico, Dimovetur pes meus; benignitas tua, o Jehova, sustentat me.
- 19 Quum multæ sunt cogitationes meæ apud me, consolationes tuæ oblectant animam meam.
- 20 An consociaretur tibi solium ærumnarum, formantis molestiam præter statutum,
- 21 Turmatim convenientium contra animam justi, et sanguinem innoxium condemnantium?
- 22 Imo, *est* Jehova mihi pro edito loco, et Deus meus pro rupe receptus mei:
- 23 Qui convertit contra eos iniquitatem ipsorum, et malitia ipsorum excindit ipsos; excindit ipsos Jehova, Deus noster.

XCV.

- 1 AGITE, cantemus Jehovæ; clangamas rupi salutis nostræ!
- 2 Eamus ante faciem ejus cum gratiarum actione, cum psalmis clangamus ei!
- 3 Nam Deus *fortis* magnus *est* Jehova, et rex magnus supra omnes Deos.
- 4 In cujus manu *sunt* ima vestigia terræ, penes quem *sunt* vires montium:
- 5 Cujus est ipsum mare, ut qui fecit illud; et arida, *quam* manus ejus formarunt.
- 6 Venite, incurvemus nos et procumbamus; flectamus genua coram Jehova, qui fecit nos!
- 7 Quum ipse *sit* Deus noster, nos vero populus pastus ejus, et grex ductus ejus; hodie, si vocem ejus audieritis,
- 8 Ne obduretis animum vestrum, ut *in* contentione, ut die tentationis in deserto:
- 9 Ubi tentaverunt me majores vestri; probaverunt me, etiam experti sunt opus meum.

- 10 Quadraginta annis fastidio habui generationem *illam*; dicens, Populus sunt errabundi animo, et sunt ignorantes viarum mearum:
11 Quibus juravi in ira mea, eos non ingressuros in requiem meam.

XCVI.

- 1 CANITE Jehovæ canticum novum, canite Jehovæ tota terra.
2 Canite Jehovæ, benedicite nomini ejus; prædicate de die in diem salutem ejus.
3 Narrate in gentibus honorem ejus, omnibus populis mirabilia ejus opera:
4 Magnum Jehovam et laudatum valde, reverendum esse supra omnes deos.
5 Nam omnes dii populorum *sunt* idola, Jehova vero cœlos fecit.
6 Gloria et decor coram eo, robur et ornatus in sanctuario ejus *sunt*.
7 Cedite Jehovæ, familiæ populorum, cedite Jehovæ honorem et laudem.
8 Cedite Jehovæ honorem nominis ejus; afferte munus et venite ad atria ejus.
9 Incurvate vos Jehovæ, *honorem exhibentes* in decore sanctitatis; formidate a conspectu ejus tota terra.
10 Dicite in gentibus, Jehova regnat; etiam stabilietur orbis habitabilis, ne dimoveatur: judicaturus est populos rectissime.
11 Lætabuntur cœli, et exsultabit terra, perstrepet mare et quæ ipsum implent.
12 Exsultabit ager et quicquid *est* in eo, tunc cantabunt omnes arbores silvæ:
13 Ante faciem Jehovæ, quum venerit; nam venit

ad judicandum terram: judicaturus est orbem habitabilem per justitiam, et populos per fidem suam.

XCVII.

- 1 JEHOVA regnat: exsultet terra! lætentur regiones plurimæ!
- 2 Nubes et caligo circumstant eum: justitia et judicium locum solii ejus.
- 3 Ignis ante eum procedit, et inflamat circumquaque hostes ejus.
- 4 Perlustrant fulgura ejus orbem habitabilem, videns formidat terra.
- 5 Montes ut cera liquefiunt a præsentia Jehovæ, a presentia domini totius terræ.
- 6 Indicant cœli justitiam ejus, adeo ut videant omnes populi honorem ejus.
- 7 Pudore suffundantur omnes colentes sculptile, qui se jactant de idolis: incurvanto se *honorem exhibentes* ei omnes angeli.
- 8 Audiens lætatur Zion, exsultantque filiæ Judæ, propter judicia tua, o Jehova.
- 9 Tu enim es, Jehova, excelsus supra omnem terram; valde elatus es supra omnes angelos.
- 10 Amantes Jehovæ, odio habete malum: servans animas suorum, quos benignitate prosequitur, e manu improborum eripit eos.
- 11 Lux sata est justo, et rectis animo lætitia.
- 12 Lætamini, justi, in Jehova, et celebrate memoriam sanctitatis ejus.

XCVIII.

Psalmus.

- I CANTATE Jehovæ canticum novum, quia opera mirabilia fecit: salutem attulit ei dextera ipsius, et brachium sanctitatis ipsius.

- 2 Notam fecit Jehova salutem suam, ante oculos ipsarum gentium revelavit justitiam suam.
- 3 Recordatus est benignitatis suæ, et suæ fidei erga domum Israelis: vident omnes fines terræ salutem Dei nostri.
- 4 Clangite Jehovæ tota terra; fragore edito cantate et psallite.
- 5 Psallite Jehovæ cithara, cithara et psalmodia.
- 6 Tubis et sono buccinæ clangite coram rege Jehova.
- 7 Pérstrepant mare et quæ implent ipsum; orbis habitabilis et habitantes in eo.
- 8 Flumina complodant manu, pariter montes cantent,
- 9 Coram Jehova, quia advenit ad judicandum terram, judicaturus est orbem habitabilem juste, et populos rectissime.

XCIX.

- 1 JEHOVA regnat, commoveantur populi! insidens Cerubinis *regnat*, nutet terra!
- 2 *Regnat* Jehova Zione magnus; etiam altus *est* supra omnes populos.
- 3 Celebrent nomen tuum magnum et reverendum, sanctum esse.
- 4 *Tu* quoque, robustissime rex judicium amans, tu, *inquam*, constituis quod est rectissimum; judicium et justitiam in Jacobo tu perficis.
- 5 Exaltate Jehovam Deum nostrum, et incurvate vos *honorem exhibentes* ad scabellum pedum ejus; *quia* sanctus est.
- 6 Mosen et Aaronem cum sacerdotibus ipsius; Samuelemque cum invocantibus nomen ipsius; inclamantes Jehovam, ipse illico exaudivit eos:

- 7 In columna nubis allocutus est eos, observantes testimonia ipsius et statutum, *quod* dederat eis.
- 8 Jehova, Deus noster, tu exaudivisti eos: *Deus* fortis condonans fuisti eis, etiam quum ultionem sumeres de actionibus eorum.
- 9 Exaltate Jehovam, Deum nostrum, et incurvate vos *honorem exhibentes* ad montem sanctitatis ejus: quia sanctus *est* Jehova, Deus noster.

C.

Psalmus pro gratiarum actione.

- 1 CLANGITE Jehovæ, omnes *incolæ* terræ.
- 2 Colite Jehovam cum lætitia, venite in conspectum ejus cum cantu.
- 3 Agnoscite Jehovam esse Deum, ipsum effecisse nos (non autem nos *ipsos*) populum suum et gregem pastus sui.
- 4 Ingredimini portas ejus cum gratiarum actione, atria ejus cum laude: gratias agite ei, benedicite nomini ejus.
- 5 Nam bonus *est* Jehova, in seculum *est* benignitas ejus; et usque ad generationem quamque fides ejus.

CI.

Davidis psalmus.

- 1 BENIGNITATEM et jus canam: tibi, o Jehova, psallam.
- 2 Animadvertam via integra, quando venturus sis ad me: indesinenter ambulabo in integritate animi mei, intra domum meam.
- 3 Non proponam mihi ob oculos rem nefariam: factum declinantium odi, non adhærebit mihi.

- 4 Animus perversus recedet a me; malum non agnoscam.
- 5 Lingua lædentem *apud* me clam proximum suum, ipsum exscindam: elatum oculis et tumen-tem animo, ipsum non potero *ferre*.
- 6 Oculi mei *attendent* ad veraces terræ, ut consideant mecum: ambulans via integra, is ministrabit mihi.
- 7 Non habitabit intra domum meam faciens dolum; loquens mendacia non stabilietur coram oculis meis.
- 8 Singulis matutinis exscindam omnes improbos terræ, ad rescindendum a civitate Jehovæ omnes, qui operam dant iniquitati.

CII.

Oratio pro paupere, quum obruitur et ante Jehovam effundit meditationem suam.

- 2 JEHOVA, audi orationem meam; et vociferatio mea ad te perveniat.
- 3 Ne abscondas faciem tuam a me, quo die *est* angustia mihi: inclina ad me aurem tuam, quo die inclamo; festinanter exaudi me.
- 4 Nam consumuntur ut fumus dies mei, et ossa mea ut focus exardescunt.
- 5 Percussum tanquam herba exarescit cor meum, quia obliviscor comedere cibum meum.
- 6 Præ voce gemitus mei adhærescit os meum carni meæ.
- 7 Similis sum plateæ deserti; sum tanquam bubo vastitatum.
- 8 Assidue sum similis passeri, solitario in tecto.
- 9 Tote die probro afficiunt me inimici mei; insanientes contra me, per me jurant.
- 10 Nam cinerem tanquam panem comedo, et portiones meas cum fletu misceo,

- 11 Propter indignationem tuam, et ferventem iram tuam; quia sustulisti me, et abjecisti me.
- 12 Dies mei similes *sunt* umbræ inclinatae: et ego sicut herba exarui.
- 13 Tu autem, Jehova, in seculum permanes, et recordatio tui in quamque generationem.
- 14 Tu surgens misereberis Zionis: quia tempus est faciendi gratiam ei, quia advenit statum tempus,
- 15 Quo delectentur servi tui lapidibus ejus, et pulveri ejus gratiam faciant,
- 16 Ut reveereantur gentes nomen Jehovæ, et omnes reges terræ honorem tuum;
- 17 Quum ædificans Jehova Zionem, apparuerit in honore suo.
- 18 Respexerit ad orationem nudatissimi, et non spreverit orationem eorum.
- 19 Conscribatur hoc in generationem posteram, ut populus recreatus laudet Jah:
- 20 Quod prospectaverit ex alto *loco* sanctitatis suæ, Jehova e coelis in terram intuitus sit,
- 21 Ad exaudiendum suspirium vincti, ad solvendum eos, qui jam traduntur morti;
- 22 Ut enarrent Zione nomen Jehovæ, et laudem ejus Hierosolymis:
- 23 Congregantibus se populis simul et regnis ad colendum Jehovam.
- 24 Affligit *quidem* in hac via vires meas, curtat dies meos:
- 25 *Sed* dico, Mi Deus fortis, ne auferas me mediis diebus meis; per generationem æternam *sunt* anni tui.
- 26 *Antequam* terram fundasses, et opus manuum tuarum *essent* cœli.
- 27 Ista peritura sunt, tu autem permanes; ista, in-

quam, omnia ut vestimentum veterascent, ut indumentum mutabis ea, atque mutabuntur:

28 Tu vero idem *es*, et anni tui non finiuntur.

29 Filii servorum tuorum habitabunt, et semen eorum stabilietur coram te.

CIII.

Ode Davidis.

1 BENEDIC, anima mea, Jehovæ; et omnia intestina mea, nomini sanctitatis ejus.

2 Benedic, anima mea, Jehovæ; et ne obliviscaris ullius beneficiorum ejus:

3 Qui condonat omnes iniquitates tuas, qui medetur omnibus morbis tuis:

4 Qui vindicat a fovea vitam tuam, qui circumtegit te benignitate et miserationibus.

5 Quo satiante bonis quibusque os tuum, servas te recentem tanquam aquila, *tanquam* pueritia tua.

6 Facit quæ justa sunt Jehova, et judicia omnibus oppressis.

7 Notas fecit vias suas Mosi, posteris Israelis actiones suas.

8 Misericors et gratosus Jehova, longanimis et multus benignitate.

9 Non in æternum litigat, neque in seculum *iram* asservat;

10 Non secundum peccata nostra facit nobis, neque secundum iniquitates nostras refert nobis;

11 Sed quam alti sunt cœli supra terram, prævalet benignitas ejus erga timentes eum:

12 Quam longe abest oriens ab occidente, longe amovet a nobis defectiones nostras.

13 Ut miseretur pater filiorum, miseretur Jehova timentium ipsum.

14 Nam ipse novit figmentum nostrum, memor pulverem nos esse:

- 15 Ipsius mortalis similes fœno dies esse; sicut flos agri, sic florere *ipsum*.
- 16 Quum ventus pervadit ipsum, mox non esse, neque agnosci ipsum amplius a loco suo.
- 17 At benignitas Jehovæ inde a seculo usque in seculum *est* erga timentes ipsum, et justitia ejus erga nepotes:
- 18 Erga observantes fœdus ipsius, et erga memores mandatorum ejus, ad faciendum ea.
- 19 Jehova in cœlis stabilivit solium suum, et regnum ipsius omnibus præsidet.
- 20 Benedicite Jehovæ, angeli ejus valentissimi robore, efficientes verbum ejus, auscultantes voci verbi ejus.
- 21 Benedicite Jehovæ, omnes exercitus ejus, ministri ejus facientes placitum ejus.
- 22 Benedicite Jehovæ, omnia opera ejus in omnibus locis dominationis ejus; benedic, anima mea, Jehovæ.

CIV.

- 1 BENEDIC, anima mea, Jehovæ.

Jehova, Deus mi, magnus es valde; decorem et majestatem induisti,

- 2 Amiciens te luce tanquam panno, extendens cœlos tanquam aulæum:
- 3 Qui contignat in aquas cœnacula sua; qui disponit densas nubes *in* vehiculum suum, qui itat super alas venti
- 4 Qui facit angelos suos ventos, ministros suos ignem flammantem:
- 5 Fundavit terram super bases ejus, ne dimoveretur in seculum et perpetuum.
- 6 Abyssu ut indumento operueras eam, supra montes stantibus aquis:

- 7 Ex increpatione tua diffugerunt, a voce tonitru tui accelerarunt *fugam*.
- 8 Conscenderunt *per* montes, descenderunt *per* convalles; in locum, quem fundaveras ipsis.
- 9 Terminum opposuisti ne transeant; ne revertantur ad operiendum terram.
- 10 Qui emittis fontes per valles, *ut* inter montes ambulent,
- 11 Potum præbeant omnibus animantibus agri, frangant onagri sitim suam:
- 12 Juxta illos volatilia cœli habitent, e medio frondium edentia vocem.
- 13 Qui irrigat montes e cœnaculis suis, ut a fructu operum tuorum satietur terra:
- 14 Faciens ut germinet fœnum ad jumentum, et herba ad hominis usum; ut depromant cibum e terra.
- 15 Qui vino lætificat cor mortalis, nitidam efficit faciem oleo, et cibo cor mortalis fulcit.
- 16 Satiantur arbores Jehovæ, cedri Libani, quas plantavit:
- 17 Ubi aviculæ nidificent; abietes domicilia ciconiæ.
- 18 Montes excelsissimi rupicaprarum, petræ montanorum murium perfugium.
- 19 Statuit lunam in stata tempora, solem agnoscentem occasum suum.
- 20 Disponis tenebras, ut sit nox: qua erepunt omnia animantia silvæ;
- 21 Juvenes leones rugientes ad prædam, et quidem quærendo a *Deo* forti escam suam.
- 22 Exorto sole recipiunt se, et in lustris suis recubant.
- 23 Prodit homo ad opus suum, et ad culturam suam usque ad vesperam.
- 24 Quam ampla sunt opera tua, o Jehova! *quam*

ea omnia sapienter fecisti! quam plena est terra possessione tua!

25 *In ipso mari magno et spatioso, illic reptilia sunt, atque innumera; animantia, parva cum magnis.*

26 Illic naves ambulant; balæna, quam formasti ludendo in eo.

27 Omnia ista in te expectationem habent, ut des escam ipsorum tempore suo:

28 Te dante ipsis colligunt, aperiente manum tuam satiantur bono:

29 Abscondente te faciem tuam conturbantur; recipiente spiritum eorum exspirant et in pulverem suum revertuntur:

30 Emittente spiritum tuum recreantur: denique renovas faciem terræ.

31 Sit honor Jehovæ in seculum, lætetur Jehova in operibus suis!

32 Quo intuite in terram tremit illa, attingente ipsos montes, fumant.

33 Canam Jehovæ in vita mea, psallam Deo meo, quantisper ero.

34 Suavis erit de eo meditatio mea, ego lætabor in Jehova.

35 Deficiant peccatores a terra, et improbi amplius non sint:

Benedic, anima mea, Jehovæ. HALLELU-JAH!

CV.

1 CELEBRATE Jehovam, proclamate nomen ejus; notas facite in populis actiones ejus.

2 Canite ei, psallite ei; confabulamini de omnibus mirabilibus ejus operibus.

- 3 Laudibus vos efferte in nomine sancto ejus, lætetur animus quærentium Jehovam.
- 4 Requirite Jehovam et robur ejus, quærite faciem ejus jugiter.
- 5 Recordamini mirabilium ejus operum, quæ fecit: prodigiorum ejus et judiciorum oris ejus.
- 6 O semen Abrahami servi ejus, o electi ejus filii Jacobi:
- 7 Hic *est* Jehova Deus noster, in tota terra judicia ejus *sunt*.
- 8 Recordatur in seculum fœderis sui; verbi, *quod* præcepit, in mille generationes,
- 9 Quod pepigit cum Abrahamo, et juramenti sui *præstiti* Isaaco.
- 10 Quod præstitit Jacobo in statutum; Israeli *in* fœdus perpetuum:
- 11 Dicendo, Tibi daturus sum terram Canaanis: funiculum possessionis vestræ.
- 12 Quamvis essent homines pauci, plane pauci et inquilini in ea;
- 13 Itarentque a gente in gentem, a regno in populum alium:
- 14 Non permisit cuiquam opprimere eos, etiam reprehendit propter eos reges;
- 15 Ne attingitote (*inquiens*) unctos meos, et prophetas meos ne afficitote malo.
- 16 Quum advocans famem super terram, omnem scipionem panis fregit;
- 17 Miserat ante eos virum præstantem, *qui* ad servitutem venditus erat, Josephum.
- 18 Cujus pedes afflixerunt compede, ferrum subivit ipse;
- 19 Usque ad tempus, quo erat adventurum verbum ipsius: sermo Jehovæ probavit eum.

- 20 Mittens rex expediri jussit eum, et dominator populorum idem solvit eum:
- 21 Præposuit eum dominum familiæ suæ, et dominatorem in totam possessionem suam:
- 22 Ut vinciret principes ejus ex animo suo, et seniores ejus informaret.
- 23 Deinde venit Israel in Ægyptum, et Jacob peregrinatus est in regione Chami.
- 24 Ubi quum fecisset *Deus*, ut foetificaret populus suus valde, et potentiores eum effecisset hostibus suis;
- 25 Mutavit animum illorum, ut odio haberent populum suum, ut machinarentur contra servos suos.
- 26 Misit Mosen servum suum, Aaronem quem elegerat:
- 27 *Qui* exposuerunt apud eos verba signorum ejus, et prodigiorum in regione Chami.
- 28 Misit tenebras, et obtenebrarunt eam, neque rebellarent *signa* contra verbum ejus.
- 29 Mutaverat aquas illorum in sanguinem, et morte affecerat pisces eorum.
- 30 Abunde produxerat terra illorum ranas, invadentes penetralia regum illorum.
- 31 Simulac edixit, advenerat colluvies *animalium*, pediculi in totum terminum eorum.
- 32 Reddiderat pluvias eorum grandinem, ignem maxime flammantem in regione illorum:
- 33 Quibus percussit vites illorum, et ficus illorum; confregitque arbores termini illorum.
- 34 Simulac edixit, advenerat locusta et melolontha, eaque innumera.
- 35 Quæ comedit omnem herbam regionis eorum, comeditque fructum terræ illorum.
- 36 Tandem percussit omne primogenitum in regione illorum, principium omnis potentiæ illorum.

- 37 Tum eduxit eos cum argento et auro, nec fuit in tribubus ejus qui labaret.
- 38 Lætati sunt Ægypti quum exirent hi, quia irruerat pavor horum super ipsos.
- 39 Expandit nubem pro tegumento, et ignem ad illustrandum noctem.
- 40 Petente *populo* adduxit coturnices; et pane cœlorum satiavit eos.
- 41 Aperuit rupem, et effluerunt aquæ, ambulantes per siticulosa *loca ut* fluvius.
- 42 Quia recordabatur verbi sanctitatis suæ cum Abrahamo servo suo *habiti*.
- 43 Ideo eduxit populum suum cum gaudio, cum cantu electos suos.
- 44 Deditque eis regiones gentium, et laborem nationum possident hæreditario jure:
- 45 Ut observent statuta ejus, et leges ejus custodiant.

HALLELU-JAH.

CVI.

I HALLELU-JAH!

Celebrate Jehovam, quia bonus *est*; quia in seculum benignitas ejus.

- 2 Quis eloquatur summam potentiam Jehovæ? efferat totam laudem ejus?
- 3 O beatos, qui observarent rationem *hanc*, qui exerceret justitiam quovis tempore.
- 4 Recordare mei, Jehova; pro benevolentia, qua prosequeris populum tuum, visita me salute tua.
- 5 Ut fruam bono electorum tuorum, ut læter lætitia gentis tuæ; ut me laudibus efferam cum possessione tua.

- 6 Peccavimus cum majoribus nostris, inique fecimus, improbe egimus.
- 7 Majores nostri in Ægypto non intellexerant mirabilia tua opera, non recordati fuerant amplitudinis benignitatum tuarum, sed occasionem dederant mutandi *eas* ad mare, ingressuri mare algosum.
- 8 Attamen servavit eos propter nomen suum, ut notam faceret potentiam suam.
- 9 Nam ipso increpante mare algosum, exsiccatum est; et deduxit eos per abyssos ejus, quasi *per* desertum.
- 10 Ita servans eos a manu osoris, vindicavit eos a manu inimici.
- 11 Operuerunt vero aquæ hostes eorum, unus ex illis non est relictus *superstes*.
- 12 Quamvis credidissent verbis ejus, cecinissent laudem ejus:
- 13 Festinanter obliti sunt operum ejus, non perdurarunt ad consilium ejus.
- 14 Sed ducti concupiscentia, in deserto tentaverunt *Deum* fortem, in solitudine:
- 15 Adeo ut tradens illis, quod petebant, immitteret maciem in illos ipsos.
- 16 Postea invidentibus Mosi in castris, Aaroni sancto Jehovæ;
- 17 Aperiens se terra deglutivit Dathanem, et operuit cœtum Abirami:
- 18 Exardescensque ignis in cœtum illorum, flamma incendit improbos.
- 19 Fecerunt vitulum Chorebi, et incurvaverunt se *exhibentes honorem* fusili:
- 20 Et mutantem honorem suum in formam bovis comedentis herbam,

- 21 Obliti sunt Dei fortis servatoris ipsorum, qui fecerat *res* magnas in *Ægypto*:
- 22 Mirabilia opera in regione Chami, terribilia ad mare algosum.
- 23 Quamobrem dixerat se perditurum eos; nisi Moses electus ipsius constitisset in irruptione illa coram ipso, ad avertendum excandescentiam ipsius, ne perderet.
- 24 Spreverunt quoque terram desiderabilem, non credentes verbo ejus:
- 25 Et murmurantes in tentoriis suis, non auscultarunt voci Jehovæ.
- 26 Quapropter sublata manu sua *juravit* eis, se dejecturum eos in ipso deserto;
- 27 Etiam dejecturum semen eorum in gentibus, et dispersurum eos in regionibus.
- 28 Præterea copulaverunt se etiam cum idolo Pehoris, et comederunt sacrificia mortuorum;
- 29 Adeo provocantes *Deum* ad indignationem factis suis, ut irrumperet in eos plaga;
- 30 Donec consistente Pinehaso et iudicium exercente, coercita esset plaga illa:
- 31 Quod reputatum est ei ad justitiam, per quamque generationem usque in seculum.
- 32 Item ferventem iram concitarunt ad aquas contentionis; ita ut male fuerit Mosis propter ipsos:
- 33 Quum exacerbantibus illis spiritum ipsius, pronuntiasset labiis suis *exacerbationem suam*.
- 34 Non perdiderunt populos illos, de quibus edixerat Jehova ipsis:
- 35 Sed commiscentes se cum illis gentibus, didicerunt opera earum;
- 36 Colueruntque terricula earum, quæ ipsis fuerunt in tendiculum.

- 37 Nam sacrificaverunt filios suos, filiasque suas
dæmonibus.
- 38 Et effuderunt sanguinem innoxium, sanguinem
filiorum suorum, filiarumque suarum, quas sacri-
ficabant terriculis Canaanæorum; adeo ut conta-
minata esset terra cædibus istorum.
- 39 Et polluerunt se operibus suis, actionibus suis,
scortantes.
- 40 Quapropter accensus ira Jehova in populum
suum, abominatus est possessionem suam;
- 41 Adeo ut traderet eos in manum gentium, ut
dominarentur in eos osores eorum:
- 42 Et opprimentibus ipsos inimicis suis, deprime-
rent se sub manu eorum.
- 43 Multoties eripuit eos, quamvis ipsi exacerbas-
sent eum consilio suo, et attenuati essent pro-
pter iniquitatem suam:
- 44 Respiciens ad angustiam eorum, audito clamore
eorum.
- 45 Et recordantem pro eis fœderis sui, pœnituit
ipsum pro amplitudine benignitatum suarum:
- 46 Adeo ut conciliaret illis misericordiam coram
omnibus, qui captivos detinebant eos.
- 47 Serva nos, Jehova, Deus noster, et congrega
nos ex istis gentibus; ad celebrandum nomen
sanctum tuum, et laudationibus commendandum
nos in laude tua.
- 48 Benedictus Jehova, Deus Israelis, inde a se-
culo usque in seculum: et dicat totus populus,
Amen.

HALLELU-JAH!

QUINTUS LIBER PSALMORUM.

CVII.

- 1 CELEBRATE Jehovam, quoniam bonus *est*;
quoniam in seculum benignitas ejus.
- 2 Prædicent redempti Jehovæ, quos redemit ab
angustia;
- 3 Quos ex regionibus congregavit: ab oriente et
ab occidente, ab aquilone et a mari:
- 4 Qui errarunt per desertum, per solitudinem viæ;
civitatem habitabilem non invenientes.
- 5 Famelici, etiam sitibundi; in quibus animus
ipsorum sese obruebat:
- 6 Quum clamantes ad Jehovam in oppressione
ipsorum, ex angustiis ipsorum eripuerit ipsos:
- 7 Et deduxerit ipsos per viam rectam; ut perve-
nirent ad civitatem habitabilem:
- 8 Celebrent apud Jehovam benignitatem ejus: et
opera mirabilia ejus apud filios hominum:
- 9 Eum satiare animam appetentem, et animam
famelicam explere bono.
- 10 Qui desident in tenebris et lethali umbra,
vincti afflictione et ferro;
- 11 Quia dederunt occasionem mutandi sermones
Dei fortis; et consilium Excelsi spreverunt;
- 12 Quorum deprimit ista molestia animum, *qui* la-
bant, nemine adjuvante:
- 13 Quum clamantes ad Jehovam in oppressione
ipsorum, ab angustiis ipsorum servaverit ipsos,
- 14 Eduxerit ipsos ex tenebris et umbra lethali,
vincula ipsorum diruperit:
- 15 Celebrent apud Jehovam benignitatem ejus, et
opera mirabilia ejus apud filios hominum:

- 16 Eum frangere valvas chalybeas et vectes ferreos succidere.
- 17 Stulti *qui* propter viam defectionis suæ, et propter iniquitates suas affligantur,
- 18 Quorum animus omnem cibum abominatur, qui pertingunt usque ad portas mortis:
- 19 Quum clamantes ad Jehovam in oppressione ipsorum, ab angustiis ipsorum servaverit ipsos,
- 20 Mittens verbum suum curaverit ipsos, et liberaverit a foveis ipsorum:
- 21 Celebrent apud Jehovam benignitatem ejus et opera mirabilia ejus apud filios hominum;
- 22 Et sacrificantes sacrificia gratiarum actionis, enarrent opera ejus cum cantu.
- 23 Qui descendunt *in* mare navibus, exercentes artem in aquis amplis:
- 24 Ipsi *qui* vident opera Jehovæ et mirabilia ejus in profundo:
- 25 Quemadmodum edicens constituat ventum procellosum, qui attollat fluctus illius:
- 26 *Quemadmodum* ascendant *ad* cœlos, descendant *ad* abyssos; anima ipsorum malo seipsam dissolvat,
- 27 Titubent, sese moveant tanquam ebrius; et tota peritia eorum absorbeatur:
- 28 Quum clamantes ad Jehovam in oppressione ipsorum, ex angustiis ipsorum eduxerit ipsos,
- 29 Restituerit procellam malaciæ, silentibus fluctibus illarum *aquarum*:
- 30 Et lætantes ipsos, postquam conticuerunt *fluctus*, deduxerit ad portum optatum:
- 31 Celebrent apud Jehovam benignitatem ejus et opera mirabilia ejus apud filios hominum,
- 32 Exaltentque eum in congregatione populi, et in consessu seniorum laudent eum.

- 33 Redigit flumina in desertum, et processus
aquarum in siticulosum solum:
- 34 Terram fructuosam in salsuginosam, propter ma-
litiam habitantium in ea.
- 35 Redigit desertum in stagnum aquarum, et ter-
ram siccaneam in processus aquarum:
- 36 Efficiens, ut habitent ibi famelici et constituent
civitatem habitabilem,
- 37 Et consitis agris ac plantatis vineis comparent
proventum fructuosum.
- 38 Qui ita benedicit eis, ut multiplicentur valde, et
jumenta eorum non minuit.
- 39 Ut *contra* minuuntur atque incurvantur præ co-
arctatione mali et mœrore:
- 40 Quum effundens contemptum super ingenuos facit,
ut errent per inanitatem aviam:
- 41 Collocatque in edito egentem ab afflictione, et
disponit tanquam gregem familias:
- 42 Videant recti et lætentur, omnis vero nequitia
obdat os suum.
- 43 Quotusquisque sapiens est, qui observet ista,
ut animadvertantur benignitates Jehovæ?

CVIII.

Canticum et psalmus Davidis.

- 2 ERECTO animo meo, o Deus, canam et psal-
lam; etiam gloria mea.
- 3 Evigila, nablium et cithara: expergiscar *inde*
ab aurora:
- 4 Celebrabo te in populis, Jehova; et psallam
tibi in nationibus:
- 5 Magnam esse supra cœlos benignitatem tuam,
et ad superiores usque nubes veritatem tuam.
- 6 Exaltare supra cœlos, o Deus, et super totam
terram gloria tua:

- 7 Ut liberentur dilecti tui, serva dextera tua et exaudi me.
- 8 Deus locutus est per sanctitatem suam, exultabo; in partem obtineo Sichemum, et convallem Succotharum metior:
- 9 M^eus Gilead, meus Menasse; et Ephraim robur capitis mei, Juda legislator meus *est*.
- 10 Moab pollubrum meum; supra Edomæum projiciam calceum meum; contra Palæstinam clangentem agam.
- 11 Quis deduceret me *in* civitatem munitam? quis duceret me Edomæam usque?
- 12 An non *tu*, o Deus, rejeceras nos, ut non procederem, o Deus, inter exercitus nostros?
- 13 Cedo nobis auxilium *tuum* ab hoste, alioquin vanitas *est* auxiliatio humana.
- 14 In Deo faciamus strenue, et ipse proculcabit hostes nostros.

CIX.

Magistro symphonie Davidis psalmus.

O Deus laudis meæ, ne surdum agas.

- 2 Nam os improbi et os dolosum contra me aperuerunt se; oblocuta sunt mihi lingua mendace:
- 3 Et verbis odiosis circumvenerunt me, oppugnantia me immerito.
- 4 Adversati sunt mihi loco dilectionis meæ, qua eram *in* oratione;
- 5 Reponentes mihi malum pro bono, et odium pro dilectione mea.
- 6 Præfice illi improbum, qui adversans insistat ad dexteram illius:
- 7 Quum in jus venerit, abeat damnatus; et oratio illius illi sit crimini:

- 8 Sint dies illius pauci, curationem illius accipiat alter:
- 9 Sint filii illius pupilli, et uxor illius vidua:
- 10 Et indesinenter vagantes filii illius mendicent, quærantque *stipem* e locis desolatis suis:
- 11 Illaqueet fœnerator, quicquid *est* illi; et diripiant extranei laborem illius:
- 12 Ne sit illi, qui protendat benignitatem; neque sit qui gratiam faciat pupillis illius:
- 13 Sit posteritas illius excidio *addicta*, in generatione altera deleatur nomen eorum:
- 14 In memoria sit iniquitas majorum illius apud Jehovam, et peccatum matris illius ne deleatur.
- 15 Sint coram Jehova jugiter, ut excindat e terra memoriam eorum.
- 16 Propterea quod non est recordatus exercere benignitatem; sed persecutus est virum pauperem egentemque et affectum ægritudine animi, ad afficiendum morte:
- 17 Et optavit, ut maledictio obveniret ei; neque oblectatus est benedictione, sed *ut* procul esset ab eo:
- 18 Ut indueretur maledictione velut chlamyde sua, et ingrederetur velut aqua intra eum, et velut oleum in ossa ejus.
- 19 Adsit illi; tanquam panno amiciat se, et pro zona jugiter se accingat ea.
- 20 Hoc *esto* præmium adversantium mihi a Jehova, et obloquentium malum contra animam meam.
- 21 Tu autem, o Jehova Domine, exerce *benignitatem* erga me propter nomen tuum; quia bona *est* benignitas tua, eripe me.
- 22 Nam pauper et egens sum; et cor meum confossum est in medio mei:

- 23 Ut umbra, quum declinat, abire cogor; exagitor
ut locusta:
- 24 Genua mea labant præ jejunio, et caro mea
emaciatur exhausta pinguedine:
- 25 Insuper ego probro sum illis; videntes me mo-
vent caput suum.
- 26 Auxiliare mihi, o Jehova Deus mi; serva me
pro benignitate tua:
- 27 Ut agnoscant manum tuam hanc esse, te Jeho-
vam fecisse hoc.
- 28 Utut maledicant ipsi, tu benedicito: qui insur-
rexerunt, quum erubuerint, lætetur servus tuus.
- 29 Induantur adversarii mei ignominia; et amiciant
se, tanquam pallio, pudore suo.
- 30 Celebrabo Jehovam valde ore meo, et in me-
dio multorum laudabo eum.
- 31 Quod assistat ad dexteram egentis, ut *ipsum*
conservet ab iis, qui abjudicant vitam illi.

CX.

Davidis psalmus.

- 1 DIXIT Jehova Domino meo, Sede ad dexte-
ram meam, donec disposuero inimicos tuos in
scabellum pedum tuorum.
- 2 Scipionem robustum tuum emissurus est Jehova
Zione, *dicens*, Dominare in medio inimicorum
tuorum.
- 3 Populus tuus *populus* voluntarius die copiarum
tuarum in decoris *locis* sanctitatis inde ab utero,
tibi *aderit* ros juventæ tuæ accuratissime.
- 4 Juravit Jehova, et non pœnitebit *eum*; tu es sacer-
dos in seculum secundum ordinem Melchisedeci.
- 5 Dominus, *qui sedet* ad dexteram tuam fran-
gens die iræ suæ reges,

- 6 Iudicium exercebit in gentes, complens corporibus, frangens caput, in regionibus plurimis.
 7 De torrente in via bibet; idcirco attollet caput.

CXI.

- 1 Ⲭ HALLELU-JAH!
 Celebrabo Jehovam ex toto animo, ⲛ in consilio rectorum et cœtu;
 2 ⲁ Magna opera Jehovæ, ⲧ exposita omnibus, qui delectantur illis:
 3 Ⲉ Gloriosum et decorum opus ejus, ⲧ et justitiam ejus perstantem in æternum.
 4 ⲧ Memoriam comparavit mirabilibus suis; Ⲉ gratiosus et misericors Jehova.
 5 ⲩ Escam dedit timentibus se, ⲧ recordatus in seculum fœderis sui.
 6 ⲛ Vim operum suorum indicavit populo suo, ⲩ dando eis possessionem gentium.
 7 ⲩ Opera manuum ejus *sunt* veritatis et iudicii, ⲩ constantia omnia mandata ejus:
 8 ⲛ Fulta in æternum, in seculum, ⲩ factaque fideliter et recte.
 9 ⲩ Redemptionem mittens populo suo ⲩ præcepit in seculum fœdus suum, ⲩ sanctum et reverendum *haberi* nomen suum.
 10 ⲧ Caput sapientiæ *est* reverentia Jehovæ; ⲩ successus optimus omnibus facientibus ista; Ⲉ laus ejus perstat in æternum.

CXII.

- 1 HALLELU-JAH!
 Ⲭ Beatus, quisquis reveretur Jehovam, ⲛ in mandatis ejus delectatur valde.
 2 ⲁ Potens in terra futurum est semen ejus, ⲧ generationi rectorum benedicatur:

- 3 **ן** Opes et divitiæ in domo ejus, **י** et justitia ejus perstat in æternum.
- 4 **י** Micat in tenebris lux justorum: **ן** gratiosus *est* et misericors et justus.
- 5 **ב** Bonus quisque gratiose largitur et mutuo dat, **י** moderatur res suas ex officio.
- 6 **ב** Quia in seculum non dimovetur, **ב** in memoria perpetua *est* justus.
- 7 **מ** A rumore malo non timet, **ב** erecto animo suo confisus Jehovæ.
- 8 **ב** Fultus animo suo non timet, **ב** donec videat *malum* in hostibus suis.
- 9 **ב** Dispergit, dat egentibus, **ב** justitia ejus perstat in æternum: **פ** cornu ejus elevatur honore.
- 10 **י** Improbus autem videns indignatur, **ש** dentibus suis frendens contabescit, **ן** desiderium improborum perituum est.

CXIII.

I HALLELU-JAH!

- Laudate, servi Jehovæ, laudate nomen Jehovæ.
- 2 Sit nomen Jehovæ benedictum deinceps usque in seculum:
- 3 Ab ortu solis usque ad occasum ejus *sit* laudatum nomen Jehovæ.
- 4 Elatus supra omnes gentes Jehova *est*, supra ipsos cœlos gloria illius.
- 5 Quis *est* par Jehovæ, Deo nostro, qui altissime habitat:
- 6 Qui demississime perspicit, in cœlis et in terra.
- 7 Erigens e pulvere tenuem, e sterquiliniis elevans egentem,
- 8 Faciendo ut consideat cum ingenuis, cum ingenuis populi sui:

- 9 Faciens ut, quæ sterilis erat in familia, sedeat mater liberorum læta.

HALLELU-JAH!

CXIV.

- 1 EXEUNTE Israele ex Ægypto, familia Jacobi a populo peregrini sermonis:
2 Fuit Juda sanctitatis illius, Israel dominiorum illius.
3 Ipsum mare videns profugit, ipse Jordan divertit retrorsum.
4 Ipsi montes subsilierunt velut arietes, colles ut subrumæ pecudes.
5 Quid tibi erat, o mare, cur fugeres? o Jordan, *cur* diverteres retrorsum?
6 O montes, *cur* subsiliretis velut arietes? colles, velut subrumæ pecudes?
7 A præsentia Domini intreme terra, a præsentia Dei Jacobi:
8 Qui mutat ipsam rupem in stagnum aquarum, saxum adamantinum in fontem aquarum.

CXV.

- 1 NON nobis, Jehova, non nobis, sed nomini tuo da honorem, propter benignitatem tuam, propter fidem tuam.
2 Quare dicerent gentes, Ubi *est* nunc Deus istorum?
3 Atqui Deus noster in ipsis cœlis *est*; quicquid placet, facit.
4 Terriculis illarum argenteis et aureis, operi manuum humanarum,
5 Os *est* eis, sed non loquuntur; oculi *sunt* eis, sed non vident:

- 6 Aures *sunt* eis, sed non audiunt; nasus *est* eis, sed non odorantur:
7 Manus eis, sed non palpant: pedes eis, sed non ambulant: non mutiunt gutture suo.
8 Similes illis sunt, qui faciunt illa, quisquis confidit illis.
9 Israel, confide Jehovæ; auxilium horum et scutum horum est.
10 *Vos* e familia Aaronis confidite Jehovæ; auxilium horum et scutum horum est.
11 Timentes Jehovam, confidite Jehovæ; auxilium horum et scutum horum est.
12 Jehova recordatus nostri benedicet: benedicet familiæ Israelis, benedicet familiæ Aaronis:
13 Benedicet timentibus Jehovam, parvulis simul ac magnis.
14 Augebit Jehova vos, vos et filios vestros.
15 Benedicti eritis Jehovæ, qui fecit cœlos et terram.
16 Ipsi cœli, cœli *sunt* Jehovæ: terraque, *quam* dedit filiis hominum.
17 Non qui mortui sunt, laudant Jah; neque quicunque descendunt in locum silentii:
18 Sed nos benedicemus Jah; deinceps usque in seculum.

HALLELU-JAH!

CXVI.

- 1 SAT habeo, quod Jehova exaudit vocem meam, deprecationes meas.
2 Quia inclinavit aurem suam mihi, idcirco diebus meis invocabo ipsum.
3 Circumdantibus me doloribus mortis, angoribusque sepulchri obvenientibus mihi, angustiam et mœrorem inveniens,

- 4 Si nomen Jehovæ invoco, *dicendo*, Obsecro, Jehova, libera animam meam!
- 5 Gratosus Jehova et justus; Deus, inquam, noster misericors:
- 6 Servans simplices Jehova; quum attenuatus sum, mihi confert salutem.
- 7 Redi, anima mea, in requiem tuam, quum Jehova beneficus sit erga te.
- 8 Quandoquidem eripuisti me ipsum a morte, oculos meos a lacrymis, pedem meum a lapsu:
- 9 Indesinenter ambulabo coram Jehova, in regionibus viventium.
- 10 Credidi, quum *hæc* locuturus essem; ego fatuus fueram supra modum,
- 11 Ego dixeram accelerando, Omnis homo *est* mendax.
- 12 Quid rependerem Jehovæ? omnia beneficia ejus superant me.
- 13 Poculum omnis salutis acceptum *exhibebo*, et nomen Jehovæ prædicabo.
- 14 Vota mea Jehovæ rependens mox coram toto populo ejus, *dicendo*:
- 15 Pretiosa *est* in oculis Jehovæ mors intentata iis, quos ipse benignitate prosequitur.
- 16 Obsecro, Jehova, quum ego *sim* servus tuus, *sim* servus tuus, filius ancillæ tuæ; solveris vincula mea:
- 17 Tibi sacrificem sacrificium gratiarum actionis, et nomen Jehovæ prædicem:
- 18 Vota mea Jehovæ persolvam mox coram toto populo ejus,
- 19 In atriis domus Jehovæ, in medio vestri, Hierosolyma.

HALLELU-JAH!

CXVII.

1 LAUDATE Jehovam, omnes gentes; laudationibus commendate eum, omnes nationes:

2 Quia invaluit erga nos benignitas ejus, et fides Jehovæ in seculum.

HALLELU-JAH!

CXVIII.

1 CELEBRATE Jehovam, quia bonus *est*; quia in seculum benignitas ejus.

2 Dicat nunc Israel, esse in seculum benignitatem ejus.

3 Dicant nunc, qui sunt ex familia Aaronis, esse in seculum benignitatem ejus.

4 Dicant nunc timentes Jehovæ, esse in seculum benignitatem ejus.

5 Ex ipso angore invocavi Jah, respondens *collocavit* me in lato Jah.

6 Jehova *adest* mihi, non timebo; quid faciat mihi homo?

7 Jehova *adest* mihi cum auxiliatoribus meis: ideo ego despicio osos meos.

8 Melius *est* recipere se ad Jehovam, quam fiduciam habere in ullo homine.

9 Melius *est* recipere se ad Jehovam, quam fiduciam habere in ingenuis.

10 Omnes gentes circumdederant me; sed in nomine Jehovæ enervavi eas.

11 Etiam atque etiam circumdederant me; sed in nomine Jehovæ enervavi eas.

12 Circumdederant me tanquam apes, extinctæ sunt ut ignis spinarum: nam in nomine Jehovæ enervavi eas.

13 Graviter impuleras me, ut caderem; sed Jehova auxilio fuit mihi.

- 14 Robur meum et carmen Jah, is fuit mihi saluti.
- 15 Vox cantus et salutis *est* in tentoriis justorum, *dicens*, Dextera Jehovæ agit strenue:
- 16 Dextera Jehovæ elata, dextera Jehovæ agit strenue.
- 17 Non moriar, sed vivam; ut enarrem opera Jah.
- 18 Severe castigavit me Jah; sed morti non tradidit me.
- 19 Aperite mihi portas justitiæ, *ut* ingressus per eas celebrem Jah.
- 20 Hæc ipsa porta ad Jehovam, per quam justi intrant.
- 21 Celebrabo te; quia exaudiens me fuisti mihi saluti.
- 22 Quem lapidem spreverant structores, is est in caput anguli.
- 23 A Jehova est hic, *estque* mirabilis in oculis nostris.
- 24 Hac ipsa die effecit Jehova; exsulemus et lætemur in ea.
- 25 Obsecro, Jehova, serva nunc; obsecro, Jehova, prospera nunc.
- 26 Benedictus *est*, qui venit in nomine Jehovæ, benedicimus vobis e domo Jehovæ,
- 27 *Dei* fortis Jehovæ, qui illustravit nos; ligate sacrificia festi funibus, usque ad cornua altaris.
- 28 *Deus* fortis meus es, ideo celebrabo te; Deus meus, exaltabo te.
- 29 Celebrate Jehovam, quia bonus *est*; quia in seculum benignitas ejus.

CXIX.

- 1 ♂ BEATI integri via, qui ambulant in lege
Jehovæ:
2 Beati custodientes testimonia ejus, ex toto ani-
mo quærentes eum:
3 *Qui* etiam non operantur iniquitatem, *sed* in viis
ejus ambulant.
4 Tu præcepisti mandata tua observari valde:
5 Utinam comparentur viæ meæ, ad observandum
statuta tua:
6 Tunc non erubescam, quum intuebor in omnia
præcepta tua.
7 *Sed* celebrabo te recto animo, discendo jura
justitiæ tuæ:
8 Statuta tua observabo, ne derelinquas me ad-
modum.
- 9 ♀ Quomodo purificabit puer semitam suam?
observando *eam* secundum verbum tuum.
10 Ex toto animo meo quæro te, ne sinas me errare
a præceptis tuis.
11 In animo meo recondo sermonem tuum, ut non
peccem in te.
12 Tu benedicte Jehova, doce me statuta tua.
13 Labiis meis recenseo omnia jura oris tui.
14 De via testimoniorum tuorum gaudeo, ut supe-
riorum omnibus opibus:
15 De mandatis tuis meditor, et intueor semitas
tuas:
16 In statutis tuis me ipsum oblecto, ne obliviscor
verbi tui.
- 17 ♂ Beneficium confer in servum tuum; *ut*, dum
vivo, observem verbum tuum.
18 Retege oculos meos, ut intuear mirabilia ex
lege tua.

- 19 Peregrinante me in hac terra, ne abscondas a me praecepta tua.
- 20 *Nam* comminuor ipse, ob desiderium erga jura tua omni tempore.
- 21 *Tu, qui* perdis superbos, maledictos, qui errant a praeceptis tuis:
- 22 Devolve a me opprobrium et contemtum, quia testimonia tua custodio:
- 23 Tum considentibus principibus, de me sermones frequentantibus, servus tuus meditatur de statutis tuis:
- 24 Tum testimonia tua oblectationes meae *sunt*, consilarii mei.
- 25 ¶ Adhæret pulveri vita mea: vivum serva me, secundum verbum tuum.
- 26 Vias meas recensentem exaudivisti me; doce me statuta tua.
- 27 Fac, ut viam mandatorum tuorum intelligam, ut mediter de mirabilibus tuis.
- 28 Stillat anima mea præ mœstitia, erige me secundum verbum tuum.
- 29 Viam falsitatis amove a me, et legem tuam gratiose largire mihi.
- 30 Viam veritatis eligo, judiciorum tuorum propono *mihi*.
- 31 Inhæreo testimoniis tuis, Jehova; ne sinas me erubescere.
- 32 Viam praeceptorum tuorum percurram, quum dilataveris animum meum.
- 33 ¶ Doce me, Jehova, viam statutorum tuorum; quam custodiam *in finem usque*.
- 34 Fac ut intelligam, ut custodiam legem tuam; observemque eam ex toto animo.
- 35 Fac ut incedam itinere praeceptorum tuorum, nam eo delector.

- 36 Flecte animum meum ad statuta tua, neque *sinas deflecti* ad quæstum.
- 37 Averte oculos meos, ne respiciant vanum: in viis tuis fac ut vivam.
- 38 Præsta servo tuo sermonem tuum, qui *addictus est* reverentiæ tui.
- 39 Averte opprobrium meum, quod reformido; quia jura tua bona *sunt*.
- 40 Ecce desidero mandata tua; in justitia tua fac ut vivam.
- 41 ¶ Quumque obvenerint mihi benignitates tuæ, Jehova, salus tua secundum sermonem tuum:
- 42 Respondebo probro afficienti me rem, quia fiduciam habeo in verbo tuo.
- 43 Sed ne abripe ab ore meo verbum verum admodum: quandoquidem jura tua exspecto.
- 44 Et observabo legem tuam jugiter, in sæculum et sempiternum:
- 45 Indesinenterque ambulabo in ipsa latitudine, quia mandata tua quæro:
- 46 Et loquar de testimoniis tuis coram regibus, neque erubescam:
- 47 Et me oblectans in præceptis tuis, quæ diligo,
- 48 Attollam manus meas ad præcepta tua, quæ diligo, et meditabor de statutis tuis.
- 49 ¶ Recordare verbi cum servo tuo *habiti*, de quo spem fecisti mihi.
- 50 Hæc *est* consolatio mea in afflictione mea: sermonem tuum vivificare me;
- 51 Superbis deridentibus me admodum, a lege tua me non declinare:
- 52 Recordari judiciorum tuorum inde a seculo, Jehova, et me ipsum consolari:
- 53 Procellaprehendente me ab improbis, desertoribus legis tuæ:

- 54 Psallendi argumenta esse mihi statuta tua in loco peregrinationum mearum:
- 55 Recordari me noctu nominis tui, Jehova, et observare legem tuam:
- 56 Hæc *consolatio* est mihi, me mandata tua custodire.
- 57 ⲛ Portio mea es, Jehova, dico; ut observem verba tua.
- 58 Deprecor faciem tuam ex toto animo, gratiam fac mihi secundum sermonem tuum.
- 59 Reputo vias meas, ut referam pedes meos ad testimonia tua.
- 60 Festino ac non cunctor observare mandata tua.
- 61 Turbis improborum dispoliantibus me, legis tuæ non obliviscor.
- 62 Media nocte surgo ad celebrandum te propter jura justitiæ tuæ.
- 63 Socius sum omnibus qui reverentur te, et observantibus mandata tua.
- 64 Benignitatis tuæ, o Jehova, plena est terra; statuta tua doce me.
- 65 Ⲛ Bono affecisti servum tuum, Jehova, secundum verbum tuum.
- 66 Præstantiam rationis et scientiæ doce me: nam præceptis tuis credo.
- 67 Quum nondum loquerer, ego errabam: nunc autem sermonem tuum observo.
- 68 Bonus es et beneficus, doce me statuta tua.
- 69 Concinnantibus contra me falsitatem superbis, ego ex toto animo custodio mandata tua.
- 70 Obesatur quasi adipe cor illorum, ego lege tua oblecto me.
- 71 Bono mihi fuit me affligi, ut discerem statuta tua.
- 72 Melior est mihi lex oris tui multis millibus *nummum* aureorum et argenteorum.

- 73 𐤎 Manus tuæ fecerunt me et aptaverunt me:
redde me intelligentem, ut discam præcepta
tua.
- 74 Timentes tui videant me et lætentur, quod in
verbo tuo expectationem habeam.
- 75 Agnosco, Jehova, justa esse judicia tua; et te
in fide afflixisse me.
- 76 Adsit jam benignitas tua, ut consoletur me, se-
cundum sermonem tuum *habitum* cum servo tuo.
- 77 Obveniant mihi misericordiæ tuæ, ut vivam:
quia lex tua *est* omnis oblectatio mea.
- 78 Erubescant superbi, quod falsis de causis per-
vertant me; meditante me de mandatis tuis.
- 79 Convertantur ad me timentes tui, et cognoscentes
testimonia tua.
- 80 Erit animus meus integer in statutis tuis, ut
non erubescam.
- 81 𐤎 Consumitur *desiderio* salutis tuæ anima
mea, in verbo tuo expectationem habeo.
- 82 Consumuntur oculi mei *desiderio* sermonis tui,
dicendo, Quando consolaberis me?
- 83 Quamvis sim similis utri ad fumum; statutorum
tuorum non oblitus sum.
- 84 Quanti *erunt* dies servi tui? quando exercebis
in persequentes me iudicium?
- 85 Fodiunt mihi superbi fossas, qui se non confor-
mant legi tuæ.
- 86 Omnia præcepta tua *sunt ipsa* veritas: falsis de
causis persequuntur me, auxiliare mihi.
- 87 Propemodum consumpserunt me *dejectum* in
terram: ego vero non derelinqui mandata tua.
- 88 Pro benignitate tua vivum serva me, ut obser-
vem testimonium oris tui.
- 89 𐤎 In seculum, o Jehova, verbum tuum con-
sistit in cœlis:

- 90 In unaquaque generatione fides tua: quum stateres terram, illam constabat.
- 91 Ad judicia tua perstant hodie, quia illa omnia *sunt* servi tui.
- 92 Nisi lex tua *esset* omnis oblectatio mea, jam diu periissem in afflictione mea.
- 93 In seculum non obliviscar mandatorum tuorum: nam illis vivum conservas me.
- 94 Tuus sum, conserva me; quia mandata tua quæro.
- 95 Me exspectantibus improbis ad perdendum me, testimonia tua considero:
- 96 Omni perfectioni video esse finem: latum *vero esse* mandatum tuum valde.
- 97 ¶ Quam diligo legem tuam! toto die est meditatio mea.
- 98 Inimicis meis sapientiores me reddit præceptis tuis: nam in seculum adest mihi.
- 99 Omnibus doctoribus meis intelligentior fio, quia testimonia tua meditatio mea *sunt*.
- 100 Senibus prudentior sum, quia mandata tua custodio.
- 101 Ab omni semita mali cohibeo pedes meos, ut observem verbum tuum.
- 102 A judiciis tuis non recedo, quia tu doces me.
- 103 Quam suavia sunt palato meo *judicia* sermonis tui! suaviora melle ori meo.
- 104 Mandatis tuis prudens sum: idcirco odi omnem semitam falsitatis.
- 105 ¶ Lucerna pedi meo verbum tuum *est*, et lux itineri meo.
- 106 Juravi quod præstabo, me observaturum jura justitiæ tuæ.
- 107 Afflictus sum admodum: Jehova, vivum conserva me secundum verbum tuum.

108 Voluntarias oblationes oris mei accepta, quæso, Jehova; et jura tua doce me.

109 Anima mea in manu mea jugiter *versante*, tamen legis tuæ non obliviscor:

110 Ponentibus improbis laqueum mihi, a mandatis tuis non aberro.

111 Possideo testimonia tua in seculum: quia gaudium animi mei sunt.

112 Inclino animum meum ad faciendum statuta tua; in seculum, *in finem usque*.

113 ☩ Cogitationes *alias* odi, legem autem tuam diligo.

114 Latebra mea et scutum meum es, in verbo tuo expectationem habeo.

115 Recedite a me, malefici, ut custodiam præcepta Dei mei.

116 Sustenta me secundum sermonem tuum, ut vivam; neque pudefacias me ab expectatione mea.

117 Suffulci me, ut salvus sim et respiciam ad statuta tua jugiter.

118 Conculcas omnes errantes a statutis tuis: quia falsus *est* dolus eorum.

119 *Tanquam* scorix, facis, ut cessent omnes improbi terræ; idcirco diligo testimonia tua.

120 Horret pavore tui caro mea: adeo a judiciis tuis timeo.

121 ☩ Exerceo iudicium et justitiam: ne permittas me oppressoribus meis.

122 Obi vadimonium pro servo tuo in bonum; ne opprimant me superbi.

123 Oculi mei consumuntur *desiderio* salutis tuæ, et sermonis justi tui.

124 Fac erga servum tuum secundum benignitatem tuam, et statuta tua doce me.

- 125 Servus tuus sum, prudentem me redde; ut cognoscam testimonia tua.
- 126 Tempus est, ut faciat Jehova; irritam faciunt legem tuam.
- 127 Propterea amplius diligo præcepta tua, quam aurum, et *quidem* aurum purgatissimum:
- 128 Propterea *quod* omnia mandata de omnibus recta agnosco, omnem semitam falsitatis odi.
- 129 **¶** Mirabilia *sunt* testimonia tua: idcirco custodit ea anima mea.
- 130 Aditus verborum tuorum illuminat, prudentia instruit simplices.
- 131 Os meum distendo et anhele: quia præceptorum tuorum cupidus sum.
- 132 Respice ad me, et gratiam fac mihi; prout *est* jus erga amantes nomen tuum.
- 133 Pedes meos institue in sermone tuo, et ne sinas dominari in me ullam iniquitatem.
- 134 Redime me ab oppressione hominum, ut observem mandata tua.
- 135 Fac ut præluceat facies tua servo tuo, et doce me statuta tua.
- 136 Rivi aquarum descendunt *ex* oculis meis, propter *eos qui* non observant legem tuam.
- 137 **¶** Justus es, Jehova, et rectus judiciis tuis.
- 138 Præcepisti justa testimonia tua, et fidelia valde.
- 139 Conficit me zelus meus, quod obliviscantur verbi tui hostes mei.
- 140 Purgatus *est* sermo tuus valde; quapropter servus tuus diligit ipsum:
- 141 Parvus ego et contemptus, mandatorum tuorum non obliviscor,
- 142 Justitiæ tuæ, justitiæ perpetuæ, et legis tuæ veracis.

- 143 Oppressione et angustia obvenientibus mihi, praecepta tua *sunt* oblectationes meae.
- 144 Justitia testimoniorum tuorum *est* in seculum: prudentem me effice, ut vivam.
- 145 Ꝁ Invocantem ex toto animo exaudi me, Jehova, *ut* statuta tua custodiam.
- 146 Invocantem te serva me, *ut* observem testimonia tua.
- 147 Veniens ante *te* in ipso crepusculo, ut vociferer; in verbo tuo spem habeo.
- 148 Præveniunt oculi mei excubias, ad meditandum de sermone tuo.
- 149 Voci meae ausculta secundum benignitatem tuam, Jehova: secundum judicia tua vivum conserva me.
- 150 Appropinquantibus sectatoribus sceleris, *qui* a lege tua longe absunt;
- 151 Propinquus es, Jehova, et omnia praecepta tua *sunt* veritas.
- 152 Pridem novi de testimoniis tuis, te in seculum fundasse ea.
- 153 Ꝁ Respice afflictionem meam, et libera me; quia legis tuæ non obliviscor.
- 154 Suscipe causam meam, et vindica me; pro sermone tuo vivum conserva me.
- 155 *Ita ut* procul sit ab improbis salus; quia statuta tua non quærunt:
- 156 Miserationes tuæ amplæ *sunt*, Jehova; secundum judicia tua vivum conserva me.
- 157 Ut multi sint persequentes me et hostes mei, a testimoniis tuis non declino.
- 158 Simul ac video perfide agentes, fastidio me ipsum torqueo, quod sermonem tuum non observent.
- 159 Vide me mandata tua diligere, Jehova; secundum benignitatem tuam vivum conserva me.

160 Præstantissimum verbum tuum *est* ipsa veritas:
et in seculum *est* quodque iudicium justum tuum.

161 𐤒 Principibus persequentibus me immerito, a
verbo tuo pavet animus meus.

162 Gaudeo de sermone tuo ut qui invenit prædam
amplam:

163 Falsitatem odi et abominor, legem tuam di-
ligo.

164 Septies quotidie laudo te, de judiciis justis tuis:

165 Pacem multam esse diligentibus legem tuam,
neque esse eis offendiculum.

166 Exspecto salutem tuam, Jehova, et præcepta
tua facio.

167 Observat anima mea testimonia tua, diligoque
ea valde.

168 Observo mandata tua ac testimonia tua; quia
omnes viæ meæ coram te sunt.

169 𐤒 Appropinquet clamor meus ante faciem
tuam, Jehova; secundum verbum tuum pruden-
tem redde me.

170 Perveniat deprecatio mea ante faciem tuam, se-
cundum sermonem tuum eripe me.

171 Eructabunt labia mea laudem, quum docueris
me statuta tua.

172 Cantabit lingua mea sermonem tuum, omnia
præcepta tua justissima esse.

173 Adsit manus tua ad auxiliandum mihi; quia
mandata tua eligo.

174 Desidero salutem tuam, Jehova, et lex tua *est*
omnis oblectatio mea.

175 Vivat anima mea, ut laudet te; et judicia tua
auxilientur mihi.

176 Erro ut pecus, quæ perit; require servum tu-
um: nam præceptorum tuorum non obliviscor.

CXX.

Canticum excellentissimum.

- 1 AD Jehovam in maxima angustia mea clamavi, et exaudivit me.
- 2 Jehova, eripe me a labio falso, a lingua dolosa.
- 3 Quid datura est tibi, quidve adjectura tibi lingua dolosa?
- 4 *Verba similia* sagittis robusti acutis, comparanda prunis juniperorum?
- 5 Hei mihi, quia peregrinor tam diu, habito tanquam scenitæ Kedareni!
- 6 Plurimum habitasse videtur sibi anima mea apud osorem pacis.
- 7 Ego pacem *diligo*: at quum loquor, ipsi ad bellum *conclamant*.

CXXI.

Canticum excellentissimum.

- 1 ATTOLLEREM oculos meos ad istos montes? unde veniret auxilium meum?
- 2 Auxilium meum *sit* a Jehova, qui fecit cœlos et terram.
- 3 Ne permittat dimoveri pedem tuum, ne dormitet custos tuus.
- 4 Ecce, non dormitat neque dormit custos Israelis.
- 5 Jehova custos tuus; Jehova umbra tua *est* ad manum dexteram tuam.
- 6 Interdiu sol non percutiet te, aut luna noctu.
- 7 Jehova servabit te ab omni malo, servabit animam tuam.
- 8 Jehova servabit processum tuum et reditum tuum, ex hoc tempore usque in seculum.

CXXII.

Canticum excellentissimum Davidis.

- 1 LÆTOR de eo, quod dicitur mihi, domum Jehovæ adeamus:
- 2 *Quod* consistunt pedes nostri intra portas vestras, o Hierosolyma.
- 3 Hierosolyma, optime constructa civitas, quæ plane coagmentata est inter se pariter:
- 4 Quo ascendunt tribus; tribus Jah, *ad* testimonium Israelitarum, ut celebrent nomen Jehovæ:
- 5 Quia ibi consident throni juris, throni domus Davidis.
- 6 Expetite pacem Hierosolymorum, *dicentes*, Tranquilli sint amantes tui.
- 7 Sit pax in præmunitione tua, tranquillitas in palatiis tuis.
- 8 Propter fratres meos et amicos meos eloquor nunc, Pax *sit* in te!
- 9 Propter domum Jehovæ, Dei nostri, procurabo bonum tibi.

CXXIII.

Canticum excellentissimum.

- 1 AD te attollo oculos meos, o *tu*, qui sedes in cœlis.
- 2 Ecce, ut oculi servorum *spectant* ad manum dominorum suorum, ut oculi ancillæ ad manum heræ suæ; ita oculi nostri ad Jehovam Deum nostrum, donec gratiam fecerit nobis.
- 3 Gratiam fac nobis, Jehova, gratiam fac nobis; quia satis *est*, saturi sumus contemptu.
- 4 Plurimum saturata est anima nostra: ista sanna tranquillis ipsis, iste contemptus *obveniat* superbis.

CXXIV.

Canticum excellentissimum Davidis.

- 1 NISI Jehova adfuisset nobis, dicat nunc Israel.
- 2 Nisi Jehova adfuisset nobis, quum insurgerent contra nos homines;
- 3 Tunc vivos absorbuissent nos, exardescente ira eorum in nos:
- 4 Tunc illæ aquæ inundassent nos, torrens superavisset nos:
- 5 Tunc superavisset nos *torrens* aquæ superbissimæ.
- 6 Benedictus Jehova, qui non exposuit nos prædæ dentibus eorum.
- 7 Anima nostra ut avicula erepta est a laqueo aucupantium, laqueo effracto nos erepti sumus.
- 8 Auxilium nostrum in nomine Jehovæ, qui fecit cœlos et terram.

CXXV.

Canticum excellentissimum.

- 1 QUI confidunt Jehovæ, similes *sunt* monti Zionis: *qui* non dimovetur, in seculum permanet.
- 2 *Ut* Hierosolyma montes circumstant, ita Jehova circumstat populum suum; ex hoc tempore usque in seculum.
- 3 Nam non quiescit virga improbitatis super sortem justorum; ut non extendant justi ad ullam iniquitatem manus suas.
- 4 Benefac, Jehova, bonis et rectis ex animis suis:
- 5 Qui autem inclinant *animos suos* ad *itiner*a tortuosa sua, amandet eos Jehova cum iis, qui dant operam iniquitati: *pax sit* super Israellem!

CXXVI.

Canticum excellentissimum.

- 1 QUUM reduceret Jehova multitudinem captivorum Zionis, eramus velut qui somniant.
- 2 Tunc impletum est risu os nostrum, et lingua nostra cantu; tum dictum est inter gentes, Magnifica Jehova efficit *opera* erga istos.
- 3 Magnifica Jehova efficit erga nos; sumus læti.
- 4 Reduc, Jehova, multitudinem captivorum nostrorum; tanquam validissimas *aquas reducens* in regionem siccam.
- 5 Qui seminarunt cum lacrymis, cum cantu metant.
- 6 *Qui* portans acquisitum semen indesinenter ibat flendo; *is* omnino redeat cum cantu, reportans manipulos suos.

CXXVII.

Canticum excellentissimum pro Salomone.

- 1 NISI Jehova ædificet domum, frustra laborent ædificatores ejus de ea: nisi Jehova custodiat civitatem, frustra sedulus sit custos:
- 2 Frustra *sint* vobis, qui summo diluculo surgant, qui tarde sedeant, qui vescantur cibo dolorum: ita dat dilecto suo somnum!
- 3 Ecce, possessio Jehovæ *sunt* filii: merces *est* fructus ventris.
- 4 Ut sagittæ ad manum robusti, ita sunt pueri.
- 5 Beatus vir ille, qui impleverit pharetram suam illis: non erubescit, sed periment inimicos in porta ipsorum.

CXXVIII.

Canticum excellentissimum.

- 1 BEATUS quisque timens Jehovæ, qui ambulat in viis ejus.

- 2 Labore enim manuum tuarum frueris: beatus eris, et bene erit tibi.
- 3 Uxor tua ut vitis fructifera ad latera domus tuæ, filii tui ut plantæ olearum circumstabunt mensam tuam.
- 4 Ecce, quum ita benedicatur vir timens Jehovæ!
- 5 Benedicit tibi, Jehova e Zione: fruire igitur bono Hierosolymorum omnibus diebus vitæ tuæ,
- 6 Et respice natos filiis tuis: pax *est* super Israellem!

CXXIX.

Canticum excellentissimum.

- 1 MULTUM affecerunt me angustiis inde a pueritia mea, dicat nunc Israel,
- 2 Multum affecerunt me angustiis inde a pueritia mea; etiam non prævaluerunt mihi.
- 3 Super tergum meum araverunt aratores, producerunt quamque strigarum suarum.
- 4 Jehova justus truncavit densos funes improborum.
- 5 Erubescēt et agentur retrorsum omnes osōres Zionis.
- 6 Erunt tanquam fœnum tectorum, quod antequam exseratur *falx*, exaruit.
- 7 Quo non implet manum suam messor; aut laceratum suum, qui manipulos facit:
- 8 Neque dicent, qui transeunt, Benedictio Jehovæ adsit vobis, benedicimus vobis in nomine Jehovæ.

CXXX.

Canticum excellentissimum.

- 1 Ex profunditatibus inclamavi te, Jehova, *dicens*:

- 2 Domine, ausculta voci meæ: sint aures tuæ intentæ ad vocem deprecationum mearum.
- 3 Si iniquitates observaveris, Jah, Domine, quis possit consistere?
- 4 Nam apud te *est* condonatio, ut reverenter colaris.
- 5 Expectavi Jehovam, expectavit anima mea: etiam in verbo ejus expectationem habeo.
- 6 Animus meus erga Dominum *studiosior est*, quam excubiarum erga matutinum, excubantium ad matutinum usque.
- 7 Expectationem habeat Israel in Jehova: quia apud Jehovam *est* benignitas et plurimum apud eum redemptionis:
- 8 Et ipse redimet Israelem ab omnibus iniquitatibus ejus.

CXXXI.

Canticum excellentissimum Davidis.

- 1 JEHOVA, non fuit altus animus meus, neque elati oculi mei; ac non aggressus sum *res* magnas aut arduas supra quam conveniat mihi.
- 2 An non composui et sedavi animum meum, similis depulso a lacte apud matrem suam? similis depulso a lacte apud me *fuit* animus meus.
- 3 Expectationem habeat Israel in Jehova, ex hoc tempore usque in seculum.

CXXXII.

Canticum excellentissimum.

- 1 MEMOR esto, Jehova, Davidis cum tota afflictione ejus:
- 2 Jurasse Jehovæ, vovisse amplissimo Deo Jacobi, *dicendo*,

- 3 *Dispeream*, si ingrediar tentorium domus meæ, si conscendam spondam stratorum meorum;
- 4 Si dem somnum *suum* oculis meis, palpebris meis dormitationem:
- 5 Donec invenero locum pro Jehova, *locum* tabernaculorum pro amplissimo *Deo* Jacobi.
- 6 Ecce, audivimus eam *fuisse* in Ephrathæa regione, inveneramus eam in agris Jaharis.
- 7 Accedimus ad tabernacula ejus; incurvamus nos *honorem exhibentes* ante scabellum pedum ejus.
- 8 Surge, Jehova, aditurus requiem tuam, tu et arca roboris tui:
- 9 Sacerdotes tui induantur justitia, et quos benigne accipis, cantent.
- 10 Propter Davidem servum tuum, ne avertas faciem uncti tui.
- 11 Juravit Jehova Davidi veritatem, a qua non avertet se, *dicens*, De fructu ventris tui ponam in solio tuo.
- 12 Si observaverint filii tui fœdus meum et testimonia mea singula, quæ docebo eos, etiam filii illorum usque in sempiternum sessuri sunt in solio tuo.
- 13 Nam elegit Jehova Zionem, expetivit pro habitatione sua, *dicens*,
- 14 Hæc est requies mea usque in sempiternum; hic habitaturus sum, quia hoc expetiveram.
- 15 Viatico ejus affatim benedicam, egentes ejus saturabo cibo:
- 16 Sacerdotesque ejus induam salute, et quos in ea benigne accipio, omnino cantabunt *illi*.
- 17 Ibi efficiam, ut germinet cornu Davidis, *ubi* aptavi lucernam uncto meo.

- 18 Inimicos ejus induam pudore: super ipsum vero florebit coronamentum ejus.

CXXXIII.

Canticum excellentissimum Davidis.

- 1 ECCE, quam bonum et quam amœnum *est*, habitare fratres etiam una.
2 *Est* ut unguentum illud optimum superfusum capiti, descendens super barbam, barbam Aaronis; quod descendit usque ad oram vestium ejus.
3 Ut ros Hermonis, *ut* qui descendit super montes Zionis: nam illic mandat Jehova benedictionem suam, vitam usque in seculum.

CXXXIV.

Canticum excellentissimum.

- 1 ECCE, benedicite Jehovæ, omnes servi Jehovæ; qui perstatis in domo Jehovæ singulis noctibus.
2 Attollite manus vestras sancte, et benedicite Jehovæ.
3 Benedicet tibi Jehova e Zione, qui fecit cœlos et terram.

CXXXV.

- 1 HALLELU-JAH!
Laudate nomen Jehovæ; laudate, servi Jehovæ:
2 Qui statis in domo Jehovæ, in atriis domus Dei nostri.
3 Laudate Jah; quia bonus *est* Jehova: psallite nomini ejus, quia amœnum *est*:
4 Quia Jacobum sibi elegit Jah, Israellem in peculium suum.

- 5 Nam ego novi magnum esse Jehovah, et
Dominum nostrum superiorem omnibus diis.
- 6 Quicquid placet sibi, Jehova facit, in coelis ac
in terra, per maria et omnes abyssos.
- 7 Faciens ut ascendant vapores ab extremitate
terræ; fulgura cum pluvia facit, depromit ven-
tum e thesauris suis.
- 8 Qui percussit primogenita Ægypti, tam homi-
num quam jumentorum:
- 9 *Quum* immisisset signa et prodigia in medium
tui, Ægypte; contra Pharaonem et contra om-
nes servos ejus.
- 10 Qui percussit gentes amplas, et interfecit reges
robustos:
- 11 Sichonem, regem Emoræorum; et Hogum, regem
Basanis; omniaque regna Canaanæorum.
- 12 Et dedit terram eorum possessionem, possessio-
nem Israeli, populo suo.
- 13 O Jehova, nomen tuum *est* in seculum; Je-
hova, memoria tui in quamque generationem.
- 14 *Quod* si judicat Jehova populum suum, mox de
servis suis poenitet ipsum.
- 15 Terriculis gentium argenteis et aureis, operi
manuum humanarum,
- 16 Os illis *est*, sed non loquuntur; oculi *sunt*
illis, sed non vident:
- 17 Aures *sunt* illis, sed non audiunt; etiam nullus
spiritus in ore illorum.
- 18 Similes illis futuri sunt, qui faciunt illa, quis-
quis confidit illis.
- 19 Domus Israelis, benedicite Jehovah; domus
Aaronis, benedicite Jehovah:
- 20 Domus Leviticæ *tribus*, benedicite Jehovah: ti-
mentes Jehovah, benedicite Jehovah, *dicendo*:

21 Benedictus *sit* Jehova e Zione, inhabitans Hierosolymis.

HALLELU-JAH!

CXXXVI.

- 1 CELEBRATE Jehovam, quia bonus *est*, quia in seculum *est* benignitas ejus.
- 2 Celebrate Deum Deorum; quia in seculum *est* benignitas ejus.
- 3 Celebrate Dominum dominorum; quia in seculum *est* benignitas ejus:
- 4 Eum, qui facit mirabilia opera magna solus; quia in seculum *est* benignitas ejus:
- 5 Qui fecit cœlos intelligentia; quia in seculum *est* benignitas ejus:
- 6 Qui expandit terram super aquas; quia in seculum *est* benignitas ejus:
- 7 Qui fecit lumina magna; quia in seculum *est* benignitas ejus:
- 8 Solem ad dominium *obtinendum* interdiu; quia in seculum *est* benignitas ejus:
- 9 Lunam cum stellis ad dominia *obtinenda* noctu; quia in seculum *est* benignitas ejus:
- 10 Qui percussit Ægyptios in primogenitis illorum; quia in seculum *est* benignitas ejus:
- 11 Et eduxit Israelem e medio illorum; quia in seculum *est* benignitas ejus:
- 12 Manu robusta et brachio extento; quia in seculum *est* benignitas ejus:
- 13 Qui secuit mare algosum in segmenta; quia in seculum *est* benignitas ejus:
- 14 Et transmisit Israelem per medium illius; quia in seculum *est* benignitas ejus:
- 15 Excussitque Pharaonem et copias illius in mare algosum; quia in seculum *est* benignitas ejus:

- 16 Qui duxit populum suum per desertum; quia in seculum *est* benignitas ejus:
17 Qui percussit reges magnos; quia in seculum *est* benignitas ejus:
18 Et interfecit reges magnificos; quia in seculum *est* benignitas ejus:
19 Sichonem, regem Emoræorum; quia in seculum *est* benignitas ejus:
20 Et Hogum, regem Basanis; quia in seculum *est* benignitas ejus:
21 Deditque terram istorum in possessionem; quia in seculum *est* benignitas ejus:
22 Possessionem Israeli, servo suo; quia in seculum *est* benignitas ejus:
23 Qui in abjectione nostra recordatur nostri; quia in seculum *est* benignitas ejus:
24 Et asserit nos ab hostibus nostris; quia in seculum *est* benignitas ejus:
25 Qui dat cibum omni carni; quia in seculum *est* benignitas ejus:
26 Celebrate *Deum* fortem cœlorum; quia in seculum *est* benignitas ejus.

CXXXVII.

- 1 AD flumina Babylonix, ibi sedentes etiam *atque etiam* flevimus, quum recordaremur Zionis:
2 Ad salices in ea, suspendimus citharas nostras:
3 Quamvis ibidem peterent a nobis cantiones lætas, qui captivos abducebant nos, et qui contumulabant nos; *dicentes*, Canite nobis de canticis Zionis.
4 Quomodo fuissetis cantaturi canticum Jehovæ in solo alienigenarum?
5 Si obliviscar vestri, o Hierosolyma, obliviscatur *sui* dextera mea.

- 6 Adhæreat lingua mea palato meo, si non recorder tui, si non eveham Hierosolyma supra caput lætitiæ meæ.
- 7 Recordare, Jehova, contra Edomæos diei Hierosolymæ: qui dicebant, Nudate, nudate, quantisper fundamentum ejus *erit* in ea.
- 8 Gens Babylonica vastanda, beatus *sit*, qui re- pendet tibi maleficium tuum, quo affecisti nos!
- 9 Beatus, quiprehendet et dissipabit parvulos tuos *allidens* ad petram!

CXXXVIII.

Ode Davidis.

- 1 CELEBRABO te ex toto animo meo, coram po- testatibus psallam tibi.
- 2 Incurvabo me *honorem exhibens* versus templum sanctitatis tuæ, et celebrabo nomen tuum, propter benignitatem tuam et propter fidem tuam: quia magnificas cum toto nomine tuo sermonem tuum.
- 3 Quo die clamavi, eodem exaudivisti me: fecisti ut efferret me animo meo robur.
- 4 Celebrabunt te, Jehova, omnes reges terræ; quum audierint sermones oris tui:
- 5 Et canent de viis Jehovæ, magnam esse glo- riam Jehovæ:
- 6 Quamvis elatus sit Jehova, tamen depressum aspicere; quamvis altus, e longinquo pernoscere.
- 7 Si ambulo in media angustia, vivum conservas me: in faciem inimicorum meorum extendis ma- num tuam; et servat me dextera tua.
- 8 Jehova perficiat pro me: Jehova, benignitas tua in seculum *est*; ab operibus manuum tuarum ne desistas.

CXXXIX.

Magistro symphonie Davidis psalmus.

- 1 JEHOVA, pervestigas me et cognoscis.
- 2 Tu cognoscis sedere meum et surgere meum, intelligis cogitationem meam e longinquo.
- 3 Iter meum et accubitus meum circumplecteris, et omnium viarum mearum peritus es:
- 4 Quum nondum *est* sermo in lingua mea; en, o Jehova, nosti ipsum totum;
- 5 Retro et ante obsides me, et imponis mihi manum tuam.
- 6 Mirabilior *est* scientia tua, quam ut fallam: edita est, non possum prævalere illi.
- 7 Quo irem a spiritu tuo? aut quo a facie tua fugerem?
- 8 Si scanderem cœlos, illic es; aut stratum ponerem in sepulchro, ecce, ades.
- 9 Si assumerem alas auroræ, habitaturus in extremitate maris;
- 10 Etiam illuc manus tua deduceret me, et prenderet me dextera tua.
- 11 *Sin* autem dicerem, Utique tenebræ velut crepusculo obvolvent me: atqui nox lux *est* circa me:
- 12 Ne tenebræ quidem ita obtenebrare possunt, quin tu pervideas: sed nox ut dies illustrat, perinde *sunt* tenebræ atque ipsa lux.
- 13 Tu enim possides renes meos, *ex quo* obtegebas me in utero matris meæ.
- 14 Celebro te, eo quod suspiciendis *operibus istis* in admirationem traducor: *celebro* mirabilia opera tua, quam maxime novit animus meus.
- 15 Non celata *est* vis mea tibi, *ex quo* factus sum in abdito, artificiose confectus, *velut* in imis partibus terræ.

- 16 Massam meam vident oculi tui, et in libro tuo hæc omnia scripta sunt; *ex quibus* diebus formabantur, quum nondum ullum ex eis *exstaret*.
- 17 Quamobrem apud me, o quam pretiosæ sunt cogitationes tuæ; o *Deus* fortis, quam numerosæ sunt summæ earum!
- 18 Narrarem illas, *sed* arena plures sunt: invigilo, ut adhuc sim tecum.
- 19 *Quod* si interempturus es, o *Deus*, improbum et viros sanguinarios, *dicendo*, Recedite a me!
- 20 Qui obloquuntur tibi scelerate; *qui* extollunt vane inimicos tuos.
- 21 An non osores tuos, o *Jehova*, odio habeo? et de insurgentibus in te fastidio me ipsum torqueo?
- 22 Perfecto odio odi illos! inimicorum loco sunt mihi!
- 23 Pervestiga me *Deus* fortis, et cognosce animum meum; proba me, et cognosce cogitationes meas.
- 24 Denique vide, an ego ingrediar via molesta tibi: et deduc me via perpetua.

CXL.

Magistro symphonix psalmus Davidis.

- 2 LIBERA me, *Jehova*, ab hominibus malis; a viris violentissimis custodi me:
- 3 Qui cogitant mala cum animo, quotidie conveniunt *ad* bella:
- 4 Exacuunt linguam suam similem serpentis, venenum pyados subest labiis eorum maxime.
- 5 Serva me, *Jehova*, a manibus improborum; a viris violentissimis custodi me, qui cogitant impellere pedes meos.

- 6 Abscondentibus superbis laqueum mihi funesque, pendentibus rete ad orbitam, tendiculas ponentibus mihi maxime;
- 7 Dixi Jehovæ, *Deus* fortis meus es: auribus percipe, Jehova, vocem deprecationum mearum!
- 8 Jehova Domine, robur salutis meæ, obtexisti caput meum tempore pugnae.
- 9 Ne concedas, Jehova, quæ concupit improbus; sceleratam cogitationem ejus ne provehas; efferrent se maxime.
- 10 Venenum circumdantium me, molestia labiorum ipsorum obtegit eos.
- 11 Demittantur super eos prunæ; in ignem dejiciat eos, in scrobes, *unde* non surgant.
- 12 Vir maledicus ne stabiliatur in terra; viri *dediti* violentiæ, malum venando impellat ipsum *variis* impulsionebus.
- 13 Novi acturum esse Jehovam causam afflicti, jus egentium.
- 14 Utique justī celebrabunt nomen tuum; considerabunt recti in conspectu tuo.

CXLI.

Psalmus Davidis.

- 1 O Jehova, inclamo te, festina ad me; auribus percipe vocem meam, quum invoco te.
- 2 Statuatur oratio mea *ut* suffitus coram te; elatio manuum mearum *ut* munus vespertinum.
- 3 Compone, Jehova, observa os meum; custodiens *moderare*, quicquid efferunt labia mea.
- 4 Ne sinas inclinari animum meum ad rem malam, ad agitandum actiones per improbitatem cum strenuis operam dantibus iniquitati: etiam ne inescer rebus amœnis eorum.

- 5 Retundat me justus, benignitas *erit*; et corripiat me, unguentum *erit* præstantissimum; ne irritum faciat a capite meo: quo amplius *fecerit*, eo *amplius* oratio mea *erit* in malis eorum.
- 6 At dimovent se per latera petrarum iudices istorum, quamvis intelligant sermones meos amœnos esse.
- 7 Quasi dissecaret quis et diffinderet in terra, disperguntur ossa nostra, *trudenda* in os sepulchri.
- 8 Quum ad te, Jehova, Domine, *respiciant* oculi mei, ad te recipiam me, ne nudes animam meam.
- 9 Serva me a laqueo, *quem* tetenderunt mihi; et tendiculis eorum, qui operam dant iniquitati.
- 10 Cadant in retia jacula *quisque* sua improbi una; ego dum transiturus sum.

CXLII.

*Ode didascalica Davidis, quum esset in spelunca;
oratio.*

- 2 VOCE mea ad Jehovam clamo: voce mea apud Jehovam deprecor.
- 3 Effundo coram eo meditationem meam, angustiam meam coram eo indico.
- 4 Quum obrueret se in me spiritus meus, toties tu agnovisti semitam meam: *quum*, quocunque itinere pergerem, abderent laqueum mihi.
- 5 Intuere *ad* dexteram et respice *ad sinistram*, ut non *est* mihi, qui recognoscat *me*: perii effugium a me, non *est* qui curet vitam meam.
- 6 Clamo ad te, Jehova, dicens, Tu *es* receptus meus, portio mea in terra viventium.

- 7 Attende ad clamorem meum, nam attenuatus sum valde; eripe me a persequentibus me, quia fortiores sunt me.
- 8 Educ e claustro vitam meam ad celebrandum nomen tuum; me cingent justi, quum beneficium contuleris in me.

CXLIII.

Psalmus Davidis.

- 1 O Jehova, audi orationem meam, aures adhibe ad deprecationes meas; pro fide tua exaudi me, pro justitia tua.
- 2 At ne congrediariis iudicio cum servo tuo; nam non esset justus coram te ullus vivens.
- 3 Persequitur enim inimicus animam meam: atterit *dejiciens* in terram catervam meam: facit ut resideam in tenebricosis *locis*; *sumus* quasi mortui olim:
- 4 Adeo ut obruat se in me spiritus meus; in medio mei desolatus videatur sibi animus meus.
- 5 Recordans dierum priscorum, meditans totum opus tuum, factum manuum tuarum recolens,
- 6 Pando manus meas ad te, anima mea ut terra fessa *sitiente* tui maxime:
- 7 *Dicens*, Festina, exaudi me, Jehova, consumitur spiritus meus; ne abscondas faciem tuam a me, nam consimilis fio descendentibus in sepulchrum.
- 8 Fac ut audiam mane benignitatem tuam, quia in te fiduciam habeo: notam fac mihi viam, qua ambulaturus sum, quia ad te attollo animum meum.
- 9 Eripe me ab inimicis meis, Jehova: apud te tectum contineo *illum*.

- 10 Doce me facere placitum tuum, quia tu Deus meus *es*; tuo spiritu bono deduc me per terram planam.
- 11 Propter nomen tuum, Jehova, vivum conserva me: propter justitiam tuam educ ex angustia animam meam:
- 12 Et propter benignitatem tuam exscinde inimicos meos, perdens omnes affligentes animam meam quia ego *sum* servus tuus.

CXLIV.

Ode Davidis.

- 1 BENEDICTUS *sit* Jehova, rupes mea, qui docet manus meas prælium, digitos meos bellum:
- 2 Benignitas mea et propugnaculum meum, editus locus meus et liberator meus, *assistens* mihi, scutum meum; ad quem me recipio, qui substernit populum meum mihi.
- 3 Jehova, quid *est* homo, ut agnoscas eum? filius mortalis, ut rationem habeas ejus?
- 4 Homo vanitati similis *est*, dies ejus *sunt* ut umbra prætereuntis.
- 5 Jehova, inclina coelos tuos et descende: tange istos montes, et fument:
- 6 Immitte fulgur et disperge eos; emitte sagittas tuas et funde eos:
- 7 Extende manum tuam ex alto; libera me et eripe me ex aquis multis, e manu alienigenarum,
- 8 Quorum os loquitur vanum, et quorum dextera *est* dextera falsitatis.
- 9 Deus, canticum novum canam tibi; nablio, decachordo psallam tibi:

- 10 Danti salutem regibus, liberanti Davidem servum suum a gladio malefico.
- 11 Libera me, et eripe me e manu alienigenarum, quorum os loquitur vanum, et quorum dextera *est* dextera falsitatis.
- 12 Ut filii nostri tanquam plantæ bene educatæ in tenera ætate sua, filiæque nostræ sicut antarii lapides excisi *sint* structura templi:
- 13 Promptuaria nostra plena proferant jube alimentum: pecudes nostræ millenis pariant, myriadibus auctæ *sint* in cortibus nostris:
- 14 Bovesque nostri præpingues: nulla irruptio, nullaque eruptio; denique nulla *sit* querela in plateis nostris.
- 15 Beatus ille populus, cui ita *est*; beatus *ergo* populus, cujus Jehova *est* Deus.

CXLV.

Laudatio Davidis.

- 1 ✠ EXALTABO te, Deus mi, Rex; et benedicam nomini tuo in seculum et sempiternum:
- 2 ☩ Quotidie benedicam tibi, et laudabo nomen tuum in seculum et sempiternum:
- 3 ♀ Magnum esse Jehovam et laudandum valde, imo magnitudini ejus non esse pervestigationem.
- 4 ⚡ Generatio generationi laudibus commendet opera tua, prout *hæc* indicant omnimodam potentiam tuam.
- 5 ⚡ Et decorem gloriamque majestatis tuæ, et res mirabiles tuas elocuturus sum:
- 6 ♀ Et robur mirabilium tuorum operum prædicent, prout singula magna *gesta* tua enarraturus sum.
- 7 ⚡ Memoriam amplæ bonitatis tuæ eructent, et justitiam tuam cantent:

- 8 𐤀 Gratosum et misericordem Jehovah *esse*,
longanimem et magnum benignitate.
- 9 𐤁 Bonum esse Jehovah omnibus, et misericor-
diam ejus in omnibus operibus ejus.
- 10 𐤀 Celebrent te, Jehova, omnia opera tua; et quos
benignitate prosequeris, benedicant tibi.
- 11 𐤁 Gloriam regni tui prædicent, et potentiam tuam
eloquantur;
- 12 𐤂 Ut notas faciant filiis hominum potentias ejus,
et gloriam decoremque regni ejus.
- 13 𐤁 Regnum tuum regnum *est* omnium seculo-
rum; et dominium tuum in unam quamque gene-
rationem.
- 14 𐤁 Sustentat Jehova omnes cadentes, et erigit
omnes incurvatos.
- 15 𐤂 Oculi omnium ad te spectant; quibus tu das
escam suam tempore suo:
- 16 𐤁 Aperis manum tuam et saturas quicquid vivit,
ex beneplacito.
- 17 𐤂 Justus Jehova in omnibus viis suis *est*, et
benignus in omnibus operibus suis.
- 18 𐤀 Propinquus *est* Jehova omnibus invocantibus
ipsum, omnibus qui invocant ipsum fide.
- 19 𐤀 Placitum timentium se efficit, et vociferationem
eorum audiens salutem dat eis.
- 20 𐤁 Servat Jehova omnes amantes ipsum, omnes
vero improbos perdit.
- 21 𐤀 Laudationem Jehovahæ eloquatur os meum: et
benedicat omnis caro nomini sancto ejus, in se-
culum et sempiternum.

CXLVI.

- I HALLELU-JAH!
Lauda, anima mea, Jehovah.

- 2 Laudabo Jehovam in vita mea; psallam Deo meo, quamdiu futurus sum.
- 3 Ne fiduciam habetote in ingenuis, in *ullo* filio hominum; penes quem nulla *est* salus.
- 4 Exit spiritus ejus, revertitur in terram suam: die eodem pereunt cogitationes ejus.
- 5 Beatus, cui auxilio *est Deus* fortis Jacobi, cujus expectatio *est* in Jehova Deo suo:
- 6 Qui fecit cœlos et terram, mare et quicquid *est* in eis; qui servat fidem in seculum;
- 7 Qui exercet judicium erga oppressos, dat cibum famelicis: Jehova solvit vinctos:
- 8 Jehova aperit *oculos* cæcorum; Jehova erigit incurvatos, Jehova amat justos:
- 9 Jehova servat peregrinos, pupillum et viduam statuminat; viam vero improborum subvertit.
- 10 Regnabit Jehova in seculum: Deus tuus, o Zion, in unamquamque generationem.
HALLELU-JAH!

CXLVII.

- 1 LAUDATE Jah, quia bonum *est* psallere Deo nostro: quia amœnum *est*, decens *est* laudatio:
- 2 Ædificator Hierosolymæ Jehova, depulsos Israelitas congregat:
- 3 Qui sanat fractos animo, ac *velut* obligat in doloribus eorum:
- 4 Supputans numerum stellarum, quotquot sunt nominibus vocans.
- 5 Magnus *est* Dominus noster, et multus viribus; cujus intelligentia est innumerabilis.
- 6 Statuminat mansuetos Jehova, deprimit improbos in terram usque.

- 7 Acclamate Jehovæ gratiarum actione, psallite
Deo nostro cithara:
- 8 Qui obtegit cœlos densis nubibus, qui comparat
terræ pluviam, qui facit ut proferant montes
fœnum:
- 9 Dat jumentis cibum suum, pullis corvorum, qui
crocitant.
- 10 Non potentia equi delectatur, non crura præ-
stantis viri accipit;
- 11 *Sed* acceptos habet Jehova timentes sui, qui ex-
pectationem *suam* habent in benignitate ipsius.
- 12 Laudibus commendate, Hierosolyma, Jeho-
vam: lauda Deum tuum, o Zion. *
- 13 Nam confirmat vectes portarum tuarum, bene-
dicit filiis tuis in medio tui:
- 14 Disponens termino tuo pacem, adipe tritici
satiat te:
- 15 Quo emittente sermonem suum in terram, quam
celerrime excurrit verbum ejus:
- 16 Qui edit nivem sicut lanam, pruinam quasi ci-
nerem dispergit:
- 17 Dejicit gelu suum, tanquam frusta; coram fri-
gore ejus quis consistat?
- 18 Emittens verbum suum, liquefacit ista: simulac
efflat ventum suum, effluunt aquæ.
- 19 Indicat verba sua Jacobo, statuta sua et
jura sua Israeli.
- 20 Non fecit ita ulli genti; ideoque jura ista non
noverunt.

HALLELU-JAH!

CXLVIII.

I HALLELU-JAH!

Laudate Jehovam, cœlites; laudate eum in
excelsis.

- 2 Laudate eum, omnes angeli ejus; laudate eum, omnes exercitus ejus.
- 3 Laudate eum, sol et luna; laudate eum, omnes stellæ lucidæ.
- 4 Laudate eum, cœli cœlorum; et aquæ, quæ supra hoc cœlum *sunt*.
- 5 Laudent nomen Jehovæ, quæ ipso præcipiente illico creata sunt:
- 6 Quæ stabilivit in sempiternum, in seculum: *quibus* decretum dedit, quod nullum transgrediatur.
- 7 Laudate Jehovam, terrestria; cete et omnes abyssi:
- 8 Ignis et grando, nix et exhalatio: ventus turbineus efficiens verbum ejus:
- 9 Ipsi montes et omnes colles, arbores fructiferæ omnesque cedri:
- 10 Ipsæ bestię et omnia jumenta: reptilia et aves alatæ:
- 11 Reges terræ omnesque nationes, principes et omnes judices terræ:
- 12 Juvenes etiamque virgines, senes cum pueris:
- 13 Laudent nomen Jehovæ: quia editum *est* nomen ejus solius, decor ejus supra terram et cœlum:
- 14 Et effert cornu populi sui, laudem omnium quos benigne accipit Israelitarum, populi propinqui sibi.

HALLELU-JAH!

CXLIX.

I HALLELU-JAH!


- Cantate Jehovæ canticum novum; laudem ejus in congregatione eorum, quos benigne accipit.
- 2 Lætetur Israel in eo, qui fecit ipsum; filii Zionis exsultent in rege suo.

- 3 Laudent nomen ejus tibia, tympano et cithara psallant ei:
- 4 Quia benevolus *est* Jehova erga populum suum, ornat mansuetos salute.
- 5 Gestiant benigne accepti præ gloria, cantent in cubilibus suis:
- 6 Laudationes, exaltantes *Deum* fortem, in gutture suo; et gladium bipennem in manu sua *habentes*.
- 7 Ad exercendum vindictam in gentes, increpationes in nationibus:
- 8 Ad vinciendum reges eorum catenis, et honoratos eorum compedibus ferreis:
- 9 Ad exercendum in eos jus scriptum: *quod* decus est omnibus iis, quos benigne accipit.


HALLELU-JAH!

CL.


- 1 HALLELU-JAH!
Laudate *Deum* fortem de sanctitate ejus, laudate eum de expanso laudato ejus.
- 2 Laudate eum de omnimoda potentia ejus, laudate eum secundum amplitudinem maximam ejus.
- 3 Laudate eum clangore buccinæ, laudate eum nablio et cithara.
- 4 Laudate eum tympano et tibia, laudate eum hydraulis et organo.
- 5 Laudate eum cymbalis sonoris, laudate eum sistris.
- 6 Tota ipsa anima laudet Jah.
HALLELU-JAH!

















212
Хи 8

БУКИНИСТЪ В. КЛОЧКОВЪ
С. П. Б. ЛЕНТЕННЫЙ ПР. 55.
LIBRAIRE V. KLOTSCHKOFF
S. PETERSBOURG LITENNAJA 55.

LIBRARY OF CONGRESS



0 021 899 272 9